

沈雲龍教授主編

近代中國史料叢刊

第二十五輯

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月


近代中國史料叢刊

第二十五輯

目錄

王壯武公(鑫)遺集	年譜	稟牘	羅正鈞編
王壯武公(鑫)遺集	書札	王詩正編	王詩正編
王壯武公(鑫)遺集	家書	王詩正編	王詩正編
王壯武公(鑫)遺集	日記·雜著	王詩正編	王詩正編
劉武慎公(長佑)遺書	首卷	龍繼棟編	龍繼棟編
劉武慎公(長佑)遺書	奏稿	龍繼棟編	龍繼棟編
劉武慎公(長佑)遺書	奏稿	龍繼棟編	龍繼棟編
劉武慎公(長佑)遺書	稟牘	龍繼棟編	龍繼棟編
劉武慎公(長佑)遺書	尺牘·官書	龍繼棟編	龍繼棟編
劉武慎公(長佑)遺書	詩文遺事	龍繼棟編	龍繼棟編

王莊村心齋齋



王壯武公遺集敘

咸豐丁巳余偕劉武慎公圍攻臨江湘鄉王壯武公以援師來江日得相與過從不數月公連踏大敵臨吉垂克遽以勞疾隕於軍余與武慎慟大難之不欲遽平而如公剛明義烈之概世已不復覩也又三十年余復持節兩江公子萼農觀察適領軍江南始接輯公在軍遺書凡二十有四卷刊之江南屬爲敘迺得窺其本末蓋自粵寇肇亂吾鄉江忠烈公首倡鄉勇殺賊而湘軍繼之湘軍之興實始於公與羅忠節公咸豐四年羅公分領所部從曾文正公東征轉戰江鄂所向克捷羅公歿李忠武公續賓代之

以再破武昌攻下九江湘軍兵威震天下而公自岳州控
後獨以一軍專南防其時東南糜爛獨湖南號爲完善援
鄰之師四出海內皆倚以滅賊金田寇旣據有江甯兩粵
土寇如蝟毛而起日夜圖北出與合而湖南緣邊列縣被
陷新復人心動搖寇至則土匪響應公率千餘飢疲之眾
拊循教練崎嶇郴永萬山中所遇皆極兇悍之寇朝東而
暮西此滅則彼起孤危百戰經三數年卒以叵平羣寇不
復闌出湖南一步俾北援諸軍得以盡力征戰無有反顧
之虞迺世論公戰功者皆以援江竒捷十二爲軍興所罕
見則豈知公之保衛湖南其維繫之大功尤不可掩哉公

既歿後羅公所部旋燼於三河公一軍則偏裨分領之曾
文正公迺資以轉戰徽甯左文襄公亦用公部曲奏功閩
浙粵寇既滅而劉忠壯公松山復提所謂老湘軍者逐捻
寇於齊豫征叛回於陝甘後遂以西出嘉峪棱威天山拓
地萬里蓋以論一軍戰伐之偉近古所未嘗有也當粵寇
之初起也大郡名都相繼淪喪不數年流毒已半天下一
時謀臣良將望風氣沮者蓋不可勝計公以孤弱書生與
羅忠節公講學山中孑然無所資藉慷慨發憤於心奮起
田野率千百椎魯之夫志吞狂寇危苦拮据經挫辱而不
少悔終以戡定大難收眞儒之效於旦夕可不謂壯哉迺

迄今讀公遺書其用兵神武之略壹出於仁義中正而亦非有奇祕詭異令人所不能測者蓋天下之變無窮而制變之道各有本末方公與忠節公同起一隅豈料功之必成而爲之雖功之成不可必而終持此堅樸忠實之氣以盡吾之所得爲此則常勝之理也粵寇之事往矣天下隱憂方大世顧日炫於耳目之間見而遺所自立之本雖若公之所樹立於今日或已笑爲迂拙不足效而下焉者則徒恃虛囂一往之氣鼓空言以圖有濟其皆非智者所敢出也尊農善讀父書而有心得必能整軍經武爲國備緩急之用以繼先烈而光大之是公之遺書垂爲兵

法者實傳爲家法道存教立亦何患糾桓之選不能領會
耶尊農勉之矣光緒壬辰孟秋月新甯劉坤一敘

御製碑文

朕惟奏凱播中興之盛列籍薦功酬庸追盡瘁之誠受名
當實狼狽竟埽熊虎益彰始勒貞珉竝昭庸器爾晉贈布
政使司布政使記名道王鑫作忠資孝出武入文溯從險
失龍回烽生獅顧禦江淮之羣盜募荆楚之義軍四正四
奇隲精白馬三遇三克人憚黃騶臨郴水而誓師先規嶺
北控巴陵而置戍遠法湘東屈身簿尉之中拜命郡官之
長敗雖書於雍滋奮旋著夫澠池破嚴莊數萬師雲章屢
獎獻宗澤十三捷露布頻聞魚契懸而未及到官雁銜製
而仍思致果洩勝則山臨侯計專征則洞達仙源自告撤

琴憚聞嚴鼓漢世祖之悲賈復一將縈懷宋仁宗之錫劉
平兩言媿美謚之壯武著厥聲威於戲生承溫詔之褒揭
旗早旌其忠勇歿獲崇銜之錫署額更極夫榮哀特煥龍
綸永旌豹略軫予名將勛爾嗣臣

諭祭文

朕惟覃威江澳玉枹多楚澤之雄頒醲泉壚瓊學儼漢庭
之讌馨分俎豆績映旂常爾晉贈布政使司布政使記名
道王金奮蹟三湘騰聲四省德用出奇殺敵自立敵圖伏
威上募成軍先防里閭零陵洩策高駢未展之謀賀嶺植
標陶侃經行之壘揚戈擣穴過龍窖而風迴拔旆逐奔葦
鶴山而星隕始由長史洵擢監司殲強寇累百千復名城
逾二十丹書燦爛錫勇號於師中翠羽葳蕤荷殊榮於官
列準其偉望俾方岳之增班光呂崇祠待大烝之議祀彝
章頻考茂典有加賁澤琬筵勒文貞石於戲運扶日月待

肖貌於凌煙業翊雲雷知貫精於列宿桂椒薦馥蘭芷交
芬祭曰致誠靈其來享

諭祭文

朕惟純臣効力盡懷彰篤棐之忱盛典褒忠追薦重苾芬
之祀功已彰夫虔敵勤或至於忘軀爰念成勞用優卹典
爾記名道王鑫清才樹望經學起家當妖氛猖獗之餘有
懷投筆值國步艱難之日矢志從戎率勁旅而擣偏師已
文臣而精武略量沙退敵紓朝廷南服之憂扼險籌防任
鎖鑰北門之寄久宣勞於師旅晉秩則身繡榮膺屢著績
於湖湘奏凱則羽書捷報而邁兇鋒日肆壯志彌堅方期
籌策之紓遠染膏肓之瘁身先陷敵猶聞乘勝已前驅力
疾渡河尙冀善調而臥護豈謂膚功未遂空嗟馬革之還

三月五日
何期上將云亾莫展龍驤之略飾終逾格備極哀榮旣荷
先皇寵錫之恩允宜後世馨香之報用陳酒醴已慰精誠
於戲文武兼資覩旂常而卹舊始終不替歆鼎俎已如新
爾靈有知庶其來格

國史本傳

王鑫湖南湘鄉人咸豐三年粵匪竄擾湖南永州一帶鑫以生員防堵出力署巡撫潘鐸保奏以縣丞歸部卽選七月桂東永興等處土匪滋擾鑫奉檄馳赴大汾墟盤獲奸細盧元泮等三名供出逆匪屯聚竹坑因分路進攻悉數掃除適廣東樂昌土匪竄至興寧境內復由水路撲城鑫迎擊殺賊其夥生擒頭目奪獲器械多件復會同各路守卡兵勇殲擒多名興寧肅清湖南巡撫駱秉章以鑫倍道赴援尤爲奮勇奏保得旨以同知直隸州陞用先換頂帶并

賞戴藍翎四年三月龔規取岳州督勇由湘陰進攻遇賊杉木橋敗之毀其船十餘號沿途疊有斬獲遂克岳州旋以出境退剿賊乘機回竄官軍失利岳州復陷駱秉章劾其疏於防範

奏入

上以龔平素剿賊尙屬奮勉

革職留營效力四月克復湘潭十一月賊復竄偪永郴所屬各縣龔偕參將周雲耀等星馳赴援分道追討累戰皆捷圍盡解湘南南界次第肅清以功

開復原官并

賞換花翎五年正月會剿潛竄道州之賊陣斬
擒逆首歐玉況等七名復敗賊馬山生擒羅天
奪獲刀矛器械無算會另股賊匪自古城西嶺
富川龔偕周雲耀等各帶兵勇追剿疊獲勝仗
句合連州匪敗從龍虎關竄徧湖南漫山遍野
等卷甲疾趨奮勇衝殺斃賊二千餘并頭目多
竄駱秉章保奏奉

旨以知府遇缺卽選六月廣西灌陽賊朱洪英
東安龔督帶湘勇會同廣西遊擊王海清署金州
鳳文等克復灌陽復偕周雲耀等馳赴東安搜伏

賊下乘勝環攻賊勢不支由南門竄出遂復東安其竄出之賊由浦里橋與僞定南王胡有祿合謀竄四明白龔等分路抄擊生擒胡有祿等六十餘名其竄入四明山之賊亦悉數剿除

事聞

上嘉其奮勇出力

命以道員選用六年正月竒秉章奏言自賊竄湖南以來蔓延郴州桂陽等處龔等由耒陽進剿先後接仗二十餘次斃五千餘匪立克堅城并將由廣西灌陽竄攻永明之賊剿殺殆盡洵屬異常出力請

賞給伊父母四品封典

允之三月諭克復郴桂江華功

諭曰王鑫督勇剿賊厥功最著著旨道員歸部卽選并免其繳納前次捐復銀兩嗣因剿辦湖北賊匪克復通城等縣經湖廣總督官文係奏

賞加按察使銜并旨湖北道員

記名簡放尋經駱秉章旨鑫帶兵分駐岳州練團拔匪相機進剿正屬得力俟軍務告竣再行請

旨簡放

允之七年六月鑫軍進剿江西吉安踞匪攻破水東賊壘

忽甯都賊首胡壽階由沙溪來援鑫分隊迎擊大破之賊
斬胡壽階及大小賊目六七十名生擒二百餘名斃匪六
千名沿途復殺斃甚夥駱秉章并江西巡撫耆齡先後奏
聞

上嘉其呂寡擊眾殲除巨憝

賞給愛什蘭巴圖魯名號旋呂馳抵永豐由沙溪追賊因
勞成疾八月卒於軍奏入

諭曰王鑫由湖南生員帶勇剿除衡永郴桂各屬土匪兩
粵會匪并越境進剿湖北江西逆匪紀律嚴明身經數百
戰前後殺賊十餘萬克復城池二十餘處厥功甚偉著加

恩晉贈布政使銜卽照二品例從優議卹并準其子諡仍於湖南江西地方建立專祠該故員父母賞給二品封典
旨獎勳勞而褒忠義尋

賜卹如例

予諡壯武廕一子入監讀書期滿旨知州用同治元年

上追念外事諸臣

命各賜祭一壇龕與焉子詩正候選知州

王壯武公遺集總目

卷首

御製碑文

諭祭文

國史本傳

年譜

卷一

稟牘一

卷二

稟牘二

三月五日

卷三

稟牘三

卷四

稟牘四

卷五

稟牘五

卷六

稟牘六

卷七

稟牘七

卷八

書札一

卷九

書札二

卷十

書札三

卷十一

書札四

卷十二

書札五

卷十三

書札六

卷十四

書札七

卷十五

書札八

卷十六

書札九

卷十七

家書一

卷十八

家書二

卷十九

日記一

卷二十

日記二

卷二十一

日記三

卷二十二

日記四

卷二十三

練勇芻言

卷二十四

襍箸

先壯武公歿時詩正生始七歲惇惇未有知也稍長侍王父光祿公側適時得聞公志業一二蓋公志學而後常博覽宋元儒先之說參究離合驗之躬行箸有四書通義一書既從羅忠節公游益倡明正學扶植世教爲己任箸有崇本編一書講誦之暇抒寫胸臆間爲詩歌古文集之成帙岳州之役輜重陷賊

并所議述悉失之湘軍起時其始一切無所規倣公
迺取前明戚元敬書度呂時所能行創爲法制所論
箸者有曰練勇芻言敵法新編練勇臆說尺一偶存
四種駱文忠公常稱其本心得而言實可見諸行事
惟芻言常呂刊之軍中爲今日湘軍通制外闕尙有
傳者而敵法一書恐流布資賊當日已甚祕之遂并
各書不傳於世家亦未有副本今湘營各敵圖猶公
遺制而其說已不可復見惜哉壬子呂後居軍中無
一日不有戰事故所作軍書爲多王父命詩正拾藏
之未及付梓旋從左文襄公肅州已而出關馳驅回

三十八卷之三
疆者經六七載迄歲壬午歸里則前所什襲者已有
散失未幾復有臺灣之役奔走南北迄鮮暇日每念
於先公志事未克繼述其豪末而遺書之塵存者亦
久而未顯於世中夜興起未嘗不汗浹衣衾也舊歲
來江南官事稍暇重檢故篋前所論述成編者既已
無從搜輯迺謹就所存軍書依類編次之稟牘始癸
丑迄丁巳中間有佚按依月日次爲七卷書札則
乙卯十月以前存者蓋尠稍稍從別許搜錄都爲九
卷王父所爲公事略云年來軍中事實旬日必報今
搜歷年家書塵得八十有二首爲二卷行軍日記乙

卯一歲全佚甲寅所記亦殘闕不成卷帙今自丙辰

正月訖丁巳八月得四卷

丁巳四月五月所記蒐佚

公曰少勝眾

尤善撫用團兵其條約盛爲當時傳誦搜錄得數首

并別許所存公少作彙爲襍箸一卷

公屯軍道州常刻有養拙軒彙

四卷板旋燬於兵所塵存殘帙悉與人書牘茲仍曰編入書札

而曰芻言一卷次於

前憶王父常言公自連州假歸購書數千卷期曰滅

賊歸潛心大業而惜其志之不遂嗚呼公之歿年塵

三十有三耳其所建立雖已足不朽然平昔明道立

言抱無窮之志願欲曰見之於書者皆未及就此所

塵存之公牘日記迺悉出於軍事旁午往往挾紙筆

倚馬屬草或深夜追賊歸據地上曰書何足曰見公
之萬一況公之戰功赫赫既詳著於 國史

方略暨江楚兩粵郡邑之書又已不待是書而後顯
惟曰手澤所存未容湮沒謹循年歲編訂付之剞劂
予小子得曰攷見公一生心勞志苦與夫用兵之遺
迹時復省覽有所感發焉云爾光緒十有八年壬辰
仲夏月男詩正謹識

王壯武公年譜卷上

湘潭羅正鈞纂

公姓王氏諱鑫字璞山家譜名開作字家賓早歲號

四願居士按遺集樸著有四願居士小引駐軍道州時榜所居曰養

拙軒按公咸豐五年道州所刻近稟殘本日養拙軒稟間自署養拙子見公

五月與澧州郭屯澧書後又自號返璞山人善化何氏應祺守默齋樸著王壯武

公傳云公嗜學篤行不樂言論說相推獎故字璞山名其室曰返璞蓋重躬行云按旭菴先生所為公

事略丙辰自連州假歸構返璞山房今檢公丁巳稟本日署返璞山人腹稟 王氏系出太

原明永樂初有諱恣卿者自江西安福遷湘鄉遂為

湘鄉人曾祖諱先日字東昇祖諱璨字之海曰縣學

增生貢成均居母喪廬墓三年篤厚好施為鄉里所

欽重

同縣簡翁宗翰壽旭菴先生七秩詩注云尊公待人無欺遇貧困殘疾人寒則贈衣飢則予食

母葛太夫人樞停山宅伴居三年

父諱宗麓字旭菴積學有盛德公

在軍中常誠曰屢勝必驕殺戮毋妄

旭菴先生所為公事略云年來

軍中事實旬日必報予常曰屢勝必驕殺戮毋妄誠之

且屬無曰親老分討賊

之心

駱文忠公奏議奏公疾歿軍中摺云其父王宗麓常加訓勉屬無曰親老分其討賊之心

賀太夫人

見封識周密切斷處端好有分寸知係母親手賜因憶出山時母親倚門語送日兒勉力為之

切勿曰我二人為念是即兒之孝矣然自癸丑歲十月歸省後不親吾父母色笑者三年如茲此心安得不時刻懷思耶前曰公平郴桂功

賞給四品封典公歿復奉

特旨晉二品封典兄弟三人長兄勳字人樹積功官至布

政使銜湖北補用道季弟開仍字心牧中書科中書

公其仲也

道光五年乙酉公一歲

正月初九日亥時公生

家譜生道光五年乙酉正月初九日亥時

道光六年丙戌公二歲

道光七年丁亥公三歲

賀太夫人授呂經輒能背誦領悟

旭葦先生所為公事略云龔幼岐嶷

甫三歲母授呂經輒能背誦領悟 湘潭羅氏汝懷 湖南袁忠錄王壯武公傳云生三歲母賀氏授呂經

過日 不怠

道光八年戊子公四歲

道光九年己丑公五歲

是年入塾讀書塾師為從父犀軒先生宗餘伯兄人

樹先生同入學公事之唯謹旭葦先生所為公事略云鑫待兄弟極友愛與

伯兄肄業怡怡如也有所訓誠則俯首敬聽毋敢有違

道光十年庚寅公六歲

事王父母極孝敬之海先生暨周太夫人奇愛之旭葦

先生所為公事略云鑫秉性至孝幼事王父母備極誠敬育不豫鑫至則釋然公丙辰四月日記云二十日行十里天始明繞道至馬頸坳與伯兄拜先大父母慕思祖父椎牛雞豚之言心甚悲焉又家書丁巳五月稟旭葦先生云尤可喜者我族譜系舊敘未明曠男請鈴峯叔往安福訪之昨夜已借舊族三

人到營言之歷歷有據明日當取其譜盡心對校必得其實此亦足成祖父未竟之志也

道光十一年辛卯公七歲

是年鄉試里中有得舉者旭葺先生戲問之曰孺子亦慕此乎公對曰是殆不可疆唯使天下皆被吾澤

則所願也

旭葺先生所為公事略云辛卯鄉試榜發子戲問曰汝思中舉否答曰中舉殆不可

疆唯使天下皆被吾澤則所願也 湖南袁忠錄王壯武公傳云道光辛卯鄉試里有得舉者時龔年七歲其父宗麓問孺子慕此乎龔對曰兒但願功被一世父異之

道光十二年壬辰公八歲

是年閏九月季弟心牧先生生

家譜開仍字心牧道光十二年閏九月初

十日卯時生

道光十三年癸巳公九歲

道光十四年甲午公十歲

塾中諸童或於晡時游息公獨兀坐不出旭葦先生

往覘之則方手通鑑綱目一編誦覽不輟旭葦先生所為公事

略云十歲讀書家塾諸童於晡時嬉遊金獨不出子陰覘之則手綱目一編時有喜容將書葉折其角又時有憂色復折之如前俟其退私發之有喜容者則必聖君賢相之時也其有憂色者迺奸邪僭亂之時也 咸陽馮氏崑王壯武公傳云十歲時即喜看朱子綱目能辨忠奸識治亂心所領會動形於色

道光十五年乙未公十一歲

二親有疾公侍湯藥必痊迺就寢食旭葦先生所為公事略云侍子

二人能先意承志疾奉湯藥必痊迺安眠食 賀太夫人手生疽痛楚甚劇

醫者咸言不治公口吮其膿血復呂舌舐敗肌淨傅

藥頃之指間血濺如箭暈絕去公號泣籲天乞身代

血旋止數日竟無恙

按平江李氏元度所爲公傳呂吮疽爲公十歲時事今考旭葦

先生所爲公事略於十歲僅載讀史一事而紀是事則云往年母手患疔醫者僉謂不治金已口吮其膿汁將腐肉舐盡繼敷呂藥忽指間血濺如箭舉家失措金迺泣拜天地誓以身代血漸止得無恙人咸已爲孝感據此則非十歲事可知今殍於是年呂俟考又按李氏傳云年十歲母病疽甚劇公吮之籲天乞身代數日瘳尋從羅公澤南遊二十四補弟子員按公從羅忠節公遊尙在入學呂後則知李氏於年分均未深攷也

道光十六年丙申公十二歲

道光十七年丁酉公十三歲

道光十八年戊戌公十四歲

讀書危坐終日輒脫履擲離几丈許其自厲如此嘗

書數語於壁曰置身萬物之表俯視一切則理自明

氣自壯量自宏凡歿生禍福皆所不計旭葦先生所為公事略云

金讀書窮極聖賢義蘊志量宏遠十四歲時嘗書數語於壁上謂置身萬物之表俯視一切則理自明氣自壯量自宏凡歿生禍福皆所不計也

道光十九年己亥公十五歲

益慨然有匡時之志常大言人生一息尚存即當曰

天下萬世為念之海先生輒抑之令自修按此語見公丙辰上

某公書云聖父常抑之責令自修迺知悔艾為學又十年質質無所得至戊申年二十四得同邑羅羅

山先生師事之始曉然於道之所從入由
戊申上溯十年正是己亥故呂繫於是年

道光二十年庚子公十六歲

讀中庸至道不遠人三章廢書歎曰聖人之牖我至

矣何迷而不悟乎因作感遇二章按是語見感遇詩敘公自跋云右二

詩迺子庚子歲館中舊作也且能於讀書之下得悔悟之機故錄存之惜不能擴充悠悠已至今日也哀哉

是年七月二十六日周太夫人卒家譜周太夫人道光二十

年庚子七月二十六日歿

道光二十一年辛丑公十七歲

道光二十二年壬寅公十八歲

是年館妻父楊寅亮先生家著四書通義按四書通義彙已佚

冬十二月辛未楊夫人來歸

道光二十三年癸卯公十九歲

是年從同縣蕭心莊先生學鼓琴

按心莊先生名禮容隱居東臺山縣

志有傳

道光二十四年甲辰公二十歲

縣大水居屋圯沒家益貧困仍授經里中為書塾學

約八則示學者

旭菴先生所為公事略云甲辰呂家累於水幾不自給仍授徒馮氏崑

王壯武公傳云甲辰遭水患家不給開館授徒不沾沾於章句為學規大旨呂端品行正心術為切要

按遺集襍著有書塾學約八則而已益折節淬厲於

證呂馮傳所言知作於是年也學 駱文忠奏議奏公疾歿軍中摺云自幼呂英毅著稱甫冠折節讀書敦尚名檢刻呂淬厲學問為事

是年十二月適康氏女生

家譜長女適同縣康公景暉子增琮按康公

景暉字斗山與公同師

羅忠節公詳下戊申年

道光二十五年乙巳公二十一歲

是年爲鄉約十條呂行於里中

按彙存遺集雜著署道光乙巳旭葦先

生所爲公事略云奎於鄉黨鄰里呂仁厚之心處之有疾苦顛連之遭調護不遺餘力遇不平事則不顧利害爲申理

道光二十六年丙午公二十二歲

是年季弟心牧先生從公學

旭葦先生所爲公事略云課季弟最謹嚴而未

嘗加已厲色誘掖獎勵甚諄摯季弟亦聰穎奎愛之又若唯恐其過勞者又公與心牧季弟論文書云弟邇年來不特文章有進卽氣質亦有和雅之度因思三年前負吾弟光陰良非淺鮮使弟早得從事先

生與諸友兄所造豈止此乎 按公呂戊申
忠節公論文書作於庚戌云三年前故知必
從公學實
在是年

道光二十七年丁未公二十三歲

是年額書室曰自芸山房

旭菴先生所爲公
早歲額塾曰自芸

寅與曾季洪茂才書云龔成立而後常抱杞
務外爲人近年痛自悔艾清夜自思輒椎胸
學問之無成歎光陰之不再因改額山房曰
屏絕一切研究典籍篤修躬行已稍釋前日
好事之名已出不復能收前年朱石翁革錢
復強促相助 按言成立而後是謂年二十
革錢糧弊端在庚戌年戊申已從事羅
忠節公則知改額山房爲是年事也

周氏女生

家譜次字邵陽周節愍公雲耀子
公丙辰六月復張漪珊刺史書

見周光翁之喪未歸爲扶櫬至此間復擬設
歸寶弟許呂女妻其孤子裁六齡耳 餘引

年卯

道光二十八年戊申公二十四歲

是年呂文受知知府惲公光宸

簡翁宗翰壽旭葦先生詩注云道光二十

八年戊申璞山呂府試前茅入泮公丁巳四月復惲濬生廉訪書云龔應童子試時即受知於大賢時呂草茅下土未敢晉謁古人一飯之恩尙思呂報矧文章知己如何可忘按湖南通志職官表惲光宸陽湖人道光二十八年任長沙知府咸豐丁巳公率師援臨江惲公時官江西按察使故公復書追及前也旋補縣學生員學使爲番禺梁公同新時同縣羅

忠節公澤南家居講學公自會城歸親執贄其門忠

節公深重之

旭葦先生所爲公事略云戊申受知於梁宗師歸受業羅忠節公門下日夜與

講明善復性修己治人之道盡學道甚勤羅忠節公器重之龔亦每恨相從之晚也左氏樞王壯武公

傳云公體貌清癯目光炯炯射人聲大而遠言語如
出甕中而滔滔汨汨不窮於詞常與諸友共侍坐羅
忠節公公議論發他人莫能置喙忠節公徐晒曰璞
山盍少休讓吾儕一言乎公亦自笑也 公甲寅與
道州牧馮春舉書云濂公書所稱羅羅山金業師也
學行才識為當世所罕見續千載之墜緒闢吾道之
榛蕪倡明絕學通達時務去歲已在郴州江西屢著
奇勳斯人為蒼生而出君其識之 餘引見上已亥
年

先後從忠節公遊者同縣為易臨莊良幹羅介山

信東羅曉春鎮南

湘潭王氏閩運湘軍志曾軍篇云
三年寇圍南昌乞師湖南呂羅澤

南將湘勇千二百六月辛卯起行七月至南昌則戰
城下書生爭奮搏寇寇陽退鈔其後軍敗營官附生
謝邦翰童生羅鎮南易良幹羅信東戰死 公癸丑
八月上羅山夫子書云昨接滌公書知前月二十四
日業獲大勝後因賊鈔來致春池臨莊介山曉春諸
友殉難讀未及竟不禁撫膺頓足聲淚俱迸 又庚
戌與季弟論文書云昨見妹倩易臨莊有儒雅之度
自言年已及冠學問一無所成恐遂終於淹沒欲藉

予爲階主目見先生 又家書甲寅十月與季弟心
牧書云八妹近日悲思少解否去歲臨莊殉難信至
家父親慰之曰夫爲烈士妻爲節婦夫復何憾須令其常記此言也 **鍾苔洲近衡鍾楚**

池近濂

劉氏蓉養晦齋文集鍾君墓表云君諱近衡
字苔洲師事羅忠節公澤南與聞宋儒節躬

克己之緒忠節常語予吾門爲己之學鍾生則可望
乎咸豐三年粵逆旣由長沙下竄而湖南郴桂間土
寇乘之呂起忠節公率湘軍往剿君偕王壯武銜從
之事平敘從九職四年寇上犯岳州壯武承巡撫駱
公檄增募湘軍六營禦之於是君與弟楚池各領五
百人從壯武乘勝逐北三月七日及之於蒲圻羊樓
司猝遇大隊君陷圍中力戰歿之壯武退保岳州城
陷楚池亦隕焉自忠節講學湘中從游者數百人皆
子立名義相高君處其間退然不自標異而趨操堅
定臨事明決裁然尺寸李勇毅王壯武皆推重君謂
非已所及也 曾文正李勇毅合詞奏請湘鄉建忠
義祠摺云此外殉難各員如鍾近衡外綏最先而卹
典尙鉞 公丙辰九月與朱鐵橋書云昨日至羊樓
司痛不可忍擬待兄至相與攜手於野痛哭鍾苔洲

諸友及各勇等 又丙辰祭羊樓司殉
如苔洲之誠篤正大為吾黨冠而外楚
靜忠實而外 按心牧先生遺橐有哭
洲楚池殉難岳州七律二首故知鍾楚
人格臣姓劉氏又岳州殉難尚有蔣德
劉青軒葛敦元諸君皆公友人未知曾

鐵橋宗程

公丁巳七月與朱鐵橋書云
如四時况忽忽已三月也嗟

慰我勸我善者誰耶規我過者誰耶為
氣者誰耶我思鐵兄我不能不恨鐵兄
歸不得已而愬然也此時先生之祠所
者蓋已審且周矣若興工創造必待八
何惜此往返之勞不乘間

康斗山景暉

呂慰故人飢渴之思耶
刺書云承示取士觀人之法事上接下
中病源惟自恨遷善不速改過不勇無
何敢更為汰愆自重罪愆乎太伯母八
為序恭述懿行特文采不足又絕少賾
山師已為之望覺橐寄
來弟終當書就奉上也

羅鏡堃信北

公

云五月書中論粵賊易破心賊難除戒矜去僞不可
爲意氣所動尤爲精粹金謹佩而力行之不敢或忘
近覺稍有所得願常有呂見教勿呂其過未至是而
吝所規勿呂億其善或已能而不加勸蓋奔走在外
之人不得與良友親每得一鍼砭
翁雲窗篋登 公丁
如獲至寶尙何不耐煩之有哉
月與翁雲窗茂才論學書云金惟自恨學虧德涼不
足呂挽回世運倡明絕學而如我羅先生者遽奪之
呂去邇來竊不自量欲呂坏土塞已潰之流萬分控
德之中時復講明而切究之願與二三同志身體力
行效驗不敢預期或自此有大儒者出將呂爲入
道之階主因呂闢榛蕪而躋康莊則亦可呂無負此
生矣
易芝生良翰 公乙卯與易芝生茂才書云師友睽
每念老兄之善氣迎人欲規仿之而終不能未嘗不
歎變化氣質之難也七月奉手書勉誨呂戒矜矜讓
功能二語尤堪欽佩去春羊樓之役調度乖方多喪
我良友義士畢生大恨雖舉天下之賊盡數殲之未
足消憤而抵罪尙
李忠武公續賓 養晦齋文集祭李
何功能足言耶 忠武公文云湘中

豪雋虎嘯龍飛維羅與王厥聲最偉君參其間鼎足而峙 曾文正文集李忠武神道碑銘云羅公講

學遠紹洛閩公分其細摠衣恂恂 李忠武公集丙辰與公書云弟自三年隨羅師出征桑梓得保無恙

閣下之功偉矣繼羅師之志 李勇毅公續宜 曾文正文集

李勇毅公神道碑銘云公少好深湛之思疆探力索洞徹幽微師事羅忠節公擇南常君躬行不逮為恥

潘伊卿鴻燾左夢星樞 按左氏所為王壯武傳云壯武公於吾為族舅氏而居常

弟我同師 及今陝甘總督楊公昌濬 公丙辰五月復羅忠節公 楊石泉茂才書

云先生行狀宜近且成之早使天下士人知我先生學有本原奮興昌共扶斯道也吾弟能不自暴棄昌

勉學先生兄敬其志而又勉兄刻自樹立昌不失先師之傳兄敢不敬事斯語尤望弟與諸友之有昌成

也 公皆與訂交 昌正學相砥礪 旭菴先生所為公事略云遇良朋傾誠交

納善無纖悉必揚過則切為規戒期待之忱溢於言外已有過失聞忠告之言則喜即刻自修省且感佩

之不而平時講學過從之友同縣則謝春池邦翰

公癸丑與江岷樵先生書云頃謝易二羅四君殉難固皆

聞者傷心見者墮淚而謝君則尤清貧篤志慨然已

古聖賢自期待 羅雲浦信南 公丁巳三月與羅雲浦

餘引見上 鮮克自樹每當力不從心之時竊自悔讀書太少修

德不勤而又思狂瀾既倒終非徒浚勝疆場者所

能挽回故於友朋中尤不無厚望 劉公蓉彭公洋中

馬先生愛我願時有已教之為幸

周健堂牧賀九峯雍

湘鄉杜氏俞賀九峯傳云所居恆寂寂少至其門者惟同里周

健堂牧時相過牧介節士兩人致相得也王壯武之

未遇也時天下多故居當好相人見人狀貌魁梧輒

識之聞有志當世事者折節下之牧嘗譽先生 魏漣西

生廣座壯武瞿然起執周手屬介交先生

萬傑洪秋圃長齡湘潭王惺原士達

公丙辰七月與王惺原先生書

云來論謂人才不本之學問則驕盈之氣易生此干

古不易之定論培之之法在得閒時便與之講學尤

為當今用人者最切要之良法金每傷教化之不行
不暇計當世之非議嘗於倥偬之餘與諸友諸勇亦
或隨處邀集紳士相與講求修身維世之道於人心
不無小補惜讀書太少體認未真故說之不詳前此
之求先生辱臨敝營者實以此故 **王子佩榮蘭**
湘潭縣志王榮蘭傳云湘鄉王金劉蓉雅

善之及後並召武功顯貴 **湘陰左文襄公宗棠郭公**
榮蘭布衣窮居意欣如也

嵩壽長沙丁直臣敘忠
公乙卯二月與左季高先生書云又有丁直臣者其學術

之醇正論事之精確當世罕有其匹金常欲 **甯鄉劉**
師事之數年庶幾稍有成就迄今無由得遂

果敏公典
公乙卯二月與左季高先生書云此外相識而知之又甚深者莫如甯鄉之茂才劉

君克葦才識通達金已擬請至軍中

道光二十九年己酉公二十五歲

是年館同縣左青士先生家
按青士先生名仁江南銅山縣知縣進官知府

著有崇本編

按崇本編書已佚

閏四月適歐陽氏女生

家譜

適同縣歐陽公嗣宗子澤兌

公丙辰五月日記

初十日午正歐陽哲卿至前者約哲卿石泉希庵來

為小女三四五訂盟事是日惟希庵未至呂三女許

配哲卿之子呂四女許配石泉之子書庚後筵宴間

極論王化始

夏間大旱匪民乘飢嘯聚數百人於

於閩門之理

縣南掠食居民惶懼公自學舍歸遽集里中人略曰

兵法部署聲言寶慶城守兵且至眾應時解散

旭蒼先生

所為公事略云己酉歲旱飢民嘯聚擾害鄰閭已寓

亂機因設法豫為之防遂得無事又公丙辰五月

與郭屯雜書云憶己酉之歲匪民乘機倡亂鑫從學

舍歸牽鄰友數百入出境捍之而逆氣四息時承平

久民不知兵所處地極良懦鑫年公迺白知縣發倉

又甚輕恃此區區之誠倖曰有成

穀平糶并為草示諭富民捐賑境賴曰安

按示彙存遺集雜著

時縣令某與胥吏比為政貪虐縣民苦之公與縣人

士屢言狀訴大吏不省迺推公赴都控告七月自家

啟行途中成六絕句詩敘云宿舟中夜半風雨大作小艇短篷聲響尤厲因念自家

至此所見災民流離播遷之狀如在目前今又驟遭大雨苦何可言言已視余之促居舟中蓋又相去萬萬

矣悲憫填膺不能成寐得絕句六章郭公是年寄曾文正公書過湘陰訪郭公嵩燾

云璞山迺大有志於學湘鄉邑運之佳如此本日起河查各團災民四鼓迺歸王君過此畱半日待弟歸

作書草布數語精力竭矣按是時文正供職京師故郭公因公入都之便寄此書也舟至巴

陵登岳陽樓讀范文正公記賦長律有夕陽出沒成

今古天下安危繫樂憂之句泊武昌偕熊君鳳生登

黃鶴樓作長歌紀之按詩均見遺藁頃之已病返湘守默齋

壯武公傳云愬吏於大府大府不報公迺齋糧走京師行千里疾作不得已罷歸

九月二

十六日之海先生卒

家譜之海先生道光二十九年己酉九月二十六日歿

道光三十年庚戌公二十六歲

是年有與心牧先生論文書

按彙存遺集襍著署道光庚戌

秋初從

羅忠節公晤湘陰郭公嵩燾同縣劉公蓉于會城

遺集

襍著公是年與季弟善云昨寄書劉霞仙先生約至省城同居冀親言論呂渭鄰各還書言已招郭筠仙太史來省屬 中秋回舟泛湘水同人約為洞庭之遊

不果

見是年泛舟湘水詩敘

九月嗣子詩正生

十月清江

朱公孫貽自鄱縣遙知湘鄉至則延公詢縣中利弊

公丙辰上某公書云庚戌鄱縣知縣朱孫貽來令湘鄉甫下車鴈精圖治強召金詢呂邑中利弊且求助

焉適廢寢食任勞怨佐之剔奸除弊

先是湘鄉錢漕地丁悉由書吏征

解浮收倍取恣為奸詐公白朱公易為民自投納官

給日券不復假手書吏祗百年積弊凡數月迺定公

親書碑勒縣門紀其事

守默齋雜著王壯武公傳云長喜任俠里中有大繇役會

計事公主之事皆得辦按漕事始末詳湘鄉縣志

是年粵西寇起

湘軍志防守篇云道

光三十年五月庚戌廣西亂始上聞

咸豐元年辛亥公二十七歲

七月適楊氏女生

家譜次適同縣楊公昌濟子鴻度引詳上己酉年

八月

公應鄉試長沙

按公咸豐三年七月與曾季洪茂才書云前歲同赴秋闈常得聚首蓋言

辛亥鄉試也

粵寇犯永安湖南戒嚴莠民乘覺竊發湘鄉

東南界衡山劫掠尤盛公輒陰察魁黨姓名佐知縣

朱公捕治

左氏樞王壯武公傳云廣西寇熾湘鄉奸民蠢動公已諸生佐縣令朱公孫貽設方

略逮迺倡行團練保伍之法

旭菴先生所為公事略云我縣辦理團練金寶

治之辛亥粵寇屯永安即稟知邑侯實力舉行不辭

勞瘁佐之湖南褒忠錄王壯武公傳云咸豐元年

倡行團練於鄉公丙辰上某公書云洪寇發難

廣西金懼禍及桑梓於咸豐辛亥秋倡行團練

公

日夕奔走曉諭躬任勞怨數月事集縣境為清

遺集

團練說云我在湘鄉辦團自成豐元年中秋後起至

十月初而粗成其時賊在廣西謹知團練二字為何

物忽聞此議莫不掩耳而走兩月之間悉心開導祇

恃此一點血誠不計成敗利鈍不顧禍福生死任勞

任思已成此舉又丁巳江西勸辦團練示云本道

每至一處必已此為至急之務至要之圖最初於本

籍行之

而效

咸豐二年壬子公二十八歲

四月寇入湖南境陷道州

湘軍志防守篇云四月寇入湖南境將趨永州阻水

走道州乙巳道州陷

公上書朱公請練民兵禦寇

湖南褒忠錄王壯武公傳

云二年上書知縣朱孫貽言方今急務莫若用民兵堵禦某願得數千人率已討賊孫貽壯之

會大

府檄縣募勇公迺約同志集議

養晦齋文集與朱石翹邑宰書云頃王璞

山與康君來弔言奉制府札募勇千餘赴衡防堵謂借軍餉已資訓練意亦良善按曾文正文集劉母

譚孺人墓志劉公居憂為五月公與康君赴弔言募勇事蓋即此時時總督程喬采方駐衡州旋即已罷

免故後募勇守境由縣主之也時承平久又去賊方千里居民晏然

一旦公已書生起言兵事人大駭怪已為狂妄

遺集

團練說云維時聰明才智之士誰不非而笑之初集事軍食器械都不具又

所募就團丁充選悉鄰里農人無由用文書約束有所申戒謹闖竝進漫不知有行綴始分給號衣羣然恥爲異服不肯服公則取一號補自著之布袍迺定於是旨意創爲營制號令日夜與羅忠節公編束隊伍令友人弟子分領之親教之步伐技擊每教一人訖則曰一算珠令銜之牽使就列迺復進一人教之如前旣徧攝衣登臺陳說忠孝大義聲情慷慨聞者亦漸爲感奮

駱文忠奏議奏公疾歿軍中摺云龔本湘鄉文生自咸豐二年賊犯長沙卽在

籍與其師已故布政使銜浙江甯紹台道羅澤南已忠義激其鄉人講求束伍選士之法湘勇軍律之精實其
於此未幾寇進據榔桂間道由醴陵趨長沙公與羅

忠節公率勇屯縣北馬坵鋪

旭菴先生所為公事略云二年募勇縣署嚴為

訓練駐軍潭湘交界之馬坵鋪賊詢知不敢上犯

湖南募忠錄王壯武公傳云知縣朱孫貽使與澤南

招壯勇訓練屯縣北馬坵

鋪舍日夜教習軍氣甚盛

十月寇渡湘西走益陽省

城解嚴傳聞寇竄甯鄉軍回駐雷家鋪為縣城聲援

知縣朱公孫貽稟云聞賊匪竄至甯鄉卑縣與之毘

連不惟粵寇宜防且恐土匪乘機生事應將生員王

奎舉報孝廉方正廩生羅澤南增生羅信南生員劉

蓉謝邦翰潘鴻燾易良翰楊昌濬武生楊虎巨童生

易良幹羅信東康祖成等各卞之勇抽回安置城前

雷家鋪等處召為聲援按康熙成當即康公景暉

朱公此稟從公叢彙中檢出

公迺隻身走長沙偵寇

所往憤極遂友人書

公壬子十月示友人書云會城已十萬之眾圍垂外之賊忍令

其掉尾日去蹂躪州縣荼毒生靈靡所底止蒿目時

艱堪為痛哭昨日遇江岷樵先生為盡言賊由潭邑

趙寶慶龔則料其由甯邑入常郡欲確詢方晝閉繼召出入又身止護票一張遠跟探聽確後請纓前往召扞痼瘕之忱召洗恥勿使後世論史者謂朝廷養士二百餘少食芸報也諸君其勸駕焉否耶

欲遂請兵出境殺賊大

應守縣境防竄越不許

朱公孫貽稟云再由王龔意欲出境殺賊

臺發給口糧已免由縣轉運得令該生等處之處伏候訓示批云寇自省逃遁該縣團疆界已防竄越仰即遵照飭各團士紳及王龔等率勇在境嚴防無庸出境剿賊

陷武昌巡撫張公亮檄湘鄉知縣舉可

舉公應

按公丙辰上某公書云十二月申子湘鄉舉可將者朱公舉龔召應迺

往 **迺調公與羅忠節公羅公信南分領所**

至省城防禦會曾文正公國藩奉

命辦湖南團防公迺益與講求訓練之法號所部曰湘勇

曾文正公奏議咸豐三年二月奏嚴辦土匪呂靖地
 方一摺云去年臣初至省城撫臣張亮基調撥湖南
 外營兵一千名招募湘鄉練勇一千名來省防禦
 又曾文正李勇毅合詞請建忠義祠摺云國藩於咸
 豐二年十二月奉 旨幫辦團防時長沙圍解未
 久臣率同羅澤南王鑫羅信南數人督帶湘勇照前
 明戚繼光之法練習膽技 又曾文正公文集湘鄉
 昭忠祠記云咸豐二年十月粵寇圍攻湖南省城既
 解嚴巡撫張公亮基檄調湘鄉勇千人至長沙備防
 守羅忠節公澤南王壯武公鑫等 旨諸生率千人者
 已往維時國藩 旨母憂歸里奉 命辦團練於長
 沙奏請見調之千人束伍練技 旨備不時之衛由是
 吾邑團率曰湘勇 按是時尚 旨三百六十人為一
 營練勇千人羅忠節公將中營公將左營羅公信南
 將右營故公於上某公書云率三百人 旨往又其時
 練勇成軍者有楚勇南勇寶勇瀏勇之目故公於所
 練別號湘勇也 又按胡文忠公遺集致糧臺總局
 書云王璞山之部百戰之餘其精銳不可當湘軍除

迪庵一二營外呂此為最雄攷文忠此書作于己未去公之歿已逾三年部將張忠毅公運蘭接統其軍從曾文正公戰皖南迪庵為李忠武公續賓字時羅忠節公所部湘勇忠武兼領之已敗沒于三河故胡公書云然其後劉忠壯公松山呂此軍平西北回捻卽世所稱老湘營者也

咸豐三年癸丑公二十九歲

正月奉檄率湘勇剿土寇耒陽庚午與劉武慎公長

佑軍自省啟行

郭公嵩燾江忠烈公行狀云三年正月張公署湖廣總督疏調公赴鄂已

楚勇四百自隨曾公國藩畱公不得迺畱公弟忠濟與劉長佑李輔朝帶公舊部千人駐長沙旋剿賊衡山按本狀云三月公討通山之賊所部楚勇僅四百迺咨調忠濟及劉長佑李輔朝畱南舊部楚勇來北會剿蓋楚勇駐南未久旋從江公北征也未至寇破散而衡山土寇曹

戴李躍聚數百人起草市二月庚辰官軍至衡山寇

退屯三十里辛巳公言軍趨之寇率眾謀

勇奮擊寇大奔敗殺二百餘名賊擒李躍

十餘名公癸丑二月與伯兄書云三十日未陽南知土匪已散擬由常甯安

捕而衡山土匪復動初五日至衡山霞流

勇與戰敗回土匪聞湘勇至退三十里據

弟與楚勇直趨賊巢匪遽出寨撲來弟督

擊眾勇爭先衝突賊大敗殺賊二百餘名

餘名奪軍器無數查各勇不損一人其偽

已獲又獲偽總兵楊維週惟曹戴一逆已

灰復是為湘勇殺賊之始曾文正李勇殺然耳忠義祠摺云三

山土匪曹戴李躍構亂於草市派劉長佑王鑫前往剿滅是為湘勇殺賊立功之始

餘寇已丑至大洲聞別寇已破安仁據界分途進剿劉公趨大坪頭公趨大源衝界

公迺分勇按捕盡燬寇積屯頃之劉公步師剿崇通

公還軍省城

公癸丑與謝春池茂才書云弟自吳集戰後十四日至大洲知賊已於十二日

入安仁城比即竄離城三十里之界首弟與楚勇分

兩路星夜進剿楚勇由大坪頭弟由大源衝未達界

首而張君潤麓由新田來將匪擊散弟訪知大源衝

尚為賊藪柰路徑崎嶇僅燬巢穴三十餘所擬明日

返衡山照札訪辦蠹役

本月下旬當可回省也

公力辭不獲

家書是年五月十七日與伯兄書云保舉之事弟已力辭不獲蒙準夏憩翁并

欲保舉先生雲浦霞仙謂時執孔亟冀有濟於未流

之世然先生之意亦與龔同終覺不受為高也

又旭葦先生是年有與羅忠節公書云人之相知貴相

知心親翁知心者也蓋鄙意之所已堅辭者不過已

男等所為皆性分之事初無心功名二字萬望將弟

實意告知石翁此事即如此了截也

按羅山遺集王石峯先生壽敘云歲戊申王生璞山偕其弟仍從

余游皆有志於學余已女字仍故旭葦先生書稱忠

節親翁石翁即朱公孫貽字石橋也

於時粵寇已乘武昌連陷安慶江甯湖南邊邑所在土寇蠡起駱文忠公秉章自湖北遂撫湖南與曾公合奏嚴治土匪日靖內姦五月江西土寇逼桂東公率所部從羅忠節公往剿甲戌至桂東羅公軍分徇衡山酃縣而畱公桂東防禦六月寇自萬安犯龍泉公率湘勇越境趨之進大汾墟寇方聚竹坑縱掠眾二千人執張甚公迺令鄉勇守隘口揮所部分左右進攻而公躬從蕉山繞寇後夾擊哨弁鍾開誠易普照馳入敵斬其酋三人寇大敗生擒八十五名斬首二百餘級奪取器械無算而鄉兵

守隘者亦擒逸寇四百餘名斬之餘寇散走

按竹坑戰事詳

公是年與曾侍郎書并駱文忠奏江西上猶龍泉土匪會剿事竣摺又按已後戰事見公稟牘及當時奏報者均不復詳注所出惟須參互證明者則引之增注於此

已金陵寇圍南昌羅公增募軍往援廣西土寇犯全州公馳赴郴州守禦

頃之返桂東治團練捕積匪百餘人誅之

公丙辰上某公書云

旋見桂東民純而懦若有疾苦不敢言者廼密察其最為民害者百餘人宣諸法民大慰悅復召鄉民教之戰敵成勁旅數千人又丁巳六月與李迪葦方伯書云龍泉於前月二十五日克復吉郡孤城圍可蓋堅而復龍泉之功則全賴胡達人設計誘降幾千之賊無一漏網亦悽事也達人名兼善桂東少年秀才去歲援江諸公由敝營借去之士所部桂東勇多係三年弟在該縣所訓之士也

七月廣東

樂昌寇竄桂陽境江西泰和寇攻萬安桂陽龍泉同

時告警眾議龍泉逼桂東宜先勦江寇公曰江寇新挫必不遽至龍泉廣寇竄入則郴宜興桂皆震當及其方盛痛勦之廼分團丁湘勇旗幟俾徇龍泉界而倍道馳赴桂陽未至寇已進撲興甯據其城公自負戈矛跣足前進壬申黎明至興甯分設伏兵梯城而入寇驚起抗距槍礮堅利巷戰逾時寇忽分走出城公覘爲僞敗急分軍襲其後寇果引還公揮伏兵出奮擊寇不支百餘人遁去是役斃寇二百餘名生擒五十四名曾公聞警急遣師助勦至則事已平駱文忠公兩疏上公功得

旨曰知縣卽選并曰同知直隸州知州升用

賞藍翎先是公扶疾援桂東

公是年七月上曾侍郎書云前此扶疾彊來實因敝師之

故既治興甯團練成

按遺集襍著有勸辦興甯團練告示

見時事日艱

思告歸力於學

公是年八月上曾侍郎書云再銓屢次告歸本因身體孱弱之故且深恨

前此任事太早用心人苦出身太輕尙思畱殘喘圖補救於將來慨然有夫成之望蓋力雖不及古人而志之所存頗不甘讓古人專美況古人中銓尙有不願學者乎如蒙放還山中俾得從事學問猶將曰暇日致究古籍熟習時務曰裨高明之萬一亦所已報知己也按曾文正公復書云接到手書浩浩數千言忠直之氣浮溢紙上屢讀不忍釋手國藩之心迹亦藉此軒然播於萬眾之耳目卽諸勇之忠憤亦從此軒然播於官民之心口所謂子產有辭鄭人賴之告病之說僕極知足下之疲勞抑鬱無復有意勳名惟既出而任事羽毛已爲人所窺斯民皆將瞻仰而尸祝之一旦舍去則無已塞喁喁之望而徒彰

其與世太愁之懷寸心默
默望吾弟無遽言歸也

會羅公湘勇援南昌兵戰

城下失利公友人謝邦翰羅信東易良幹羅鎮南沒

于賊引見前公聞之仰天泣日本所已出者期與同

志共滅賊耳今若此忍言歸乎公是年八月上羅羅
山夫子書云金前屢

次告疾今則萬無遽歸之理矣迺上書駱公陳郴桂善後四策請增

募湘勇援江雪恥復迓書回湘約鄉人往殺賊按陳
郴桂

善後四策稟及約同志殺賊榜文稟均存遺集九月回軍會塔齊布公勦寇

于茶陵還謁曾公衡州迺議增募三千人曾文正公
集是年八

月二十日與公書云僕之愚見已為今日將欲滅賊
必須諸將一心萬眾一氣而後可言戰已今日營伍
之習氣與今日調遣之成法雖聖者不能使之一心
一氣自不別樹一幟改絃更張斷不能辦此賊也鄙

意欲練勇萬人概求吾黨知道而曉軍事之君子將
之曰忠義之氣爲主而輔之曰訓練之勤相激相劇
曰庶幾於所謂諸將一心萬眾一氣者或可馳驅中
原漸望澄清目下江西已有楚勇二千湘勇二千頗
有和翕相衛之象而臨莊諸君殉難曰來日夜憂慮
深恐岷石羅翁無曰立於萬全之地且曰賊氛數萬
之眾而吾勇僅有四千亦無曰壯其氣而樹其威擬
再請練勇六千合成一萬之數概歸岷樵石橋統領
不識足下曰爲然否儲石友誠樸而有忠實之氣與
足下宜相鍼芥守備周鳳山昨令其由永州帶勇三
百赴足下新甯之援想二處兵已到矣足下爲我密
察周守備果可引爲吾黨之助否或曰渠所帶三百
之勇令其添爲四百六十合僕所定之營制儲石友
所帶之三百六十亦再添湘人一百而足下與儲君
物色豪傑可共大義者儲曰爲各營之將若尊處果
成三營合之塔參將守醴之二營鄒岳屏之一營及
舍弟衡州之營則已將近三千矣漸充漸廣足成六
千始亦非難所議果行則今冬訓練可成足下能來
衡州與僕面議曲折尤所企望又與江忠烈書云鄙
人欲再募勇六千合成萬人概交閣下爲掃蕩澄清

之具敵友王璞山忠勇男子蓋劉琨祖逖之徒昨廿日僕呂一書抵璞山璞山亦恰呂十九日為書抵我誓率湘中子弟慷慨興師即入江西一呂憤廿四之役為諸人報仇雪恥一呂為國家瑞此逆氛克復三城盡殲羣醜呂紆宵旰之憂其書熱血激風雲忠肝貫金石今錄一通往閣下試觀之洵足為君添手足之助矣國藩擬即日添募義勇呂湘鄉寶慶人為圭一面訓練技藝一面勸捐助餉大約璞山呂十月率勇二千前往又求忠勇之士十一月率二千前往十二月再率二千前往合見在江省之湘楚勇足成一萬之數當於九月中旬入奏後即令璞山邁行也按李氏元度所為公傳云湖南援師失利公憤甚謁侍郎曾公請增軍殄賊曾公令稍增募公遽募三千四百人曾公已進驟而費繁檄令裁省公舛望請併撤歸駱公閱其軍可用迺汰留二千四百人云云今夜曾公各書則增募三千實亦曾公本謀會湖北軍潰下游告急公遂奉駱公檄招募已而曾公奏罷援鄂之行又方議設水軍興舉既異故復檄令裁省李傅稍

已江西圍解而湖北軍潰田家鎮總督吳

未致詳

文節公文鎔請援湖南有

詔令曾公率湘勇赴之時公已奉駱公檄增募倉卒號召旬日間教練成軍晝夜劬瘁而江忠烈公忠源新授

安徽巡撫遂書欲調公自助

江忠烈公遺集三年十月與曾文正書云奉八月

月二十三日衡州一書并寄示與璞山兄往來各函具言兵之不可用欲再招勇六千已爲滅賊之具初七日寄到一書又已楚勇求賞一事慮勇亦不可用忠源竊謂兵與勇未嘗不可用患將兵將勇者不得其人也兵之弊由承平日久市井之徒鑽營入伍不知打仗殺賊爲何事遊滑之尤者工語言趨膾已媚其上上喜其媚已而與之官彼已自得官則必操是術已進退眾兵積重難返營務安得不壞軍政安得不弛若勇則募於有事之時皆山野推魯之夫其猛悍之氣尚可爲用然從征日久得錢易則易於浮華殺人多則果於殘忍事平之後散處田間則貽異日無窮之禍然忠源終不欲已兵易勇者兵之患在本

源倉卒而難拔勇之患在流弊先事而可防且急則
 治標今日之時欲甯取其勇悍擊搏之用而後日遣
 散之難尚可求其人求其法已治之也故忠源甚憚
 吾師前書之論而願不已後書所難自阻但多求如
 羅山璞山其人者已為之將則收勇之利并可弭勇
 之患而賊不足平矣方今賊據長江之險非多造船
 筏廣製礮位教練水師先務肅清江面各省終無安
 枕之日然竊計海內人才能營駕船勇與狂賊相持
 於波濤險隘之中而不懼者惟不肖與羅山璞山數
 人耳取懇吾師即日繕摺與忠源聯銜具奏并號召
 吾鄉忠義之士迅舉義旗蔽江而下忠源亦收集淮
 南奇傑已為應援月之三日拜巡撫安徽之命深
 懼隕越貽知己羞不知季高霞仙諸君子冒來相助
 否璞山天下奇男子得吾師回信後即當奏調恩惠
 不及寄 **鄂皖羽檄日至議遣公軍先赴湖北**
 書也 曾文正公集與

吳甄甫制軍書云自奉來咨專為書與王璞山令其
 率湘勇三千即日往鄂璞山前欲招勇為湘人報七
 月之仇國藩亦欲招勇數千為岷樵添一臂之助已
 有成議矣適田家鎮之變長沙戒嚴中承命璞山招

勇防守省垣頃聞業招三千故國藩囑其率已旋已
往鄂大約十五前可已啟行十日可抵武昌也

武昌寇退罷公行 曾文正公奏稟暫緩赴鄂并請籌
備戰船摺云臣前奉救援湖北之

旨既函商撫臣派令候補知府張丞實候選同

知王鑫管帶湘勇三千前赴湖北尚未起行又奉兩

次 諭旨令臣親帶練勇前往臣理應遵 旨

即日起程惟連日接撫臣來函及各處探報均稱漢

陽業經收復武昌解嚴等語 於是曾公方治水軍衡

據此則援鄂之師自可稍緩

州議合併陸軍成十營而汰公軍為七百人 按公三
年十月

懇給裁撤各勇路費稟云卑職前奉札飭招足健勇

三千合舊練之勇共三千四百名於十月初九十八

兩次赴省迭奉憲諭催赴武昌卑職已剋期起行旋

因欽憲已武昌解嚴適疊次函商憲臺力阻并令將

新招之勇嚴行裁汰合江西南旋之勇祇留二營卑

職當擬遵諭汰合新舊祇留七百二十人嗣因欽憲

奉 廷寄親帶楚勇六千馳往下游攻剿卑職又

奉憲諭無庸遽撤俟曾部堂札到定奪是已留此朝

暮操演茲曾部堂又函商憲臺仍著照前議汰留二營并奉憲札精選二營外概遣歸農卑職即日選汰不敢駱文忠公閱公軍可用迺留屯省城駱公原札稍懈

部堂來函已經奏明暫緩赴鄂請將湘勇嚴汰精選酌留二營其餘概行裁撤歸農已節糜費疊經札飭在案見在接據探報賊蹤往來無定南省仍應嚴防所有該員前項湘勇三千四百名仍應暫留省城照常管帶合行札飭札到該員立即遵照仍將各勇留駐省城暫緩裁撤認真訓練嚴加約束聽候調遣無違湖南褒忠錄王壯武公傳云駱公既別將益日秉章閱其軍可用迺留省城備調遣

訓練其軍令士卒足縛鐵瓦習超距復參變前明戚

繼光書曰意為敵法令演之湖南褒忠錄王壯武公傳云益練軍令足縛鐵

瓦習超距復曰意為敵法即募即練取用不過旬日間天岳山館集王壯武公傳云公令軍士足縛鐵瓦習超距又曰意為敵法左右隊魚貫分兩行鼓作左馳右馳左三馳而圓皆持滿外向再鼓之左右

馳復其伍相向格鬪左起右伏右起亦如之三起三
伏迺變圍爲方後軍分左右出蛇行繞攻前軍前左
右軍皆然當嚴鼓時旗周麾率周馳圍聚爲城郭疾
如風雨公手赤幟自校之人樹先生咸豐八年十
月江西日記云出營看前營與強中營合操共擺長
蛇對敵一字龍門四隊畢詢兩營幫辦則云今日之
敵皆璞弟遺法緣蔣蕪泉在下游帶左營時最講求
敵法各營效之問蕪泉云迺學自璞弟者也嗚呼璞
弟血誠任事薰陶遂廣率不及見深足悲已按公
嘗有敵法新編其書變通古人成法尤別具心得當
日甚認之故未付梓其城牆梅花大鵬諸敵劉忠壯
公松山用之已平西北回寇雖突騎萬千堅不能入
至今湘營舊將猶能言於是重改定軍制撰營制職
之惜乎其書之不傳也

司號令賞罰練法五篇曰練勇芻言

練勇芻言自序
云咸豐三年冬

龔奉大府檄練勇長沙諸友請集平日所已教者爲
書俾營官以下皆有所從迺得營制職司號令賞罰
練法五篇刻諸木尚有技擊敵法述古三篇甫脫棗
遠有甲寅春間之役胡文忠公集與莊蕙生方伯

書云王璞山練勇芻言一卷已寄書局其營制與滌帥及鄙人大同小異其書亦粗具規模而不及方略然軍旅之事能踰踏實地便是奇謀幸屬果臣文若速刻之又與嚴澗春中丞書練勇芻言可向果臣索之璞山營制與滌帥林翼微不同而其謹嚴寬博則一也不寬博不足言養廉恥所言皆軍事規模兵事不可言奇不可言精能腳踏實地迺能運用之妙存乎一心也 贛興國胡氏發琅信游勝記云中興名將人但知羅忠節澤南忠武塔齊布暨江忠烈忠源三君鼎立而不知智勇兼絕足與三君方駕者有王壯武鏗中興之軍莫不用曾文正營制獨壯武否箸有練勇芻言一卷故諸將頗怪之諸將立功顯地而壯武始終轉戰湖南江西山縣中又不幸早卒故知之者寡耳 義甯陳氏三立練勇芻言跋云湘鄉王壯武公始與曾公國藩竝起鄉里竝號爲湘軍時曾公資望高將率言兵者壹用曾公成法轉戰六州公獨別爲一軍與之異李立奇勳後公旣歿偏裨仍之呂所部橫馳天下猶稱無敵天挺人豪發其智略緯一代中興之烈偕於戡亂捍難而止耳奚異同因變之足云兵家之書七略所稱任宏所校曰兵權謀兵

形執備已茲書文句淺易取喻校率頗詳規制法程
 號約禁令與戚氏新書相出入殆古軍禮之遺而司
 馬法之支裔與嚮嘗刊於軍中戒毋流布慮曰資寇
 其自憲如此宜其書不多見然由今曰觀中皆仁誼
 神武之言傳日苟非其人道不虛行寇亦烏得竊取
 之哉 駱文忠公奏議奏公疾歿軍中摺云所箸練
 勇芻言險法新編練勇臆說尺一偶存各書皆本其
 心得而言實可見諸行事 按公練勇臆說尺一偶
 存均佚惟練勇芻言今存遺集爲今湘營之制當日
 恐流布曰資寇者實險法新編一書外間輒曰芻言
 當之 遂爲湘營定制 東湖王氏定安湘軍記水陸營
 耳 制篇云湘軍初興王鑫羅澤南
 皆講步伐諳戰陳深溝高壘與賊相拒曾文正採其
 說而立營制楚師之強莫與京矣自注云湘營規制
 多採之王鑫練勇芻言 按練勇芻言營制篇每哨
 正哨長一名副哨長一名聞之湘軍舊將云左文襄
 公出領師凡公部曲悉委用而曰公從弟貞介公開
 化總營務壹依公規制文襄獨曰副哨長爲贅去之
 後戰婺源前隊失利遽令守壘軍出接應久之不能
 成隊迺諷歎公當日用意之深遂不復有所更變攷

其時文襄與郭公崑壽書有云吾軍在楚人中最晚
出最講營規數年後當與王壯武部齊觀暫尙不敢
自信蓋文襄居駱公幕中時公捍衛
南境其治軍尤文襄所長也

咸豐四年甲寅公三十歲

正月寇進圍武昌日眾上犯岳州二月掠湘陰西從
陸道陷甯鄉曾文正公遣儲公攻躬日師援甯鄉雷
羅公軍還屯衡州而親督水陸萬人自衡州東下駱
公檄公先率所部出湘陰庚辰儲公破甯鄉寇殂之
寇驚大軍至湘陰岳州寇悉下竄己卯公軍至新港
捕斬土寇三百餘人先後焚賊船數十丁亥進收湘
陰丁卯復岳州議遂進兵崇通三月乙巳前鋒至羊

樓司遇

頗有斬

迎擊復

至三鼓

州城守

公將鄒

公不從

南津

湖屯

申寇至
退保南

阻絕軍

水軍約夾擊已而水軍亦退己酉士益困餓不能戰

曾公已船來迎師公憤極欲自刎眾擁之突圍出丙公

辰上某公書云初九抵岳城初十賊即至有議空城

守之無益者鑫叱之急揮勇登陣頃之賊至陸軍與

戰鑫亦出隊策應未幾陸軍敗退鑫即收隊入城與

各勇鬪草殺馬為食賊併力晝夜環攻鑫外守望援

且俟米船無何水軍亦敗去至十一日午正有船至

西門各勇紛紛登之間故答日曾軍來迎者鑫即揮

刀自刎被親兵奪刀擁之登舟營官鍾近濂劉恪臣十數人皆沒連

日還係長沙寇進據靖港甲子繞道陷湘潭公上書

駱公自劾而請收散亡圖後效駱公已聞

優旨許之本年四月初十日寄諭駱秉章奏賊竄岳

州見籌防守一摺王鑫輕進失利著即革職該員平素剿賊尚屬奮勉四月庚午曾公攻靖港不利著準其帶勇効力贖罪

而是日塔齊布公自甯鄉援湘潭大捷時公已集所

部數百人扼魯家瀾敗寇上竄截擊盡殲之五月羅

忠節公從曾公大軍東征駱公迺留公一軍專防南

界湘軍志援廣西篇云四年曾師東下王金日戊申

檄曰五百人徇郴桂癸丑軍至衡州嘉禾土寇尹尙

英攻擾縣城公馳剿破之捕斬數十人桂陽州志事紀云四年嘉

禾民尹尙英作亂破縣城王金督六月剿廣東寇藍

山敗之冷水源已卯進攻甯溪所寇屯破之已廣西

寇窺江華公遙守嶺東閏月寇自錦田竄水井癸巳

分軍擊退之八月庚子遙屯錦田軍士觸疫寢食醫

藥公躬自拊循之賀縣寇犯桂嶺丙辰復回軍嶺東

迺日教練各勇技擊敵法至夜則令讀孝經四書相

與講明大義自是日為常

駱文忠奏議奏公疾歿軍中摺云治軍日訓練為急

所部壯士操刀矛火器之餘日孝經四書相傳誦入

夜營門扇閉刁斗之聲與書聲相間也湖南袁忠

錄王壯武公傳云軍屯有暇輒令讀孝經四書士率

化之左氏瓶王壯武傳云常教士率作字讀書書

聲琅琅如家塾然又時日義理反復訓諭若慈父之

訓其愛子聽者至潸然淚下又公是年九月與羅

雲浦茂才書云鑫日來頗能自振力戒出位之思日

攝生而寡過常痛念前此致敗之由而深求古人所

日致勝於萬全之道參日今日之所宜若恍然有所

得日集各勇而訓練之務求使之人自為戰不敢躁

亦不敢怠張睢陽詩日不辨風塵色安知天地心鑫

准隨時隨事盡分所能為力所能至而已他何知焉

家書九月與伯兄書云弟日來精神更加爽健日

集各勇習敵法操武藝勤加訓練各長各勇莫不畏

而兼懷一切事改一日之觀由茲始終不懈當可成一勁旅按公教士隨事訓勉有暇與引論經史大義或親書格言令樵寫見於六七年日記甚詳惟五年日記全佚其四年所存日記殘本屯嶺東時飯後教習礮法至午習跳躍技藝人夜則傳集訓誡皆日有常度已灌陽寇竄永明游

擊周公雲耀禦之九月寇進據桃川別寇圍道州知州馮崑城守時兩粵土寇所在屯聚多者萬餘人少者亦數千人合散無常攻剽城邑日夜圖出湖南與金陵寇合戰則皆著紅巾故或號紅巾寇湖南方悉師北援輒召例檄衡永鎮道籌防守廬公率湘勇五百人屯嶺東李公輔朝楚勇九百人駐宜章弁兵則獨永州游擊周公雲耀練團勇數百人能戰

公是年九月與

朱石橋太守甚六周守備雲耀者字光廷邵陽人見署游擊為人深明大義時召君國為念辦團練不少

懈誠武弁也然分防永明江華往來奔命故寇益縱所希見者

橫馳掠按遺集是年八月陳各縣邊防喫緊稟云該匪等豪無一定巢穴或朝東而暮西或夕分

而晨合或方拔營他往而此間忽緊或欲率勇逕剿而彼匪忽變查江永臨藍營兵雖合計不下二千餘

而參游已下各將官未必盡如周護游之結實可靠此外由省調來者惟都司李輔朝楚勇九百名駐宜

章舉職湘勇五百人駐錦田而約計廣東連韶及竄廣西賀富之匪恐不下二萬有餘若果竄楚實慮不

敷堵剿辛巳公自嶺東剿桃川與周公會師江華聞道

州圍急則改道援之王午進軍劉家邨寇數千屯城

西橋背街官軍至分黨沿河鈔官軍公先遣軍自山

下要之斬寇三十餘名寇奔還併力前距公馳陷險

寇火槍發一鐵子中公胸入分許復一子掠左脅過

血流殷袴褶公督戰益急士率爭奮短兵接軍功楊

邦傑力戰外傷者數十人把總易普照身被二十七

創猶奮刀入殺傷過當寇大敗斬首二百餘級生擒

數十人其夜寇悉遁走解州城圍馮氏崑王壯武公傳云九月粵西寇

數萬來竄道州城中兵僅三百賊礮石環攻余乘城

距守六晝夜公時在江華與周節愍公雲耀會師援

永明余雖日望其來而不敢必公適召州圍較永明

事急偕周公改道疾趨出賊不意酣戰於城西橋背

街殺賊數千生擒百餘賊宵遁城賴已全按是時馮氏崑爲道州知州守城情事皆所目擊惟賊眾與所殺之數仍依公稟牘爲據公度寇竄江華與周公裏傷越嶺澗

徒行一日夜達江華據縣城待之明日寇始至公敵

城外山陔而日餘軍伏陔後既接戰寇礮石雨集官軍堅立不動待寇近數丈許迺然礮傷寇酋數名寇殊从戰陔後軍繞出夾擊寇回顧駭奔追逐十餘里斃寇數百名盡收其器械軍實甲午還勦永明寇破之巖口塘寇出竄恭城栗木街十月庚子公督團軍進攻未至栗木十里分精兵四伏而令團勇出挑戰寇爭出逐利公揮伏兵推鋒竝進斬寇二百餘名追至河濱寇復列槍抗距軍士奮呼渡河寇驚走爭入栗木屯公令人執一炬燒屯風怒火盛倏忽之間屯柵盡燬寇燒从甚眾冒火進攻出奇兵突擊盡殲之

奪馬六十匹軍器旗幟無算迺召兵徇龍虎關集團
軍訓練令築礮堡爲守具已甯遠告警迺揚言還江
華癸卯與周公率五百人兼程進乙巳至天堂墟遇
寇敗其前隊屯寇數千爭出距戰公與周公奮勇馳
入追殺十五里寇走入城外市屋公令軍士裂紅旗
裹之入寇中寇驚擾亂自相蹂殺僵尸十數里河水
爲之不流生擒四百五十三名是日寇脅結姦民攻
城者萬人公至則先遣人諭各鄉擒逸寇揚言官軍
已破賊姦民將赴寇聞之爭解紅巾還匿已至者亦
疑沮故已數百人殺賊尤眾明日追寇至藍山而別

寇方圍攻藍山屯城西高陽里敗寇走與合執大盛

是時官民兵不期併集江公忠濟方率楚勇攻寇前

隊

按新化鄧氏瑤雙梧山館文集江壯節公行狀云駱公檄公赴永州堵剿粵來諸賊至永間桂陽之

藍山被圍亟馳往痛剿賊窮遁據此則楚軍適已此時新至也公與周公鈔其後正

搏戰聞寇忽出藤牌衝擊楚勇少卻公從四騎馳退

退者薄港口支一木渡寇遠前遮公公瞋目呼殺賊

寇驚引退

左氏樞王壯武公傳云又嘗已數騎遇賊賊圍之數重公轟然疑立賊刃已及其馬

足忽翻身大呼斫之賊大奔公從容掉臂還營去按諸家所爲公別傳敘戰事皆簡略惟左氏樞一傳較詳而不著時地左氏爲公同學友人其言當可據茲就所述證已當日奏報稟牘爲分注於下方公

已援軍大集迺與眾約一戰殲賊而自任擊高陽里

屯次日黎明公登城瞭寇寇遽出兩隊分撲湘楚屯
湘軍壘堅不得入至晡時楚勇出戰已捷迺從壕間
鑿五門出擊大破之先時南勇屯城中公與約戰勝
夾擊至是乘公軍大勝潛遣人從隙後鳴金前鋒誤
召爲公令遽退公亟令止屯而要楚勇復出追擊楚
勇行數里引還會日已暮寇益遠去公迺收軍是夜
寇分道遁走按桂陽州志李月台傳云賊屯藍山城
西官兵追賊者不期併集王鑫約眾曰
賊流擾數千里經十餘月今俱集於此官民兵十餘
營一時俱至近萬人湖南擊土寇兵未有若此多者
此難得之機不可失也宜併力一戰殲賊吾請擊高
陽里賊屯不日疆寇煩公等于是定謀各擊一屯約
黎明齊出鑫葶食待旦吹角出軍至高陽里賊出戰
鑫願諸軍徒立營外揚旗叫呼無戰意快快不樂甫

交綬遽退歸怒曰諸人無可共事吾不能居此次日引去故賊得分道遁去是役以眾志不齊致賊得遁去實如州志所云惟寇即於是夜遁走其敘戰事亦未及詳也
王子公還道州休士
馮氏竟道州三忠祠記云自九月十七至十月十七經五大戰較五州縣二公兵威日振

州人士講學周子祠堂

旭菴先生所為公事略云及從事戎行每恨出身太早

練督戰之暇手不釋卷嘗與諸友論學幕中多所發明甲寅冬駐軍道州數集諸人士講明正學切究義理所說甚透闢一時感發興起悅從者眾公是年十一月與張戢山大令書云自二十一還軍道州槁宴士率已紆其鬱苦之情而仍於上午謁周子祠堂集其裔孫與邑中俊秀講明正學又家書丁巳七月與季弟書云茲鈔寄芸窗書與觀兄往歲與道州士人論學謂自明呂來欲合程朱陸王為一途者其得罪於聖賢固不必言即賢智之徒謂我躬行實踐不必辨人是非者亦未能實於道有所見也何也孟子曰予豈好辯哉予不得已也能言距楊墨者聖人之徒救世之心千載如見再上而溯之孔子之時

聞有悖道而馳者未足惑世而孔子已皇皇然憂天下來世痛切告人曰攻乎異端斯害也已素隱行怪後世有述焉吾弗爲之何等憂深思遠堯舜之時禁巧言誅僉王絕嚚訟皆恐其害道辨之精拒之嚴如此夫黑之足曰污白也不祛黑則白必不可全猶之足曰穢薰也不去猶則薰必且變臭異端之害下道也不力闕而拒之必至胥天下之人入其教而迷焉莫知所底止而人道淪於禽獸噫嘻是安可曰不辨也躬行實踐固儒生第一要著然言明德則新民迺其分內事有志成己則成物迺其相因之理原非脫然兩事也況卽第言修己博學審問慎思尤貴明辨否則所篤行者安知其是道耶非道耶吾烏敢信其必不自流於異端也孔子責于貢方人恐其徒比較人之短長此心馳騫於外而不切實爲己耳非謂關邪說曰衛正道亦不應爾也如謂自修未至不宜曰救世自任則尤非孟子曰人皆可曰爲堯舜天之生人莫不與曰至全至足之理新民不止於至善終是明德之功有虧成物不盡其分量終是成己之事有缺天下—夫不得其所聖人恥之若撻於市朝爲此說者抑何其曰自菲薄者菲薄人乎嗚呼我師忠節

公既歿兄與弟等之責日重而尤萬無可
諉矣使其自棄何已爲人願相與勉之也

先是路公

檄公兄人樹先生自湘增募五百人分徇臨武藍山
嘉禾事急公輒遣軍更代日有戰事不可勝紀十一
月恭城寇自馬坪攻龍虎關遣王開化張福田助守
關公之去藍山也寇還竄甯遠偵知湘勇退焚掠襄
脅屯聚益盛壬申公自道州進擊道永州聞龍虎關
急先馳救之寇遁走其日楚軍攻甯遠寇敗退寇則
分黨出掠零陵辛卯公回軍遣張運蘭王開琳剿零
陵寇遇之青口擊敗之周公亦自錦田還救至四广
橋督軍先進寇圍之數重時公軍皆出逐寇左右獨

數十人聞警馳救道出兩山間寇眾林立左右皆懼
公曰今寇百倍退則立死矣非奮奇突出不得免迺
轉上山斫寇當者辟易後軍繼至會周公軍合擊大
破之追逐三十餘里拔出被脅男婦數千人乙酉擊
破梅岡嶺寇屯丙戌入甯遠縣城其日都司駱元泰
出軍縣北敗歸迺分軍出屯天堂墟而自返道州集
各軍新募湘勇自臨武逐寇至全州兩捷至是亦來
會十二月壬寅寇由九疑出圍縣城乙巳公約周公
會剿戊申至四广橋遇寇千餘甫交戰卽潰退追二
十餘里寇遁打水鋪屯己酉合軍攻其屯破走之圍

城寇亦遁走庚戌周公攻魯觀洞公攻九疑洞公行

軍所至輒夜引其父老詢山川道里險易遠近手自

繪錄之王氏定安求闕齋弟子記曾文正公論當時名將云師行所至須多問多思王璞山帶勇

有名將風每與賊遇將接仗前一夕傳集各營官暢論賊情地勢袖中出地圖十餘張每人分給一張令

諸將各抒所見如何進兵如何分枝某營埋伏某營並不接仗待事畢後專派迅勦諸將一一說畢璞山

適將自己主意說出每人發一傳單即議定之主意也次日戰罷有與初議不符者雖有功亦必加罰其

平居無事每三日必傳各營官熟論戰守之法張凱章運蘭是王之幫辦劉壽卿松山是王之部將故二

人守王之章程將開仗之先一夕必傳各營官會議至今不改辛亥軍至玉瑄巖寇

悉走匿巖谷迺用徭人爲鄉導窮極幽險捕斬無遺

癸丑遣二百人助周公而自率勇還定甯城庚申王

開化徇縣東北別寇由嘉禾竄磐石截剿之火燒墟

大破之燹寇七百餘人

按桂陽州志李月台傳云尹尚英走嘉禾冬十二月再犯

藍山磐石墟據此則開化所擊別寇即尚英一股也

又按是年竄永諸寇此滅彼起又土匪與粵寇雜

糝故各書所紀均無名號惟公是年與藍山令張戢

山書云逆目何賤苟尤狡險神速逾在道江甯三次

已窺其伎倆又五年駱文忠奏生擒胡有祿摺云胡

有祿供廣西人與朱洪英契好各有徒萬餘上年攻

撲道州甯遠江華永明均經擊敗云云已公

稟牘及本年奏報均未聲敘故不復詳著

駱公列

公前後功得

旨復原官并

賞換花翎

謹按國史本傳云十一月賊復竄逼永州郴

州所屬各州縣銜參將周雲耀等星馳赴援

分道追殺累戰皆捷各城圍盡解湖南南界

是月

次第肅清呂功開復原官并

賞戴花翎

旭葺先生暨賀太夫人六十壽辰公請歸省旭葺先生不許先是甯遠有張老人年百十八歲公至其家親調羹進食給資爲嗣子娶婦至是日公集人士九疑祝二親壽老人亦扶杖至公爲九疑遙祝圖紀其事湖南褒忠錄王壯武公傳云甯遠張老人年百十有八龔造其家厚恤之爲嗣子娶婦比旋師經其地老人已抱孫矣迺曰其父生日偕老人及賓友登九疑遙爲親壽家書四年十二月二十八日稟旭葺先生云謹遵訓示不遽歸家男欲作九疑遙祝圖求當世賢士大夫題詠已爲承歡之具且擬畱此數日已便各勇拜祝具敬酒諸物將二親之命賞賜各勇想二大人必喜男之能代行事也

七月適左氏女生

家譜次適湘陰左公宗棠子孝同

王壯武公年譜卷上終

王壯武公年譜卷下

湘潭羅正鈞纂

咸豐五年乙卯公三十一歲

正月屯甯遠捕餘匪暇日與人士論學所獎拔甚眾

公丙辰上某公書云去年乙卯春正月在甯遠擬清
 匪後辦善後事宜將生平所學者試用於茲迺根株
 未拔而逆首朱洪英攻陷廣西富川家書甲寅十
 二月與季弟書云昨於甯遠又得二佳士黃為最楊
 次之黃則年僅十九耳兄二十八晚偶住黃生家翌
 日早起見書籍被賊殘毀躬為檢拾得所作文十餘
 首悉為改正茲付回黃生課卷一本楊生和詩一首
 呈老親曰博一歡也又丙辰二月與季弟書云昨
 黎生警齋來見與之言真天上麒麟也旭菴先生
 所為公事略云軍行所至尤留意人才所拔英奇磊
 落之士甚多願從軍者延之幕中厚為禮遇無不樂
 為之用否則遣之讀書家塾按黎警齋名宗銘亦

二七二 年譜卷下

甯遠人後隨公軍中公歿後咸豐八年从於建昌黃生名習溶字雲岑後已軍功官道員二生皆從公遊論學之書

時紅巾寇敗還粵邊益復相聚寇掠尤悍者胡有祿自稱定南王朱洪英稱鎮南王各擁眾至

萬人

引詳下駱文忠公奏議

二月朱洪英攻陷廣西富川令其

黨蓄髮寇執大熾辛丑公屯四广橋為江永聲援

按是

年二月初十日永明知縣曾某乞援書云頃探報同稱富川賊匪俟蓄髮稍長即由麥嶺竄入永明併知永明守禦單薄新到永勇二百人甚畏怯且知吾兄駐師江華不敢輕犯謂閣下為王老虎賊中探報更實縣中士民甚惶懼務乞星速遄臨已慰倒懸之望按各書稱寇中有出隊莫逢王老虎之謠均紀於公戰江西時據此則是時已有戊申畱謝仁峻率二此稱也餘引詳下丁巳年

百人守甯遠進軍白苾營辛酉與參將周公雲耀軍

富川白甄洞

又是年二月永明知縣曾某復書云閣下與周光翁直攻富川來書言已戰爲

守已剿爲防真

拔本塞源之論癸亥黎明進師城寇二千人出禦擊

敗之復追寇至城下俘斬數百人連日合軍進攻寇
憑城發礮多傷官軍官軍不及二千人公軍城東周
公軍其西餘皆團軍屯寇乘間出南北擊團軍官軍
至則返奔入城如是數日寇呂火擲焚團軍屯殆盡
公方議募徭勇助攻會胡有祿自廣東連州竄楚境
丁卯迺與周公回軍江華胡有祿已率黨掠上江墟
至白水公間道赴白水截擊未至寇復竄巖口塘而
朱洪英亦棄富川走秀峯圖合胡有祿攻永道公議

屯江華策應三月寇自秀峯進桃川永明告警公雷
周公駐江華而自率湘勇千人赴之丁酉至永明離
城三里止營偃旗鼓以待寇不虞公至擁眾數千人
馳攻城公猝建旗鼓出擊士卒憤前攻富川傷囚多
見寇尤力戰寇大敗窮追三十里斬馘二千餘人奪
取軍械不可勝計并搜獲富川縣印公馭軍嚴每戰
歸輒坐營門閱兵入有得賊物者立杖之焚其物兵
畢入迺起是役寇盡棄輜重公令收足供軍用者而
召士卒勞戰久別請賞犒之捷聞

詔進官知府餘寇遁恭城合胡有祿還陷灌陽

湖南褒忠錄寇事述

云逆首朱洪英先由富川竄入
永明爲王鑫所敗遂踞灌陽 公回軍道州堵禦庚

戌進屯雷口關四月全州官軍約公勦灌陽丙申擊
寇船會江口丁酉又誘敗之江濱戌寇三道渡河
踰伏公亦潛分軍掘其伏兵而率數十人列江岸誘
之寇望見還走公揮眾擊敗之是日廣西軍攻城退
還全州己亥寇棄城走新墟公迺引軍繞道州赴永
州禦之寇則分黨擾文邨新圩綴公軍而潛召大眾
越零陵山中走東安戊申攻陷縣城公聞警與周公
馳屯井頭墟壬午會都司駱元泰兵進白牙市癸未
分三路按伏而進至草鞵市寇列眾數千抗距公先

馳入衝其中堅官軍合執環擊大敗之乘勝進逼寇

屯至晡時連破其四壘公一軍逼城屯孔明臺正築

壘間寇悉銳來犯公督軍馳下擊退之甫定寇復來

撲如是數次迺退去左氏樞王壯武公傳云嘗先製營具乘夜壓賊而營頃刻已定

賊覺來攻則壁畢斬然遁去甲申寇來攻公誘之上山始擊之斃

寇百餘名追至城下斬紅衣寇目七名孔明臺去城

四十丈瞰臨城中寇寇尤毒忌之晝夜弓礮轟擊礮

丸時掠營帳飛過公銳意圍攻連日治攻具率軍肉

薄傅城寇輒隨方抗禦戊子江公忠淑募楚勇千人

至全州亦遣官軍來會己丑寇偵全楚軍新至遽出

軍薄其壘幾不支公聞警馳援擊退之五月壬戌朝
寇眾三千人分五隊牽我師而日火燒全軍屯全軍
驚退楚軍亦日聞西延警遽退寇迺併力攻公壘城
上亦發礮相應公持刀憑壘督戰自辰至戌藥鉛罄
竭劉光明據礮詐然綫張運蘭大呼曰待賊近迺發
寇乍卻軍士乘執奮擊寇始收退東安城小而堅寇
皆兩粵劇盜習於械鬪又恃與金陵寇通呂嚴酷令
其眾故悍驚堅忍異諸賊公日軍單又久攻多傷迺
議退屯甲子令空營出伏張旗幟孔明臺縛艸人執
之寇果夜撲營山下鼓聲驟起寇驚遯翌日迺退屯

井頭墟

左氏樞王壯武公傳云嘗半夜滅營中火賊謂其去也追之既近暗中槍礮大發如雷霆

次夜復然比明公營中虛無一人其進退之不可測如此云然寇亦終不復出辛

巳駱公自省調千五百人助攻丁亥合軍進五里牌
戊子寇出數千人逆戰公與諸營布礮數里分兵接
伏寇先已精卒破其前隊而寇伏林莽者亦爲官軍
所捕擊皆敗竄入城自是分道圍攻連二十餘日寇
輒沿城抗距官軍屢有斬獲比追近城則發礮傷我
師收軍輒復出追擊已爲常六月丙辰劉公長佑自
新甯已軍至公迺與誘城寇遠出擊斃八十餘名其
日知縣賴史直亦敗寇花橋次日寇大隊布唐帽山

圍攻劉公軍公馳出來擊敗之戊午全州援寇攻石
期市屯公分軍馳剿寇遁去七月甲子寇分襲各營
公召軍鈔寇後樊悍寇數十名劉公軍發礮相擊寇
始不支各軍追擊斬二百餘名寇悉奔入城戊辰夜
會諸軍梯城軍士循城行疾寇覺之狂譟俱起礮石
如雨官軍徐退寇出追返軍擊斬百餘人癸酉寇設
伏周家嶺而已軍先撲劉公營公遽繞嶺前截寇軍
爲二分途痛剿寇厥相藉劉公所伏軍亦起寇沿河
遁走適周公軍扼其前大敗之自是城寇益固匿外
守庚辰會諸軍昇礮逼攻寇始出禦官軍戰且伏殺

三月五日
王
數百人寇卽退走公憤極前追至城下寇復出眾來
捍公張兩翼擊之復斬數十人壬午全州援寇數千
夜竄入城次日出屯諸葛營築壘一夕而就乙酉合
軍攻之寇退渡河屯其日寇開城應援寇擊之斃百
數十人公念相持無已時戊子大合諸軍進擊殺寇
二百餘人長髮寇酋數名寇遽收眾入己丑寇出西
南犯官軍官軍爲橫隲寇攻右則繞擊其左攻前則
繞擊其後寇大敗追之直薄城下奪獲器仗無算寇
執大燭庚寅乘勝進攻公與劉公攻城東北周公軍
攻東南寇窘急突南門出官軍合執躡追并踏破隔

河寇屯寇於者甚眾生擒數十名復東安城

湖南褒忠錄王

壯武公傳云金與周雲耀四月進攻東安無日不血戰敵以三十餘人受創者四百二十餘人至七月適拔越日公與周公越境追至黃土井寇竄入四里洞方合軍蹙攻劉公一軍由白沙進追驟遇朱洪英大眾截出公急回軍援救道聞胡有祿復犯東安縣北花橋遽改道趣之至則寇竄伯牙市五鼓自縣城躡之寇則已由燕桂塘趨新亭公已尾追執不相及迺繞道出桐子山嚴隄已待寇不意遇大軍錯愕失次

左兵樞王壯武公傳云公行軍入險出奇捷如鷹隼或賊甫至一處度公必不及也而公已在其後或賊將竄一處波公必不知也而公已在其前或賊密謀取公徒手方就道而公驟出薄之按是年左文襄

與公書云每當兵事孔棘之時意麾下必當馳至已而果然他人每詫弟何自相信之深蓋不知璞山智勇深沈固非可目尋常窺測也

公督軍奮勇盪殺寇五百餘名斬都統陳可三呂下寇酋二十餘名奪馬八十餘匹旗械服物無算餘寇分途遁走王開化易普照復追至石橋鋪殺之百餘名庚子公趨枕頭墟周公趨油江橋復捕斬數百人次日合軍西澗橋偵寇竄祁邵界四明山督千總蔣榮華軍由良邨鈔出寇殊於關官軍盡銳攻之寇狂奔追二十里斃寇四百餘人生擒寇定南王胡有祿并其監軍潘大輿等二十餘人解省城磔之而寇酋何賤苟亦斃之亂軍中

按曾文正奏稟咸豐

三年十二月衡永剿匪未畢摺云湖南上四屬土匪尤多與金陵粵匪相通其大頭目爲道州之何賤苟自稱爲僞普南王今年兩次拏獲皆非正身此股實爲湖南之巨患又公四年與張戢山大令書云逆目何賤苟尤狡險神速鑫在道江甯三次召窺其伎倆此誠不弒終爲吾楚之患茲此次駱文忠奏云僞都統何文華在四明山伏誅據胡有祿供卽何文秀人呼爲何賤苟迺頻年竄擾楚境屢次漏網之犯

癸卯會各軍入山搜餘寇爭走匿叢莽中迺從上風縱火寇驚走出捕斬千餘人墮巖澗外者無數各鄉團勇爭起要寇亦殺之數百名是日大雨如注溪流盡赤而劉公亦自白沙追破寇于新甯於是永寶略定

駱文忠公奏是役公功第一

按駱文忠奏議東安竄賊分撲官軍大捷生擒首逆摺云臣維此起逆賊自咸豐二年八月由廣西南甯起事召來攻陷楚粵邊界各縣兇悍異常所糾

黨夥皆各省游匪而廣東廣西湖南邊界劇盜尤多其饑悍不亞金匪逆兩省不得解嚴者兩載有餘矣頃胡有祿繼送省城臣委員研訊據供廣西武宣人道光二十七年攻撲陽朔今年下游逆賊有信囑其前往會合故下令蓄髮自稱定南王曰便號召黨與又有朱洪英自號鎮南王與該逆契好各有徒萬餘上年攻撲道州甯遠江華永明均經擊敗仍糾集於黨沒意北竄本年攻陷富川灌陽及湖南之東安不諱臣當將盡法處外傳首東安現在永州寶慶已滿次肅清在事文武官紳兵勇自四月至今冒暑鏖戰屢獲勝仗收復城池復將大股殄滅生擒首逆寶屬等有微勞委紳卽選知府王鑫忠勇奮發熟諳兵機應請 旨得 旨道員選用

旨道員歸部選用當公圍攻東安時廣東別寇何祿陳金剛等挾眾數萬出宜章攻郴州桂陽破之劾縣土寇聞風響應寇既連陷大郡遂謀直窺長沙益遣其

黨分出茶陵永興耒陽官軍戰數不利

湖南褒忠錄寇事述云五

月三十日廣東賊何祿竄陷郴州土匪響應八月十

三日賊由烏泥鋪竄入永興官軍潰退復由龍王鋪

趨茶陵旋遣別黨

踞桂陽相犄角

九月公兄人樹先生復奉檄募湘

勇五百人益軍公自東安會師衡州丁卯先擊耒陽

寇

守賊齊禧著王壯武公傳云粵東賊何祿陷宜章郴州桂陽永興茶陵欲由耒陽據衡州呂窺長沙

巡撫檄公至衡州公伯兄勳增募新軍

自蒲鄉來會于是公始有千五百人

寇前鋒屯公

平墟扼墟口布敵公遣王開信持短兵繞入墟市斬

寇數百名寇前敵驚亂中外合執破走之明日寇復

糾眾至公豫置左右翼以待合戰大敗之己巳寇來

撲壘公堅壁不出俟寇將傅壘驟擊鼓寇棄械狂奔

生擒其都督二名追至永興寇眾屯花園大陳兵來
距公張旗幟山左右爲疑兵而分遣五隊繞伏前嶺
寇至截出兵與戰殺悍寇數十名寇引卻伏兵迺悉
乘嶺馳下寇莫測眾寡大驚潰乘勝連進傅其屯寇
遂棄屯走悉收其軍械輜重窮追至板嶺前後斃寇
千餘人翦燬寇柵壘十數所遂定永興時何祿據郴
州資其黨陳義和重兵屯桂陽相犄角按桂陽州志
作陳良陳材
當是名
字之異於是公議先取桂陽乙亥畱新軍屯公平墟
揚言攻郴城而繞道出仁義墟庚辰攻烏桐鋪寇屯
破之進與陳公士杰團軍分隘屯不進者數日而日

出數百人誘之城寇出則退乙酉郴寇千人來援寇
遂空城夾攻我軍公分軍密持攻具襲城而自與陳
公分道出遇寇馬鋪橋大戰逾時寇敗潰陳公亦破
寇十里亭合軍進敗寇欲走還城見官軍已逼城造
攻具則他竄公疾回軍繞伏城東而與陳公梯西南
呂登城城寇倉皇無鬪志潰圍東走郴伏軍迎擊敗
之遂復桂陽其日官軍亦復茶陵公方議進軍羊舞
坪李石保者州北鄉人聚亾命千餘人起應寇州城
既復呂眾屯曹家邨阻水自固十月辛卯公令團軍
前攻橋而率軍從招旅襲其後大破之已隔岸寇大

至公迺若為欲渡者而令張南桂繞三曲灘出寇之
 右陳健堂逕淺灘出寇之左寇方憑河發礮左右兩
 軍突入旗長李敬堂直前擒寇都督周國彪復馳入
 陷敵軍士爭奮復擒其軍師周國彩寇失執狂走

追逐十餘里斃寇三百餘名癸巳冒雨追至油山

桂陽

州志云李石保州北鄉人習技擊為一鄉患陳良陳村據州城石保合眾起應之皆勇悍凶命州城既復石保克吳山下阻水自固鄉兵前攻橋王金從下游鈔擊賊大潰走王金追至郴州境平

乙未寇

別黨擾耒陽馬田墟公平墟軍擊敗之斬寇

酋伍啟月丙申公率軍繼至復敗之油塘餘眾悉竄

瓦窰坪寇屯瓦窰坪距郴城三十里為水陸要衝寇

之軍實皆聚焉庚子公遂軍五里脾寇悉銳來距公
分軍迎戰而自率軍趨瓦窰坪倬寇千餘遮浮橋攻
公公親禦之而令易普照呂輕率繞黃牛灘襲寇屯
寇見公軍少遽前來撲忽瓦窰坪火起呼聲震山谷
寇驚亂公督軍急攻之寇爭趨浮橋多自擠入水舫
公前助攻瓦窰坪斃寇千餘名寇積屯盡燬辛丑進
規州城先是寇廣結土寇沿城圍練皆奉文應故事
公至則申嚴約束假土人呂功牌始漸感奮自辛丑
至戊申捕斬土寇數百人寇於城外東南塔嶺築堅
壘二己酉公軍逼屯株木山築壘甫定寇驟至擊退

之會日暮爲壘礮式收隊庚戌屯寇出撲我營公遣
王開倍率黃萬友弓三百人出黃茅嶺王文瑞率陳
品南弓二百人出花鼓衝期至城下追賊至近迺夾
擊平明寇沿河上公督軍進擊追至下澗橋城寇出
應伏兵竝起縱擊大敗之辛亥寇復大至公分軍之
半伏營外三里堅待至日昃度寇火器盡開壁馳擊
營外軍鈔出大破之俘斬八百餘人李公輔朝要公
共攻城公量城寇眾盛又西北路虛虛軼出擾芴縣
報李公嚴斷接濟須東西執合迺進十一月守道李
公維醅率二千人至甲子迺分五道進攻寇背城布

敵鏖戰三時魏公承祝曰衡州圍兵陷敵公督軍

奮前力戰大敗之

公乙卯十一月與陳俊臣主政書云前番將兄殉節未敢陳明恐奪

士氣重閣下悲也彼時將兄戰地去弟二里許弟聞之不願獨生督勇拚命殺上僅奪骸骨殺賊三百餘名失我老友五中欲裂已將將兄平生縷稟上游已慰忠魂於地下也按魏公承祝字將侯衡陽縣志本傳云咸豐五年十一月從衡永道率師攻郴州爲中軍王鑫爲左軍李輔朝爲右軍戰南門承祝領百人前鬪賊易之一酋突前斫承祝承祝左格刀右奮矛刺之踏賊大進擲火燒承祝衣承祝被斫死

守道李公返衡州駱文忠公調所部檄公并將之於

是劉公長佑軍至與李軍合屯公軍仍屯株木山而

令新軍分掘城西要隘陳公士杰率桂陽團軍出正

和墟爲聲援自此城寇出掠米鹽輒爲官軍所獲遂

大困庚午寇食盡求戰公令堅壁挫之寇引去壬申
寇來益眾官軍分距之寇更番迭進相持至夜深公
出奇兵擊敗之方議大舉攻城而江永告急先是朱
洪英復自灌陽犯永明周公雲耀軍馳救失利公方
圍郴州急未及援至是城陷周公殉之而土寇蕭元
發引桂陽餘寇擾江華臨武參將趙永年要之甯遠
亦同時戰殞公聞警大勦公乙卯十一月與李春醴
觀察書云光翁所部千一
百人若盡曰守陴或不至此迺入城不滿三百人猶
且與賊鏖戰三晝夜力竭曰身殉之愈與光翁共事
一年每敬愛其人正大光明有豪傑氣概故深曰肝
膽相許忽聞此變能不感且悲乎又風聞臨武趙參
府追賊至甯遠殲此公雖非至交然每聞忠勇性
成久繫人望中心嚮慕已將一年從此武弁中更無

同志矣。按湘軍志防守篇云十月灌陽寇犯永明周雲耀入城城守十一月癸亥城陷雲耀自劉夙甲子桂陽餘寇犯甯遠趙永年拒下灌虛力戰夙之永年雲耀皆起行伍領營兵號有智略至是俱夙營將中無復知名始專用練勇矣。又按公殘彙中有周節愨公輓辭云事不由人甯取丹心光國史夙尚有我時提寶劍覓公仇後公克江永追寇連州鞫朱洪英一股殆盡蓋實踐此言也。分遣千二

百人勦永甯寇甲申偵城寇窮蹙將由東北竄走先伏軍以待至暮寇果引出官軍四面擊之擒斬數百人次日悉眾進攻黎明合圍城寇突圍出公揮兵縱擊斬千三百人復郴州城丙戌公率軍追躡自州城至於羊山五十里僵尸相屬生擒偽元帥朱顯輝燹寇凡六千人奪獲軍械無算丁亥窮追至桂陽永甯

鄉寇聞風聲皆曰為湘勇至走晝夜不敢息復殺二

千餘人寇散走黃茅嶺野牛洞戊子公分軍屯羊舞

坪杉木嶺扼其西北而自率軍趨黃茅嶺嶺層巒互

數百里十二月庚寅朔大雪攀巖而進

左氏樞王壯武公傳云當

其乘勝進追躡嚴瀾壑祁寒暑雨艱苦萬狀未嘗少休息觀者或危之從者或尼之公不顧也寇見

官軍至即奔竄殺傷者巖谷皆滿何祿走臨武官軍

自水東牛頭汾追斬之癸巳追至黃沙堡敗寇先入

保其城軍士譟呼乘城復大破之餘越嶺遁分軍追

至連州潭源洞莽山而還

守默齋襍箸王壯武公傳云復郴州逸寇猶有萬餘

公馳擊之一日行百數十里賊方食則公軍已至不自樵爨者三日迺大屠賊於黃沙堡餘賊約二千人

散走檄李公輔朝軍屯堡城還師道州追劾周公部將
二人論如律駱公上公復柳桂功

詔賞給四品封典辛丑會劉公長佑軍勦江永寇公前所
遣軍已屢勝癸卯至午田墟劉公遂軍援江西丙午
公一軍進新墟曰二城相距近議兩道攻之分其勢
方進兵永明寇聞公至遽棄城併走江華是日入永
明城急遣王開來率一軍趨江東埠適與永明竄寇
遇寇勢甚盛距戰聞公大軍繼至奮擊大破之丙辰
冒雪進攻江華而遣千總左光藻周文豹率千人屯
永明七都遏寇歸路

咸豐六年丙辰公三十二歲

正月辛酉楊夫人卒于家

公丙辰四月日記十四日兩慘聞內子於正月初三

日病故

又二十三日往七寶峯謁岳父母相持痛

哭午後歸大雨如注過內子墳上念生離數年外先

百日五女無依一坏竟掩雖

淚灑千行安能流到九泉耶

公圍攻江華丙寅破

城東寇屯城寇兇懼思散走是夜分黨出竄松柏周

文豹軍退屯公遣杜義品助之丁卯官軍四面圍攻

樊守陴寇百餘人人定後寇出城東竄發輕卒蹙之

河濱溺樊者甚眾復江華縣城戊辰增遣守備黃輔

鼎防松柏而公親渡河追寇冒風雨前進庚午及之

甯遠路亭寇布險山上公分軍四隊鈔擊險斬寇酋

奉光球寇殊从戰頃之伏軍竝起前後夾擊大敗之

斃寇二千生擒寇目歐陽順十名追至九疑洞次日

寇趨藍山

公丙辰正月日記十三日探寇盡夜竄藍山與伯兄率湘勇急追賊將作飯於楠木

塘我勇及之奔黃昏戰於五泉塘又大敗之乘月色追至嘉禾土橋墟二更始收隊爲食是日雨止路滑忍飢逐北行百有餘里途間有一勇奉我生諸餅之不忍獨飽也沿途多羅服勇夫欲買食之而無主余命其擲錢土中量取之追及之五泉塘復大敗之生擒寇軍師

楊茂枝是夜逐北至嘉禾壬申富川寇入白芷營遣

外委蕭榮芳率三百人往剿癸酉朱洪英悉率餘黨

自臨武還竄連州連韶久爲寇藪連歲合廣西寇北

擾郴桂永寶掠地及於茶陵耒陽官軍往來遊擊寇

敗則遁還糾餘黨乍逐乍至而兩省方日用兵腹地
寇暫得出境卽不暇復問所往故益盤固不可爬梳
公旣平嶺北遂洩計越境窮搜之而軍士久戰疲病
憚深入迺遣還藍山休息癸酉選精卒三百人自隨
裹糧踰巖谷而進是日度火梅嶺出龍頭偵寇聚小
東甲戌越桐木嶺至茶坪追及之寇負險外距蹙擊
大敗之追殺四十餘里獲僞軍師謝順太斬之遂進
軍徭山

左文襄公集是年正月與公書云江華收復後窮追痛剿如狂飈隕籜旣服用兵之精又

念行間勞苦也

乙亥寇分走星子雲霧洞山路崎嶇天又大

雨雪寇亦飢疲甚道斃者大半時何祿餘黨竄陽山

嶺背塘亦屢爲團軍所敗軍前至豐陽捕斬百餘人

朱洪英隻身跳走獲其妻子三人進屯連州東陂觀

按捕餘寇日有斬獲

公丙辰正月與文麗峯劉隱霞書云昨午弟由沸水洞追賊至

東陂觀分軍督團勇剿辦雙江口雲霧洞一股均獲大勝並殲朱洪英一股殆盡惟朱逆隻身脫逃耳弟兩日內分別研訊賊供梟二百餘名釋裹脅數十又據連州張漪珊司馬覆稱去冬我軍剿敗郴桂寇餘黨由潭源洞走陽山之嶺背塘被我團勇於昨初七八九十日四獲大捷弟辦團之效如此此行雖極苦頗足媿天下之已鄰爲壑者不僅除禍根爲周光翁復仇也弟現與伯兄熟商將陽山一股殲盡我省郴桂之防即可全撤便節每月數萬之餉而此間去陽山僅百里許擬率隊往平之相機審執由粵東而粵西再肅清永郡所屬邊境則南路可曰長治久安時哉弗可失想兩兄必曰爲然也按劉文皆公幕中士隱霞名本傑湘潭人咸豐八年殉難金谿湘軍志江西篇云本傑先佐王鑫軍負時名曰不能騎馬陷

寇外屢峯之焯長沙人先佐富川令濟昌五年濟公
殉城焯收餘兵討賊公破富川寇遂佐公後官江南
知縣始民畏寇相容匿公至則檄治團練皆懼速禍莫
敢應久之民感公威漸從令軍屯饋餉相繼庚辰前
軍夏滄雷藍山軍來會土寇呂公捕緝急圖合大東

山屯寇攻公軍二月庚寅斬積匪二十餘名

公丙辰二月日

記初一日訊洩匪犯二十二名又發五哨勇往東陂
觀捕匪日來所洩各犯多有自數其惡伏地請死者
又有少年賊黃某直認攻城打仗不諱且曰小人早
喪父母無人教訓有祖母在求錢呂養之故爲此耳
請就刑余哀而釋之伊族團力請寘諸法率不得已
殺之嗚呼誰實釀之竟令至此使余欲生一人而不
得日取斯民而戮之也可勝痛哉

辛卯寇二千人自西岸至公親督

千人分三隊往剿盡殲之分軍按西溪九堡屯寇而

寇聚陽山西江猶盛戊戌朱岡司張清鑑召師出拱塘公一軍間行趨茅嶺寇方聚攻蔗塘邨已一月守屯寇僅二千人銳師出不意鈔其後接戰卽大敗焚寇棚百有三十寇走合蔗塘寇回軍力戰相持至隘口寇大眾扼其外酒令軍爲佯敗引寇至遠然後召大軍蹙之外委扶鎮光奮勇衝入丁長勝繼之身被十餘創猶力戰寇大奔敗追逐二十餘里連州軍適至擊其前共斃寇二千餘人是日軍士蔣德安入山搜寇被執罵賊外姦民曾老玖據大邨與朱洪英潛結黨羽尤眾辛丑公遣軍揚言往星子迂道出其邨

後過未畢問星子所往令軍繞回適周其邨遠圍之

搜鑄軍械鑪十有二盡獲其眾斬之於是日集團軍

訓練爲編束隊伍擇軍中壯士十一人爲隊長呂其

地士人成兆侯領之

旭葺先生所爲公事略云追寇及連州殲之幾無遺類遂合官

紳接辦東陂積匪地方一律肅清乃酌畱十餘人爲百長帶隊堵其地 公丙辰二月日記二十日飯後各堡團紳至與論屢戰攻險之法且言長治久安不外乎正人心之理示之讀乾隆新疆善後記道光重定回疆記夜呼各勇教訓之卽發揮日開與團紳所論者言示若皆有所得矣

己酉進軍嶺

背塘察被傷士民百六十名醫治之癸丑屯禾公塘

先是寇自敗西江合黃盆嶺嶺背塘寇走英德旋見

官軍未進復出擾陽山青蓮英陽墟寇亦來會三月

戊午率軍進剿路險峭鼻膝
州官軍已與寇戰交綏公軍
照耀山谷既濟奮擊大敗之
臺迺回軍青蓮餘寇悉遁走
中觸瘴癘多病亾會廣東官
鼎蕭榮芳六百人畱防富川

是日自連州啟行還楚

公丙辰雨不止

隨我返楚平屬警齋作文而天
滕二張來商善後事遂同往郊
成兆侯爲營官軍容整肅心甚
丙辰三月與陳俊臣主政書云
矣志事未竟而瘴癘爲災病廢
快而返然此行難不如始願頗

未捨而將來且可借南人之力不僮上其不復反也 己卯至道州聞羅忠節公

攻武昌卒于軍大慟公在連州已染疾至是增劇 丙公

辰三月日記二十二日午刻抵道州城接心牧書稱

羅師於本月初八日在武昌因傷薨逝暈痛欲絕嗚呼天阮斯道迺至於此誠不解生人何意矣傷晚春

翁諸友邀游窳尊日寫憂昔常見其可玩者今適見其可悲不待昏而返 又按本日與李懋齋大令書

云賤軀前染瘴癘方就痊忽慘聞羅羅山先生之計國家頓失一長城矣又金師門也悲痛之極故言不

能盡意 又旭菴先生所為公事略云率師旋楚聞忠節公殉難武昌悲痛欲絕因子手書云羅

翁云凶鑫兒僮子重矣迺止悲然病亦增劇 庚辰寇酋蕭元發來降解甯遠磔之士寇擾鄰縣先遣軍屯

衡州防禦四月丙申公至衡州檄部將張運蘭王開

化分領其軍旋奉

寄諭江西情形危急劉長佑之軍雖經收復萍鄉而萬載一帶賊匪尙多恐難直抵袁州閩廣浙江應援之兵調撥亦需時日因思湖南南境業已肅清選用道王鑫帶勇素稱得力著駱秉章添撥兵勇飭該員由茶陵州進剿蓮花廳吉安府已爲劉長佑後路策應駱文忠公爲公覆陳病

狀

謹按 鄒平粵匪方略載駱文忠覆奏云查卽選道王鑫因帶兵赴廣東剿賊積勞成疾沿途感受

瘴氣病日益增遂班師回楚就近調理爾奉

旨

飭該員由茶陵州進援江西該員已病尙未痊懇請另行派委臣維王鑫勇而有謀能已寡勝眾現在湖南帶勇文武中實罕其比茲因病難驟癒旣未便彊之速行而此外堪當一面之寄者又殊難其選容再隨時察看情形妥爲

丙午公自衡

州回湘鄉養病其日羅忠節公返至縣城公迎哭之

公丙辰四月日記二十日行十里天始明繞道至馬
頭壩拜大父母墓午初至家謁祖先及諸長者後至
內室與五女持抱而泣母親揮淚而慰勸余頃之間
羅師靈柩將過急往迎之父親方率心致將奠之洙
津橋上余撫柩痛哭暈痛欲絕千里歸來
盡哀一時亦天假之緣因送柩至山棗
是月營返

璞山房 旭葺先生所為公事略云去夏構茅屋數椽
日返璞山房構書數千卷藏之常期大功告

成遂讀書明道素志也 按左 **成兆侯** 剿寇于英德
文襄公有題返璞山房額跋語

破之 公丙辰五月與李春禮觀察書云 龔回楚時在
東陂觀精選團勇八百名加意訓練雷弁勇作

幫辦百長堪用湘勇舊旗號其統領則布衣成兆
侯此人為物望所歸謀勇兼優故已付之旋接張瀚

珊刺史信稱賊聞湘勇又至多有逃散
者團軍追剿至英德之大灣大破之 **蕭榮芳** 進擊

富川寇 寇棄城遁五月湖北軍自崇通進援瑞州寇

入掠平江湘陰省城戒嚴辛未公力疾至省城寇前

隊及醴陵公憤甚檄屯衡州軍往剿

公丙辰五月與文麗峯書云弟

於此股憤甚羞媿不可言狀兄與凱兄能相機出已神速一鼓殲之稍足雪我省之恥

戊寅成

兆侯團軍破土寇連州莽山寇擾宜章檄千總蕭紹

鈴督張聲訓齊福珍禦之

公丙辰五月與李春醴觀察書云宜章兵失利於莽

山鑫昨稟商中丞飛札張聲訓精選壯勇五百宜章把總齊福珍勇五百歸郴州千總蕭紹鈴節制相機防剿則此路當可無虞矣 按張聲訓桂陽州志作聲恆當後所更名本傳云聲恆初領鄉兵有功及州境無事適與所善百人至連州投王鑫遣領所募擊賊屯戒日勝則畱汝聲恆率百人蹀而往賊聞壁大戰良久賊不利引退至隘口阻山自樹兵不能入迺祥退賊追至返戰至隘口仍相持王鑫陳兵山上若不相知聞聲恆急無可為計視後有平田可五六百步指謂眾人今走當稍遠至平田俟賊相尾即反疾行與爭隘入已約即退賊果追至田中百人皆反旆營賊過其後賊急退與我兵相亂比至隘口兵賊相

擠王金從山上吹角播鼓馳下乘之遂與賊屯迺今
 聲恆領百人為新軍金還省城見巡撫言新得一能
 戰士張聲恆可將一營會金當援江西巡撫特設一
 軍雷柳命聲恆領五百人隸李輔朝擊宜章莽山賊
 屯破之已金薦聲恆於胡林翼防崇陽通山聞左宗
 棠起領軍援浙江求敢戰將士諸王金部曲盡委用
 因及聲恆聲恆已積功至都司憤武官見輕入貲得
 府同知隨宗棠為裨將最有名後遂統三千人權道
 員歿贈太
 僕寺卿 **辛巳寇進犯攸縣公督各軍由湘潭馳赴**

公丙辰五月與張凱章司馬書云大府欲弟加招親
 兵數百人弟已餉項萬分支細何能遽加此次祇統
 領各軍一行撲滅
 後即歸家調養也 **六月丙戌朔進軍草市寇遁走江**

西公仍歸養疾 公丙辰六月與左季高先生書云今
 日因病重強回衡郡仍即歸家休養
 此役出奏萬勿敘入賤名及敝營人
 等已并未見賊且免為子孫玷也 **尋**

寄諭垂詢病狀仍

命公率師援江西

謹按 勦平粵匪方略五月二十六日

上命軍機大臣傳諭駱秉章日王

鑫一員帶勇素稱得力著駱秉章察看情形如該員

病能痊癒仍遵前旨添撥兵勇由茶陵州進勦蓮花

廳吉安府一 七月甯鄉姦民屯結調王開化屯馬坵

帶弓資策應

鋪眾解散八月公病癒會石達開上援武昌駱公迺

奏公軍出岳州為聲援

駱文忠奏議籌撥兵餉援勦江西摺云前兩次欽奉

寄諭垂詢即選道王鑫病能痊癒飭令由茶陵州進

勦蓮花廳一帶弓資策應維時王鑫病實未痊亦未

便促其前往比王鑫病癒來省謁見而石逆上竄武

昌警報紛至臣臣石逆狡悍非王鑫不能制之遂飭

王鑫赴岳州 已亥至省城增募九月丁卯公率三千

相機援勦

人自省啟行

左氏樞王壯武公傳云用兵規制自立

不苟與諸將同尤喜弓少擊眾謂師少

則氣易通令易徧勝易進而敗易救也故終身所將

未嘗過三千人 駱文忠奏議奏公疾歿軍中疏云

自札委帶勇呂來剿除衡永郴桂各屬土匪捍禦兩
 粵會匪援剿江鄂賊匪身經數百戰前後殺賊不下
 十餘萬克復城池二十餘而所將勇少僅數百多亦
 不過三千所向有功威名甚震 又公丁巳六月與
 耆九峯中丞書云竊自與兵事雖曰孤軍遇極疆之
 寇處至危之地未嘗敢輕求應援非自足而惡人分
 功也實曰冗襍之眾多不如少募泯之卒有不如無
 況吾民久困水火安忍使之益熱益深見賊尚沾名
 譽柰何我反相戕相虐 駱公復調朱南桂洪定陞兩
 蒿日時艱此心欲碎

軍隸公辛未軍至岳州武昌援寇已敗退當是時寇

蛾聚湖北江西而崇陽通城間為兩省往來孔道寇

脅居民蓄髮與武昌寇交通連歲用兵官軍退輒復

淪陷平巴與接壤並被其害公至則舉行團練始巴

陵呂次推行臨湘列縣拔士人劉璚等董其事

駱文忠奏

議北路官軍越境剿賊獲勝摺云臣呂武昌之寇久已窮蹙慮其擬而走險而崇陽一帶介居湖北江西久爲賊藪自石逆上竄之時鼠輩更形得志糾黨四出滋擾欲牽制攻鄂之軍王鑫平日征剿賊匪所至之處每兼辦團練輔之其能呂寡勝眾亦每借助於此抵岳已後卽擇地駐紮督辦各縣團練清鄉族呂靖匪練壯丁已從征漸有成效 公丙辰九月日記云三十日擬勸團告示是日傳集百長訓誡兩時許又召此地萬徑叢襍土寇極多擬辦齊各團會督凱兄朱洪張熊各營分道橫掃通邑再下崇蒲步練步進節節捷勦爲一勞永逸之計

己卯崇通寇犯臨湘聶家市公遣張

運蘭已一軍趨通城北港而自擊聶家市寇壬午一

戰擊走之十月乙酉寇擁眾三千至賀家畷公檄朱

南桂洪定陞兩軍自桃林分道進擊丙戌洪軍遇寇

前隊與戰敗之追至沙潭忽寇大隊出鈔朱南桂馳

救大破之逐北至詹家橋盡燬寇屯餘寇遁走丙申
張運蘭襲石楠橋寇屯走之止不追次日寇酋張庸
忠魯三元擁眾數千自通城來攻張運蘭爲三伏營
前而自選精兵出擊甫交鋒旗長彭聲發馳入敵斬
張庸忠寇大奔追至四牌莊寇反鬪復大敗之生擒
魯三元及其黨五人

公是年十月十四日與張凱章
司馬書云昨夜三更捷書至慰

甚聞前日追賊未及城而收隊非我兄之老成持重
不能如此賊非經痛斃而敗不宜窮追防中奸計此
定理也劉文叔大敵勇小敵怯實可爲法非眞怯也
蜂叢有毒禍患之來每中於所忽尤必倍加敬慎况
偶有挫失卽爲不美乎故如昨日寇棄城走崇陽迺
之眞敗始可遠追願我兄常識之

調朱南桂軍屯通城與張運蘭捕餘寇時寇酋曾添

爵踞崇陽梁一舉踞蒲圻而興國大冶寇時出入崇

蒲分黨結旁縣土寇所在屯聚庚子公擊分水坳寇

敗之

公是年十月十六日與張凱章司馬書云今日天明後率隊前往遇賊中途遽擊之賊即敗走追過分水坳殺賊不過數十名生擒數名此戰甚不稱意亦令各勇少習勞苦耳

是日都司

易普照亦破佛嶺寇屯龍窖源岳鼓山屯寇尤盛癸

卯公召軍猝至擒其酋鍾華玉十數人斬之餘黨爭

鬚髮反正公治軍書暇則讀周易

公是年十月與文式巖方伯書云偶

有餘暇時溫周易一善玩辭觀象竊嘆人事之變遷不外陰陽之消長泰否之乘剝復之運其理甚著而其後既治巴臨團練成迺進規崇蒲辛亥檄洪定陞

甚微軍屯羊樓而躬馳至通城檄訓導沈玉田權知縣事

分其鄉爲二百八十團設鄉約二十條畱張運蘭督行之十一月癸巳己軍自桂口進攻崇陽甲午遇寇洪橋堡出奇兵夾擊寇走龍船港官軍蹙之寇背水外鬪擊敗之復追至白泉橋城寇出眾來援又敗之斃寇數百人斬其先鋒寇九名奪獲軍械馬匹無算餘寇不敢入城是夜城寇亦遁走癸亥定崇陽城官軍出屯七星嶺先是知縣諸鍾迢知他縣代者避寇居新隄公劾罷之而請於巡撫胡公檄諸鍾回治崇陽旭菴先生所爲公事略云遇忠君愛國之吏及稍有善政者敬愛之甚且師事之見邪佞誤國蠹民者則惡之不癸亥夜寇自白霓橋來襲屯至壘門寂少假詞色

然遷延引去甲子分軍圍白霓橋屯甫交兵寇執甚
銳易普照陷敵斬數人寇少卻公引兵急進朱南桂
陳品南兩軍橫突之寇眾大潰斬其酋韋再玷十餘
人斃寇四百餘名溺斃者無算公追至通山迺還於
是集崇陽四十八堡人士令清族團盪滌莠類自爲
守平定粵匪紀略云王金督湘勇至先攻通城次遣
同知張運勸剿崇陽蒲圻迺召邑父老子弟赦已
往懲將來頒示戒規民漸知湔洗
圖自新金節次整刷遂抵通山己巳遣朱南桂軍
進攻蒲圻寇梁一舉聞公已復崇陽率其黨先一日
遁興國癸酉復蒲圻捕伏寇百餘人斬之未幾江西
武甯敗寇走興國與積寇合屯眾稱數萬大舉復犯

崇陽自通山進白霓橋公先遣蓄髮謀入寇中盡得其軍號甲戌公分一軍左繞大溪出寇後一軍右涉河伏蒲水更列軍南北誘敵而自率黃萬友王開化從中路進擊寇軍分數隊來撲氣囂甚我軍凝靜以待南北兩軍佯敗寇亂次進官軍縱橫奮擊寇大奔伏厥徧野寇分走大溪山南門洲伏軍突起截擊大軍自後躡之生擒寇酋熊正良傅雲魁五十四名斃寇無數敗寇聚通山白羊堡丁丑聞官軍至悉遁去戊寅進軍通山寇走興大復其城乙亥武昌克復

丙公

辰十一月日記二十五日戌刻接迪兄捷報欣悉二十一日武漢同時克復回憶羅山夫子二月間復季

老信有與此城終始之語今日之事
惜乎不及見也欣愜之下可勝痛哉
興大寇亦散走

公迺屯通山搜餘匪治團練如崇陽興國武昌民皆

爭詣公受團練條約公丙辰十一月日記二十七日
各鄉紳士來見興國州武昌縣

亦有至營請給
辦團諭帖者官文恭公奏公復四縣功

詔加按察使銜召道員畱湖北請

旨簡放尋復

命交軍機處記名黃輔鼎蕭榮芳戰雷口關屢捷寇走還

全州十二月檄崇陽知縣諸鏞兼攝通山庚子還屯

岳州胡文忠公是年十二月與公書云公牘之畱公
特浮慕大賢之名耳且神物非俗人可羈何嫌

何疑而遽為岳州之撤已函致顯公季公矣麾下兵
精不待言其扶持正氣鑒別忠奸則不僅弟不能望

其肩背即迪與厚亦似不及崇通之禍在良莠不分
氣節不振非公莫辦若粵邊稍可紓防仍乞獻歲之
初坐鎮桂日控制五縣已了鄂省邊患不勝至感
按是年胡文忠所與公書遺集未及按采此書自公
家檢出也

咸豐七年丁巳公三十三歲

正月丁巳調洪定陞軍自蒲圻屯通城與朱南桂崇

陽軍相犄角公大軍仍屯岳州暇日讀春秋

公丁巳正月日

記十八日雨細如絲竟日督行列縣團練而益精練

讀春秋有溫故知新之樂

各軍公丁巳正月日記十四日晴傳令閱侍勇操拳

及棍法予雖不善其技頗識其意雖曰小道固
有精焉者矣錙法則於劉光明有所取焉而未能盡
愜非過刻也官止神行彼未能造其至也十五日午
間閱各勇習跳有跳及肩高者故重賞之因思習跳
之法最妙昔鵬舉之練士卒每日教日跳壕越溝未

半載而五百人無不善躍者彼兀朮朱
仙鎮之敗安能不詫岳家軍如飛乎 襄陽寇陷宜

昌二月丙戌遣洪定陞軍赴澧州防禦朱南桂病歸
檄千總朱惟堂攝其軍乙未連州成兆侯軍解清遠
城圍是月劉公長佑軍自袁州攻臨江失利退保新
喻駱文忠公奏公軍往援是時江西郡縣陷賊者四
十餘城湖南北相繼已軍赴援劉公騰鴻李公續宜
圍瑞州劉公長佑蕭公啟江規臨江黃公冕趙公煥
聯等攻吉安而公舊部將胡兼善戰上猶崇義龍泉
開當劉公挫臨江時李公元度自撫州退屯貴溪寇
則逸出陷福建光澤邵武畢公金科戰歿景鎮饒信

之間騷然官軍氣大熾公檄洪定陞軍回屯岳州而

率湘軍三千人星夜赴之

家書二月二十七與伯兄書云擬日內即率本營及

朱營兼程前進弟此時豈敢懷輕賊之心然胸中實有把握蓋月餘已來整頓訓練較之往歲上郴桂時不特人數倍之且養精蓄銳自旗長百長之下淘汰精選况又持之已小心出之已多算嚴申號令明示賞罰屢勝而氣不敢驕無賊而備不敢弛禁騷擾已收民心作忠義已邀天眷讓功能已和諸將如此區之當必有濟望伯兄代稟二親勿望念平日訓誨之言刻刻不敢忘於懷也

三月壬申至

新喻時臨吉官軍阻絕而吉安寇且分黨竄龍萬四

月壬午朔公與劉公進屯泰坪墟迺分軍剿峽江通

臨吉之路而檄吉安軍分剿龍萬固楚邊復遂書劉

公騰鴻防瑞州寇竄逸崇通

按書均見遺集書札八

丁亥擊八

角亭寇屯二千人破之江西巡撫耆齡公遣人詢公
進兵所宜公曰書對曰職道見與劉道請守進軍泰
坪墟刻期會合水陸晝夜環攻但臨江城寇糧礮充
溢足資負隅自古用兵曰頓兵堅城爲戒萬一力攻
智窮賊終不戰其執必至如吉瑞之曠日煩費解紛
紉者不控捲救鬪者不搏擻今新淦爲寇孔道屯聚
大股策應三郡見雖進規峽江卽使迅圖克復亦僅
能通臨吉官軍之氣而不能扼臨吉城寇之援故論
緩急之執不先剿新淦呂清東路則三城接濟不斷
雖圍攻嚴密亦將終無克復之機職道前稟南巡撫

此次來江專擬就寇厚處縱橫盪擊已持大局斷不
敢株守一城圖功僥倖壹俟臨城圍合塹掘長壕俾
劉道潛守駐紮老營職道親率本部一軍渡贛而東
直擣新淦兼徇芎邑已撼撫建盡奪沿江之險斷吉
臨瑞之接濟使圍城軍外無牽綴益得已專困城賊
俾不旁軼如三郡一城先下則全軸俱有轉機矣乙
未大舉攻臨江公軍戰南門尤力癸卯公逼城而壘
連日與劉公度臨掘壕寇悉銳出爭公親冒礮石禦
之已酉壕成五月寇酋盧三友率眾二萬援吉安寇
平東王何勝權亦自安慶擁大眾繞道永豐來會屯

聚水東築巨壘五屬於贛江吉安官軍大震

湘鄉陳氏瀚王

壯武公別傳云當是時官軍屯吉安者十餘壁江中復有水師皆逆營避賊畏莫敢先發

公聞警

引師馳赴

按公是年與馮春臯刺史書云忽於五月望後連接吉安警報稱郡城未能合圍而

撫建甯都三郡援賊陸續磨至動輒數萬執甚岌岌弟已吉郡執居上游而又與我省處處毘連上接南贛二郡與粵東為鄰此處有失不特臨江瑞州九江圍城之功盡成畫餅而大局且不堪設想迺拔營冒暑往救

甲戌抵峽江己亥進吉水三曲灘丁丑黎明渡

江既濟分三伏繞寇後寇亦分三隊來撲公卧大樹

下令軍士俯首作壘仰者斬寇望見疑未進公度伏

兵已出寇後遽鳴鼓士皆投舂鋪操兵狂呼馳下寇

大驚擾亂左右伏兵盡出呼聲震天地斬偽將軍沈

元悅餘寇走水東壁部將張運蘭首破其一壘盧三友率外黨捍餘屯游擊易普照馳斬之寇鋒刃亂下被創殛公前身自搏戰軍士爭奮無不巳一當百寇越壘潰爲鹿角所絀屙相填藉遂合軍燒他壘何勝權冒火出趨斬之寇遂大奔斃寇四千餘人一日連

破其五屯軍執大振

按是年閏月劉武慎公與公書云聞三曲灘一戰殲賊數千破

賊巢數座我軍自偏吉郡未聞有此大捷不獨吉賊膽寒克復定在指顧卽臨瑞之賊亦聞風喪膽也易都戎竟呂身殉聞之殊深憫惜然渠魁旣殲賊馘又眾易君雖不存重泉亦生色矣萬安寇數

萬自水南來援與敗寇相值則繞西攻樂安閏五月辛巳公渡江整勵民團聞樂安急回軍永豐藤田會

寇禱天侯胡壽階自甯都率寇數萬援臨吉眾屯沙溪距藤田五十里公迺遶軍先剿之己丑遣王開化率三百人敗其前鋒旗長張南桂深入傷十數人開化乘之斬馘千人次日胡壽階挾眾二萬攻公軍分伏山林間待我軍出夾擊公令閉壘堅待逾四時所伏寇飢疲皆走出公先已令一軍潛伏山後至是已五百人列礮前而己精兵三百人出礮右衝寇寇爭擊之眾亂公督中左兵繼進山後伏軍亦出寇大敗則執兵還走山隘相擠公揮眾蹙擊寇爭墜巖壑刀矛如筍出後墮者輒攫之而外餘寇往往伏地待刃

或遂自刎先後歿者三千人斬首者亦如之斬胡壽階曰下寇目六十名軍械服物委積寇奪氣狂奔四十里辛卯別寇約萬安寇夾攻公軍屯瑤嶺者可五千入公令偃旗鼓誘之寇終不敢近壬辰萬安寇至望見公軍亦退已餘寇頗越嶺遁公分軍截擊寇不戰自奔追至五星石殺寇八百人拔出民口六百餘

名餘眾散走樂安崇仁宜黃

公是年閏月十三日復左季高先生書云昨十

二日賊又來就戮一次其中更有奇者因前稟繕就速發容稍遲再細敘之此天之功勇之勞金不敢貪爲己力也且士率勞憊已甚差幸氣愈王而神愈歛或尙可用按左公復書云老兒用兵善持其氣而平日工夫視當時諸名公爲優故能屢挫巨寇樹立偉績爲天下雄來書氣愈王而神愈歛一語直揭古

今用兵要設非深於此道者不能說亦非深於此道者不能知果能此道矣則靜專動直雖千萬人何懼焉北路此時尚不甚急正好掃除此股絕瑞臨吉三郡賊援庶三郡可克也用兵萬無遙制之理昨麾下若仍駐臨江則水東賊日張萬安之賊悉數來會而吉軍破矣麾下剿除水東賊萬安賊走樂安麾下吉注意圖之孰知巨股又從甯都而來耶從甯都來者不知麾下破水東之威召爲易與又觀部眾無多故敢挾其驕盈之氣而來而卒爲雄師所挫若萬安之賊則與水東餘孽會合故知不可敵而走避也逆賊橫行江西未經大挫故氣特驕橫臨吉瑞爲堅城所挫難召展布弟上年力主精兵游剿之說而引領東顧無足語此者故逆知麾下入江境則諸公爭嘆爲名將而百計千方號呼禱顙也

江西湖

南巡撫爭上公功

詔嘉公召寡擊眾殲除巨寇

賞給愛什蘭巴圖魯名號

謹按
十日

勦平粵匪方略六月初
上諭內閣曰此次王

一軍攻破水東賊壘後甯都賊首胡壽階由沙溪
 來援經王鑫分隊迎擊賊大敗奔賊斬賊首胡壽階
 斃賊五千餘名復追至嚴坊沿途斃賊八百餘名已
 寡敵眾殲除巨寇實屬奮勇可嘉記名道王鑫著賞
 給愛什蘭巴
 圖魯名號 公始為團練說風諭各屬士民誦者皆

感動甲午大集民團至者萬人公登臺激勸於是人

人自壯爭奮起願從戰

駱文忠奏議奏公疾歿軍中
 摺云每軍行所至輒已忠義

風動其民頑懦聞之亦多感悟故凡所歷各處團眾
 皆能負戈殺賊裏糧景從近於江西撫建各屬士民
 稱為恩人呼為青天每戰即自相
 糾集無不喜其來而恨其晚也 戊戌公方議進剿

樂安甯都寇聞胡壽階敗則忿怒糾眾數萬期必出

永豐沙溪前隊至韶源時公軍觸暑戰多嬰病迺分

軍守藤田簡能戰者千二百人赴之未至韶源辛丑

寇呂萬人來犯旌旗連十里公見寇十倍官軍迺布
團勇山上爲疑兵而呂精兵潛出山左右復遣張運
蘭王開化爲左右伏援應公自領三百人出迎敵寇
易之不爲備頃之寇左右遇伏兵先敗前隊驚亂公
貫入馳擊斬首數百寇望四山團勇皆出益駭走追
至拱背岡兩山陡絕中通一騎寇列槍扼隘死守守
備胡文應斬關入死之丁長勝督軍繼進寇眾相推
排多墜巖死嚮午追至韶源寇眾數萬屯聚村落皆
滿而沿河列屯彌望無際郵寇不意官軍驟至爭驚
走河上屯士膽氣益壯爭擲火丸燒屯頃之煙炎漲

天公督輕銳繼進寇窮迫推婦女填積支槍礮其上
距我軍士復冒礮石衝入寇迺自上固截流渡我軍
蹙之淹歾者尤眾復渡河追擊數里會日暮始收軍
甲辰追寇至南陵甯都寇屯釣峯尤盛土寇謝芝標
與合眾復數萬寇屯布邨墟間自溪洲至兩岸築堅
壘互十餘里丙午公分三隊薄攻邨中屯而令團勇
誘墟前寇寇出大隊迎戰團勇佯敗寇悉出追王開
化伏兵突出奮擊寇望爲湘勇旗大奔

左氏樞王壯武公傳云公

旗藍而黃邊賊見輒遁迺常捲之既合戰風颺旗開賊駭曰又虎耶卽奔命迺教民給賊謀曰今來官軍某也賊喜人人各自爲不遇虎旣而大悔恨謀者曰某固謂是虎柰何不實而入我外耶其爲賊畏如

此而邨中寇公感之街口俱越牆竄走合軍逼攻之
洲上屯亦皆奔礙於水多自投擠尸相藉官軍踐已
渡寇酋蕭復勝方策馬登岸軍士李文翊曳其馬尾
斬之寇益奔潰追逐三十餘里爲將軍毛福富自縊
樹下舛復斬其僞總制等八人寇被傷仆地者軍士
或不暇盡戮則自己頭撞地令舛公念婦孺被脅者
眾迺下令婦孺及棄軍械伏者貸舛逾時拔出者萬
人寇委棄服物軍器山積團勇舉之不能盡則縱火
燒之其日寇舛者亦萬人

江西通志前事略云王

擊詔源又敗之賊之畱永豐者尙八萬人公自戰詔

金日千二百人往破之於釣峯俘賊萬餘

源後江西南邊姦民通寇者益懾公軍威相解散輒

私鬻長髮擲原野民間往往拾長髮紅髻盈數僮蕭

復勝居寇中尤兇悍是役彊驅民餌官兵反自蹂害

殺之不能止故復大敗寇中常相驚公軍為虎湘軍志援

江西篇云士民脅於軍威亦多避匿不復已從寇為

樂而王鑫名遂大振號為虎云 駱文忠公奏議奏

公疾歿軍中摺云兩粵江西湖北之民無不爭思倚

重賊眾聞風駭懼至有出隊莫逢王老虎之謠其紀

律嚴肅機神敏妙求之古名將亦少概見 旭菴先

生所為公事略云臨敵每身先士卒率見夫敵愈勇嘗

召少勝多賊畏之有出隊莫逢王老虎之謠 左氏

樞王壯武公傳云公雖从賊未知之督師曾公所將

將驍勇林立而賊獨常相驚為公建昌賊夜呼王

老虎騎黑馬入城矣皆潰 按語見上乙卯年 三

郡城寇聞之皆震懼圍城官軍形勢自倍公迺召兵

徇甯都廣昌宜黃已酉軍至小源適寇國宗洪逆棄

甯都竄廣昌至頭陂合謝芝標敗寇仍思回據甯都

公率數百人疾趨古夏邀之公丁巳閏月日記二十九日由羅坑拔營繞道

釣峯藉耀兵威午刻抵小源探報二十六日敗賊仍折回古夏離小源僅八里蓋逆賊不知我兵又來此

也登山望隔河旌旗蔽野公呂軍單欲誘之渡河與

戰迺令張運蘭劉飛呂二百人為三伏山中而自率

十數騎攜鼓角緣岸上寇大呼公名公按轡行不顧

寇分數千人左右渡遠繞公騎上山而呂精悍截流

直趨公公徐行至山陂寇相距僅二丈許公令遽鳴

鼓伏兵盡起寇知陷伏狂呼走渡河左氏樞王壯武公傳云公擊賊

日盡為度常數騎誘賊賊來如蛾一見踴躍日虎孤
矣急前捨之既入隘伏兵四奮而出賊魂魄俱墜大
哭日又墜虎穴中矣實張運蘭已渡水南夾擊爭投
則每伏不過數十人也

水者數百餘眾望風潰公窮追至謝坊屯寇出距復
敗之斃寇千三百人生擒寇總制楊光裕等六十餘
名斬之當是時寇聚江西者無慮數十萬聞公至則

走既略定甯都威名出諸將諸將亦爭自冒為不及

湘軍志江西篇云江西羣寇蛾聚聞金至則走諸軍將與金合屯者皆推其能援江湘軍獨

吉安諸將執分無軍主迺合辭稟江撫願就公受節

制未幾公部將胡兼善復龍泉援吉軍將周鳳山攘

其功公為陳書駱公奏劾之
湘軍志江西篇云閏五月胡兼善復逃寇林預

信誘降龍泉偽官復其城周鳳山屯吉安謬上爲已
 功駱秉章因劾鳳山事下者齡未幾鳳山軍潰事罷

不問六月寇國宗楊宜清自福建回竄新城其檢點張

宗相率前隊至東山壩分屯河兩岸公偵知之辛亥
 密遣王文瑞張運蘭率軍由左路疾行而自率王開
 化劉飛徐渡河緣岸進嚮午王文瑞抵坪田亦分三
 隊進擊連敗之斬張宗相及其指揮曹信照餘寇爭
 走渡河公與王開化適至疾繞攻東山壩屯寇列陣
 距戰俄而寇後隊狂譟則張運蘭追敗眾至寇前後
 受敵大崩潰公縱王開化劉飛軍出追擊而自率親
 兵五十四人按山上屯寇指揮陳耀南率悍黨從嶺

後突出公率勇疾前據嶺攜關山礮一礮丸已罄迺
令軍士下馬持短兵而呂礮口外嚮寇布嶺下數重
逡巡未進旗長王桂林突前斬陳耀南於馬上餘眾
失措相蹂亂公督勇大呼馳下王開化軍亦至合擊
盡殪之是役寇死者三千人斬寇檢點指揮十四人

獲其偽印二十四方馬百五十六匹

公是年六月與
督九峯中丞書

云龔軍擬由永豐趨樂安呂規撫建旋因上固之戰
各股由新城南豐廣昌來者均思援吉圖贛呂取建
瓴之執若執前計賊必乘虛攻瑕吉軍不支則前功
盡棄祇得呂由永趨樂爲虛聲而亂其指呂由甯趨
廣爲實著呂撓其謀幸抵甯後三獲大捷甯境一律
肅清團練亦有起色而樂安崇仁將告示團練說散
去亦皆聞

風響應

駱文忠兩疏陳戰狀

詔嘉之甲寅楊宜清擁眾自廣昌繼至偽國宗石逆亦率

其黨出南豐期合軍援吉安呂擾贛南眾屯頭陂號

十二萬諸將皆憂兵單公獨歡然曰此足省吾跋涉

也迺遣朱惟堂潛師攻樂安而日夜淬厲士卒整治

團練期大舉殲之公是年六月與左季高先生書云

日來賊游弈得呂其暇將部勇極意淬厲而撫摩之

皆戰氣百倍復振作團練爲分部伍明賞罰畫地形

齊心志聞風興起多可用者將此大隊了結則南廣

樂崇宜黃五縣可於月內外一律清洗而撫建迎刃

而解矣會安徽寇上竄湖北蘄州廣濟諸軍敗退胡文

忠李忠武俱呂書乞援公辭呂江西事棘公是年六月復李迪

宗皆姓楊其一則洪姓也該逆等蓋料弟必由永豐
出樂安規崇仁宜黃呂攻撫州故思用全力再取甯
都呂援吉安而圖南贛取建瓴之執且可爲擾東粵
南楚之計弟見定計必盡聚殲諸賊肅清廣昌南豐
然後由樂安進規撫建則弟此日之執不惟鄂師退
斬水蘄州不敢來援卽賊抵武漢城下亦不能輕棄
前功害我百姓而爲救涸鮒之西江水也明矣峙衡
兄所處正與弟異趣而同情潤公此舉似未通籌全
局老兄見到處便當速行何待反復商議致誤事機
九江原未曾合圍何難助之難棄尊軍全數北渡賊
沿江而上亦大是可慮呂愚見揣之黃梅之師必調
往回救固是不易之理如其竟退黃州則尊軍侶宜
駐興大之間一則爲江北各軍聲援二則可回顧武
漢重地三則照管瑞軍後路四則兼顧湘省鎖鑰五
則可呂相機援剿神光四注倏南倏北倏合倏分倏
動倏靜中其冒繁出已神速大非頓兵堅城之下左
牽右掣者可比須俟江北兵威大振上三郡或先復
一處然後會諸軍合圍潯城老兄則仍縱橫衝擊於
大江南北庶易蕆事鄙見如此老兄若呂爲是請細
審而速行之大丈夫出身爲國計名固不求罪亦勿

避切勿效小英雄手段知進而不知退知經而不知權膠拘於一成之見聽操縱於庸人之手也如此信到時黃梅一軍已調駐南岸尊軍疾趨江北振軍威而挫逆氛固可預料則鄙論又嘗節取而變用之事機瞬息千變是在靈妙已應之者矣按李忠武得書後即渡江攻大白湖寇破之多隆阿公鮑公超亦敗寇於黃梅湖北軍執復振是月二十日公與左季高先生書云迪葦已率師渡江而北請黃梅之師穩圍潯城又令希葦駐興國呂杜未形之患迪葦真可人也鄂難不足平矣

公復奏調公湖北

已總督官文恭

上不許

恭攷

聖訓是年六月丙子

上諭軍機

大臣日前據官文奏安徽逆匪分股上竄南勇失利已檄調王鑫一軍回楚應援但王鑫見在吉安剿匪頗屬得力如令赴楚何人可呂接管吉安正當喫緊即將王鑫暫留江西

癸亥寇自頭陂引還廣昌甲

子公進兵追擊

曾文正公集與胡宮保書云打行仗之法一隊帶一帳棚一棚夫兩隊其

帶一鎗一火夫夜紮營而不修牆壕清蚤撤去無蹤王璞山打樂安廣昌用此法 乙丑至頭

陂遣廣昌都司張騰霄出增田嶺永豐團勇繼之南
豐知縣孫效曾出饒山甯都團勇繼之而自率精兵
千一百人由中路進丙寅抵茗阮擊守隘賊千人走
之行數里寇分五路距戰後敵綿互數里官軍亦分
五隊迎之而留精兵三百人為策應戰逾時寇左隊
引卻其酋斬數人呂徇寇前軍傷亾後隊繼進莫有
退者公審悍黨聚中路迺自率精卒輾之旗長黃萬
友奮刀斬其酋五隊合執俱進寇迫窘爭委服物餌
官軍官軍追殺不顧

左氏樞王壯武公傳云公馭軍嚴或有申約莫敢仰視臨陣莫

敢反顧分行布伍耳聽鼓目視旗疾走而周馳變化
分歧無聲息賊嘗置巨匣地上士各舉而拋之莫敢
發寇迺紛向城左走適張騰霄軍繞增田嶺出轉戰
間孫效曾軍自饒山出截寇爲數段公一軍縱橫盪
沒團勇貪拾賊物者則益爭前助執追至長山嶺楊
宜清自率萬人接戰敗寇復回鬪益縱兵奮擊張騰
霄躍馬大呼陷敵士卒鋒刃爭下復大敗之斃寇凡
三千人婦稚拔出者二千餘人追至甘竹而還餘寇
走南豐是夜南豐寇亦隨之走建昌

按是年七月左
文襄復公書云

今晨奉兩書並從公牘中祇悉一切廣昌之捷早在
意中璞山如龍團眾如雲倏隱倏見莫測其妙真絕
世奇文也然其得手處仍在節制精明於是贛江上
四字近時能窺其妙者惟我與翔岡耳

游列縣寇皆遜民團益起應公軍臨瑞城寇援軍不

至執日蹙

按公是年閏月與胡潤芝中丞書云瑞賊既蹙臨圍亦合惟吉安城下之師數且近

萬而岌岌若不克終日者刻思敵軍為之衛舍所部三千人既須規撫建已為數郡禦援賊又欲顧西路

防其潰波實深焦灼耳

丁卯序練勇芻言刊行之

練勇芻言敘云邇來率節

江西力行團練而有心者固已前書請迺授行篋五卷僅存於空惚中粗加訂正序之按序末署丁巳

六月既望識於廣昌之頭陂行營 戊辰公所遣朱惟堂軍與知縣靳

丹書克復樂安公迺議進規撫建

公丁巳六月日記比探賊竄南豐不

敢少歇並先存之匪與之竄往撫建余俟日內掘擋一切再率隊追剿如乘破竹之勢迅克撫建則大局

頓好矣 已巳吉安圍城軍還為城寇所乘敗退至安福

吉水遂陷公聞之大憤

公七年六月二十五日間吉安軍失利佈置各情形稟云

職道自廣昌大獲全勝朱千總亦於十九日收復樂安正極意激厲團練爲乘執直取撫建之計忽於二十一日接藤田老營報稱吉安圍城各軍於十七日敗退固江隨於二十二日馳回藤田復接黃守等稟稱始知各軍直退安福吉水令十八退走阜田賊於二十一日遁入吉水縣城詳問其故憤惋欲泣竊職道自水東拔營呂來勞瘁之餘兼冒暑雨無日不在病中或并日而食或兩日不能下咽然未敢一刻稍誤機宜奔逐苦戰之餘撫摩士卒激厲團練閱答文報猶連宵不能就枕呂爲一勞永逸江西各省事執可呂力挽庶大局漸有轉機職道雖盡瘁而外亦所甘心今復如此尙何言哉然殘喘尙延不忍置大局於不顧竊思吉安城賊不過萬餘無援賊至必不能遠肆擾害樂安雖稱撫建之賊由該縣來竄永豐職道已駐此聞亦未敢遽逞見廣昌南豐一帶已分湘勇旗幟於各團勇呂固上游之執用示諭遍貼崇宜聲稱職道卽規取撫建一面飛諭吉安各軍揚言進攻吉郡然後呂全力併圖新淦吉水庶可望轉機也

急遣張騰霄率所部收南豐揚言攻建昌分一軍出

宜黃揚言攻撫州復飛檄朱惟堂堅守樂安而於夜
 三鼓躬馳回藤田規吉水劾吉水令罷之下嚴辭督
 吉安諸軍進屯於是軍執復振江西巡撫耆齡公列
 公戰廣昌功且召回援吉安入告奉

旨嘉勉

謹按 剿平粵匪方略是年六月二十五日耆齡
 奏王鑫追剿甯都州敗匪復值大股賊匪圖犯吉

安頻摧大敵殲賊不下萬人拔出難民一萬數千人
 戰功之偉實所罕觀見因吉郡各營失利不得不折
 回策應惟新淦之賊日聚日眾既已上通吉安復思
 旁擾臨瑞必須先行剿除方免受其牽制奏入
 上諭內閣日記名道王鑫追剿江西甯都州敗匪適
 值偽國宗楊逆率黨二三萬人由新淦往援吉安並
 偽國宗楊宜清與石逆賊黨詐稱十二萬人由甯都
 永豐趨救吉安分擾贛州湖南均經該道激厲士卒
 整頓鄉團先後殲賊不止萬人拔出難民一萬數千
 人其派往剿賊之朱惟堂等亦於六月十九日收復

樂安縣城此次王鑫勦辦各股匪徒斬馘盈萬大挫兇鋒著卽乘此聲威由新淦攻吉安已期迅克堅城

乙亥朱惟堂軍擊撫建寇於龔陂敗之已卯寇酋楊

輔清見數因果重致敗迺悉置老弱撫建城中已精

銳七萬人自崇宜圖樂安七月庚辰朔公畱張運蘭

王開化距守藤田而自率軍赴樂安公丁巳六月日

雨接斯明府警報崇宜大股磨至執殊岌岌遂波計先其所急夜傳百長誥誥誥戒之至於泣下迺畱一

旗駐藤田拒守增遣蔡允明率團勇助張騰霄壬午復南豐

公丁巳七月日記二十日天未明接張都司孫大令稟初四日克復南豐縣城余於此恨喜交集恨則恨

從前江省各憲不善識才幾使良將湮沒莫彰喜則喜二君認真辦事奏捷甚速而前遣去之侍勇蔡允

明率假湘勇與有力焉可愛也公甫抵樂安而永豐告新淦吉水寇

大至乙酉公冒雨自樂安赴之寇尙屯八都未進而崇宜寇已分三道進樂安分屯龔陂浯漳公曰寇不得志甯廣故銳意由樂永趨吉郡使樂城復失則寇出永豐與浯吉寇合事更棘矣迺令知縣章澂嚴捍八都寇復篝火行雨中呂兩日夜潛入樂安城次日分布畢令闔軍誘龔陂寇至城南公於城上掣小旗動伏兵從市屋突起寇方接戰會天大風窮冥晝晦團勇四山橫出縱擊殺寇六千餘人屍積與城齊舉之連日不盡辛卯浯漳之寇至泰坪市公率軍出城北行十五里道遇賊前隊七千人破之追至泰坪市

寇眾二萬人迎戰公分各旗勇更番代出迭前迭後
戰逾兩時驍率劉學九沈五亭陷敵虜士愈奮怒大
呼衝擊頃之寇崩潰追十五里至汪防寇屍委屬蔽
野塞川復追三十里至崇仁客馬塘寇戕於圍軍者
二千餘人官軍所殺倍之獲馬六十匹軍械委積數
十里而楊輔清大眾屯林頭去客馬塘十里次日已
兵誘之不敢出而日夜築壘自固公休兵一日遣黃
萬友助章澂守永豐壬辰進攻林頭寇列隊草岡出
兩翼來迎公爲長蛇陣徐行而進楊輔清擁黃蓋居
中隊縱驍騎數百突出公令然噴筒火射之更呂藤

牌軍俯斫馬足旗長劉松山引兵自隄首擊其左易
開俊自隄尾擊其右寇驚潰不復相顧追擊大破于
鳳岡墟寇自相騰踐岸谷間人馬填至三丈許皆聽
其自外立者走者則刺之河澗池塘水爲之赤楊輔
清盡委其服物遁是日奪馬四百餘匹燹寇凡一萬
三千餘人駱文忠公復上公戰事且奏曰王金一軍
援鄒江西自擊滅水東援賊呂來至秦坪市之戰其
獲大捷十二燹賊四萬數千殺賊之多實軍興呂來
所塵見江西大局賴有轉機惟所部湘勇廬止三千
雖皆百戰勇士視賊蔑如而酷暑邁征勞頓殊甚正

宜加意保護殄寇成功已紓

聖慮壬辰吉水寇傅忠信率眾攻永豐黃萬友張運蘭合

擊敗之于羅湖甲午公感熱疾

公丁巳七月日記十五日晴因連日書信

督職精神少困逸出遊於野至一陳姓邨有書室數椽曲檻明窗綠水盈池小坐其中悠然意遠取崇仁志觀之憶前日交戰處有極愚尙義坊呼邨儒數人問之答曰國初有黃姓者多義舉自號極愚故有司曰此旌之余喟然嘆曰天下之亂巧所生也惟愚可曰己之粵逆滋事曰來受害之地巧極之報也因指志上理學忠孝節義目錄示之曰爾輩知有此六字乎堯舜人皆可爲特患志不立耳諸人惕然若有所感同繞一竹林中夾小河兩岸蟬聲嘒嘒顧而樂之下馬坐草茵納涼風一種清涼之趣洋然胸次塵囂中尤難得此景象近午回寓書信覆六兄多刷團練說告示付來午間忽患寒熱一刻難支服予雲藥夜間輾轉不能成寐

其日官軍復瑞州吉水寇復由烏江圖出

新淦援臨江公遣朱惟堂軍由樂安助攻乙未寇撲

永豐城大破之秦坪山斬獲甚眾戊戌公疾少間議

進規撫州諭團軍備攻具公丁巳七月日記十六日

告示諭撫建各屬紳民按都郵派壯丁速行齊集自

帶米糧各備稻草至撫建城下交割砌磴道官攻城

十九日余昨服唐先生藥今早起病已減半是知調

寒熱之證必須良醫而蒼生之瘼何獨不然未正呼

聽事者傳諭各旗長余病永豐八都水邊墟市寇猶

已痊大半可上馬殺賊矣眾辛丑公檄調胡兼善一軍至永豐公兄人樹先生

亦自湘募千人來會甲辰自秦坪山會勦大破之逐

寇四十里復敗之雙源鋪追至吉水烏江其斃寇二

千餘人斬其指揮將軍名者數人寇執大控其日樂

安知縣靳丹書戰冀陂殉之丙午公自崇仁扶疾還

樂安寇遁去公病益劇

公丁巳七月日記二十七日申刻抵樂城詢靳公無下落

多是不保相與痛哭之昏憊中心痛益甚矣旭葺

先生所為公事略云臨終前四日猶書信與季弟勉

旨聖學病革時復手書愈勝愈愼八月壬子卒於樂

自知保身等語意旨慰予心也

安 按公本日自書日記云初四日晴黎明下牀換去汗濕衣鋪枕側而安眠半晌辰刻起坐服藥少頃

又食粥一盂均能自擊其盃已刻服完昨夜所配之藥

又食粥一盂因催令速行配藥煎服亥刻薨逝

年三十有三 駱文忠奏議奏公疾歿軍中摺云臣已該道年三十有三受恩之日方長而

兵事未艾効力之處甚多故每次保奏於其戰功不敢偶略至於乞恩之舉亦未敢過優不料日勞瘁悲憤遽隕其生也

按左文襄公與公兄人樹先生書云昨見公牘言其患疾甚重正封信問而凶問至矣嗚呼天乎此何故乎 呂璞山之忠義剛烈秉正嫉邪用兵如神如此而竟至如是止如是然則天之生璞

山何爲乎連年拮据戎馬之間出入鋒鏑之際勞苦
危險無不備歷而竟已足促其生也吾負璞山矣相
者曾言璞山功烈雖高名望雖重然不得過三品與
中丞公時爲憂之故屢欲保擢顯秩輒復中止不料
竟已足止也身後之褒崇於璞山何益然非盡爲表
襮何已對天下豪傑之士哉獨念吾鄉物望及當時
治兵諸公無有能及璞山者今弱一个豈徒江楚之
憂乎痛璞山者實爲天下痛也天下亦尙有璞山其
人乎痛當奈何

駱文忠公已聞

上諭駱秉章奏道員勦賊屢獲大勝勞瘁身故懇請優卹
一摺按察司銜記名道員王鑫督帶湘勇援勦江西自廣
昌大捷之後駐軍崇仁縣屬之鳳岡墟并分軍雷駐永豐
縣城逆眾萬餘由吉安疊撲永豐俱經官軍擊退後進勦
秦坪山雙源鋪等處連次大勝共斃賊二千數百名敵斬

僞指揮徐子己生擒僞將軍羅添仁奪獲軍械無算該道復力疾趨援樂安逆匪聞風竄遁正擬整軍進剿撫建遠因勞疾歿於軍中深堪憫惜王龔由湖南生員帶勇剿除衡永郴桂各屬土匪兩粵會匪並越境進剿湖北江西逆匪紀律嚴明身經數百戰前後殺賊十餘萬克復城池二十餘處厥功甚偉著加恩晉贈布政使銜卽照二品例從優議卹並準其子諡仍於湖南江西地方建立專祠該故員父母著賞給二品封典旨獎勵勤而褒忠義該部知道欽此尋

賜卹如例

予諡壯武先是公歿時軍中匿不發喪柩停樂安試院一

部卒過之失聲長號諸軍百姓繼之聲震數十里十

月己丑歸葬湘鄉花橋白竹山永道郴桂士民皆奔

走赴哭左氏樞王壯武公傳云柩停樂安考棚一部

百姓繼之聲振十數里既歸永道郴桂紳士持香酒

遠來致祭皆痛哭云馮氏崑王壯武公傳云公既

卒江楚官民識與不識聞之莫不墮淚公馬飛雲宛轉哀鳴亦不食數

日外公丙辰五月日記往魏四丈家問栽竹之法臨

傷之戒而歸家又不能不強作笑語也同縣魏氏

毅飛雲馬歌序云王壯武公所乘馬飛雲號神駿然

善蹏齧公乘則否每出戰聞鼓聲嘶奔赴敵是日必

大捷或戰不利則鞭笞不前軍中召此占之岳州之

役失賊中後復得之他軍公公生前永道已建祠召

募馬哀鳴不食月餘亦歿

祀廣東連州江西永豐皆構有王先生講學堂

旭菴先生

所為公事略云所至與紳士講明正學意在端士習正人心則賊當自滅其在廣東連州永豐藤田亦率如此故其地皆為立王先生講學堂馮氏崑王壯武公傳云嘗慨盜賊蜂起之故由於義利之不明所遇紳士必極意詳辯曰故連州吉安之士聞其說者為構講學堂焉

至是兩省遵

勅建專祠道州復祀三忠祠

按馮氏崑道州三忠祠記祀公與前明沈公暨周節愍公

雲耀也

桂陽州祀昭忠祠

按陳公上杰桂陽昭忠祠記云冠曰丁壯武謀都司者謀

公至我鄉擊賊有大惠而王公則與余共復州城者也

樂安亦別請立公祠同

治元年

特旨賜祭一壇子詩正己廕生入學成均敘直隸州知州

從左文襄公平新疆論功官江蘇卽補道加鹽運使

銜晉二品頂戴孫三人禮
恒禮繩禮嶸禮恒縣學
生

王壯武公年譜卷下終

王壯武公遺集卷一目錄

稟牘一

剿匪竹坑興甯連次獲勝並上弭亂四策懇準添募

湘勇赴援江西稟

咸豐三年八月

日

懇委員點驗新招勇夫聽候留撤稟

三年十月二十

四日

懇酌給撤遣各勇路費並準假歸養病稟

三年十一

月十二日

搜剿新港餘匪並懇添調湘勇前赴湘陰進剿稟

咸

豐四年二月十八日

進剿羊樓司先敗後勝及轉岳被圍潰敗復請招集

潰散力圖殺賊雪憤稟
四年三月二十日

截剿湘潭逸匪獲勝稟
四年四月初七日

懇請究辦刦犯優卹陣亡紳勇並保獎以前桂東興

甯戰功稟
四年五月十一日

會剿嘉禾土匪情形稟
四年六月初二日

由嘉禾馳抵藍山相機剿辦稟
四年六月初四日

剿辦藍山甯溪司所土匪獲勝稟
四年六月十六日

遵札改道馳往江華防堵情形稟
四年六月二十五

日

粵西蓮花匪徒竄楚迎剿獲勝稟

四年七月二十八日

日

移駐錦田以便策應嶺東藍山並陳各縣邊防喫緊

情形稟

四年八月初四日

移駐嶺東防堵稟

四年八月二十一日

全州敗匪竄入道州請周護遊擊就近回援以便湘

營專力防剿嶺東稟

四年九月初七日

由嶺東馳援永明稟

四年九月十五日

王壯武公遺集卷一

稟牘一

勦匪竹坑興甯連次獲勝並上弭亂四策懇準添募

湘勇赴援江西稟

咸豐三年八月

日

敬稟者卑職於五月初奉憲臺札飭偕候選教諭羅澤南帶領中左兩營湘勇隨同署鹽道夏廷樾馳赴桂東勦辦江匪五月二十五日行抵桂東旋因下游警報羅教諭於二十九日同夏道回省札委卑職暫留桂勦辦奉此因不分畛域極力追勦六月初一日抵江西龍泉屬之竹坑地方迅將該匪蕩平維時聞粵匪有分股回竄南昌告急之

信竊謂南昌與楚係唇齒之邦防堵最宜嚴密當擬帶勇
星馳旋省聽候調遣嗣因鄒牧命留駐守郴桂兼以搜剿
餘匪隨又奉鎮憲札飭衡永郴桂地居湖南上游界連江
廣不可無重兵防衛乃委張牧帶鎮軍兵七百二十名鎮
守永州等處委卑職帶湘勇三百六十名鎮守郴桂等處
至衡州有事則相其遠近進剿等因奉此初以廣西土匪
滋擾永州衡州戒嚴由桂赴郴繼以廣西事寢復轉桂東
辦團練剿餘匪未敢稍懈七月下旬忽樂昌麻坑墟有土
匪數百人滋事數日內卽竄入桂陽屬之延壽墟文明司
遂由滁口渡後進撲興甯卑職當卽帶勇星夜趕到於七

月二十八日戌刻師至五里橋距賊營十五里二十九日
黎明督勇進擊遂一鼓殲擒大獲全勝業經次第稟報在
案卑職伏思郴桂一帶地方多係江廣匪徒爲害而廣匪
尤甚前次竄擾桂東半爲廣匪半爲江匪竹坑一戰江匪
痛受懲創日來復聚先攻破泰和萬安而兩桂暫覺安謐
向來廣匪入湖南販賣洋煙並託藥丸糕餅爲名邀結弟
兄每次數十百人各執器械稍攫其怒恃眾搶劫無敢阻
格卽間有與之格鬪者地方渙散反受其害士民畏禍之
心日甚匪黨逞毒之風日烈以致釀成巨毒幾於不可收
拾經此一番痛剝羽翼想難遽集然而將來之患正有不

可不預防者前月廣匪起事麻坑器械如此之備技藝如此之精其蹤迹如此之飄忽當其攔途搶劫鹽商米客裹脅行人入夥與在龍虎洞造藥製械並非一朝夕之故該地方官不能趕緊撲滅坐視其猖獗且無片紙一字移吾楚邊縣俾得預爲準備及其竄延壽文明下游滁口渡頭司直撲與甯王參將擁兵數百旣不能嚴密防堵復不能奮力追擊致該匪長驅而來如入無人之境至二十六日賊竄入興甯上五甲民心惶恐乃猶自演戲爲樂比賊到渡頭始召募鄉勇二十七日帶勇出城堵禦聞賊由小道入城遽自逃去各勇雲散其防剿不力已屬咎無可逭惟

據現在情形欲求所以弭將來之患則有四焉一在治其源一在遏其流一在釐其內一在防其外何謂治其源廣匪之盛實由地方官因循玩忽遇有刼殺巨案隱忍自處甚有書役與賊串通而陰收月規者日釀日熾至於結盟拜會千百爲羣凌虐境內而不可嚮邇嗣後願請憲臺將近廣文武各員弁澈底整頓務令拏查匪類防備有素並密咨兩廣各大憲請其嚴飭連楚該府州縣寬免從前處分以後必將平日藏賊之地復行捕緝埽平巢穴如有警必先自勦捕且速備移入楚使我設備不然定當以養賊毒隣重論此治其源也何謂遏其流廣匪入郴桂必由宜

章桂陽故宜章桂陽各置兵五百設立參府原以此處爲兩廣衝要險地藉以禦外侮耳乃近來二縣兵將惟知安坐州城一丸之地而各鄉邊境任奸人之來去而曾不一視若非與己相涉者所以該匪雖未直抵帳下竟敢由所駐之處長驅而入興甯由是設卡又當在滁口渡頭一帶嗣後願請憲臺撥桂宜興各一百兵駐紮滁口司以把總或千總統之藉可爲郴桂一帶屏障並可與宜章桂陽作掎角之勢於桂宜無損而於興永等處大爲有益而又不至加耗餉項實爲公便宜桂二處官兵前此幾成虛立並請寬免從前之過以下專所責成儻賊由所駐縣境以擾

內境非先移文防堵痛經截殺力實不支而聽其深入當以開門架禍縱賊重論此遏其流也所謂釐其內者何則保甲之法是十家爲牌有牌頭擇忠信不欺者爲之才牌爲聯有聯長擇公正明察者爲之數聯爲一甲有甲長擇才德兼優之士紳耆賢者爲之每歲地方官嚴查一次各家具結及牌內各家互結與牌頭牌頭具本牌結及聯內各牌互結與聯長聯長具本聯結及甲內各聯互結與甲首甲首具本甲結及各甲互結到地方官地方官具結上各大憲各族亦如是其或族團內有稔惡痞賊各長公稟地方官嚴刑處死若聞拏倖逃飭族團嚴行搜捕如實不

獲則另造冊二本注明姓名里居年貌及其平日惡迹一冊繳地方官存案一冊呈官過印後交甲長收存待後擊獲卽令甲長族首協族團人等嚴刑處死報官消逃犯冊名其有初起爲惡罪在可宥者準族長甲首秉公責懲或送官嚴責後準其自新具結附於牌末另編一冊示不與眾伍以恥之甲長以下不時嚴查而訓飭之查飭之法牌頭三日一次聯長半月一次甲首一季一次均令跪受訓誠待其改悔已久方許編入牌內其或怙終不悛準族長傳各族人甲長傳集地方人眾聲明罪惡伏刑處死其有痞棍濫衿藉端勒索阻撓團規族規者地方官查明立行

嚴辦至城市墟場奸宄尤易混迹其中最爲喫緊之地除飭聯長甲長不時嚴查外地方官亦親行嚴查廣省買煙餅藥諸色人等不準入境匪留者斬族團連坐所有煙館客寓尤爲招集匪類之徒煙館立即革除客寓尤宜嚴察每夜書明所歇何人爲何事幹五日具一結交牌頭半月牌頭具一結交聯長一季聯長具一結交甲長設法嚴密卽有匪徒亦無所容隱而地方於是肅然矣所謂防其外者何則團練之法是團練二字本不容分今欲其名色不混始折爲二其有招募四方精銳日事訓練有警調發守卡打仗者名爲練勇其各鄉團家出壯丁守望相助暇時

操練有警守卡打仗助陣者名爲團勇練勇視其時地爲多寡或二百或三四百於城內設一總局公擇紳士中之有定識定力非公不至者主其訓練之事由伊擇幫辦者數人自卯至巳教以陣法午後閱各勇技藝晚間教以大義並一切營規日日如是並不時發探子於近江廣各處打聽消息某處有警卽分帶練勇緊守要隘其經費須先勸捐或貧富量出或按餉照派須擇勤慎廉明之士主持之練勇者不得參及又一面令公正樸實紳士往鄉寫捐數雖呈繳地方官仍不由書差領收各勇口糧坐糧及餉項養傷等件須先議定其首士薪水亦由公酌議不得一

毫侵漁探子出外打信必另給賞錢若軍器號衣旗幟火藥等物必預行製備不可虛耗一錢又團勇於有事之時各來應援每家自十六以上五十以下者有三人當出二人有五人當出三人有七人當出四人如此不等有至十人合爲一牌一甲爲一團或數甲爲一團總以地之近便爲是亦必須備號衣軍器旗幟其旗幟號衣必標清某鄉某團其經費亦由各團捐輸獎賞養傷優卹等項亦須先行議定遇變鳴鑼齊隊如一鄉有事各鄉往應之一都有事各都往應之一縣有事各縣往應之互相聯絡眾志成城矣嗣後願請憲臺札飭各州縣督令趕緊舉行並不時

委著實辦事不惜情面之員下鄉看驗團保可用與否如
辦理得力許分別稟請優獎如富者吝資貧者惜力各紳
士又皆奉行故事則嚴刑究辦以示懲儆庶團練之法可
行也四者之大畧如此至其精詳妥當則在憲臺斟酌行
之果能有治法且得治人實心實力坐收成效雖無重兵
駐防可保百年無患然此特爲將來計耳至若見在椰桂
情形尙爲肅靜值禾稼登場饑民亦皆安堵卽間有匪徒
仗憲臺德威斂迹遠遁興甯餘匪雖多又經卑職著令紳
士率勇在於各處搜剿已二十有餘日陸續緝獲匪犯三
十餘名次第研訊供詞於二十四二十八三十等日將訊

明情眞罪當之唐彬文十四名就地正法其餘情有可原者準保開釋以靖地方而慰憲廩所可慮者粵匪竄擾南昌數月於茲圍尙未解前卑職在郴接奉 欽憲手諭知省中已添募湘勇千五百餘人楚勇一千人命鹽道夏郴州直隸州署湘鄉縣事朱統領管帶湘勇六品軍功文生羅信南謝邦翰六品軍功武生楊虎臣六品軍功童生易良幹八品軍功童生羅信東六品軍功童生康祖成並管帶前老湘勇之候選教諭羅澤南管帶新募楚勇之江忠淑共三千餘人陸續往江西赴援又諭本擬調卑職所帶山字營湘勇同去因遠在千里以外救兵如救火不能久

待且以防堵郴桂一帶喫緊故未及札調吳見 欽憲救災卹鄰謀慮周遠之意卑職惟期勦辦郴桂土匪淨絕以求不負憲命事竣日卽請調回省城乞賜歸家遂讀書之願忽於昨二十日接得羅教諭由江西發來文報據云七月二十四日湘勇出隊打仗殺斃長毛賊二百餘人業已獲勝後因該匪分路鈔來官兵不相救應湘勇勢孤難支致令謝邦翰易良幹羅信東及羅曉春同時被難各勇陣亡者八十餘人又云賊已分股攻陷瑞州上饒見又有土匪圍撲吉安該匪數日亦揚帆而上恐往應之卑職伏查吉安與吾楚地毗連見在攸醴一帶要隘已有塔參將帶

勇前 境惟 擾省 謫日 股以 昌播 萬餘 集冬 義而 北上

湘勇莫不肝裂髮指誓不與賊俱生其志深爲可嘉其機
大有可乘至江西一定而湖南亦安唇不亡則齒不寒理
勢固然想憲臺眷念鄰封憫恤羣下自應諒卑職慷慨之
忱惜各勇忠憤之氣而委曲成就之也卑職素性愚直罔
知忌諱合將蠡管微窺瀝陳馳稟是否可行伏乞察核批
示

懇委員點驗新招勇夫聽候留撤稟

三年十月二十

四日

敬稟者前因粵匪上竄湖北奉憲臺面諭召募湘勇數千
名赴援鄂省當蒙發給餼銀五千兩並飭湘鄉錢漕項下

銀五千兩歸湘招募並製辦一切軍器卑職奉此卽日轉
湘招集健勇四千餘名並配製軍器旗幟號衣火藥火箭
大礮等件旋於初四日接奉憲臺批示暫招湘勇三千來
省防堵續於初七日奉憲札以庫款不敷減留二千趕急
帶赴省城聽候調遣卑職奉此是以於本月初九日卽帶
湘勇千餘名來省隨請候補府經歷縣丞吳坤修及各紳
友等將已招齊留湘之勇尙有二千餘名嚴行撤汰卑職
到省日又奉憲諭武昌告嚴督部堂有札派勇往援飭令
卑職卽帶見在新招及舊練之勇共三千四百二十八名
卑職因於十五日星馳旋鄉十八日早復帶勇二千名並

雇長夫千餘名一齊下省十九夜二更抵會垣疊奉憲諭
催赴武昌卑職一面訓練各勇一面籌辦行裝剋期啟行
茲因 欽憲兩奉 諭旨召募楚勇數千前赴下游攻
剿復因督部堂有函來言粵匪全數下竄援鄂之行可以
少休卑職前此本以扶病強出此次承憲臺重命不敢推
諉今鄂省無事自無容多此一行惟卑職所募壯勇雖未
久經訓練然亦頗有頭緒旗幟軍器等項業已措辦齊全
伏懇憲臺即日準賜開操並懇委員點驗各勇及長夫等
庶見卑職此次奉辦未敢稍負鈞諭而虛糜 國費以後
或酌留數千以便 欽憲帥之東下或全數撤之歸農以

省餉項是在憲臺詳奪施行至卑職自五月往郴桂一帶
過勞成疾比邇奉委赴鄂軍務緊急寢食不遑故日來精
神恂怳形貌瘦削深恐不勝其任有誤軍政仰藉憲臺厚
德俾歸山林以遂讀書之願殘軀苟存則所以報憲恩者
當不必在目前也理合肅稟

批湖北武漢城外賊船業已下竄該員所招之勇見經會
部堂奏明毋庸赴北並準會部堂函商裁撤仰卽遵照將
新招各勇挑選精壯共留兩營合成七百二十之數餘俱
全撤歸農

懇酌給撤遣各勇路費並準假歸養稟

三年十一

三月二十二日
月十二日

敬稟者卑職疊奉憲臺面諭並奉憲臺札飭歸湘召募壯
勇數千名並製一切軍器等件始以防堵會垣繼則赴援
鄂省卑職因此卽日招足健勇三千合舊練之勇共三千
四百餘名並雇長夫一千餘名於十月初九十八兩次一
齊帶赴省垣又奉憲諭催赴武昌卑職已料理行裝剋期
啟行旋因督部堂有函來止又因 欽憲奉 諭旨親
提湘勇赴鄂剿賊以賊旣下竄武昌解嚴乃疊次函商憲
臺力阻援鄂之行並令將新招之勇嚴行裁汰合在江西
南旋之勇只留二營卑職當擬卽日選汰合新舊祇留七

百二十名馳上衡州操演而卑職以抱病恐不能勝任乞
歸家園業經稟明在案嗣因 欽憲又奉 廷寄親帶
楚勇六千馳往下游攻剿卑職隨又奉憲諭無庸遽撤俟
曾部堂札到酌留多寡方可定奪施行是以留此朝暮仍
行操練未敢稍懈茲曾部堂又函商憲臺仍著照前議汰
留二營並奉憲臺札飭除精選二營外概行遣散歸農速
將軍械帳棚等項繳還卑職卽日嚴行選汰不敢稍懈但
前次蒙憲臺給銀五千兩及於唐令處領得銀一千二百
八十餘兩始則號招四千餘人旣又酌減二千後又添足
三千其間勇費與酌給路資款項固多而倉卒派人措辦

一切軍器旗幟號衣火藥火箭等件不彌月而已籌辦齊備所費亦甚不少各項數目已經核算清楚當經卽日呈繳勇到省城後已蒙發銀三千兩計各勇每日共需四百餘金未發口糧已六日矣前此諸勇人人踴躍皆拌棄父母妻子爲國效力甚有鬻田產典衣服而來者入營以後朝夕操習寢食不暇今一旦遣之歸家囊橐旣無餘資勞苦又經萬狀甚爲可恤昨蒙發銀二千兩始行發給長夫並與路費茲勇旣欲遣歸則口糧自必趕緊給發且皆欲求多與一二日口糧以作路費憲臺仁恩高厚不忍聽窮途之哭計以初六日止共須銀三千五百兩伏懇憲臺

俯準卽日照數發出以便按名給予非惟各勇感戴無旣
卽卑職亦欲銜結圖報也至卑職才疏學陋少年任事諳
練未深加以過勞成疾於軍營大事實恐不勝其任有負
憲恩伏懇放歸山林俾得休養病軀則沐生成之大德於
無旣也

批昨準曾部堂來函該員所帶之勇除舊練各勇外將新
招之勇酌留三營等因正擬札飭間茲據稟前情仰卽遵
照辦理至裁撤各勇應給路費若干亦卽稟知省局酌量
給發具領再該員出師勞苦自應加意調養惟勇係該員
招募仍應由該員管帶訓練未便更易生手況此艱難之

際正忠臣義士共相匡濟之時毋得遽萌退志切切

搜剿新港餘匪並懇添調湘勇前赴湘陰進剿稟

四

年二月十八日

敬稟者卑職奉札於十一日將駐南門外之六營湘勇分帶四營及親勇一百名起程前赴靖港剿賊是日因渡河阻滯行四十餘里至杉木橋時已黃昏見一帶地方人民稀少房屋封閉知其已爲賊所擾害之境隨於該地駐營卑職素稔是處有丁姓兄弟學問經術爲一鄉領袖細詢土人知離營不遠計以次日往謁其夜丁敏忠適以書來具言賊或十餘爲羣或數十爲羣四處掠劫受害者莫可

名言比戶遷避鄉村爲之一空十里內外已爲賊馳騁往來之區所攜財物悉以船運載新港是其小巢靖港是其大巢等語卑職思該匪在在分掠勢難聚殲必分途投擊乃克有濟當與諸友計議分守隘口隨以十二日會同丁家兄弟繪圖熟商駐守之處維時有川塘張姓紳士離丁家六里許報稱有賊數十刦搶渠家卑職卽自率親勇往救至則已被罄鈔上船我勇追至河邊賊船七八號已到河中惟兩船離岸未遠我勇卽跳入水奮身奪船殺斃賊十餘名生擒六名以火箭擡鎗追擊賊船之開者沈翻一船賊皆落水死餘船逃去已遠乃收隊奪旗三面一面書

太平水營右一師帥李一面書太平右九軍左營後一西
兩司馬一面書太平師帥李太平禮制書一本幼學書一
本朱丞相鐵器簿一本又米一船卽散給被難居民卑職
乃復轉丁家定地紫營新港之傍地名洪山廟以一二營
鍾近衡駐之新港之下地名團山以二三營李若霞駐之
卑職與一三營王文瑞駐新港之中地名瑤臺山四面俱
係湖套二二營謝仁峻駐新港之上地名白馬巷諸營相
距均不出五里外十三日辰刻賊匪聚積數百人蜂擁而
至一二營鍾近衡率勇與戰於新港河邊一三營王文瑞
與爲接應鍾近衡戰賊良久我勇被傷者十一名殺斃賊

九十餘名生擒十餘名以火箭燒其大船十餘號奪馬二匹旗兩面一面書太平天朝正典鐵匠朱一面書太平右九軍右營前一北兩司馬又紅蜈蚣旗一面號衣五件賊往來字據一包及籤筒筆架等件正在收隊又有賊二百餘人從背後抄至王文瑞率勇抵禦廝殺該匪敗走追擒九名殺斃四十餘名奪大旗一面書太平天國水營與鐵何又典鐵號衣印板一塊卽復率勇巡哨河邊燒其船三號二三營移駐團山亦於是午有賊吹角麾旗約百餘人從山後來又有船十餘逆流而上李若霞督勇出隊賊膽敢迎戰我勇一擁向前賊不能支敗潰亂奔思欲上船逃

命我勇追近河岸槍刀並施殺斃賊及落水死者約二十餘名生擒八名奪船四隻又用火箭火包焚河中大釣釣船一隻麻陽船一隻約有米數百擔銅礮二尊沈入水底其賊之上船逃逸者亦多重傷以去我勇被傷者二名二二營謝仁峻率勇緝搜鄉村陸續殺斃十餘名生擒一名十四十五等日諸營之勇於鄉村又各斬擒多名河邊燒船多隻此役共計殺斃賊二百餘名生擒長髮二十名土匪四十餘名均已就地正法其火燒大船二十餘隻落水死者不計其數我勇之膽愈壯彼匪之氣益喪斯時若有水軍橫截河道可盡奪其輜重而陸勇渡河以擊賊必無

可逃者無奈新港地勢河套旣多而民船盡爲賊有卑職
催其備辦樹板立造浮橋乃因循未成故賊得以遁去令
人憤恨無已隨卽率勇尾追所過一路人民靡不感激拜
迎於道均稱賊於官兵之至已先自驚惶及經新港甯邑
屢敗之後又聞我兵四路將至遂相與哭泣並夜哭其軍
帥典鐵指揮者意其爲賊中頭目已被我兵殺者是此次
陳兵以出雖不及將此股賊匪盡數殲滅而使節節挫敗
望風逃走不敢正視省垣賊亦足以奪氣矣十七日卑職
會同郴州直隸州知府銜朱孫詒由新港濟河急追行至
半途因水急浮橋未就十八日繞道由沱市至靖港時已

交四鼓探聞賊匪全數逃往湘陰朱孫詒所帶之勇已由
白沙洲起程渡大河向湘陰追襲卑職以西路業已肅清
亦擬明日清晨由靖港拔營馳赴湘陰會剿但該逆蹤迹
詭異則我勇須分多路出奇應變庶克有功然分之則兵
力已薄伏懇添發卑職所管帶原勇留駐南門外二營前
來以壯聲威爲分路滅賊之計方今省垣防禦可以稍緩
留之未必有益而在行營則既有裨於軍中而亦大有益
於省垣諒必俯蒙俞允卑職當卽帶勇向前進剿不敢稍
懈以負委任至意務懇速添兵勇卽日進發不勝禱切待
命之至

批據稟已悉札飭留駐省南之帶勇紳士王勳遵照卽日起程馳赴湘陰聽候該員調遣並分路行咨外仰卽遵照俟前項湘勇到日卽行統帶會同在事文武嚴督各兵勇安速相機進剿分途嚴密截擊以期滅此朝食迅奏膚功慎勿稍有玩延是爲至要仍將剿辦情形報查並候曾部

堂批示

進剿羊樓司先敗後勝及轉岳被圍潰散復請招集

潰散力圖殺賊雪憤稟

四年三月二十日

敬稟者卑職前因奉札駐守岳城相機進剿崇陽蒲圻賊匪卑職因此於本月初四日稟報起程向離蒲圻六十里

之羊樓司駐紮以便會合各營進剿沿途偵探俱云賊在蒲圻是日午刻生員謝仁峻所帶之勇已行抵羊樓司約十里之山坳突賊匪四出將我軍圍住殺斃我勇約數十名銀錢帳棚擡槍火藥等項俱被搶奪一一營朱宗程一二營鍾近衡二一營鍾近濂率勇趕到始行擊退殺斃賊數十名生擒長髮九名卽行正法奪獲旗幟馬匹等項卑職正在督勇速進忽四面來賊數千圍撲我營卑職督令鏖戰將近黃昏一二營王文瑞先行趕到分三路進攻斃賊百餘名生擒長髮十餘人卽行正法二三營李若霞亦到協同攻剿又殺賊多名賊始退走我勇死者約百餘人

而一二營前保從九之鍾近衡督勇衝鋒大呼陷陣遂致
殉難其幫辦蔣德卿鍾禹廷王嘉猷劉青軒一二營之幫
辦蔣碧生二一營幫辦鍾鳳閣朱獻生龍奏文等均立即
陣亡卑職憤懣已極再督諸勇前進追殺復斃賊數十名
始行收隊竊思此次卑職忝爲統率擘畫未周固屬咎有
應得而沿途居民實多勾通匪類以致不得賊情兼之山
叢路雜偵探難周鋪戶逃亡米糧缺乏故以飢疲之卒而
遇兇狂之寇猝難抵敵又值臨陣之際北風大作槍礮施
放順逆失勢以致前鋒失利雖後諸營齊集稍獲勝仗而
傷亡已多卑職負慚無已比夜三更因該處絕無薪米可

買退紮四十里計買米作飯再行進剿乃四處購買不得復退六十里直至初五日午刻士卒始得一飽是晚俄聞賊船上竄卑職急卽馳回岳州據城守禦初十日黎明賊果大至圍攻甚急而城中新經擄掠百物蕩盡有議空城難守者卑職竊思岳州爲湖南門戶無岳州是無湖南必當力守以固湖南門戶因一面傳會各營登埤嚴守一面飛稟曾部堂並約會夾擊力圖剿滅無奈薪米缺乏士卒飢疲晝夜鏖戰困憊特甚賊圍愈眾勢難抵敵而曾部堂所遣部將楊明聲鄒壽璋率兵擊賊我軍所恃爲後路聲援者亦均潰敗士氣愈孤十一日曾部堂知城不可守督

水師渡湖來救遂率勇衝圍而出是役也各勇死者甚多而管帶二一營童生鍾近濂及在營出力童生葛敦仁易鴻陸九品軍功劉恪臣今尙未知下落待查明稟報竊卑職戰守不力大挫軍威深負委任清夜自思萬死不足以塞責日昨到省稟見憲臺復蒙曲賜原宥不加罪戾並諭以速集逃亡勉圖後舉其教誨生成之德有加無已卑職何心能不愧憤雖肝腦塗地不足仰報憲恩昔孟明爲晉囚三年拜賜曹沫三敗於齊卒還侵地而兩主任之不疑二子安之無愧誠皆有以自信於後也卑職固不肖豈敢援古人以自慰正當引古人以自勉耳見在奉諭招集潰

散約得千餘人朝夕訓練痛加鼓勵示以敵愾同仇之義
士卒亦皆感泣無不人人思奮但自岳城潰敗之後旗幟
軍械喪亡殆盡藉手無資一時實難集事而事勢喫緊又
非可以玩緩伏懇憲臺酌發銀數千兩以濟要需俾卑職
日內得以料妥一切當卽帶勇回省聽候調遣卑職自當
戰兢自矢力圖報稱雖赴湯蹈火亦所不辭庶竭駑駘有
以報恩於萬一至各營管帶及各勇陣亡容俟卑職查明
繕單另懇憲恩奏請優卹所有羊樓司接仗先敗後勝及
轉岳被圍潰散復回湘集勇再圖殺賊報仇贖愆各情由
理合稟明

批據稟招集潰卒力圖殺賊雪憤具見惘忱但此時經費支絀萬狀籌畫維艱殊難措手况該丞所帶之勇經此次潰散收集之後恐亦難期得力然念該丞前此勦賊頗著勞績茲復慷慨陳詞力圖復振未便挫其銳往之氣仰卽精選五百名自爲一軍駐紮郴州遇有土匪竊發鄰匪竄擾立卽星馳撲滅以贖前愆此路係該丞舊遊之所地方情形亦所熟習冀可收桑榆之效並札飭湘鄉縣在於錢糧項下籌撥錢壹千五百串發給該丞以爲招募及製備器械之用該丞務須逐一精選勤加訓練務使一勇得一勇之用方不負本部院重加委任之意也陣亡紳勇實堪

三其五之五
憫惻候卽核明彙辦

截剿湘潭逸匪獲勝稟
四年四月初七日

敬稟者卑職於本月初五日率勇八百名抵湘潭城十里之栗門石維時賊匪已被官兵剿散是晚探賊分股由易俗河上竄卑職卽急帶勇馳回截堵行至姜畬地方有賊數百前隊已上石潭乃急督勇進剿賊望風奔潰卽由雲湖橋橫竄甯鄉地界追逐二十餘里殺斃數十名餘皆四散因聞賊後隊將至且以夜深乃收軍分路埋伏於要隘地方初六日未正有賊三百名又由石潭渡河蜂擁而來行至魯家壩我勇放號礮一聲伏兵齊起賊拌死抵敵我

勇奮力衝殺賊眾盡數殲滅生擒二十餘名當卽正法奪
獲大旗六面黃馬褂二件黃風帽二頂黃令旗三面其餘
紅巾紅衣器械各百餘件我勇受傷者數名是役幸託德
威勇氣自此復振卑職竊思前在靖港一帶地方各勇出
力者甚多未及稟請恩獎雖羊樓司岳州潰敗皆由卑職
調度無方罪有攸歸此次各勇奮勇殺賊力圖報效若施
恩酌發銀兩給功牌三十張獎勵各勇當益感激無地可
得指臂之力並可否準卑職擇其尤爲出力者分別保舉
恭候裁奪施行

此據稟已悉逆賊自水陸痛剿以後餘匪零星四竄亟宜

跟蹤追勦土匪乘機滋擾亦應分股搜捕就地正法所有
湘潭甯鄉兩縣搜捕餘匪土匪之事專責成該委員經理
隨時稟報發去功牌三十張仰卽核明功次隨時賞給毋
許冒濫該委員此次追勦情形已入奏矣

懇請究辦刦犯優卹陣亡紳勇並保獎以前桂東興

甯戰功稟

四年五月十一日

敬稟者竊革員奉批帶勇前赴郴州駐防茲已剋期於明
十二日起程但革員從前回湘收集潰勇之時有首惡洪
克俊等倡率地痞及不法之勇數百人借索行糧爲名猖
獗萬狀適因賊逆來潭遂益大肆兇狂革員祖祠匾額被

其斫壞住宅莊舍兩次被其鈔劫持刀喊殺合家奔竄幾不得免又罄鈔湘左三營營官王文瑞湘右二營營官謝仁峻及幫辦鄉士從家外此被鈔者若合盛錢店被闖毀者若賀乘雲王玉源胡桂家不過從中公論遂受其殃革員比以身獲大戾孽由自作且已蒙憲臺出示懲辦故不瑣瑣瀆陳今兇鋒未斂謠言方興革員又將遠往郴州若不卽懇委員將實在情形查核究治日久釀成巨禍益重革員之罪尤可駭者該匪復蠱惑諸亡勇之家滋索優卹前約集數百餘人至三十五都之槐花寺會議起事蓋彼處地方有桂東案內保舉之從九職朱宗程鍾近衡及其

弟鍾近濂在營管帶湘勇陣亡者多故此地尤爲不靖又約近城各亡勇家於城隍廟會集以圖城鄉相應爲變幸均因地方紳士多方勸阻許其來營行請優卹其風稍息革員痛念鍾近衡兄弟素仗忠勇爲國出力平日待勇最有恩義冀其出死力以圖報效當捐軀之日相與死事尤多莫非氣義之所感激一旦叔姪數人身死王事已令革員悲哀無已而猶以優卹之故使其家受無窮之殃迄今與革員及見存諸營友幫辦家屬尙逃徙他處不敢歸家治理生產在革員固應獲禍友朋何辜竟至家家若此其果何以爲情是以當庫款十分支絀之際亦不得已冒

死陳情伏懇憲臺垂憐酌量給發出示曉諭以安亡勇之家而免諸在事者之禍革員所願隕首碎身以圖報者也又有請者革員以未學之身去歲從戎皆仗諸人之力故於衡桂興甯得以不負委任及至事後獨革員一人受

朝廷優獎以眾人之功博一己之賞心已不安迄今匝歲自新港靖港羊樓司岳城以來在事拚死出力如謝仁峻等諸人仍與同生死共患難事愈苦而相隨之情愈摯不忍一刻離去是以復能於石潭之役克獲小勝計兩年之間相從數戰有摧鋒陷陣之績而未蒙獎敘之榮猶出萬死不相背負革員捫心自問負人實多見在桂東之已

保者若童生鍾近衡朱宗程戰勇胡大勝黃元亮哨長鍾開誠張福田易普照賀長齡等未知部覆若何與甯之宜保者單尙未開此在憲臺不惜爵賞固久懷獎勵士勇之至意而亦革員所禱祀以求之者也至若新港石潭之役猶其在後可否聽擇尤爲出力者保舉革員不敢遽行冒請所有匪徒鈔劫并懇優卹陣亡保桂東興甯戰功各緣由理合肅稟請示飭遵

會剿嘉禾土匪情形稟

四年六月初二日

敬稟者卑職遵奉守道札委管帶湘勇馳赴嘉禾縣剿辦土匪於前月二十六日行抵該縣已將查探情形具稟憲

臺及總局守道各在案卽會同卑職紀將前獲之攻
犯宋潤開王金苟崽提訊據供聽從蕭秀良句結星
徒於前月十六日攻城被獲等情不諱卑職因縣禁
年被粵匪燒燬無處收管恐有疏虞已將該犯就地
並飭兵役嚴緝蕭秀良務獲究辦復會商於二十八日
帶兵勇分路前往石燕村勦捕於是日卯刻行抵該村
聞村內礮聲見該匪等約有三百餘人各持器械出
敵卑職等兩路圍攻令兵勇開放槍礮擊斃數十名
等見勢不能敵始俱向山內逃竄卑職等復飭兵勇
追擊又殺斃數十名生擒二十一名並奪獲刀矛五十

件遂令兵勇將其巢穴寨柵一並燒燬卽將生擒之匪押帶回縣卑職等會同研訊據供聽從已革廩生胡侯東胡自興糾約各造刀矛於前月十六日圍攻縣城來有百餘人被勦散回恐官兵往捕是以於村外砍伐樹木築立寨柵如有官兵到來以三礮爲號齊集拒敵等語不諱復將各匪逐一研訊所供如一除已將該匪等就地正法並嚴緝各逃匪務獲究辦外見今會商將蕭尹二姓攻城匪徒設法捕獲以絕根株以靖地方仰副憲臺除惡務盡之至意理合將會同查辦勦捕土匪情形先行具稟憲臺俯賜察核

批據稟已悉查閱供摺宋潤開王金苟患所供係蕭秀良
邀同星子匪徒滋事據胡自興供因武汝胡三患胡孝祖
等殺斃胡華胡品生廩生胡侯東主謀糾人拒捕製造軍
器因而助逆攻城是否屬實抑或另有起衅別情仰衡永
郴桂道轉飭桂陽州迅速核實稟覆毋延

由嘉禾馳抵藍山相機剿辦稟

四年六月初四日

徵稟者竊卑職前奉守憲札飭赴嘉禾會同紀令剿辦土
匪情形業經馳稟在案卑職因探藍山所屬之冷水源以
及大橋一帶亦有土匪聚集欲圖勾結滋擾情事亟應前
赴會同該縣張令督帶兵勇合力剿捕以免蔓延隨留湘

勇一百五十名協同該縣紀令兵勇搜捕餘匪卽於六月初三日由嘉啟程初四日下午抵藍當向該縣張令詢及與卑職探聞相同正派湘勇前往確探適奉憲臺排單札飭羅澤南勇回省調遣飭卑職帶勇赴衡州駐紮如衡永郴桂等處有警立即馳往剿捕等因旋奉到守憲札飭卑職將嘉禾縣匪黨撲滅馳赴宜章會同該縣王令剿匪等因卑職本擬束裝馳往惟據探報稟稱查得粵匪星子土匪前竄至宜章黃沙溪地方因防堵嚴密俱已逃竄英德等處卑職伏查該匪已經逃竄似可毋庸前往除探明冷水源等處如果實有土匪欲圖勾結卽會同該縣張令督

帥兵勇前往剿捕另行稟報外所有卑職馳抵藍山縣日期並查辦土匪緣由合行馳稟

批據稟已悉藍山縣之冷水源大橋一帶既有土匪勾結自應及早撲滅免致蔓延郴州永興桂陽各處遺孽尙多該委員察看事勢分別先後緩急陸續剿捕務淨根株免貽後患另稟羅委員既已調回該委員帶勇兼防四屬實恐不敷調遣所見甚是但此時北路情形喫緊水陸兵勇及留省防堵兵勇將近二萬籌餉支絀萬難添募分處之說此時實不能行如北路稍緩羅委員之勇仍當回駐衡州以資鎮壓耳

勦辦藍山甯溪司所土匪獲勝稟 四年六月十六日

敬稟者竊照本月十一日卑職探聞甯遠牛頭江土匪竄入藍山縣甯溪所地界該縣張令防堵緊要未便遽離遣令其子六品軍功候選州吏目張之銘統帶藍勇隨同卑職星夜前往迎勦情形業經稟明在案卑職於十二日寅刻馳抵該處分爲兩路卑職管帶湘勇由小路巖口洞進張之銘管帶藍勇由長鋪大路進該所把總蔣大德堵禦隘口該匪膽敢出隊前敵卑職預令湘勇埋伏山坳一面知會張之銘向前誘敵我勇乘其不備左右夾攻槍礮齊施截尾追勦登時殺斃數十名生擒八名湘藍各勇奪獲

器械無算各勇亦有受傷者該匪勢窮四竄拚命翻山奔逃卑職督同各勇並張之銘管帶藍勇跟蹤追至貓兒岩及西山牛頭江一帶計程三十餘里因天色薄暮兼值陰雨恐有詭計不敢窮追查點湘藍各勇奪獲地雷三尊鳥槍三十二根火藥九十餘觔鉛彈一簍大黃旗三面上書後漢仁義禮智信左營及先鋒字樣小令旗令箭十面調碼票數十張偽示一張馬二匹紅巾二百餘條長矛短刀共計一百餘件所有生擒匪犯唐留忠鍾順發胡三忠劉二忠周四喜黃得新成添盛孟啟後等共八名卑職當卽訊明實係甘心從賊與官勇對敵將其就地正法旋經卑

職及張令訪聞總頭目鄧洪岩逃匿東山一帶卽於十三日已刻仍飭湘勇及張之銘督帶已捐從九職銜阮仲鴻等嚮導馳往該處該頭目鄧洪岩復敢拒敵官兵經卑職暨張之銘激勵湘藍各勇生擒總頭目鄧洪岩一名餘匪十三名送縣會同張令連日隔別研審據鄧洪岩供認於本年五月內會遇不知名字之葉姓蔣姓立爲黃紅白三教伊爲黃教頭目於六月初五日發碼齊人至十一日集有四百餘人由牛頭江竄至甯溪地界意欲築城設官紮營俟各路碼子調齊定於十六夜圍攻藍山縣不料十二日黎明隨卽被官勇打敗蔣姓被礮轟斃伊逃至東山地

方十四被官軍拏住等供質之餘匪鄧賢發等供語相符當經卑職會同張令將甘心從賊之餘犯就地正法以昭炯戒所有鄧洪岩一名應否批解業經張令開具清摺稟請憲臺批示祇遵除仍會同張令迅速搜拏餘匪外所有此次出力六品軍功州吏目張之銘晝夜辛勤機謀並優且能生擒匪犯多名擒獲首犯洵屬不可多得之員又六品軍功桂東案內蒙保外委興甯案內求保把總之張福田六品軍功哨長張廣勝均能首先陷陣殺賊多名及六品軍功伍芹等可否仰祈憲臺從優鼓勵以示獎勵之處出自恩施肅此具稟

批據稟

檢斬多

卽密速

事出力

遵

敬稟者

月十九

得廣西

屯集聲

匪愈集愈多過湖南卽在目下倘分竄江華之濠界尖山等處實屬兵力單薄眾寡不敵情形喫緊之至移請卑職帶勇馳赴江華堵剿等因卑職遵查前奉札飭馳往郴州宜章一帶護解廣東礮饗至衡等因業經卑職具稟二十四日起程在案茲奉前因卑職查見接宜章令來函云該處地方見尙安靜竊思廣東饗銀到彼宜章營自可撥兵護解至永州來移所稱匪眾已聚數千勢必來楚滋事萬一失事永郴桂陽一帶土匪必乘機蜂起在在可慮是以輾轉焦思不得不先其所急除一面飛移宜章縣以俟廣東饗礮解到移撥各營兵役小心護解勿稍疏虞一面星

夜兼程前往容侯抵江後查看情形另督馳稟外所有卑職改道馳往江華堵剿起程緣由合行馳稟

批已有札飭該委員帶勇赴江華會剿仰卽會同周備督率團紳嚴密防剿該處有險可掘能偵探明確設伏要之奇兵不在眾也周備能得兵民之心企望彼此和衷商酌得一大捷俾粵西匪徒不敢正視湖南則幸也

粵西蓮花匪徒竄楚迎剿獲勝稟

四年七月二十八

日

敬稟者卑職於二十七日卯刻據職兄勳由錦田來函稱於二十五日酉刻據高村額外韋鵬飛探報粵西蓮花匪

徒黃亞喜黃老五等聚積五六百人已竄入楚疆大勝復據團總羅安仁報稱已至大寨水井等語職兄勦卽帶領湘勇二百五十名隨同署遊擊周雲耀理猺同知顏培肅帶兵丁團勇人等於戌刻出城時值雨水路滑江錦兵丁由牛冲小路繞杉木根前進職兄率湘勇由大路前進顏同知及團紳汪際唐等督率團勇隨後策應及至該處天始微明該匪正方造飯適見湘勇突至卽分作三股一股排於水井下面之大杉山吹角搖旗中間大股排於水井村門首之大隴又一股排於村之上面高坡相離較遠職兄卽麾左哨湘勇首先衝其中間大股而自率親兵繼之

撥右哨湘勇攻其下面大杉山內一股殊該匪勢甚猖獗
中間大股先排陣作人字形搖旗吶喊左哨奮勇前進相
距百餘步始發槍礮連斃其打旗賊數名該匪屹然不動
喊殺尤急職兄復率親兵由大杉山下面大呼疾進橫擊
之該匪勢不能支遂大敗其杉山內及高坡二股見中間
大股旣敗均翻山奔竄適周署備帶兵由小路亦到奮力
勦捕顏同知及汪際唐等率勇隨後喊殺賊益慌亂紛紛
退竄蓮花一帶山谷兵勇追趕四五里因山路十分崎嶇
勢難窮追乃收隊回紮大寨共槍斃七名殺斃十餘名生
擒顏亞能歐陽新劉興古溫亞發四人當經周署備顏同

知分別研訊據供從逆不諱旋即正法奪獲黃字清字藍
廂紅旗各一面合勝堂紅旗一面紅布號衣二件及刀矛
烏槍合勝堂腰牌等件兵勇幸無人受傷惟該匪尙屯聚
洞中防範未敢稍鬆如有竄犯楚境卽行星馳迎剿務期
殄滅以肅邊防合將粵西蓮花匪徒竄楚兵勇迎剿獲勝
並生擒匪犯奪獲旗幟器械情形稟懇察核

批據稟粵西蓮花匪徒竄入邊界經該委員之兄王勳帶
勇進剿獲勝深爲欣慰此股匪徒未經重創伺隙而動亦
意中事猶須防範也

移駐錦田以便策應嶺東藍山並陳各縣邊防喫緊

情形稟

四年八月初四日

敬稟者竊前月二十七日周護遊擊因廣西古城賊竄擾
逼近江華屬之錦崗卽由錦田帶兵馳往防堵囑卑職胞
兄勳暫駐錦田以防禾洞之匪卑職暫駐嶺東以防桂嶺
之匪旋於本月初一日據探桂嶺匪徒見又添集多人欲
竄嶺東又同日據周護遊擊錦崗司巡檢蔡鼇函稱古城
匪徒勢甚猖獗卑職比以錦田事勢稍鬆乃星馳飛函囑
職兄勳率留駐錦田之勇前來嶺東防堵並策應錦岡初
三日卯刻復據巡探報稱蓮花西水等處已聚匪約七八
百人聲稱欲來錦田報仇居民十分驚慌時職兄勳率勇

已抵水口乃飛函截止仍駐錦田未刻接周護遊擊函稱
古城之匪已被獠人擊退見往太平墟白沙等處查太平
墟離楚已遠惟白沙與尖山逼近該護遊擊卽率兵前往
防堵酉刻探報由白沙桂嶺回者又稱該處之匪多係廣
東惠潮嘉之人日內將往賀縣與廣肇人打仗見尙無心
竄楚戊刻又接藍山縣張令函稱廣東連州匪徒於二十
四日攻陷三江仍分股二千餘人竄至東陂觀獵獮異常
藍山相與毗連防堵萬分喫緊囑卑職率勇飛馳前往卑
職竊思藍山之防東匪嶺東之防西匪均不容稍鬆而錦
田壤接兩廣前月旬日之內三次逼竄疊經擊退尙萌窺

伺且離東陂觀
面囑嶺東營于
錦田以錦田離
均駐紮於彼非
爲策應也但與
以西未知若何
章之防堵均屢
二十四日被陷
守之信據此則
日有自肇慶洮

竄來賀縣之匪約五六千人多由該府分股而來又分小股竄往富川竊查肇慶爲粵東三江要口五州屏藩而又逼近省城若果被陷則賊勢浩大旣分股竄粵西之賀富二縣是則永明與江華之邊患而又不僅永明江華之邊患也前月中旬聞樂昌仁化乳源等縣均有賊嘯聚昨據連州朱岡司巡檢張清鑑函稱聞韶州已陷省城仍復戒嚴該巡檢以文報路塞意欲行權稟請憲臺發兵救援據此則桂陽宜章之邊患又未嘗稍鬆於永明藍嘉也該廣匪等毫無一定巢穴或朝東而暮西或夕分而晨合或方拔營他往而此間忽緊或欲率勇進剿而被匪忽颺率職

自六月下旬來江華之後日視各處鶴警頻聞未能痛剿
一股奠安一方深負委任焦灼萬分且查江永臨藍宜桂
營兵雖合計不下二千餘而參遊以下各將官未必盡如
周護遊擊之結實可靠此外由省調來者惟都司李輔朝
見率楚勇九百名駐紮宜章卑職率湘勇五百駐紮錦田
而約計廣東連韶及竄廣西賀富等縣之匪恐不下二萬
有餘若果竄楚實慮不敷堵剿此但言邊境之粵匪也萬
一各處土匪竊發尤恐不無顧此失彼之虞幸兩月以來
下遊粵匪疊經官兵痛剿屢獲大勝湖南境內一律肅清
北路之防範可緩是以仰賴憲臺選派幹員多帶兵勇前

來分布各處以資防剿靜候察奪施行所有卑職率勇全駐錦田並便策應嶺東藍山大概陳述江永藍嘉宜桂防堵兩粵情形懇添兵勇分布各緣由肅此具稟

批兩粵寇氛四起環逼楚疆前曾調周金城所練之南勇一千六百名交王守管帶馳赴郴宜一帶地方扼要駐紮以便就近調遣兩廣一日不靖楚省南界一日不能安枕永明有險可守團勇足資捍衛外此惟宜章三堡屢次殺賊立功亦不敢輕於窺伺餘則難以概論矣楚粵交界各處路徑分歧有防不勝防之勢且兵分力單亦恐無濟於事紳團任守官兵往來援剿勢有不能當此艱難拮据之

時增兵募勇餼項從何取給已飭永州鎮及該署備從長計議矣

移駐嶺東防堵稟

四年八月二十一日

敬稟者卑職於本月初四日由嶺東率勇馳往錦田以防蓮花西水之匪並策應藍山嶺東兩路已經稟明在案旋於初五日戌刻抵錦田與顏同知日夜偵探嚴密防範奈自初七八日營中疫癘大作而隨職兄先駐此地者得病尤多竊查錦田向來風土自八月以迄十月有桂花瘴毒不利客民染之每成疫疾外來商賈多於此際歇業迴避卑職不得已於十三日率勇移駐水口百方醫治舊者未

愈而新病者日添旬日以來死者相屬卑職不勝悲憫焦急之至竊查前十八日接得嶺東王署備函稱何觀保率黨於全州屏西賀縣屬大擬墟地方滋擾經土人勦退十五仍竄回桂嶺二十日酉刻據王署備函稱大擬墟等處團練聚萬餘人欲來桂嶺報何觀保之仇何匪亦四處調碼已有數千與之對敵誠恐該匪或敗或勝難保不竄楚疆且探該匪已分竄繁平山地方離嶺東尤近卑職查近日探報禾洞匪徒勦敗尙未敢萌窺伺東陂觀之匪據探報於十八九等日竄回連州且南勇八百聞近日可抵藍山足資防堵而見在桂嶺匪徒十分猖獗卑職是以於本

夜率勇前來二十一日辰刻抵嶺東與王署備協同團練相機防堵各情形爲此馳稟

批見已札調該委員帶勇馳赴永明防剿矣

全州敗匪竄入道州請周護遊擊就近回援以便湘

營專力防剿嶺東稟

四年九月初七日

敬稟者卑職於昨初六日酉刻接得道州馮牧初五日申刻函稱廣西全州敗匪數百人已於初五日巳午之刻由間道竄入州屬之沙田村一帶滋擾招卑職星馳往剿等因理合刻卽拔營馳往奈先時已據偵探桂嶺之匪本日巳刻至附近廣西所屬牆圍村等處旋於未末該村民人

文國泰廖能文來稟是日賊匪數千人前來放火燒屋幸民團齊集格殺砍獲匪首一顆認識乃係廖石生奪獲大礮一尊雙刀一對餘匪奔逃未便窮追恐防大隊後來復仇等語又前日探得廣東屬之石馬坪衝口西岸等處匪徒聲言欲竄錦田已飛函囑顏同知如有緊急可速請撥南勇救援日內著勇往探尙未回報且以周護遊擊帶兵尙在永明卑職若遽拔營恐兩處之匪乘虛竄入因竊查嶺東至道州二百一十里山路崎嶇非初九日不能到而永明至道州七十里前擾桃川之匪已於初一日竄出龍虎關外則永明防範似可稍鬆乃選派健足勇一面飛函

致周護遊擊請其火速拔營前剿一面函覆馮牧囑嚴加防範所差之勇律以軍令均限今日戌刻送到是周護遊擊所以救道州之急者卽以嚴永明之防卑職亦以防嶺東錦田者卽以專周護遊擊往剿之力旣免往返耽延賊自無隙可乘不致顧此失彼雖該處非周護遊擊所轄之地諒憲臺斷不以畛域爲限而在周護遊擊忠勇性成想必不勞憲臺慮念也是否有當合行馳稟憲臺察核批示批嶺東之防未可卽行鬆勁而全州股匪於十一日已復撲道州城垣情形較緊前札該委員續募湘勇五百名如實有可以管帶之將卽應速遣招募粵西羣盜蜂起在在

皆急非重兵駐防不能分途策應其資遣之費一面具稟請發可也察看嶺東及尖山一帶形勢若緩而他處有急當亟赴之兵機不可遙制該委員諒能權其緩急殺賊立功也

由嶺東馳援永明稟

四年九月十五日

敬稟者卑職自八月二十一日抵嶺東後曾於本月初五初七十一將卑職防堵嶺東與錦田尖山等處及永明道州防剿事宜與營中乏饟情形三稟在案嗣於十二日未刻據惠潮嘉竄逼近楚粵屬壕界地方之匪號平安堂因客商寄呈一稟稱伊等係賀縣壯勇爲乏糧故特來開山

壕界等處索取捐項並非敢犯湖南地界等語卑職觀其
來詞比卽出示令該客商持去開陳大義論以利害禍福
示稿鈔呈憲電十三日早探勇回報該匪見示卽散去大
半該處百姓感激今日申刻又據探報開山一帶雖尙有
匪二百餘人不敢肆行騷擾多係楚人欲散回本籍恐地
方官究其前罪持疑未決卑職設法招撫親往該處激勸
紳民與我楚嶺東合爲一大團以固藩籬爲一勞永逸之
計正在審量間忽於戌刻接周護遊擊今日卯刻自永明
發來飛移稱該護遊擊帶領兵勇本月十一日與賊打仗
獲勝十三復帶兵勇團壯往桃川一帶追擊無如匪等人

數眾多我兵單薄兼之團壯難期得力是以少挫暫行退
回永明商酌再行進剿飛請卑職迅帶湘勇星馳趕赴永
明幸勿推卻等語卑職以周護遊擊之忠勇桃川之團練
該匪尙能肆其猖獗概可想見而卑職往援之心不得不
迫矣恐此地人民驚惶桂嶺之匪難保不乘機而入周護
遊擊移文外函永明卯時發卽呼來差教稱前日由道州
來然後集各哨長什長揚言諭曰接得道州文書稱永州
發來援兵二千日內可到恐該匪被剿敗竄囑卑職前往
江華取道兜剿所有病勇卽留此調治我軍一二日必可
凱旋若桂嶺之匪徒敢來相犯卽邀同道州得勝之兵與

周護遊擊在永明得勝之兵往該處嚴加勦洗不留遺類
並以此意出示託王署備遍貼曉諭以安民心以寒賊膽
一面率勇啟行今日探勇由錦田尖山回者均稱事勢較
前稍鬆十二夜探報稱道州之賊已於十一日逼攻州城
卑職焦急萬分今日申刻探報賊聚西門攻打甚急馮牧
率兵勇防堵該匪緣梯穴城馮牧親操軍器指揮兵勇奮
力截堵奪其梯而殺其人傷賊一二百名該匪已氣沮而
救兵即日可到則道州亦無虞卑職見往永明務竭瀝血
誠與周護遊擊協力勦辦以期不負委任惟日內因饟項
不繼艱窘萬狀卑職自典寒衣坐馬與各勇分用伏望飭

局早爲籌給庶免掣肘之患
批開山竄來之匪詞旣恭
甚是周雲耀是一忠勇男
募勇五百名以資防勦不
員所帶湘勇不滿五百之
勇自隨否前札令增募湘
下北路賊勢漸緩已飛調
前赴永郡但路途遙遠到
營口糧匱乏已隨飭省局
仰永明縣不拘何款設法

王壯武公遺集卷一終

湘潭朱士宜校勘

王壯武公遺集卷二目錄

稟牘二

改援道州俟圍解再行馳赴永明勦辦稟 咸豐四年

九月十六日

湘勇回援道州苦戰解圍並請獎卹以昭激勸稟 四

年九月二十日

道州解圍後探賊圖竄江華捲甲疾趨先據縣城大

獲全勝稟 四年九月二十五日

湘勇出龍虎關勦辦廣西恭城屬栗木地方踞匪大

獲全勝稟 四年十月初六日

十月初六日後至十二月剿辦甯遠藍山臨武道州

各股竄匪分防龍虎關錦田嶺東等處復回援零

甯並瀝陳湘勇痛苦情形稟
四年十二月初九日

請俟甯遠剿匪事竣再行開呈保舉清摺稟
咸豐五

年正月初七日

齋呈保舉清摺並陳明胞兄勞績懇請移獎稟
五年

二月初六日

去歲十二月在甯遠境內四戰皆捷及搜捕大概情

形稟
五年二月初七日

探報富川賊匪將大舉犯楚擬拔營馳剿稟
五年二

月十五日

復陳堂弟開化未便來省亦無湘勇分遣稟

五年二

月十五日

攻富川踞城賊急切難下請撥勁旅會剿稟

五年二

月二十四日

王壯武公遺集卷二

稟牘二

改援道州俟圍解再行馳赴永明勦辦稟

咸豐四年

九月十六日

敬稟者竊卑職於十五日稟前赴永明與周護遊擊籌勦
桃川匪徒在案因山路崎嶇本日僅行九十里抵樂田接
嶺東王署備飛函稱桂嶺又有匪至濠界地方黏貼紅條
公館字樣稱有匪千餘人將到濠界且欲來嶺東等語欲
卑職急回防堵卑職再三思維前十三日卑職所出告示
貼於該處匪等卽不敢肆擾開山一帶且多行退去又探

聞數日內匪等來看告示陸續不絕未敢損壞一字昨卑職啟行時又如此安頓豈匪等遽敢來犯此必本地土奸故意恐嚇之計乃復函囑王署備靜鎮毋恐祇協同團紳嚴密偵探巡防毋爲奸人所弄再出示持去遍諭居民稱卑職卽日可回嶺東等語且聞周護遊擊前日傷足尤決意向永明進發辰刻至江華城途遇探勇由道州回稱賊匪攻城甚急永明救兵未到馮牧誓以死守勢甚危急等語卑職聞信萬分焦急因思桃川之匪其勢雖兇悍目前尙無攻城之意頃聞之急欲往永明者爲永明之民故實爲周護遊擊故茲道州情形旣如此則道州之城池不可

不急救而忠誠勇敢如馮牧尤不可不急救也且鄉間百姓僉稱不可失我馮父母惜欲往救無倡率之者卑職迺變計遽率勇星馳協同團練速解道州之圍再行馳往永明與周護遊擊商勦桃川之匪適周護遊擊因江華縣任令屢函告急適已回至江華卑職以所謀與之商推周護遊擊亦深以爲然且願率兵勇協同前往速勦道州之匪再同赴永明籌勦桃川卑職卽親書示諭著勇馳赴永明先行曉諭紳民隨與周護遊擊率勇進發竊思道州之匪如此猖獗桃川之匪又復兇悍異常警報旁午幾於應接不暇卑職此時惟有竭瀝血誠與周護遊擊督率兵勇激

勵紳民隨機應變務期剿除淨盡以仰副憲臺保民靖寇
之至意合肅具稟伏乞慈鑒

批據稟該委員帶勇馳往永明援剿途聞道州事急卽
商周護遊擊同往道州已據道州馮署牧及永鎮稟稱是
日蘇元林遇賊驚潰後該委員同周護遊擊督帶兵勇適
至奮力痛剿斃賊甚多賊匪膽寒卽於次日狂奔西竄該
委員及該護遊擊忠義奮發膽識俱佳不負本部院期望
之意欣慰無似此時諒已追賊出境途聞不知續有斬殺
否永明桃川團紳素稱得力此次任賊兩次闖入實出意
外俟該委員追剿道州敗匪後自必同周護遊擊援剿永

明本部院覓又飛調江
果永明賊竄兵單江守
數殲除不留餘孽見又
該委員之兄挑選帶往

湘勇回援道州苦戰

年九月二十日

敬稟者卑職於十六日
由江華起程是夜宿離
諭各團練人等會齊進
州城西門外橋背街卑

直攻賊巢周護遊擊帶領兵勇及左哨湘勇攻賊之左撥
右哨後哨湘勇攻賊之右殊該匪等蜂擁而來兩下槍礮
齊施塵戰良久卑職在高坡上望見賊匪隱約有黃旗由
街後向右行走知其由街後轉右大河邊鈔我軍之尾乃
急撥轉後哨湘勇伏於河邊小山下該匪果分股將到河
邊幫辦擬保藍翎從九張運蘭同後哨正百長六品軍功
賀長春率後哨勇突出奮擊該匪捨命爭山有戴紅風帽
騎馬賊先行指揮該哨長率勇遽前殺之而奪其馬連斃
賊匪二十餘名槍傷約十餘名生擒二名該匪知計不行
仍轉回街上分兩路拌死拒敵槍子如雨籐牌刀鎗一齊

擁來卑職胸前中一礮子正對心坎幸衣厚又隔鐵鱗甲
故子入肉僅分許左脇復中小槍子飄傷倏忽之間一籐
牌手飛躍至前舉刀直刺卑職舉刀格擊侍勇何本高王
正湘奮前將該匪砍死幫辦六品軍功王開柄劉開昀童
生王開化及前哨正百長六品軍功擬保藍翎把總千總
銜張福田副百長王開佑右哨正百長擬保藍翎把總易
普照副百長王卓安見卑職身受重傷益加奮勵率前右
兩哨勇直衝入賊巢奪大礮一座殺斃賊匪百餘名生擒
十餘名中有二騎馬賊頭戴黃風帽髮長尺餘卑職均於
陣前手刃之各勇益奮始猶裹創而戰後則并創亦不暇

裏矣張福田易普照均手殺多人易普照頭胸手足受刀
鏑二十七傷猶血戰不懈見在垂危親兵官星照邵茂蘭
孫世柳莫連星長夫羅信二前哨勇滕占魁滕國勝劉萬
順劉長貴右哨勇李福成劉受二均以奮勇陣亡或受十
餘傷數十傷不等左路出街口係大田隴賊不下千餘人
周護遊擊奮勇直前右足受槍子傷猶力戰不懈殺斃該
匪二十餘名陣亡兵丁何能盛陳善才受傷兵勇鄆明登
唐連陞等數人左哨正百長六品軍功擬保外委張廣勝
副百長六品軍功楊邦傑率左哨勇直穿賊陣又從賊陣
後橫殺過來斃賊多名楊邦傑自手至足幾無完膚猶持

刀殺賊回營卽血暈而死竊楊邦傑年
而諳練勇敢實有大過人處遽爾殉難
兵勇如此猛勇均收回街內拌命於各
槍礮抵敵卑職見團勇無一人來接應
二百餘名均係極悍極兇之賊然其眾
乃與周護遊擊鳴金收隊回至離城二
查并奪獲紅鑲黃心旗右營九桿二十
旗太平後營龍鳳旗劉將軍大黃旗公
黃旗太平後營旗前營先鋒旗及清字
豎馬二匹鐵礮二座及旗幟刀鎗礮

件無數卑職卽扶創多書諭帖星夜著勇遍傳同練並函致馮牧請商囑各文武會合夾剿是夜聞城上礮聲黎明探賊已於五鼓時分盡行逃竄經城內兵勇拿獲餘匪多人是日各團團長陸續來到卑職與周護遊擊極加激勵且諭以斷不相強打仗但隨後協壯聲勢並擊敗竄之匪其願告奮勇隨同衝鋒陷陣者仍分別獎賞至十九日辰正傳集四千餘名卑職束胸與周護遊擊登臺誓眾申明大義嚴立約束各團勇人等亦有奮發者卽督率前往午刻抵州城探報回稱賊已遠竄離此五十餘里之蔣家嶺各團勇請暫歸準俛乃令各團長嚴行選擇精壯約以明

日黎明多帶糗糧隨同追剿竊前日湘勇鏖戰之苦義憤之士死者至十餘名傷重者不下七十餘人而受急吐血溺血心痛者又數十餘人加以餉項不繼前十五日拔營之先夜雖在永郡領到餉銀千兩然各勇在嶺東所該藥錢米錢不下千餘金盡數發之猶不足完債祇得典賣身上棉衣開銷前日來北風大作天氣寒甚各勇除前留在嶺東江華及歸家養病八十餘名外因受風寒得病者又不下數十餘人驅凍餒之勇當此狡悍之寇雖以血戰梓勝然見在可強起再戰者已不滿三百名則各勇之萬分苦况想憲臺早燭照於數百里外矣卑職受傷雖重幸醫藥

有效昨下午已能強扶騎馬今早痛亦暫止堪慰憲塵自
誓一息尙存決不與賊並立然餉項萬分掣肘各勇飢寒
交迫惟有仰懇憲臺迅賜籌撥以救闔營垂危之命並暫
發功牌二百張令卑職得以分別填給以前與見在出力
團練紳民及營中各勇其勞績最著者準卑職分別保舉
以示鼓勵陣亡受害人等容卑職卽日確查再行分別稟
報準與優卹及養傷銀兩以昭激勸卑職不勝惶恐懇切
待命之至伏思該匪如此兇悍眾多而州城苦守七晝夜
賊計俱窮非馮牧之忠與署右營遊擊周佩玉帶勇都司
陳立紀激勵兵勇及永靖救援之綏靖鎮綏甯九谿五丈

坪協兵力堵禦卑職與周護遊擊亦不能徼倖以成此功也所有湘勇回援道州苦戰解圍情形理合馳稟

批前接永州鎮府及道州稟報十七日該委員督帶湘勇會同周護遊擊逕趨道州將撲城賊匪痛行攻剿得獲勝仗該逆匪等膽喪心寒卽於次早解圍西竄甚爲欣慰之至該委員自岳州敗歸後奮力圖功義烈之誠不爲稍挫周護遊擊廉明英勇能得兵民之心馮署牧鎮定從容官聲素著故能士民竭力捍禦勦賊有功皆官紳中所不多見者已於該州及該鎮稟中批示矣該委員湘勇口糧已據衡永道稟解一千兩省局委解半月口糧想已陸續可

三月五日對食
到前又札發一月口糧交該委員之兄王勳續募湘勇五百名前來助戰矣該逆見仍駐蔣家嶺必須會督兵勇迅速兜剿淨盡以絕根株此次出力兵勇除差弁另齎銀牌功牌勞賞外仰卽會同周護遊擊核實勞績最著者開摺稟齋聽候酌保可也

道州解圍後探賊圖竄江華捲甲疾趨先據縣城大

獲全勝稟

四年九月二十五日

敬稟者竊卑職於本月二十日已將與周護遊擊率湘勇兵壯在道州西門外與賊戰解圍日內激勵各團紳民十九日入城與馮牧籌商一切並陳湘勇缺餉飢寒等情具

稟在案嗣於二十日未刻探賊由楚粵界蔣家嶺地方又復聚集多人是日將回竄道州小坪乃急與周護遊擊率兵勇出城囑馮牧督飭團練隨後策應並拏敗竄之匪馮牧卽將衣物典押湊錢四十餘串爲各勇等作路費卑職與周護遊擊率兵勇出城是夜探聞賊已於午後竄至小坪肆行劫搶乃於二十一日寅刻拔營往剿行至達村又探得賊已於是日黎明由小坪竄往永明乃跟蹤追剿因該匪行路甚速其志不在劫掠卽刻著勇改裝先行混入賊隊探聽又往洞車尾探子回報賊已在永州屬之上江墟賊目數人商量中有一年少者曰昨夜探報回稱王周

二妖欲由道州往永明尙未動身不如作速先據永明城待其來與之決戰一黑鬚者曰此計險不可行王周二妖頭最不怕死且見在得勝鋒不可當不如乘虛速取江華再取甯遠得了兄弟多人然後再攻道州據爲根本二妖頭數日內未必能了桃川之事我速速行事使伊願彼失此進退無處縱有翅難飛其奈我何年少賊唯唯眾賊唯唯卑職聞言卽與周護遊擊商量周護遊擊謂今日我兵卽追到黑夜不便開仗恐徒令其驚散若竄廣西再行積聚禍無了日矣不如由小路繞出賊前先至江華賊雖速必明早方能抵江是反客爲主也卑職深以爲然又因周

護遊擊言恐賊被勦再竄廣西復聚乃急書諭帖派勇飛
諭永明上江墟道州之小坪等處團練令其速堵往廣西
隘口要路嚴密防拏無任一賊竄過並飛書致馮牧囑其
督同團練嚴防一面找尋嚮導尋小路率兵勇前進卑職
以湘勇多扶傷忍飢寒而來心甚憫惻乃傳齊曉以大義
痛陳事勢情形且謂爾等如此萬分苦楚 聖朝恩澤
無極各大憲亦十分體恤下情必不負汝情詞慷慨激昂
聲淚俱下各兵勇皆爲感泣卑職與周護遊擊恐賊聞知
乃令兵勇滅火蛇行奈山路多荆棘至平野卽係水田小
塍卑職與周護遊擊下馬披榛莽而行衣鮮完處至平野

則屢陷泥淖中兵勇辛苦萬狀無一出怨言者自平明起約繞道行一百四十餘里五更始抵江華城卽令各勇買米作飯奈居民是夜聞警盡皆搬徙遠遁粒米無存二十日黎明探賊已至三里亭卑職卽與周護遊擊上馬各勇一齊跟隨出城竊先一時進城由西門外之高坡經過卑職於朦朧月影內窺視形勢卽語周護遊擊曰明早賊來我軍必先據此地以賊眾倍我悍而且狡若誘我前戰該匪分股遠遠由南北樹林內繞出我後突入城中則我軍危矣惟此地頗高前可望賊來勢後可照顧城中且賊由平岡來不能測我虛實自當取勝也周護遊擊深以爲

然故出城卽分兵勇之半於高坡上排成兩翼陣勢留一半於坡後以爲接應少頃賊隊擁至一支直衝中間分二支抵住兩翼十分兇猛發礮子如雨幸均從頂耳肩旁飛過卽兵勇無一受傷者卑職令兵勇等堅立不動俟賊至八十步內始開槍礮賊果衝突直前我勇槍礮齊施擊死大旗賊一名打傷賊數十名該匪將衣服銀錢盡委於地我勇無有俯拾一縷一文者該匪猶拌死苦戰卑職乃急麾先留坡後一半兵勇分兩路由左右小山坡後突出奮擊之周護遊擊挺矛大呼直衝入賊陣卑職親自搗鼓聲如雷震兵勇一齊奮呼衝擊署江華縣城守營千總李貴

二月五日
芳率所轄兵勇竭力助戰賊乃大敗棄械奔逃追殺十餘里因兵勇太苦又未朝食乃鳴金收軍計殺獎賊百餘名殺傷數百名生擒十一名中有身長大麻面賊謝邦甲係衡陽人前在道州殺百長楊邦傑又傷百長易普照卑職當揮侍勇持矛圍刺之該匪持刀亂舞行走如飛竟不克中昨被侍勇張良清用計擒獲剗其心以祭日前亾士見其膽大如鴨卵真悍賊也又一賊名蔣文異係道州人形容兇猛身穿太平號衣前日傷我勇數名該匪亦身中數傷而走亦被張良清與額外袁照忠擒獲斬之各勇莫不稱快奪獲賊馬五匹子母礮二尊擡礮十二竿旂幟刀矛

藤牌鳥槍火藥鉛子等件無算比訊生擒各匪徒均稱此股賊匪自去冬在道州四眼橋被前二月內在甯鄉殉難之委員儲玟躬等率兵勇擊敗卽竄往廣西聚集日久人數眾多昨由灌陽來攻道州實欲由永州直下接應南京大股前日被勦復聚欲取江華甯遠再攻道州亦是此意其自稱朱洪英稱太平後軍蓋爲此也卑職與周護遊擊商議此股賊匪雖連被攻勦心驚膽裂但不及今埽除淨盡稍留萌蘖終恐久後禍患無窮除先日已飛諭上江墟小坪等處嚴絕餘匪逃竄廣西要路外一面飛書馮牧囑其代稟以慰塵念並函諭附近州縣嚴加防範捕搜一面

雇能書者多寫告示分遣健足勇作速傳貼道州江華永
明甯遠新田藍山嘉禾等處日內遣往各處勇回稱餘匪
被各處團練格殺不少拏送地方官正法者亦多卽道州
已擒一百數十餘名馮牧又已派撥壯勇往四眼橋一帶
剿捕二三四五等日卑營亦時有拏獲及各團拏解送
營者候事竣彙冊鈔呈卑職見與周護遊擊商議待此股
殲盡卽於日內馳赴永明剿辦桃川大股再往嶺東籌辦
務竭瀝血誠鞠躬盡瘁以期仰副憲臺保民靖患之至意
批據稟該委員等自道州剿賊解圍後探聞賊匪圖竄江
華卽捲甲疾趨一晝夜行一百四十餘里先據縣城整隊

以待俟賊既至痛行攻擊殺斃兇悍賊目多名斃賊百餘
奪獲器械多件實屬膽識俱壯謀勇兼優殊堪嘉尚當鹽
糧不濟之時該勇等忍飢裹創晝夜遄征有勇而且知方
實爲難得見飭省局陸續籌辦以資接濟並專差齎去功
牌銀牌以示獎勵矣永明賊勢狃務宜慮善而動謀出
萬全已飭該員之兄續募湘勇五百名馳赴永明交該委
員管帶如嫌勇力尙單可俟江守忠濟楚勇剿辦甯遠餘
匪後再行會剿亦可

湘勇出龍虎關剿辦廣西恭城屬栗木地方踞匪大

獲全勝稟

四井十月初六日

敬稟者卑職於九月二十六日探賊尙踞龍虎關往來桃川滋擾卽於二十七八由江華抵永明糾集團練進剿情形縷稟在案昨初四日又致道州馮牧書託其速將卑職與周護遊擊數日事勢代稟憲臺以慰塵念矣是晚探得由蔣家嶺竄回灌陽一股近又聚集二千餘人見屯龍虎關十五里之栗木地方接得廣西都司萬明魁覆函言伊實因兵單失利故暫退屯離栗木二十五里之平源地方願剋期會剿卑職比又覆書約明日辰正一刻請該都司由西南路殺來卑職與周護遊擊兵勇團壯由東北路進剿以期一鼓殲除發書後卽與周護遊擊商酌曰萬都司

與我等同事未知其人可靠與否經新挫之後必待我軍大獲全勝然後令彼搜捕敗散餘匪是日點名團眾六千有奇比晚又來二千餘人初五日黎明卑職與周護遊擊率兵勇團壯前進約近萬人行抵離粟木五六里許遇一大坪坪之前有微高長坡橫於中路坡右則前有小山山之外則右邊又有一大村坡左側前又有樹林林之外又有小山卑職行至此間細看形勢思此股賊匪狡悍慣戰未易殲盡遽令各勇等暫於坪內小憩因武生周文豹勇需有謀所管團勇四五百名多可靠者乃令率以誘敵囑以詐敗不許勝卑職率侍勇及左右翼親兵前右後三哨

勇伏於坡後請周護遊擊及守備向東昇白象汎把總朱
耀外委唐榮觀率所帶各勇及江華練勇分伏於坡右石
山後及村內左哨湘勇伏坡左樹林內各團勇之膽大緊
跟前來者伏於林內之小山下復令侍勇追催各勇令其
策應周護遊擊右邊伏兵均約以必待周文豹所帶勇轉
回坡後卑職插起大鼓發喇叭一聲後勇齊聲吶喊突出
奮擊右山後及左林伏兵繞出賊後包鈔其尾可盡殲也
分撥已定周文豹前去搗戰良久卑職登高望之見賊雖
均離巢然大股追一二里卽行頓住祇百餘人前追畧近
又遲遲不進正瞻望間侍勇王明輝前請助周文豹誘賊

卑職遽令前去時周文豹及各團壯均退立於坡前一里許之小坪搖旗王明輝趕至令分三路前進攻其前進之百餘賊邀團壯之奮勇者數人直前殺其先鋒一名奪其旗而搖之槍礮齊施前進之賊卽退走周文豹等奮呼追趕二里許賊大隊齊出接應王明輝遽呼曰祇說數百蠻子那曉得有這多卽多拋軍器向坡後走回賊分三路一齊追趕中股約八百餘人已抵坡下左股約六七百人右股約千餘人已抵坡左右腳卑職始令搗鼓發喇叭伏勇突出擊之該匪猶敢拒敵林內左哨湘勇衝出攻其左股小山下團勇又從後繞出賊左股先敗右哨卽來腰擊賊

中股與前伏坡後勇齊力奮擊周文豹率誘賊之團壯亦轉回竭力助戰賊中股亦敗卑職令各勇分路進殺而自領後哨及左右翼暫立坡上見右邊接應之團壯在後紛紛退走卽抽佩刀令侍勇持去督之乃少止然右股自恃其眾拌死鏖戰卑職撥後哨勇助戰賊又分股敵住乃急撥左右翼親兵從左衝出橫擊之周護遊擊率兩路各弁兵及後哨勇亦奮死衝突賊右股始敗齊追四五里已殺斃賊二百餘名該匪僅棄大礮二尊其餘器械尙不釋手徐徐緩行隨退隨伏卑職令兵勇爲撒星陣雖山溪小徑亦令遍布步步前進令每人於民間取稻草一束遇蔚隈

處卽點然堆放火燄接天該匪計窮膽喪乃合隊而走卑職令爲兩翼陣追之至一高埠下卽係大坪坪邊卽河岸河約寬二丈水深處不過二丈餘過河又係田隴隴首有鋪屋百餘間卽栗木街也賊遇追至大坪復又紮住放礮卑職登高埠望之指揮各哨勇攻之賊礮卽對高埠打來三礮子皆挨卑職冠頂飛過卑職顧左右曰誰敢衝入賊陣中者侍勇胡清泰應聲挺矛飛躍而下遽將放礮賊斬死又連傷四五賊卑職卽率各侍勇等衝下該匪禡下衣過河復排陣於對岸田隴隔河放槍卑職率侍勇等策馬亂流而渡歷前左右三哨湘勇及周文豹所帶團壯一齊

過河周護遊擊率兵弁及卑職左右翼親兵後哨湘勇亦從下流過河一齊大呼突擊該匪始棄軍械旗幟紛紛竄走收入栗木街令各勇等遽前圍住各持草束四面放火該匪等呼號之聲震天地風烈火猛一時遂成灰燼其冒火逃出者約尙有三四百人卑職指揮各勇復逐十餘里擒斬殆盡始鳴金收軍不見有萬都司之兵也計黎明出隊黃昏歸營共殺賊六七百名燒斃賊約千五六百名生擒七十餘名比於陣前已正法三十餘名中有長髮長二尺者四名長七八寸者五六名均未暇訊明容遲彙報拔

出被擄婦女五六十名多全州灌陽道州人氏亦有桃川

女子三人均給路費令各歸家奪獲賊馬六十七匹牛二十餘頭大礮十五尊擡槍五十四竿大黃旗九十二竿其餘籐牌烏槍刀矛小旗火藥鉛彈鐘鼓等件不計其數兵勇及團壯無一陣亾者惟湘勇有受傷者十餘人周護遊擊所帶勇受傷者數人然傷輕者多重者亦能扶創而行自數次戰事惟此賊最爲兇狡慣穩而殲賊殆盡我軍不損一人隨所指揮靡不如意鏖戰數時精神倍加向非憲臺德威安得僥倖至此然未敢自恃每收隊時卽呼各勇極力戒飭以身作則必較平日更加謹慎奮勉不但不可形得勝二字於口並不敢懷得勝二字於心是役也約會

團壯以助聲勢則教諭銜候選訓導永明張啟鵬周棠巡檢葉德濟永州府城武生周文豹從九蒲登高藍翎軍功候選通判蔣啟鏃五人之力居多其餘打仗出力員弁兵勇紳民遠難枚舉俟查明再行彙冊詳報卑職本擬除此股後卽與周護遊擊挑選團壯一二千隨同往剿首擾桃川見踞沙子街之匪卽取道埽平桂嶺東陂觀連州一帶以清我楚逼近兩廣邊境之患然後由藍臨取道剿洗竄逼甯遠之匪因昨日戰後恐沙子街之匪將又聞風遠颺嶺東藍臨日內未有的耗惟昨接錦田警報逆目何光保等率匪黨六七百人已至高村而饒項又未到營祇得審

視龍虎關桃川一帶地勢令各團紳民卽日設立礮堡望樓畫地而守嚴立團規以固疆圉先發百兵馳往錦田防堵卑職與周護遊擊近日內卽拔營馳赴道州與馮牧會商剿洗竄甯之匪再往錦田剿辦凡卑職在永明前後之事另咨續細具稟外合將昨在廣西恭城屬栗木地方剿辦賊匪大獲全勝情形先行馳稟

批灌陽竄撲道州之賊被官軍擊敗之後復又竄至栗木思擾永明該委員督帶湘勇會同周護遊擊出關痛剿竟能一鼓殲旃克獲全勝非該委員及周護遊擊忠勇奮發其勞績固不至此覽稟欣慰之至屢勝之後當倍存兢惕

之心臨事而懼則有謀懼則氣鬱積而不竭孔子曰我戰則克者此也望益勉之只稟稱湘勇營及各處出力紳民兵勇準開具勞績聽候核獎其羊樓司岳郡殉難紳勇亦卽核明事實聽候查辦可也

十月初六日後至十二月勦辦甯遠藍山臨武道州

各股竄匪分防龍虎關錦田嶺東等處復回援零

甯並瀝陳湘勇痛苦情形稟

四年十二月初九日

敬稟者卑職自十月初五日在栗木鑿戰後夜接錦田營報乃商周遊擊先發永鎮調來兵二百名前去初六日由馬坪拔營卽協同各官紳親歷龍虎關一帶要隘熟審地

利指畫形勢飭令桃川附近各團設立礮堡望樓於關口及關之左右數里十數里凡三四十處且見該處團練毫無紀律復嚴加訓飭明分數專責成令其作速遵行初七日抵永明城再集城鄉團總教以戰守之道且諭以力改前非毋殺良邀功毋挾制官長重干天怒而於錢糧一項尤痛切戒勉之爲限期完納舊欠及新饟初八日因甯遠江華疊函告警乃商周遊擊發所帶江華練勇二百名及湘勇之病傷難再戰者二十餘名先往江華聲言親率大隊隨後策應而甯遠比夜二更入道州城初九夜託馮牧覓嚮導十二名派湘勇二十四名分路先行於甯

遠離城數里十數里四路傳諭團眾各授以計卑職率湘勇二百八十餘名與周遊擊所帶兵勇一百五十名拔營前進初十日黎明行抵甯遠城十五里之天堂墟探賊先鋒千餘人將至遽將湘勇分爲五隊前進囑周遊擊所帶兵勇護解火勇長夫隨後策應行里許卽遇賊戰不二刻賊先鋒敗回遽麾勇卽進追殺至近城三四里許賊立有二營盤約出千餘人接應我勇更不少住奮威衝殺賊均退入營盤內卑職與周遊擊大呼策馬分路躍入各兵勇一齊擁上賊亦慌亂棄營望城而走兵勇隨追隨殺足不停踵手不停刃卑職又立時裂紅旗爲巾分給侍勇十餘

人令裹首作賊裝混入賊所踞街上多方以亂之賊之奔
回者喘未及息在街者目未及望而我勇已分頭奮呼殺
入矣該匪等不知所爲或自相鬪殺或顛躓狂奔不能成
陣卑職見賊眾勇單乃急諭砍倒便休其有每屋聚至百
餘匪或數百者但分數人斷門堆薪焚之囑周遊擊督各
兵勇殺盡在街之匪而親率百餘勇追殺其逃竄者趕出
城東南二十餘里外始行收隊市上賊所殺有未盡者復
盡殲之血流成渠積屍在巷滿巷在野遍野難以數計實
亦不暇計其數也轎夫劉良二徒手亦格殺一名生擒二
名牧馬小童易三牙殺賊三名王瑞二牙殺戴黃風帽賊

目一名紅巾賊二名則各勇之奮勇痛剿可印所最傷心者卑職之勇自先夜一更喫飯卽兼程馳來苦戰十五里始抵城下及追賊入巢時已過午矣卑職追過城邊約二里許遣侍勇六人回至城下呼城內兵勇出城助追敗匪以便我勇少息造飯詎料王守備忌湘勇勝兵十倍待勇近城立嚇城上兵大礮火罐齊施可憐胡清太在卑營最爲出力屢建奇功被礮傷四支幾遍又被大礮子穿過小腹羅定江受火罐傷髮辮衣褲皆焦周玉田彭長春等四人均受傷撲地猶聞城上忿恨聲呼殺不已差幸把總黎景春對各兵磕頭哀懇始行住手竊城兵見湘勇與賊鏖

戰既不緹城助殺又寂無礮聲待我勇追賊已遠始令兵下城網載賊所棄一切銀錢什物進城而又仇視湘勇若是之甚時事至此曷勝痛哭十一日卑職與周遊擊率兵勇追剿至藍嘉界十二日飛書桂陽州藍禾臨武新田及帶南勇王守囑其趕緊接捕餘匪並出示遍諭鄉團午初仍拔營回甯遠城此自初六日以後至十二日籌辦痛剿甯遠攻城匪黨之大概情形也十二晚轉回甯遠席未及煖又接藍山張令函稱廣匪竄遍縣城急求救援適是日江守忠濟帶楚勇千餘名抵甯遠卑職卽商同赴藍救援江守於十三辰刻帶楚勇先往卑職於是日未刻拔營前

進比夜宿離藍城四十里地方四更時分卽會同楚勇前
勦行至離城十餘里楚勇放礮喊吶急欲攻打頭陣卑職
見其驍勇卽讓作正兵卑職分撥湘勇前哨左哨遠遠傍
左右山邊悄悄探搜伏而進鈔賊之尾又撥右哨後哨離陣
腳里許腰擊中股而親領左右翼侍壯勇督楚勇且作後
勁楚勇初進亦甚猛悍及痛勦四五里逼近賊巢湘勇前
左二哨已鈔至賊後捲地殺來右後二哨從兩傍橫衝過
來均殺得痛快淋漓勢如破竹卑職滿擬勦洗淨盡不留
餘孽維時卑職所親領左右翼侍勇壯勇請衝出楚勇之
前助戰卑職比以正兵已近千人無須添陣右哨所敵股

匪頗眾而悍令往助之賊見前後左右無處無兵喊殺震天紛紛鼠竄狂奔不料有籐牌數廣匪對楚勇正兵撲來楚勇齊退卑職持刀力督竟不肯住卑職是時身邊僅侍勇四人約百餘賊撲近卑職乃棄馬躍上田塍大呼決戰該匪舉首一望卽相驚退走卑職見楚勇已去遠祇得徐徐過河立坡上鳴金收隊是日殺賊約尙不滿二百無生擒者器械奪獲亦少左翼散勇黃發山奮勇陣亡竊前月在道州卑職陣亡十二人雖死於賊實死於江華練勇及左營兵之手此日之黃發山則又不啻死於楚勇念之輒心痛也是日周遊擊因所帶兵勇太勞行稍遲故收隊時

始到三更候錦田顏猺府專丁告急卑職遽呼周遊擊起請其速帶所領兵男星馳赴援且湊銀二百兩交之屬其代爲卑職賞本月初旬該處團丁之殺賊出力者並許擇尤保舉次者賞給功牌以示激勸深知賀守備之忍棄斯民而又極憐顏猺府之孤忠不得不借助於團勇而該處風俗純厚團首汪際唐李登雲尤卑職所素許且初旬賀署備敗後該團已立奇勳卑職天良尙存故不得不亟賞之也十五日與楚勇直抵城根緊紮再三激厲楚勇江守亦嚴加懲辦楚勇頗知愧悔奮發維時南勇五六百名每百人有旗頭領之於先晚亦至紮住城內卑職進城與各

旗頭約會準於十六日卯末辰初出隊先十四日之戰賊已氣沮均退紮城外對河一帶鄉村卑職約楚勇分兩路一由西北遠遠而進斷賊去甯溪大橋錦田回廣之路卽分小支接伏便繞賊住村後大山翻過截殺一由西北橫來直攻賊巢卑職之勇亦分兩路一從遠處斷賊回東陂觀路亦分小支接伏由賊住村後大山翻過與楚勇所分小支合剿一由東南橫出攻賊巢之左屬南勇正對賊巢過河誘之商約已定均於五鼓喫飯日出出隊卑職親執地圖至楚勇營請江守呼該百長等指畫熟商復回本營傳各勇吩咐畢卽入城將再屬南勇剛上城望見該匪紛

紛由村內出黃旗下約二千賊向西北來紅旗下約千四
五百賊向東南來知賊意欲分撲楚勇湘勇兩營也審視
之黃旗者盡道江甯藍各處湊合土匪雖多不整紅旗者
爲東陂觀所來廣匪有籐牌數十作先鋒甚勇悍卑職遽
飛信江守並諭我勇暫勿出隊待其近營而後分路擊之
逾時黃旗賊盡來楚勇營前楚勇分三路迎擊斃賊頗多
賊敗走逃逸上山紅旗賊直撲卑營我勇肅靜以待任賊
百端挑戰置若罔聞其敢死扒營墻者但用矛俯斫之而
已卑職又約在城南勇待我勇衝殺時卽請其由南門縋
城而下橫截之自辰至未該匪氣衰腹餒且多發煙癮欲

收隊回巢迺暗開五門分路一齊衝出奮威喊殺後隊賊
卽欲退走有戴黃風帽騎馬賊目在後鞭督先鋒籐牌賊
退至坡上拌死抵敵火罐礮石如雨下侍勇王定邦戴奉
聘彭興發易得日王桂林王明輝谷楚南等冒死爭衝上
坡立殺籐牌賊二十餘名督陣賊目見勢不支卽先退各
路勇一齊擁上奮殺賊大敗狂蹕而走我勇追殺過河卑
職乘勝卽令城上人擂鼓喊殺助威雖婦稚亦踴躍歡呼
滿擬十四日殺之未盡者可一鼓剪滅也奈南勇旗頭旣
背約不爲接應且忌湘勇成功預使人持鑼悄隨湘勇後
當大勝時遽鳴鑼假卑職令收軍城上人亦一齊噤口卑

職忽見我勇收隊過河鞫之始知其故乃令卽在河岸且
住躬率火勇饋食令各勇均褫下衣囊土待卑職擊鼓三
聲卽填成五橋分路衝過河痛勦賊巢一賊未盡誓不問
營再約楚勇分兩路遠遠埋伏搜拏竄匪強而後可遲之
又久始出行不半里仍收隊回湘勇見光景如此氣亦稍
衰且延挨多時天時已暮卑職祇得隱忍鳴金回營吐血
升餘深痛賊之滋蔓無已時也二更探賊已空巢遁奮欲
窮追忽永明警報至矣少頃江華警報又至祇得令各勇
作飯四更拔營十七晚抵甯遠訪聞有張老啟龍者見年
一百一十七歲遽徒步往拜爲親調羹奉食因思前日以

數百飢乏勞創之卒破百倍之賊眾未嘗損傷一人且先
夜所發各路勇回報每到之處見鄉民或一隊數十數百
不等均已繫紅巾來城邊會合聞勇大呼官兵已剿盡圍
城之匪有不速拏餘匪者誅及其族乃皆棄巾各入村內
或改裝稱團勇又訊賊供及居民聞賊語者僉云前一二
日賊分走各鄉村逐戶按名造册有不從亂者卽火其居
殲其人均約此日午時齊至城下肉薄而登將城內雞犬
不留使稍淹時刻不但甯民無噍類區區湘勇其何能支
則是湘勇之徼倖成功甯民之安全無恙固賴 朝廷
福威亦安知非此老之福所庇及也卑職敬極生感湊銀

一百兩予之並屬其撫孫承祧此自十三夜至十七日籌辦藍山圍城之匪兼顧錦田之大概情形也十八日行抵道州待探聽江永兩處緩急以便策應十九二十二十一等日以各勇勞苦已極或舊創方平新創復加或外傷未愈內傷更甚急爲延醫調治晝夜撫摩扶掖至廢寢食時相與持泣亦不自知爲苦也二十二三等日犒賞各勇而於上午率勇遊太極洞含暉洞華巖諸勝並集闔州士紳謁學宮濂溪祠相與講明正學以激發其忠義之氣一面精選本地勇四路偵探賊情密訪各屬匪目蹤跡有軍功羅文麟率百餘勇投營卽爲明示賞罰編隊伍令其用

湘勇旗幟號衣赴龍虎關防堵卽便持諭督催該處紳民
舉行團練修築碉堡望樓並催納舊欠及新饟前在永明
見該縣教諭彭舒英性情淡泊學識越俗卽邀同往甯藍
諮訪頗多補益至是辭歸卑職託以一切當行事件與同
僚商妥辦理二五五六七等日查核各勇道州江華兩次
戰功分給憲臺頒發功牌銀牌以示鼓勵而又覓間與馮
牧表彰先賢名宦遺跡又因卑職兄勳所招新勇尙在常
甯嘉禾臨武一帶勦辦而永郡所屬警報日至乃謹遵前
札陸續招集道州勇丁四百朝夕訓練以便策應此十八
以後十日休息戰士探防永江甯藍各處情形訓練新招

道勇之大概情形也二十八至十一月初一連接永明甯遠飛函乃派侍勇王明輝王定邦李端日率後哨湘勇及新招道勇二百名會同馮牧所派之勇一百名往四眼橋一帶防剿又派親兵哨長谷進祿率左右翼馳赴龍虎關維時賊大隊均紮關外之馬坪地方已遣先鋒千餘人入踞關口二十九日又派幫辦王開化前去督防三十日派前哨百長張福田左哨百長王開信右哨百長彭其達各率本哨勇陸續馳往策應幸初一日谷進祿率左右翼及羅文麟前所帶去之勇百三十六名會同守備向東昇及弁兵等百餘名武生周文豹亦精選團丁百名與賊兩次

鏖戰谷進祿領左右翼爲正兵身先各勇指揮有度殺賊雖不滿百而能大挫賊銳追殺出關外數里向守備等弁兵及周文豹帶領團丁爲左接應亦甚出力惟羅文麟率所帶勇爲右接應散勇胡名祿率各勇奮力勦殺羅文麟觀望不前致胡名祿身受十餘傷力戰而死迨前左右三哨馳至關上賊已退竄數十里外矣此二十八至十一月初一籌防各處之賊堵勦甯藍餘匪戰敗再竄龍虎關粵匪之大概情形也初二初三連接卑職兄勦前月二十七三十兩日在嘉禾之石橋墟臨武之劉家村率新招湘勇五百名兩次勦賊大獲全勝前後殺賊數百名奪獲旗幟

軍器甚多已由管帶南勇王守署桂陽州梅牧會銜詳稟
在案無容再贅初四日連接嶺東王署守備錦田顏猺府
來函均稱賊匪欲竄楚境情形喫緊乃飛諭彭其達率右
哨勇馳往嶺東交周遊擊管帶防勦桂嶺之匪王開倍率
左哨勇馳往錦田交顏猺府管帶防勦清水之匪令幫辦
王開化百長張福田率前哨勇住龍虎關一面幫修碉堡
望樓谷進祿率左右翼回道州聽候調遣並帶回羅文麟
及所部之勇聽候審辦初五日探聞甯藍餘匪尙在交界
各處嘯聚乃諭王明輝等率後哨及新招道勇由四眼橋
取道甯遠適卑職兄勳率新招湘勇由藍山來欲與卑職

會合初七日谷進祿率勇由龍虎關回道州卑職確審羅文麟初一日退縮情形屬實且自謂戰勝驕恣需索鄉民犒謝肉米乃追其賊退給該團紳明正其罪以示懲儆初八日卑職兄因楚勇已抵甯遠遂來道州與卑職妥商一切此初二至初八連接卑職兄勳嘉禾臨武捷音及分勇駐防龍虎關嶺東錦田籌辦甯遠餘匪審辦百長羅文麟以肅軍令之大概情形也初九日率親勇七十餘名由道州拔營啟行是夜宿茅江初十日行至麻灘作書達藍山嘉禾新田各令及甯遠學託確查地方之學行最著者與辦防剿撥捕事宜迨行至永州郡城已爲十一黎明矣到

時卽接憲示及探報知全州賊勢稍鬆而甯藍餘匪又擾及平田柏家坪等處迺飛調留紮道州之道勇二百前來聽調擬十二日出城駐半途揚言待各勇到齊卽往黃沙河卑職卻於是夜潛往黃沙行營以永郴桂及兩粵防剿事宜稟商鎮軍卽潛率勇出平田之背飛諭前留甯城王明輝等所率之勇由東南來夾剿殲之卽由道州蔣家嶺文村出灌陽至全州與鎮軍夾攻肅清零東道邊境粵匪計已定忽於十二日午正接前駐龍虎關之幫辦王開化百長張福田稟稱恭城沙子街一帶聚匪數萬欲來永明復仇已有二三千抵近關三四十里地方比飛函卑職兄

勦請將新到湘勇全數發往關上令暫堅壁以挫賊銳於
險要處多用疑兵以亂之十三日接卑職兄書知因甯遠
告急已分帶勇往柏家坪勦辦龍虎關已派兩哨勇前去
卑職比謂甯藍餘匪乃釜底游魚卑職兄勦想可蕪事惟
粵匪屢經勦後今復糾合多股來犯實屬愍不畏死深懼
王開化等智力不支乃飛躍上馬向道州行十四日午初
至濂濤灣卽接得王開化來函稱賊探信湘勇尙駐此聞
比日退去沙子街一帶又稟稱探賊將有內變已暗遣諜
聞之而日與張福田親率勇夫等倡修礮堡望樓工將告
竣十五日回抵道州十六日接卑職兄信知因甯遠兵力

頗厚而江守率楚勇亦至該匪想不勞再戰已於十五日馳至永州十六日又接王開化先夜信稱粵匪各酋互相殘殺已斃二賊目沙子街一股約三千人懼而散是日又因嶺東事勢已鬆而清水之匪猖獗如常乃飛諭彭其達右哨勇由嶺東往錦田與王開化會合防剿十七日王開化來稟稱前竄錦田之匪探聞分賊起釁鬪殺頗多方不暇爲犯楚計錦田暫可無虞乃諭令撤回道州稍息各勇且便四路策應十八日卑職兄函稱十六日已奉鎮軍面諭率新勇親兵左右翼右後哨勇與王明輝等所領老營後哨勇及道州新勇二百名往全州防剿矣此自初九至

十八由道赴永定計先淨甯藍敗匪因探粵匪將三犯永
明卽由永回道旋聞永明及錦田嶺東等處安謐而卑職
兄勦辦甯藍後奉鎮憲面諭趕往全州勦辦粵匪之大概
情形也續接甯藍屢次來函催促赴援卑職比謂賊目何
賤苟尹石保等自甯城痛懲後隨聲附和之匪頗知收斂
况奉調來援之南勇楚勇前後共計四五百人於此殘敗
餘匪自可應時撲滅似不必再資湘勇之力而湘勇尤有
難言之隱兩月以來以數百飢疲創憊之卒奔命各屬而
龍虎關數萬復竄之匪則以新老勇二百敵之錦田嶺東
亦各發老勇協同防勦而全州股匪復令王明輝等率勇

幫同堵截又灌陽恭城賀縣連州等處偵探刻需多勇密防况我勇之奮勇陣亡者卑職不遑爲請優卹慶鬪受創者不遑爲請養傷除臥病及假歸外養創扶傷之不暇而自去春衡山之役以及桂東興甯迄今歲靖江魯家壩及六月藍山閏七月錦田諸役營中至今無一人授有職銜者則保舉之單無論不遑開列且卑職素性迂愚亦不忍爲此相欺之語也况應領之口糧時形缺乏每到一處不惟不感而憐之且有視若仇敵而必欲死之者甯遠王守備則殺胡清泰等道州周遊擊則殘害王學純馮春林諸勇悲哉卑職固有罪矣我勇果何罪而受此無辜之戮耶

此卑職所日夜暗泣不敢對人言而今日又不能不爲憲臺言之者誠恐前在藍山之南勇旗頭輩及甯遠王守備道州周遊擊等妒我湘營日煽兵勇勾結賊匪百計以圖陷害卑職若不及今言之恐湘勇不惜拚死於賊雖不蒙厚賞猶多幸存殘喘而死於妒功嫉能者之手乃不得一伸冤之處尤可痛也至十九日接鎮憲札稱甯遠之匪於十六日在猴坪遇往甯楚勇戰而敗之匪乘勝襲至零陵之興樂洞焚掠甚慘飭卑職來郡進剿二十日駐龍虎關之王開化張福田稟修築已成賊已遠去乃飛諭回道聽調二十二日王開化張福田抵道州二十三日乃赴永郡

勦犯零陵界之匪午後發親兵六十餘名令哨長許青雲率之先行二十四日辰正舉職率侍勇二十餘名又由道州啟行往永郡不數里卽遇探子回報賊已至離濂濤灣二十餘里之上西洞親兵蔡濂濤灣候命又數里接憲臺手書稱賊有趨雙排阻南師之意乃策馬行至濂濤灣紳士陳立紀家一面託找本地人作探一面商酌殲賊之計二十五日卯正接卑職兄二十二日由全州發來一函畧云自十七日由永郡拔營十八日抵黃沙河十九日抵太平鋪二十辰初悄入州城未及作飯而賊已糾眾二三千復圍攻西門卑職兄卽商同該州蘇牧與侯守備及憲臺

所委各弁帶兵勇等分路出城一戰敗之仍收隊入城次日派勇誘賊過河又敗之該匪是夜卽全數遠竄矣辰初函致張運蘭王開來囑發前哨勇來濂濤灣聽調適是晚王開佶彭其達率左哨右哨老勇由錦田回抵道州二十六日張運蘭及童生王文瑞率三哨勇來會時賊已至青口分千人渡河至板橋截路張運蘭等率勇奮威擊之賊敗走少頃賊又添隊至我勇鏖戰良久又大敗之餘賊泅水渡河逃命又溺斃多名我勇陣亡一名則左哨一隊散勇鍾明亮也是日卑職探得賊情卽令幹勇繞道飛函飭張運蘭等將截路之賊打退卽留數十扶病帶傷之勇持

旗遍河邊各村於上下覓船若將渡者是夜率各勇來濂
濤灣由西洞取道出賊之背猝攻之賊又將以我爲從天
而降也詎料賊於五更時分卽傾股而走卑職率勇尾追
苦行一日竟不能及三更後乃令各勇明火揚聲入州城
若爲守城計者造飯畢卽屬張運蘭率前左右三哨勇滅
火出城時已四更五點矣令由西南迤而前抵四眼橋卽
折而北行以斷賊走路且便擊其首也卑職與王文瑞率
老營侍勇左右翼親兵及新營前左二哨共二百一十餘
名於辰初揚旗渡向南進發適左營周遊擊奉憲臺札調
率兵赴郡已於先日抵州黎明商請帶兵由東南路繞道

伺擊周衛緣高可矣過八

小山王道達單矛由斜坡之左取徑直衝左傍山頂遙望賊勢見高山廟內之賊將分支下山斜鈔我後急麾在後新前哨百長席敦倫率精銳之勇由左取路迎去賊縮入廟隘口之賊敗退山外田隴中斜坡之賊敗退聚廟前分股由右來鈔者又被易本有等戰敗之時哨長許青雲率左右翼及前哨均抵高山下卑職令分兩路緣山脊上而自率侍勇等從中衝去一齊奮威殺上山頂賊不能支棄巢下山而走卑職是時又爲我勇慶更生矣然過此三十餘里至魯班洞均係曠野兩邊抵大山腳有寬至十餘里者而中又多雜平岡茂林處處可以埋伏而賊又堅忍慣

戰眾數十倍我勇不敷分布幸王文瑞奮勇有謀待勇等
人自爲戰多能隨機應變王道達率新勇二人用計破賊
伏三路馬夫王瑞二亦率新勇數人搜初賊伏二路苦戰
十餘里賊猶拌死抵敵勇勞甚幸張運蘭王開化傍右大
山後進發聞礮聲遽登山望卽率三哨老勇翻嶺橫衝前
來竭力助剿賊又大敗然終未嘗走至一里不住而反撲
也卑職在濂濤灣拔營時陳都司立紀請率團勇數百名
助戰卑職壯其志而恐其費之艱也辭之祇擇熟悉地勢
而健銳者十餘人自隨亦甚出力卑職以此次賊雖過萬
然逼脅者眾乃令各勇隨追隨喊有釋軍器向我軍走或

上兩邊大嶺者均得不殺故是日斬擒不過五六百名帶傷走者約數百名逆目何賤苟幾死而逃幸拔出難民不下二三千人我勇無一受重傷者痛剿三十餘里黃昏收隊餘賊均竄入魯班洞內我勇轉回甯遠之林家山造飯安插賊之槍礮子藥概被我勇奪獲各物畧盡所存惟黃旗數十面刀矛數百件徒手走者至三四千人追剿近二十里時賊之麀戰者逃走者多自去衣裸體又有未及晨餐者是夜嚴寒洞內絕少人煙從匪之窮而悔懼而逃歸者蓋不知凡幾矣此自十九至二十六甯藍餘匪復張奉札移往永郡會剿二十六兩敗板橋截路之賊二十八苦

戰於甯道界之朮腹嶺腳梅岡桂里等處我勇大獲全勝兼畧述卑職兄全州兩勝之信並泣訴湘勇痛苦之大概情形也二十九接捕梅岡嶺腳一帶餘匪午後卑職率侍勇十餘人入甯遠城會商教諭舒永獻訓導廖章達紳士黃拔萃楊宗敬樊運謨等籌商淨絕根株之法駭聞見升都司駱元泰已於是日統帶兵勇及團壯一千餘人出城勦賊急請舒教諭致書駱都司須熟審地利及賊情謀出萬全方可進兵誠以此股中之匪目善於伺閒而駱都司之爲人卑職未與謀面大懼其輕進墮賊術中則死灰又將復然且燎原而不可救也是日又聞新田被圍之信乃

函囑張運蘭轉道州料理一切令王開化率留駐梅岡各
勇搜剿畢卽來城聽調一面四路偵探昨日敗匪而密雇
本處土人覘新田賊勢十二月初一日接卑職兄勳信知
其自全州率勇星馳已於二十八夜四更抵道州比卽託
文生謝仁峻率各勇前來合營而自留州養病竊卑職兄
勳自前年來督辦營中所需一切器械幫同精選各勇勤
加訓練遇賊則屢次衝鋒巡防則無分晝夜久已積勞成
疾至是又增劇焉卑職每念及淚未嘗不涇巾也且新勇
之勞苦亦僅視老勇爲稍次耳計自十月中旬由湘到衡
遂自常甯奔走嘉禾臨武藍山甯遠等處聞賊卽剿抵道

州未數日又由甯遠出零陵馳赴全州二日與粵匪兩戰除散勇魏良田何正采陣亡及前後受傷多人外其勞急成病者亦正不少茲又由全州馳抵道州卽便前來其勞瘁亦可念矣是日午正探子自新田回稱攻城之賊已被城上擊退蓋新田施令素多善政寬猛兼濟而伊子施恩遠紳士劉飛謝廷玉等又復竭力襄之故也未初一刻探勇飛報駱都司兵勇大敗卑職方啜茗碗墜於地少頃有數兵徒手狼狽歸詢之果然乃急諭湘勇先到者出城接應飛催由道州來甯之勇取道截剿追殺卽駐天堂墟以安民心以衰賊氣卑職悲憤之極不得已揚言出隊二更

抵天堂墟病焉不能成寐終以欺誑吾民爲恨初二早仍令王開化率前右二哨老勇回駐甯城卑職於是晚回道州料理軍火等件甯遠各鄉紳民求救之書仍復踵至又發親兵及左後二哨老勇往四眼橋一帶援剿而各勇有自去年隨營未一歸家者紛紛告辭至有願退銀牌功牌不求補發工食者甚或甘受杖責以正其枉靡國帑之罪者有羨東征連勝之榮願隨下南京者日內且相率泣勸卑職下省告辭卑職恩威俱窮智力胥困日買小學數百部教讀俾識忠義大概又以多設犒宴以慰勞之雖多暫爲強從然不能久延也爲此將十月初六日至十二月

勦辦甯遠藍山道州各匪並分防龍虎關錦田等處仍復
回援零甯並瀝陳湘勇痛苦各情形馳稟慈鑒不勝惶悚
待命之至

請俟甯遠勦匪事竣再行開呈保舉清摺稟

咸豐五

年正月初七日

敬稟者竊卑職謹奉憲札飭迅將所帶員弁兵勇及各處
鄉團勦賊實在出力者刻日核實分別開呈切實功績清
單稟候酌辦慎勿再事遲延仰見憲臺上體 朝廷恩
德勤恤士卒之至意竊卑職自前年從戎貪人之功以爲
己力濫膺前職而各勇無一邀爵賞者去春岳州之潰雖

調度之失宜要未始不由士卒解體之故是以於粟木戰後稟懇勿遽開復但以獎卹爲請誠有鑒於前車之覆也特卑職向來發給功牌與開呈保舉清摺必齊集各勇與之澈底核別功績不敢稍有瞻徇尤不敢稍爲疏畧奈自去歲九月以迄於今賊氛四起應接不暇不惟欲開列而少閒時且彼哨方歸此哨已出無由齊集論功而自道州以後凡十餘戰非悉心甄別其閒功績等差未易辨皙一有不當不足以服眾心難望再期得力合懇少假卑職十餘日俟搜剿甯遠匪徒事竣核實論列造冊查報爲此冒昧陳稟懇賜察核施行

齋呈保舉清摺並陳明胞兄勞績懇請移獎稟

五年

二月初六日

敬稟者竊卑職連奉憲臺札催開陳保舉清摺感激之餘
彌增惶悚旬日以來細將道州以後諸仗所記功簿詳加
考核並查詢甄別始敢開具清冊惟人數既多戰功又積
至十餘次不得不盡心權衡其閒且營中每當發功牌時
其有材性頑嚚而勞績實有足錄者卑職聞出薪水銀或
數兩或十兩不等賞而汰之不敢以一張給彼爲助惡之
具況實保職官尤名器所關係卑職安敢不戰兢審慎也
惟是每次戰功保百餘人旁觀或反訝其多但分戰功數

次而存保某職雖賞浮於功或不覺其濫累戰功一起而驟保某職雖功浮於賞反似近於僭此又卑職愚衷所惴惴然深惕者想明鏡高懸無微不燭要無庸卑職過慮也竊卑職胞兄勳自咸豐元年在湘鄉勸行團練二年招勇防堵嗣後帶勇赴省以迄三年四年加募壯勇製造軍器籌辦一切營務其中辛苦委曲難以殫述往往卑職虛冒其名而兄勳實任其勞卽屢次剿匪每兄勳在營無不奮勇身先士卒多有微功前此桂東興甯藍山各案卑職開列保舉清冊並未敢列入者非徒避嫌實自維以臣子分所應爲之事既有卑職濫膺厚賞已深慚愧豈宜再有所

請故去歲僅爲捐從九職銜而不敢列入保牘但卑職枯槁之性與生俱來雖蒙格外栽培而夙無宦情身且積勞成疾膺此名器豈不孤負因不揣冒昧可否懇準將卑職見在職銜翎頂移與兄勳俾卑職仍以青衿歸田養病從事學問則報 國家養士之恩與憲臺栽培之德者或

更可俟諸他日此係卑職心坎中語若有別情言不由中皇天后土實誅殛之肅此具稟並齋呈清摺三扣伏乞慈鑒

與甯請保藍翎選用從九張運蘭請以知縣歸部儘先選用賞加同知銜童生王開化請以府經歷縣丞歸部儘先

卽選藍翎儘先補用把總楊虎臣請以守備儘先補用軍
功童生王開來請以府經歷縣丞歸部選用甯鄉請保從
九童生王文瑞請以府經歷歸部選用文生謝仁峻請以
訓導儘先補用童生周福照請以從九歸部儘先卽選童
生劉昉王揚信請以未入流歸部選用

百長十二名六品軍功谷進祿請以都司升用賞戴藍翎
六品軍功許青雲請以守備拔補賞戴藍翎桂東賞戴藍
翎易普照請以守備儘先拔補王道達請以守備儘先拔
補賞戴藍翎外委張廣勝請以千總儘先拔補王開佶請
以守備拔用賞戴藍翎黎以成請以千總儘先拔補守備

升用六品軍功彭其達請以千總拔補守備升用王卓安
請以千總拔補王明輝請以守備拔補戴奉聘請以守備
拔補賞戴藍翎王定邦請以千總拔升守備賞戴藍翎
哨什長共八十四名李文翊請拔補守備賞戴藍翎易炳
友請以千總藍翎胡清太請以千總守備賞戴藍翎彭聲
發請以千總守備藍翎喻煥成請以守備藍翎蕭明聲請
以千總守備藍翎張良清曾錫輝譚發律請以千總守備
藍翎王鎮湘王桂林請以把總藍翎何本高辜勝友請以
千總藍翎唐臨福朱志玉谷楚南羅存信譚三友劉良懷
請以把總藍翎蕭明春彭長春請以千總藍翎陳且武洪

茂勝周家賓蔡萬順王文星劉文賢王華國均以把總藍翎張日勝易孔章請以千總加守備銜黃萬友魏寶武張桂林周玉堂王佐朝楊生和均請以千總藍翎王冕俊王保障潘錫麟潘華堂張萬春請以把總藍翎周廷選王林武王輝祥陳克英黃長春龍仕鼇譚明亮周玉田均請以把總藍翎賀國秀王光輝雷文煥劉玉華彭玉科劉光明沈正坤周維藩賀才奇周心廣趙顯光楊光明劉大儀劉良玉吳三元陳明南滕國林鄒昌保蕭太和劉正龍段慶雲李楚勝楊義倫均請以把總拔補何洪勝易三樂均請以外委補用康有章周茂勝石仁發均請以把總補授易

榮華馮春林席敦倫請以外委補用

去歲十二月在甯遠境內四戰皆捷及接捕大概情

形稟

五年二月初七日

敬稟者卑職去歲十二月初八日已將十月初六日以後
剿匪大概情形馳稟憲鑒在案初八日賊匪復由九疑洞
竄出圍甯遠城十一日卑職約會周參將往剿忽探得賊
於先夜聞官兵將至卽殺其偵探者數人分路四竄卑職
於十四日與周參將督率兵勇抵四眼橋卽遇賊另股約
千餘纔交鋒賊遽敗走追殺約二十里許始收隊時賊尙
有五六千均聚水打鋪敗匪合之十五日拔營往水打鋪

進剿又大敗之比夜即書信至甯遠請教諭舒永獻訓導
廖章達及城鄉紳士從長計議十七日商請周參將率所
轄兵及卑職所派湘勇三哨與把總黎景章所率兵由右
進攻魯班觀洞卑職率三哨湘勇及親兵由左進攻九疑
洞賊聞風先遁均退聚爛泥坳山下大谷內負嵎自固午
後合兵於玉瑄巖前因瑤人爲嚮導踰窮絕險痛爲勦洗
收隊回營時月已到天心矣此三戰者甯遠廩生黃拔萃
楊敬宗均仗劍從戎亦甚奮勇惜賊前隊方抵敵後隊已
先走雖奮力窮追斬殺未能及半惟軍器旗幟馬匹等項
收奪略盡幸瑤戶團丁極爲可恃偵探嚮導旣不辭勞而

又結隊搜山風雨不避晝夜不息賊之逃匿山內者雖最幽僻之處亦被擒斬無遺深堪嘉獎十九日卑職留二哨鄉勇助周參將搜剿而自率各勇轉甯城每日分撥各勇四路搜捕至二十六日幫辦童生王開化率勇在東北路搜拏餘匪忽探得有賊約二千人由嘉禾竄至磐石墟卽率勇馳往賊卽退至火燒墟旋往離墟二里許之劉家村見我勇苦追不捨乃拌命敵抵王開化匹馬當先衝入賊陣各勇一齊奮勇剿殺又窮追十餘里殺斃約五六百名奪得偽印偽書及民牌調碼鈴記旗幟器械無算新正以來擒斬又約百餘名其間偽大哥元帥軍帥師帥百長先

生總碼之類甚多容遲查明彙報茲謹將四眼橋水打鋪
九疑山火燒墟四戰及搜捕大概情形肅具稟報伏乞慈
鑒

敬再稟者卑職於初七日辰刻抵江華適團首汪際唐由
白芷營來稟稱前攻錦田之賊見雖退踞清水探係往邀
連州大股立意欲破錦田由藍山竄甯遠並約富川之賊
分路竄援江華永明兩股均至道州會合接應南京大股
該處團練自去夏以來梭防打仗畧無休息民力疲憊已
甚見值春深以賊氛遍擾不能耕種泣求援救等語卑職
伏思連州三江營自去夏至今民人不見天日致我楚邊

患十分喫緊兼之廣西與楚相鄰州縣處處皆賊去歲我軍靖內禦外猶得勉強支持者以有富川濟令激厲團練藉固江永藩籬耳今濟令逝矣而富川士民尙能結團自固不肯遽爾從亂是亦不幸中之幸然民力實不能制賊日來紳士常至周參將營中求救危可知也今復哀求於卑職輾轉尋思若遽前往則主客勞逸恐難必勝欲竟置之亦不過苟安旦夕而賊燄益釀益熾終不免越境之擾且此時鄰境雖少可恃之官猶有不遽從賊之民錯過此時不救恐邊患更不可問矣况廣東連州等處久成痼疾實逼處此耶卑職固不敢畏憚艱險少惜殘軀惟事關大

局計乏萬全爲此附陳情形伏冀鑒核訓示有以啟其愚而神其用則生民幸甚

探報富川賊匪將大舉犯楚擬拔營馳剿稟

五年二

月十五日

敬稟者卑職正月下旬在柏家坪連日接辦餘匪接奉憲臺兩次札開因錦田被粵匪竄擾攻城令卑職馳往救援維時已連接永明縣會令及周參將疊函告警均稱廣西富川於十八日被賊攻陷城池勢必犯楚皆招卑職前往卑職焦灼萬分思粵匪自去夏竄擾錦田迄無甯日非痛懲而殲除之不足以杜窺伺而粵西與永屬接壤之州縣

自全州蘇牧而外惟富川之濟令爲可恃今又遽爾殉難
永屬邊防更不容稍有疏懈乃留新前左兩哨交候選訓
導謝仁峻管帶駐柏家坪協同團紳搜剿餘匪而自率各
勇移駐四眼橋爲各處策應之計初二三四連日探子回
報稱錦田之賊已被團練擊敗退至清水永明尙安靜白
芑營有周參將率兵駐防卑職見各處情形目下稍鬆而
甯遠餘匪待辦孔亟又以湘勇屢勝之後非力爲整頓恐
不堪再用已擬日內回駐柏家坪力撥餘匪訓練各勇以
靖內患而養兵力忽接到周參將急函云有難民自富川
賊中逃回稱賊已添聚至二萬有餘日在富川操習武藝

教演陣法爲大舉犯楚之計然稱不日卽來竄擾白苳營
卑職竊維該賊素狡竄擾何地雖未可定但去歲屢受懲
創尙復敢爾其堅忍思逞之情概可想見若發之速或猶
可制蓄釀久則爲禍愈烈以後之事更有不忍言者卑職
殘病之軀入春以來瘡痍遍體胸前去歲重創近復疼痛
加以營勇屢戰未息勞憊已極深爲憂之然聞此消息周
參將一人之力恐難支持不得已定於明日力疾拔營前
往相機防剿終不敢以惜身貽誤大局所有富川踞匪犯
楚湘勇由甯援剿各情形理合馳稟

復陳堂弟開化未便來省亦無湘勇分遣稟

五年二

月十五日

敬稟者竊卑職奉到憲臺札開因省城防堵需勇調遣飭
卑職挑選湘勇二百名令王開化迅速管帶來省聽調等
因本當亟遵札示辦理竊維近年南路土匪之蠢動必恃
粵匪爲聲援而實與洪逆大股有遙遙相應之勢故卑職
前因錦田匪永告警除留二百勇交文生謝仁峻管帶駐
柏家坪剿辦餘匪外各勇卽率來江華自內已分撥二哨
勇往錦田防剿見在籌剿富川據城匪徒尙無下手之處
竊維連州一日不靖則桂屬一日不安而永郴亦不能安
富川一日不復則江永刻不安枕而永桂二屬腹匪難保

不乘閒煽聚此時卑職一千名湘勇四處策應彈壓尙在
不敷分遣實難遽派來省且王開化年未及冠尙少閱歷
若遽使與卑職遠離另成一軍無論彼不敢自信卑職亦
深懼貽製錦操刀之誚伏懇憲臺俯察下情統籌全局候
南路腹匪外患稍就肅清再行分調庶不致以兼顧而兩
失也肅此具稟伏乞慈鑒

攻富川踞城賊急切難下請撥勁旅會剿稟

五年二

月二十四日

敬稟者竊卑職馳抵白苾營曾將富川縣踞城賊情具稟
在案嗣據探勇稟稱匪黨約二萬餘除裹脅老弱外實不

滿萬人籍隸衡永寶慶者居多餘係桂林平樂積匪見在
掠收馬匹縫製帳棚連日操練又逼令夥賊蓄髮俟髮長
定欲分竄江永煬惑各州縣土匪下應大股詢之逃出難
民所供均屬相符查富川北通永明東通江華聯界均僅
四五十里防東又虞北竄防北又慮東突加以路徑紛歧
兵勇不敷分布該逆既如此蓄謀結成死黨若不及早撲
滅將添聚日多養成氣力必更滋蔓難圖豈僅爲我楚邊
患卑職隨與幫辦王開化黃斌唐自陶易炳申等率湘勇
八百餘名並會同周參將帶領所轄弁兵練勇及白芷營
團首革生唐盛斯率勇百名署青絲井把總李肇元捐貲

募勇百五十名於十八日丑刻冒雨前進駐富邑之白甄洞適先日有富川濟令募友文煒憤其主殉難之慘烈不避艱險與富川汎城守把總毛包馨於四鄉激勸團練同來營中求發兵勇往剿是日卽爲嚮導二十日黎明進兵該匪分股約三千餘人中途抗拒周參將率所帶兵勇先行遏賊正鏖戰閒湘勇奮威衝出斃賊先鋒十餘名賊敗走卑職與周參將督飭兵勇追殺至富川東門橋外湘勇奮力衝殺該匪被礮傷創斃及落水死者共約二百餘名奪獲擡礮二竿大小黃旗二十餘面火藥三桶並刀矛籐牌號衣帳棚等件因天色昏黑當卽收隊查點各勇請保

千總加守備銜之易孔彰並勇唐先鋒胡太七彭永和謝
正日等直前搶奪城門中礮陣亾周義文李文喜共十餘
名各受重傷卑職隨於東岸合胞山擇地安營次日幫辦
文生謝仁峻及廩生楊宗敬陳名鈺率前留柏家坪二哨
勇趕到二十一二三四等日職營各幫辦率湘勇四面圍
攻周參將亦率兵勇及團壯策應逼近城下用槍礮轟擊
賊匪數十名請保藍翎把總之譚三友並勇劉世通劉楚
湘王一等四名中槍陣亾已受傷者共十餘名見在醫治
該逆死拒不出急切難下詢據土民聲稱城修未久甚屬
完固且城中囤積油米頗多逆匪食用不乏益爲負嵎死

守之計卑職所帶湘勇頗慣野戰能以少擊眾今該逆踞此蕞爾一城攻之數日不下見在百計圍攻不容鬆勁但自周參將所帶兵勇外四鄉團練雖多均係未經訓練心散而膽怯殊不足恃惟本土犒勇數百甚爲樸實卑職給與飯食犒賞頗知感激尙可調用再四思維惟有仰懇憲臺迅賜派撥勁旅星夜前來合力攻剿並求札飭江華永明道州甯遠各州縣牧令實力防範堵截更請咨催廣西大憲派撥得力兵勇星馳會剿庶可一鼓蕩平楚粵幸甚是否有當伏候批示飭遵除會同周參將實力攻剿並移知江永甯道防堵外合肅具稟伏乞鈞鑒

王壯武公遺集卷二終

湘潭朱士宜校勘

王壯武公遺集卷三目錄

稟牘三

連日攻剿富川接江永甯道各處警報退守白芒營

相機剿辦稟

咸豐五年二月二十七日

探悉賊蹤折回江華相機援剿並擬雇搖勇懇調南

楚勇會剿稟

五年三月初三日

永明剿賊大捷奪獲富川縣印信並各件請齎送廣

西省核收稟

五年三月初六日

探悉餘賊潰竄恭城擬馳回道州甯遠駐防並懇給

銀犒軍稟

五年三月初八日



二十三、四、五、六等日會督兵勇圍攻東安縣城情形

稟

五年四月二十六日

四月二十七日至五月初一攻勦東安暫退井頭墟

各情形稟

五年五月初二日

由井頭墟進紮五里牌攻勦情形稟

五年五月二十

六日

會勦東安逆匪開仗獲勝稟

五年五月二十八日

連日會勦東安情形稟

五年六月初四日

探東安賊股出竄連日會合各營逼城圍攻獲勝稟

五年六月初九日

初十至十七日會攻東安情形稟

五年六月十七日

連日會攻城賊並湘左勇馳援石期市稟

五年六月

三十日

王壯武公遺集卷三

稟牘三

連日攻剿富川接江永甯道各處警報退守白芒營

相機剿辦稟

咸豐五年二月二十七日

敬稟者本月二十四日曾將馳抵富川剿賊獲勝各情形
具稟在案是日發稟後該匪突然繩下北門將九都團練
並搖勇所搭棚廠概行燒燬又分股出南門追趕古城團
練卑職立派湘勇渡河接應詎該團丁等望風逃遁未與
賊戰賊見兵勇趕到隨即入城雖少有斬獲未及痛加剿
洗二十五日因九都團單弱不足拒守北路卽商令廣西

麥嶺營護都司秦種德督同武舉毛鳳鳴等帶領官兵百餘名八都練丁千餘人駐紮西山擇地安營拒其北竄是日西鄉團練亦到二千餘人卑職久聞該團勇悍特分給火藥火器派令攻擊南門周參將率兵勇攻擊西北卑職督勇攻擊東北同時吶喊施放槍礮斃賊多名該匪拌死抵拒用槍礮石子擊打一時難以上城至黃昏時收隊仍各分撥兵勇埋伏樹林以防潰竄二十六日黎明該匪忽分三股竄去一股出西山攻麥嶺官兵營盤秦護都司督兵奮擊因八都團練潰散遂致陣亡一股出南門攻擊西鄉團練該團亦卽潰走該匪卽將西南二路營棚團廠概

行焚燒卑職半夜所留湘勇伏在東北隅林內賊先分一股抵拒正鏖戰間攻破麥嶺營盤之賊亦到賊眾勇單祇得退守浮橋該匪忽分兩大股涉水過河來撲卑職與周參將營盤兵勇追出賊卽退走兵勇稍退賊又復來如是者三卑職以該匪異常兇悍忽往忽來且又分股由南門渡河繞出營後趕散團丁焚燒棚廠必得堅忍以待方能痛斃隨往指揮各勇概行收隊入營並飛令知會周參將一律辦理是時四面火起團練數千人一時星散該匪以卑職與周參將營盤勢成孤注分股同時來攻逼近營門僅止數丈周參將先督兵勇衝出擊退賊匪奪回浮橋樊

賊二十餘名奪得擡槍等件兵勇亦有傷亡卑職隨帶湘勇衝出奮力追擊該匪紛紛潰走涉水過河湘勇追至河岸復用擡槍轟擊另派哨勇追殺營後之賊追至河邊賊始收隊回城統共斃賊八十餘名落水者不計其數奪獲旗幟刀鎗多件求保把總之劉文賢百長周新高並勇鍾太五湯有方顏先光王輝友曾良海周義雲蕭定勝張寶林谷方來劉興二周品日李清和彭開泰粟三保陳大廷等十七名首先陷陣同時陣亡求保藍翎把總之魏實武黃萬友並勇三十餘人各受槍礮刀鎗輕重傷不等飭令隨營醫治卑職正在會商進兵連接甯遠江華兩縣飛報

連州潰匪數千已至水打鋪四眼橋一帶有竄江華道州
信息又接向守備飛報恭城另股賊匪已竄龍虎關一帶
各等語卑職與周參將會商初以富川一股敢萌蓄髮逆
謀恐養成氣力滋蔓難圖適值內匪稍靖是以越境往剿
不料該匪如此猖獗茲接江永甯道警報深虞顧此失彼
且富川團練一朝潰散勢難復聚米糧無處採買兵勇噉
噉待哺勢難枵腹從事卑職再四籌思趁此開仗獲勝連
夜拔營退守白芒營地方探聽何路緊急再行趕往剿辦
惟卑職與周參將兵勇單薄難以分派前懇憲臺派撥勁
旅會剿伏乞迅賜派撥星夜前來會合剿辦是所仰禱所

有卑職連日攻剿賊匪並退守各緣由理合馳稟

探悉賊蹤折回江華相機援剿並擬雇搖勇懇調南

楚勇會剿稟

五年三月初三日

敬稟者二十七日曾將攻剿賊匪並退守白芒營各情形
具稟在案二十八日戌刻接據探報連州潰匪一股已竄
火燒鋪一帶晝夜疾馳欲竄江永兩縣甯遠積匪聞此風
聲勃勃欲動等語卑職卽於二十九日會同周參將督帶
兵勇馳抵江華探得該匪於二十九日竄踞上江墟查該
地四通八達可竄江永兩縣探的賊竄何路以便迎頭堵
截隨於三月初一日卯刻會督兵勇行至橋頭據探勇稟

稱該匪已竄白水卑職卽由橋頭改道斜出羅坪前往白水截剿行至魯子田探得該匪已竄巖口塘其勢將會合富川之匪行走迅速追之難及又據飛報富川賊匪已全數出城竄往秀峯一帶卑職當朱逆踞富川時卽探聞有會合胡逆由連州甯遠朱逆由富川均竄江永一帶會齊往攻道州竄逼長沙下應大股等語查胡逆係由道州與朱逆分股胡逆自去歲臘底由甯遠潰竄連州清水於今歲二月二十八日兩股均到楚粵界所前探似屬確情則道州江永在在可虞卑職再四籌思惟江邑爲道永適中之地是日仍與周參將折回江華駐紮分探何處緊急卽

馳往援剿卑職體察該匪等有必合之勢合則猖獗尤甚
非厚集兵力不足以資剿洗卑職所帶湘勇連日鏖戰傷
亡勁勇實多且疲於奔走查甯遠之搖勇賦性質直槍法
極精卑職已雇四十名見委幫辦王開化謝仁峻並甯遠
在營幫辦之廩生楊宗敬黃拔萃陳名鈺等管帶湘勇百
名馳往該縣趕緊清查內匪杜其復萌異志並令添雇搖
勇五六百名來營協剿至所需工食擬照湘勇一律給發
方可得其死力俟事勢稍緩卽行裁撤以節糜費又見在
連州克復邊防可緩南楚各勇正得閒暇伏乞迅賜札飭
各帶勇員弁會同卑職在江永道州一帶勦辦務期淨絕

根株毋使延蔓所有探悉賊蹤擬雇犒勇並懇札調南楚
勇會剿各緣由理合稟請察核批示飭遵

永明剿賊大捷奪獲富川縣印信並各件請齎送廣

西省核收稟

五年三月初六日

敬稟者竊卑職於本月初二日詳具寸稟諒蒙鈞鑒初三
日接據永明曾令函稱富川逆匪竄踞桃川離城甚近連
州潰匪先日竄至白水雖經督團擊走均恐撲城屬卽援
剿等因卑職偵探竄出巖口塘股匪尙踞松柏村一帶若
大隊赴永恐其乘虛竄擾隨與周參將酌商暫駐江邑防
堵卑職立卽督勇起程是夜住羅坪村初四日因大霧迷

漫辰刻始行前進申刻馳抵永明探得該匪已分踞夏層鋪距縣三十里次早欲來撲城卑職卽令各勇戒備五更後卽與幫辦王開化謝仁峻楊宗敬易炳申唐自陶黃斌王揚信陳名鈺文煒楊盡臣陳義詔等督帶湘勇分路出城四面潛伏並先會商會令會同教諭彭舒英典史馮超督同練丁分門固守遙爲聲援辰刻賊眾五六千人執大黃旗多面蜂擁而至卑職親督侍勇首先衝出伏兵四起槍礮火器同時並發該匪分股拌死拒敵各勇以前在富川逆匪嬰城抗拒傷亡勁勇實多久懷忿恨此次見賊無不奮勇攻擊喊殺之聲震動山谷該匪抵敵不住紛紛退

走各勇奮威剿殺窮追三十餘里沿途山林田澗靡不殲屍流血幫辦王開化復督勇追殺十餘里始回統計斃賊約近二千內有著紅袍紅裙騎馬賊目多名卑職前在甯遠收得裹脅投首偽統領元帥李金暘一名去臘今春於甯遠南北兩路嚮導擒獲偽大哥軍帥等賊目多名準其贖罪留充侍勇該勇昨在富川攻剿出力頗多是日爭先衝殺手刃悍賊二十餘名副後哨勇殺斃紅衣騎馬賊目一名搜獲富川縣印一顆其各哨百長什長散勇等功難遽數容遲確查彙冊詳報統計奪獲八百筋大礮兩尊五百筋大礮三尊銅礮二尊短鐵礮五尊擡槍二十一竿烏

槍三十三竿火藥六桶礮子丸彈兩桶刀鎗號衣籐牌不計其數藍白布帳棚七十五頂馬九匹僞元帥朱洪英大旗一面僞先鋒軍帥將軍百長等大小黃旗二百餘面各項冊籍圖記甚多生擒蓄髮賊匪僅十五名回營訊明卽時正法署永明城守把總李如松帶兵隨剿殺賊九名奪獲大小旗六面大礮一尊槍鎗刀牌等十四件藥丸兩桶至永鎮額外左光藻帶勇二百名隨同追剿奪獲礮械等件由該外委自行稟報日前守備向東昇把總朱耀管帶搖勇兵丁在宋村一帶防剿牽制該匪不敢遽撲縣城是日賊匪回竄桃川卑職飛函知會該守備親督兵勇截殺

潰匪一百餘名益使逆匪喪膽卑職伏思該匪等前此盤踞一城負嶠抗拒未克殄除至今忿恨是日天奪其魄所擄富川礮位軍械幸概歸湘勇奪回但該逆去歲屢受懲創旋潰旋聚最爲狡獪見據賊供胡逆前由連州潰來已於初四日竄往桃川與朱逆合夥人數逾萬此次雖痛加勦洗而首逆未獲若不及早撲滅誠恐滋蔓難圖見在周參將旣守江邑未便擅離練丁雖可調集均屬烏合之徒殊不足恃卑職添雇獠勇尙未雇齊湘勇一軍較爲單薄前懇調集南楚勇會勦伏乞迅賜札調前來合力勦洗淨絕根株以期仰副憲臺綏靖邊陲之至意所得富川縣印

信齋申憲轅咨送廣西省核收大鐵礮五尊銅礮二尊發
交會令運解道州轉運永郡收貯一切合用軍械帳棚請
留營使用至冊籍等件概行燒燬受傷湘勇犒勇飭醫調
治至在事出力幫辦湘勇人等容俟確切查明另懇獎敘
是否有當伏候核示飭遵

批此次富川之賊竄楚久在意中其由永明竄入發之速
而敗亦速亦在意中前於各稟中已批示矣該丞偵探明
確卷甲疾趨免起鶻落已爲得機得勢至其臨時布陣之
精接仗之勇追躡之速斬獲之多業已據該鎮府備細稟
知遂令狡賊寒膽巖疆勢壯於南路大局裨益良多該丞

之功亦於斯爲鉅前接該丞白芒營所發請兵一稟已飛
札李參將帶楚勇赴永會同剿辦見在此股旣經該丞痛
剿賊勢必難驟振而廣西連州已經收復東陂匪黨亦已
投誠惟樂昌仁化乳源時刻窺楚官軍分防各隘竟無了
期若不趁勢進剿則郴桂防兵不能速撤恐靡饜勞師難
操勝算且遇有他處警報亦將無兵可調故改飭該參將
暫可無庸赴永卽迅速會同趙牧由乳源仁化進剿盤踞
樂昌之賊倘如天之福得以妥速蕝事則廣東之文報可
通此路兵力可以漸次減撤也此次永明得獲勝仗所有
出力之員弁壯勇自應奏懇 天恩予以獎敘仰卽核

實開單酌保毋稍浮濫謀士之賞不可優於戰士也李金
暘既經屢擒賊目自贖自可收用酌保李開誠殊可惜也
富川縣印信候移交廣西撫部院另稟存

探悉餘賊潰竄恭城擬馳回道州甯遠駐防並懇給

銀犒軍稟

五年三月初八日

敬稟者本月初六日卑職曾將馳抵永明剿賊獲勝並將
富川縣印信及銅鐵礮七尊分別申送解運各情具稟在
案初七日午刻據探役回報該匪潰回桃川其潛伏荆莽
者皆徒手赤身悉爲團丁截殺初六日匪眾翻山越嶺往
竄恭城而去沿途旗幟無多器械不整勢甚窮蹙等語卑

職先擬探的賊蹤分途進剿今既潰竄恭城未便窮追境外遂令各勇暫住休息卑職前於初二日派委幫辦王開化等帶勇百名前往甯邑招雇搖勇嗣聞永明喫緊卽飛令趕回隨同進剿仍函知留甯辦事之張運蘭先爲招雇見在事勢稍緩且饟項支絀前擬添雇搖勇應請停止以節經費至前月所雇搖勇四十名此次打仗出力請留營調遣見在湘勇人等住此數日山陬僻壤買食維艱卑職查永邑見在安靖擬卽移駐道州親帶湘勇數百馳往甯邑會同劉令清查內匪整飭團練以期防患未萌其留駐道城之勇飭令各幫辦勤加訓練不敢以稍得清閒遂使

生疏懈惰虛費口糧惟今歲以來若輩雖屢立戰功未有如此捷者當追勦之時逆匪遺棄銀錢衣物甚多卑職督令各勇向前勦殺不準妄取一物奪獲槍礮器械帳棚卽令長夫運回故各勇專心勦殺斃賊最多嗣各勇聞團練所拾衣物銀兩約值數千金未免心懷覬覦卑職因思該勇所獲礮槍帳棚等件亦值數百金原擬量爲給賞奈營中萬分支絀無款可挪合無仰懇憲臺酌發犒銀數百兩之處出自鴻施卑職爲鼓勵湘勇起見冒昧直陳伏乞憲裁所有探悉賊蹤停雇徭勇擬帶勇馳往甯道駐紮並懇酌發犒銀各緣由理合稟請鑒核批示

批如楚勇力尙單薄須雇犒勇亦斷不可照湘勇之價不獨饒項維艱且令周參將之勇心懷不服苟可不必增募則毋庸議耳湘勇在該丞訓練已久臨陣真能不拾賊物殊爲可嘉近因軍儲告匱各路請賞犒者均無以應諸勇勤勞備至此次殺賊立功且所獲之礮械帳棚亦多何吝一賞仰衡局籌發銀四百兩迅速搭解該丞行營傳諭賞犒以示獎許之意

探悉賊蹤竄近道州邊界馳赴防剿稟

五年三月十

五日

敬稟者卑職於三月初八日肅具寸稟諒蒙憲鑒初十日

探得該匪由栗木竄往灌陽該縣與道州毘連急須籌辦防剿遂於十二日拔營馳抵道州城十五日晨刻探得該匪十四日與灌陽猺勇開仗因賊眾勇單被賊追至孔家村燒燬房屋見在賊離雷口關僅三十餘里等語查雷口關橫距永安關僅三里距道州城六十里卑職卽與馮牧會商十五日巳刻派令幫辦王開化謝仁峻管帶湘勇五百馳往雷口關督同團練相機防剿仍派遣明確偵探分途前往探的何路緊急卑職卽親督存營湘勇馳往剿辦所有探的賊匪竄近道州邊界派勇馳往防剿各緣由理合馳稟

批賊若由雷口關竄入此地山谷陰邃可以出奇制勝行軍以偵探爲先能豫得其端倪而隨機應之蔑不濟矣胡逆自連州其行甚速而能整齊其眾似較朱逆爲尤狡然亦不過盜賊之智耳湘勇旣到雷口關賊必不敢由此路逕入勿顧此失彼爲要道州馮牧查匪一事似涉寬緩該州境內恐未能肅清深爲慮之

由道州雷口關進紮蔣家嶺相機進剿稟

五年三月

二十一日

敬稟者竊卑職於十八日曾將派勇往雷口關情形具稟在案旋據探報回稱該匪於初十日竄踞灌陽加築土城

搜尋鐵匠製造軍器並分紮近城村內每日擄至數十里外裹脅平民因慮其逃跑遂亂燒房屋踐踏秧苗使其不能播種安居迫令傾心從逆十日以來滋擾五六十村嘯聚人數逾萬且自永明潰竄有蓄髮長至二三寸者等語卑職伏思頻年粵匪如毛地方蹂躪殆徧今該匪潰敗之餘猶復深心設謀結成死黨刻刻不忘楚境實屬令人髮指卑職因思駐紮道城相離甚遠探報稍遲遂於二十二日黎明親督存營湘勇馳駐雷口關二三里之蔣家嶺安營與前派駐防之勇相為犄角隨查得灌城在西岸爲河阻隔此際春水泛漲不能褰涉見在逆匪披猖恨不滅此

朝食惟以一軍孤立人地生疏未敢深入除遣明幹湘勇分途前往確切偵探相機進剿外所有馳抵蔣家嶺探的逆匪情形理合具稟

批據稟已悉越境攻剿如果確有把握原無不可但主客之勢既殊亦須加意慎重永州所恃惟該丞一軍不可不計及萬全也全州蘇牧聞亦越境討賊閱東安縣稟似與該丞有約者未知計議云何軍機難以遙制總須謹慎圖之

會剿灌陽因果勇失利城賊出竄恐擾道州立卽馳

回密堵情形稟

五年四月初八日

敬稟者竊卑職於三月二十一日曾將馳抵蔣家嶺探悉賊情具稟在案隨探得小路由雷口關出蘇江至灌城六十里大路由永安關出文村新墟至灌城九十里署全州蘇牧並候補守備蔣俊敷均帶勇練堵截文村古嶺頭一帶惟小路空虛賊時分股滋擾逼近楚邊查蘇江距雷口關十六里橫距文村十五里左右願盼最爲形勝二十二日帶同道州邊境生員何止敬六品軍功劉光明蔣尙槐並灌邑舉人何慶恩爲嚮導移駐蘇江探得粵省派撥官兵果勇八百名赴剿因思該匪屢潰屢起計益狡獪自踞灌城逼脅日眾官渡三里橋均設卡築城焚掠四鄉勢甚猖

獷若不及早撲滅邊患實無了期卽函商蘇牧約會果勇
攻剿且念粵省兵勇由灌邑之北面前進卑職出東南路
夾擊其西北通興安聞有團丁堵守祇西南通恭城一路
空虛恐該匪乘虛潰竄雖距永明二百餘里奈恭邑久遭
兵燹賊無食可掠必擾桃川當飛信周參將由江華移駐
永明分堵龍虎關口至永明之三峯山古宅大畔雖與灌
邑緊連查係層巒疊嶂鳥道難行團丁足資扼守並函致
督令去後旋接蘇牧復函管帶兵勇王參將海清二十五
日至靈川二十六日至興安見在函商進兵之路已屬由
界首斜趨石塘日內可到上灌月初卽可進兵臨時再爲

約會等語卑職以蘇江距灌城四十餘里又深溝窄磴崎嶇難行必先拔營然後進戰四月初一日黎明知會蘇牧堅約同進立即起程午刻行至泡江又接蘇牧三十日戌刻信云省派兵勇已於三十日駐紮陳家衛初一日往攻卑職即趨程前進比至雷公嶺遙聞礮聲即督催各勇趕往接應旋據探報蘇牧與王參將蔣守備兵勇團丁分路攻擊已獲勝仗因賊由山後鈔尾兵勇敗退甚遠賊匪亦未往追卑職隨於上陸家擇地安營距城一十二里初二日卯刻續接蘇牧覆函定約初四日巳刻齊至合攻卑職即分派幫辦謝仁峻等帶勇偵探賊蹤查勘地勢將東岸

之賊概行趕過河西追擒大館僞總制蔣老連一名軍前
正法初四日黎明卑職親督湘勇並署灌陽縣鄧令派委
舉人何慶恩文生蔣克明文質彬精選團丁百餘名隨同
進剿分路左出會江口右出紫堡中出長坪均望河濱進
發該匪隔河抗拒渡船二隻拘去西岸水深溜急各勇不
能渡河遂令沿河列陣施放槍礮斃賊多名相持至未刻
士卒飢而且疲果勇又未見到中右兩路收隊先回嗣據
探報果勇等因初一日敗退古嶺頭距城五十餘里午後
始到馬渡橋與賊鏖戰有賊數百竄過東岸被左路會江
口伏兵截擊落水者甚多果勇亦已獲勝進紮距城十五

里之馬渡橋等語隨派勇接應會江口伏軍回營當令舉人何慶恩星夜往約果勇次日同進初五日五更飽食嚴裝黎明偕同職兄王勳並率幫辦王開化謝仁峻楊蓋臣督勇馳至河濱嚴陣進攻哨勇彭楚雲首先涉水渡河中礮陣亡喻執一等五人奮勇齊出各受槍傷而回團丁亦陣亡一名卑職以河深難涉若不誘之使過東岸不克痛勦隨分派各勇潛伏松林祇留十餘人誘敵賊卽撐渡過河甫抵東岸各勇猛撲之賊卽退回如是數次卑職傳令各勇誘賊多至乃進俟賊渡過兩班各勇奮威追撲賊卽併船退回我軍施放槍礮火器擊沈一船淹斃甚多其泗

水之賊各勇復拾石擊之該賊竟無子遺復用擡槍轟斃西岸之賊多名我軍自辰至未鏖戰四時之久未見西岸兵勇接應士卒飢困已甚折至長坪飽食該匪以湘勇最喜遠追分三大股繞道過河分頭埋伏中路徐徐而來欲誘我軍中其奸計卑職早已探知確實卽分四路埋伏堵截潛伏之賊中路僅留數十人誠諭隨意坐卧不聞鼓聲不準妄動一步賊見我軍少吶喊撲來我軍若罔聞知賊懼竄走卑職親自擊鼓揮勇奮勦斃賊五六十名生擒四名奪獲擡槍二竿鳥槍藤牌刀矛旗幟多件賊卽紛紛潰走卑職督勇追至河岸賊悉眾入城時已酉正卽整隊回

營探知果勇先日散紮馬渡橋村內是日五更被賊焚劫
失去馬匹軍械頗多果勇亦有陣亡仍退往古嶺頭駐紮
初六日清晨卑職又遣舉人何慶恩趨詣蘇牧王參將行
營再約日期會同攻剿仍派勇哨探河東長坪一帶督飭
紳團多紮木筏豫備渡河會剿是夜何舉人尙未回營先
探聞蘇牧王參將蔣守備均於初五日由古嶺頭退守全
州城內新墟文村一帶空虛卑職正深焦灼初七日卯刻
據探報賊匪於初六日夜中空城潛竄新墟卑職深虞該
匪乘虛竄越道州立卽拔營起程午刻馳抵蔣家嶺駐紮
原營堵截永安清水雷口三關總口探得該匪竄踞新墟

分股至文村一帶滋擾距邊關二十餘里卑職見在多發偵探嚴密巡防堵剿不容稍事鬆勁並督各紳齊團協守以期仰慰鈞厯所有會剿灌城賊匪因賊空城出竄恐乘虛擾及道州立卽馳回蔣家嶺探得賊竄文村逼近邊關見在嚴密防堵各情形理合馳稟

繞道趨赴永郡會同周參將截剿情形稟

五年四月

十三日

敬稟者四月初八日卑職會將會剿灌城之賊因果勇退去賊匪乘虛而竄卑職馳回蔣家嶺堵剿各情形具稟在案初九日周參將督帶兵勇由永明馳抵蔣家嶺正在會

商進攻初十日探得竄文村股匪已竄全州之大田村東山獠一帶均屬山僻小村道路叢雜該匪翻山行走忽進忽退不識何竄等語十一二日連據探報該匪竄至大涼山琵琶嶺等處距永安清水各關四五十里不等該處路通全州零陵並聞石塘墟亦有股匪等語卑職以該匪大勢必出零全惟全灌人地生疏且恐兵燹之餘米糧不繼跟蹤尾追不若迎頭堵剿欲由蔣家嶺逕趨永郡奈自今春以來各勇久駐行營積受寒溼春夏之交晴雨不時溼熱薰蒸尤甚風寒暑溼之證同時並發病者每日多至百數十人啾唧之聲晝夜不輟卑職目擊情形意良不忍而

蔣家嶺又居萬山之中無藥無醫乏術調治值此軍務喫緊又不能概準告假而歸再四思維祇得於十三日督勇起行繞道道州其病輕者攜藥而行重者暫準休息定於十四日黎明趕赴零陵一帶堵剿卑職先因該匪盤旋全灌山村進退無常相距邊關不遠一旦盡撤防兵恐其乘虛反竄會商周參將暫駐蔣家嶺防禦本日申刻續探得賊匪竄近零陵水字橋一帶當卽飛致周參將趕速同往截剿所有繞道馳赴永郡並飛致周參將會同前進各緣由理合馳稟

批該匪所以盤旋全灌山村者原欲牽制官軍以必其北

竄之計耳此時永州以北衡州以南無重兵鎮壓賊頗驕悍必有飄忽衝突之事該丞與周參將等須設法迎頭攔截毋令狂竄爲要切切

合剿東安五里牌賊匪已獲大勝稟

五年四月二十

二日

敬稟者四月十三日曾將繞道赴永會同周參將截剿各緣由具稟憲鑒在案十六日已刻馳抵永郡因連朝遇雨是日復大雨傾注士卒行李軍裝概行溼透十七日暫住料理一切探聞該匪由全州柳蒲一帶竄入東安縣境有由冷水竄祁陽由花橋竄寶慶信息十八日會督兵勇由

老埠頭渡河擬赴花橋截剿行至冷水市查有賊匪曾至該處與花橋一帶打搶大股尙踞東安五里牌一帶十九日尋訪紳士查詢賊匪地勢逐細繪圖二十日至井頭壩是日戌刻都司駱元泰督帶兵勇由石期司趕到二十一日同至白牙市步步爲營悄探前進東安縣賴署令亦督團勇前來會合探知賊匪糾集黨羽甚眾肆行擄掠並於小河兩岸築立營盤卑職卽會商分路進攻駱都司沿河出右路周參將出中路卑職出山下左路中途偵知賊於山林埋伏卑職卽督勇分路按伏而進辰刻行至草鞋街首先遇賊二三千人前來抗拒卑職督勇施放槍礮奮威

衝殺賊卽退走周參將駱都司兵勇並賴署令團勇四路齊至跟蹤追剿並搜殺山林賊皆紛紛敗走共約斃賊三四百名生擒十餘名奪獲槍礮刀牌等項多件乘勝直逼賊營合力環攻賊皆潰竄各兵勇一鼓作氣連破賊營四座卑職卽於孔明臺紮駐周參將在右駱都司在左各駐高山相爲掎搦正在安營之際賊分大股衝突湘營卑職督勇猛撲之賊卽反奔我軍暫歇賊又復來如此數十次並分擾左右兩營數次卑職卽分派湘勇衝殺山下爲左右救應該匪均未敢撲近周參將駱都司營盤自己至戌廛戰六時之久雖槍斃追殺多名未克痛剿卑職不勝憤

恨雙趾欲裂遂傳令各勇徐徐上山果誘賊匪大至距營
僅止數丈約會左右兩營拌力追殺直逼賊壘施放連環
礮斃賊甚多天色昏黑始行整隊回營查點陣亡湘勇及
受傷者若干名周參將駱都司所帶兵勇亦有傷亡見惟
會督兵勇團練合力攻剿不容鬆勁伏思卑職前與周參
將駐防道州時該匪忽進忽退以圖牽制一旦猝犯零東
使卑職等堵截不及其兇悍狡黠情形似勝於前非厚集
勁旅不足以淨絕根株見今南北籌防派撥不易惟李參
將楚勇一軍如郴州賊烽已熄仍懇札調前來以資協剿
是否有當理合具稟

二十三四五六等日會督兵勇圍攻東安縣城情形

稟
五年四月二十六日

敬稟者二十二日會將勦賊獲勝直逼東安縣城外安營情形具稟在案二十三日辰刻賊股數百人出城來撲湘營卑職因先日追逼城下礮傷我勇實多必須誘賊近營始能痛勦遂令各勇偃旗堅伏賊眾盤旋上山逼攻營門卑職猝令擊鼓各勇突起吶喊衝殺下山有地塌山頽之勢賊紛紛潰走各勇奮威追殺傷斃賊匪百餘名該匪敗至壕邊復迴旗拌死抗拒卑職指揮湘勇齊隊列陣施放槍礮轟斃執五色大旗紅衣賊目一名執黃紅各色大旗

賊目六名並傷斃夥賊甚多始行敗竄進城賊先分撲左邊營盤經駱都司等督勇下山分路截擊斃賊多名賊亦退去是日痛勦後賊匪不復敢出二十四五六等日卑職會督兵勇圍丁四面合圍逼近城下施放火器槍礮斃賊多名先日賴署令備辦梯子百餘架攜往梯城外委易炳友六品軍功譚星橋並勇趙春揚趙洪榜艾理一緣梯登城拌冒礮石中槍以亡把總鍾光楚外委張日勝藍翎外委王華國外委鄒昌保賀國秀並勇徐心田等三十八員名冒險登城均受槍礮石子輕重傷不等從九幫辦周福照向前督戰亦受礮傷俱飭隨營醫治湘營駐紮孔明臺

上距城僅四五十丈俯視城中瞭如指掌賊匪所最畏忌每分大股來撲且常放數百斤大礮鐵子從大帳房飛過晝夜不絕卑職惟有鎮靜以固軍心相機勦辦以圖收復但湘勇慣於野戰不善攻堅今合圍彈丸山邑數日尙未得手不勝憤恨見在會商稟請鎮憲迅撥大礮三尊來營分門攻擊二十四日新甯縣紳士李秀楚帶楚勇數百名前來助戰二十五日粵西省派未入流駱元成帶勇二百五十名又全州營兵丁二百名分紮黃泥井並西南山巔皆距城十餘里二十六日教諭舒時煜把總侯國恩帶兵勇五百名由石期司移駐助戰五品銜候選教諭江忠淑

候選知縣馮卓懷管帶楚勇一千名由新甯來
在兵勇雲集帶管員弁亦多卑職惟有和衷共
勇實力圍攻以期功成迅速不敢稍事疏虞再
典史萬錦先經賴署令委令赴府請援中途被
典史卽赴大江口督同團紳扼守二十二日賊
由草鞋街潰竄該處經萬典史督團截殺四十
旗幟刀牌等件生擒九名解來卑職營內李其
訊係師帥總統賊目卽於軍前正法合併稟聞
四月二十七日至五月初一日攻剿東安

墟各情形稟

五年五月初二日

敬稟者四月二十六日卑府曾將圍攻東安賊匪情形具稟在案二十七日江訓導移營紮駐對岸西北面全州營千總趙慶祥帶兵二百名署山角巡檢未入流駱元成帶勇二百五十名並團丁數百名進紮隔岸南山趙千總等一面安營卽督兵勇圍攻直撲城下鏖戰一日卑府會同周參將駱都司三面齊進併力攻之賊匪死拒不出二十八日又會合圍攻吶喊搗鼓聲震山谷該匪狡猾異常必俟兵勇逼近礮石並發受傷實多申刻賊出數百人往拒全勇卑府與各營派勇接應並於山頂搖旂約會楚勇就近往援賊見四路救應卽退進城趙千總等追殺多名二

十九日全勇乘勝再攻卑府等亦分門齊進午刻賊匪數百人出拒南面另分三股來攻意圖牽制各營以邊援應卑府見南面賊多卽與周參將派勇涉渡彼岸沿河迎勦以分賊勢楚勇見全勇卻退亦出接應全勇遂反旂追賊值抵河濱楚勇欲進不前賊猛撲之紛紛退去全勇勢不能支穿營而走賊卽縱火南山三座營盤同時皆著煙燄迷天賊分股抗拒湘左各勇餘賊擁至湘營之前益肆猖獗自午至戌鏖戰五時卑府指揮湘勇併力奮擊追殺下山殲其驍勇者十餘名賊始退去對岸賊亦退入城我勇收隊卑府以楚勇倉卒新招見賊卽退不若仍紮北岸當

夜函商去後江訓導以我退一步賊必進一步不願移營
祇云缺少槍礮子藥卑府卽與周參將共勻擡槍四竿藥
鉛火器等件交楚勇應用五月初一日辰刻賊眾三千餘
人分五股齊出一渡河繞出周參將後一出其營前一攻
湘營舒訓導侯把總等二十六日續至與駱都司合爲一
營賊分兩股往攻緣該營山勢較湘勇稍高且在左邊之
後又安放大礮三位該匪在所必爭正在山腰相持湘勇
接應已至駱都司復用大礮轟擊賊防我勇截後卽退下
山悉眾來攻湘營彼時江訓導之勇遙見賊勢兇悍翻山
退去賊往空營放火新甯縣紳士李秀楚之勇駐紮周參

將營後亦皆退去傳聞新甯告
府嚴督追殺近至壕邊城上槍
賊又趕至屢撲午刻賊目忽在
來攻其畏縮者陣後賊頭用槍
洶洶我軍槍礮火器同時並發
來各勇幾不能支卑府持刀在
正在緊急相持適由永州解來
張運蘭安礮營門見賊離僅咫尺
等賊五名賊始潰敗各勇乘勢
退去伏思該匪因湘勇逼攻鉅

鋒幾不可當周參將駱都司被賊牽制僅能自顧其營湘
營近城拌拒傷亡過多六品翎頂把總百長蕭如春外委
陳且武羅在信並勇彭先恆周福太宋順才辜三友王仁
貴楊光福蕭福六沈開二彭昌宗許太益彭光伍劉賞文
等十五員名奮不顧身陷亡賊陣藍翎外委張日勝受傷
未愈是日見賊猖獗帶傷衝殺中礮身亡尤堪悼恤藍翎
千總王達道六品翎頂把總會瑞輝張良清藍翎外委王
華國王冕俊王佐朝外委劉玉華彭文科唐有章朱治玉
吳三元劉良玉陳明南易榮華六品軍功鮑隆湘李金陽
等十六員並勇賀連臺等一百五十七名各受槍礮刀石

等傷不一且多成廢成篤血肉淋漓傷心慘目有前次傷輕尙未平復是日復出殺賊遂致重傷者洵稱奮勇酉刻賊又分擾湘營與周參將營前另分大股再撲駱都司營卑府以該營有新招之勇見此大戰未免怯敵卽與周參將派勇接應賊遂出湘營之前又欲來攻卑府以賊匪槍礮由下向上已佔地勢比時城上復密排槍礮攻撲過猛亦多傷亡安肯再中其計當分隊五成林立營牆以五成出伏塹內賊近乃出賊知有備卽退入城卑府當與周參將等會商皆以賊眾兇狡負嵎抗拒攻之愈急則拌死益堅湘勇傷亡已多全楚二勇又皆退去人無固志徒增損

傷再三斟酌不若誘賊出城再圖剿洗是夜三更潛師折
回井頭墟暫駐倘誘賊不出再當設法進攻若偵探該逆
出竄何處亦卽星馳援剿惟冀滅此朝食以摠積憤而快
人心斷不敢任意疏虞益滋罪戾所有連日攻剿並暫行
退禁各緣由理合馳稟

批內薄堅城與賊決戰斷無不損傷精銳之理前於該委
員稟報時已爲慮之江訓導尙未接札卽帶勇會剿初意
蓋不知賊如此之兇狡鹽糧未裕器械未全壯勇又未能
精選本難制勝一聞西延之賊竄近蔣守備二十五日小
挫遂空營走北初三日抵縣始接本部院札飭帶勇會剿

已無及矣楚勇自三月以後屢有損失皆由屢勝之卒視事太輕又勇之應募者太多百長散勇均未能精選以致如此殊爲可鑒該委員等既退至井頭墟賊必分股四竄此賊狡猾殊甚恐其多方誤我不可爲其所愚本部院見發湘勇一千水軍全營赴衡以資鎮壓兼可相機策應想可得力也

由井頭墟進紮五里牌攻剿情形稟

五年五月二十

六日

敬稟者五月二十五日接奉憲臺六百里排單札開照得粵匪竄陷東安已飭據委員王守帶勇千名周參將駱都

司舒訓導各帶兵勇分路堵剿見據江訓導稟稱已遵札
調挑募楚勇二千名於初十日由新甯進剿據衡永道稟
已飭派趙同知朱守備帶湘勇千名會同王守進剿廣西
果勇亦已抵全約期會剿兵勇厚集亟應彼此知會剋期
攻擊以期一鼓殲除除分札飭遵外飭卽遵照趕緊揆度
地勢扼要駐紮確探賊蹤彼此互相知會約期併力攻剿
務期將此股賊匪悉數殲除毋任一名漏網倘堵剿不力
該匪黨由該路竄逃定將駐紮該處之帶勇委員從嚴參
辦治罪兵勇共有數起原應另派統領以一事權特以各
帶勇文武紳委皆係素所深信之人若另派統領恐事多

牽制或誤機宜不若由該文武等彼此和衷商辦互相知照俾得各盡所長迅速蕺事倘因約會不前或因攻剿不力以致貽誤事機定卽核明情事據實嚴參懲辦斷不稍存姑息該文武等同辦一事應如何屏除意見竭力圖維速奏膚功同膺懋賞仍將遵札會剿情形及見在駐紮進剿地勢先行繪圖馳稟核奪等因奉此竊卑府自駐井頭墟以後聞賊匪有出竄之信急欲跟蹤追剿派勇分路四出日夜嚴密偵探陸續擒獲賊探蔣老源等十五名會同賴令訊明卽於軍前正法並風聞該匪攻陷東安之日卽分遣夥賊赴祁陽武岡等處勾引土匪等情其防堵各要

盜印委員弁絡繹偵探彼此隨事關會以期聲息時通並
查石期司爲永郡要害之地候選知縣舒時煜署中營守
備侯國恩率原部之勇並蔣榮華帶勇百名馳往該處堵
守嗣探聞逆匪在淶埠頭擄船駱都司復帶兵勇前往石
期司會同防剿粵省先派果勇兵丁會剿因四處股匪出
竄咸水果勇堵剿失利退守全州遂不能來昨接署衡永
道文臬司派委趙丞等帶湘勇千名於二十日至井頭墟
二十三日卑府與周參將趙丞朱都司等會督兵勇並賴
署令壯勇團丁至白牙市駐紮江訓導先於月初遵奉札
飭挑募楚勇二千名十三日駐紮界牌嶺二十日進駐新

亭子二十四日卑府復約會進紮廟腳距白牙市四里卑府會同商定於二十五日進紮五里牌是日楚勇因長夫同州運錢未克拔營齊起經江訓導派勇千名同進正在安營楚勇卽列陣於前卑府亦於營右山脊派勇張旂以誘賊至詎該匪負嵎死守未敢出城午後各營安紮已定楚勇始行收隊伏念卑營前次逼城圍攻傷折士卒過多折回井頭墟整理軍營振作士氣滿擬誘賊離城痛加勦洗且購線入城偵探及城中逃出難民皆聲稱賊匪欲至井頭墟撲營久之寂然不出二十日以來兵力厚集卑府卽會同籌商步步進紮此間離城五里二十日卑府會同

周參將趙丞朱都司張守備等親往對岸南山三嶺察看城內外情形歷歷在目奈逆匪狡猾異常設計誘之亦不復出而前車可鑑又未便遽近城垣惟有和衷共濟會督兵勇團練設法攻擊迅圖克復城池悉數殲除逆黨不敢稍事疏懈自干罪戾一俟楚勇齊至安營卽當繪圖恭呈憲覽所有連日會同進紮各緣由理合馳稟

批賊情詭秘殊常前聞有窺撲井頭墟之說本部院卽疑其詐相距四十里而潛來撲營乃取敗之道土匪猶或爲之猾寇必不爾也偵探是軍中第一要務總是難得偵確用間亦然能用偵探用間則可出奇矣楚營續募之勇當

尚可靠二次饗銀三千兩係由衡州解來飭其解赴東安
行營據委弁黃金甲稟行至衡州因探聞衡州之西三十
五里團魚司有匪蹤出沒未便逕解如尙未到營卽囑江
訓導遣勇迎護之亦可也

會剿東安逆匪開仗獲勝稟

五年五月二十八日

敬稟者竊卑府於二十六日曾將會同各營移紮五里牌
情形具稟在案二十七日卯刻江訓導督勇進紮卑府卽
會合各營派撥兵勇分途列陣防護辰刻賊眾二千餘人
見楚勇安營未定分三路前來衝突卑府卽與幫辦王勳
朱宗程張運蘭等分督湘勇並會同周參將趙丞朱都司

THE UNIVERSITY OF CHICAGO

之左勇陣亡五名趙丞等所部湘勇陣亡三名受傷共十餘名楚勇陣亡一名受傷三名均分別料理是役也各營會督齊進列陣數里若身運臂臂使指戮力同心聲氣聯絡得以迅速獲捷士卒更爲鼓舞卑府等益當和衷商辦竭力圖維不敢鬆勁以期仰副委任之至意所有會剿東安逆匪開仗獲勝緣由理合馳稟

連日會剿東安情形稟

五年六月初四日

敬稟者竊卑府等曾將二十七日會剿獲勝情形具稟憲鑒在案二十八日卯刻發稟後接據駱都司等函稱定於是日進剿涿埠頭賊股屬卽堵剿城中應援之賊等語卑

府等卽多發偵探分路出隊該匪並不敢出二十九日接
駱都司等函稱先日分三路進剿擒斬淶埠賊匪多名奪
獲船隻已解永郡仍回軍石頭司等語卑府等當卽函屬
力過永郡衝要毋庸前來會剿二十八九三十等日卑府
等派勇出隊誘賊不出卽會同商定於六月初一日黎明
親督各部兵勇沿途各揀林谷埋伏數起會商各軍一由
孔明臺後繞出西門上流循河而進以攻西面一由孔明
臺右分進以攻北面一由象鼻嶺下渡過南岸沿河而上
以攻南面卑府督同賴令壯勇團丁由唐帽山中路進攻
東面該匪分股沿城抗拒江忠淑督勇攻逼城外木橋該

匪拌死拒守連攻三次斃賊十餘名午後正在收隊賊突
出數百來犯百長文生許繼衡爭先奮擊千總李承立李
明惠嚴督後軍反旗攻勦斃賊四十餘名割取首級八顆
生擒五名賊始不敢追撲趙煥聯進攻東北與賊鏖戰斃
賊三十餘名都司朱南桂守備張清和進攻西北城隅斃
賊四十餘名參將周雲耀由南岸進攻漸逼城下賊分六
七百人撲來兵勇奮擊斃賊二十餘名擊傷賊匪多名卑
府飭勇多伏松林派令數十名列陣於唐帽山腰誘賊上
山伏兵突起奮擊賊匪潰敗追逼城東傷斃賊匪五十餘
名是日分路齊進同時吶喊槍礮火器四面並發該匪沿

城抗拒城上密排槍礮官軍攻撲逼近卽爲中傷狡獪情
形深堪髮指迨各營收隊該匪輒敢撲來追之又復退去
卑府等乃先收前隊布成陣勢再收後隊布於前隊之後
輓轡環轉列隊徐行賊不敢逼未刻各營整旅而歸查明
卑職忠淑營內陣亡楚勇李元旺李遠容張廷餘曹承蛟
羅名揚羅興方萬念友唐時立徐良佐等九名受傷鄭長
富等十三名卑職煥聯營內受傷喻均懷等五名都司南
桂守備清和營內陣亡朱常修一名受傷王益祥等五名
參將雲耀營內陣亡左勇汪洪發一名該勇目殺賊數名
奪獲藤牌一面紅旗一面取首級一顆因奮勇深入救應

不及以致被害受傷兵勇何超舉等六名卑府營內陣亡
潘聚盛張芝雲郭恆藻等三名受傷譚德林等十一名團
勇亦有受傷均分別殮埋醫治申刻賊分五股出城列於
唐帽山上下並中路松林沿河兩岸卑府等欲誘其近逼
再行出勦嗣見該匪約停紮炊時許不敢前來各營同時
派隊分路往追各股賊匪皆紛紛鼠竄而去未能痛勦憤
恨同深初二三四等日設計誘之該匪不出卑府等惟有
和衷相商設法合擊迅圖克復以仰副委任至意所有連
日合勦東安賊匪情形理合馳稟

探東安賊股出竄連日會合各營逼城圍攻獲勝稟

五年六月初九日

敬稟者本月初四日卑府等會將合剿情形具稟在案是日發稟後偵知先夜賊分數百竄往廟頭黃沙河一帶有往全州圍城之說收隊甫回當又會合各營出隊逼城圍攻賊匪不出初五日黎明再往合圍逆匪仍嬰城固守初六日約會各營並賴署令齊進卑職煥聯都司南桂守備清和督勇出唐帽山下中路進攻城東卑職忠淑由孔明臺正路進攻城北卑府由孔明臺後上山卽派幫辦王勳謝仁峻王開化等督勇五哨伏於孔明臺右親率五哨並親兵等左趨唐帽山進攻東北參將雲耀督率幫辦唐邦

治並各弁由對岸進攻城南賊乃分數股抗拒自黎明至
午刻官軍頗形飢疲該匪忽出數百人往撲楚勇經卑職
忠淑率幫辦李承立江上曉百長李明惠等督勇奮擊斃
賊三十餘名內槍斃執大旗賊目一名奪獲烏槍四竿長
矛六竿取首級七顆旋即誘賊上山幫辦王勳等率伏勇
突起擊之斃賊五六十名傷賊十餘名逼城圍攻賊悉力
往抗中路卑職煥聯率幫辦趙福元督勇前進與賊鏖戰
斃賊五十七名內執大旗賊目一名火箭射殺大旗賊目
一名燒燬大旗一面都司南桂守備清和督勇於鎮北樓
奮力攻擊施放連環槍斃賊四十八名內槍斃大小紅

旗賊目二名火箭燒斃賊目一名卑府復與賴署令會督
勇練前往夾擊斃賊十餘名參將雲耀列陣南岸賊亦分
股來抗當經親督兵勇奮擊斃賊十餘名追逼城下各賊
股紛紛敗退諸營兵勇收隊而歸查明卑職忠淑營內受
傷蕭榮智等四名卑職煥聯營內受傷喻洪濱等四名都
司南桂守備清和營內受傷蕭華芝等七名卑府營內外
委左仁發並勇王景全等十五員名各受刀石槍礮傷不
一參將雲耀營內受傷四名均經飭醫調治初七八九三
日均經督勇圍攻該匪不出卑府等因偵報賊匪分股竄
出廟頭黃沙河一帶行蹤詭祕出沒無常是以連日逼攻

迅圖克復詎該匪負隅死守卽初六日出抗官軍雖示弱誘之該匪並不遠離城郭當攻擊之際卑府等駐馬孔明臺上細察賊數旗幟稍爲稀少而狡獪兇悍不減平時官軍稍爲逼近城上礮石如雨驟難上城伏思兵力厚集之時叢爾一城未能迅復轉致賊股分竄卑府等慚憤悚惶莫能名狀惟有會督兵勇設法攻擊不敢苟安以期迅速蕙事藉以仰副委任至意所有探聞賊股分竄連日竭力圍攻東安賊情形理合馳稟

初十至十七日會攻東安情形稟

五年六月十七日

敬稟者本月初九日卑府等會將攻剿獲勝情形具稟在

案初十一兩日會合分攻該匪死守不出十二日東安典史萬錦春往花街一帶招徠米販督集團丁適有賊百餘人前往擄掠當經萬典史分布團勇出奇圍剿該匪潰敗計斃賊二十七名生擒聶添通等八名奪獲刀矛號衣等件皆送營內訊明正法十三日探聞賊股再赴花街欲圖報復賴署令會同卑職忠淑各營派撥勇練馳往援剿卑府督勇分布唐帽山左右牽制城中接應之賊是日各營勇練星羅碁布十有餘里該匪聞風潰逃未克痛剿十四日黎明會合齊進卑府率勇由孔明臺進攻正北都司南桂守備清和督勇出唐帽山左進攻東北卑職煥聯會

督賴署令萬典史率勇出中路進攻正東參將雲耀督勇沿河進攻正南卑職忠淑率勇由唐帽山後進攻東北一帶辰刻賊眾二千餘人分數股齊出來抗官軍卑府指揮各勇先於孔明臺山後左右分起潛伏誘賊至近幫辦王勳等督勇數哨猛撲下山賊匪紛紛敗退我勇撲近城邊折回孔明臺山腰列陣賊另出大股由孔明臺右繞道上山欲襲我軍之後卑府親率伏勇並侍勇親兵突起奮擊又慮烈日中槍礮易於紅熱特令各哨更番休息奮力進攻施放連環槍礮共約斃賊五六十名傷賊一百餘名該匪每被我勇擊斃或擊倒執旗賊目祇用一賊將屍曳去

而餘匪仍拾旗抵死抗拒且孔明臺過於逼促槍礮由下
向上賊匪已佔地勢我勇自辰至未極力鏖戰急圖上城
致多傷損都司南桂帶和字右營前左兩哨勇由唐帽山
下橫衝孔明臺前鈔截賊尾奮力攻擊守備清和帶和字
右營右後兩哨勇進攻東門焚燒附城賊巢截賊沿城出
竄之路和字右營共計斃賊五十一名傷賊二名內斃大
紅旗賊目一名五色大旗賊目一名小旗賊目三名卑職
煥聯令幫辦趙福元等督帶和字中營前左右哨勇接應
右營前左兩哨並於東北隅城下奮力鏖戰卑職煥聯親
督和字中營中後哨勇於唐帽山下朱子閣等處層層接

應迎勦和字中營共斃賊三十八名內斃戴紅雨斗賊目一名至未刻楚勇在唐帽山左勇在河邊均要收隊賊眾乘懈來犯和字中右兩營各勇復分隊衝鋒互相援應和字右營前哨百長劉玉藻奮勇獨前手刃數賊格鬪陣亡賴署令親督勇練於鎮北樓攻擊壯勇張得慶等奮勇陷陣疊連開槍傷斃賊匪二十餘名參將雲耀督勇由河邊進攻分派署外委楊尙烜陳學校帶勇由寶塔腳夾擊賊出南門來撲二路兵勇奮力迎勦斃持大紅旗賊目一名籐牌賊二名賊卽敗退追殺三四十名卑職忠淑先派勇一起伏於孔明臺右當湘勇與賊鏖戰楚勇橫出截擊另

分二起一布於唐帽山前一伏於山後該匪拌死來犯百長李明惠徐成占權華魁等奮勇直前首先陷陣率勇追至城下斃賊四十餘名奪獲偽總管大黃旂一面五色旂二面小旂三面刀矛四件藥丸二袋並取首級十顆其餘各營亦有奪獲旂矛鳥槍等件未刻各營陸續整隊而歸查明卑府營內陣亡楊定雲王明俊二名藍翎外委百長周玉堂六品翎頂把總胡清泰並勇賀添四等五十員名均受刀石槍傷不一內受重傷十餘名或至成廢甚至存亡莫保卑職煥聯營內受傷易盛鳴等五名都司南桂守備清和營內陣亡百長六品軍功劉玉藻一名受傷丁仙

發張山江二名參將雲耀營內受傷左勇陳忠海等六名
卑職忠淑營內陣亡陳正餘李祚發劉得勝等三名受傷
何澤昌等十九名均分別殮埋醫治是日申刻賊匪忽又
出數百人布楚勇營前卑職忠淑督勇追之當卽竄去十
五六兩日大雨如注均未出隊十七日派勇圍攻賊拒不
出伏思我出賊不離城賊出我追不及似此狡獪兇頑實
深憤恨日昨探聞粵省派撥果勇苗兵前來會剿已紮黃
沙河枒槎嶺等處卑府等見在設法攻擊並卽約會粵省
兵勇合剿以期迅復城垣剿洗盡淨仰副憲臺綬靖邊陲
至意所有連日會同攻剿情形理合馳稟

連日會攻城賊並湘左勇馳援石期市稟 五年六月

三十日

敬稟者十七日曾將攻勦情形具稟在案十八日卑府長佑由新安縣馳抵行營會同商酌以官軍連日出隊賊止死守卽出亦不甚遠不若派勇數十名誘賊近前以期痛勦十八至二十一日賊仍不出二十二日探聞有賊在花橋村擄掠賴署令率勇先往搜勦並知會各營派勇接應行至中途遇賴署令殺賊十餘名回營奪馬二匹並號衣旗矛等件生擒唐開純等三名解送卑府營內訊供正法二十五日卑府等派勇於近城山巔搖旗誘賊賊出大股

布於唐帽山上下並前後松林大路河邊一帶卑府率勇至唐帽山後卽令幫辦王勳謝仁峻王開化等督勇五哨合併楚勇伏定卑府督勇五哨繞出孔明臺後約定施放火箭齊進合圍我勇由孔明臺後至唐帽山右布陣綿亙三數里吶喊截擊賊股紛紛竄去卑府指揮各勇返逼近城賊匪拚死抵抗我軍奮擊傷斃賊二十餘名陣亡湘勇李雲臺羅禮中二名受傷成禹州等十七名卑府長佑由唐帽山上相度形勢督勇分布進攻又派幫辦李德極等督勇出唐帽山前大路列陣進擊楚勇其斃賊三十餘名內斃大旂賊目一名奪獲大紅旗一面受傷楚勇楊鉅成

等五名參將雲耀由五里牌大路搜伏而進賊匪散布郊
原抗拒參將雲耀分派幫辦百長等張左右翼施放連環
槍礮斃賊二十餘名傷賊四十餘名賊股敗散分頭追剿
署臨武營千總汪廷富奮勇爭先手刃數賊因見大紅旂
賊目在前奮力往追暗被槍傷傾蹶伏賊撲出致被戕害
陣亡兵勇拌死向前趕救不及當將屍骸奪回賴署令驗
明棺殮各兵勇憤怒合力追殺賊始敗潰計陣亡左勇趙
進思李兆思二名受傷兵勇蔣宏勝等六名卑職煥聯派
幫辦趙福元等督中營前左後哨勇沿河分布而上擊退
河邊賊二股約百餘名卽轉向中路接應卑職煥聯親督

中右哨勇伏於塔子山後接應河邊都司南桂守備清和督勇四哨由唐帽山側前進接應中路之兵擊退大股賊匪執大旂湘勇鄧復順奮勇爭先槍傷左足賴署令率勇由河邊策應午後均各收隊此二十五日開仗之情形也二十六日賊出大隊布於唐帽山前後左右並伏賊數百於孔明臺之荷葉塘其河邊大路皆有賊股漸逼楚營之前卑府長佑督同百長文生許繼衡千總鄢世堂伍經魁王得勝李光祝李必富等派勇三起布於營前左右正鏖戰間各路接應兵至合力奮擊賊殊死戰卑府長佑等揮勇左右合圍賊始敗去楚勇獎賊五十餘名取首級十五

穎奪獲五色旂一面小黃旂二面刀矛十四件陣亡楚勇
蔣啟亮李順楚賀成松徐志模陳開希等五名受傷劉能
義等二十一名卑府先派新老中哨勇出楚營之右接應
復派新四哨勇分作四路令幫辦謝仁峻王開化督率翻
越營右高山繞出荷葉塘搜剿伏賊幫辦王勳督侍勇親
兵出楚營之前協擊又派老四哨勇令幫辦朱宗程王開
來出楚營之左迎剿河邊一帶賊匪嗣楚營前面賊股經
各路兵勇合擊追至朱子閣湘勇十哨由兩路鈔截追賊
齊至遂布陣相持共傷斃賊二十餘名藍翎千總谷進祿
並勇蕭至敦等十二員名均各受傷卑職煥聯派幫辦趙

福元督中營勇四哨都司南桂守備清和督右營勇四哨分列四起由周家嶺擊退伏賊乘勝追過唐帽山側塔子山等處卑職煥聯督留中哨勇守營防賊繞後來撲參將雲耀派令署外委楊尙烜陳學校協同百長李希泮等帶勇三哨由楚營之左衝殺接應斃賊數名親身會督賴署令萬典史率兵勇練丁由河邊進勦松林伏賊掩殺三十餘名左勇受傷二名賴署令槍勇傷斃賊十餘名未刻各整隊歸營此二十六日開仗之情形也是夜四鼓接駱都司等飛函告急云全州廟頭墟宜鄉渡竄來賊四五百人攻撲石期營盤逼圍甚急立請援救卑府與各營會商以

石期爲承郡咽喉來信又十分急迫遂商定參將雲耀撥
勇五百名卑府分勇五百名親督往援當夜五鼓令幫辦
王勳等守營卽率謝仁峻陳義詔潛師起程二十七日巳
刻至井頭墟接朱鎮憲函知前因復催督趙程前進申刻
行抵石期市探知賊已回竄橫塘卑府卽與駱都司等酌
商皆以東邑賊巢所在正當攻勦喫緊未便分兵久出心
系兩地二十八日辰刻議留左勇五百名交駱都司管帶
協同堵剿卑府卽率勇馳回五里牌戌刻抵營此率湘左
勇馳援石期市之情形也二十七日誘賊未出二十八日
賊眾三千餘人分數股突至楚營之前面左右並分二股

沿河夾岸而來另股由周家山背鳳儀府山下欲犯各營
之後卑府長佑督同幫辦江上曉李德極並百長李明惠
權華魁鍾大富戴利寅黃甫敬鄧在富何純儒等率勇布
陣於營前左右三面抵拒賊鋒鏖戰最久先經幫辦李德
極百長許繼衡等趕築礮臺數座督開槍礮轟斃賊四十
餘名各營接應亦至合力奮擊賊匪潰敗卑府長佑等督
勇追殺二十餘名奪獲長矛鳥槍多件陣亡楚勇李有清
鄧大詔二名受傷陳希嶽等三十九名卑職煥聯因偵知
山後賊多潛伏林內卽派幫辦趙福元等率中營勇四哨
分路過周家嶺列陣山脊一面堵截伏賊一面防護楚營

都司南桂親督右營左右哨勇登鳳儀府山遇賊迎戰奮力攻擊槍斃賊四名賊敗走因亂石峻峭不能急追僅奪籐牌二面伏賊盡合隊千餘漫山而來都司南桂與中營幫辦趙福元率勇分三路攻擊斃賊十餘名內斃大黃旗賊目一名賊匪紛紛逃竄敗出山口當甫出隊時卑職煥聯都司南桂共派擡槍三竿並小槍刀矛六名至楚營之前協同防剿經小槍斃大紅旗賊一名籐牌賊一名守備清和督帶右營前後哨勇由楚營右側前進截賊歸路上下夾攻賊遂敗走卑職煥聯因是日該匪四出恐其繞道來犯親督中哨勇布於營後防守參將雲耀親督署外委

楊尙烜署把總尙源浩幫辦唐邦治梁虹及百長等管帶
兵勇由大路迎擊以護楚營之左並分兵勇飭令世襲孟
正名幫辦蒲登高彭壽殷李希泮曾畛李洪順等管帶沿
河進剿其斃賊匪十餘名內斃紅衣褲賊目一名籐牌賊
二名復撥派擡礮二尊協擊楚營右側股匪斃賊二名左
營受傷兵勇郭吉慶等二名卑府營內經幫辦王勳派中
哨勇往周家山一帶派前後哨勇出楚營之右派右哨勇
出楚營之左層層接應合力攻剿傷斃賊匪七八名受傷
湘勇李乾勝等二名賴署令督勇沿河進剿以遏南岸之
賊並派槍勇三十名前往楚營協擊傷斃賊十餘名自辰

至申賊悉敗退回城此二十八日開仗之情形也卑府等圍攻日久迄無良策以圖克復致粵匪另股竄來益滋延蔓是皆卑府等調度乖方悚懼實甚昨蒙憲臺委解火箭火包已到永郡卑府當派勇接護來營參將雲耀由寶郡製造西瓜礮來營一俟齊全當合力奮攻務期殄滅以便移師他向仰慰憲臺綏靖邊疆之至意所有合剿賊匪馳援石期市營盤各情形理合會稟

王壯武公遺集卷三終

湘潭朱士宜校勘

王壯武公遺集卷四目錄

稟牘四

七月初三日開仗獲勝並初九攻城開仗情形稟

咸

豐五年七月十一日

七月十二日東安大獲勝仗稟

五年七月十七日

會剿續獲勝仗並探悉全州竄來夥賊情形稟

五年

七月二十三日

會剿連獲勝仗收復東安縣城並拔營跟追逸匪各

情形稟

五年七月二十九日

追賊桐子山大獲全勝逆首胡有祿就擒稟

稟已佚

遵札由永郡回衡援剿郴桂稟

五年八月十九日

進剿耒陽公平墟股匪獲勝稟

五年九月初十日

永興花園墟大獲全勝進援郴桂情形稟

五年九月

十四日

力戰克復桂陽州城稟

五年九月二十七日

擊招旅股匪大勝由羊舞坪進規郴城稟

五年十月

初二日

在郴境連日獲勝並踏毀瓦窰坪賊壘稟

五年十月

初十日

連日進剿獲勝並進攻郴城外賊營稟

五年十月十

九日

二十二十一兩日連獲勝仗稟

五年十月二十三日

剿賊大勝陣亡知縣魏承祝懇奏請從優議卹稟

五

年十一月初六日

遵札兼統鳳海焮健各營並請給饟接濟稟

五年十

一月初六日

請頒發功牌俾得隨時填給鼓勵軍心稟

五年十一

月初十日

連日鏖戰獲勝忽報周副將趙署參將苦戰陣亡分

勇馳援永明甯遠稟

五年十一月十四日

--	--	--	--	--	--	--	--	--	--

王壯武公遺集卷四

稟牘四

七月初三日開仗獲勝並初九攻城開仗情形稟

咸

豐五年七月十一日

敬稟者卑府於六月三十日曾將攻剿情形具稟在案是日發稟後探聞有賊數百在花橋擄掠卑府親率勇五哨馳往宋家村潛伏截賊歸路卑職煥聯都司南桂等出隊赴八都地方接應左勇楚勇出頓於唐帽山以遏賊援聲勢極為聯絡該匪四散潰逃追剿不及申刻各自收隊初三日賊出數股分列於楚營前岸左右並周家嶺後大河

之旁都司南桂督帶右營前左哨勇守備清和督帶右後哨勇由周家嶺分路迎頭奮擊卑職煥聯派幫辦趙福元副幫辦郭潤德督帶中營左右哨勇由楚營之右靠山一面猛力衝鋒而進追殺至唐家村後復趕上唐帽山頂及左右兩面時都司南桂守備清和從鳳儀府荷葉塘等處鈔殺追賊直至孔明臺會合乘勝直逼西門城下攻擊卑職煥聯帶幫辦李本親督後哨由楚營對面中路追殺賊匪由朱子閣等處進剿直逼東北城邊卑職煥聯中營一路追殺及槍傷斃賊匪約四五十名內右哨槍斃大旗賊目三名百長黃黼卿取獲首級一顆及紅巾紅裙等件湘

勇費長春槍傷右臂都司南桂守備清和右營一路追殺及傷斃賊匪四十餘名內斃五色大旗賊目一名卑府與幫辦王勳親率新五哨勇沿河進擊該匪拌死抗拒我勇奮力衝殺賊眾紛紛潰敗涉水而竄我勇卽追趕過河水中殺斃賊匪多名追殺至南門對岸幫辦謝仁峻王開化督老五哨勇伏於五里牌接應因撲營賊股均經楚勇擊退卽跟蹤緊追至城東南隅卑府營內斃賊三十餘名傷賊十餘名陣亡湘勇文青雲一名受傷王必勝等三名周參將督率署把總尙源浩外委楊尙炅幫辦李希津百長袁國興曾楚雄帶領兵勇沿河進剿飭令世職孟正名幫

辦曾畛彭壽殷百長蒲登高何德清帶勇一哨協同賴署
令團勇伏於河畔又派幫辦唐邦治梁虹百長歐陽陞帶
勇一哨往來策應共計傷斃賊匪三十餘名外委楊尙虹
追殺大五色旗賊目一名賊被追急撲水淹死數名奪獲
槍礮旗幟藤牌刀矛十餘件追至城東兵勇幸無受傷賴
署令督同舉人葉兆蘭等率勇追剿斃賊十餘名卑府長
佑見賊股突至營盤前岸旋分左右兩股從田隴撲來卽
揮勇於各礮臺開放連環槍礮斃賊前敵甚多賊卽敗卻
楚勇乘勝追過田隴該匪猶於前岸冒死抵禦百長文生
許繼衡把總鄧在富藍翎把總陳得勝軍功李宏瓊等督

勇點放噴筒衝入賊陣賊眾紛紛敗退時湘左勇亦將山後河邊大股賊匪同時擊退千總李德極百長千總鄆世堂軍功李光祝權華魁李代琳外委何純儒等復分路截擊追殺至城東北楚勇共計斃賊四五十名是日賊出雖眾各營戮力齊心無不爭先奮擊同至城下環攻賊皆潰竄入城死拒遂各整隊而歸此初三日大獲勝仗之情形也初四日以後連朝大雨未能出隊初五日卑職煥聯都司南桂守備清和接奉撫憲札飭赴衡聽調定於次日起程初六日周參將以趙丞等既去隨將前月派赴石期市協同防剿之左勇五百撤回三百名前次奉發火箭火包

卑府已接護到營各營添造火器亦齊初八日會商多帶火器藏匿火繩乘夜襲城卑府由大路進攻正東周參將兵勇沿河而上一由寶塔腳一由鎮北樓進攻東南卑府長佑由唐帽山前進攻東北賴署令會督東安縣教諭陶廷翊訓導童鎮典史萬錦並舉人葉兆蘭文生周大健進攻正西分布既定並約時刻同進是夜四更會士卒嚴裝飽食五更卑府親率侍勇爲前隊行抵東門因正路被賊挖坑架木阻住卽繞道行走城邊盡屬瓦礫人眾走疾踐踏有聲被賊驚覺隄備迨各勇豎梯欲上城上礮石如雨不能上城急令施放火器環攻平明時賊知我軍情勢槍

礮益密卑府等以各勇疲勞半夜賊又死拒不出卽會合收隊賊匪隨亦誘出卑府等督勇分路迎剿賊匪或聚或分往來抵禦遂會合各營四面合圍奮力截擊鏖戰數時追逼城下始行收隊回營卑府長佑督勇由中路奮擊槍斃賊十餘名殺斃賊十餘名割取首級五顆奪獲小藍旗一面刀矛十二件陣亡楚勇林世恩一名受傷王明高等九名周參將沿河追剿傷斃賊匪四十餘名內兵丁周輝宗殺斃大紅旗賊目一名受傷兵勇四名卑府督勇由唐帽山孔明臺後追殺傷斃賊二十餘名受傷湘勇羅鳳益等七名賴署令會督勇練跟追槍斃賊十餘名受傷壯勇

二名此初九日攻城開仗之情形也此舉商籌日久迄未成功憤恨何極見在零陵縣之苦株山一帶有賊盤踞屢接警報亟應分勇馳剿奈此間當衡寶衝要深虞顧彼失此惟有會督兵勇急圖蕝事以便移兵另剿再帶楚勇之江訓導積勞成疾體弱難支前月二十九日又接家信母病需人侍養且胞兄靈柩至自安徽尙未安葬囑卑府等代爲稟懇憲恩暫行請假一月俾得侍養母病兼可料理葬事已於七月初一日起程回籍合併稟聞

七月十二日東安大獲勝仗稟

五年七月十七日

敬稟者卑府於十一日會將攻剿情形具稟在案是日有

賊赴百花衝擄掠賴署令卽派舉人葉兆蘭文生蔣筠唐楚翹率勇練百餘名馳往截殺各營亦分路偵探如賊出大隊卽加派兵勇接應申刻據舉人葉兆蘭回營稟稱是日行抵百花衝遇賊百餘卽督會團丁圍剿傷斃賊二十餘名繳驗首級九顆刀矛號衣等件又擒解蔣世得等五名前來當訊供正法十二日賊眾二千餘人分股擁至楚營前面並伏於周家嶺及大路河濱對岸一帶卑府長佑督勇於營前礮臺開放槍礮奮擊另派勇二起一布於營右山脊一伏於營左五里牌街內卑府偵知周家嶺背賊多卽派幫辦謝仁峻王開化帶老五哨勇由大路河濱進

勦親率新五哨勇星馳繞出周家嶺背伏賊之前賊眾不
虞我軍突至開槍迎頭抗拒我勇奮力截殺將賊衝爲兩
段四散潰逃復揮勇分路緊追沿途槍擊矛刺斃賊甚多
山谷田隴屍血狼籍直追至孔明臺下該匪恃有城上槍
礮反旗抵抗卑府卽列陣鏖戰卑府長佑因營前之賊冒
死抵禦卽派千總李德極百長權華魁鄧世堂鄧在富等
督令五里牌伏勇由營左橫衝奮擊該匪紛紛敗走復親
督勇急追沿途勦殺其先布營右山脊之勇亦派幫辦劉
長健百長許繼衡何純儒等從山壓下由唐帽山後同抵
城邊共擊斃賊二十餘名殺斃賊四十餘名內隊長李景

剛斃大紅旂賊目一名割取首級二十四顆奪獲大小黃旗二面籐牌四面刀矛二十一件周參將親率幫辦李希泮梁虹百長曾楚雄帶領兵勇協同賴署令勇練由大路進剿飭令署把總尙源浩外委楊尙烜幫辦徐汝能曾畛蒲登高百長袁國興周文豹徐正高何德清等帶勇由沿河進攻又派左勇二哨飭令世職孟正名百長何起舉楊光富督帶往來接應賊匪分股撲來周參將卽指揮兩路兵勇齊力夾擊施放排槍擊斃賊前敵多名又然西瓜礮拋入賊隊炸斃賊數名賊不能抵悉眾敗退兵勇分途掩追百長袁國興奮勇爭先殺斃賊目三名奪鈿一架黃旂

一面追至塔邊賊復回撲該百長等督勇竭力抵拒又槍
斃執大旗賊目一名追至城下賊悉奔入城左勇共計斃
賊六十餘名擊傷者無數賴署令督同舉人葉兆蘭文生
周大健蔣筠唐楚翹等分帶勇練一由大路一由對岸分
途追剿斃賊三十餘名卑府營內幫辦謝仁峻王開化見
各路賊股潰敗甚速急欲乘勝搶城策馬先驅各勇無不
踴躍奮追殺至東門城下城內見我軍勢猛早閉城拒守
潰敗之賊循城而走該幫辦等復揮勇追逐傷斃多名卑
府閭營計傷斃賊一百三四十名奪獲紅旗鳥槍刀牌二
十餘件時各營齊抵城下均駐紮環攻至未刻收隊卑府

營內受傷湘勇李春林等九名卑府長佑營內陣亡雷遠青一名受傷劉明興等十一名周參將營內受傷兵勇游順賢等三名賴署令勇練受傷二名是役也各營戮力同心獲捷迅速洵足大挫兇鋒十三日有賊潛赴八都經團勇擊退擒獲聶守寅一名解送賴署令軍前正法十四日申刻接據駱都司函知探得盤踞零陵大樹腳股匪約四千餘人於十二日分兩股竄出一由鷹嘴嶺大皮江至黃沙河過渡一由栗山鋪至廟頭墟過見於廟頭宜鄉一帶屯聚等語查廟頭距東城三十里揆度賊情勢將合股但詭秘行蹤未識何竄卑府等惟有日夜嚴密悄探偵知賊

股逃竄卽當乘機追殺痛加勦洗不敢稍事疏懈以期仰副委任至意所有十二日大獲勝仗情形理合馳稟

會勦續獲勝仗並探悉全州竄來夥賊情形稟

五年

七月二十三日

敬稟者竊卑府等將十二日在東安大獲勝仗情形具稟憲鑒在案十九日卑府等以連日誘賊不出約會逼攻卑府長佑由孔明臺唐帽山進攻東北一帶卑府會同賴署令由大路進攻正東周參將由河邊進攻東南一帶黎明整隊齊出卑府先派幫辦謝仁峻督勇三哨會合楚勇伏於唐帽山後卑府長佑督同千總李德極鄔世堂王得勝

李明惠等由唐帽山孔明臺分路齊進先令勇數十名搖旗誘賊賊分數百抗拒我勇且戰且誘至唐帽山邊先伏之湘楚勇突起奮擊衝殺上山復由山頂壓下賊悉潰竄卽布陣於唐帽山孔明臺上下與賊鏖戰楚勇計傷斃賊匪三四十名取首級四顆奪長矛五竿卑府督同幫辦王開化等由大路進擊揀松林澗谷之處層層埋伏誘賊大隊近前正鏖戰間指揮伏勇四面合圍鳴鼓急進槍礮火器同時並發賊不能支紛紛敗走卑府督勇奮追將近城邊賊出另股接應復張左右翼擊退共計傷斃賊匪約五六十名奪獲籐牌鳥槍等件周參將督率署把總尙源浩

外委黃永德幫辦楊虹楊向春百長曾楚雄楊光富帶領
兵勇由寶塔腳會同卑府湘勇進攻東門另派世職孟正
名外委楊尙炆幫辦曾眡徐海能蒲登高百長袁國興周
文豹蒲高明分帶左勇沿河而上進攻東南幫辦李希泮
百長何超舉帶勇一哨往來接應賊匪拚命死拒鏖戰多
時外委楊尙炆幫辦曾眡帶勇奮威衝殺傷斃大旗偽先
鋒一名籐牌手二名李希泮何超舉帶勇接擊傷斃賊數
名周參將督令員弁兵勇齊力鈔殺約共斃賊三十餘名
東南股匪始行敗退入城賴署令督同舉人葉兆蘭等率
勇由大路攻剿斃賊十餘名午刻各整隊歸此十九日再

獲勝仗之情形也計自七月初三日以來該匪屢經官軍痛剿每望風而潰將有逃竄之勢卑府等卽多派明確偵探以期乘勢截剿二十二日辰刻據探報先夜有賊約二千人由全州黃土井一帶竄入東城等語正在復探聞該匪於二十二日夜在南岸之諸葛營山頂創立營盤一座竟夕而成卑府等初以該匪勢蹙將竄滿擬會合追殺可期得手不料粵境添來夥賊益爲負隅之計是皆卑府等布置乖方以致賊無忌憚五中慚悚憤恨尤深惟有竭力圖維設法攻擊不敢稍事鬆懈惟念全州境內之匪分起盤踞雖有招安之舉而四里洞一帶股匪仍然猖獗東邑

緊與聯界小路處處可通若不盡絕根株倘負夜源源竄越何所底止合無仰懇咨明粵西撫軍或勦或撫速爲辦理以絕東城賊匪聲援是否有當伏乞鈞裁所有十九日續獲勝仗及探悉賊匪情形理合會稟

會勦連獲勝仗收復東安縣城並拔營跟追逸匪各

情形稟

五年七月二十九日

敬稟者卑府等於二十三日會將攻勦情形具稟在案二十四日各營會合出隊將近城邊該匪分出抗拒卑府長佑督勇由東北進攻先於孔明臺後大路旁松林內及唐帽山右沿坡一帶層層設伏各路派勇數十名上前誘敵

該匪大股分路抗拒楚勇佯卻誘向孔明臺後百長鄢世堂戴利棗鍾大富從林內奮起衝殺唐運琅鄭永篤等於路旁截出該匪勢蹙敗竄孔明臺下其一股仍由唐帽山脚趕上計圖鈔擊我勇千總李德極王得勝李明惠突出山腰齊開槍礮當斃大旗賊目一名該匪猶冒死抵禦百長許繼衡權華魁何純儒李光祝自山頂壓下合力追擊賊眾紛紛敗走約計各路擊斃賊五十餘名殺斃賊三千餘名割取首級十三顆奪獲大擡槍一竿腰刀五把長矛十三竿楚勇陣亡何昌亮顧仕鵬二名受傷王祖惠等六名周參將督率署外委楊尙炅幫辦梁虹蒲登高百長袁

國興蒲高明邱祖通帶領兵勇會同卑府分撥湘勇由寶塔腳進攻飭令署把總簡源浩署外委黃承德幫辦李希泮曾畛百長周文豹何超舉帶勇沿河而進又派世職孟正名幫辦唐邦治彭春殷徐汝能楊向春百長楊光復陳順廷帶勇策應該匪等分股撲來兵勇奮力衝殺傷斃賊四五十名幫辦曾畛百長袁國興各殺斃大紅旗賊目一名奪獲大紅旗一面籐牌旗幟刀矛十餘件左勇受傷謝明友等三名卑府先派幫辦謝仁峻王開化各率勇五哨由寶塔腳進擊親督勇五哨由大路進攻指揮槍礮各隊擇草叢土堆之處零星潛伏派隊誘賊追來伏勇四起槍

礮並發獎賊甚多悉皆反走我勇追撲近城謝仁峻王開化亦率勇追賊而至遂會合竭力鏖戰獎賊三百四十名賴署令派令舉人葉兆蘭文生周大健率團勇數百名由對岸往攻諸葛嶺賊營因地勢促隘該匪拌死拒守葉兆蘭等督團奮擊獎賊多名賴署令親督六品軍功文生蔣筠唐楚翹等率團勇五百餘名由唐帽山脊衝逼賊隊左右合圍開放連環槍礮傷獎賊四五十名未刻賊悉敗奔入城各營整隊而歸此二十四日大獲勝仗之情形也二十五日卑府等以賊數雖添而各勇能大獲勝仗特捐湊錢文購牲物犒賞以示獎勵賴署令復傳諭遠近紳耆召

號團丁軍聲大振二十六日會合各營步步逼進環攻數時該匪固匿不出二十七日會督兵勇分隊齊進周參將督飭外委楊尙炆奮勇當先殺斃紅巾長髮賊目一名奪獲大紅旗一竿幫辦李希泮帶勇擒獲賊目唐定國蔣昌榮二名奪獲小旗二面百長何超舉齊力夾擊殺斃大紅旗賊一名籐牌手二名生擒一名募帶邵勇李鴻順率勇截殺斃賊六名兵勇合力奮擊鏖戰多時約傷斃賊七十餘名卑府派令幫辦謝仁峻王開化等分督哨勇伏於唐帽山前後並沿河一帶層層接應親督哨勇由中路進攻該匪大股來犯誘之不復遠追我勇撲去賊又敗走甫經

收回賊悉擁至往復再三鏖戰最久卑府長佑指揮各勇於孔明臺唐帽山一帶布列橫陣賊犯我右則鈔其左賊攻我前則繞其後合力奮擊傷斃賊四十餘名賴署令督同舉人葉兆蘭文生周大健率團勇數百名由河邊大路進剿斃賊二十餘人另派文生蔣筠唐楚翹等率勇六七百人繞出對岸諸葛嶺後該匪拚死守營蔣筠等悉力攻擊槍斃賊多名至定更以後各路始收隊回營此二十七日續獲勝仗之情形也二十八日賊分股攻撲楚營卑府長佑當派幫辦李德極李成立劉長健帶同各百長督勇分路迎擊其中路兩股賊數較多勢極兇悍經卑府長佑

督同百長李明惠許繼衡鄢世堂權華魁等奮力直前槍礮之中雜以刀矛該匪紛紛倒地拖屍退走我勇併力追殺斃賊甚多該匪仍依靠山腳冒死抵禦千總李明惠身先眾勇衝入賊隊手刃一賊該匪槍發甚猛以致身受二傷百長李光祝王得勝鄧在富江孝純李宏瓊何純儒李代琳等督率各勇分路前進接應適值劉長健李承立李德極帶同百長蔣錫棟等率勇亦將左右兩股擊退該匪同時敗走我勇直逼城下槍礮齊施鏖戰多時傷斃賊百四十五名割取首級十七顆奪獲大旗九竿小旗五竿火槍九竿長矛五十七竿周參將督率員弁兵勇由楚營左

接擊分飭署外委楊尙烜黃承德百長謝學鳳屈其雲徐正高帶勇二哨伏於河邊廟內賊匪分股沿河來鈔楊尙烜黃承德等率勇衝出擊斃前隊五哨大旗賊三名奪獲擡槍一竿賊匪卽退兵勇一齊追逼城下傷斃賊三十餘名是日賴署令糾集各鄉團練二千餘人紅白旗幟漫山塞野勇乘團勢圍藉勇威軍心益爲鼓舞卑府會合賴署令督同勇練由鳳儀亭周家嶺分道按伏而進追逼孔明臺唐帽山一帶各勇練傷斃賊四十餘名此二十八日開仗大勝之情形也二十九日會合再攻舉人葉兆蘭文生周大健蔣筠唐楚翹等帶團丁千餘人渡過對岸進攻賊

營賴署令親督團丁千餘人進攻東門卑府率同各幫辦百長進攻正北東北一帶周參將率同各幫辦百長等進攻東南午刻分路齊出該匪擁出二三千人分路抵拒並紮對岸營內因正東一面悉屬白旗團丁賊先分股來撲賴署令會督教諭陶廷翊訓導童鎮署典史萬錦率槍勇自爲前隊誘賊至近令開連環槍礮奮勇轟擊賊勢不支悉眾奔竄入城團丁乘勝追逐搶城跟進城中一時鼎沸初猶拒住街口迎戰嗣團丁愈進愈多賴署令揮令登城招呼各路兵勇該匪遂開西南二門並紛紛絕城四散逃竄卑府等各路兵勇已將城外賊股趁勢擊散衝殺進城

復殺出城外追逼諸葛嶺與舉人葉兆蘭等督同團
破賊營一座大股潰匪悉往黃土井一帶竄去兵勇
會合奮追沿途擒斬不少內多紅衣紅裙各項賊目
時收隊回城統計斃賊約二百餘名生擒賊並被擄
老小一百餘名奪獲槍礮旗幟刀牌號衣數百件並
餘匹其餘偽戳記冊籍等項甚多悉交賴署令管收
訊辦燒燬此二十九日收復東安城池之情形也惟
生擒逆賊蔣承淙等供稱逆首朱洪英本日駐馬諸
營督令各賊打仗官兵攻進城時卽刻逃遁胡逆已
日前乘夜竄往全州四里洞等語伏念蕞爾一城圍

月幸得收復而首逆潰逃根株未淨卑府等憤恨之餘莫
名慚悚見在會商酌留楚勇協守城垣賴署令妥辦一切
善後事宜茲偵知潰賊已竄全州廟頭宜鄉一帶卑府等
定於八月初一日黎明拔營跟追務期殄滅盡淨不敢稍
分畛域貽誤事機至此次在事尤爲出力之員弁兵勇可
否酌請獎敘之處卑府等未敢冒昧所有連獲勝仗及收
復東安縣城緣由理合會稟

遵札由永郡回衡援勦榔桂稟

五年八月十九日

敬稟者八月十三日夜曾將連獲大勝逆首就戮各情形
縷稟在案十四日卑府與周參將偵探四明山絕無賊蹤

多已零星逃潰卽會合分路追剿沿途接殺百餘復飛諭各團遇有零星逃匪就而殲之毋使一名免脫十五日卑府往蘆洪司周參將往花橋正欲同赴新甯援剿接得劉守來函知己屢獲勝仗事勢頗鬆而卑營等士卒衣糧未備凍餒堪虞卑府等擬赴郡城草草設法備辦再往新甯卑府於十七日周參將督同千總蔣榮華於十八日先後馳抵郡城都司駱元泰署守備侯國恩前在堡里橋嶺口一帶地方接剿潰匪百數十名是日亦同抵郡又接劉守捷音知朱逆一股業經楚勇擊退已由原路竄去卑府適奉衡永道飛札來調見在拊擋一切定於二十日由陸起

程馳往衡郡進剿郴州逆匪卑營奪馬百餘匹賤售之一朝而盡得價數百千卽以充賞以節經費周參將見已分撥左勇前往東安協防擬卽親率兵勇馳回江華駐守所有十四日以後分途追剿並馳抵永郡情形理合稟請憲臺察核批示飭遵

進剿耒陽公平墟股匪獲勝稟

五年九月初十日

敬稟者竊卑府等由衡起程抵耒陽公平墟已將大略情形馳稟憲鑒在案連日偵探首匪李善芝王大才合粵匪土匪共約六七千由永興分道竄來因浹旬大雨山徑險滑正恨進剿太難忽九月初七日未刻探報李善芝分股

滋擾永界花園墟王大才分股已駐耒界太平墟一帶查
兩路離公平墟左右各十五里惟太平墟尤關緊要倘賊
竄過此墟往耒陽城頭頭是道雖張令派勇扼要恐勇分
勢單防不勝防卑府等與張令籌商不如趁此黃昏風雨
出其不意先襲太平墟截竄耒總路卑府與卑職勦各督
湘勇五成出隊張令已派梁致中管帶耒勇三百名於申
刻同抵太平墟卑府等指揮各勇四面圍剿該匪於墟口
放礮施槍抗拒時值大雨我軍火器難施忽卑府營中千
總王開信知縣張運蘭並唐自陶督同百長易普照王廷
邦鮑隆湘各哨盡持短刀身冒槍礮突入墟市內侍勇譚

明亮頭面被火焦爛猶奮勇向前卑府督耒勇湘勇繼進將墟內之匪約三百餘聚而殲之其有升屋負固者經各勇於屋內放火燒斃賊匪百餘名其有逃竄墟市後山者爲百長張南桂等翻山追殺八十餘名潛迹墟外草房者經侍勇何本高等搜捕十餘里奪有平南大將軍並忠義堂旂幟共大小三十餘面擡槍十餘竿小槍刀矛紅巾號衣等甚多馬六匹火藥二桶鉛子二桶比時天色昏暮急欲收隊適探王大才糾合大股在老墟前來救援查老墟離太平墟三里我勇乘黑夜伏兩旁靜待該匪喊吶已至墟口我勇高呼奮起殺出賊眾紛紛奔退未敢窮追因李

善芝在花園墟牽制卽收隊回營時已亥刻初八日天色
大晴正與張令商籌進剿忽李善芝一股約三千餘人由
花園墟猝來直撲卑職勳營盤卑職勳卽派百長戴奉聘
康榮詔伏於本營左側茶山內又派王文瑞督百長陳健
安章厚坤伏於本營右側茶山內卑職勳親督各勇甫出
營門該匪已分半據對營山巔開礮攻營其餘一半持鳥
槍火箭衝突營柵勢甚兇猛卑職勳揮勇接仗該逆死拒
不退親兵百長周克敬督親勇騰身直入賊陣親勇楊長
發手刃數賊登時陣亡卑職勳嚴勵各勇刀鎗齊進內親
勇五名身受重傷尤拌死苦戰各勇更奮殺賊二三十名

該匪大敗奔退王文瑞周克敬戴奉聘分左右截殺四五十名時山上攻營之賊奔下接應卑府親督六成隊乘勢追剿張令已派人督耒勇分途窮追因四圍亂山該賊素悉歧徑易於兔脫沿途僅追殺百餘名卑府等馳逐十餘里將至花園墟因慮各營空虛竊恐王大才復由太平墟竄來或乘虛撲營是以未刻收隊回營幸張令親督耒勇防守太平墟來路要隘因此無虞至耒勇有奪獲旂幟器械已由張令查明申稟卑府等一面加意嚴防一面相機進剿理合將兩日開仗獲勝情形先行馳稟

永興花園墟大獲全勝進援郴桂情形稟

五年九月

十四日

敬稟者竊卑府等已將九月初七八九等日開仗獲勝情形先後馳稟在案連日探得首逆李善芝新添廣匪千餘又糾合王大才陳金剛朱開發江華如來堂各首逆匪眾萬餘盡踞永界花園墟爲巢窟勢將併力竄來卑府等正擬趁各逆聚嘯一處乘此機會督勇痛剿忽十二日辰刻各逆等共率匪黨七八千分五路衝突前來卑府等出六成隊未陽張令亦出六成隊卑府等卽派王文瑞王開信張運蘭程寶文劉本傑王開來唐自陶康榮詔督勇分五路埋伏均離營約半里俟賊前隊經過卽突包圍擊方能

多殺又派兩營長夫火勇伏兩營左右茶山內搖旂吶喊
爲疑兵卑府等親督各勇爲正兵分途迎勦又計廣匪火
器籐牌極精卽嚴令各勇以刀鎗叉鉞在前突進以制彼
長分派甫定賊將近營惟廣匪極其兇悍直撲卑職勦營
百長章厚坤陳健安周克敬身先各勇奮力死戰搶斬愈
多而愈前章厚坤身受要傷數處猶率護哨李玉祥等敵
住至護哨陣亡三名章厚坤因傷重撲地適周克敬救回
卑職勦見陣腳稍動深恐不支卽親督侍壯勇冒死衝出
指揮百長戴奉聘王明輝大呼殺入各勇逾奮連斬廣匪
二十餘名生擒十餘名賊陣始大披靡卑府親率勇敵王

大才李善芝一路百長黃萬友陳品南陳盛世尤耐苦戰
斬獲數十名旋將令旗揮動五路伏兵齊起橫截賊勢大
亂乘機掩殺二百餘名我勇七路併爲兩路追殺三里至
魯壁衝山坡寬處該逆後隊向前恃眾轉戰適張令督率
胡俊彥左光弼等帶勇由該墟之左千總余懷麟督率徐
奏凱鄧啟先等帶領兵勇由該墟之右繞出魯壁衝後山
鈔截賊尾與湘勇三路夾攻殺賊約三百名卑府等親執
桴鼓勵勇兜圍賊眾分竄水田各勇奮追遇賊卽殺斬馘
甚多餘匪盡由花園墟路遁走各勇併一路逐北無如沿
途樹木叢雜該土匪因之竄匿逃散約二三千我勇直追

大股至花園墟墟內之匪二千餘出分兩路接應鏖戰片
時侍勇彭聲發蕭名聲生擒偽軍師偽女帥偽都督百長
李竟成張榮先揮刀直殺進墟口斃賊數十名湘勇耒勇
刀鎗齊進賊棄墟往馬田墟奔走卑府等查此墟村莊極
廣久爲大眾賊踞旂械火藥鉛子銀錢衣物山積其中匿
匪尙多搜剿無暇更慮檢取軍器誤事惟一而派勇四圍
放火一面督勇窮追餘匪至板嶺馬田墟小隴衝將賊柵
盡行燒毀殺賊二百餘名該逆多由油榨墟豕突狂奔而
去亦有逃往羊舞坪一路者比因各勇極其飢疲卽令收
隊驗花園墟燒斃之匪不可勝計於酉刻回營查旗幟除

燒燬拋棄外陣前奪獲已百餘面擡槍鳥槍籐牌各數十
件刀鎗不計其數馬八匹生擒土匪三十一名粵匪四十
三名分各營熬審內有僞軍師僞女帥僞都督先鋒等十
一名身邊僞印四顆逆信十餘件均卽正法未勇亦生擒
土匪廣匪多名竊思此次痛剿各首逆拌命齊來雖殺戮
近千其土匪乘此機解散定復不少足以寒逆膽而快人
心但各首逆未擒何祿之眾猶在郴郡陳義和見糾黨羽
二三千人盤踞桂郡難免不復行誘脅舉府等惟有審察
機宜設法進剿誓將郴桂次第廓清以紓憲廩理合將此
次大獲全勝緣由馳奉憲臺俯賜察核至耒陽縣奮勇出

方各員勇應由張令查明稟報合併申明

力戰克復桂陽州城稟

五年九月二十七日

敬稟者竊卑府等九月十九日馳抵桂陽州離城十五里之仁義墟二十日攻城已將獲勝情形馳稟憲鑒在案旋於二十一日據探報該逆已將城外房屋燒燬過半並欲加築土城負隅死守爲郴城掎掎與郴匪源源接應積糧造械等語卑府與梅署牧並戶部主事陳士杰商籌若併力攻城徒傷士卒不能猝下不如誘之野戰痛勦窮追則此城操券可克又恐該逆不肯出戰惟有一面大造攻具預備飛雲梯橋等器出其不意多方誤之又於二十二

十三二十五等日疊派團勇湘勇設法誘戰該逆固守不出凡收隊時城中出賊三五百名不等尾追被各勇用計埋伏俱有斬獲至二十六日辰刻據探該首逆何祿由郴郡派來匪黨千餘名並城中之匪三路分撲營盤每路約千餘人卑府等與梅署牧陳士杰等籌畫預派團勇湘勇持攻具繞道襲城卑府卽同梅署牧陳士杰各分路進剿卑府出湘勇全隊遇賊於離城八里之馬鋪橋幫辦王開信督百長易普照陳盛世力戰兩刻殺賊一百餘名忽卑府督百長戴奉聘周克敬繞小路前來橫衝賊陣爲兩段賊大披靡乘勢率勇追殺二百餘名又探報陳士杰督勇

在離城十里亭開仗卑府卽督百長陳健安谷楚南前往
接應適逢陳士杰正在酣戰已殺賊二百餘名卑府乘機
兜圍截賊後隊斬獲百餘名該匪紛紛往北門路上狂奔
正在並追適梅署牧督各團紳勇已由竹子嶺迎頭勦賊
獲勝沿途截殺百餘名卑府遂與陳士杰合路且追且戰
直至城下因先派去之湘勇團勇已經持具攻城該逆不
敢進城尙有二千餘繞道由郴州路上而遁各勇追殺數
里卽調回攻城梅署牧攻西門陳士杰攻南門卑府攻北
門仍督勇循環三門接應獨留東門不圍俾餘匪得以尋
路竄擲使有戀生之心而無困獸之鬪又免其竄至臨武

嘉禾監山轉形牽制惟派城守把總許朝林訓導譚煥督
團勇五百名伏於東門外五里之上燕山又派州同金德
輝吏目馬開智督勇五百伏於東門外十里八十石地方
均囑俟敗匪奔逃過半突起來擊分派肅定卽督勇環攻
因城中之匪尙有二千城上火箭火彈槍礮如雨傷亡湘
勇黃得勝高正新李邦迎魏良田受傷十餘名幸四圍皆
山卑府令勇於山脊施放槍礮火箭搖旂吶喊不令近城
至酉刻度城中火藥將盡賊意稍懈旂幟不整卽囑卑府
兄勳同梅署牧陳士杰並力攻西南兩門其北門抗拒之
匪半往救援卑府暗派王文瑞劉本杰柳諤陳名鈺督百

長劉榮華譚玉堂張南桂喻煥成黎以成搬運飛雲梯等
具迅速登城刺賊三名大呼城破各匪亂奔城中大噪城
外雲梯並舉卑府與梅署牧陳士杰率眾頃刻登城百長
張厚坤尹生友李竟成張榮先康榮詔與各團紳士等分
途巷戰斃賊共二百餘名餘匪由東門免脫者尙一千數
百名竄向郴郡卽派各勇跟追十餘里與許朝林金德輝
等兩路伏兵共殺賊近二百名團勇生擒粵土匪七八十
名湘勇生擒粵土匪二十九名侍勇曾聚賢陳得勝各擒
穿紅袍賊目一名各勇奪獲旂幟等件不計其數時已戌
刻不能遠追皆收隊回營將生擒之匪訊供正法此二十

六日大獲全勝克復桂郡之情形也見今梅署牧安撫居
民查拏餘匪同陳士杰共辦善後卑府欲督勇乘勝攻郴
但恐適郴匪徒往油榨墟與土匪嘯聚下竄則耒陽一帶
依然喫緊見擬轉回由下勦上又探桂郡羊舞坪尙有土
匪聚集卑府於日內由羊舞坪一路勦土匪至油榨墟並
永邑之花園墟調見駐耒陽公平墟之湘勇五百名合攻
油榨墟俟肅清永興再與各路兵勇網圍攻郴已囑陳士
杰率團勇駐郴桂路上擇隘防堵爲將來會合攻郴之舉
又恐敗匪由興甯竄茶陵或由西風渡竄淝江已經函請
各處嚴密截勦此兼防下竄各路之情形也是否有當仰

懇批示遵行理合將見在大獲全勝克復桂陽州城池情形先行馳稟至會同打仗克城出力各團紳勇概歸梅署牧查明稟報合併聲明

批據稟二十六日攻克桂陽州情形甚爲欣慰該道布置得宜士卒用命團紳陳士杰等同心協力迅復州城殊堪嘉尚之至惟餘匪竄郴者人數尙眾見飭劉守帶楚勇一千三百餘名督同李將一軍前赴郴州進剿該道旣擬由油榨墟進剿務宜彼此聯絡並督飭郴宜團紳四面兜圍無令漏網致成不了之局驅賊出境便謂了事此近來用兵之弊不可效也願益勉之北路賊眾兵單亟須迅掃餘

氛庶免兼顧切切該州出力紳勇卽由梅署牧陳主事核實開單稟請獎勵可也

擊招旅股匪大勝由羊舞坪進規榔城稟

五年十月

初二日

敬稟者卑府等於九月二十六日大獲全勝克復桂郡情形業經馳稟在案連日同紳士陳士杰幫梅署牧籌辦善後整齊各鄉團練三十日辰刻餘匪滋擾保和墟經梅署牧陳士杰曠都司顧軍功各派團勇進剿獲勝卑府等正擬拔營由下窰上繞羊舞坪搗油榨墟攻榔州忽於三十日戌刻探得李石保仍糾合榔州大股由榔桂大路前來

攻撲桂郡聲稱報復卑府等卽與梅署牧陳士杰商籌若非由此路進兵乘機痛勦則桂郡雖復終難安枕於十月初一日卯刻梅署牧嚴守州城加派人和義正吉利尙義清盛太和六團團勇隨同陳士杰由風箱鋪大路迎勦卑府等亦於卽刻拔營抵離桂郡十五里之風箱鋪駐紮旋探該匪夥黨約三千餘前隊已擾及離桂城三十五里吳山之曹家村陳士杰已督勇由大路前進卑府等督七成隊繞招旅地方小徑鈔賊之後至午刻各勇皆全集曹家村該村背山面河在村逆黨祇千餘見前後無漏網處誓與匪徒背水死戰各勇槍礮齊施經一時有餘斃賊約二

百名該匪猶拌命抗拒卑府等指揮王開信王信揚督百長陳盛世劉榮華直前衝突卑府亦督百長戴奉聘周克敬譚玉堂併力撞入賊隊殺賊數十名賊始大亂各勇兜圍刀矛並進將該匪除斬獲外盡逼河內覺水兔漏者約二三百人餘俱帶傷隨波逐流而斃正擬收隊忽對河山上又到逆匪約二千名卑府卽派百長陳盛世易普照張南桂喻煥成李春蓮繞下三里淺灘截賊之右度其俱已過河卑府卽派百長李竟成尹松友陳健安童榮仙康榮詔繞上里餘歷淺灘攻賊之左該逆蟻聚河邊放噴筒槍礮忽陳盛世等已從右路殺到該逆邊左右接應什長李

敬堂單刀直前生擒僞都督周國彪交與各勇卽翻身再入賊隊手刃十餘賊遇烏槍陣亡各勇更加奮恨齊心痛勦侍勇陳德勝揮大刀連斬七賊鄒昌餘舉旗手獲僞軍帥周國彩百長易普照斬戮紅風帽紅袍騎馬賊目賊眾始大驚潰往郴州狼奔各勇進勦七八里沿途獎賊二三百名卑府卽傳令收隊酉刻回營生擒廣土匪十五名奪取僞檄信件簿冊旂幟極多馬十六匹查僞籍等件文字極工皆出僞軍帥周國彩之手卽令同僞都督周國彪凌遲處死其餘十三名均訊明正法伏思該逆以桂郡敗餘之匪膽敢糾集夥黨復來報仇實屬愍不畏死經此番痛

勦殺戮淹弊極多其郴州何祿諒必膽寒土匪自多瓦解
桂郡善後已囑梅署牧陳士杰曠都司顧軍功督衡勇團
勇分隘防堵定保無虞卑府日內仍拔營由羊舞坪搗油
榨墟攻郴州城又調公平墟卑府兄勳營湘勇五百名由
北而南至高田司搗油榨墟又思桂郡克復則白沙一帶
不關緊要卑府已函致見駐該處帶領楚勇之守備黃輔
鼎拔營由北而南至油榨墟會合攻郴卑府等一面先將
永邑肅清進攻郴郡方免該匪兔脫下竄庶幾妖氛迅掃
奠安生靈以慰憲廑理合將此次勦賊大獲全勝緣由先
行馳稟其團勇出力並奪獲旂幟等件均由梅署牧會同

紳士查明稟報合併聲明

批據稟初一日招旅地方接獲勝仗情形均悉該匪等連次被勦膽寒兇鋒已挫仰卽迅速由羊舞坪節節搜勦前進劉守已帶楚勇會同李將由安仁興甯進勦兩路均由北而南自可迅速蕲事惟須設法兜勦杜其旁竄免成不了之局庶辦一事卽了一事刻下北路又復喫緊非速將南路肅清則兵勇不敷分調該道等必能與劉守聯絡一氣迅奏膚功也盼之勉之

在郴境連日獲勝並踏毀瓦窰坪賊壘稟

五年十月

初十日

敬稟者竊卑府等已將初三日至初七日郴桂未永各處
屢獲全勝情形馳稟憲臺在案初八九兩日駐營郴州草
亭鋪探報西楓渡五里牌一帶有零匪滋擾鄉村每派五
成出隊分途往剿俱有斬獲永興縣境見已肅清餘匪均
退郴州瓦窰坪離郴州三十五里鋪屋一百餘家爲郴水
陸咽喉各匪盤據已久僞稱總糧臺由中渡地方設立浮
橋通五里牌往來永各屬頭頭是道若不先將此巢剿洗
難攻郴城卑府等率同守備黃輔鼎於初十日移營於五
里牌安紮未完忽探賊由郴州城瓦窰坪分三路每股千
餘來撲各營卑府卽派七成出隊囑卑府兄勳帶十哨勇

迎勦中火鋪榔城之匪又囑黃輔鼎帶楚勇迎勦街洞榔
城之匪卑府親督老五哨勇率同耒陽張令派來之耒勇
榔勇迎勦瓦窰坪之匪分派甫定各匪近營我勇橫衝正
擊其弊賊二百餘名該匪退奔黃輔鼎由街洞追賊至離
營十里之唐家衝收隊頗有斬獲卑府兄勳由中火鋪追
賊至牛形坳該逆據險接戰劉本傑王文瑞督同百長周
克敬戴奉聘康榮詔尹松友譚發津等奮力攻擊連斬紅
旗賊目三名各匪紛紛潰散分匿沿途山谷我勇追殺至
離營二十里之荒衝千餘之匪僅剩三四百逃往榔城方
欲收隊忽聞瓦窰坪儼聲不絕卽移隊往彼助戰因卑府

督勇沿途殺至離營八里之瓦窰坪河邊匪股尙計千餘
忽分四五百沿河上下奔竄卑府卽派鄧啟先帶張令之
柳勇往沿河上追剿又派胡俊彥帶張令之耒勇往沿河
下追逐又派戚牧團勇於四山按剿正擬親督五哨殺過
浮橋忽對河巢窟出長髮廣匪千餘突過浮橋抗拒槍礮
噴筒火箭火彈交集我勇鏖戰時餘賊勢愈悍陣亡護勇
鍾自高一名受傷十餘名卑府見賊勢如此非冒險出奇
必難取勝卽派百長易普照陳青雲王定邦帶兩哨勇繞
下五里黃牛灘潛渡鈔襲親督三哨勇接戰該逆見我勇
勢單皆持籐牌前來撲陣極其兇猛幫辦王開佶王開來

朱衢督百長陳品南黃萬友鮑隆湘鐘光楚拌死敵拒半
時之久恰於危急存亡之際適百長易普照等已到賊巢
徧行放火掩襲賊後兩岸之賊乍見巢窟烟燄滔天喊聲
震地不知何路大兵來矣逆魄爲之大奪相繼驚潰卑府
督侍壯勇陳得勝等首先衝至橋邊卑府兄勳督十哨勇
亦已趕到乘機痛殺該逆奔竄過橋擁擠落水者不知其
數我勇追斬過橋七八里至兩江口之上共斃賊七八百
名生擒一百有零餘匪皆孑身逃遁時已酉刻卽行收隊
查賊巢鋪屋百餘家火器旂幟財物糧食皆積之數月盡
付一炬我勇回營沿途拾取尙有大小旂幟一百四五十

面銅礮鐵礮刀槍籐牌約三四百件偽印二十餘顆偽信簿冊甚多生擒之匪內有偽元帥軍師都督等偽官二十餘名概行正法查張令所派之耒勇郝勇殺賊一百數十名生擒十餘名奪獲旂幟偽印等項一百餘件戚牧之團勇亦搜獲賊百餘名奪有旂幟器械等件至瓦窰坪之戰若非卑府之老五哨並侍壯勇出九死一生之中不獨不能收此奇捷更有不堪設想之處但該逆屢次撲營而屢經痛剿尙敢遊魂嘔強蜂擁前來足見其兇悍詭謀大非尋常土匪可比見雖孤注一城卑府猶慮其鋌而走險相戒尤宜謹慎小心大勝之後不敢稍玩先防分竄再議進

三月五日
攻有隙可乘卽或劉守李參將之軍未到自應相機攻克
斷不敢以克復城池塞責致使餘匪漏網以紓憲厘理合
將初八至初十獲勝並瓦窰坪大獲全勝情形馳稟伏乞
察核批示

連日進剿獲勝並進攻榔城外賊營稟
五年十月十

九日

敬稟者竊卑府等已將初十日剿賊郴州瓦窰坪大獲全
勝情形馳稟憲鑒在案本擬乘勢攻榔因慮各路間有團
練未成恐東擊西奔依然未了之局况剿散土匪自知稔
惡已久爲本鄉本族所不容欲歸不得每三五十成羣晝

伏深林密箐夜出擄掠鄉村在在皆有若督勇往勦影響俱無卑府等以爲此等餘匪不除遽往攻郴難保不乘勢下竄驚怖各邑一經嘯聚又成鉅黨是以與戚牧商籌連日派湘勇團勇永興王令之嚮導勇未陽張令之耒勇每路以百人爲率合共十餘路分搜於隱僻地方自十一日起至十八日止陸續擒斬數百孥獲賊目多名距郴城一二十里以外皆已肅清戚牧見將東西南北四鄉之團練辦成約壯丁五六萬雖未盡能戰亦足以壯聲勢而杜匪源方能節節相制步步爲營卑營於十九日進紮城外十五里之株木山安棚未定廣匪擁至卑府等卽督湘勇團

勇未勇邀戰賊眾紛奔沿途追殺二百餘名生擒八名我
勇直抵城外餘匪紛遁入城賊營兩座紮東南塔嶺均闊
大堅固卑府兄勳先督勇直攻南塔嶺賊營嶺上逆匪抗
拒礮石如雨新湘勇受傷十餘名卑府見天色已暮卽仿
疊陣式收隊沿途檢取旂械百餘件查土廣匪尙計盈萬
其百戰之餘最兇悍者約居其半糧食火藥器械皆聚之
四五月該逆知外援已絕團練已成惟負固死守我軍若
不先克兩營難以攻城查奪取賊營洋槍擡礮火箭噴筒
等件製造極精放用又其素習若我勇冒險進攻徒多傷
亡士卒必與東安之役無異欲求添兵又恐有不耐死戰

者轉成互相觀望之勢况此等猾賊屢受痛懲卽誘之野戰亦慣知趨避利害難以多殺籌慮及此焦灼萬分卑府等惟有振刷精神嚴厲士卒不辭萬苦以報憲恩知遇之隆理合將十九日進紮株木山獲勝情形馳稟伏乞察核批示

二十二十一兩日連獲勝仗稟

五年十月二十三日

敬稟者竊職道等已將十九日獲勝情形馳稟在案二十日卯刻探報該匪分三路來撲營盤職道卽派王開偕王開來朱衢督百長黃萬友王萬友陳品南鍾光楚鮑隆湘帶三哨勇同團勇由左小路黃茅嶺直達城外職兄勳派

王文瑞督百長戴奉聘康榮詔周克敬帶兩哨勇同團勇由右小路花古衝直達城外均俟正兵追賊至近齊出夾擊又派湘勇團勇將營前三里一帶樹林內處處埋伏至辰刻逆匪約一二千沿河兩岸飛奔而至我營毫無聲息度該逆火箭槍礮施放將盡各營旂鼓齊起伏兵突出職道等督勇爲正兵三面掩殺斃賊三百餘名生擒二十餘名各路併力追剿至離城五里之下楣橋城外之匪合股突來抗拒共約三四千極其兇悍張令前派胡俊彥所帶耒勇首先衝入賊陣該勇被賊眾烏槍齊發立刻陣亡十一名胡俊彥猶督勇向前死戰殺賊四五十名適職兄勳

督百長李竟成張厚坤涉港潛至橫截賊陣之左殺賊二
三十名王開信王文瑞等由左右小路鈔襲賊後喊殺大
震賊陣大亂職道揮勇追至桂茅嶺敗匪分竄城外街巷
職兄勦進攻南塔嶺賊營營中火箭火彈噴筒槍礮石子
如雨而下職兄勦親冒礮石持刀督陣退者立斬皆拌命
飛登前者傷亡後者繼進攻至時餘因營壕深闊遍布鐵
蒺藜萍難逼近牆柵職道見精銳之勇多有損傷恐難爲
繼卽傳令收隊檢取旂械百餘件此次雖經湘勇耒勇團
勇用命獲此大勝然獲勝後追剿十五里直攻賊營冒死
前進新湘勇陣亡至二十五名受傷二十一名老湘勇陣

亡七名受傷二十五名未勇陣亡十一名受傷五名團勇
傷亡十餘名較攻桂郡損傷尤多職道等非不愛惜士卒
之命冀早蕝事一日以節一日之饜若曠日持久以盈萬
之賊終難自斃况團練共計新集五六萬各守本鄉之隘
撫此瘡痍何能久供斯役萬一生懈盡廢前功今戚牧已
責令陳善溶於良田萬歲橋一帶堵截甚嚴該匪歸路已
斷勢成困獸職道等不得不疾搗巢窟此二十日獲勝之
情形也二十一日擬稍休息再設法進攻不意該逆突於
巳刻前來撲營職道令各勇半伏於營前三里半守本營
傳令不準出隊俟日昃時該匪飢疲必退退而奮擊鮮有

不勝湘勇未勇團勇皆屏息以待雖賊之火箭連傷湘勇
五名無有驚者擾至申刻賊技已窮陣腳稍動各營鼓起
伏發職兄勳督勇由正路衝下百長戴奉聘周克敬康榮
詔陳盛世易普照張南桂陳青雲並胡俊彥鄧啟先等帶
勇分左右山衝下均憤氣勃發側擊橫衝圍殺匪黨三百
餘名追勦五里生擒二十餘名因昨之傷亡過多未便進
攻卽收隊回營各勇銳氣甚盛皆懇懇進攻城營職道以
爲主客之勢旣殊難免不損傷士卒當須乘勢善導多方
誤之總期一鼓聚殲迅圖克復以紓憲廩理合將二十二
十一日獲勝緣由縷稟察核所有傷亡湘勇容俟造冊彙

報其帶柳勇鄧啟先等並各紳士所帶團勇殺賊奪械情形除將團勇尤爲出力者立賞功牌外餘歸戚牧查明稟報合併聲明

勦賊大勝陣亡知縣魏承祝懇奏請從優議卹稟

五

年十一月初六日

敬稟者竊職道等已將十月二十日二十一日連獲勝仗情形具稟在案二十三日李參將輔朝督勇到柳駐紮東路距城二十里之唐灣離卑營三十里職道等常與守道李參將戚牧千總蕭紹鈴陸費棻陳士杰陳善溶聲息相通聯絡一氣或此勦彼堵或約期齊進務期聚而殲旃卽

有敗匪竄逸皆約併力截剿斷不以克復爲了事二十四日派湘團柳耒各勇分途誘戰該逆負嵎不出二十六日未刻親督各勇到營會商進攻適探李參將於離城五里阜角樹地方與賊接仗守道卽派帶衡勇紳士魏承祝合麒焮鳳海各勇同職兄勳湘勇並戚牧之柳勇張令之耒勇出隊至下楣橋該逆依然負固日暮收隊十一月初一初二兩日探賊欲竄竊慮一方失利賊可倖逃惟多派湘團各勇分伏各隘伺其出而要截之無如首逆何祿狡詐異常有時城上偃旗息聲故搬運器械於近城一帶作逃走之狀或數百匪飄忽山脊又將各處水港暗藏鐵杙鐵

疾黎冀圖誘陷官軍雖我軍相機應之該
三日守道密約東南西北各路限初五日
並進大舉環攻初四日李將陸費棻陳善
如約同時進攻初五日黎明守道派魏承
同張翔程寶文之鳳勇胡松林滙元之海
芳之赫勇由花園裏前進派黃輔鼎林紹
坪墟前進戚牧親督曹榮快李雲峰張國
團勇並鄧啟元鄧啟先柳勇由黃茅嶺齊
撥來張鶴超所帶耒勇同職道兩營湘勇
攻時已辰刻魏承祝同海鳳麒赫健銳勇

督團勇抵同心嶺職道等抵桂木嶺無如近城多山東南兩路開仗不知虛實正擬繞道逼城忽匪六七千由西北兩門蜂擁而出蟻集三四里職道與魏承祝戚牧巖督各營分途痛擊刀鎗並進槍礮齊施戰約三時斃賊無數賊知無路可遁雖屢退而仍前魏承祝恃武技素精棄馬步戰督勇橫衝直撞連刺殺紅袍騎馬賊目二名賊大披靡魏承祝乘勢殺至北湖橋不意水星樓突出悍賊約二百餘魏承祝首先衝出同親兵王福羅繩祖陣亡其親兵潘玉海潘廷海張玉腴向前奪取骸骨身受重傷惟時湘衡焯海鳳麒健銳團柳耒各勇乘勢追擊潰匪共斬二百餘

名生擒廣匪十二名奪獲旗幟五十餘竿餘匪分遁入城
時將申刻職道等約計賊數尙逾萬料難卽克又探報李
參將陳善溶蕭千總在東南兩路開仗獲勝回職道等亦
傳令收隊卽將生擒廣匪訊明正法此次攻城大獲勝仗
陣亡同知銜前貴州荔波縣知縣魏承柷該故員經濟素
裕忠勇性成兩年辦理衡永各屬團防屢收實效今督勇
臨陣殺賊捐軀節烈尤彰情殊可憫仰懇憲恩核明 奏
請從優議卹職道等未能迅速蕝事負此賢員應請嚴參
以肅軍令理合將十月二十三日至十一月初四日情形
並初五日獲勝緣由馳稟察核

遵札兼統鳳海焮健各營並請給餉稟

五年十一月

初六日

敬稟者竊職道十一月初五日接奉憲臺札開郴州一路見當勦辦喫緊之際誠恐該委紳兵力尙單不敷調遣所有焮勇健勇鳳字營勇及海勇共二千一百餘名自應統歸節制調遣以一事權而期妥速飭卽遵照相機會商妥慎辦理隨時稟報等因奉此仰見籌慮精詳體念備至欽佩實深同日接準守道移知前由並據管帶焮勇鳳勇海勇各該員弁具稟前來伏查各該營勇歷經守道撫綏訓練屢著戰功見又飭行各該營管帶員弁申明紀律並飭

煇鳳兩營移紮沙山嶺海勇移紮汗池塘健勇仍紮荷坪
墟會合各路團丁聯絡聲勢隨時調度進攻惟聞各營口
糧積欠已久若專俟衡局接濟深虞籌畫艱難見值攻剿
喫緊之際若愈欠愈多斷難枵腹從事况職道一軍又萬
分支絀分潤維艱茲當饑項拮据固知憲臺籌撥不易特
以必不能終少之項又值迫不可緩之時惟有仰懇行催
總局迅賜籌餉解營以憑轉給俾得固結眾心免致隕越
憤事感沐鴻施實無既極所有遵札兼統鳳海煇健各勇
緣由理合馳稟

請頒發功牌俾得隨時填給鼓勵軍心稟

五年十一

月初十日

敬稟者竊職營於八月十九日奉到憲札並發功牌一百張自九月移師東上凡各勇及紳團勦賊出力者職道核其功績大小宣示憲恩隨時酌填給賞在身受之人固深感戴而旁觀者亦莫不鼓舞奮興故兩月以來屢獲奇捷迅復桂郡城池莫非福庇所致也昨奉札飭開東安戰士保舉而各勇進退無常數在一千以外 朝廷名器至重豈宜濫邀但曾立戰功者又未便泯其勞績擬將不合保舉之勇核明補賞功牌且職道奉委兼統鳳海焮健各勇遠添二千餘名當此攻勦萬分喫緊之際亦應及時鼓

勵以期迅速奏功查前次奉發功牌業已用罄茲特稟懇
憲臺飭承印發功牌三百張札發下營以便隨時酌填給
賞斷不稍涉冒濫以求仰副憲臺期收實效之至意是否
有當理合稟請批示飭遵

連日鏖戰獲勝忽報周副將趙署參將苦戰陣亡分

勇馳援永明甯遠稟

五年十一月十四日

敬稟者竊職道等將初五日獲勝情形具稟在案初七日
午刻該逆一二千來撲營派各勇埋伏以待無如該逆愈
戰愈猾以數十賊時進時退於營前逡巡至申刻見我軍
令旂揮動卽相率狂奔各勇追五六里僅殺二十餘名生

擒二名奪旂二竿初九日探楚營開仗職兄勦率十哨勇
前往攻城以分賊勢該逆放槍礮而不出我勇攻至酉刻
收隊十一日辰刻探股匪大至職道卽派焯鳳海健銳各
營文武委員由溫塘口出隊攻截賊尾又派張令撥來之
張鶴超督胡彥俊所帶耒勇同新營百長李竟成周先我
康榮詔並各團紳等伏於離營里許之右山兼顧花古衝
小路又派百長黃萬友王萬友易普照同鄧啟元柳勇及
各團紳由營右黃茅嶺小路至桂茅嶺繞出夾攻賊牧督
紳勇隨職道督各幫辦百長等由正大路迎勦與賊接仗
賊卽敗奔各勇追至銅坑湖殺賊七八十名正兵收隊該

逆後隊續到欲乘我之勝而不備飛奔營前兩路奇兵並
海焮鳳健銳各營勇分左右繞出賊後湘勇團勇由本營
山上乘勢壓下四面掩殺賊匪二百餘名奪獲旂械無算
追至桂茅嶺酉刻收隊十二日該逆率眾復來各營堅壁
以待該逆紛罵至未刻隊伍漸亂各勇突出追七八里至
潘家村該匪轉旂返撲各勇奮擊殺賊四十餘名賊始潰
遁新老湘勇陣亡二名至十三日賊約五六千人分三路
而來兩小路多而大路少職兄勳督同百長周先我戴奉
聘陳健安將正路節節紮住輪番攻勦派王文瑞督李竟
成張厚坤同胡俊彥耒勇並曹榮快李雲峰之團勇堵截

右路之賊職道隨派王開估督百長黃萬友王萬友陳盛
世陳青雲等助大路一枝迎勦派易普照鍾光楚喻煥成
等同張國寶陳善墀率選鋒團勇並鄧啟元柳勇堵勦左
路之賊又調健銳海焮鳳各營委員督本營勇飛由汗池
塘截出辰刻該逆正路來撲職兄勦督各勇屹立不動槍
礮火箭相對至巳刻三路並進賊勢極其兇悍前隊敗退
後隊疊進屢敗屢止各勇步步寸進申刻逼賊至桂茅嶺
總路賊拌死相抗湘海鳳焮健銳柳耒團勇共不下五六
千亦難再進然該逆拌命衝來我軍頗有山立不移之勢
彼此均不能收隊苦戰至黃昏賊稍卻我進賊又止相持

至戌刻職道思苦戰六時若黑夜收隊必至誤事囑職兄勦親督侍壯勇嚴令各勇竭盡飢疲之力冒死前進適黃輔鼎督哨長舒再元郭昇信王政坤率勇奮力衝突賊始大敗各勇掩殺賊匪二百餘名生擒十六名奪旗械百餘件因暮夜難追不能痛殺查此戰湘勇尙無陣亡惟受槍礮傷者三十餘名據生擒之匪供稱城中之匪實計一萬數千何祿陳金剛王大才李華芝李石保商議仍欲拌死下竄耒陽因團練早將米鹽鴉片煙斷其接濟四面兜圍二十餘日城中不無匱乏所以拌不甚愛惜之命屢敗屢來戚牧多方設法解散脅從並誘土匪與粵匪自相攻擊

奈該匪於蔓延之時彼此各不相下當此窮蹙之際又互相結爲死黨牢不可破雖疊派投誠團勇諭以利害該逆自知流毒太深恐將來爲團練不容又廣東防堵甚嚴以致粵匪不能返粵土匪不敢歸家困獸思逞深慮鋌而走險職道籌思倘榔桂各隘有隙可乘則功虧一簣業派海鳳焯健銳各營於榔桂各隘棋布星羅首尾相應聲勢極爲聯絡俟同劉守李將戚牧蕭千總紹鈴陳善溶陳士杰等節次將黨羽翦盡再作環攻之舉定可聚殲不意於十三日亥刻連據探報粵西朱逆一股竄陷永明周副將雲耀血戰三晝夜與城俱亡又探稱趙署參將永年追土匪

至甯遠陣亡職道不勝驚駭負咎實深感憤之懷幾難自
遣連喪名將二員承屬兵力更單若震動衡湘尤難收拾
此地又當攻剿萬分喫緊不能親往應援惟漏夜札委焯
鳳兩營勇共一千名於十四日卯刻拔營馳赴甯遠永明
相機進剿又探聞衡郡西鄉土匪欲逞並札麒勇二百名
隨守道赴衡剿捕如郴城克復淨賊根株職道卽親督湘
海健銳各營星飛馳往永甯一帶剿辦但見在各營口糧
虧欠甚鉅若省局不能設法迅爲多解則士心必變大局
有不堪設想之處此則職道所爲萬分焦灼者也所有初
七十一十二十三等日獲勝並分勇馳援永甯各緣由理

合馳稟

王壯武公遺集卷四終

湘潭朱士宜校勘

王壯武公遺集卷五目錄

稟牘五

覆陳郴城克復需時未便移軍永州稟

咸豐五年十

一月二十二日

二十六日力戰克復郴城稟

五年十一月二十六日

窮追郴城竄匪疊次大捷稟

五年十一月二十八日

遵札保舉永明東安出力員弁稟

五年十二月初一

日

連日追賊大勝郴桂宜臨一律肅清稟

五年十二月

初六日

陳郴桂一帶善後情形并報拔營赴永明江華日期

稟 五年十二月初七日

赫鳳兩營進剿永明獲勝稟 五年十二月十二日

請將按兵不救主將之陳楊二弁發交審辦稟 五年

十二月十三日

連日進剿獲勝收復永明縣城稟 五年十二月二十

二日

永明餘匪竄江華追剿大獲勝仗稟 五年十二月二十

十八日

連日剿賊獲勝并裁汰海左鳳赫永銳各營以節餼

精稟

咸豐六年正月初七日

克復江華縣城并連日追剿及布置一切情形稟

六年正月二十二日

覆陳剿辦連屬股匪喫緊請緩造間保獎稟

六年二月十五日

請調李將一軍由宜赴江永一帶駐防稟

六年三月二十四日

陳自正月二十三日以後六十八日搜捕土匪進剿

連陽各處股匪及凱旋道州裁汰各勇卽駐衡郡

暫難遵札赴鄱防剿稟

六年四月初一日

遵示回籍養疴懇清饜項以便交卸營務稟

六年五

月初四日

覆陳駐衡湘勇久勞均須養息未便遽赴宜章剿禦

稟

六年五月初十日

遵諭力疾赴草市堵剿因賊遠竄率所部回衡仍請

暫歸養病難遽統領朱南桂一軍各情形稟

六年

六月初五日

王壯武公遺集卷五

稟牘五

覆陳郴城克復需時未便移軍永州稟

咸豐五年十

一月二十二日

敬稟者職道已於十一月十三日調煉勇五百名鳳勇五百名進剿甯遠永明又調麒麟勇二百名剿衡郡西鄉土匪具稟在案旋於十九日辰刻奉憲臺札開粵西逆匪朱洪英等合股竄陷永明甯遠亦有賊股滋擾該委紳王道應卽察看情形如郴城之賊難以剋期蕺事卽將郴州事宜移交劉守接手辦理該道卽督全軍刻卽拔營起程馳赴

永州沿途確切查探相
稟報等因奉此職道本
難移動計郴城之賊尙
其兇悍可想而知今鬪
實深因前與守道戚牧
其米鹽鴉煙官軍嚴守
有餘匪鋌而走險官軍
探城中米鹽鴉煙俱已
勢雖窮蹙安有延頸受
匪供云賊欲盡數拌命

何處有隙卽竄何處郴城一日不克西北一日不可稍懈刻下官軍雖多分往則少不能不藉助於團練職道前在公平墟因聞桂郡之團練正在岌岌難支之際故督勇前進克復城池又於招旅大捷民心始固至郴郡皆召回流寓之紳糾集潰散之民竭哀黎之錢穀成數萬之義兵實守道之至誠開導戢牧之德政在人所致然自經職道來郴後二十餘捷百姓始益敢明目張膽與賊爲仇若遽棄之而去無論民心不從卽能勉強難免不立見解體如洪流潰決桂郡永未必重遭荼毒卽使職道重來亦不能如前日摧枯拉朽患有甚於永明之難收拾者緣屢勝之賊

易攻屢敗之賊難滅見功成約有九分緊則諒能聚殲鬆
則重覓滋蔓劉守一軍足稱勁旅然移之於株木山民心
未必見信而興甯一路亦甚喫重李將雖經十餘捷然已
無餘力其勢有難獨支職道素來赴援惟視緩急不待奉
調豈以永屬之急反置膜外實以全軍尙未制郴賊死命
今遵札赴永誠恐死灰復然以貽憲憂二十一日李將戚
牧又親到職道營約期大舉會攻見與劉守函商如能克
復城池剷除大股職道卽星飛赴永決不刻延以重愆尤
而負憲德理合將此地賊勢民情不能移軍赴永緣由縷
稟憲臺察核批示

二十六日力戰克復郴城稟

五年十一月二十六日

敬稟者職道等已將十三日大獲全勝情形馳稟在案連日出隊俱有斬獲二十一日李將戚牧親到職道營訂期二十五六兩日大舉環攻二十五日劉守李將蕭千總等斬獲甚多職道之勇未殺一賊二十六日卯刻職道派張令撥來張鶴超督胡俊彥之耒勇并胡松之海勇黃輔鼎之健銳勇由花園裏前進戚牧親督李雲峯曹榮快張國寶陳善奎所帶團勇由黃茅嶺前進鄧啟元鄧啟先帶郴勇同職道與卑職勳并本營幫辦王開佶王文瑞由大路進辰刻均抵桂茅嶺該逆數千由下楣橋抗拒各路均奮

力痛擊至已刻殺賊五六十名賊奔我勇乘勢趕上至同心嶺賊立住再戰三時之久被我勇截殺二百餘名維時李將劉守陳善溶蕭紹齡崔大光兜圍并進賊勢大潰且戰且走我勇於申刻乘勢克復城池殺賊三百餘名奪獲旂幟騾馬偽印冊簿等項不計其數餘匪不支往桂郡雷打橋路上逃竄職道帶勇跟追殺賊四百餘名生擒一百餘名新老湘勇受傷二十餘名見在一面飛知陳士杰梅牧督團練堵截并派黃輔鼎馳抵桂城又派海勇往羊舞坪分途圍剿職道因時已戌刻擬於明日寅刻同劉守李將拔營前進或橫截或分勇尾追定能掃盡根株以慰憲

塵職道如將此股撲滅無餘卽馳赴永明剿辦西匪斷不
稍有刻延理合將大獲全勝克復郴城緣由先行馳稟憲
臺察核

窮追郴城竄匪疊次大捷稟

五年十一月二十八日

敬稟者職道等已將二十六日申刻大獲全勝克復郴城
追賊情形馳稟在案比日酉戌亥三刻連派幫辦王文瑞
王開佑劉本傑郭嘉勳文煒王開來唐自陶陳名鈺王揚
信鄧純篤各督一哨勇多帶乾糧先後分途乘此黑夜翻
山越嶺仗風鶴之威借團練之助橫截粵匪去路又疊差
勇持令箭飛諭郴桂各鄉紳士督團勇幫剿毋使粵匪一

名滿網胡松林匯元海勇已派往羊舞坪斷賊下竄之路
黃輔鼎銳健勇已派駐桂城外助陳士杰防剿職道同卑
職勳於二十七日寅刻拔營令鍋帳在後督勇前行由榔
桂西路之雷大橋鳳德鄉緊追幸各鄉人人同仇助我勇
剿賊自榔城桂郡羊山五十里塘壩山嶺阡陌之間處處
枕屍相藉斃賊約六千餘內隸斬紅風帽紅袍騎馬賊目
百餘名奪獲旂械刀牌無算皆分給各勇備用二十八日
卯刻職道同卑職勳督全隊與賊戰於距桂城二十餘里
之永甯鄉陳士杰桂勇黃輔鼎銳健勇先後適至職道卽
號令軍中不準拾取旂械如有隸斬首逆何祿陳金剛者

賞銀千兩保舉從優於是人人致死陷險爭先一日之間有湘勇團勇一名殺賊至二三十名者此職道所目擊錄不勝錄至酉刻約斃賊二千名餘匪尙有七八千由臨武邊界之野牛洞奔竄職道暫令各勇休息擬明日寅刻奮力窮追誓於數日內翦盡根株不留餘孽以貽憲慮理合將二十七八兩日湘勇并郴桂團勇殺賊七八千并老湘勇險亾四名新湘勇險亾二名受傷十餘名各緣由馳稟
察核

遵札保舉永明東安出力員弁稟

五年十二月初一

日

敬稟者十一月初三日接奉憲臺札開照得竄陷東安逃竄祁陽新甯逆賊疊經官軍攻剿獲勝克復城池擒渠解圍在事官紳兵勇前已奏奉

諭旨準其擇尤保獎見

在立等核辦飭卽查明此次在事實任尤爲出力文武官弁兵勇紳團核實開報等因奉此并查三月初五日永明剿賊獲勝曾蒙奏奉

諭旨準其擇尤保奏并奉批行

知在案仰見憲臺微勞必錄鼓勵軍心之至意職道感激之餘尤爲欽服伏查富灌永東四縣之役爲日七閱月奔馳千里經歷百戰該弁勇等或肉薄堅城或首先陷敵或追奔逐北幾廢饗殮或擣穴舉旂拌冒矢石且祁寒暑雨

帶病從征莫不奮勇爭先得以屢收奇捷而東安之役千
勇中受傷至六七百名之多汗血苦攻誠非片楮所能殫
述職道厯厯念之每爲零涕職道營中日記有簿彙總有
冊平時紀錄甚詳但各勇或因傷病假歸隨卽挑補時出
時入在所不免雖額勇千名而立功者恆逾額數 朝廷
名器原賞有功之人而汎眾濫邀又豈慎重之道職道自
奉憲札詳審功冊按名細查擇其屢次奮勇實在尤爲出
力者共一百八十九名內加保者五十一名分別功績大
小擬開官職等第其奮勇出力尙止三數次或雖殺賊多
次而非十分特出者其人甚多勢難徧及也至幫辦等前

奉有謀士之賞不可逾於戰士批示第職營幫辦恆十數人非身先士卒屢著戰功及襄贊營務十分得力者不敢開呈茲得九名亦分別功績請係外朱宗程胡昌熾二名或前後彙計或勞績最多或雖經出力未經查錄亦懇補入此案聲敍職道半月以來一秉至公晝夜詳加考核未嘗假手於人既不敢瞞昧人功更不敢稍涉冒濫總求係一人 國家即得一人之用愛才苦心諒蒙憲鑒茲將永明東安實在尤爲出力之人併爲一案彙開清摺呈齎憲臺體念該弁勇等積著血汗之勞俯賜照單具奏在身受員弁固知感激益圖報效而未得保者亦當奮勇立功矣

除各處文武官弁團紳歸統帶各官及地方官與永州府
鎮確查彙係外所有遵札稟係緣由理合開列清摺三扣
齋呈憲臺察核彙奏迅賜行知職道得趁此攻剿喫緊之
際宣示憲恩俾各勇益知激勸奮勉是所懇禱

藍翎遇缺拔補千總易普照王道達喻煥成六品頂翎補
用把總陳青雲藍翎經制外委黃萬友以上五名均請以
守備拔補 藍翎千總許青雲王明輝以上二員均請加
守備銜 六品頂翎遇缺拔補把總王定邦胡清太彭聲
發蕭明聲李文翎戴奉聘六品頂翎補用把總彭其達鍾
光楚張良清曾瑞輝譚發律文恆久六品頂翎儘先拔補

經制外委何本高藍翎拔補經制外委王華國譚明亮以
上十五員均請以千總儘先拔補 拔補外委周家寶易
榮華以上二員均請以千總補用并賞戴藍翎 藍翎拔
補經制外委王桂林黃長春王冕俊譚臨福王佐朝王冕
俊以上六員請以把總遇缺儘先拔補 拔補外委朱志
玉賀國秀周心廣鄒昌餘陳明南彭光明彭文科唐有章
賀才奇雷文煥周茂勝以上十一員均請以把總拔補并
賞戴藍翎 六品頂翎儘先拔補經制外委湯見美魏寶
武拔補外委洪茂勝王文星谷楚南王光輝劉正龍左仁
發蕭太和楊義倫以上十員均請以把總遇缺儘先拔補

六品軍功陳品南張南桂劉榮華李金暘以上四名請以千總拔補并賞戴藍翎 六品軍功陳盛世王萬有陳玉恆蕭忠翊譚德林蕭永發周雲秀王玉森鮑隆湘蕭永盛洪建發易效忠周克敬李竟成李純典楊懷迎以上十六名均請以把總拔補并賞戴六品頂翎 黃孔遴秦天佑趙福勝鄧云達易正國宋學平龍見田吳耀南胡明才蔣珍玉羅隆生朱仲明楊鳴岐彭其德蕭良成彭英祥沈位烈唐清揚章合才朱華清官有德丁長盛彭乾世蕭成益曹又盛賀能超周洪太金隆輝張清桂李玉祥張福星朱紹輝以上三十二名均請以經制外委拔補并賞戴六

品頂翎 楊雲輝韓啟仁彭文斌鍾元吉劉爲岐周定和
張煥週錢仁和楊成林李九如李冠羣彭奉國周世榮周
正春彭家賓吳立明王玉華羅裕興胡光輝李榮益陳知
德張義貴劉福春以上二十三名均請以把總拔補 朱
正魁陳健莽潘瑞華何世富黃梓材譚振華周耀彩周日
新王本立王本萬周福勝胡文應彭清新席方勝尹定友
彭清勝劉明南陳光友葉明瑞何永勝劉松山陳世隆李
德厚彭奏章劉克規李乾勝黃恆和蘇懷榮喻勝榮袁正
翼楊三元楊上元李泰來康榮詔謝維新譚定有唐士良
楊桂武劉其藻李春蓮章崇先章厚坤李永福以上四十

三名均請以經制外委拔補 文兼武賀定元賀成德羅
加祿鄧芝日王得勝謝應開羅連青李正開鍾宣晉羅疇
範曾潤學羅新春黃順和周喬松黎鍾祥謝瑞芝熊福勝
郭孟周以上十九名均請以外委拔補 藍翎遇缺卽選
府經歷縣丞王開化請免選本班以知縣歸部儘先卽選
并以同知直隸州升用 遇缺卽選府經歷縣丞王勳請
免選本班以知縣歸部卽選并加同知銜 遇缺卽選知
縣張運蘭請免選知縣以同知選用 遇缺卽選主簿王
開來請免選本班以知縣歸部遇缺卽選 童生文燿請
以主簿歸部儘先選用 廩生陳名鈺請以訓導儘先選

用童生唐自陶請以從九未入歸部卽選童生朱宗程興甯案內請保從九應請保縣丞

連日追賊大勝郴桂宜臨一律肅清稟

五年十二月

初六日

敬稟者職道等已將二十七八兩日追賊大獲全勝情形馳稟在案二十九日探賊尙據黃茅嶺野牛洞密邇桂城可通嘉藍等處聞劉守李將已到宜章竊恐前途堵截併力下竄職道仍令海勇駐羊舞坪遏餘匪北竄又派黃輔鼎紮杉木橋以扼嘉藍總路免餘匪西竄請陳士杰督團勇屯魯塘接應西北兩路職道等紮黃茅嶺下以堵大股

復出并派湘勇團勇搜剿零匪四五百名三十日大雪卑
職勳督勇上嶺進剿查該嶺層崖峭壁人跡絕稀亂峯黃
茅橫亙百里該逆見我勇卽亡命奔潰追十五里至蔣家
洞見該匪有墜崖而死者有自縊於樹者有因飢寒而殞
臥者有因負創病竄荆棘間而待殺者其不下二千名餘
匪竄宜章安源職道卽知會劉守李將由黃茅泗溪截出
十二月初一日探賊分股至臨武之水東一帶查水東人
煙稠密誠恐擄脅職道等卽拔營緊追會沿途團勇腰截
於前該逆見官兵一至多有自刎於途是日斃賊數百名
初二日職道等由水東拔營探賊已竄聚一處盤踞宜章

瑣石勢將竄牛頭汾卽飛知劉守兩軍於瑣石合擊職道駐牛頭汾派勇會剿該逆聞風而遁各勇追擊俱有斬獲初三日探賊分股至宜章之毛栗墟職道等督勇往剿該匪竄至黃沙堡合股初四日卯刻職道捲甲疾馳於巳刻至黃沙堡該匪盤踞堡城職道卽派戚牧派來武生曹信儒管帶鳳德鄉勇二百名同黃輔鼎健銳勇繞出鳳頭嶺橫截賊路又派各幫辦每督一哨勇兜圍合攻卑職勳先進堡城該匪不敢戀戰直奔廣東各勇四面掩殺追至連州所轄星子境內十八洞地方計沿途共斃賊千餘名酉刻收隊暫紮黃沙堡初五日卑職勳督各勇追賊至粵境

潭源洞相去數里搜捕餘匪二百餘名因初到粵境形勢未諳首逆盡竄莽山潭源洞宜章旣無團練兵丁爲嚮導廣東又無防堵是以收隊一面飛移廣東三江協通副將連州張牧星子劉巡檢請速派兵勇團練會剿回竄之匪務將首逆陳金剛何祿擒斬一面飛請劉守李將督勇前來籌商一切并移知臨武宜章營縣派兵勇紮順頭嶺黃沙堡兩處隘口免零匪潛入此初五日越境搜捕餘匪將郴桂宜臨一律肅清布置善後之情形也職道查李石保并各首逆皆已陸續殲斬惟何祿陳金剛李善芝王大才率潰匪尙有千餘皆無糧無械帶創帶病疲餒已極竄回

粵疆又探連州牛仔營聚洪匪不少若該逆夥通一氣恐
爲楚患俟劉守李將前來會商機宜如數日內能盡根株
自當趁此餘威往粵擣勦不留一賊儻粵東兵勇觀望不
前該逆負固潭源洞莽山牛仔營等處我勇深入必曠日
持久戰道等擬同劉守馳赴永明江華迅圖克復畱李將
暫駐黃沙堡如該逆由牛仔營竄英清必往粵西賀縣合
黨斷不至再入郴桂地境似應撤防所有連日追賊大獲
全勝郴桂宜臨一律肅清緣由理合馳稟

陳郴桂一帶善後情形并報拔營赴永明江華日期

稟

五年十二月初七日

敬稟者竊職道等已將十一月二十九至十二月初五日
追賊屢次獲勝郴桂宜臨一律肅清情形馳稟在案初六
七兩日與劉守李將正商籌越境淨賊根株忽探餘匪爲
莽山潭源洞圍練殺敗已竄牛仔營去楚較遠查牛仔營
一帶見有洪匪落花賊匪恐其合黨猶爲邊患卽傳該處
紳士黃道全等到營詢悉地勢咸稱該處皆亂山磅礴糧
草俱無若官軍進剿不獨馬不能行亦無紮營之處儻逆
匪守隘無從用武况連州無兵勇會合李將在此地日久
深悉情形亦以防而不剿爲然職道等隨札該處各紳士
團練防剿并畱李將一軍紮黃沙堡策應職道等同劉守

於初八日辰刻拔營赴永明江華相機進剿總期迅圖克復不畱餘孽以慰憲廬理合將此地善後情形并拔營赴永明江華日期馳稟憲臺察核

煉鳳兩營進剿永明獲勝稟

五年十二月十二日

敬稟者竊職道於十一月十三日委煉鳳兩營進剿永明并派職營百長李金陽帶領湘勇幫同鳳營打仗旋據兩營稟稱於十八日申刻行抵甯遠縣城探報江華已經失守該兩營於二十四日抵道州職道屢次嚴札催兩營進剿永明不得稍形觀望嗣據管帶煉勇張從九毓杰蕭外委榮芳管帶鳳勇張縣丞翔稟報於二十六日紮離永明

城四十里之午田橋另有府永勇八百分隘
初四日探該逆分三路而來勢欲撲營各營
都司由左路小水洞赫勇左勇由右路車洞
路過河均各將至楊家洞遇賊匪約三千人
勇斃賊匪數十名生擒匪三名奪有旂幟竹
勇斃匪四五十名各勇共追十餘里至大路
又斃匪百餘名黃昏收隊初五日巳刻張毓
赫勇至上江墟遇首逆朱洪英糾匪數千前
開放槍礮轟擊該匪敗退此職道在郴州委
勦永明於十二月初四日開仗獲勝之情形

請將按兵不救主將之陳楊二弁發交審辦稟 五年

十二月十三日

敬稟者職道一路細察甯遠道州江華永明輿論并詢周副將捐軀緣由其委城先逃之曾令職道不敢越俎而議至楊尙烜陳學校二弁不應輕聽曾令按兵不援此二弁職道早識其畏葸狡詐必致誤事曾屢爲周副將言之不意竟有此喪心陷主將之事今查二弁已歸鎮府定擬聞將設法曲全伏思近日各處營規廢弛皆因賞無功而不罰有罪以至於此如楊陳二弁不卽正軍法不獨大有害於戎行卽職道所部百長各勇以爲陷主將之罪尙見原

宥如此薰染成風軍聲何日得振盜賊何日得平 國法
不伸孫吳不能爲計何況職道支弱書生奚堪任此合無
仰懇憲恩將楊陳二弁并全案人等發交職道審辦儻有
萬無可原之弁勇職道傳齊各營員弁兵勇聲罪正法以
昭炯戒所關甚大保全實多伏維憲臺不以職道爲不肖
寄以軍旅職道不敢作煦煦小仁拘守繩墨以邀令譽謹
據實附稟伏乞憲鑒準行

連日進剿獲勝收復永明縣城稟

五年十二月二十

二日

微稟者職道等十二日馳抵道州業將查明焮鳳兩營進

勦永明於初四日開仗獲勝情形馳稟在案連日將一切地勢賊情體察層層布置妥當十四日鳳勇何正旺等三十名巡哨探有賊匪百餘人在上渡周家地方滋擾該勇會合左勇斃賊多名鳳勇受傷二名殺賊七名奪獲黃旗二竿十五日探永明賊匪退踞錦岡職道等黎明拔營至午田墟督鳳焯兩營進紮新墟以便進勦永明職道見焯鳳永府左各勇共計二千五百同處紮營尙敷堵勦惟江華無兵儻待永明之賊被創竄合始行追擊恐更滋蔓職道自以健銳營馳抵江華距城二十里橋頭鋪之上駐紮與新墟鳳焯兩營相距僅十五里聲息易通調度甚便十

六日賊由錦岡來撲新墟各營約計匪黨五六千當經張毓杰蕭榮芳督焯勇張翔督鳳勇袁國興周文豹帶左勇蔣榮華左光藻彭玉貴帶府勇永勇分左右中三路迎剿該匪正在渡河被焯勇左勇中路衝擊斃賊多名該逆旋作三股意欲鈔襲各營之後適府勇鳳勇由左右兩路追剿鳳勇於永巖地方殺賊數十名該逆復合爲一開槍礮抗拒各勇齊聲喊殺直前匪眾奔退追剿十里至朱家灣沿途斃賊多名鳳勇奪大旂一面生擒匪一名擡槍炸破傷囚一名斃囚五名受傷五名焯勇受傷二名該匪於十六日敗退十七復糾匪六七千分作四股撲新墟各營勢

極兇悍左勇極不得力幾致誤事幸江藍廳顏倅定力鎮
靜布置得宜嚴督永勇府勇并焯鳳勇自辰至酉鏖戰一
日將賊擊敗追剿數里焯勇殺賊五十餘名奪獲大旗二
面刀鎗十餘件生擒長髮賊吳亞三一名正法鳳勇亦斃
匪多名時因久雨谷暗林昏港密路歧進攻非易勇雖眾
而強弱不齊賊聚益眾分股擾脅故未克痛洗十八日劉
守長佑督楚勇抵道州正在約期竝進忽奉憲臺札調防
堵醴陵馳函商籌職道以大局攸關自應前往劉守卽拔
營前進比夜三更該匪乘風雨來圍健銳勇營放槍礮火
箭火彈喊噪至四更湘健三營寂然無聲潛出數十勇以

驚之該匪棄械狂奔健勇湘勇拾取擡槍三竿刀鎗數
惟健勇受礮傷匹一名十九日職道馳至新墟會同
激勵各營嚴申軍法并令於二十日分道攻江永兩城
以機宜而歸二十日卯刻派郭品珍督道州江華團首
餘同幫辦王文瑞王開信郭嘉勳督湘勇五哨離江城
七里之江東埠誘敵職道等前去襲城忽探該匪兩千
由毛坪繞來撲營職道督同黃輔鼎并卑職勳中途拒
該逆將欲近營我勇分隊盡伏營前茶山該匪擾至兩
各勇突出側擊橫衝截殺賊六七十名各匪由三路散
我勇分路追剿卑職勳追五里至永固橋忽見對河平

賊蜂擁而進約六七千正在不可解之際適焮鳳兩營飛報永明之匪於四更時盡數竄江華方悟追兵至彼適逢其衝遂令新五哨涉淺渡河橫擊該逆棄包袱器械狼籍道路由山徑竄往江城卑職勦嚴戒各勇不得拾取該逆且戰且走我勇立住敵腳遇之則殺斃賊約百餘名維時黃輔鼎追七八里至羅坪彼處先有匪千餘正在燒燬民房健銳勇奮力向前追殺四五十名各匪均鳥飛獸散職道追賊七十里至城外三里亭忽城中之賊擁出我勇併力痛擊殺二十餘名該匪退踞城內正擬乘機撲城適探報永明之賊竄來職道一面飛知顏倅飭令侯守備帶左

勇進永明城安撫居民訪覓周副將遺骸并屬顏倅督同各勇前來攻剿一面揮勇轉戰迎剿竄來之匪一路衝殺直至毛坪各匪盡竄沿途山谷郭品珍王文瑞督團練湘勇由毛坪之右截出擒斬百餘至酉刻與黃輔鼎率職勦合軍一處堵截永明大路後隊之匪戰約半時值黃昏大雨各匪退竄林箐是以收隊查老湘勇敵亡二名受傷六名新湘勇受傷五名健銳勇受傷九名新湘勇奪取鐵礮一尊擡礮二竿小槍五竿大小旂三十七面馬三匹老湘勇奪大小旂四十五面鐵礮二尊擡槍三竿鳥槍十七竿火藥五石鉛彈三石健銳勇奪擡槍旂械二十餘件各勇

其生擒匪二十三名訊明正法此二十日職道等開仗獲勝之情形也二十一日顏倅並府勇永勇鳳焯兩營皆到職道見勇力較厚擬明日拔營進圍江華一面飛移甯道等處督團防堵但慮浹旬苦雨進剿維艱俟稍有機可乘定當設法鋤盡根株不畱餘孽返巢以貽後患所有十七二十等日連獲勝仗并二十日收復永明各緣由理合馳稟

永明餘匪竄江華追剿大獲勝仗稟

五年十二月二

十八日

敬稟者職道等已將十六日至二十日剿賊三捷并收復

永明該匪盡竄江華情形具稟在案無如連日大雨山暗
林昏路窄泥深難於進剿惟移知甯遠劉令飭各紳團嚴
密防堵并派郭品珍糾各鄉團練會同江華縣任令扼要
駐守斷賊歸途二十四日陰雨稍霽正率焮鳳健銳各營
并令府勇隨同進攻適於巳刻該匪來撲營盤卽令各勇
靜伏比至賊近營牆各勇突出夾擊殺賊數十名匪眾奔
退卑職勳督各勇追五六里忽大雨滂沱軍裝盡溼是以
收隊二十五六等日雪大風狂二十七日雪霽逆匪五六
千由三路來撲各營職道豫派各勇分伏四圍山坳任匪
眾紛擾自辰至巳漸近牆柵各營鼓聲震谷槍礮齊施

賊多名伏勇竊起卑職勦由右截出黃輔鼎由左截出王文瑞王開信郭嘉勦督湘勇由右山後繞出張毓杰蕭榮芳督赫勇張翔督鳳勇由左山後繞出顏倅暨蔣榮華左光藻督府永勇郭品珍饒嘉穎督團勇詹榮陞屈一貴督道勇由中路迎勦各勇兜圍衝擊該匪併一路敗走職道督侍壯勇押後追殺十里至毛坪其地平衍約寬三里該逆豫伏匪黨二三千於林箐分左右橫出抗拒敗匪因之反撲各勇併力抵住槍礮刀鎗按隊更戰該匪忽分二千餘蛇行而來圍我隊之左卑職勦督侍壯勇奮力殺退該匪又分千餘繞出職道之後適黃輔鼎督該營百長舒再

元并永勇百長杜義品等衝斷賊勢截殺數十名各勇因之愈奮自午至申苦戰不退卑職勳見賊賊稍動卽指揮各勇大呼壓敵而進殺賊二百餘名敗匪狂奔各勇於酉刻追至離城五里之白鶴亭收隊共奪獲大小旂幟三十餘面刀鎗小槍四十餘件所有職道追剿江華竄匪獲勝情形理合馳稟

連日剿賊獲勝并裁汰海左鳳焯永銳各營以節餼

精稟

咸豐六年正月初七日

敬稟者職道已將上年十二月二十四五六等日獲勝并先後裁撤海左勇情形具稟在案其左勇僅畱周文豹所

帶三百二十名今往江粵交界之永明七都要害斷賊歸路二十七日辰刻該逆來爭周文豹率勇殺賊數名奪獲器械登時擊退二十八日大股復來周文豹協同武生王者佐團勇分險迎勦殺執大旗賊目一名餘匪紛退追斬十餘級拾取旂械甚多二十九日賊復由水尾率黨千餘擁至周文豹堵於山湖營隘口指揮丁勇連放大礮斃匪多名賊始逃遁正月初二日黎明賊二百餘由山下茶樹內突出近營周文豹山上拋石連斃二賊該匪分從山脊爬上被左勇槍斃三名生擒一名餘匪甫退旋復粵匪大至周文豹會各勇分五路埋伏連發數礮斃首先騎馬賊

目一名賊眾欲奔伏兵齊起追殺約二十名奪大旂三面并器械等件此派周文豹堵剿歸路獲勝之情形也茲探富川尙有女賊目李氏糾合匪黨與富川月塘匪目毛老七唐連四共聚眾二三千欲并竄楚疆職道恐周文豹前後受敵又加派左光藻帶永勇四百名馳赴七都協同堵剿儻此險能守賊既不添或由別路歸巢亦易橫擊可望於湖南聚殲卽有餘匪逸入甯藍不難淨盡職道早已飛信甯藍督團堵隘并屬任令督團猺兩勇控扼錦田以禦南路任令於二十八日督團勇同紳士張錦堂等勇一百名擊敗遊匪於錦田生擒六名初三擒奸細二名此布置

各路之情形也職道正乘風雨之暇整頓各營俾定期環
攻功成一鼓適奉憲臺札開茲查焮鳳左勇并永州發來
各勇槩歸該道統帶節制惟當經費支絀之時均須逐一
查驗如有疲乏不堪之勇亦應隨時裁汰以免靡費等因
奉此職道明知賊眾數倍於官軍惟當此籌餼維艱敢不
仰體憲臺練勇節費之至意遵於初四日汰鳳勇二百名
健銳勇一百名并撤幫帶健銳勇之林從九所領二百名
歸黃輔鼎一弁管帶初五日札飭蔣都司率永勇二百名
回永州聽候朱署鎮黃守撤留初七日汰焮勇二百名并
撤該管帶委員張從九毓杰所餘三百名歸幫帶之蕭外

委榮芳一弁管帶軍械均令呈繳衡局至麒麟勇二百名已於五年十一月十四日派往衡郡緝捕西鄉土匪曾經稟明在案此勇去畱應歸守道察看地方情形再行斟酌見永勇除分派左光藻四百名外尙有彭玉貴杜義品各帶一百名隨職道營勦賊今將各營愈汰愈精之後再察戰功以歸善後去取儻有忠勇之士出於其中自應隨時稟報以備管帶之選至節饜尙是第二義也一俟天色稍霽卽移營環攻誓當速靖巖疆以慰憲廑理合將二十七八九初一二等日獲勝情形并職道自到江華先後裁汰海左鳳赫永健銳各營勇共一千六百名緣由馳稟伏乞鑒

核批示

克復江華縣城并連日追剿及布置一切情形稟六

年正月二十二日

敬稟者竊職道等於初七日將連日裁撤各勇及先後分派周文豹左光藻率勇防堵松柏地方各情馳稟在案初八日午初分兩路攻城連破城東賊營二座殺賊二十餘名生擒二名賊均敗退城內黃昏回營是日探報我勇未近城之先賊分股竄往松柏左光藻之勇未到周文豹已敗退被賊竄踞又據連日所拏賊探及逃匪供稱賊自前月二十七日戰後始信湘勇果到氣已大挫馬廷柯盧維

新馮振彩諸賊均願回廣西散黨惟朱洪英蕭元發許月桂姊妹等賊目聽信僞軍帥楊茂枝謝順太定欲在湖南滋擾職道與卑職勳熟商粵楚匪徒兩年來屢被痛剿頗知畏威惟朱逆等一日不死則我楚一日不靖勞師靡饜防剿迄無已時今其逆謀如此未始非天奪之魄時不可失迺於是夜與各文武員弁極意激勵湘健赫鳳及道州江華各勇團壯畫清路數定計明日竭力攻城又令杜義品彭玉貴各率永勇一百往助周左二弁剿松柏之匪分派已定初九日黎明出隊進攻該逆負固死守百計誘之不出迺命四面圍攻槍礮連環施放約獎憑城賊百名直

至黃昏時候始行收隊是夜探報賊因連日圍攻計蹙膽
寒於三更時分出城東竄卽發精銳卒襲之斬殺數十逼
溺河內甚眾初十日卯初入江華城屬郭經歷品珍與千
總唐榮陞等率道勇助任令守城招撫難民重整團練顏
倅培蕭速同錦田齊團防該匪敗竄廣東捷徑又派黃守
備輔鼎率健銳鳳勇往松柏督同周左杜彭之勇認真防
剿遂親率湘赫鳳勇渡河追剿是日風雨大作人馬幾難
立足行李軍裝盡行透溼申正始渡畢夜宿丁橋殘燬卮
落十一日昧爽冒風雨前進晚抵道州四眼橋十二日午
正追及於甯遠路亭賊據險列陣布滿山谷分勇爲四路

職道率親兵及正五哨由中路進派張運蘭王開佑督副
五哨由右山塘下邨出路亭邨背卑職勳與王文瑞率新
五哨由左路東瓜隴橫擊之派焯鳳勇再由東瓜隴之左
鹽水洞出油邨直鈔賊後賊僞軍帥奉光球率悍賊千餘
爲先鋒直衝中路職道揮親兵迎擊之王道達首先斫下
奉賊墜馬該匪敗退半里許僞女元帥許月桂之妹穿紅
袍執長鎗躍馬如飛率其黨拌死鏖戰正五哨之勇奮威
衝殺約半時忽見賊隙腳大亂知塘下邨東瓜隴兩路已
經殺到三路併力大呼奮擊聲振林木該匪大敗王桂林
擒女逆目許氏斬之職道等揮兵追至九疑魯班洞二洞

口赫鳳勇始到因風雨且暮暫行收隊是戰殺賊千餘生
擒八十餘名中有仁義堂賊目歐陽順僞軍帥蔣五患僞
師帥黃在位蔣飛天蕭二麻子等均分別訊明正法陳斬
奉許二逆訊生賊始知之餘賊目死於亂眾者頗多不暇
細鞫也所棄槍礮旂械服物沿途狼籍未暇收取五更時
探朱蕭二逆不敢恃險率敗匪翻嶺向藍山路上逃走卽
時率勇追之仍留張翔率鳳勇搜勦餘匪午初抵藍山柵
木橋賊將作飯我勇及之卽奔黃昏戰於三眼頭又大敗
之賊爲食卽內方熟我勇不暇取啖乘月色追至嘉禾之
土橋墟殺斃賊七八百名生擒四十三名正法其一自供

係偽總館正軍師楊茂枝命碎巒之餘匪鼠竄狂奔是夜各勇於四路深箐幽澗中蹤迹之聞其哭聲呼伴聲討擒百餘名分別斬釋十四早命各勇分路跟追職道率親兵十餘人入嘉禾城紳民來見者諭以趕緊練團極力搜捕遂渡河往塘邨墟至晚各哨勇來會者八百餘名擒斬二百餘匪二更接黃守備稟稱松柏之賊已於初十日竄往富川先踞麥嶺之匪又已竄至白芷營迺飭黃守備率各勇往剿又派外委蕭榮芳率煉勇馳赴白芷營以厚兵力十五日探首逆朱洪英率死黨千餘由臨武新墟將竄往猺山出廣東連州東陂觀招馬黨再來犯湖南迺率勇急

追過瓦山嶺抵黃壽灣前進則萬山叢雜絕少人煙矣各
勇夫晝夜辛勞忍飢逐北職道徧觀之面多青黑色足有
從趾腫至剝者爲之悽然淚下均命往藍山少休而自與
卑職勦及張運蘭選精銳者三百餘人令全棄輜重率之
以行層崖峭壁羊腸鳥道行人時出雲表時入幽谷幾無
停足處二十里至上達水日已暮矣聞上午賊由此掠食
而去尙餘諸少許命各分買攜之趁月明行五十餘里上
火梅嶺過楓木坳下雷家水又上濫泥田出龍頭下至八
畝田月將西墜探賊在十餘里外之小東地方迺命各勇
稍息十六日微明率勇至桐木嶺分兩路進卑職勦與張

運蘭率百餘人右出慈和墟下小洞攻小東正路職道率百餘人左出劈衝坳繞至小東口斷賊竄廣之路辰正會兵小東則賊又去半晌出湖南境矣迺跟蹤速追十餘里至連州屬之茶坪及之該逆自知已臨死地選猛悍者在後拒敵且戰且走我勇亦且殺且追凡四十餘里又斃賊三百餘獲僞總管副軍帥謝順太及先鋒師帥等十餘名斬之出猺山至沸水洞天色將晚賊不敢駐足而我勇飢乏已極迺入邗買米作食遂宿焉十七日探賊逃往星子路又有零星敗匪由魯班洞等處逸出踞連屬雲霧洞職道環顧我勇疲憊殊甚迺傳齊勉以忠義舉古賢豪能耐

苦者示之皆欣然自忘其疲午閒前進豐陽夏湟地方諭該團壯速剿雲霧洞之匪派張運蘭率勇會合本地團練追朱逆於楊家觀職道與卑職勦率親兵往東陂觀是日除斬殺外擒送行營者凡百餘賊朱洪英妻妾三人亦經拏到而朱逆未獲迺出示懸重賞購之十八日團練及我勇擒送賊百三十五名訊決之中有朱洪英親信老賊孫行五陳光全等均供朱洪英藏匿楊家觀曾老九綽號干眼老母家地方人人知之而不敢顯言查曾老九向與朱洪英結爲兄弟係連州著名匪目經咨紳戶部主事單與詩招撫收爲勇目前年賊踞此地廬舍凋殘殊甚該主部

二宅依然無恙去年八月賊復來民人遷徙一空惟該主
事家屬安堵無恐其能制賊死命可知迺召其弟以從九
歸湖南補用之單永清詢之據稱曾老九果係伊兄弟所
厚者卽責令密爲緝捕以絕禍本申正接連州張牧復函
亦稱細鞫各犯均供云尙藏楊家觀也又訊得蕭元發於
十三夜在嘉禾虎口渡地方被其黨同聲怨尤憤懼無地
服生洋煙自盡僞女帥許月桂亦同時自溺於河是日團
勇又敗賊於雲霧洞餘匪逃竄金竹山仍諭團勇兜圍之
十九日東陂洛陽朱岡各堡紳民來見者僉云此地自去
春來餘孽未靖其蠢蠢欲動者以千萬計竄來雲霧洞之

匪初到不過三百人兩日閒土匪附入者千餘旋聞湖南兵到始相率雲散若朱逆一股非湘勇趕緊跟追地方受害又不知何如言者輒嗚咽感泣職道爲心惕者久之二十二派勇往各鄉搜捕餘匪又共擒八十餘名內有總滿許四蔣四仔二名王文瑞等率勇夫由藍山陸續來東陂觀會齊副前哨追賊至新田東山嶺正前後哨新前左哨追賊嘉禾普安墟至桂陽境均有斬獲其餘敗匪被團勇緝捕送地方官正法實亦不少至前竄松柏白芷營之匪據黃守備十三日稟稱十一日伊等追剿松柏之匪至富川麥嶺月塘等處斬殺數十名該匪往富川城邊逃

竄并分股合從逆之麥嶺都司黃光亮及月塘賊目唐得
賜等竄踞江華白芷營卽於十二夜四更督同周左杜彭
之勇前往白芷營進剿旋接該守備十六日稟稱十四日
寅刻由大路鋪會合各兵勇團壯前至白芷營開仗殺賊
二十餘名奪大旂二面十五日該守備再行嚴申軍令妥
爲布置四路埋伏辰初出隊鏖戰兩時之久該匪大敗殺
賊五六百名生擒二十餘名奪獲僞印二方子藥二擔大
小旂幟七十餘面擡礮十一尊鳥槍五十餘竿刀鎗藤牌
無算追殺二十餘里至富川牛巖地方餘匪四散等因竊
查竄擾江華一股多廣東及郴桂積匪而蕭元發爲之魁

永明一股多廣西及永州各屬積匪而朱洪英爲之魁此
次經我勇旬日苦戰晝夜兼程窮追自江華而道州甯遠
藍山嘉禾臨武新田桂陽州以至廣東之連州地境近萬
之賊殲殫殆盡僞軍帥歐陽順楊茂枝謝順太僞軍帥奉
光球蔣五崽僞師帥黃在位蔣飛天蕭二麻子總滿許四
蔣四仔及不知姓名各逆日均先後就戮而逆首蕭元發
許月桂姊妹亦據供服毒戰死惟朱逆一名竟隻身漏網
見在松柏白芑營雖經肅清而富川密邇江永深慮死灰
復然防堵難懈理合將初八初九攻擊江華縣城初九夜
乘勢收復初十日至二十一日晝夜竭力忍飢痛劬苦追

擒斬各逆目殲盡餘匪見在緝拏朱洪英并松柏白苳營之匪均經剿敗逃竄粵境各情理合馳稟

覆陳勦辦連屬股匪喫緊請緩造冊保獎稟 六年二

月十五日

敬稟者竊職道於二月十四日在連州西江營次續奉憲臺札開殄滅郴桂賊匪所有湘營各員弁勇丁前經札令查明勞績分別稟獎迄今未據稟到立等彙辦飭卽據實開呈等因奉此職道前於正月十一日接奉憲臺札飭前因正在追剿喫緊之際旋即馳抵連州雖朱逆一股幸就蕩平而逆首隻身潛逃刻宜查緝繼往西溪九堡搜捕積

匪訊決數百名二月初三日剿洗大東山竄踞連屬西岸
股匪斃賊千餘十二日又進剿陽山西江墟股匪所殺近
二千名見又籌剿黃盆嶺背塘一帶東奔西馳廢寢忘食
實無暇晷卽隨征各弁勇亦若祇求賊之速滅幾不知天
地閒復有保舉一事也者且職道當倥傯之時精神甚屬
疲憊使功罪稍有不明卽無以昭激勸所有郴桂在事出
力弁勇刻難查明稟保合無仰懇憲臺先將職道去冬所
呈永明東安兩股保單迅賜準開且於彙案核辦時附奏
聲明職營并王經歷勳湘勇及職道所部健銳赫鳳左各
營在郴桂一帶出力員弁勇丁見因職道在連城剿辦俟

請
姓

治
姓

竄
姓

鞠
姓

敬
姓

核
姓

職
姓

後
姓

賊盤踞如故職道若遽爾率師赴衡江永太覺空虛再四籌思惟有仰懇憲臺札調李將一軍由宜章轉赴江永一帶駐防以便職道飛馳衡郡是否有當理合稟請憲臺察核批示飭遵再職道正月二十二日以後在連州陽山一帶剿辦情形容卽彙案詳晰稟明肅此具稟

陳自正月二十三日以後六十八日搜捕土匪進剿連陽各處股匪及凱旋道州裁汰各勇卽駐衡郡暫難遵札赴鄴防剿稟
六年四月初一日

敬稟者竊職道自追朱逆至連州屬雖屢經上稟而敘緝匪打仗諸事自正月二十二日後至今六十八日所行事

件以搜剿喫緊未暇詳稟茲除鈔正月二十二日以後三月二十九日以前職道行營日記呈電外再撮其要統爲憲臺陳之職道自至東陂後熟察連屬一帶情形深懼事之難辦而又不可不及時辦之也三江營勒副將連州張牧朱岡張巡檢皆實心實力近今罕見之員弁何遊擊雖有痼疾亦剛直忠勇和衷共濟賢士中又有成兆侯諸人然皆慮事之難辦有志未逮職道反復思維若失此機會恐以後更難爲力而楚粵邊患終無了日迺日夜密與成兆侯等商議至正月二十七日夜探知豐陽夏湟湖江頭等邨之匪暗謀待大東山匪至卽率黨來東陂觀夾攻我

軍職道以事不容再延，迺與王經歷勳及幫辦文煒、張運蘭等於二十八日早分率勇丁馳往四路緝捕。研訊分別裂梟斬決，多係積年劫掠楚省鹽商。上年屢攻藍山、錦田及去歲由郴、桂、江、永戰敗逃回，見尙膽蓄逆謀者。至二月初二日擒治已二百餘名。是日申正報大東山之匪已分股竄踞離東陂觀十五里之西岸。迺飛諭各團節節埋伏，以待屬王經歷領新湘勇五百駐此緝捕。且資彈壓，迺爲聲援。卽飛率老湘勇一千往剿。至東陂觀，天已昏黑，遂宿焉。初三日黎明，率勇進發行不數里，雨迺諭各哨刀鎗隊先行離西岸里許，職道駐馬再察地勢。見賊踞西岸一大

邨落距職道駐馬地中皆水田泥僅及邨有平路廣約二尺右傍一河岸寬尺許可通邨前左旁有邊山路約寬二三尺近我軍處有小石山近賊巢處有一平陂約可容二三百人察視畢遽令正左右後三哨由小石山後繞出悄悄趨平陂令正中哨前哨在中路搖旂吶喊以誘之令武生陳振邦率團勇二哨及副前後二哨趨河岸待我軍左路已奪平陂卽疾馳而進分付畢賊悉銳出邨列隊約千五六百人職道再遣副左右二哨率團勇策應左路一霎時而三哨勇已飛踞平陂賊拌死爭之衝入我隊內者數十人我勇從容拒之殺賊十餘名餘俱受傷所殺藤牌賊多

用錨順斫其背而死我勇受傷者六十餘名幸無敵匹塵
戰又約半時賊敗走左路勇乘勢逐之中路勇排行水田
中如牆而進右路亦奮勇急馳陳振邦拍馬舞刀首先衝
入賊巢職道迺命搗鼓發喇叭各團聞聲伏起我勇橫衝
直盪團壯邀擊截殺頃之殭屍流血徧滿山原勒副將張
牧商令張巡檢率兵勇來勦於途閒撿斬敗匪甚多此股
蓋無噍類矣是日團壯不但指揮如意亦且多有祇顧殺
賊見財物狼籍不俯取一文一縷者職道於此役尤深信
民情之大可用也午後收隊回東陂觀初四五六等日分
遣各勇捕匪又分別裂斬四十名連日以來以未得見勒

副將張牧且諸事須與面商渠魁未戮終難放心迺於初六日與張巡檢書屬王經歷勳率新湘勇由湖江頭來駐東陂觀緝捕西溪九堡之匪即便計擒朱逆并調集各勇午正馳赴連州初七八九等日湘勇操演敵法稍有進境職道與勒副將張牧張巡檢密商欲除首惡以靖後患非先剿已形之賊不可迺議畱勒副將率兵駐城中嚴防內變爾屬王經歷駐東陂緝匪且爲鎮壓遙應之資職道與張牧張巡檢率湘勇桂勇宜勇西溪勇連陽三江兵白虎勇共三千餘名於初十夜三更往陽山之西江進發查連州至西江由正路出拱塘僅五十里繞道由茅坪凡八十

餘里屬張牧率連陽兵白虎勇揚旆由正路進張巡檢與成兆侯等率西溪勇覓旁徑截擊職道率三江兵及湘桂宜勇繞出茅坪均約離賊十里紮營明日辰正至西江會兵十二日黎明職道率兵勇由茅坪出隊進勦將至西江賊尙多未起者職道恐掩襲之不足以死其心而寒其膽也令先放礮轟擊頃之賊出隊先令帶桂勇之張聲訓帶宜勇之彭立榜率所部衝擊賊敗走蓋賊方悉銳攻離西江三里之外塘蔗塘二邨駐西江不過二千餘人職道分遣各勇乘勢疾攻三江兵隨後策應敗賊走往合股該處之賊祇防大軍由拱塘前來不料銳師反鈔其後一合卽

大敗我勇邊焚所搭草棚百三十餘座賊分兩路逃走過外塘里許賊反旂死戰正五哨追左路鏖鬪半時賊敗走張巡檢與成兆侯率西溪勇由僻境橫出合兵追殺二十餘里副五哨追右路由外塘隘口前進止容一人一騎過此則一大坪賊均立於坪內以俟出隘口者而殺之副左哨護勇扶鎮光奮力衝之身受多傷暈倒於地百長丁長勝躍過其前令後來者曳扶鎮光回營而自與賊死鬪手刃悍賊數名身亦受重傷五處猶苦戰移時呼各勇拾石從其頂擲過亂擊之賊始退亦追殺二十餘里張牧率連陽兵白虎勇由拱塘衝出截殺多名是戰共斃賊約二千

餘名財物器械盡付一炬惟甯遠義士蔣德安去冬隨職道攻勦江永探賊必確臨敵奮勇爲各勇冠此次來粵勦辦尤賴其力方擬破格保舉於本日戰後探入賊巢被執大罵而死良可悲悼戰後職道熟看外塘蔗塘地勢全無險阻又無高厚圍牆察其人壯丁少而老弱婦女多諸賊悉力圍攻一月雲梯輜輳地道之類無一不備我軍未到之先二日賊又用地道引決其塘且斷其山泉掘地遇石不得水火藥亦盡尙能死守待救職道於是役愈不解今日聞風棄城者之何心也十三以後日訓各勇以性善之旨且與營中諸友講經論史以消鄙吝以西溪勇尙可用

屬張巡檢成兆侯回東陂精選千名隨同學習以爲他日之用十八日到齊曉以大義且令各團首選鋒束伍嚴申號令明示賞罰聞渠魁曾老九且將爲變迺令幫辦文焯率副中哨勇偕張牧回州城會商勅副將以計擒之十九日未初解至營中并逆子養神及其黨十餘人訊明對大甌寸磔之連日來陰雲欲墜雨絲若霧行刑後忽大晴霽職道益信天之視聽視乎民矣二十一日與張牧張巡檢率勇由西江拔營行六十里抵嶺背塘救出傷重未死之民百六十餘名設法醫治之二十五日進紮禾公塘二十六日以後連日偵探與張牧張巡檢商同韶州通總鎮安

陽山鄭令錫琦帶潮勇之黃守備進剿青蓮之匪先是賊由西江敗後餘匪往會黃全嶺背塘之匪遠竄陽山英德交界之英陽墟及英德屬之大灣一帶至是見我軍尙未追剿復糾大股回竄陽山之青蓮青蓮有鋪屋數百間平疇寬二三里南臨大河過此可通清遠及廣西之懷集西距小河亦須船渡至陽山城四十里東北兩面多高山峻嶺三月初一日通鎮軍黃守備率兵勇由長沙嶺進至青蓮河西對岸施放槍礮與賊相持午刻見我軍未至收隊回營是日黎明職道率各勇起程時初晴霽路險窄而滑攀緣而進午刻抵青蓮河西對岸上十里之丹竹徑先數

日屬鄭令細繪地圖飭土人暗備浮橋以待及至職道令各勇飽食自率親兵數人往視浮橋尙未成探賊已出隊卽令親兵趕造甫成而賊已至河東遽揮親兵過河抵敵而橋忽斷大隊勇繼至令隔河槍擊之一面速搭浮橋副前左兩哨及東安藍山投效勇誤聽令遽奪舟以濟乘勝直逼賊巢賊全股出拌死抗拒正鏖戰間我勇大隊齊進賊復列隊東北一帶山上頭巾旂幟紅映滿山職道揮勇分途衝殺賊大敗走追殺約二十餘里過釣魚臺黃昏收隊二更回紮青蓮是日殺賊約千名我勇受傷十一名賊匪東勇藍勇各一是役也一誤於浮橋之未成再誤於地

圖及嚮導之不善河東有一路繞東北面可鈔青蓮之後路僅十餘里而誤稱三十里致不及悉銳以拊背扼吭而擊之三誤於副前左哨及東藍勇之聽令不明進攻太急不然賊幾殲矣該匪敗後悉潰往英德之大灣屯聚而連州陽山星子及大東山一帶均一律肅清遂與張牧等商籌進剿期盡根株以安楚粵邊境詎料營中瘴癘爲災傳染日多死者接踵萬山之中兵燹之餘醫藥不備遂議班師時兩廣督憲已派兵勇由英德進剿迺移文與桂宜臨藍各州縣嚴防敗匪竄入并屬通鎮軍黃守備由長沙嶺移駐青蓮防守職道遂於初六日拔營初九日抵連州城

初十日至東陂觀知王經歷勳又擒斬土匪三百餘名月餘以來與幫辦劉本傑等搜穴細研西溪九堡稔惡之匪幾無漏網是日接奉憲臺飭駐軍衡州赴省面授機宜職道卽與連屬官紳速籌善後飭各紳集二月以後曾歷隨戰之勇八百人照湘勇營制編定令成兆侯統之復強留侍勇彭聲發周家賓爲作幫辦於散勇中擇八人作副百長幫同訓練并將用舊旂幟帳棚號補等件與之俾得速赴青蓮一帶相機會剿以成初志十八日摒擋一切卽登程十九日二更抵藍山縣是日見病勇及死亾者沿途有之心甚悲痛迺留百長易普照并醫生等妥爲料理而饒

銀數月不繼病者無藥餌匹者無斂具多致坐以待斃藁葬荒郊慘目傷心莫此爲甚因飛移藍甯道州各處將征存未解之饟酌撥接濟二十二日抵道州後撥得藍山饟銀八千甯遠饟銀一千道州饟銀一千七百餘兩稍爲接濟二十三日新田施令遵札解到譚令苟張異蜚黃孝仔等三人到營當嚴爲訓飭畱營差遣以觀後效是日首逆蕭元發亦至訊明該逆於今正潰敗後隻身潛回嘉禾縣之上谷邨茲因黃孝仔前來投誠該逆於去冬十月在甯邑下灌抗拒官軍戕害參將趙永年實屬罪大惡極連日麇審尙敢狡供二十八日遣百長易普照解至甯遠趙參

將靈前寸磔剖心致祭以伸 國憲而快人心職道正月
中在東陂觀訊得犯供該逆服生洋煙自盡許月桂沈河
其妹死於路亭之戰詎後許逆磔於省垣逆妹梟於郴州
蕭逆亦自至送死是誠惡貫滿盈天欲使之伸我 國法
也惟朱逆漏網至今王經歷勳在東陂百計購拏不獲昨
探聞又由間道隻身入富川夥黨內矣二十七日接李守
道函知江西賊分數百人十八日竄至鄰縣二十八日商
同王經歷屬先率新勇五百馳赴衡郡以資鎮守旋於四
月初一日接奉憲札飭卽逕赴鄰縣防勦等因職道查前
月十九日中途接省信述憲臺鈞意擬令職道添雇勇數

千名往援江右職道當以帑項萬難去冬憲臺札委職道
管帶之勇二千六百二十名不兩月間職道自行裁撤幾
盡僅留六百名防堵富川且見在劉道援師饑且不繼而
職道并王經歷新老湘勇及健銳煉勇截至三月底止已
虧饒三萬餘兩若再添勇更難支持見因不忍宜桂藍山
投效各勇枵腹從事樂已撤歸矣况職道自陽山回軍百
病叢生精神昏憊已極日哭亾勇淚未及乾復於二十二
日接得家信稱業師羅道於本月初八日在湖北傷故職
道悲天之故阨斯道暈慟幾絕又自恨德望全無精誠未
至草野遺賢尙多相棄以此病日益增實難任重致孤憲

恩伏冀另擇賢員委辦職道先擬俟李副將到此再赴衡
郡見將白芑營防務稍爲布置病勇稍爲救甦日內卽率
勇赴衡候饟銀到日再汰湘勇數百名其餘擇人權管卽
馳回湘邑覓醫調攝一俟精神稍王謹當馳赴憲轅恭聆
訓誨所有正月二十三日以後捕搜土匪進剿連陽各處
賊股及凱旋道州裁汰各勇卽往衡郡暫難遵札赴鄴防
剿各緣由理合馳稟

遵示回籍養疴懇清饟項以便交卸營務稟

六年五

月初四日

敬稟者竊職道於四月二十一日將因病回籍緣由具稟

在案旋於二十七日奉批該紳身經百戰立功甚多茲因勞致疾自應準其暫歸調養以示體恤惟見畱衡州湘勇一千三百名未便別易生手致令兵將不洽難以圖功應卽派歸該營幫辦已保同知張運蘭已保同知銜知縣王開化分帶以資熟習該紳卽將營務一切點交張紳等接管等因奉此仰見憲恩高厚慎重戎行垂憐疾苦捧讀之下感激涕零職道理應力疾赴衡交代一切無如職營并健銳勇赫勇新湘勇共四營饜項所欠甚鉅尙有健煉兩營未奉札示恐後調度該備弁難以適從尙求憲臺另札行知并懇飭局速將所欠四營饜項如數委解以便職道

赴衡將營務諸事分交張丞王令俾二員得以早爲接手任有責成心無兼顧職道亦得以安心靜養可望就痊至行營關防職道見在遵批力疾將出力員弁勇丁敍稟保獎俟恭繕後卽當呈繳其支發口糧清冊點交軍裝器械各簿各饗項劃清自應一併彙呈理合先將懇請饗項以便交卸緣由稟請批示飭遵

覆陳駐衡湘勇久勞均須養息未便遽赴宜章剿禦

稟 六年五月初十日

敬稟者竊職道昨奉憲批湘勇新湘勇健銳勇煉勇四營饗項仰省局訊籌發給見據宜章探報逆首陳金缸大股

逼近宜界本部院已札調駐衡湘勇星速馳往剿禦等因
捧讀之下悚惶無地職道自蒙憲恩準歸養病承頒張丞
運蘭王令開化關防及憲札二件卽專人送至衡州交付
旋據張丞王令函稱無學無才今奉憲札飭令管帶給與
關防深懼墮越貽羞懇職道善爲說辭且將憲札及關防
送回挽職道代爲退繳職道謹思若欲強之帶勇則其才
學實未敢以相信若竟代爲申請則憲諭甚明豈敢違忽
反復焦思不能自斷數日來爲之寢食不安病之稍愈者
因以增劇茲奉憲批以陳金缸大股竄逼楚境已札張丞
王令率駐衡湘勇往宜章防剿夫在該丞與該勇等平日

既靡極艱之 國帑當此邊氛告警豈敢偷安而在職道
實有不得不爲各勇請命者蓋各勇之隨征日久者已近
四載繼招者或將二年或將一年職道素性愚昧急於剿
賊罔顧士卒勞苦或竟宵奔馳或終日鏖戰酷暑嚴寒大
風暴雨當極疲極飢之時而瘴癘勿避值最險最危之地
而跋涉勿辭帳單棚朽日熬溼蒸職道雖共其勞而實未
能盡同其苦以至今歲春夏之交營中病者之多數倍於
往年死亾相屬悲慘萬狀職道細詢江右鄂省各營實未
有如職營之可痛者使憲臺目擊其形細察其故亦必怒
然難以一刻安矣見在舊病未已新病尋添卽幸而愈者

外感雖去元氣已傷均須稍爲調養此時無論驅之臨敵固不足勝衝鋒冒險之使但卽奔走道路病者難保性命愈者必且反復偶有一二未病之勇亦難保其無恙卽張丞王令亦以在營最久且勞或溼瘡徧體或雜證時作殘病之軀實難久膺重任此職道前請另委賢員之稟亦不
僅以張丞王令之學與才難受此重寄也伏懇憲臺矜憐或暫行另派兵勇前去則不特闔營沾恩職道亦感德無
旣如萬一實有攻城緊急情形再行催調自當力疾馳赴該丞等亦斷不敢因病推諉有誤軍機惟有不得不陳請
者有四焉一則郴桂江永連陽戰功必急核開也前蒙批

示謂據前稟湘勇似不以保舉爲榮前職道在連州正當
軍務倥傯時蒙札催開列郴桂保摺職道上稟有云卽在
營之勇亦幾若不知天地閒復有保舉一事也者二語原
以形湘勇追剿萬分困頓之情末後求將去冬永明東安
保摺準照入奏以作士氣并申明郴桂之事職營暫以追
剿孔亟待後與江永連陽戰功另行補呈未嘗敢忘

皇上與憲臺大恩也且 朝廷賞罰悉秉至公使不求
保舉者而憲臺亦錄其微勞而有保舉之榮則不特湘勇
當益激勸卽在旁觀者亦其曉然於上之大有權衡凡所
保舉祇論其當保與否不論其以爲榮否則益感激其奮

矣前者兵事稍緩而職道病孔棘故遲延至今萬一不蒙
準許則職道當力疾赴衡細爲評論開列求速奏請

天恩庶各勇殘病之餘生聞此而思奮勉也一則四月以
前湘赫健銳各營口糧求迅速發清五月以後亦懇早爲
籌給也昨奉批稟雖蒙恩仰省局迅籌發給然尙未知五
月以前饟項果卽時委解否也張丞王令隨營最久故職
道知之頗深大約謹守有餘而權變不足有善爲調度者
饟項一切又不稍掣其肘猶可勉強從事不然則難保其
無貽誤况各新換營官雖曰相習亦在疑懼之際前欠未
楚以後又形缺乏則辦事更難職道聞川粵之饟已到各

州縣銀糧多蒙恩革除陋規民尙有良應更踴躍各處釐金所抽亦復不少此時庫款想裕或不至再令有積欠也况職道於前統之數千幾經撤盡湘勇亦裁去二百奉命加募數千往援江西又未敢行亦未始不欲節饟以養所僅存之勇冀各營少一分缺乏卽少一分掣肘也况各勇見在多病每日所需藥資及雇人扶持之費亦復不少聞多有在各處賒借者萬一開差則必清所欠而多攜路費以往則尤不得不急望籌發也一則帳棚必待縫就方可啟行也日前帳房奉發銀兩飭令自製當營中窘迫之時又以爲或稍可休息曾函致張丞等令其轉借爲各營食

用今若不蒙準許則此項須待銀到趕造亦少需時日也
一則憲札與關防職道當扶病親自往送也前日職道在
衡回時屬張丞等待憲臺丹委員到時當自力疾來衡交
卸一切故諸事均未料理後奉憲札又因疾未愈延挨至
今萬一開差而前事未楚無論張丞丞等未知勝任與否卽
使勝任安得不深自疑懼恐其以累已者致負憲恩此尤
職道所甚慮者也職道自歸家後服藥稍覺輕鬆日來因
憂張丞等之未能任事而疾頓反昨接批示而病加劇心
亂如麻精神昏憊尤甚直吐心曲語無倫次望憲臺矜而
宥之恕其戇而憐其情則受生死肉骨之恩益無既矣肅

此敬稟靜候批示

遵諭力疾赴草市堵剿因賊遠竄率所部回衡仍請
暫歸養病難遽統領朱南桂一軍各情形稟

六月初五日

敬稟者竊職道於二十五日叩辭後卽雇舟啟行二十六
日抵潭而潭邑駐防之勇已遵諭先行矣職道卽督親兵
趨行二十九日馳抵草市二十八九兩日連據探報攸縣
賊股疊被各路官兵追截擊敗已由茶屬竄江西而職道
前飭王開化張運蘭督駐衡湘勇亦於初一日馳抵該處
職道以此股被剿窮蹙已甚而余遊擊等又復力追諒不

難淨絕根株遂於初二日率勇折回衡郡適接遊擊朱南
桂稟稱與都司張清和遵募湘勇千名六月初一日可抵
潭邑駐紮因前奉憲札飭歸職道統領該遊擊具稟請示
前來職道昨奉諭往草市堵剿本屬扶病而行途中暑雨
交逼舊疾未愈外感又加精神昏憊特甚擬將軍務摒擋
仍令張運蘭王開化二員管領全軍駐此勤加訓練以壯
南路聲援職道仍請暫回調理當此時方多故固不能以
病軀僨事亦不敢過惜身命醫藥之暇自當計及全局先
事豫籌一俟病體稍愈卽當趨謁鈴轅恭聽策訓并得稟
商一是所有朱遊擊一軍暫難遵札統領前進伏乞憲臺

察核另札飭遵是所叩禱

王壯武公遺集卷五終

湘潭朱士宜校勘

王壯武公遺集卷六目錄

稟牘六

遵陳郴桂江永廣東連州陽山諸役在事尤爲出力

將士勞績擬保清摺稟 咸豐六年六月二十日

條陳援江事宜稟 六年七月初一日

遵札調湘勇援岳并因病未能卽刻起程稟 六年七

月十七日

懇添給齊勝營夫價稟 六年七月二十九日

探聞甯鄉土匪滋事當經調勇堵散稟 六年七月二

十五日

本月十二日大獲全勝肅清崇陽并進勦蒲圻各情

形稟

案已伏

肅清崇通蒲各邑并布置善後事宜稟

六年十一月

二十五日

崇通各邑肅清請遴員署理稟

六年十一月二十五

日

九月十七日後赴岳防堵辦成各縣團練并越境勦

賊肅清崇通蒲二通四縣情形稟

六年十一月二十

八日

覆陳南省腹地空虛勢難復轉崇通稟

六年十二月

二十八日

遵札旋駐岳州并陳崇蒲二通地方情形稟

六年十

二月二十九日

覆陳遵札駐岳督辦臨巴崇通各縣團練以資控制

稟

咸豐七年正月初五日

遵札調洪千總一軍由通城赴澧州防堵稟

七年二

月初五日

察驗朱遊擊病狀另委千總接帶吉營稟

七年二月

初八日

請開釋白芒營團紳稟

七年二月初十日

奉調援江刻卽起程稟 七年二月二十八日

軍駐臨江泰坪墟陳攻勦機宜稟 七年四月初四日

進軍臨江密陳攻勦機宜稟 七年四月初六日

報抵江省日期并陳攻勦大概情形稟 七年四月初

八日

遵札擬保全軍文武員弁及國防出力紳民稟 七年

四月初八日

請附案奏卹臨湘黎受齊子媳殉節并湘營陣亡最

慘楊邦傑等稟 七年四月十八日

遵示擬保崇通蒲通四縣出力團紳繕呈清摺稟 七

年四月十八日

請改委斷結冤案開釋團紳駱時凱等稟

七年四月

二十四日

會圍臨城疊次攻勦情形稟

七年五月十三日

三才圖會

三

--	--	--	--	--	--	--	--	--	--

王壯武公遺集卷六

稟贖六

遵陳郴桂江永廣東連州陽山諸役在事尤爲出力

將士勞績擬保清摺稟

咸豐六年六月二十日

敬稟者竊上年九月十一月先後收復郴桂兩州及去臘
今正收復江永二縣均蒙隨時奏懇保獎欽奉 諭旨

俞允均奉憲臺行知下營今春二三月間勦辦連州陽山

逆匪亦蒙奏明在案仰見獎勵優加微勞必錄 皇仁

憲德感激難名伏念去夏郴桂一帶爲粵賊淪陷者數百
里逆風裹脅何止二三萬人我新老湘勇僅千五百名三

月之間血戰數十仗殺賊無算地方次第肅清維時周副將殉難永明另股逆匪竄踞江邑職道於臘月初率勇赴之分布各營竭力攻勦先後收復兩城餘賊分竄富川與甯藍地面當令健銳各勇擊走富川一股湘勇則晝夜窮追不遑寢食餐風宿雨備歷艱辛戰於路亭土橋墟等處殺賊數千餘氛瓦解僅存數百追及連州殲焉遂與東陂觀士紳投斬積匪而去臘回竄粵賊大肆鳴張乃會督勇團衛犯煙瘴踰越險阻擊賊於西岸西江外塘青蓮等處俘斬數千餘匪逃遁英德屬之大灣連陽一帶概就肅清滿擬埽穴擒渠殺盡乃止而行營瘴癘爲災死亡相屬祇

得旋師雖有志未逮而我勇勞苦亦云極矣計自去秋迄於今春七月之間奔馳兩省大小數百仗喋血千餘里郡縣幸得收復閭閻賴以安全該弁勇等肝腦塗地之功夫豈片楮所能殫述而職道竊人之功以爲己力 天恩高厚沛於一身清夜自思悚惶殊甚前蒙憲臺札催職道開單彙保時在粵東攻勦實不暇及曾經據情稟明繼又因病假歸未得開列尤爲悚懼不安復蒙憲恩逾格體恤於請保郴桂案內附奏聲明感激實甚見在職道病痊銷假又值軍務稍閒謹遵憲札悉心確查其王經歷新湘勇及統帶健煉各營並各處團紳在事尤爲出力者一併查

明開列共四百二十八名分列清摺出具切實考語恭齋
憲轅惟人數稍多且間有越級保舉實緣郴桂江永連陽
諸役累功請獎凡爲營中特出者自應破格從優總求大
加振作有裨軍行斷不敢稍涉冒濫致孤憲恩貽誤 國
事區區愚忱諒蒙憲鑒伏乞俯準所請幸勿刪減並懇迅
賜入奏俾得鼓勵各營以昭激勸所有陣亡及在營病故
各勇謹當彙祀本縣忠義祠內其在營病故各弁另摺開
呈伏乞憲恩彙入去冬所呈東安案內亡病員弁單內奏
請卹典以慰忠魂則人人感奮益思所以報効矣再職道
去冬奉委統帶各營查健銳營幫帶從九林紹元焯字營

營官張毓杰海勇營官胡崧林匯元府勇營官蔣榮華甚
不得力後先撤汰遣歸此次請免置議其帶永勇左光藻
一員今夏四月已蒙保千總亦請免再加以杜冒濫惟鳳
字營營官張翔罪狀尤多已另稟嚴行參劾至在事出力
官紳郴桂等處已蒙獎敘伏查道州馮牧當江永同陷之
時勇潰餉缺其勢岌岌該牧悉心籌畫並辦州屬防堵境
賴以安又前署江藍廳顏倅接帶左勇協剿江永之賊及
見代江華縣知縣補用府經縣丞東安縣典史郭品珍齊
團督勇隨同打仗均屬在事出力理合附稟聲明應如何
優加獎勵之處出自憲恩所有遵札累保出力弁勇團紳

及請卹亡病各弁謹分別清摺三扣稟齋憲臺察核批示
飭遵

選用同知張運蘭請照同知實缺例籲懇 天恩賞贈

父母五品封典 藍翎卽選縣丞王開來請免選縣丞以

知縣歸部選用並 賞加同知銜 藍翎遇缺拔補千總

王開估請以都司留湖南補用 文生黎宗銘請以訓導

歸部儘先選用 藍翎補用守備易普照王道達黃萬友

陳品南均請以都司留於湖南補用 藍翎拔補千總陳

青雲王定邦彭聲發陳盛世均請以守備補用並 賞加

都司銜 藍翎遇缺拔補千總王明輝彭其達鍾光楚蕭

明聲曾瑞輝胡清泰劉榮華周家賓張南桂王華國文恆
久均請以守備補用 藍翎拔補把總王萬友彭文科劉
光明何本高丁長勝王桂林王佐朝均請以千總拔補並
賞加守備銜 拔補把總周定和陳知惠韓啟仁彭文
彬王文星李九如陳仁和彭家斌喻勝榮黃梓材楊上元
黃順和葉明瑞劉松山陳世隆均請以千總遇缺拔補並
賞戴藍翎 藍翎拔補把總蕭忠翊陳玉恆陳明南蕭
永勝雷文煥李純典易榮華洪茂勝周雲秀賀國秀鄒昌
保楊懷迎周心廣譚明亮黎以成 六品翎頂外委鄧雲
達唐清揚宋學平張清桂胡明才羅隆生蔣珍玉楊鳴岐

蕭良成沈位烈朱華清章合才彭乾世周洪泰曹義勝朱
紹輝賀能起王林武唐臨福均請以千總遇缺拔補 拔
補把總劉爲政劉正隆錢仁和彭奉國楊雲輝吳立明胡
光輝王光輝周世榮張義貴劉克規李楚勝李希治王本
立周先芳均請賞給六品翎頂 拔補外委周耀彩羅疇
範尹定友王本萬劉良玉熊福勝謝維新周喬松羅新春
廖正翼楊三元李春蓮譚定有李希泮胡文應曾潤學陳
光友楊桂武劉其藻羅嘉祿軍功蘇懷佑劉遇文郭德馨
何復勝陳春和陳廷順曾正漢譚明和譚啟榮賀端揚熊
隆名黃玉崑王以方蘇紫仁楊岐林戴雲輝馬秉元胡式

法喻方元喻福慶劉玉桂廖定陞張廣生趙榮芳李純成
均請以把總拔補並 賞戴六品翎頂 軍功王錦全陳
在位張敦孝王開琳劉義勝周世義成光遠劉長發龔榮
宦譚玉坤龔隆貴喻方山譚邦連谷代維黃和鳴胡高俊
周友遂易開俊楊福陞周先祥王清勝謝仁祥均請以外
委拔補並 賞給六品翎頂 外委易正國秦天佑黃孔
遴彭英祥龍見田吳耀南周維藩劉良懷吳三元朱正魁
王冕俊黃長春張桂林周廷選楊應開唐士良王德勝賀
定元段慶雲郭孟週潘瑞華軍功龍榮和張福勝陳三陽
劉高華劉象賢莫益國段照貴方有才謝清熙潘泰清蕭

慶朋湯榮臣胡光玉雷榮發楊玉迪彭緒忻王端立易勝
洪賀玉田龔明國余華封唐明華向占才彭達正王茂林
譚光霽蕭俊發李禮文左珍玉譚見謫黃順太李元和李
運阡唐玉益熊常富莫坤和葛得勝方傳益曾義和王應
則江發榮朱 衢均請以把總儘先拔補 勇丁楊集福
席世鈞潘運璋趙煥武蕭明友姚宗宜姚光漢胡輔朝蕭
慶祥潘益勝王玉祥彭俊才鄒捷先吳光里陳致和彭永
興喻啟英黃鳳全孔貴清張隆祥賀章榮羅開武龐茂先
廖德勝曾德侯湯永定劉以政黃順輝丁九祥曾春發謝
清瑞尹松友趙連玉陳金祥康榮試陳有安楊春和許心

田熊常成易文元胡光全谷本立均請以經制外委拔補

條陳援江事宜稟

六年七月初一日

敬稟者竊職道告病歸里曾蒙奏明在案旋奉

諭旨

病痊仍督勇援江適病勢稍減復蒙面授機宜委以鉅任
敢不竭盡微忱以報 國恩於萬一惟思援江非用兵本
省可比其先事而籌者不可不至詳且審謹陳管見八條
伏乞詳察批示

一士氣宜作也凡用兵之道非崇忠義無以激厲人心前
年羊樓司岳州之役所有陣亡營官幫辦百長勇夫迄今
未蒙奏請議卹附入專祠使今日受 國家厚恩愧怍尤

甚不獨無顏以對毅魄卽所部鄉愚武夫竊恐疑爲死不
足惜生可冒榮是知吝惜虛名難作觀感伏乞俯準所請
列名專奏立見恩施慰忠魂卽以作士氣其爲裨益良非
淺鮮

一時日宜假也戰道旣以身許 國滅賊自任卽不能拘
於形迹之間以彌求全之毀亦必稍盡子道以慰衰親在
家在外或緩或急或求奇異之才或辦攻戰之具祇求於
兵事有濟 國家有補此中機宜有不能形之稟牘見諒
朋友者伏乞洞察下情假以三月之期俾得次第籌備方
成全勝之軍不然前車之鑒刻深惕懼斷不敢冒昧苟且

以圖功也

一內患宜清也湖南議團練者六七年矣辦團之法人人能言辦團之利人人能知及至昨湖北零星敗匪闖入擾及七八州縣近者離省城僅六十里被害之家不知凡幾經費因之頓減此猶得爲有備乎實無團練之明證也時艱孔棘三年之艾尙可及今圖之不得以前此州縣奉行不力之故遂謂團練難成也夫合通省之牧令安得盡賢此又不如委素有德望之府道曾收實效者奏懇假以重權徧行郡邑實力舉行牧令阻撓者準其參劾紳民不法者必予痛懲庶土匪不能潛蹤外匪不敢遽入靡費可節

三才圖會卷之五十四
尤勇可裁守在邊疆精勇足食倘有警報將才因團練可知
知精勇因團練可選此又向所曾收實效之明證也不費
國家絲毫之帑金而有百萬自衛之鄉勇人人仗義處處
皆兵亦何憚而不爲此見今外務甚紛內患甚隱竊恐
財有盡時民無固志誰爲撐此東南全局此實目前之隱
憂今旣爲出境勦賊之謀不忍不豫爲陳之伏乞詳察速
爲施行使賊窮裔民之術民無作賊之端大局幸甚
一器械宜精也兵法云戰勝攻取而不修其功者凶命曰
費留又曰器械不精是以卒予敵也夫工欲善事尙須先
利其器況行軍乎近日良將每挫銳堅城老師糜餉難望

成功雖人謀之不臧亦攻器之未備也今既作東征大舉若蹈前轍或遇堅陣堅城勁敵徒以士卒血肉之軀薄彼礮石此又不待其城之拔否而敗形已見矣是非開局精製各種火器不可若稍愛惜資財微論士卒性命捐棄可惜且爲日益久則靡餉愈多較之製器所費有相去倍蓰相去十百千萬者夫天下事成於大度之人敗於拘陋之士再四思維此費不敢惜也

一便宜宜假也夫士有異能未嘗不自異自異而在上者不異之必不能盡其用所有營官幫辦平日留心訪察尙無乏才之歎不獨各處所薦之人不敢礙情卽或憲臺委

員幫辦亦不敢希意擢用惟查有奇偉之才或在吏途伏祈以後準稟請調赴軍中如有建奇破格擬保方足以拔真才司馬法曰軍賞不踰厲人心速爲之用也豫懇於稟到之日不駁所請行知俾有功者速知感激無功者亦知愧奮舉一道用心最苦斷不敢以一官半級賞浮於誤用之弁員或先有功而後有罪者亦斷不敢自重愆尤而誤 國民亦懇準於情節較重者正法次者立予參劾治罪孔子曰舉直錯諸枉直如此而人才有不奮興者未之前聞

一勇糧宜豐也前人有以十兵之費養一壯士十壯士費
養一謀士故能以少擊多名雖耗費實係節費末世兵愈
多財愈耗口糧愈減成功愈少是節費之名誤之也無論
見在所部湘勇若稍減口糧斷不能得其力卽新招之勇
若非一例施行是先已示人以不廣安能使之效命乎
一饒項宜繼也軍士恃饒以爲命而事機之遲速成敗因
之若新起之營尤不可稍形缺乏連年來從事行間饒項
不繼因而掣肘違心者實亦不少尤幸在湖南境內今旣
爲出境之行除發清積欠外五千之勇亦必須攜兩月之
糧方能安心布置

一不虞宜備也昨聞袁州已復實深欣慰使乘此兵威大震之時分擣吉安臨瑞以通南昌猶可望其肅清惟是粵西之禍不可復制除另股不可勝計外潯州大股已逼郴州矣龍滕之賊大肆猖獗矣使或由桂林以犯永寶或合黔賊以逼三廳則我省之受粵禍將甚於往年也况乎苗患未已蜀難將作濱湖之地實多不軌衡岳以東刻憂伏戎卽有江右之行亦無分身之術若爲東征之舉更深內顧之憂悚懼之極不暇擇言惟希裁鑒

遵札調湘勇援岳拜因病未能卽刻起程稟

六年七

月十七日

敬稟者竊職道七月十四日午刻於湘鄉縣接奉憲臺札
開崇通之賊回至北港及臨巴交界之南衡江西義甯之
賊嘯聚萬餘武昌咸甯通城之匪欲竄臨湘武昌縣葛店
一帶有股匪上竄北省已派蔣益澧追剿誠恐被剿狂奔
乘虛闖入岳州該道自應帶勇來省聽候調遣等因奉此
職道捧讀之下卽飛札調張丞運蘭王令開化管帶見駐
衡湘勇一千五百名星馳赴省惟查湘勇口糧所欠甚鉅
兩月來以日食負債累累恐猝難起程職道正在竊慮適
接七月十二日省局咨稱湘勇口糧自五月初一日起至
二十九止業經籌給委員洪忠培領解赴衡承道收訖轉

給張運蘭等員領等因職道旋即札知張運蘭等專候餽
到散給各勇償清逋負卽行兼程赴省聽候調遣但張承
王令力量尙未能獨當一面職道本擬先期叩轅因病勢
增重見在服藥調治儻緩數日不愈亦當扶病赴省面聆
方略斷不敢稍惜微軀以負咎也理合將未能卽刻起程
緣由先行馳稟察核

懇添給齊勝營夫價稟

六年七月二十九日

敬稟者竊干總蕭紹鈴把總齊福珍軍功張聲訓等前奉
憲臺飭令各募勇五百名堵剿東粵莽山之匪并蒙札發
支銷口糧章程并行知郴宜釐金局在案嗣後職道接據

該弁等稟稱前次造冊申送榔局局員以奉發章程內并無長夫火勇等項當經駁飭發還伏查長夫火勇用處最多行營則挑運軍火臨敵則造飯運送乘勝追剿之際各勇祇知爭先營棚各物全賴長夫等負運再四思維難以裁減懇爲轉陳請示遵行矧職等初隸戎行理應亟圖報效斷不敢浮冒開銷致干憲詰等情具稟前來職道以帑項萬分艱難批覆該弁等力圖樽節去後詎該弁等陳請不休實緣軍務緊急之時又當邊疆險遠之地在在需夫萬難裁省委係實在情形合無仰懇憲恩俯準該弁所請每隊給長夫一名以利軍行而資勦辦查每營添給長夫

五十名三營共一百五十名每名給價八分月需餼銀共
三百六十兩所需無多而裨益軍行甚大職道用敢冒昧
轉陳如屬可行伏惟批行遵照至火勇一項湘勇營制卽
在額勇內揀充並非額外之數見已批令遵辦其餘各項
名目自應遵奉憲臺前次札發章程不得稍有更變以歸
核實庶一營得一營之力該弁等無所藉口矣肅此具稟
統希鈞鑒

探聞甯鄉土匪滋事當經調勇堵散稟

六年七月二

十五日

敬稟者竊職道於本月十八日訪聞甯鄉之五都地方有

匪嘯聚比卽差勇確探據稱毛奇坪羅西寨等處有何滿
雜貨及其兄弟何十何十二何十四曾念一曾十一曾念
三曾念七黎大黎二等匪目勾通各處土匪奉白雲寺僧
益清爲統領號爲佛教蹤迹詭祕夜聚晝散約期八月初
二日起事且有與衡山安化土匪通謀之說廣西亦有匪
混雜其中職道卽密約甯鄉四五兩都紳士精選嚮導及
識認各匪目者刻日往捕且以該匪於光天化日之下膽
敢狂悖至此非痛加勦辦不足以示警懲而昭炯戒立卽
飛調王丞開化分督駐省湘鄉五百名由馬坵鋪會合前
進一面添募久歷戰陣假歸老勇並發確探去後職道晉

城會商唐令知甯邑耿令已移會湘潭湘鄉三縣合捕而
湘邑之十三四五六等都一帶毗連該處亦經唐令商囑
楊城守率勇前往協圍堵擒以防竄匿連日疊據探報該
匪等於十一夜間陸續奔逃等語職道初擬密地齊團調
勇分道星馳作一鼓殲擒之計詎逆匪等倏已聞風四散
是以中止且凡捕拏逃匪究不若地方官查辦較爲得手
如各處兵役鄉團果能認真搜緝亦可次第就擒毋須多
用兵勇也職道見在設局趕造礮械一俟摒擋就緒卽率
王丞開化部勇赴省聽候調遣惟念安化衡山兩縣亦有
句結之說誠恐此拏彼竄亟應一體嚴密訪緝并乞札飭

該縣遵辦以免匪等漏網是否有當理合縷稟憲臺察核
示遵

肅清崇通蒲各邑并布置善後事宜稟

六年十一月

二十五日

敬稟者竊職道已將十一日大獲全勝肅清崇境並初十
日至十六日辦理崇通善後見派朱洪兩營進勦蒲圻等
處情形馳稟在案職道札委朱遊擊南桂由洪上洪下進
勦蒲圻洪守備定陞由羊樓洞並進兩路節節搜洗於十
九日均抵離蒲城八里李家灣該逆梁一舉以爲職道大
隊全進先期率黨盡竄興國朱遊擊洪守備旋入城安民

此肅清蒲境之情形也梁逆較諸賊譎而且悍又兼蒲圻縣兇狡老匪楊萬年以濟其惡屢敗官軍從未受創此次共逃興國適興國新添武甯敗匪三四千夥以崇通餘孽脅逼民間壯丁其實不過六七千膽敢詐稱數萬悉力上犯閩縣聞傳賊恨辦團鬚髮雞犬不留以致搬徙紛紛僞言四煽據連次探報興國逆渠僞翰林武昌郡總制孫逆派總制朱逆廖逆僞尙書魯逆僞將軍黃逆翼國舅涂逆率僞協理熊正良楊萬年傅云魁僞軍帥蔡並王老之金盲蓮曾添爵梁一舉等目於二十日到通山分兩股一由沙坪一由界頭來犯崇境職道因張丞運蘭連日親歷通

城之塘湖麥園西衝官塘坳等處搜山將逸匪芟鬻淨盡是日飛調來營協勦張丞接札拔營半日半夜馳一百二十里於二十一日四更到崇維時羣賊已由路口回頭嶺先後均抵白霓橋二十二日探稱賊約五路前來撲營誓決死戰職道原紮崇城西門外之七星嶺其地左山右河柵列六營形如偃月比卽派第四旗潛繞營左大溪山後伏行數里截賊歸路令第二旗於北門畷嶺脊佯敗派第五旗涉河埋伏於南門洲蒲水下一帶第三旗隱於對營文昌閣基側六旗出隊誘南門河邊之賊派幫辦王開化督第一旗作正兵職道親督侍壯勇灑字號湘勇繼進又

派張運蘭於右路河邊督戰王文端於左路山邊壓陣分布妥當待至辰刻賊果分五路而來紅衣黃旗漫天蔽野隊伍齊整漸漸近前喊吶搖旗一時之久我軍如不欲戰寂然無聲梁一舉由北門畝率偽協理楊萬年等猛撲我嶺脊第二旗我勇接戰漸退該匪蜂擁而來勢甚惡將次逼柵我勇連發豫伏劈山礮賊旗紛紛倒地適第六旗誘南門河邊之賊亦已近營職道發號振鼓各路並起呼聲雷震馳入賊中轉瞬之間尸橫遍野羣賊翻山涉水亂奔各路跟追之勇勦之於後大溪山南門洲兩處之伏截之於前直殺至白霓橋計喋血十五里其斃賊八百餘名

內有騎馬賊目八名正在整隊再追忽白寬橋突出屯匪
接應我勇摧朽而進五里至回頭嶺又斃賊多名復追至
路口地方餘匪已狼奔四散矣各勇分途搜獲偽協理熊
正良傅云魁等五十四名據供偽總制朱逆廖逆偽軍帥
蔡逆偽協理楊萬年確已陣斬并親見梁逆帶創兔脫此
來因梁逆稱職營已往蒲圻故羣兇傾巢犯崇殆天奪其
魄而使之然也查我勇僅陣亡一名受傷五名奪獲大黃
旗二百九十餘面擡槍十三條鳥槍三十四條大刀矛鉞
以千計馬十三匹逆屍剝出偽印七顆腰牌號衣文卷等
件不計其數是役代理崇陽馬令督率親兵及團勇於小

港地方截殺敗匪十餘名生擒四名送職營正法此二十
二日大獲全勝之情形也職道查崇通蒲民情大抵因連
年官兵時來時去不足倚信今雖辦團心猶畏賊必須職
道親駐通山扼崇通蒲門戶團練自堅人心自固且敗匪
復聚崇境白羊堡難免不收拾餘燼更驅無辜之民前來
就戮是以於二十四日拔營往勦擬窮追以盡之申刻抵
白羊堡該逆聞風盡竄通山城二十五日率全營馳抵通
山該逆已盡竄興國矣職道見駐紮離通山縣城二十里
神塘地方傳齊閭縣紳士設法團練誓必辦成而後已此
追賊至通山之情形也通城縣團練已成自調張丞後概

歸沈訓導辦理該員得紳民心必能保境可以無虞崇陽縣爲職營後路未可空虛已調朱遊擊移駐團練應日有起色蒲圻縣肅清未久不可不留重兵鎮壓已令馮守備仍督長勝軍一千二百名駐守助李令辦團按匪以壯威嘉聲勢而固南省邊防三路如此布置似已萬全敗餘零氛斷難旁竄此崇通蒲一律肅清以後之情形也所有十七日至二十五日辦團勦賊獲勝緣由理合馳稟

崇通各邑肅清請遴員署理稟

六年十一月

日

敬再稟者崇通蒲均已肅清需官治理前奉憲臺暫檄敎官代理之諭職道查蒲圻有本任李令崇陽有代理馬令

惟通城自王令九月出缺係該縣學沈訓導玉田攝理職道抵岳郡時該員來見察其人尙樸誠卽以辦團諸事責成專理十月十三日該員從張丞將通城肅清隨同督率紳士按匪辦團均有條理職道親歷通城見該員潔已耐勞輿情甚洽因張丞拔營赴崇該縣署員未到職道於十一月十八日補札委該訓導暫攝縣事以重其權俾團練精益求精卽署員到任接辦善後亦易於得手也相應稟明仰懇憲臺迅賜札催署員赴任以資辦公再通山縣紳民已遵憲示鬚髮辦團亦應稟請遴員署理以定民志而固地方理合肅稟伏祈鈞鑒

九月十七日後赴岳防堵辦成各縣團練並越境剿
賊肅清崇蒲二通四縣情形稟

六年十一月二十

八日

敬稟者竊職道村塾迂儒毫無知識偶與兵事存膺今職
今年春肅清南路追賊陽山英德之間染瘴成疾於四月
凱旋後請假歸里因四載軍營積受寒暑風溼俱發調治
至八月始能銷假奉南撫憲委管帶湘勇應援攻鄂之師
比成軍將出而石逆大股已經憲臺大兵擊敗旋又奉南
撫憲札委赴岳防堵統領各營相機進剿崇通蒲以清鄂
城後路而固南省邊防維時南省與東西粵連境之衡永

榔桂各屬江界之茶攸瀏醴及黔壤之沅晃邊防孔亟在
在堪虞職道擬暫駐省門待變適岳郡連番告急九月十
三日自長沙拔營十七日抵岳查臨巴平與崇通蒲甌連
極廣一隅稍疏賊卽乘隙夏間長郡所屬遭其蹂躪實爲
前車兵旣難於徧防勦又虞其旁竄惟有先辦團練以補
兵之不足窮治土匪以使團之必成鞏固南疆再圖越境
於是詳察地勢遴委紳耆練壯丁以從征清鄉族以靖匪
臨巴各隘處處經營岳鼓大山層層接剔二十五日據代
理臨湘周令稟稱崇蒲之賊合股上犯已至該縣之聶家
市芭蕉坳等處職道於二月十六日派幫辦張丞運蘭分

督湘勇由巴臨茅田磨斗嶺節節搜勦擣通城之北港親率部勇馳赴臨湘之長安驛迎頭截勦二十七日進紮芭蕉坳二十八日將聶市之賊擊退就地辦團十月初一日探賊三千餘竄擾臨湘之賀家畝職道卽飛調補用遊擊朱南桂守備銜益陽汛千總洪定陞均由桃林督勇往勦初二日洪守備遇賊前隊擊敗之追至沙潭忽前面高山大股賊匪突出洪守備督兵勇禦之斃賊數十賊下山分股鈔圍適朱遊擊率勇飛奔前來賊始驚潰乘勢合隊追至詹家橋將賊巢焚燬淨盡斃賊多名賊匪從山逸出朱遊擊洪守備躡追之復殺賊百餘名收隊職道將臨湘

之芭蕉劫基隆山萬庫里聶家市忠坊桃林團練辦就卽於十六日進紮千子坪連日派團練爲嚮導隨勇分投白里畝羊樓司羊樓洞一帶逸匪擒斬之並檄張丞進攻通城通城賊目金十二僞副將張庸忠協理僞官魯三元率匪黨於初六日竄至四牌莊初八日仍退駐通城十一日僞將軍張庸忠率千餘匪屯石柑橋僞中十一軍帥吳立喜率匪聚花涼亭防我軍攻城十二日卯刻張丞襲賊營於石柑橋破之復迂道二十里勦花涼亭該逆驚潰入城十三日僞將軍張庸忠率賊二千餘協理僞官魯三元率賊千餘分兩路來撲營盤張丞詗知之爲三伏於營前面

親率旗長彭聲發嚴裝以待賊飛馳呼噪而來覺已入伏則併力死鬪彭聲發率壯士貫陣直入連斬賊目數名賊大披靡各勇縱橫擊刺陣斬僞將軍張庸忠并斃匪黨二百餘名追至莊前遇賊之後隊衝殺數十餘賊棄械狂奔奪獲大黃旗三十餘面槍礮刀矛無算生擒賊目魯三元吳立喜僞監軍及僞總管五名此股以渠目擒斬殆盡不能成軍亦不敢復踞城盡竄崇陽十四日張丞偕該縣學訓導沈玉田入城安民窮治土匪傳齊鄉族勒限辦團職道更調朱遊擊進紮通城之水口鋪協同張丞搜岳鼓山東南一帶逸匪斬獲極多時崇陽賊目曾添爵蒲圻賊目

梁一舉派僞經歷陳逆率股匪千餘踞蒲之分水坳擾羊樓洞殺團勇數十名又有佛嶺一股約數百名職道已將千子坪芭蕉坳沅潭白荆橋團練辦成十五日進紮蒲界羊樓司十六日以團練爲嚮導進勦分水坳適該逆率匪黨前來意圖復擾羊樓洞不期與我軍猝遇鏖戰半時幫辦王文瑞衝斷賊陣圍殺百餘名追數十餘里刺穿紅袍僞經歷陳逆於馬下生擒滿髮賊十六名奪旗械無數其佛嶺一股亦經旗長易普照率勇剿散餘匪瀾跡於臨湘龍窖源馬頸一帶查該處箐密林深素爲逋逃藪地痞巨狡又從而導之四出擄掠姦淫因恃其地爲岳鼓山西北

之障一綫羊腸官兵從未深入職道已將羊樓司羊樓洞團練辦成卽帶團勇爲前驅於十九日猝至龍窖源計擒倡亂痞匪首惡鍾華玉周美玉蕭玉恆蕭永泰斬梟示威其餘釀亂之徒伏匿山谷者用以賊誘賊之法盡得之八日之間約擒戮近百名此外倏民倏匪誅不勝誅然元惡伏法善良膽壯團練隨同搜山疊次將岳鼓山西北一帶洗刷焚巢堵窟擒斬極多計此山綿亙數百里界聯五縣久爲藏垢納污之所職道爬搔而盪滌之與團練大有裨益又派各紳將臨巴兩縣之團相聯爲一編甲造冊點名練丁呼吸可通破除畛域不使弱境獨障邊氛因察南省

邊境已固方敢進埽崇蒲二十七日調洪守備進紮羊樓洞職道馳抵通城察看張丞沈訓導辦理善後井井有條訊匪俱無枉縱團練亦屬認真立約二十一條均易行無弊見除團練外又照團派勇守團照戶派費養勇合計二百八十餘團得壯丁六百名作爲官勇訓練守城足資鎮壓因該縣王令九月出缺無官而民志不定職道隨札該訓導暫攝縣事以重其權俾團練精益求精更派張丞督勇親歷通城所屬之塘湖雞毛嶺麥團西衝官塘坳并江楚犬牙相錯之處搜捕逸匪查點團丁又札委紳士督辦崇陽縣雷駱洪橋石屋等堡團練責令進剿逆匪無如該

團勇先勝後敗十一月初四日職道親往擣勦初五路由桂口進攻崇城與賊遇於洪橋堡一面鏖戰一面紮營賊目金育蓮胡老貴率匪黨約二千勢甚兇悍職道令正兵佯退潛分兩路奇兵以夾擊之殲其精銳百餘名追殺至龍船港賊背水返撲經我勇拌力直前撿斬數十名敗匪梟水過河幫辦王文瑞王開化率勇分路涉淺追過上澤堡之官塘坂沿途斬逐直抵白泉橋城賊出西門由七星嶺前來應援與我勇遇於灌涇堡又擊敗之賊棄旗械半由西南兩門入城半逃近城山上我勇追撿僞先鋒等九名拾旗械無數正擬初六日大舉環攻因該逆經痛創後

半夜率餘黨盡由東門竄往黑橋職道卽屬代理崇陽縣馬淵入城安民旋進紮西門外之七星嶺初八日調朱遊擊於通城水口鋪初十日三更該逆大股潛來撲營見各營寂靜疑懼而遁十一日寅刻職道派各營分中左右迂道進剿欲圍而歟殲之辰刻旗長易普照先到賊見勇少全力抗拒勢甚銳易普照匹馬入陣連斬數賊賊隊大亂百長唐清揚躍馬蹶入以繼之賊愈不支適朱遊擊并千總朱惟堂率勇由左路殺至旗長陳品南劉榮華率勇由右路殺至職道督親兵由中路縱擊該逆無路可奔斃水莫及各勇酣殺甚暢連斬紅袍騎馬賊目十餘名斃匪黨

約三四百名餘匪亂奔落水死者甚多職道督各勇跟蹤窮追沿途擒斬賊目胡老貴僞總制章再玷餘匪不知其數其逃隱鄉村林谷者亦復不少迨追至邇山境內餘匪已無多矣生擒五十一名並於賊目骸邊剝出僞印執照各九件奪獲旗械四百餘件驟馬十五匹崇境一律肅清連日派勇往四鄉搜捕匿匪以攝人心緣崇地倡亂最先風俗狡詐四年而五失守善後從未力辦以故順逆不分涇渭莫辨今欲作而新之非先淨莠民嚴辦團練不可連日傳集四十八堡紳士選劉衡之等十九人爲總局局佐換戶編甲按族清匪漸有成效十六日札委朱遊擊由洪

上洪下進

劉

於十九日

抵

大隊前進

生

安民辦團

分

之父梁遠

出

境甫經肅

清

入興國與

匪

制廖逆朱

逆

協理熊正

日

曾添爵金

資

稱數萬來崇復仇二十日到通山崇境圍傳賊恨民辦團
鬚髮雞犬不留以致搬徙紛紛謠言四煽職道已飛調張
丞於通城來崇助剿二十一日該逆業分兩股由沙坪界
頭先後均抵白霓橋二十二日黎明謀稱賊約五路前來
撲營誓決死戰職道原紮西門外之七星嶺其地左山右
河柵列六營形如偃月比卽潛令旗長劉榮華迂道營左
大溪山後伏行數里截賊歸路令旗長陳品南於北門販
嶺脊佯敗派旗長彭聲發涉河伏於南門洲蒲水下一帶
令旗長易普照隱於對營文昌閣基側以旗長張南桂出
隊誘南門河邊之賊惟留旗長黃萬友王道達作正兵職

道督親兵繼之又派幫辦張運蘭於右路河邊督戰王文瑞於左路山坡壓陣王開化於中路衝鋒布置妥當待至辰刻賊果分五路而來紅衣黃旗漫天蔽野開閣步武均極整齊吶喊搖旗放槍礮一時之久漸漸近前我軍如不欲戰寂然無聲梁一舉楊萬年一股由北門畝猛撲我嶺脊之勇我勇接戰漸退該逆蜂擁而來勢燄甚惡將次逼柵我勇連發豫伏劈山礮賊旗紛紛倒地適張南桂誘南門河邊之賊亦已近營職道傳令發號振鼓各路並起呼聲雷震馳入賊中轉瞬之間尸橫遍野羣賊翻山涉水亂奔各路跟追之勇勦之於後大溪山南門洲兩處之伏截

之於前直殺至白霓橋計喋血十五里共斃賊八百餘名
內有騎馬賊目八名正在整隊再追忽白霓橋突出一股
接應我勇摧朽而進五里至回頭嶺斃賊多名復追至路
口地方餘匪已狼奔四散矣各勇分途搜獲偽協理官熊
正良傅云魁等五十四名據供偽總制朱逆廖逆偽軍帥
蔡逆偽協理官楊萬年確已陣斬并親見梁一舉帶創兔
脫此來因梁逆稱職營已往蒲圻故傾巢上犯殆天奪其
魄而使之然也查點賊目骸邊剝出偽印執照各七件奪
獲大黃旗二百九十餘面擡槍鳥槍大刀矛鉞約千計馬
十三匹腰牌號衣卷冊等件不計是役代理崇陽馬令督

率團勇於小港地方截殺敗匪十餘名生擒四名旋於二十三日探該逆敗後均聚白羊堡意圖收拾餘燼更驅無辜之民前來就戮是以職道於二十四日往勦欲窮追以盡之申刻馳抵白羊堡該逆聞風驚潰遁通山城職道方號令各勇圍城以蹙之二十五日馳至通山之神塘探該逆率逃散之餘盡竄興國沿途鬚髮散爲民者已十之六七矣職道正擬進擣興大州縣淨絕根株忽據探報興大各匪盡竄江西瑞昌等處職道二十六日入通山城安民因無知縣札委教諭李鶴訓導劉元慶等暫攝縣事傳齊閩縣紳耆鬚髮辦團窮搜逸匪刻下敬聞憲臺大兵克復

武漢旁徇郡邑下情欣慰莫可名言職道暫駐通山兼辦
崇蒲二通團練以盡遺孽但此四縣實爲南北兩省關鍵
連年江楚嗜亂之民涵濡卵育於此從未澈底澄清所以
屢得變夫茲當戡定伊始職道窮日夜之力以挽頽風然
必須賢吏以拊循之方保久安長治謹候委員前來接辦
善後方可撤勇南旋以節靡費惟南省連年八面受敵近
日官軍雖於江粵晃沅俱收奇捷奈民窮財盡饑渴師繁
職道一營時呼庚癸且幸六大戰肅清三百餘里勇丁陣
亡者僅三名受傷者亦祇十餘名各營之氣尙不驕不怯
堪以上慰憲懷所有自九月十七赴岳防堵將臨巴崇通

蒲團練一律辦成著名土匪披剔淨盡并越境剿賊六次
大獲全勝肅清通城崇陽蒲圻通山四縣緣由理合馳稟
覆陳南省腹地空虛勢難復轉崇通稟

六年十二月

二十八日

敬稟者竊職道前奉南撫憲札飭因湘省東南警急速卽
回岳聽調職道本月十九日由通山起程緣由於十七日
具稟在案十九日崇陽營次接奉南撫憲札開準憲臺飛
咨王道一軍極爲可靠已經奏留駐紮崇通一帶督率地
方官實力搜捕勇糧仍請南省籌發請查明飭局辦理足
紉公誼望速施行等因到本部院準此查該道已經札調

督勇同駐岳州聽候調遣并咨北撫部院在案茲準前因
除查照前札聲敘咨覆外合併札行札到該道立即遵照
前札回岳聽候調遣毋遲等因同日戌刻又接奉憲臺札
開王道一軍已經奏留駐紮崇通一帶除咨南北撫部院外
合併行知爲此札行該道即便知照等因又於二十一日
戌刻蒲圻營次接奉北撫憲札開湖南卽選道王道鎮守
崇通各勇饒項仰該紳布理問嚴繩武等趕速勸捐錢四
萬串解交王道收用等因同時又奉憲臺札開十二月初
三日由驛附奏請留湖南候選道王鑫督率南勇駐紮崇
通勦捕逆黨一片請旨勅下遵照辦理計鈔片稿一

紙等因又於二十四日酉刻岳州營次接奉憲臺札開照得本部堂會同北撫部院胡於十二月十二日會同南撫部院駱由驛具奏南省官軍越境辦團剿賊通城崇陽蒲圻通山四縣一律肅清一摺爲此仰該道官吏即便遵照計鈔摺稿一紙等因同時又奉憲批本大臣卽當督師東下而勦辦餘匪尤爲目前要務該道調度有方所部勇丁極爲可靠業經奏留駐紮崇通一帶以防後路未便遽行全撤南旋仰卽遵照各等因奉此仰見憲臺謨猷廣博採及蒔菲無如湘省一隅邊防八面民貧地瘠饑竭師繁見在北鄂雖平西黔未靖東路進勦南越宜防職道先期疊

奉南撫憲札飭內顧事關機要不敢稍遲業經起程赴岳
勢難復轉崇通惟念崇蒲二通地方疊遭兵燹又罹旱災
十室九空民多菜色職道撫恤之政尙未一施拔營匆匆
負罪殊甚且幸團練已成潛蹤逸匪經職道所能訪察者
擒戮不少惟曾添爵梁一舉金育蓮等隨大股飄忽江西
終爲此數縣禍本然暫時武甯義甯均無賊蹤第恐將來
江右勦急則橫逸回竄誠有如鈞諭所籌及者矣職道曾
移請邢守高魁派兵鎮壓俾團練不至始勤終怠外寇不
敢窺伺刻下想已派兵前赴通山矣職道遵札暫駐岳州
見探粵匪已竄興安南省之新甯東安零陵在在告急楚

師攻吉安未下而劉道又深入進攻臨江湖湘腹地極其
空虛茶鄴攸醴瀏平一帶時虞江賊旁竄闖入省城既無
兵可調東南邊境勢又垂危此南撫憲疊次飛調職營同
岳職道未暇恭候憲臺批示負罪之情形也總之在南在
北同隸幟幪防粵防江皆酬知遇惟有勉殺逆賊捍衛沅
湘斷不敢稍圖苟安有負憲臺栽培之德而自取罪戾也
所有湖南腹地空虛未便轉同崇通各緣由理合馳稟

遵札旋駐岳州并陳崇蒲二通地方情形稟

六年十

二月二十九日

敬稟者竊職道本月十七日將十九日由崇山起程旋岳

情形具稟在案十九日酉刻崇陽營次接奉憲臺札開準
督部堂飛咨王道一軍已經奏留駐紮崇通一帶查該道
已經札調督勇回駐岳州札到該道立即遵照前札聽候
調遣毋遲等因又於二十一日戌刻蒲圻營次接奉北撫
憲札開湖南卽選王道一軍鎮守崇通各勇饟項仰該紳
布理問嚴繩武等趕速勸捐錢四萬串解交王道收用等
因同時又奉督憲札開十二月初三日由驛附奏請留湖
南候選道王金駐紮崇通等因又於二十四日回岳州營
次奉督憲札開於十二月十二日會同南北撫部院由驛具
奏南省官軍越境辦團勦賊通城崇陽蒲圻通山四縣一

律肅清一摺等因同日又奉督憲批本大臣卽當督勇東下而勦辦餘匪尤爲目前要務該道調度有方所部勇丁極爲可靠業經奏留駐紮崇通一帶以防後來未便遽行全撤南旋仰卽遵照等因又於二十六日接奉北撫憲批如可稍留一月則崇通大勢可定人心可正至督帥奏留是愛敬之心然亦必不能行也撫標精銳以仁營二千人楊得武五百人助李臬司其次則駐興國者四千分小池口者四千李臬司血戰武漢湘營之功甚鉅理應以精兵助之留省不過千餘人耳是否可以暫留已飛咨南撫院酌行強起手批等因同日又奉北撫憲札開該道不僅有

功南北邊境卽武漢兩城克復亦甚賴其力楚北官民莫不銘感見在北境雖已肅清惟南岸水陸各軍俱已遠去九江後路空虛卽留防興國兵勇爲數無多而北岸黃梅亦嫌兵單况此時江西糜爛過甚尙有七郡淪陷於賊設使餘黨奔竄崇通興國俱係緊連州縣稍有疏虞必致前功盡棄更恐該處潛伏餘匪又復狡然思起該道自應暫緩回南共成一簣之功札到該道卽便遵照仍在通山一帶駐防暫勿回岳是爲至要各等因奉此職道於二十七日將湘省東南喫緊腹地空虛萬不能留駐北省情形先設詳敘稟覆矣惟念崇蒲二通地方疊遭兵燹又罹旱災

十室九空民多菜色職道雖駐軍於彼因辦團緝匪不暇於撫恤之術尙未一施此其負委任之大者至今尤滋內疚也至於外釁暫幸義甯無賊若將來橫逸旁竄難免不再勞兵力職道爲綢繆桑梓起見仍令洪守備一軍暫駐蒲圻朱遊擊一營暫駐崇陽其通城緊連江西亦須布置尙在籌畫此一節於北撫督憲處漏未具稟諒北省亦不能度外置之也昨職道沿途查驗團練旗械勇數均極整齊卽未曾親歷之窮鄉間皆奮起如此後州縣不設法以敗之亦不致廢且幸署崇陽兼通城之諸令尙係正派能員差可放心職道雖駐兵岳郡各縣紳士聲氣時通猶能

遙制卽緝匪諸事亦斷不忍存畛域膜視之見但岳鼓山於數縣未復時原有匪溷迹言之者亦眾經職道抵龍窖源搜西北派張丞朱遊擊於水口鋪搜東南雖未深入因兩月以來嚴捕逸匪各縣團練聞傳職道尙欲大舉燒山以致遺孽遠遁職道常派湘勇隨數縣團勇深入探訪咸稱僅略有種山之民實無匪迹職道尙擬率勇親歷各峯壑一兩旬逐一巡察方信於心見已分飭各團派嚮導以待茲臨巴團紳有分隘設堡之議職道詳察地勢若團勇先守賊不能入如能築堡亦長策也總之此次拔營本太恩恩未了之事猶不止一如明年正月湖南無警職道尙

三
三
須越境一行以足前功治北省之民固南省之境庶幾可
以仰副憲臺一視同仁之至意也所有遵札旋駐岳州并
崇蒲二通地方情形理合馳稟

覆陳遵札駐岳督辦臨巴崇通各縣團練以資控制

稟 咸豐七年正月初五日

敬稟者職道十二月二十四日抵岳將疊奉憲臺札飭遵
照緣由於二十五七九等日稟覆在案茲於正月初三日
岳州營次接奉憲臺札開照得本部院前札該道督勇赴
北剿辦已據將崇陽通城蒲圻通山等縣賊匪剿捕肅清
該四縣團練之局已成昨因本省南路尙未清謐札調該

道督勇回駐岳州聽候調遣已經具奏鈔稿飭遵在案該道諒已督勇行抵岳州惟查北省之崇陽通城蒲圻通山各屬數遭蹂躪良匪莫分經該道此次整飭之後已有起色良民知恩莠民匿迹惟人心甫定之時餘匪尙未淨絕難免不陰圖復聚應責成該道駐紮岳州督飭湖南巴陵臨湘湖北崇通蒲通四縣官紳實力團練團清其團族清其族其從前甘心從逆乘機擄掠姦淫各匪勒令團族捆送懲治如敢徇隱卽治以應得之罪庶幾聲勢聯絡姦匪無所容身兩省疆宇可永臻安謐如果北省有警該道亦卽督勇星馳勦辦毋稍違延除咨北撫部院札飭崇通蒲

通各縣官紳一體辦理團務外爲此札仰該道即便遵照
督飭趕辦北省官紳如有玩視團務者仰卽據實稟明北
撫院辦理仍將遵札督辦情形隨時稟報此札等因奉此
竊維治團如治兵治兵如治心若不時加惕厲其功不日
進則日退不日興則日廢况崇通蒲通概以數年積弊之
區僅施兩月火烈之政雖民從令如流若馭之稍弛必進
銳而退速其故因民困未盡蘇土匪未盡淨規模未盡善
局紳未盡賢如委紳得其人治臻上理不難也無如崇通
蒲通地方士習卑靡妙選甚難卽有敦品好學者或偏僻
或龍鍾或孤高或迂腐不曉事皆不足以副委任求如臨

湘生員劉璣
此外或僅信
足厲中材而
諭諄切則此
臨巴再加敷
團練之勇壯
便於民者土
成或者可以
慮通城緊浦
要故於正口

通城與駐紮崇陽朱遊擊一營相爲掎搦無事則練團緝
匪如江界有警則率團堵剿仍與興國通山駐防北軍聯
絡一氣如此則邊防嚴密而團練之心亦壯矣所有遵奉
憲札應行辦理情形理合馳稟察核批示飭遵

遵札調洪千總一軍由通城赴澧州防堵稟

七年二

月初五日

敬稟者竊職道二月初四日辰刻接奉憲臺札開襄匪竄
宜昌府城而湖南澧州安鄉常德華容石門永定亟應豫
爲戒備昨因朱遊擊患病甚重札該道轉飭朱遊擊遣散
各勇暫行回籍調理在案仰該道察看情形如該遊擊尙

能支持自應仍留帶勇由該道察酌辦理至澧州一帶見在無兵可調洪千總定陞一營可否調赴澧州安鄉一帶仰該道通盤籌算如果可以抽撥該道卽一面札令起程等因奉此竊探陷宜之匪人數極多實無伎倆其勢走而不守岳常澧一帶亟應戒備誠如憲臺所慮查華安石永與荆宜毗連間道防不勝防惟駐一軍澧州有警可以分道策應職道遵札卽於初五日調洪千總一軍由通城馳赴澧州相機堵禦應如何辦理之處已函商桂道鄒牧矣初二日據朱遊擊稟稱初四日由崇陽撤勇回籍俟該遊擊至岳察看情形與之商酌辦理另行稟報職道原知崇

通未可空虛奈襄匪突熾荆郢震搖澧屬人心不無惶惑
况漢陽遺散川勇數千聞尙逗遛在北澧州亦入川之路
也非速駐一軍不足以資鎮定至於通崇蒲通容再綢繆
以慰憲廩所有遵札調洪千總駐澧情形理合馳稟

察驗朱遊擊病狀另委千總接帶稟

七年二月初八

日

敬稟者竊職道本月初四日辰刻接奉憲臺札開昨因朱
遊擊患病甚重札飭該道轉飭朱遊擊遣散各勇暫行回
籍調理在案仰該道察看情形如該遊擊暫時尙可支持
自應仍留帶勇抑該遊擊病難速愈該道意中或另有明

幹樸勇員弁堪以接帶卽由該道察酌辦理等因奉此初七日該遊擊帶全營抵岳職道察其形容憔悴精神委頓詢知時患心氣諸病實係積年軍中過於勞瘁所致深堪憐憫非準假三月醫治復痊斷難帶勇職道仍仰體憲意令遵前札暫行回籍調理該遊擊感激莫名職道前見該營藍翎千總朱惟堂心地樸誠打仗勇猛屢留意察訪誠爲偏裨之材茲奉憲諭選員接帶復細詢該遊擊亦力爲面保可暫攝該營營官之任查該弁前正月護送五年羅道剿賊崇陽陣亡營官彭李兩員遺骸回湘鄉茲已飛札往關朱遊擊俟該弁來岳將營務交代方可回籍惟該遊

擊勇敢樸誠戰功甚著經職道札委接辦崇陽善後兩月
有餘無片刻安閒除看驗團練外曾緝獲僞官總制協理
軍帥旅帥師帥司馬各目黨羽共一百三十二名正法焚
賊巢七座可謂力疾從公始終不怠將來病愈銷假可否
仍將吉字營湘勇交該員管帶并朱千總可否權攝該營
營官之處均候憲裁再該營百長什長勇丁雖久經訓練
職道亦必趁此暇日細心察看務期整頓精益求精確然
有以自信養一勇方可收一勇之效也所有奉札察看朱
遊擊病狀並委弁權攝營官緣由理合馳稟

請開釋白芒營團紳稟

七年二月初十日

敬稟者竊職道於上年三月初四日追賊至廣東據白芒營團紳唐斯盛聯名具控青絲井把總李肇元護匪殃良等情具稟憲鑒旋蒙批准提訊在案查此案上年秋間提唐斯盛等來省備質訊明屬實該紳等自應候案詳結方可省釋竊維見在粵匪鳴張白芒營極關緊要職道連年親見該紳等練團殺賊屢著戰功辦公不避嫌怨爲地方人心所繫茲爲邊疆起見合無仰懇憲恩俯念該紳等已經羈押半載可否毋須候案詳結卽飭省釋回籍重整團練俾已著成效之團不敢廢弛卽有邊警亦無渙散之虞矣所有稟請開釋唐斯盛等緣由理合具稟

奉調援江刻卽起程稟

七年二月二十八日

敬稟者竊職道於本月二十七日子刻未刻兩奉憲臺札
開據劉道飛稟本月二十日逆賊數萬猛撲泰坪墟營壘
盡失亟應赴援爲此札仰該道迅飭洪守備一營駐紮岳
州該道卽督所部湘勇由醴陵一帶馳赴袁州與劉道互
相知會妥速勦辦毋稍刻延火速飛速等因奉此職道刻
卽遵札仍令洪守備駐岳定期於二十八日督率本部湘
勇并吉字營湘勇兼程赴省恭謁憲轅面聆訓誨所有遵
札起程日期理合馳稟

軍駐臨江泰坪墟陳攻勦機宜稟

七年四月初四日

敬稟者竊職道前月二十日抵新喻後略將賊情事勢呈稟憲鑒在案旋又接吉安黃守趙丞周將函稱伊等擬分軍勦龍萬囑職道派勇勦峽江以便撤阜田防兵併力上遊職道與劉道面商許卽分軍勦峽以堅該守等勦龍萬之議俾免蔓延郴屬牽制我師二十九日雨霽初一日同劉道進紮羅坊前八里之鐵樹下初四日職營移進秦坪墟劉道擬日內派勇勦峽故暫駐鐵樹下俟峽江事了方可前進職道業與蕭守訂期初六七日逼城而壘如賊不出當築隄障水以困之儻再不克擬以城交劉道蕭守緊圍職道親率部勇渡贛而東直擣新淦旁徇各邑以撼撫

建因慮峽江復後僅能通臨吉官軍之氣而不能扼臨吉
 城賊之援况大股盡嘯聚新淦策應三城不先剿新淦不
 能斷三城接濟吉臨瑞雖圍猶無克復之機而我師愈老
 也所以職道前稟擬於賊厚處縱橫衝擊一經得手不獨
 吉臨瑞可以遠下卽江西全省亦當有肅清之機矣所擬
 攻剿大略規模理合馳稟

進軍臨江密陳攻剿機宜稟

七年四月初六日

敬稟者竊職道楚南下士賦性迂庸微辟強膺勉與兵事
 上年春間粵東凱撤染瘴成疾回里養疴維時欽奉
 廷寄飭令援江銷病假後成軍將出適鄂事孔急改委北

行本年二月二十七日奉湖南巡撫札委仍帶湘勇進攻
臨江三月二十日抵新喻本月初一日同卽補劉道進駐
羅坊前八里之鐵樹下初四日移進泰坪墟卽與安肅劉
道并肅守訂期初六日會圍臨城初五日與卽補劉道商
籌派勇二千分勦峽江初六日卯刻職道拔營進至離城
十里之八角亭屯賊約二千遇勇擊追職道旋即紮營於
八角亭卽補劉道安肅劉道肅守等水陸各軍均如期並
至竊計逆賊伎倆慣以堅城坐老我師况臨江城內糧礮
甚多足資負隅設若賊終不戰攻者智窮必至如瑞州吉
安曠日持久加之新淦爲賊往來要道接濟未斷職道日

前與安肅劉道蕭守等緘商擬拌數日夜之力水陸併攻如其不克職道當親率本部三千渡贛而東直擣新淦兼徇旁邑以撼撫建收長江之險斷賊吉臨瑞之接濟則三城自可速下惟是孤軍深入後路水陸尙祈憲臺飭派大兵接應庶無顧此失彼之虞所擬攻剿機宜是否有當理合馳稟

報抵江省日期并陳攻剿大概情形稟

七年四月初

八日

敬稟者竊職道二月二十七日將奉南撫憲札飭援江情形具稟在案二十八日由岳拔營兼程前進三月初一日

抵湖南省城因夙欠口糧甚鉅極力籌畫至十一日始敷
衍出軍十七日抵江西袁州復飛緘於攻瑞州之劉守告
以崇通空虛萬勿使寇流入等情旋據劉守復稱有以豫
之十九日於袁州拔營抵分宜二十日抵新喻與劉道面
商一切幸劉守派營勇助蕭守於陰岡嶺疊獲勝仗劉道
之軍因之復振於初四十七亦兩獲大捷於新喻惟是吉
安於十二日水陸交捷後城賊不但無加而且分股約七
千與龍泉萬安巨股相合竊恐乘虛竄入湖南郴屬卽與
劉道商籌派勇二千進剿峽江以通臨吉官軍之氣而使
吉安無下游之防可專力龍萬以固楚邊維時滂沱旬日

築壘爲難至二十九日始霽本月初一日同劉道進紮羅坊初四進至秦坪與管帶水陸江軍劉紳并劉道蕭守訂期初六日會攻臨江初六日職軍進紮八角亭擊退屯賊約二千同日各軍如約來會該逆堅守不出各軍勇無所施竊慮猾賊伎倆慣以堅城老我師况糧礮甚夥足資負隅設若賊終不戰攻者智窮必至如吉安瑞州之曠日持久加之新淦爲往來要道屯聚大股策應西三郡職道見與劉道蕭守商籌擬拌數日夜之力水陸環攻如攻守勢異內薄徒然再將城外徧掘深壕以劉道蕭守爲老營嚴密圍之以困城賊職道當親率本部渡贛而東直擣新淦

兼徇旁邑以撼撫建盡奪長江之險斷吉臨瑞之接濟如
三城氣奪得以速下則江西有肅清之機矣惟見在粵西
糜沸已極楚禍方深但願暫無內顧之憂使職道得伸微
志以仰副憲臺維持全局之至意所有職道抵江省日期
并擬攻剿事宜理合馳稟

遵札擬保全軍文武員弁及團防出力紳民稟

七年

四月初八日

敬稟者竊職道於二月十九日岳州營次接奉憲臺札開
此次越境剿賊在事出力文武員弁既經欽奉 諭旨
著查明保奏仰卽核實查明稟保其臨湘巴陵各團防出

力紳民人等亦由該道確切查明酌其勞績由該道擇尤彙單呈請核獎毋稍遲延冒濫等因奉此仰見憲臺體念行間微勞必錄捧誦之下感佩難名伏念湖北崇陽蒲圻通城通山久爲賊藪職道自奉委率所部湘勇并朱遊擊洪千總兩營前往剿辦以清鄂城後路於上年九月十三日由省起程仗 國家之威靈遵憲臺之方略士卒用命紳民同仇前後六仗肅清崇通蒲通四縣賊巢甫平武漢隨復與民更始按匪辦團實效既收旋岳控制督率臨湘巴陵官紳議建礪卡訓練團丁茲蒙憲恩札飭彙保職道悉心確查謹將職軍員弁勇丁暨臨巴官紳擇其尤爲出

力者共計三百九十四名皆出具切實考語擬保未敢稍涉冒濫分別清摺三扣恭齋憲轅竊維賞不行固不足以示勸罰不行尤不足以示懲故凡軍中始勤終怠之弁亦另列清摺稟請參辦所有遵札擬保出力文武員弁并參辦各弁除繕清摺外理合馳稟

請附案奏卹臨湘黎受齊子媳殉節并湘營陣亡最

慘楊邦傑等稟

七年四月十八日

敬稟者上年十月十四日接據朱遊擊稟報臨湘縣忠防團紳黎受齊辦團搜匪竭誠任事最爲出力十月十二日該紳在朱遊擊行營辦事距家甚遠是夜四更突來賊匪

數百人圍住黎受齊住宅撞門而入搶劫家資一空二子
一媳被執不屈當經該匪殺害慘目傷心莫此爲甚伏乞
憲臺札飭臨湘縣確查該紳黎受齊履歷並其子媳名氏
仰懇鴻慈格外矜全分別獎卹迅賜附案具奏以昭激勸
而慰貞義之魂不獨黎氏一門頂沐高厚矣再六品軍功
楊邦傑向充職營哨長於咸豐四年九月十七日解道州
之圍血戰陣亡又六品軍功蔣德安上年春間隨征連陽
最爲得力不意誤陷賊中慘遭戕害該軍功等二人之死
最爲慘烈初以爲格於成例不能上請 卹典每一念
至沈痛實深前奉行知全案見有六品軍功陣亡仰沐

天恩照外委例賜卹者用敢不揣冒昧縷晰稟陳統祈
憲恩附案具奏仰懇照例 賜卹以慰忠魂而昭激勸
再職營儘先外委潘玉春見於軍營病故亦乞附案彙奏
肅此具稟伏祈鈞鑒

遵示擬保崇通蒲通四縣出力團紳繕呈清摺稟

年四月十八日

敬稟者竊職道於三月十一日接奉憲批所有辦團出力
各紳準由該道擇尤稟保等因仰見憲臺垂念地方微勞
必錄捧誦之下感佩莫名伏念崇陽通城蒲圻通山隄熏
日久民鮮知方職道上年九月赴岳防堵幸有通城縣學

訓導沈玉田督率廩生胡大集等來見比以辦團殺賊諄諄勸勉卽派隨同張丞進勦收復城池按匪辦團均得實效嗣是崇陽廩生劉衡之等蒲圻紳士賀鵬搏等各倡義旅卽通山亦有紳民隨同官軍辦事迨四縣肅清之後逸匪尙多潛蹤山谷煽誘愚民幸蒙憲臺委諸令兼署崇通又加委馳往通山辦團按匪合計三四月之久四縣山僻賊巢焚掃殆盡元惡大憝漏網者陸續縛送職軍訊辦不少似此四縣紳民尙知愧奮職道未便沒其微勞茲擇其尤爲出力者共計四十五員皆出具切實考語擬保未敢稍涉冒濫謹繕清摺恭齎憲轅再署崇陽諸令通城縣學

沈訓導表率有方厥功最著職道不敢壅蔽詳細開陳伏乞俯準所請迅賜出奏是爲恩便所有遵批擬保崇通蒲通四縣出力各紳除繕清摺外理合馳稟

請改委斷結冤案開釋團紳駱時凱等稟

七年四月

二十四日

敬稟者竊維亂不自熾所慮貪酷之官吏故昧其是非之心以縱一己之私欲而亂乃成而亂遂不可已盜害良民而官不問良民控盜官設法以拖累之盜控良民官設法以庇縱之不陷赤子盡化爲賊不已也可勝痛哉故職道於四年秋冬辦衡永郴桂土匪日取斯民而戮之哀矜之

心不能自己其誅戮最多者莫如甯遠一縣以葭爾之區
竟聚至數萬攻城之匪疊經痛勦後多散而之家伏莽暫
息誅不勝誅職道釋其脅從僅戮巨惡數百漏網者固尙
不少然正氣稍伸匪徒氣沮該縣氣象已有轉機矣時因
邊警未盡如願職道旋赴富川勦賊署永州府黃守按部
而來而告訐之風大起正紳良民不勝其毒卽如匪黨毛
瓏震控辦團正紳駱時凱一案竟將駱時凱責押逼成上
控糾纏至今查此案係咸豐四年十二月職道勦辦甯遠
縣土匪卽聞毛姓一村爲匪最多其毛長興毛四四毛六
六毛奴奴等稔惡尤著比卽督同團紳帶湘勇圍拏該匪

膽敢負固放槍拒捕經湘勇施放火箭延燒賊巢兩間卽時撲滅拏獲毛長興毛瓏震等二十三人旋訊明毛長興正法毛瓏震情節較輕願罰軍需錢八百串充團局養勇卽準該族公結保緝毛四四毛六六毛奴奴在案維時並無駱時凱在場該縣團紳駱時凱當土匪充斥之際倡辦團練與匪爲仇打仗有功人所共見職道曾親歷駱時凱村查該村房屋被匪焚燬殆盡資器蕩然較毛村之房屋完好資器豐裕迥不相侔蓋毛姓除作真匪外強者分肥弱者媚匪故也其毛瓏震之誣控駱時凱冒勇焚劫輪姦殺害等情不過希圖狡賴罰款并可庇護在逃之毛四四

等雖事後砌詞反噬固是常情然亦有所恃而不恐似此案之彰明較著不難於聽斷者矣上年十二月準臬司咨詢職道卽將前情約略咨覆在案茲聞見經長沙府承審委員訊斷賂時凱出錢八百串給毛瓏震起造房屋職道聞之不勝駭異不知委員誠何居心偏袒若此無論見在甯遠伏莽尙多卽前經職道所辦各案可翻尤而效之地方之害更不忍言矣且屋係職道所燒匪係職道所戮該委員究因何故而憤憤若此燒匪之屋兩間旣可懸斷不相干之賂時凱賂錢八百串又何不可斷償殺匪者之命耶况此等易結之案延至兩年株累正紳不少夫吏治爲

清盜賊之源團練爲靖土匪之本今倒行逆施若此竊恐
匪勢復張莫敢誰何此粵東西之所以不治也職道爲治
亂關頭起見又係親辦之事不得不直稟憲臺俯賜飭查
該委員有無情弊以懲官邪并懇迅賜委廉明之員斷結
開釋駱時凱等一千無辜以免拖累而彰憲臺明德若案
再延必至更生枝節深文鍛鍊以護其非恐株連正紳尤
不止此矣所有團紳駱時凱全案人等無辜受累稟請迅
結開釋緣由理合馳稟

會圍臨城疊次攻勦情形稟

七年五月十三日

敬稟者竊職道於前月初四日進紮泰坪墟業將所擬攻

勦機宜具稟在案初六日卯刻職道拔營進至距城十里之八角亭遇屯賊約二千經楚勇擊退卽紮營其地劉道蕭守并江西委紳安肅劉道水陸各軍均如約來會該逆堅守不出各軍勇無所施職道卽派幫辦至瀕河一帶相度地勢目擊水師獲勝奪賊船九隻初八日安肅劉道水陸全軍已由樟樹進紮離城十里職道因連日誘賊不出與各營會商掘壕以困決贛奔袁以灌初十日未刻賊乘狂風暴雨出城數里甫派勇往截卽遁是日蕭守營於北門開仗獲勝十一日安肅劉道派水陸兩軍疏濬臨城上游橫河故道引贛水入袁河候大漲時可灌也十三日水

師由橫河駛入偃城我軍攻南門日暮收隊十四日辰刻各軍如約大舉環攻職道派王文瑞率兩旗出中路攻南門張運蘭率一旗督吉字營由左進王開化率三旗由右進水師一由袁河派上一由橫河口駛出夾擊城下賊舟并合力攻擊瀕河雉堞職營攻南門施放槍礮火器斃城上守賊不少并拔城外鹿角甚多劉道攻西門收隊時賊忽出追張運蘭督一旗及吉字營反旗往撲遙見劉道營奔匹馬揮刀連斬數賊賊遠敗退蕭守率勇直偃北門不避礮石前者傷亡後者踵進攻破賊卡斃賊甚多是役也各營兵勇不可謂不力職道親見城上守賊意氣閒閒絕

無驚懼蓋守具備而守志堅也十五日安肅劉道獲臨城奸細係向九江林適目呼援偽文之意欲水陸大股分三路攻省以解吉臨瑞之圍竊計該逆已分大股陷福建兩郡四縣暫必不能犯南昌因省城頗虛故賊計及此十九日安肅劉道督水師攻城一面將沿河上下鐵鎖竹筏斬盡二十二日午刻因旬餘苦雨稍霽卽約各軍偪城而營以便合力抽掘長壕斷其接濟職道卽進紮離南城三里未刻江令忠義之勇築壘未成適賊來撲接戰聞劉道肅守飛馳繞截賊勢大奔拌力追殺俱有斬獲二十四日安肅劉道水陸各營均近城駐紮聲勢極爲聯絡二十六日

辰刻職道卽邀同劉道蕭守等往勘掘壕地二十七日職道親率各旗出隊往丈壕地劉道蕭守各軍如約均至按營勻派丈地并約壕工以深闊各四丈爲準申刻突出賊百餘循城而走職道揮令劈山礮轟擊斃賊十餘名餘賊奔回不復出始收隊徐歸二十八日辰刻各旗派隊掘壕職道親往指畫又於河邊築臺安劈山礮數座午正賊舟四隻逆流而上連開數礮傷賊數名賊船卽退本月初三夜會合各軍於三更環攻施放火器逾時該逆憑城放礮息燈擊柝不爲少動初四日辰刻職道巡壕至河邊見安肅劉道水陸兩軍開仗於中洲卽飭掘壕勇接應賊卽奔

城不得痛剿其狡猾往往若此初八日酉刻接李參將承
立信稱福建敗回之石逆韋逆率黨萬餘已抵新淦將欲
援臨等語職道擬率所部趨淦痛殺旋因接康令國器稟
并探報始知未確而止初九日賊出千餘擺列依城各營
派隊甫出賊早退入十一日未刻康令函約各軍於四更
水陸併攻因風雨交作戰船不得舉事各勇久候收歸此
四月至五月十二進攻情形也見在臨城猝難得手幸壕
工已有七八分功程職道擬俟長壕成後卽渡贛而東擣
新淦規撫建以踐前約冀免老師靡饜之咎所有疊次攻
剿情形理合縷稟

王壯武公遺集卷六終

湘潭朱士宜校勘

王壯武公遺集卷七目錄

稟牘七

邀擊吉安水東大股援賊擒斬賊酋連破賊壘七座

稟 咸豐七年五月二十九日

續報沙溪藤田大捷并請暫畱督辦團練規復樂安

稟 七年閏五月十一日

五星石續獲大勝賊眾悉竄撫建樂安見籌進剿情

形稟 七年閏五月十五日

韶源上固大捷擊破甯都大股援寇稟 七年閏五月

二十二日

覆陳擊退援賊由樂安進規撫州稟

七年閏五月二

十五日

追勦甯都鈞峯大股賊匪大獲全勝稟

七年閏五月

二十六日

邀擊竄甯都古夏股匪大捷稟

七年六月初一日

甯都東山壩擊福建竄股續獲大勝稟

七年六月初

三日

追勦廣昌縣屬頭陂賊屯大獲全勝稟

七年六月十

九日

懇調胡訓導一軍來江并陳周副將攘誣各節稟

七

年六月二十日

收復樂安聞吉安圍軍失利力疾布置各情形稟七

年六月二十五日

呈傷亡弁勇清冊請領卹養銀兩稟七年六月二十

七日

分勦公陂賊屯獲勝并探悉各路情形稟七年六月

三十日

由樂安赴援永豐復聞警馳回安籌進勦機宜稟七

年七月初十日

連日誘勦崇宜巨股大捷并收復南豐縣城請保出

力各員稟 七年七月十四日

永豐駐防湘勇進剿羅湖鋪泰坪山等處大捷并樂

安新令在公陂敵亡懇奏請從優旌卹稟 七年八

月初一日

王壯武公遺集卷七

稟牘七

邀擊吉安水東大股援賊擒斬賊酋連破賊壘七座

稟

咸豐七年五月二十九日

敬稟者竊職道已將五月十三至二十日攻剿臨江城賊情形具稟在案比日連接吉安各營警報水東援賊萬餘掘江高築營壘與城賊勢相倚捫斷我水師歸路吉水防兵勢將難支事勢萬分喫緊等語又據駐沙河千總哈玉麟稟報探得偽歸地王倒天侯率安徽賊萬餘繞道永豐直援吉郡各等情職道以此舉關係大局自當先其所急

乃與劉道長佑蕭守啟江商議臨江攻剿事宜妥帖安置
遂於二十一日拔營冒雨疾馳兼程前進二十四日抵峽
江二十五日戌刻抵吉水對河之三曲灘二十六日職道
單騎沿江而上查勘對岸地勢是夜四鼓蓐食五鼓整旅
渡江二十七日午初抵水東之周家嶺離賊營四里許正
在紮營該首逆僞七十五檢點盧三友僞將軍沈元悅僞
平東王何勝權等率悍賊約六千人分三股前來撲營勢
甚兇猛職道暗令六成出隊以二旗勇伏於山左卽選同
知張運蘭督之以三四旗伏於山右同知銜卽選知縣王
開化督之又飭藍翎千總朱惟堂率吉字營勇由山左潛

出案山嶺繞出賊營之後分撥已定餘五成隊及長夫人等掘壕築壘任該逆咆哮跳躍若弗聞見直候該逆鈔過右路營地之後始親率侍壯及五六旗勇由中路迎擊鼓聲大振塵戰一時賊殊死敵侍勇李繩武江發榮黃恆和黃聚賢等向前亂刺僞沈將軍落馬片刻成爲齏粉又連殺悍賊數名賊陣大亂我軍奮力衝擊賊敗走伏兵齊出橫衝截擊斬殺六七百名其沿河一股逼溺水死者如萍浮波面不止一二人城賊急撐船撈救均被我勇礮擊而退適長字和字二營共來舳板數隻截擊擒斬多名其中左二股急竄入巢壘我軍乘勢撲之張運蘭率一二旗

破其第一壘盡殺之其餘各壘仍堅持不動王開化率三四旗撲第三壘賊憑槍礮以守盧逆親立營前指揮抵禦我軍不得入第三旗旗長湖南補用都司易普照憤其抗拒多時率百長劉光明賀能起文恆久劉爲政等冒險直衝入壘將盧逆登時斬首眾賊猶拌力死守易普照復手刃數十餘賊中槍陣亡我勇乘勢齊撲遂破之餘賊逃出又爲地鍼營壕所攔盡殲之賊屍狼籍壕坑填滿職道遽揮各勇將第三壘第四壘圍住以火罐噴筒四面焚之賊拌命衝出望東南而走適朱惟堂所督吉字營從案山嶺鈔出至沙廟下截其逃走之路邀擊於前各旗勇追勦於

後檢斬幾無遺類其第五壘與小塘莊塘村內之賊穩抗如故職道卽令各旗勇及吉字營合力圍撲一齊舉火偽平東王冒火衝出侍勇楊義倫等近前斬之餘匪四散多被殲斃時已戌刻職道念各勇飢疲已甚遂令收隊回營次日令幫辦押令長夫將各處賊屍投棄河中查點已有二千一百餘名其水溺火焚亦約計二千有餘生擒賊亦二百有餘連日百姓擒送傷逃者又二十餘名據供大小賊口十八名僅逃走總制小頭目等三人餘俱陣斬奪獲大礮一尊劈山礮二尊馬三十餘匹擡鳥槍二十餘竿各色旗幟軍械子藥不可勝計此二十七日斬首逆破賊壘

五座賊村二處大獲勝仗之情形也竊我勇以連日冒雨疾馳之勞值竟日忍飢力戰之苦賊益死拒勇愈拚攻幸得一鼓成功有此一捷不惟西三郡賊膽已寒卽東三郡之賊必且奪氣蓋此次盧逆等糾合廣東安徽撫建各處精悍老賊銳意援吉其勢猖獗異常且聞我軍將至先夜城中挑選勁賊渡河助戰凡二十餘船故當我軍乘勝撲營之時此壘已破而彼壘仍堅守不亂遠則施放槍礮以拒近則以刀鎗相撞最後則以瓦石鍋碗之類亂擊死拒與古語所云勢如破竹一節輕似一節者竟得其反實戰事之最奇者獨惜我三旗旗長湖南補用都司易普照及

請保千總加守備銜之六品翎頂把總張廣生請保千總之六品翎頂把總廖正翼楊岐林請保加六品翎頂之把總段照貴外委黃鳳全等五名及軍功勇丁周得貴等六名均力戰陣亡其餘受重傷者七十餘名吉字營勇陣亡一名受重傷一名次等傷十九名伏思都司易普照宅心仁厚忠勇絕倫自咸豐二年職道在本籍湘鄉練團該員卽隨同効力靡戰不先衝鋒陷陣屢著奇勳又能善拊士卒整飭營規佐職道力所未逮在湘營實爲得力之員崇通案內請保遊擊銜此次竟殉於戰職道悲不自勝伏懇憲臺逾格恩施隨摺附奏請照實任遊擊例從優賜

卹以慰忠魂而昭激勸其陣亡弁勇咨俟另行彙報懇請

卹典所有此次大獲勝仗緣由理合馳稟

續報沙溪藤田大捷並請暫留督辦團練規復樂安

稟 七年閏五月十一日

敬稟者前月二十八日會將水東大獲勝仗情形具稟在案是日渡江與趙守劉將文從九等面商攻勦事宜二十九日黃守來營會商練團諸務本月初二日職道復過西岸宿總局中會晤黃守並紳士劉修撰彭守胡中書等剴切指陳首以團務為急諸紳無不感悅初三日復傳近城團丁數百激以義憤教以戰陣多踴躍歡呼感激泣下益

見民情可與有爲隨撰勸團告示痛切言之並給與二十七日所獲槍礮連日探報萬安潰匪數萬欲趨吉郡因與水東敗匪相值折竄水南白沙一帶職道以郡賊已成孤注東岸毋須重兵乃酌留兩旗勇交王開來張運蘭督之會合水師晝夜巡防其餘各旗並吉字營悉率之進勦並知會西岸諸營加意嚴防初五日行六十里至帶源探報水南白沙之賊悉竄樂安職道忽患暑證擬回老營就醫令各旗長耀兵水南各路揭示勸團夜中接黃守寄閱永豐章代令致劉修撰函云水南竄去敗匪爲數甚巨初二日經過藤田團勇挫敗賊益肆焚掠小民難堪職道以永

豐團練尙多可靠亟宜往援飛信會合章令初六日帶病
前進行五十里抵白沙市初七日越硬脊嶺行七十里至
藤田鋪永豐代令章縣丞激率勇五百亦至探報賊股已
竄流坑一帶距樂安四十里遂定次日拔營進剿五鼓將
行忽報距藤田五十里之沙溪倏到甯都州竄賊數萬該
處爲我軍後路且距吉郡僅百五十里不得不先剿之初
八日疊發探足偵知僞大臣禱天侯元勳加十二等世襲
胡壽階率黨二三萬人張貼僞示聲言先援吉郡次援臨
瑞詞甚狂悖職道病猶未痊派王文瑞王開化督四旗勇
往剿其親兵及吉字營勇卽駐藤田是夜二更造飯三更

啟行初九日黎明行過瑤嶺至獺形地方一二旗出左小
路五六旗出右大路第六旗爲前隊辰刻馳至破塘村賊
多未起圍殲之約四百餘名旗長張南桂恃勝輕進不知
調度被賊層層包裹以致陣亡弁勇四十七名受傷弁勇
二十九名比時三五旗分途趕到殺透重圍幫辦劉飛督
團助戰該團丁等亦聽指揮聲威大振賊悉敗奔火其巢
穴數處追過沙溪八里之慕藪地方斃賊千數百名生擒
四十餘名奪獲軍械旗槍七百件申刻整隊徐歸此初九
日派隊進勦沙溪大獲勝仗之情形也是夜探報胡逆憤
其黨戰不力欲圖報復將并力來攻職道以賊眾十倍於

我宜乃
會又令
於舊鼎
奔馳漚
因念賊
築壘辰
人層層
在左去
丁千餘
令而行

久村林伏賊陸續出見揚旗而來見該逆技已止此時將未正我勇食飲俱足料逆賊遠來飢疲已極乃招動號旗朱惟堂督部勇蛇行深林中近硬脊嶺下伏之繼麾五六旗出營前列陣再舉號旗一二旗出左路田洞先進中路賊已橫走向之以全力拒抗鏖戰間遽令發號插鼓同聲吶喊震動山谷中路右路飛馳齊進章令督潮勇團勇繼之賊大敗奔所過田禾盡踐入泥一二旗由花門前橫截而出衝斷逆股合圍殲之復令王開化王文瑞朱惟堂分督窮追沿途斃賊不可勝計追至瑤嶺路窄而險我勇槍擊鎗刺但見賊屍紛紛滾下墜落岩壑者人馬層層覆壓

且先墜者刀矛如萬筍出林後墜者擡之而死追過嶺下
賊多難走惟伏地叩首亦有自刎叢莽者復追至馬鞍石
地方共四十餘里時已酉正收隊徐歸約計斃賊近五千
名並斃其指揮先鋒協理卒長巡查典硝各項賊目六七
十名但乘坐轎馬服色花樣者皆是也生擒大小賊二百
餘名團練按山復獲逆五六十名吉字營勇陣斬偽禱天
侯胡壽階剝其所戴花冠並接得偽龍袍繡花風帽二件
其大轎偽儀仗之屬卽於陣前毀之共收焚各色大旗四
千餘面槍長鎗八千餘枝刀鈹鳥槍共千餘件惟擡礮藤
牌甚少蓋此次殺賊與上四年十月初解甯遠城圍及五

年十一月追郴賊出城爲相似而旗械委棄之多則於此役始僅見之又據石厖團首文生蕭輝等稟報團丁李廷祿等圍僞總制陳逆於巖坊村廟內斬之獲其僞印令旗等件繳送前來查胡逆廣西人稽其所轄僞官冊悉屬粵湘鄂皖金陵各處老賊最稱兇悍二月間由宿松率黨萬餘前來至撫建廣昌甯都一帶會集僞總制陳逆並僞將軍譚逆及葛邵盧何諸僞指揮逆股號稱八九萬人注意援吉臨瑞郡僞總制陳逆廣東人所轄夥賊多其同鄉裏僞撫建之民效其裝束冒稱東匪初九之戰東匪在前胡逆憤其挫敗本日督率賊自爲前驅必欲衝過藤田由永

豐吉水綾趨吉安此訊問生賊並稽其文冊偽示得悉梗概如此幸賴 國家威靈憲臺福蔭連日兩戰首逆俱殲悍賊悉戮是誠惡貫滿盈天奪其魄特假手湘勇以盡之耳見在敗匪尙萬餘人折竄明德鄉一帶職道布置妥協卽督勇盡數掃除毋使流毒然後進搗樂安規復邑城將數縣團練實力舉行吉臨瑞與龍泉四城之賊縱能潰走東渡必可洗殺無遺惟是昨奉憲臺札飭回南聽候調遣見聞蘄黃兵力已厚足遏逆氛北路應無足慮桂林之賊分竄沙子街前月初八日已陷平樂府城永鎮見調黃宋兩遊擊往防永明而蔣守段令兩軍駐紮全州左蕭諸弁

分掘黃沙河一帶南路情形較鬆伏查廬吉樂永四縣民風純厚久遭荼毒仇賊日深而各縣令又皆能認真辦事及時舉行團練事半功倍且西三郡指日可下樂邑不復不能掘撫建援賊來路團練不成不能堅吾民仇賊之心原知事非易辦曷敢諉之他人半途而廢可否仰懇憲恩稍假時日另調一軍防勦南北兩路俾職道得以從容展布略有小效卽當謹遵憲札星馳回南聽候調遣如蒙俯允所有職道營前次請領饟銀藥鉛伏乞飭局迅速委員護解由袁州分宜峽江吉水一帶運至行營交收以利軍行而資接濟所有本月初九初十兩日在沙溪藤田大獲

全勝並請暫留職營乘時督辦團練各緣由理合稟請批示飭遵

五星石續獲大勝賊眾悉竄撫建樂安見籌進剿情

形稟 七年閏五月十五日

敬稟者本月十一日會將初九初十兩日在沙溪藤田大獲全勝陣斬首逆偽禱天侯胡壽階等逆目各情形具稟在案當夜專勇協團繞至白沙烏腦嶺仙師坑南山嶺一帶告以官兵大勝宜多集練丁大張聲勢賊至多則截尾少則圍殲各皆踴躍聽命十一日辰刻賊二三千屯駐瑤嶺俯窺我營少頃多半竄下嚴坊地方往還職道料團練

緊嚴賊所畏懼且贛江以東廬萬吉永四縣地面均無賊蹤必竄樂安方爲生路而藤田正當其衝該逆在所必爭乃偃旗息聲示弱以誘之該逆不敢近前午刻仍越嶺而去職道恐該逆鋌而走險黑夜潰逃派隊嚴行巡哨並多發偵探四路前去十二日該逆又至瑤嶺憑高頓住眾山皆滿約五六千人職道以昨未出隊誘之不前乃令第二旗旗長陳品南率五成隊徐進至瑤嶺下列陣賊來佯卻誘之必俟接應至乃許回擊疊據走報逆賊時進時退不敢近前卽飭該旗長率隊徐歸必誘賊至平地午刻據探報十一夜賊由明德鄉下龍坑百公坳翻越山嶺竄到石

庵本日辰刻陸續到齊數約萬計旗幟數面軍械不齊等語職道料該逆分股鼠竄而以精悍斷後牽制我師其心不固宜急乘之適二旗悉誘逆賊下山祇嶺巔有少賊搖旗觀陣卽令章代令部勇出頓藤田之後以防流坑股匪令王開化督一旗勇在左六旗繼之五旗居中職道率親兵繼之朱惟堂督該營由右路層疊而進分途疾走該逆不戰自亂紛紛潰逃追殺至五星石地方斃賊甚多賊盡棄小孩而走田野山林嘯聲不絕再追至嚴坊賊併婦女亦棄之伏地哀號亦二三百人其他行李鍋碗之類塞滿道塗間賊悉奔竄上山職道麾各勇緊追申刻至勒門收

隊沿途斃賊八九百名生擒五十餘名婦女幼孩共六百餘名口悉令團練收養又獲馬十三匹旗幟軍械千餘件此十二日續獲勝仗之情形也職道以該逆此來攜帶婦孺行李實出意外訊生擒賊唐良材等供昨日僞譚將軍率眾來覓僞禱天侯逆屍旋卽合眾翻山而去惟僞指揮何逆約會流坑賊目僞副將軍梁逆夾擊官兵必欲衝過藤田大路其黨皆不願至殺數賊脅之羣擁而來因不見流坑之賊望見官軍卽走等供十三日探報昨日辰刻到石庵一股又竄南坑招攜司往樂安而去十二日敗匪連夜由石庵前長灘竄龍溝善和市亦往樂安數日以來各

路團練均能遵照指示相機截殺圍殲數十里內殺賊二千有奇殺至淋漓痛快之際該逆惟跪求超生哭訴借路各團義憤更伸益知所以殺賊矣本擬躡追因流坑一股未了難於兼顧俟其合併然後進攻並以龍泉賊勢窮蹙兵勇甚多札調胡兼善一軍隨同征勦十四日張運蘭王開來率三四旗勇至述稱水東已派長字左營並撥吉水防兵數百同紮職道舊壘憑河而守足遏奔衝是日傳齊團丁約近萬人登臺開導鼓其義憤之氣以收指臂之功戍刻探報流坑之賊亦全數竄去此時偽國宗章洪石三逆首並僞遜天侯吳逆悉聚撫建樂安一帶郡縣烏合雖

眾正宜乘時聚殲職道見在一面力行團練一面規復樂安惟接省信知翼逆石達開率黨自安慶來五月二十六日已至彭澤意在援江當卽飛致九江鄱湖臨瑞各路水陸軍營探聽石逆果由何路行走卽率勇前往迎擊斷不容該逆肆其披猖以期仰副憲臺委任至意所有十二日續獲勝仗並各路敗賊悉竄樂安沿途團練截殺極多及見籌進勦各緣由理合馳稟

韶源上固大捷擊破甯都大股援寇稟

七年閏五月

二十二日

敬稟者竊職道於十五日將初九初十十二等日連獲大

捷情形馳稟憲鑒在案旋探敗匪多陸續竄往崇仁樂安
宜黃撫州而去職道正擬進剿樂安忽探甯都州賊數萬
已竄至離沙溪或二十里或三十餘里不等職道查沙溪
係賊竄吉安大路我軍駐紮藤田又出其前遂決計先剿
此股因各勇旬日患病十居五六只得率四成隊計一千
二百人於十八日起行是晚行抵沙溪探報該逆連紮數
十里其前隊已紮至韶源地方離沙溪尤近該處山路叢
雜未可深入職道以賊眾我寡須待其自來出奇勝之二
十日賊以數千人前來搦戰而設伏於遠近山內意圖誘
我我軍堅守不出示弱以驕之該匪亦不敢近前至申刻

引去二十一日午刻賊約萬餘人橫亙二十里漫山而來其氣甚驕職道傳令各勇飽食以待不許妄動賊之前隊已至離營里許前面山內搖旗喊吶職道勇仍堅持不動而暗令王文瑞督二四旗從營後濬左路山脊而上令張運蘭督五旗及吉字營從營後繞右路山脊而上令劉飛及永豐章令樂安斬令分勇練勇散布於左右山內以作疑兵又令王開化率三旗迎擊中路職道親督六旗及侍壯勇從後接應左路山上礮聲不絕二四旗已首先遇賊殺二百餘遽敗走頃之右路山上五旗吉字營亦與伏賊相遇

數十名賊亦敗退其中路之賊遂不戰自潰王開化乘勢由右路山下追之職道由左路山下追之追至前面山坡我兵齊到將該逆合力圍殲六七百名賊多旁竄兩面山內經章令斬令督勇盡數搜斬我勇再追數里至拱岡背該處兩山陡絕中惟一路僅容一騎賊遂排列槍鏑扼口以拒我軍請保守備藍翎把總胡文應等二名斬鬪直入死之百長丁長勝等冒險繼進身受重傷各勇乘之遂得衝入斬賊百餘名賊復敗走人眾擁擠墜岩死者不計其數我勇從後緊追直至韶源祇見屯賊不下五萬人村屋數百戶均皆紮滿其沿河一帶十餘里連營不絕我兵突

至如霹靂一聲從天而下賊眾驚顧不知所措卽相率分途奔潰我勇遂將沿途賊村賊營概行放火賊之燒燹無算我勇復分五路追之至上固前面隘口該逆情急乃推倒老幼婦女於地堆積填塞而架槍礮於上以相抗拒其兇毒如此我勇各路均已趕到直前衝突該逆敗走梟水過河我勇乘勢復斃賊數百名追過對河三里之貓公嶺時已昏黑遂令收隊查我勇是日受傷十餘名陣亡二名合計破賊村賊營三十餘處斃賊二千餘人生擒數百名均於陣前斬之委棄軍械旗幟行李包袱於地者無算當令百姓檢收不許我勇拾取一物致誤事機竊是役我勇

以一千二百之眾敵五六萬之賊以三時之久破該逆連營數十里之多職道用少擊眾從未有若斯之極者若天色尙早更得遠追其所殺必尤多也是皆仰賴 國家威靈憲臺福庇以得致此據生賊供此股多係南安府南康縣潭口人該處潭口地方數十里百姓均係從逆自上年會合僞國宗洪逆各股攻打贛州不下旋竄甯都州聚黨已至十餘萬人因賊眾不和洪逆分股由廣昌竄往撫州而去而此股遂以僞將軍楊逆潘逆及蕭復勝三逆爲之魁蕭逆係湖南人湖南碼子爲其統屬此次由甯州竄來將由沙溪取道白沙水南竄往水東以援吉安如不得志

將取道萬安一帶乘虛仍襲贛州等情職道因思該逆以一方之人同謀爲亂攜其家屬男女與其同鄉共井之人出而滋事其志必固其心必齊又以久出思歸不願東出撫建立意援吉以爲便道回籍之計其必思恃眾拌命由此衝過可知職道惟有嚴加準備痛與芟除以紓憲廩所有此次大獲勝仗情由理合馳稟

覆陳擊退援賊由樂安進規撫州稟

七年閏五月二

十五日

敬稟者本月二十三日戌刻沙溪行營接奉憲臺鈞諭猥以水東之戰重蒙獎勵感激之餘彌深慙悚又因連日追

勦致稽稟復負罪尤甚猥承下詢移勦撫州進兵何縣職道維此時援吉援臨各路逆股均經擊退其西南各縣如廬陵峽江吉水永豐均已一律肅清而各邑團練均皆踴躍集事實力奉行足資防守職道一軍見在連日跟追甯都敗匪擬卽乘勝進攻樂安諒該逆聞風膽裂此城可一戰而復也擬仍一面飛商甯都官兵乘風聲鶴唳之勢收復石城廣昌則西路已次第掃除若新淦早復吉臨官軍實能自立使職營無後顧之虞卽可由樂安進圖撫州矣惟東北各邑聲息難通其賊蹤有無與官軍駐紮何處尙乞憲臺詳密示知指授機宜俾職道通籌辦理聯絡各軍

會攻合勦實爲德便職道全軍三千人因數月來歷受暑
雨跋涉之苦旬日患病者十居六七均畱駐吉水城及藤
田醫治其餘能戰之士不逾一千二百人幸各勇戰氣百
倍少可擊眾足紓憲廛耳肅此具稟

追勦甯都鈞峯大股賊匪大獲全勝稟

七年閏五月

二十六日

敬稟者竊職道已將本月二十一日勦賊永豐上固大勝
緣由馳稟憲鑒在案二十三日辰刻探勇回報敗賊已於
先夜遁走職道卽囑章代令飛飭漢下南陵各處團練嚴
行堵勦如係大股過境卽從後截殺該逆必不敢首尾相

顧職道卽於是夜四更拔營追勦目擊沿途賊屍枕藉始
信團練之已有成效而章令之能實力督辦也二十四日
申刻行抵南陵該逆已走小浦二十五日午刻抵小浦該
逆聞風又走甯都州屬之釣峯地方是晚行抵甯屬之羅
阮二十六日巳刻探報該逆尙住釣峯離羅阮八里人數
尙五萬餘惟見賊眾沿途多已鬍髮民間有收得長髮紅
辮二三擔者其勢之窮蹙可知又探有王爾地方千刀會
匪目謝芸標率黨千餘先夜由璜溪竄來與此股會合職
道遂於是日午刻傳令出隊三路進勦王開化率二五旗
勇由營左山上小路前進而令劉飛及永豐章令樂安靳

令分督團勇練勇從後接應王文瑞率一三旗及朱惟堂
吉字營由右路前進職道親率四六旗及親兵侍壯勇由
中路前進行近釣峯只見該逆蜂屯蟻聚遠近邨墟無不
紮滿墟前一河兩面河洲極爲寬闊該逆盡以竹簟搭棚
連紮十餘里職道以賊營遼遠而我勇人數過單未便多
分宜併力先破墟內之賊迺令王文瑞率一三旗及吉字
營由墟後包繞職道親率四六旗及侍壯勇由街口殺入
該逆拚命死敵旗長蕭明聲陳盛世等冒險直衝立斬悍
賊數十人賊敗走人眾擁擠自相踐踏死者數百橫填街
面我勇躍賊屍上過直前亂斫斃賊不計其數僞土四十

一軍總制廖逆死於馬上殺出街口該逆正思望河面逃竄適王文瑞早從街後衝過邀擊於前圍殲三四百名其左路山上一股約七八千人王開化分遣第五旗潛繞賊營後自率二旗伏於山陂而以章令靳令之團勇練勇向前誘之該逆果率大隊趕來王開化伏兵突起賊望見湘勇旂幟不覺魂飛魄落返旂急走而我五旗之二已鈔襲賊營火其巢穴該逆遂望山下而逃我勇從後緊追斬賊二三百名追至河邊其洲面之賊亦遂望風奔潰我勇一面放火一面趕殺職道迺令王文瑞分勦右路山上之賊而自率各勇追勦墟內敗匪至於河邊并令沿途墟屋放

火王文瑞已破山上賊壘乘勝復撲上面河洲之賊上下
十餘里賊棚一齊起火烈焰沖天該逆逃走無路臭水過
河溺斃無算河水爲之不流僞炎三十六正將軍蕭復勝
策馬而渡侍勇李文翊曳其馬尾近前斬之職道遠令我
勇各取木板投置河中藉賊屍搭架頃刻成橋各勇遂濟
敗賊與對河屯賊均烏獸散僞金三十六正將軍毛福富
已自縊死於對岸樹下矣餘匪分途奔逃一由黎橫奔高
古嶺往甯都廣昌交界之坪田而去一由縣口奔十源洛
口往宜黃大路而去一由黃潭桃源奔淋池東朝往樂安
大路而去橫衍三十餘里我勇亦分三路窮追一六旂及

吉字營追賊至坪田三四旂追賊至洛口二五旂及永豐團勇樂安練勇追賊至東朝各路斬殺或四五百或五六百名不等陸續收隊而回見賊所棄軍器行李填塞道路縱令團勇取之亦不能盡也查是役殺賊約二千六七百名除僞炎三十六正將軍毛福富自行縊死外斬其首逆僞炎三十六正將軍蕭復勝土四十一軍總制廖逆土四十七總制曾逆賊目多名而眾賊之自縊自刎及投水死者無算當我勇追殺之時該逆有以頭撞地而求死者有以頭插入泥淖中求死不得者職道謬與兵端固宜以痛力勦賊爲事而目覩殺戮過慘未免傷心乃傳令各勇使

之大呼老幼婦女一槩免死棄軍器跪地者皆不殺頃刻之間拔出婦孺裹脅近萬人職道此舉蓋欲推廣憲仁而使無辜難民免遭誅戮也此次我勇以千餘人乘風聲鶴唳之勢殄此窮寇眾寡雖殊爲力較易殺賊近三千無一受傷者而永豐章令所督之團勇三四千人樂安靳令所督之練勇三百名隨同征剿亦實爲得力故能屢捷如此職道又查此股逆黨人數雖眾并無指揮以上大賊目爲之統轄經職道二十一日在上固痛剿後均思解散各自逃生因僞正將軍蕭逆極爲兇惡其統下萬餘人無不精悍威脅羣賊使之不敢顯萌搆志聞有逃遁者每以極刑

治之此次蕭逆伏誅眾賊已無所憚必漸成瓦解之勢而此股將遂平矣職道擬卽乘勢進攻樂安因探報前此水東沙溪藤田各股匪敗回撫州城賊與之格鬪閉門不納必須打開永豐擊退官兵方許進城見在敗匪多聚宜黃等語職道以該逆既有窺伺永豐之意我藤田老營均係病勇設逆賊乘隙竄來恐不能支已擬日內先回藤田督辦團練以重後路之防然後再圖進取方爲策出萬全所有此次大獲全勝緣由理合馳稟

邀擊竄甯都古夏股匪大捷稟

七年六月初一日

敬稟者竊職道已將二十六日在甯都州屬釣峯續獲大

勝情由馳稟憲鑒在案嗣因探報水東藤田沙溪上固各股敗賊竄回撫州城賊不納仍退屯宜黃思乘虛竄擾永豐等語職道遂決計先回藤田料理一切然後進攻樂安遂令吉宇營於二十八日先行職道於二十九日拔營適有甯都屬璜溪紳士來營稟報興國田勇數千在該處滋事民不聊生等情職道乃令王文瑞王開化率右壯親兵與第四旂勇往鎮之而親率各勇繞道甯郡廣昌宜黃樂安交界之處藉耀兵威以寒賊膽而固民心是晚行抵小源探報二十六日敗匪已分竄樂安廣昌而去惟千刀會匪日謝芝標一股竄至頭陂適有偽國宗洪逆統下偽三

十五正將軍伍福勝率眾數千由廣昌竄來與之會合於是日午刻折回小源前十餘里之古夏地方仍圖竄擾甯郡不料我軍已至小源也職道遂於是夜五鼓出隊初一日辰刻抵古夏該處山峯層疊山下一河水深二三尺望見對河賊眾蜂聚旂幟如林職道因思我勇人數過單賊若憑河而拒難於進兵須誘之過河出奇以勝之乃令張運蘭率一二旂勇捲旂伏於山後之右令劉飛督五六旂樂安斬令督練勇捲旂伏於山後之左令三旂伏於山後之中必俟該逆已入伏中聽鼓聲始行齊撲分付已畢職道親率侍勇十餘人至河邊搖旂以誘之該逆見職道按

繼徐行護從人少迺大呼職道名語甚狂悖急分數路過河約五六千人其左右各路遂登岸上山遠遠包繞其中路一股約二千人直向職道撲來勢甚兇悍其行甚速職道徐退至山陂該逆躡追遂已趕上相距僅二丈之遠職道始令鳴鼓我勇忽聞鼓聲翻身突擊兩傍伏兵齊起該逆知已中計遂反旂而走而張運蘭已率右路之勇衝過對河將該逆圍在陂心前後夾擊斃賊約三百名溺水死者無算餘賊望風而潰職道乃縱勇窮追追至對岸謝坊邨內出屯賊千餘殿後抗拒我勇奮力衝擊斃賊二百餘人賊復敗走我勇從後緊追沿途斬殺五六百名追三十

餘里至爐畚地方收隊而回是役其計斃賊一千三四百
名生擒六十餘名并擒其僞總制楊光裕等小頭目數名
奪獲軍械旂幟無算而我勇無一受傷者職道伏查前此
千刀會匪目謝芸標原名馥蘭句結僞國宗洪逆及其黨
僞將軍伍福勝竄陷甯郡州城旋因廣匪滋擾太甚民心
不服洪逆驚懼遂於前月二十九日棄城與伍逆等奔竄
廣昌謝逆率黨分擾各處自二十六日經職道勦敗後奔
竄頭陂遂併爲一股二十九日回竄古夏其計六七千人
盡屬精壯并無老幼婦女雜入其中蓋鑒於二十六日之
敗也此次與我軍接戰其先鋒多係伍逆一股其氣稍驕

謝逆之眾聞盡居後故被我軍殲斬者惟伍逆之黨居多職道再問據各賊供稱洪逆棄甯郡不守伍謝二逆極爲憤恨必欲乘閒再據爲攻贛州救吉安根本而古夏東山壩等處係由廣昌來甯郡要衝逆賊前此往來無忌職道擬暫駐該處數日將團練趕緊辦成俾民與賊仇以重上游之勢然後同軍藤田進攻樂安庶無顧此失彼之虞所有此次大獲全勝緣由理合馳稟

甯郡東山壩擊福建竄股續獲大勝稟

七年六月初

三日

敬稟者竊職道已將本月初一日進剿僞國宗洪逆統下

偽將軍伍逆及千刀會匪謝逆合股於古夏地方大勝馳稟憲鑒在案初二日探報偽國宗楊逆率黨二三萬人由新城竄來將援吉郡其前隊已抵東山壩分紮大河兩岸柳屋等語職道以逆賊初至宜速擊之是夜五股出隊令王文瑞張運蘭等督一二三旂由左路沿河前進其行至速職道率四五旂及親兵侍勇王開化率六旂及親兵壯勇劉飛及樂安靳令督練勇均過河由左路前進其行稍緩辰刻一二三旂右路之兵已抵坪田張運蘭等相度地勢復奉派三旂往右路山邊進剿派一旂由左路傍河進剿二旂由中路平崗進剿賊眾排列以待約三千餘人我

軍鼓聲齊鳴三路俱到該逆竟敢交鋒鏖戰一時我勇奮
衝擊殺賊百餘名賊始敗走時首逆僞殿右一百五十二
檢點張宗相僞殿左一百零三指揮曹信照不知前隊已
敗尙擁老賊千餘深居邨內我勇一面追賊一面將該邨
圍住賊拌命零星逃出盡爲我勇所殺最後張逆曹逆率
數百賊衝出我勇知爲賊目奮力齊撲大殺一陣斃賊無
算該二首逆死於馬上餘賊奔潰我勇分兩路追之該逆
多由下面橋上過河逃走與東山壩一股會合時職道左
路已到望見對河賊已大敗急令進兵行至離東山壩里
許賊於山上列陣約四千餘人屹立不動頃之賊之後隊

忽然喧噪賊陣大亂蓋王文瑞張運蘭等右路之兵已追賊過河該逆前後受敵不覺倉皇失措也職道遂令王開化及劉飛靳令等分途擊之賊大敗走張運蘭等邀擊於前該逆無路可逃乘勢圍殲四五百名賊屍狼籍餘匪狼奔兔走職道迺縱勇分途窮追而親率親兵數十人追勦山上之賊忽僞殿右一百零四指揮陳耀南率老賊千餘人從左路卽內突出見我勇追賊遠去職道護從人少遂上山趕來層層包繞職道已在重圍之中因思該逆經大敗之餘其魄已失其心必不能固破其一面餘必四散迺大呼齊撲親兵百長王桂林王華國等直前衝殺立斬陳

逆於馬上餘賊果無心戀戰盡望山下而奔時我三旂勇
聞信折回正與敗賊相遇該逆不敢交鋒晁水過河我勇
乘之弊賊不計其數又值張運蘭王開化等各路均已收
隊遂與併力復將此股追剿殲其大半而止是役計斃賊
三千餘名斬賊首逆僞檢點張宗相僞指揮曹信照陳耀
南等多名生擒二百餘名分別研訊正法一百八十二名
開釋裹脅七十餘名奪獲僞檢點張宗相指揮陳耀南曹
光照及僞土師指揮李土師金二將軍黃水十六正將軍
余土二百零二副將軍岳前二十三軍典聖糧鮑水十四
總制廖後十三典油鹽姜土師金一將軍李前二十三巡

查毛前二十三正典鐵丁前二十三正典硝磺金諸逆大
旂二百餘面偽印二十四顆偽官執照四十二紙大紅呢
轎一乘繡龍袍一件繡龍風帽二件騾馬一百五十餘匹
我勇受刀鎗傷九名均不甚重據生擒賊供偽國宗楊逆
率眾數萬於二月間由安徽出彭澤饒州弋陽一帶竄擾
閩省之光澤縣邵武府以及建甯旋爲閩省官軍擊敗遂
退走新城奔廣昌甫住一日卽思取道永豐之沙溪水南
一帶往援吉安其統下有偽檢點三人一姓譚一姓蔣一
姓張卽本日陣斬之張宗相也今日楊逆後隊未到偽檢
點張宗相一股乃其前鋒等供職道竊思我軍自水東戰

後月餘以來追剿藤田沙溪上固釣峯古夏東山壩各股悍賊不下十萬餘人前後八戰殺賊二萬三四千首逆多已伏誅而由各處竄來之賊希圖援吉援臨猶復前後踵至者以閩界旣清敗賊悉數折回此時撫建屯賊已無慮十餘萬眾勢必不能再容爲賊計自宜決命南竄力援吉安各郡再圖取勢上游所以一股敗去一股旋來其勢使然也頃探楊逆後隊二萬餘人陸續已抵廣昌之頭陂地方離東山壩僅三十里又僞國宗洪逆亦來會合初一初三敗去之賊因而折回其必思恃眾決一死戰可知職道惟有嚴飭各勇不以屢勝生驕不以兵單生怯極力維持

以紓憲廩所有此次大獲全勝緣由理合馳稟

追勦廣昌縣屬頭陂賊屯大獲全勝稟

七年六月十

九日

敬稟者竊職道會將前月二十七及本月初二初四等日
續將二十六初一初三等日在甯都屬釣峯古夏東山壩
三次勦賊大獲全勝緣由馳稟憲鑒在案嗣後疊據探報
稱僞老國宗楊宜清七國宗楊輔清新國宗亦楊姓不知
名率黨七萬餘由廣昌來而僞石國宗洪國宗亦其撥萬
餘人由南豐前來會合陸續蟻聚廣昌屬離東山壩三十
餘里之頭陂地方連日設計拏獲賊探均供稱欲由甯都

承豐趨救吉安後卽分股南擾贛南西犯湖南已遣人往各處起碼子等情職道思四旬以來自水東至東山壩八次痛勦追逐數百里賊雖眾亦當膽寒且其徘徊頭陂不敢遽進情形已可槩見又思吉安各軍自前月以來其氣漸振或可無虞而新淦之賊日形猖獗亟待掃除然不將此巨股再爲痛殺一番遽行他往則賊必乘虛以行其計致前功盡棄重貽良民之害而後事更難措手不僅吉臨難支卽江楚大局亦因之立壞乃日淬厲士卒力整團練爲一鼓掃蕩之計且查頭陂地勢係大市連邨平原曠野而四面疊障層巒雖有三徑可走廣昌而路多險窄不便

大隊行走竊喜該逆等合股就戮如能聚而殲之則不僅
江西之幸也日內署廣昌都司張騰霄代理南豐縣孫效
曾其率勇千餘由州城前來會合永豐中邨團勇已到二
千一百名甯都懷德鄉泰平鄉等處團丁至者亦六千有
奇職道爲之嚴申號令明示賞罰擇立隊長哨長以約束
之其餘分守各隘者其計二萬餘均諭探望大兵進剿之
時卽從各隘口殺出橫衝截擊又甯都之清泰鄉向能團
練與永豐之中邨合力禦賊而該處安徽知縣李仙友勤
慎練達鄉望素孚督率最爲得力卽札令聯絡南豐宜黃
廣昌與甯都近界之處假以權宜囑其實力堵截又以樂

安百姓暗行團練已久恐敗賊大股竄合城賊肆虐必甚
乃飛飭朱惟堂率畱駐藤田之吉字營勇五百名前往督
率團丁相機攻剿仍面諭靳令率所部二百餘勇由行營
往與會合辦理迺布置方妥剋期進剿而該逆等於十四
日遽盡數逃往廣昌矣十五日黎明率勇追之午刻抵頭
陂卽欲前進奈地方被賊罄洗米糧須在五六十里外趕
辦十六日粗爲料理是夜四鼓乘月色出隊職道率湘勇
千一百餘名由大路進永豐團勇繼之張署都司率勇六
百繞左旁小路增田嶺進令懷德鄉團勇繼之孫代令率
勇四百餘名繞左旁小徑之左饒山橫出令泰平鄉團勇

繼之整隊疾行三十里十七日黎明抵離城十里之茗阮地方守卡賊千餘擊走之又五里至三官殿賊出精銳萬餘爲前隊分五路來抗後面層層列陣以待職道亦分五路迎之雷第一旂及親兵爲策應鏖戰半時左兩路之賊少卻賊目立斬數人以徇復拌命死戰呼聲震動天地職道諦觀良久見悍賊及逆目多聚中路迺率第一旂及親兵奮力直衝之旂長黃萬友等闖入賊陣立斬騎馬賊數名五路之勇乘勢齊撲賊大敗多向城左而走適張署都司率勇由增田嶺殺到又數里孫代令亦督勇由饒山繞至合力追剿賊盡棄輜重而走委乘紅緞藍緞大轎各一

乘馬匹旂械服物狼籍滿道恣團勇取之我勇奮威追殺
中村團勇及懷德鄉小浦陽霽黃陂三處團勇亦多緊隨
跟追俯拾賊物者過城東二十里至長生橋親兵追隨大
黃馬逆目幾及之忽僞七國宗率屯甘竹之賊萬餘前來
接應敗匪遂復回關職道揮勇奮擊張署都司橫矛躍馬
大呼陷險賊亡命逃竄如鳥獸散我勇又窮追十里至近
南豐之甘竹因天釀雨蒸溽太甚乃收隊回營廣昌城暫
歇是役斃賊約近三千拔出裹脅及婦童共二千餘生擒
悍賊百一十三名訊斬之我勇僅受傷三名惜地勢愈迫
愈寬賊敗後可四散分走若在頭陂勦之則首逆多可成

拾而眾賊亦少漏網矣細審賊供并詳所獲偽文冊知前日石逆之黨退竄南豐洪逆之黨退竄宜昌是日之戰惟三楊逆與焉偽老國宗楊宜清因聞職道勇單先日誓眾不力戰者檢點以下皆斬故較前數仗爲稍兇是日中路督戰走時騎大黃馬者卽此逆也十八晚探子由南豐回稱賊奔走晝夜不少停原駐南豐之賊亦偕之竄建昌又訊逃出之賊供稱賊黨相謂此等真妖任甚麼財物不要總是要命怕建昌也難站腳等語職道擬稍休一二日進駐南豐或出宜黃如破竹勢成臨吉又無一別警則當乘勢取撫建再爲肅清西路也肅此具稟

懇調胡訓導一軍來江并陳周副將據誣各節稟七

年六月二十日

敬稟者竊維賞罰者已亂之大柄也功罪者賞罰之所自出也功罪不辨其真則賞罰無由而當文報不核其實則功罪又無由而明此今日至要至急之務也夫 天恩

高厚無已有加民性忠良於今猶昔而迺盜賊橫行生靈塗炭幾至不可收拾揆厥由來曷勝歎恨往事如斯可以鑒矣管帶吉字新營桂勇候選訓導胡兼善者年少有志諳於兵事勤慎勇敢機警嚴明去夏職道延之幕中俊以賓禮任以分營旋於秋閒黃守等議興援吉之師以上猶

崇義龍泉等縣賊蹤蔓延勢踞上游不可無健將勁旅爲之掃蕩因該訓導係桂東人地境毗連議欲其招募本地團勇以爲助職道以大局攸關許之乃招桂勇千二百人而該訓導僅帶三分之一饑項又復萬分掣肘俾不得展其所爲然前後數十戰履險如夷轉危爲安幸得成功忽昨據該訓導稟稱自去歲奉南撫札委募勇援剿江西崇猶龍泉數邑卑職會同吳訓導與劉令分途越勦其上猶崇義尙易爲力託庇於去冬規復嗣是南吉之賊悉聚龍泉卑職率勇節節攻勦賊眾勇單血戰數十次二月中旬始紮近離城十里許之駝背樹下該匪踞守堅城爲數雖

多而勢已日蹙不料萬安來援賊千餘二月十五日龍泉田令彭珠失利營盤被踏賊勢復張十七遂大股來犯卑職以逸待勞幸獲大勝擒斬以千數計於是該匪分股往竄西北鄉一帶田令率勇復回堆子前接勦而下又復兩次失利退數十里賊乃大股長驅直進不獨擾我後路且竄逼桂東不遠請救之書雪片前來卑職三營勇力本單且距城不遠勢難分撥不分則田令斷難抵禦後路可虞卽前功亦將盡棄於萬不可分之中而行徼倖之事卑職迺率所部勇四百名星馳救援兩大捷而西鄉清又兩大捷而北鄉之匪膽落該匪屯聚五斗江四月初三日連接

吳劉來函以援賊大至
語卑職伏思大股當前
但須堅守卑職初四日
捲旆疾趨日行百餘里
失利劉令敵匹鞭長不
我軍營盤并無虛日猖
新挫兇鋒甚銳未可輕
守靜以鎮之至初十日
全勝擒斬以千數計水
詎僞章國宗等又率黨

戰幸皆獲捷所有劉令原部中營勇四百名嗣奉南撫札委槩交舉職統帶至五月初旬賊乃分股萬餘逃竄萬安被我軍及團勇截殺甚夥維時周副將暨彪勇桂東西團等軍始接踵而至會合圍城晝夜環攻亦幾窮於設法卑職旋設誘降之計多方籌畫已於閏五月二十五日收復城池該逆墮我術中并無一名漏網卑職一切事宜萬不敢存半點欺心所有從前稟報各憲均係據實陳明此次聞各營稟報悉遵照周副將辦理大不相符恐干詰責乞密遣妥勇細爲查訪眞贋自當立辨惟口糧一節棘手萬分江楚各軍莫此爲甚卑營軍令甚嚴又不敢一毫騷擾

所部各勇隨營數月寒暑已極更無銀兩寄家竟有旬餘無一錢買油鹽小菜者閒有銷差告假萬般哀求勉強湊辦不過給盤川二三百文而已幸不敢開端鬧饑然亦深堪憐憫此種苦况刻難支持卑職自去冬召募以來多方設法或託挪移或典產業墊給口糧卹養製造等項爲數頗鉅精力耗敝前奉鈞札其所以不能移師隨同進剿者實以此受累故也卑職見在力請銷差伏乞將卑職各情轉稟江楚撫憲如何籌款權了此局不勝感激之至等因前來職道覆查毫無異詞竊已革廣東羅定協周鳳山貪怯性成恣戾習慣而其口辯足以文奸掩罪而攘功能其

橫暴足以侮上凌下而虐儕輩使爲卒徒尙虞債轅竟任將帥能不與尸漏網已久流毒到今此次之事已可槩見伏望憲臺速委公正賢員往訪龍泉士庶公論具在明鑒難逃職道爲治亂本原起見故不以越職直言爲嫌旣非與周鳳山稍有私隙亦非爲胡兼善表厥微勞如所言稍有虛假願污斧鉞以正欺罔阿好之罪惟憲臺鑒察焉又職道見已札調該訓導精選勁勇一千內外之數前來助勦而該訓導以前此所欠甚鉅目下又無川資家產旣將典盡借貸又難再行多端牽掣不能速來情形萬分可憫伏懇迅籌委解以救然眉職道竊擬以前欠項懇江楚分

籌給發以後所需口糧職道之二千五百人與朱千總惟堂所帶吉字營五百人均歸湖南籌辦該訓導所部卽懇由江西省局委解接濟是否可行懇賜核奪肅此稟

收復樂安聞吉安圍軍失利力疾布置各情形稟七

年六月二十五日

敬稟者竊職道於十九日業將十七日在廣昌縣追剿僞國宗楊宜清等巨股大獲全勝擬乘勢先收撫建二郡再清西路緣由馳稟憲鑒在案旋疊據探報南豐之賊已於十九日走盡宜黃之賊亦竄撫州城去又接朱千總惟堂樂安新令永豐章令稟報已於十九日收復樂安縣城職

道正與張署都司孫代令極意激厲團練籌備糧草爲乘勢直取撫建之計忽於二十一晚接藤田老營飛報稱吉安圍城各軍盡於十七日敗退固江迺急囑張署都司孫代令於翌辰先發所部勇往甘竹一面集齊團丁率領同往收南豐揚言攻擊建昌職道聲稱由宜黃樂安先取撫州實於是夜三鼓率勇疾馳於二十四日午正抵藤田老營連接文從九翼黃守冕稟報并詳詢探勇始知吉安各軍均已直退安福惟吉字營軍裝器械尙全吉水楊令明順於十八日辰初退走阜田旋於二十日走安福賊於二十一日辰正始進吉水縣城詢問其詳憤惋欲泣竊職道

自水東拔營以來勞瘁之餘兼冒暑雨醫藥又復不便無日不在病中或并日一食或兩日不能下咽然未敢一刻稍誤機宜奔逐苦戰之暇撫摩士卒激厲團練閱答文報猶連宵不能就枕以爲一勞永逸江西全省事勢可以立挽庶大局漸有轉機職道雖鞠躬盡瘁亦所甘心今復如此尙何言哉然殘喘尙延不忍置大局於不顧竊思吉城之賊爲數不過萬餘而僞檢點傳忠信又無遠略近城之民已遭塗炭無援賊至必不能遠肆擾害樂安雖有警報稱撫建之賊聲言洪石二僞國宗欲率大隊由該縣來竄永豐卽使果係確耗而聞職道已駐此閒亦未敢遽逞惟

新淦之賊日聚日多又得與吉水之賊聯爲一氣而見駐
臨城之僞檢點程瀛兇狡而能發縱若與外賊已通消息
如前此江西卽補劉道所獲僞書內多方誤我則江西省糜
爛固不知所底止而大局真不堪設想矣見在永豐章令
由樂安凱旋已囑其速挑團勇之可靠者二三百用湘
勇旗幟號衣出廣昌南豐忠勇如張署都司勤明如孫代
令得此以壯其聲威想可固上游之勢仍一面飛飭朱惟
堂穩紮樂安與靳令力整團練用示諭徧貼崇宜地界聲
稱職道卽日進規撫建一面飛諭吉安各處聲稱進攻吉
郡然後以全力併圖新淦次吉水吉安庶幾可望轉機也

肅此具稟

敬再稟者寇盜之橫行由於戰士之不力也戰士之不力由於軍政之不肅也今以萬餘之師圍困極之城我正添兵賊無外援而迺決裂至此盡退百里之外其天良固不必言亦中心常見賞可倖邀罰可倖免知畏賊而不知畏法也數十萬膏脂固已棄之如遺數百萬生靈何辜遭此慘劫職道查此役惟接帶吉字營之文從九稍可以告無罪其餘若分別從重治罪恐無以對我 皇上與我百姓矣惟憲臺斷而行之

呈傷亡弁勇清冊請領卹養銀兩稟

七年六月二十

七日

敬稟者竊職道一軍傷亡弁勇前次造報至咸豐五年十一月二十八日爲止應支卹養銀兩亦已給領在案茲自咸豐五年十二月二十日江華縣橋頭鋪打仗起截至本年六月初三日江西甯都州東山壩打仗止其陣亡弁勇七十五名受傷弁勇三百四十七名內頭等傷三十一名二等傷五十六名三等傷二百六十名均照向章核算總共應支卹養銀四千零七十五兩理合將傷亡弁勇姓名名數并受傷部位等第彙造清冊呈送伏思年餘以來職軍由江華而廣東而湖北而江西轉戰數千里仰賴 國

家威靈憲臺福蔭所向逆氛披靡次第埽盪然攻堅陷險
士卒亦有傷亡肝腦塗地情形寸楮殊難殫述前此人數
無多隨時籌畫支給卹養俾得安厝醫調以示體恤祇以
奔走不遑未克及時造報請領而月餘以來屢遇兇悍逆
眾我勇一以當百無不奮勇爭先傷亡較多應支卹養銀
兩幾及三千當此口糧虧缺之時無可籌給而亡者露骸
異土還葬無期傷者血肉淋漓呼號痛楚職道亦復何心
能無惻怛而思維輾轉無可如何爲特查造清冊申齋伏
乞迅賜飭局將職軍請領前項卹養銀兩趕緊委解下營
俾亡勇運骸有日傷勇醫藥有資感沐鴻恩實無涯涘肅

此具稟

分勦公陂賊屯獲勝并探悉各路情形稟

七年六月

三十日

敬稟者本月二十五日會將馳同藤田籌畫一切情形馳稟在案二十七日接據攝理吉字營營官千總朱惟堂稟稱二十五日會商新令督同團紳率勇練八百名馳往沙港催團約於二十六日黎明至小陂會齊合攻武家墟公陂屯賊該千總卽於二十五夜四鼓啟行五鼓行三十里至小陂地方新令如約先至適公陂武家墟之賊二千餘人傾巢而至該千總卽派朱寬義督前左兩哨百長羅定

發賀長春賀連級阮明德由左路鈔出派後哨百長潘長
青謝大洲由右路鈔出自率親兵及右哨百長胡克安王
春華由中路前進斬令督率勇團在後策應該逆亦分三
路來抗槍礮齊施鏖戰一時之久三路勇團奮威突出圍
殲騎馬賊目三名賊大敗走紛紛亂竄我勇分途擊之追
三十里至公陂地方始行收隊沿途計斃五百餘名奪獲
旗械槍刀數百件生擒九名訊據供稱此股係偽監軍彭
會集糾合撫郡悍賊來攻樂城不意兵勇中途截擊等供
查該營止侍勇張芝蘭一名受傷職道當飭該千總會督
勇團加意嚴防如有大股續至立即飛報察酌旋接斬令

稟報相符并稱按都派集團丁守城職道以該
經戰陣不足深恃商會章代縣挑選永豐中
名札令紳士督帶於二十八日馳往樂城協同
造湘勇旗幟號衣已成亦挑中甸團勇二百
隊伍札令紳士督帶加派親兵蔡允明副之
馳往廣昌南豐一帶隨同防剿悉聽張署都司
探得吉郡各營力圖復振進紮澧田西岸情形
建大股勃勃欲動亟宜厚集兵力分途盪抉以
與西岸之賊聯絡一氣則更難爲力因加札飛
兼善一軍由龍泉馳來會剿二十九日探得郡

水者往來無常人數亦不甚多并未敢遠出滋擾淦賊分小股至水邊墟地方屯紮其大股有回竄撫州之說旋接峽江縣代令楊逢新稟報二十二日有瑞州竄去股匪千餘人狂奔疾走至仁和墟一帶經楚勇前截後追該縣復督勇會剿於烏口地方殲滅無遺又稱郡城各營進紮澧田後在固江地方大獲勝仗該縣亦於日內會合黃守備水師渡江往勦水邊墟屯賊等語查該縣楊代令大非吉水楊令可比想尙足恃三十日辰刻據樂安斬令稟報連日飛探得宜黃屯賊二萬餘崇仁亦有賊萬餘均欲攻樂安出永豐以與吉臨之賊會合等語職道因思該逆經我

軍痛勦窮追不得逞於上游南廣甯都一帶其急圖樂永固在意中且該逆料我軍必趨救吉安可以乘虛襲取也而朱千總惟堂止五百人曷能當此職道前回藤田不遽向何路進兵而專用虛聲者意正如此見值郡城與淦吉情形較鬆不得不先其所急定於七月初一日率勇星馳樂安相機迎勦又念藤田四達通衢最爲扼要酌畱第一旗勇令旗長都司黃萬友督率駐防并收齊舊旗二百餘面以一半發交章代令糾集團丁數千令紮職道老營張我旗幟協同駐防并札章代令將城守事宜妥爲布置親駐藤田督率團練以期得力飭其四路偵探飛速馳報以

憑斟酌策應至該縣存城兵勇向來得力無論淦吉兩縣之賊不得遽犯永豐卽或敢至亦足以資防剿所有二十六日吉字營進剿獲勝并連日探悉各路情形據報宜崇撫郡之賊將攻樂安出永豐會合吉臨城賊職道安籌布置定於七月初一日馳往樂安相機迎剿各情形理合馳稟

由樂安赴援永豐復聞警馳回安籌進剿機宜稟

年七月初十日

敬稟者六月三十日會將定期馳往樂安迎剿各情形具稟在案職道卽於七月初一日拔營抵流阮初二日戊刻

至樂安城與靳令籌商一切連探宜崇兩縣之賊各踞城中初四五兩日疊據探報并永豐章代令稟稱淦賊分股至八都勢將聯絡吉水城賊聲稱欲攻永豐又報吉水分賊二千餘人竄至丁江亦欲攻永職道以崇宜之賊尙無動靜而永豐喫緊急須趨援乃飛致章代令由藤田回城令朱千總率所部勇五百及中邨練勇五百仍紮樂城會合靳令督團防守有警飛速馳報職道於初六日率勇疾馳未刻大雨如注就楊洲卹宿焉初七日又冒雨行五十里已刻至永豐城晤商章代令并紳士劉修撰等探得八都已有賊踞其丁江一路止有零賊往來續發確探前去

擬稍休士卒烘乾行裝再行進剿初八日巳刻忽接朱千
總飛稟僞國宗洪楊兩逆均竄宜黃眾聚數萬已分股至
河口排地方欲由樂安竄永豐以通吉臨二十六日敗去
之僞監軍彭逆亦糾撫州賊黨萬餘欲圖報復各局紳士
飛稟告急百姓驚惶四散團丁聞風潰逃等語職道固料
該逆等不得逞於甯都廣昌以趨吉郡必有由樂出永之
勢前以永豐喫緊星馳赴援今八都旣無巨股丁江亦無
賊股盤踞而樂安飛書告警較之永豐又十分喫重且該
逆注意來攻若不迎剿儻樂城復失賊將益逞其毒或出
藤田或出永邑一與淦吉之賊通氣則我軍面面受敵將

應接不暇矣亟應神速援剿當令二三旗爲前隊自率親兵及四五六等旗繼之輜重悉畱永豐午刻冒雨而行至小溪河水漲僅船一隻挨次而濟耽延甚久行三十里至七都天已昏黑又篝火行三十里泥濘路滑士卒頗勞四更抵水南住宿初九日天明又行而雨仍未住也已刻掩旗息鼓入樂安城令我勇潛伏毋使賊匪偵悉據探報并朱千總所獲賊探謝名升等訊據供稱洪楊兩僞國宗前在甯都廣昌爲我軍擊敗繼聞建昌亦到官兵遂併竄宜黃約六七萬人洪逆率萬餘賊爲前隊已至浯漳地方崇仁亦添撫郡城萬人等語初十日又據探報由崇仁前來

之賊已近小陂宜黃之賊分兩路右路據泰平市中路屯
浯漳離樂安城均三十里見在飭令嚴加哨探如逆賊不
來就戮擬卽率勇馳剿因恐愈進愈遠一時難以同攻淦
吉且如半月內能乘勢掃蕩撫建一帶則不能再棄破竹
之勢見雖接胡訓導兼善稟報遵札挑勇五百名定十三
日由龍泉啟行至藤田尙須時日而八都屯賊雖不爲多
將與吉水之賊通氣且梗我文報暫不得通宜早爲驅除
已函飭章代令并職營幫辦張丞運蘭旗長都司黃萬友
等會督勇團商同辦理先掃八都之賊乘勢攻克吉水以
斷淦賊氣脈又以吉水代令楊明順堵守不力失陷城池

應撤參嚴辦查得從九林祖壽人極明白辦事勤能上年
協守信豐縣城八閱月得保無虞前月經吉安黃守委辦
吉水團務六月底至藤田行營職道見已札委該員暫行
代理吉水縣印務將地方事件趕緊辦理會督勇團攻克
城池委籌善後諸事諒可不負委任伏乞憲臺飭藩司再
加札委以重事權俾免牽掣是所仰禱所有七月初一至
初十日探悉賊情初二日由藤趨樂初六日復赴援永豐
因接警報初九日又星馳至樂見探賊分三路抵浯漳小
陂泰坪市等處擬卽進剿并委林從九代理吉水縣印務
各緣由理合具稟

連日誘勦崇宜巨股大捷并收復南豐縣城請保出

力各員稟

七年七月十四日

敬稟者職道於初十日已將初一日以後由藤田馳抵樂安由樂安馳往永豐復由永豐疾趨樂安探得崇宜股匪情形擬籌誘勦及布置永豐吉水新淦峽江各處情形具稟在案一面與靳令刻意激勵團練囑其機密誘賊就戮乘敗兜截至十一日未初一刻左路公陂之賊約八九千人均極兇悍已誘至南門外距城不及半里職道始發暗號二三四五六旗伏兵齊起奮殺賊大敗走各處團丁盡由四山橫出路徑崎窄新晴泥滑沿途賊屍縣延每遇險

劫處則旗械人馬如山積然追過小陂凡四十餘里至甘泉圩我勇約斃賊二千二三百人而爲團練邀擊旁搜殺於山林澗阿閒者則不止三千也惟是賊敗至三十里外尙能轉鬪我勇對殺受刀矛傷者十餘名幸均不致死耳黃昏後始回仍伏處樂安城內探得右路泰坪市之賊已進數里浯漳之賊因中路太險折至泰坪市會合前來職道於十二日黎明派靳令率中邨練勇及所部勇朱千總惟堂率吉字營出東門分兩路往埽中路浯漳餘賊職道自率部勇出北門向泰坪市進發行十五里至南陽殿賊前隊六七千人已到乃分各旗及親兵爲四路迎擊不半

時賊大敗追殺二十里至崇仁屬之泰坪市賊之大隊盡出接應共二萬餘人拚死來衝維時三旗五旗由右先到力戰禦之少頃二旗四旗由左趕來職道督中兩路親兵及六旗亦到混戰良久親兵劉學九沈玉亭首陷賊隙身受多傷死之各勇奮怒大呼衝擊十盪十抉少頃賊如山頽河決亡命鼠竄我勇盡力追殺十五里至汪坊賊屍徧滿山原田澗開因飢疲頓甚與各勇買瓜菜煮食之畢又追三十里至客馬塘則朱千總斬令均率勇由浯漳趕到已近夜分始令收隊共計斃賊四千二三百名散匿深箐叢棘爲後來團丁搜殺者又在二千內外收得驟馬五十

七匹旗幟刀矛狼籍數十里無暇檢取也是夜探得客馬塘前去十里之林頭僞七國宗楊輔清率三萬餘賊在焉敗匪往與之合職道設計誘之至十三日午正尙不敢來探已盡夜築壘迺出隊往擊離林頭二里許賊列大隊於草岡左右又分兩翼來迎職道爲長蛇陣任賊大施槍礮若不聞者徐行而前忽見黃蓋下楊逆持白扇一揮賊陣中馬隊數百衝突前來職道揮旗長易開俊劉松山等督率各旗哨猛力進撲二三旗奮呼馳迎噴箭火罐槍礮一齊施放藤牌手數十近前亂砍親兵壯勇及六旗由陣首出擊其左四五旗由陣尾出擊其右賊大奔潰人眾擁擠

自相蹂躪高岸深谷有連人帶馬積至二三丈高者我勇聽其自死而刺其立者走者沿途河澗池塘之水盡赤分途窮追各三四十里月上東山之巔始回軍至崇仁屬之鳳岡墟驅殺其殘賊而宿焉是日殺賊約一萬二三千生擒四百餘名其中逆目甚多不暇細鞠遽令殺之賊之服輿儀仗器械旗幟遺棄殆盡惜無團勇助敵故未能盡殲羣醜查點我勇僅受輕傷者五十名十四日黎明由鳳岡墟派隊四路搜山除殺孽外復獲生賊近二百收馬四百餘匹楊逆之佩物及千里鏡洋表手扇之類俱爲各勇拾歸不知已死亂眾中否也是三戰者盡係精壯逆賊無一

婦童弱病在內聞僞老國宗楊宜清及新國宗楊逆尙在
宜黃所部先有五萬餘人自廣昌敗後見僅存二萬餘賊
僞石國宗聞將由撫州來崇仁所部賊二萬有奇僞洪國
宗不知何在該逆等鑒於前此屢次挫敗專選精悍來戰
其婦孩輜重之屬則均安置各城中也又十四日辰正接
廣昌張署都司騰霄南豐孫代令效會稟稱前月二十五
日會率兵勇及廣昌田勇萬餘進紮甘竹二十六日移營
南豐之白沙探聞南豐尙有賊萬餘分踞城內外二十七
日張署都司及南豐縣黃丞與職道前令親兵蔡允明所
帶中軍假湘勇皆進駐楓林二十九日復分路進紮離城

三三十里之石油下洋正在布置攻勦忽於初一日接廣
昌飛報福建甯化敗匪二千由石城境竄入驛前地方張
署都司再三籌畫以督勇回廣則南豐之賊必乘勢上撲
孫代令勇單恐難支撐迺囑署南城新豐司巡檢錢鏞暨
其姪張晉升親兵蔡允明率勇二千馳回救應隨於初二
日分路進勦南豐城外賊列陣鏖戰自卯至巳焚三賊壘
殺賊四百餘人內有穿黃馬褂者二名搜得指揮印一顆
奪旗幟器械甚多城外之賊俱往下游逃竄恐城內賊出
未便窮追初三日整隊攻城槍斃城上賊百餘賊遂於是
夜潛遁初四日分途追殺生擒十七名適錢巡檢張晉升

蔡允明會同廣昌團紳黃文茵魏榮揭和衷饒祖孟吳大元等率練勇田勇由廣昌追賊至南豐丹陽地方敗匪竄往新城因復同赴南豐接仗生擒賊二十二人均經立時正法是日巳刻同入南豐城見在會商挑選精銳防守宜黃南豐交界之冷却及南豐四都等處聽候調遣職道竊查署都司張騰霄忠勇平實紳民感戴再加歷練可成名將前隨勦廣昌之賊最爲奮勇此次克復南豐布置周詳請卽以都司儘先補用并賞戴花翎仍久畱南豐按匪辦團代理南豐縣知縣卽升主簿孫效會明白勇幹隨勦廣昌之匪亦甚出力茲復率勇苦戰克復城池請以縣丞儘

先補用卽令署理南豐妥辦善後又代理永豐縣指發縣
丞章澂係丁憂人員寄居永豐糾合團練克復城池妥辦
善後事宜率勇隨職道打仗數次極爲得力旋又幫同收
復樂安畛域不分查該縣丞廉明忠勇時以轉移民風爲
念洵爲難得之員請卽免補縣丞以知縣儘先補用賞戴
藍翎并懇破格奏請實授永豐以竟其用知州銜署樂安
縣知縣靳丹書忠誠勇敢勤慎寬厚實州縣中所罕見率
勇隨同職道剿賊藤田沙溪上固釣峯古夏東山壩出力
最多旋由甯都馳回樂安集團練勇收復城池請寬免從
前失守處分實授樂安縣以副紳民愛戴之情代理峽江

縣吉水縣丞楊逢新於吉軍敗退吉水棄城之時竭力禦賊勦匪保衛地方洵爲有用請卽實授峽江縣知縣并賞戴藍翎其餘官紳團丁勦匪辦團出力者甚多俟事竣查明彙案請獎伏冀憲臺槩允所請以昭激勸所有十一十二十三等日誘勦迎擊崇宜巨股十四日按勦餘匪又接克復南豐稟報請保各員緣由理合馳稟

永豐駐防湘勇進勦羅湖鋪泰坪山等處大捷并樂

安靳令在公陂陣亡懇奏請從優旌卹稟

七年八

月初一日

敬稟者七月十四日曾將連日痛勦崇宜竄樂安巨股賊

匪疊獲大勝情形馳稟在案是日賴兵崇仁鳳岡墟嚴督鄉民練團鬚髮集勇隨征先於七月初一日自藤田起行留第一旗旗長都司黃萬友率勇駐防嗣因吉水之賊擾及烏江卽調該都司率勇馳至永豐城令張丞運蘭會督防剿十四日探報烏江逆股二三千人已至羅湖鋪欲撲縣城張丞卽會同章代令吳都司吉水林代令率湘勇潮勇往剿未刻行至羅湖鋪該逆前隊分紮三邨我勇分路疾進該逆倉皇接戰拌命抗拒張丞揮勇奮擊賊大敗奔追殺十餘里斃賊二百餘名生擒四名檢收旗械百餘件三鼓後收隊回營提訊生擒賊供僞檢點傳逆已由吉郡

率黨萬餘至吉水縣城注意攻撲永豐本日所勦乃其先鋒僞將軍何逆所帶等供職道又飭朱千總惟堂率所部吉字營由樂安赴永協防以厚兵力十六日辰刻探報傅逆率黨六七千由烏江竄撲縣城張丞卽會同旗長黃都司永豐章代令吳都司吉水林代令督湘勇潮福各勇迎勦已刻至距城三里之野甕橋地方遙見該逆擁來我軍密伏靜待俟其逼近湘勇由中路奮擊潮勇福勇等分左右包圍該逆不意我軍數路突起層層緊逼遂獸奔鼠竄四散奔逃我軍乘勝追殺二十餘里至秦坪山地方未正始行收隊其計斃賊一千二百餘名生擒十七名奪獲旗

械槍刀千餘件潮勇陳斬僞指揮徐子以一名搜獲僞文憑一紙福勇生擒水五十二僞正將軍羅添仁一名訊據供稱傳逆因與吉郡廣賊不合率其黨至吉水於十五夜竄烏江悉挑強悍之賊欲攻永趨淦以援臨郡之賊等供是日未刻朱弁率吉字營抵永而八都水邊墟一帶賊蹤蔓延與吉水聯絡急宜痛加懲創適接胡訓導兼善稟報十五日率勇由龍泉起程請速赴永城會商攻剿又接花翎卽選同知王丞勳函稱奉札募勇千名附益職營約二十三日可抵永豐職道卽函囑率勇至公陂會合斬令防剿正在起行二十四日探報烏江之賊竄入泰坪山園田

一帶搭棚屯紮距城基
襄橋深谷茂林潛伏以
王丞卽督各勇進剿將
滿卽令黃都司督左右
先行截賊後路該逆約
放槍礮我軍堅立不動
紛奔潰我軍一面縱火
之處賊輒回抗百長張
多傷各勇齊進賊又敗
十里之雙源鋪該逆又

榜勇丁袁受益等首先衝入登時敵亡正在鏖戰適朱千
總惟堂與百長陳建安趕到朱千總大呼躍馬衝入賊陣
連砍二賊親兵席正倫百長陳建安併力齊衝賊大敗奔
我軍分途追殺又斃賊數百追至離烏江三里時已昏黑
收隊徐歸是役我軍出隊追勦往返共九十里斃賊千餘
人生擒二十餘名歸途檢取大小旗幟五百餘面槍械刀
矛無算敵亡把總曾金榜勇丁袁受益等七名受輕傷十
餘名此十四十六二十五等日駐防永豐兵勇并王丞新
到湘勇連獲大勝之情形也二十五日午刻接據斬令稟
報二十四日賊匪數百人竄近公陂斬令督勇迎勦追殺

十餘里斃賊數十名至河口地方收隊奪獲大旗五百刀
矛百餘件偽印二顆繳驗前來職道以該逆將南竄樂邑
深虞靳令勇單遂傳令次日五鼓撥營馳往公陂戍刻接
據探報本日大股賊至公陂靳令不知存亡等語二十六
日職道扶病啟行至浯漳止宿接樂安局紳詹景陽等飛
稟二十五日賊至靳令督勇迎戰該逆愈至愈多眾寡不
敵靳令持刀督隊陷入賊中手刃數賊力竭隊亡見在闔
縣無主恐賊撲城急求援剿等語職道聞信之餘益增悲
慟昏憊轉深二十七日移師至樂安城二十八日王丞亦
率新勇千人由永豐前來會合近探公陂之賊已退崇境

崇仁股匪亦由鐵子嶺一帶分竄新塗地界宜黃空城之後因無人防守復有賊匪竄入職道自十四日以後銳意直擣撫建不料大病旬餘寢食俱廢起坐維艱且幫辦亦多患病不能理事而各勇夫病者數又過半致失機宜莫名憤憾且靳令之亡未能趨救失此循吏悲慟尤深伏思該令忠誠勇敢勤慎寬厚自歷任此間紳民極其愛戴卸事之後捐資募勇殫心經營於六年七月本年六月兩次收復城池籌辦防勦力行團練厥功最著職道曾兩次詳陳懇請優獎仍畱久任以洽輿情詎料倏爾殉難闔邑紳耆男婦莫不流涕痛惜見在其遺骸甫殮家口流離慘淒

至此伏乞憲恩逾格矜憐請照知州例從優 賜卹建
祠以慰忠魂又查該縣并無巡典可委代理當此軍務喫
緊員缺未便久懸仰祈憲臺迅賜飭委賢員趕緊前來任
事所有十四十六二十五等日駐防永豐兵勇并王丞新
募湘勇進剿羅湖鋪泰坪山等處連獲大勝又因職道病
重而幫辦及勇夫等均多患病未能進剿頓兵鳳岡墟旬
餘繼聞斬令在公陂險亡卽由浯漳折回樂安并懇從優
請 卹斬令各緣由理合馳稟

王壯武公遺集卷七終

湘潭朱士宜校勘

王壯武公遺集卷八目錄

書札一

示友人書 咸豐二年十月 日

與謝春池茂才 咸豐三年二月十八日

與曾滌生侍郎 三年六月二十二日

與朱石翹太守 三年七月十二日

與曾季洪茂才 三年七月十八日

復曾滌生侍郎 三年七月二十日

復曾滌生侍郎 三年七月二十四日

與曾滌生侍郎 三年八月初六日

三才圖會

卷之二十一

與曾滌生侍郎

三年八月十八日

復曾滌生侍郎

三年八月二十四日

上羅羅山夫子

三年八月二十八日

與鄒杏崖刺史

二年九月初五日

與孫閩青經歷

二年九月二十一日

與江岷樵先生

三年九月二十二日

與唐蘋洲明府

咸豐四年七月二十一日

與羅雲浦大令

四年八月初二日

與左季高先生

四年八月初五日

復朱石翹太守

四年九月初五日

復馮春皋刺史

四年九月二十八日

復謝甲樓廣文

四年十月初一日

復馮春皋刺史

四年十月初四日

復張卽山大令

四年十一月十二日

Vertical text on the right edge of the page.

王壯武公遺集卷八

書札一

示友人書

咸豐二年十月

日

會城以十萬之眾圍垂死之賊忍令其掉尾而去蹂躪州縣荼毒生靈靡所底止蒿目時艱堪爲痛哭頃接曉翁書賊果由甯鄉竄益陽矣自賊攻省城不下鑫屢與諸友言之深慮其由此路竄出直窺荆襄則黎元之塗炭更不忍言國家之禍患愈不可問昨日道遇江岷樵先生爲鑫言賊由潭邑直趨寶郡鑫則料其必由甯邑入常郡擬遂欲確詢一切而城方晝閉絕以出入又身祇護票一張遽

踉蹌歸而上竄之說眾口雷同嗚呼上不能謀下不能死
此古今所同慨也而今則更有甚焉者上參賊以自養士
畏賊而擾民原情定罪參之內其足食乎鑫擬待探聽確
後自願請纓前往以抒恫瘝之忱以洗 國家之恥勿使
後世之論史者謂 朝廷養士二百餘年不得少食其
報也諸君其勸駕焉否耶

與謝春池茂才

咸豐三年二月十八日

弟自十三日由吳集拔營探追賊蹤十四日至大洲知賊
已於十二日入安仁城福明府僅以身免官署被焚惟街
市尙無恙比日賊卽竄至離縣三十里之界首弟與楚勇

分兩路星夜進剿楚勇由大坪頭弟由大源衝未達界首而張君潤農帶勇數百由新田來已將該匪擊散弟訪知大源衝尙爲賊藪陷安仁者悉萌芽其間欲爲痛剿一番永除後患奈山高箐密路徑崎嶇用重資購嚮導絕少得力之人祇拏匪徒六名詢供知該匪等多未歸家卽在家者亦望風而逃無處覓蹤僅燬巢穴三十餘所今日已回駐安仁城外矣擬於明日轉衡山照滌公密札訪辦衡山蠹役至前在吳集之戰苔洲兄因事往衡山城內及回而弟已赴敵鐵橋兄與恪臣弟恐弟力不能勝督勇飛奔相助而鍾兄以未得助戰爲恨此眞忠義之士與我兄同一

肝膈也各勇出力者難以悉數朱俊秀席敦倫兩百長及
什長何俊興其最著也此行當在本月可回省城銷差後
擬歸家讀書不久當面承雅教也

與曾滌生侍郎

三年六月二十二日

前月十日拜選鈞範迄今四旬每念公文章經濟當代寡
儔委身國士之願云胡不殷時因夏觀察羅山師寄聲問
安而東西奔馳尺書未達亦鑫之疏也別後在衡州延閣
兩日加以天氣酷暑路徑崎嶇於二十五日始抵桂東初
至時勇丁出營市肉不知店主悉鎮筭老將偶觸其怒遂
大肆橫逆自是見著湘勇號衣者卽持刀追殺或牽去毆

打中營勇受傷者至十人。鑫入城見之大駭，亟下馬向頭目揖謝，乃少止。隨與敵師極力調停，並嚴飭各勇避鋒，毋出時。鎮筸兵頓城內二十日矣。蓄其銳氣，不以殺賊而欲殺勇，心竊惜之。乃言於夏觀察，飭張丞等帶兵分途進剿。已議中營出隊左營守城。忽於二十七日，省城告警。觀察晦日起行，留鑫偕孫經歷搜捕桂東餘匪。鑫隨據長義紳士稟報淋洋地方有土匪數百，劫搶乃向長義進發。是日行四十里，抵官阮，見沿途民房多被焚燬，心甚惻然。細詢土人，知賊於二十六日劫淋洋，後已往會合江西大股矣。初一早由官阮拔營，經橋頭長義一帶，至鄰江西界之煙

簡勘探勇回報賊離龍泉屬之大汾墟不遠乃急行十五里至大汾墟陸續探聽賊大隊方聚竹阮劫張家邨攻打甚急距大汾墟尙二十餘里以天晚安營令嚮導繪圖細商適巡哨拏奸細至鞫之云七嶺草汾一帶之賊皆會竹阮又合前日左安司營前淋洋四處匪黨約二千四五百人又有大礮十餘尊鑫恐各勇聞之中怯遽斬以徇時已近四鼓矣卽傳令造飯見路徑敲窄且多茂林迺分哨四處搜伏沿途獲賊探數人皆立斬之一面催隊往竹阮維時七嶺草汾等處各有團勇百餘人北鄉張姓之勇亦近二百人均因江西官兵未到不敢近賊鑫以其不諳紀律

恐遇賊而敗反挫士氣迺分遣嚮導令各鄉勇分守東西南三面隘口北鄉勇隨後均不必向前助戰但乘我兵大勝餘賊四散之時就地擒拏務期斲盡根株毋令一名漏網分付畢一鼓而進至竹坑坳前哨已遇賊乃撥左哨攻其右右哨攻其左龔與諸友及孫君率後哨及侍勇壯勇由捷徑上蕉角山頂繞出賊後大呼奮擊聲振林木賊大敗奔竄各勇奮威進剿追逐十餘里遇雨路滑不可行始收隊是日殺騎馬賊首四名紅絹包頭賊首一名斬首二百五十餘級殺斃三四百名生擒八十五名投崖落水死者無算奪獲戰馬四匹大旗三面小旗百餘面大礮十

二座下午江西兵到適北鄉拏逸匪二百餘名至卽令送
交該將官駢戮比諭北鄉勇及各守隘之勇趕緊搜捕本
晚及明日各團陸續送至受傷逸匪二百餘名比卽斬決
初三日上午龍泉縣令至下午張丞至鎮筸兵恨我勇得
勝由營門經過向守門勇大肆睚眦鑫聞之急飭各勇是
晚毋出營門一步五鼓拔營仍由故道初五抵桂東將未
斬之賊二十名交鄒牧於初六日盡行斬決是日聞鎮筸
兵又將至乃急辭州牧欲帶勇回省州牧因夏觀察書至
言前緊信不確令暫往郴州防堵搜勦餘匪初七日行二
十五里至寨前墟獲賊三名明日獲賊六名初九日由寨

前墟行四十里至沙田墟龔思前日賊匪起事於此非痛
加搜捕悉心辦理誠恐後患復萌乃請諸友每日分帶哨
勇四處搜捕或起更歸營三更復出隊龔在營內研審各
犯及接見紳耆訪問疾苦講求練團練族之法至十五日
共計焚賊巢四十餘所拏獲賊百餘名除裔從輕犯準保
贖放外共斬四十七名數日來諸友及各勇之勞瘁蓋又
甚於出戰之日矣地方公正紳耆如貢生劉拔元生員郭
懸阿等踴躍襄事晝夜奔走不辭勞瘁龔在此辦事甚得
其力龔每斬一人審一案士民皆謂平允如武庠生李邦
基父子倚勢橫行爲縣大害梅牧去任時深以未及除之

爲恨鑫密訪盡得其罪狀與彼地人言及皆噤不發聲詢
之則曰若公拏之而不獲獲之而不置之死地吾輩出言
適以速禍斬決之日百姓觀者如堵無不稱快鑫自維總
薄才疏稍有實心辦事而士民感戴竭力相助卽此見天
下事之大可爲三代之直道固自在人心也此次賊匪之
得肆猖獗任其罪者王參將爲最其始按兵不動其繼梅
牧撥勇助之而又不動桂東桂陽之民紛紛求救置若罔
聞二縣百姓怨聲載道若不急加究辦似無以肅軍政而
紓民憤愚又以爲去民間疾苦如醫之治病然當其深入
臟腑也不急進瞑眩之藥固無望其有生運然大病旣去

之後非多服補劑以培其元氣則外感易入舊病復作勦捕匪黨瞑眩之藥也而欲培元氣使舊病不復作斷非練團練族不爲功桂東界連江廣五方雜處箐密嶺峻奸慝易藏自有明以來素稱險地本擬肅清餘黨後少留數日傳齊通縣之公正紳耆徹底籌商安定章程忽於十四夜四鼓接全州被圍永州戒嚴之信州牧催鑫赴郴防堵十六日召附近紳民舉定公正族長團長且允爲請札諭於公以專責成尙有要犯郭大龍等數人未獲嚴飭戶族出具限狀並酌留勇協同緝拏父老聞鑫將行羣呼其子弟族黨縶馬苦留鑫召爲首十餘人曉以大義告之暫往郴

州不久復來此處民人思治孔亟著名積匪雖次第正法而善後諸事未及妥辦忽然舍去心中殊耿耿也行過桂陽西嶺田莊墟黃劉二姓紳耆復遮道強留至晚始達桂陽城二十里行至東江離郴州僅六十里忽大雨如注江水暴漲所駐之地已被水淹見移紮王家邨已四日矣上漏下溼坐臥維艱田禾正盛遇此淫雨定成大災近日全州消息未知何如而各勇及長夫病痢者甚多今日長夫已有死者且米鹽藥餌等物均以水大鋪屋盡淹萬難措辦鬱鬱居此令人徒喚奈何竊有請者前日吳集之役特新起之賊眾不過千餘湘楚二勇擊破之犒勞有加是役

以二百餘名之勇敵二千餘名之寇乃能一鼓勦盡斬殺
生擒奪獲軍器無算似宜破格賞勞給各勇功牌以勵士
氣至於鑫之鄙願則前在省時屢與公言之學問毫無所
成不足出爲世用前日不允所請保舉今職大非心之本
願此行扶病強來實爲敝師之故斷不敢濫邀爵賞蓋我
友朋皇天后土實鑒此衷懇速放歸山中使得從事學問
不終爲無珠之櫝則深感大德矣如蒙不棄狂直猶將以
暇日考究古籍熟審時務置身事外或有一隙之明行且
作書盡抒鄙見裨高明之萬一亦所以報知己也王鈴峯
乃鑫堂叔去歲在做營幫辦著有勞績前月朱百長故暫

請攝管本非爲衣食不給而出祈卽遣歸或令來做營夙
荷雅愛故敢率意瀆呈統希垂亮不宣

與朱石翹太守 三年七月十二日

接省中友人書知執事親率貔貅往援桑梓義聲載道中
流擊楫之志至此可得大展欣慰奚似銜隨侍有年於執
事之忠信剛決夙所心敬而則效之而竊有欲就正者史
稱漢高性明達好謀能聽自監門戍卒見之如舊嘗謂好
謀能聽難矣而爲人所不易及者尤在明於知人武侯云
人之美惡旣殊情貌不一有溫良而實詐者有外恭而內
欺者有外勇而內怯者有盡力而不忠者銜以爲不直此

也尤有外坦率而內妒忌者有貌豁達而內污鄙者有語廉介而行貪黷者有面言勤幹而退則一事無實際者故觀人之法莫備於逸周書所稱然我有意求之彼亦有意防之則掩飾之弊不能免也且但就其顯然者求之而隱微之處不可得見也然則謂人情終不可測乎非也我欲觀人必令人不測我之所以爲觀而其術乃不窮人或譽之而我偏於譽之之時得其短人或毀之而我偏於毀之之下見其長此察之自旁人者也我欲揚之不遽揚也時反抑之以聽其自露我欲抑之不遽抑也時反揚之以聽其自呈此操縱之在我者也有心而我無心人無心而

我有心不觀於人所共覩之地而察於人所易忽之處庶幾乎情僞可辨而用之不得其當者鮮矣然此但論其未未及其本也若推其本則必先使我心真如鑑之渣滓淨盡而後妍媸畢照如衡之毫釐不爽而後輕重不淆而要非於靜之一字實有會心者不能周子曰無欲故靜靜之體也朱子曰靜則明自生靜之用也此非獨獨居安閒爲然卽極之倉皇急遽之中尤當力持此心常使之如鑑之空如衡之平則物自無遁情而我亦非有逆億矣龔年少不學於公誠敬慕之不忘輒獻其一得之愚仍望有以教之幸甚倣軍竹阮戰後仍由郴返桂督辦團練近日賊勢

日分聞江西又分數小股以牽制我師使疲於奔命而在
彼得成掎角之勢良可憂已

復會季洪茂才 三年七月十八日

前歲同赴秋闈常得聚首稔悉賢弟才識卓越襟懷磊落
而志趣所存惟恐以俗學自域客舍中他人或紛於無謂
之應酬其上者亦祇哦吟時藝而賢弟獨能超出凡表試
期在邇猶潛心古籍獨有心得鑫每與二三友人言篤志
好學如此季洪真奇男子也別後至今未得一見然此心
蓋無一日不神馳左右鑫拙戇之性疾惡太嚴童時未親
名師益友無以收其放心成立而後凡縣中除盜及諸不

平事輒攘臂與焉不但爲杞人之憂且常欲學移山之愚
務外爲人并不知非性分之所應爲也近年來痛自悔艾
輒權胸飲泣恨學問之無成歎光陰之不再棄儒從墨大
爲吾黨所羞因改額山房曰自芸思屏絕一切研究典籍
篤修躬行稍釋前日之疚奈好事之名已出不復能收前
年朱石翁革除錢糧弊端勸捐補款強促相助紛逐半載
去歲又爲團練事積勞成疾至冬閒省中募勇盡力求免
而石翁與吾師復苦相迫今又忽忽半載矣此處事辦妥
後決志辭歸萬望賢弟先於令兄先生處善爲說辭假以
歲月俾得少有成就則受賜實爲無量讀來函所以獎譽

期望之者過厚尤非所敢當夏初鑫新招右營赴省與敝師原議以此營屬之賢弟而令兄先生謂屢欲賢弟襄助賢弟堅不肯出故遂中止前月中旬聞已到省募勇讀來函並詢來勇悉日來勤加訓練井然有法度深爲喜慰鑫竊謂將兵者練固不可廢而訓尤不可緩孔子言善人教民七年可以卽戎子路勇者也其治兵也有勇必使之知方五霸尤聖門之所羞稱然晉文用其民必先教之而子犯諄諄然以民未知義知禮知信爲懼三代以後節制之師尙多仁義之師絕少降及今日則並節制之師亦無之矣嗚呼練且不講訓於何有宜乎小醜跳梁雖合天下之

力不足以勝之橫行數省莫敢誰何靡耗 國饑荼毒生
靈可勝痛哉惟望賢弟行之無倦力挽頽風使凡將兵將
勇者皆有所觀感而興起焉時事庶有亨乎臨穎神馳不
盡欲言維珍攝自重不宣

復會滌生侍郎

三年七月二十日

十八日倉猝草復一函今日午刻胡勇到領訖各件并奉
手諭慰勉懇切三復者久之石翁率新招之勇往援江西
其忠勇固堪師矣然鑫嘗與諸友竊議石翁優於吏治而
絀於將才先生虞其稍涉疏闊誠爲至當之論然鑫所慮
者尤在用人一節已作書達之矣鑫自本月初七偕孫閱

青經歷由郴返桂十一晚抵此初到時苦無頭緒近日多方催督始募齊守城勇四百名旦夕閱操勤加訓飭惟鄉間團練尙須時日正在催促喫緊之時忽接初十日調回之札士民間之萬分憂懼又以廣東之樂昌江西之太和兩處滋事謠言紛騰更加驚惶涕泣苦留龔思郴桂一帶之遠難撤兵早邀洞鑒今雖豐城有警邊徼宜防然使湘更遠撤恐此地之害殆不止是况此數百之眾來省未必有益而見在郴桂則恃爲重鎮故祇得方命遽諭各紳民令勿驚懼將請命上憲斷不遽去今細詢來使迺知先生於初七日回湘則此札實非先生之意此間范令被劾梅

公未來諸事頗難措手幸今日鄒州尊札至暫令孫經歷代理鑫促其受印視事庶免掣肘之患此君謀勇兼優慷慨有大志如在桂東則亦湖外銅牆鐵壁也然亦祇宜暫屈之終當急拔以供當世之用庶不負此至寶耳方今時事日亟本難殫述然鑫竊謂當此根盤節錯之時必具有負山涵海之量旋乾轉坤之力方克有濟況避嫌之事賢者不爲若以圈子自拘則人更將小其圈而益拘之此身其餘幾矣論功行賞微有不當卽無以示勸豈惟不可太濫并不容稍濫也然謂不宜效世俗之所爲則得矣若以其爲湘勇而必故從其薄竊恐未合乎君子大公之道所

有前次在營出力之人須保舉及賞給功牌者錄具列簡
伏乞斟酌施行未敢妄擬也

候選府經歷孫第培一切指揮運籌皆伊與諸友商定臨
敵奮勇爲士卒先是役之功第一 桂東監生胡熾昌同
往江西出力最多似宜特加保舉

衡山案內請保從九文童朱宗程九品軍功文生楊昌濬
從九品軍功劉恪臣生員李續禔此行鑫扶病強來每事
委之四友出力最多而朱之功尤著楊次之劉李又次之
諸友均不欲保舉者故不條列其功

前哨長鍾開誠有勇有謀且能開陳大義激厲各勇臨敵

奮勇當先殺獎首逆先擬保舉千總賞戴藍翎茲酌請保
把總賞戴藍翎

左哨長易普照御眾公誠勤勞最著戰時登先陷陳殺獎
逆首功同前哨長因探信偶有違誤先擬保舉把總賞戴
藍翎茲酌請保把總

右哨長六品軍功張福田公平服眾臨敵奮勇當先斬獲
甚多先擬保舉把總賞戴藍翎茲酌請保把總

此外後哨賀常林及各勇功多先擬請保把總外委者均
酌給功牌又本地得力嚮導探卒及幫同打仗有功者計
需功牌十餘張以後辦事卽餽項不能如意而藉此一紙

亦足以示激勸也

復曾滌生侍郎 三年七月二十四日

前二十日接到初十星夜調回之札比卽上先生及撫軍復稟並函陳不敢遽離此地之故轉交來使飛呈矣昨日申刻又接到十四日命留一札詢來勇知先生於十二晚已到省城則鑫前書之所料者果屬不謬先生得毋笑愚昧書生所見亦同耶憶月初奉到分駐之札指畫周詳識慮深遠古所稱運籌帷幄決勝千里者當不過此况以專責成以免爭競閩兄與諸友謂爲近日上憲僅見之札信不誣也江廣賊勢方張四鄉訛傳均欲來桂東報仇紳民

奔告紛紛前聞調回之信更加驚惶欲相隨以去比出示諭以請命上憲斷不遽去人心稍定然猶疑信相參昨接札卽傳各紳共閱又與閩兄會銜出示徧諭今日又同時接得龍泉桂陽移文迺商定明日請楊劉二友帶前哨之勇往沙田一帶會同桂陽官紳以防廣匪請朱李二友帶左哨之勇往長義煙箐隘一帶會同龍泉官紳以防江匪鑫與閩兄料理城鄉一切事件卽日帶領右哨後哨與城中練勇並會合各都團勇相機分途接應但此亦權安人心之計耳其實我兵或分或合或先後遞攻或同時進剿隨機應變固不預設成見也又鑫熟度情形兩股匪徒旬

日之內未必卽來又風聞賊有合併之意若如此則大爲可喜蓋江西之龍泉上猶素稱險地雖經前日痛勦一番然根株實未能搜捕淨盡地與太和萬安相鄰餘匪必歸焉至廣東之樂昌尤爲賊藪聚黨成羣肆行刼殺凡我行旅受害者不可勝計今合併之說若果不虛或者天欲聚而殲諸以清我湖南一隅之邊患乎特恐兵力單弱此處之勇新加訓練未可深恃若賊勢太盛或難取勝是以稟請調發兩營湘勇會勦不然亦須老洪率三百六十名爲鎗應援不勝切營中之勇因勞苦太甚未稍休息病者約尙百餘人且桂東地氣寒涼各勇罕攜被衾藥料薪米

三月五日
無不騰貴甚以爲苦然各勇實有可嘉堪爲先生告者前
在沙田起程往郴比日鑫爲按緝郭大龍卽與諸友宿西
嶺令各勇先行宿桂陽之田莊墟該處時方絕糶有黃姓
者具米肉犒勞各勇以未得鑫命不敢受忍飢至翌日中
待鑫至黃某力以爲言鑫命受之乃作食旋至江東爲大
水所厄各勇有三日不得粒食者亦毫無怨言不敢絲毫
騷擾民家戰後論功無一人虛飾無一人爭論者先生謂
到處稱仁義之師則恐未必然亦或少愈於不知節制者
湘勇往江右已有捷音否祈便示知以慰懸念

與曾滌生侍郎

三年八月初六日

前月兩次上書想已次第塵覽矣二十九鏖戰情形本擬肅稟中丞及尊處奈無從購買稟紙當懇鄒牧代稟茲復詳書始末以慰塵念前月中旬初轉桂東時聞太和樂昌兩處匪徒滋事初無文報至二十二日始接桂陽龍泉二縣移文桂陽言樂昌有賊嘯聚龍泉言賊於十二日已由太和攻破萬安欲來桂東報仇須速防堵等因維時民心驚惶乃派一哨往南路會合沙田等處團勇以防廣匪派一哨往東路會合長義等處團勇以防江匪藉可鎮安人心商議已定忽於二十四夜又接桂陽移文言賊聚麻院墟恐其犯境除已飭兵勇防堵外欲湘勇前往會剿比與

孫經歷及諸友議江匪尙在萬安日內未必卽來且有險隘易守廣匪聚嘯麻阮一舉足卽犯郴境使遷延時日省中援兵恐難驟至該匪等聲息相通若待其日熾約齊夾攻湘勇無多加以病者紛紛首尾難以兼顧不若先行雕勦廣匪然後併力專攻江匪較易爲力且此股撲滅江匪亦必寒心孫經歷深避之乃出示徧諭城鄉揚言省中又已調來湘勇千餘鑫帶勇往駐沙田搜捕餘黨兼閱各都團練留舊旗及湘勇號衣以作疑兵奇兵之用遂於次早拔營二十五行八十餘里至沙田是夜孫經歷信至言頃又接龍泉緊信賊匪猖獗異常急求救援或少住沙田或

急勦廣匪在鑫斟酌行之鑫比復書壹如昨夜密商者行之賊匪必不遠撲龍泉鑫數日內撲滅廣匪萬一龍泉有失亦必速回救援也遽出令拔營揚言往西嶺田莊墟等處閱團勇操卽守二桂交界隘口是日行一百里二更至桂陽城忽探報賊已於二十三日由麻院墟劫桂陽之延壽墟轉廣東之九峯司二十五日又由九峯司突擾文明司是日又劫掠滁口等處乃令各勇少歇具食五更拔營二十七晚抵黃草坪探得賊於昨晚已由滁口至渡頭司數日所過之處劫殺最慘不勝憤懣之極因思此賊蹤迹詭譎迅速異常既至渡頭則郴興宜桂皆在可危之中於

是飭眾星夜起行但各勇前自省倍道來桂東不數日卽往江西勦賊苦戰獲勝復急回桂東旋至沙田接匪晝夜不息遽又調往郴州不旬日又由郴轉桂東道途之險阻艱苦難更僕數今爲此股又倍道而來二十五啟行上午酷熱下午暴雨二十六七又復大熱溼氣蒸鬱萬分難受前日之功又未償報萬一每見各勇困苦之狀輒爲淚下乃呼各勇痛陳大義涕泗旁流各勇亦皆感泣造飯食畢卽各裹餘飯盡棄其行李乘夜前進鑫與諸友亦舍輿馬及一切隨身之物著草履同行各勇見鑫新感寒疾憔悴日甚涕泣強止鑫堅拒不允奈路被大水衝壞亂石堆砌

旁面峻壁下臨深澗龔與諸友率各勇士足竝行盡一夜之力僅行二十里二十八日中午至渡頭知賊於昨晚已破興甯城而據之乃催隊前進行至離城十五里之五里橋天色已晚乃令各勇暫息探賊據城東西南三門均架大礮南門尙未關城出入無常聲言要城中百姓速交傳令限兩日不到定當屠城盡燒民房已殺斃民三十餘名斫傷百餘名其餘性命均在呼吸間龔聞言焦灼與諸友商議賊匪半係潮勇熟於戰陣况據城自固非出以神速攻其不備難以制勝忽探報離城數里均有賊諜東路探信更遠而難每次十餘人輪班梭巡以防湘勇由桂東來

蓋孫經歷善用疑兵賊不能測我虛實故也乃定未明出
隊一面戒飭哨長隊長不可狃於屢勝遂存輕敵之心且
聞賊十分利害大非吳集竹阮之賊可比又聞籐牌尤爲
兇很須用鈚破之籐牌除而後可望全勝也四鼓鑫與諸
友執矛率勇前進行十五里抵離城半里之高坡時方初
曙見城內并無影響正瞭探間適一難民逃出詢之則曰
賊方造飯尙多未起者知其無備乃分撥前哨攻南門左
哨攻東門右哨攻西門請各友分督之鑫與王文瑞率侍
勇壯勇及後哨之勇分頭策應至城下鼓角齊鳴喊聲大
震該匪開門三面迎敵略無懼色連發大礮籐牌刀鎗蜂

擁而出我勇將槍礮抵住連斃十餘賊賊稍卻我勇乘勢入城盡奪其大礮賊殊死戰或擲火罐煙迷衢巷籐牌從煙中躍出前哨長鍾開誠乘勢殺斃一名各勇或伺閒擊之或先誘而後刺之連斃數名左哨長易普照由東門攻殺亦用鋌連斃二籐牌賊各勇大呼奮擊該匪抵敵不住適有哨長張福田率勇從西門殺來亦連斃十餘名賊將西門關閉併力禦東南兩門鑫急與王文瑞分帶侍勇壯勇及後哨長負常林率本哨勇協同前左二哨力戰右哨之勇亦皆梯城而上奮力衝擊約二時許該匪忽分隊出城計誘我勇合力進擊前後夾攻鑫急登南門樓望之見

其旗幟齊整緩緩而行知其尙非真敗乃親率前後二哨
出城追殺諸友督左右二哨拚死抵住城內之賊而城外
之賊果突勇而回各勇皆抖擻精神義氣奮發城內外喊
聲相應鏖戰良久城內賊較少已力不能支城外之賊亦
少挫追至城後山坡忽回作兩翼隙勢鈔來迺亦急分兩
股迎擊之令捷足者從旁繞出賊陣之後維時火藥鉛彈
俱已用盡幸王文瑞率侍勇直攻賊屯各物屋內奪其藥
彈持來接濟且見城中賊圍勦將盡復帶左哨出城助戰
賊遂大敗餘賊紛紛四散彘見各勇萬分困苦難以窮追
迺鳴金收隊共殺斃百餘名斬首八十九顆生擒五十一

名外九名本地團勇及桂陽兵所送奪獲軍械極多已由
鄒牧驗明另單呈電當分遣健足飛飭各鄉團嚴拏甘阮
蟠紳士何飛上等率團勇截殺斬賊首二十七級生擒數
名解來訊明正法竊前日衡山兩大戰殺賊最多我勇無
一受傷者是役喪我健勇鮑五十劉元亨二人已備棺殯
葬率哨長痛哭祭奠請急發優卹銀兩入主忠義祠受傷
者四十餘人已分別驗明另行單呈亦祈速發養傷銀兩
其餘受累吐血數日不能飲食者甚眾蓋此次匪黨尤爲
兇悍初進攻時該匪等方設香燭祭旗念呪略不爲動有
一賊將豎鐵鉞於地聳身用兩足踏上拜舞自若我勇直

前取之該匪始發大礮籐牌躍出有飛身高丈餘疾行屋上者有身受數槍猶奮身死鬪者鮑五十以此殞命居民從隙窺之莫不股栗吐舌各勇每言及亦嘖嘖稱爲勁敵也所拏各匪初二日正法三十二犯均係敵礮受重傷者每提問除姓名里居外不供一語初三日正法十八犯初訊亦如是研訊始略有供詞已開釋四名未訊六名至我勇苦戰情狀不能悉述然豈我勇之技藝足以制勝實亦忠憤之氣有以吞之也是役也桂陽黃令委李把總帶兵五十名來接應將收隊時趕到鄒州牧著馮外委率勇四十名亦前來助勢該縣俞教官率家丁及壯勇等十餘

人憤激而來以未及殺賊爲恨欲求調省當差鑫思此處善後事若假伊以權委辦當有裨益隨後山長段邦球率門人鄉勇十餘名該縣把總外委及鄒牧先後率勇百餘名趕到惟傳令至最後昨日上午捧讀鈞諭深謀遠慮無任欽佩竊思此股賊匪器械整利技擊精悍且觀偽冊所載各省派分五房語甚悖逆已交州牧轉呈其由來必非一朝夕之故粵匪起金田時亦祇二三百之眾耳迺官軍以數千之眾攻之失利旬日之間號召遠近萬人流毒三載天下震擾靡饒數千萬兩斃兵民數百萬人禍猶未艾弭患者有曲突徙薪焦頭爛額之分今天下禦粵寇者皆

焦頭爛額者也願安得曲突徙薪之爲愈乎此次諸友及
我勇皆出萬死一生之地爲一方除害不無微勞而孫經
厯善於調度使我勇無內顧之憂其功尤不可沒應否迅
發饗銀功牌以酬賞各勇并準龔擇其功尤著者另行保
舉樂昌仁化各縣旣不能杜賊於未熾之先復不能勦賊
於方張之際而又無片紙隻字移吾楚邊縣俾得預爲準
備以致近廣各邑生民遭此慘害幾至貽禍無窮此可爲
痛哭流涕者也江右之賊尙未撲滅每念我師與石岷憩
筠四君及我諸友山河阻隔音問不通遙情耿耿輒終夜
不得合眼至來諭八月以後仍照留省支領坐糧之例長

夫等概行遣去待有事時再行新僱當以來書徧告諸勇當此庫款支絀之時自應遵照來示爲 國家節省靡費然再四思維今省城兵勇近萬已不爲少而又有先生與各大憲之訓練調度視此三百六十之數直太倉一粟耳即使撤散此營何損於事但目前則有不敢不忍者焉請約略陳之鑫自五月離省以來東奔西竄勇與長夫休息之日絕少各處物價昂貴以鑫持法頗峻而黠者益因是故昂其值有百錢而不得一飽者病者紛紛不時需藥而藥材之貴又且數倍故休息之日猶能如在省所贏之數否則在此領行糧固不如在省之食坐糧矣況彼爲兵者

食 國家數十年之饑一旦有事多不肯出力反或冒功
倖賞我勇數月之間三經戰事所處已極辛苦更能誓死
報 國精神愈奮縱不言加奈何忍言減乎然各勇猶可
言也長夫口糧已減作八分而行路日且百里力既屢疲
不能不倩短夫有罄數日工食不能代雇一日者幸各勇
見其極苦之時每分錢給之從軍數月艱苦萬狀未得贏
餘纔有暇日遽行遣去離家既遠千里之路費將何所取
給乎金平日在途聞若輩嗟歎輒爲痛心今聞鈞諭每
顧若輩嗚咽不能出聲近雖道路肅清民情安帖昨接孫
經歷書言前日泰安土匪至龍泉出奇兵擾之龍泉人復

揚言湘勇卽至賊遽驚退似可無虞然當此紛攘之時又值壤接江廣險地各處團練僅桂東恃孫經歷一人之力其餘均不足深恃一日未離此地則一日不敢稍懈故尊意雖如此鑫不得不申明情形伏乞鑒核再有以示教也鑫憊已甚俟此地善後事定亦卽假歸養病矣臨穎不勝悚惶待命之至

與曾滌生侍郎

三年八月十八日

初六日下午布復一函想邇日可以收到見鑫軍尙駐興甯出示城鄉曉諭紳民勸其趕緊團練已用督撫憲及先生來諭嚴約四條以資鎮壓此處外寇雖清而其間不無

句引之徒若不極加搜捕恐鑫去而仍蹈前轍况練團練族之法不行則無以爲善後之計鑫因龍泉事緩已擬留數日總慮士紳必求餘匪淨盡團練有成而始慰萬一不能則亦祇自盡其心而已又風聞去此不遠有賊巢穴久爲邊患竹阮興甯之賊悉萌芽其間鑫以爲欲絕根株則必盡焚其巢穴掃其餘燄然後可固邊圉想先生及各大憲當不以越境罪我也旬日探子由樂昌仁化回云該處見稍安謐惟刦掠之風如故又探得郭大龍前與廣匪同來行至平石聞湘勇尙在桂東遂逃回韶州見又聚至百餘人死灰恐終復然桂東孫閩兄昨來信云日內拏獲奸

細郭元仔附供詞一紙與探子語略同竊郭大龍係桂東首亂之人狡險異常張司馬在桂東時該犯實未遠颺待鑫自江西戰後至沙田搜匪始行嚴拏該匪早已逃匿鑫百計懸賞密緝至今不獲深以爲憂昨又遣人往韶府請張千總用計擒之未知能爲榔桂除此禍根否也再鑫屢次告歸本因身體孱弱之故且深悔從前任事太早用心太苦出身力輕尙思畱此殘喘圖補救於將來慨然有大成之想蓋精力雖不如古人而志之所存頗不甘讓古人專美况古人中鑫尙有不願學者乎精竭力疲不能暢所欲言陳惟俟此閒事有頭緒懇速派人接管若蒙不棄狂妄

待有暇日將以不入耳之言一一面爲傾吐也

復曾滌生侍郎

三年八月二十四日

二十早接到初十日賜復并馮樹翁另紙書讀之扼腕欲斷歎兵制敗壞竟至此極是夜輾轉不能成寐至四鼓又接十三日賜復之書痛哉以數十勇殉之猶不足而益之三友在我友我勇固死得其所官兵何爲者豈

朝廷

平日所以養之之意第求其淫刦平民凌長上虐同仇舍此無復餘望乎悲極而憤憤極而沈疴在身有不自知者矣遽作文二篇借諸友率營中勇望東慟哭招魂而祭之各勇槌胸頓足齧齒裂背恨不卽插兩翅飛去生食若輩

之肉比請朱鐵橋兄往桂東幫孫閻青料理團練餘匪事
件并商議一切請伊即日來營鑫與石泉輩在此發落諸
事幸家兄月初已到幫同辦理并多書榜文還鄉張貼各
勇亦願自辦旗幟軍器以備添勇之用近日將通稟各大
憲求令鑫得邀合各營湘勇同志者并許鑫添募二千先
掃清江右之匪藉以解書生迂直無用之嘲以慰我亡友
亡勇於九原萬望教其所不及導其所不能且爲力言於
大憲其相贊成善辭請奏日後稍得遂此微志然後歸山
休養決不敢忘我鮑叔也榔桂一帶善後事於通稟上詳
言之所謂清其源而截其流釐其內而禦其外者皆細審

地利按切時勢日夜念之至熟懇速爲損益折衷以通行於各州縣幸甚來示語十四日由省移駐衡州深爲上游之民慶然前日太和萬安之賊攻龍泉不成遂擾吉安誠有如前示設防當在攸醴一帶者聞饒州之賊昨亦上駭敵師書亦恐其擾吉安該匪詭譎異常慣用聲東擊西之法先生率湘勇盡來衡州省垣守兵單薄實私心所爲惴惴者也養傷銀兩祇江右營中之半亦無復多言惟優卹者似宜與之一例鑫今已發去矣前後承發功牌本不爲少然以賞兩次戰功及地方出力人等實尙不敷祈再發數張以免缺望各勇及三哨長已蒙恩準保舉否營勇自

戰後嚴加淘汰勤爲訓練較前稍覺可觀營制近日每哨添設副哨長每隊新立左右伍長用得其人益覺不勞而理將來可否通行各營至於雪恥復仇之舉尤望玉成鑫一息尙存誓不與賊俱立也從者何日至衡州懇示知以便親來承教壹是書不盡言臨穎神溯無任悚惶待命之至

上羅羅山夫子

三年八月二十八日

前六月兩次寄書請安在桂東復有上夫子書已繕就矣以樂昌麻坑墟土匪滋事逼近桂陽江西土匪亦攻破太和萬安桂陽龍泉二處移文日至軍務旁午且因山河迢

遞未知夫子駐處故未及齋呈未審別後眠食安否行止
奚似身雖在此心常在夫子側也昨接滌公書知前月二
十四我勇與賊戰奮力直搗賊巢殺髮賊二百餘名業
獲大勝後因賊分路鈔來綠營兵不相救應致春池臨莊
介山曉春諸友殉難斃亡八十餘勇讀未及竟不禁撫膺
頓足聲淚俱迸夫數君子固死得其所矣然一介書生仗
義而出千里赴援竟一蹶不起念及此能不悲哉當偕鐵
橋石泉諸友相對泣涕竟夕未寐翌日作文二篇偕石泉
輩率營中各勇招魂於野望東哭奠遂與諸友議起復仇
之師而營中諸勇亦皆言之切齒恨不立嚼仇寇之肉并

有捐工食製造軍器茲儲石友已帶勇二百六十名來會
鑫又著勇回縣號召矣二十四日又讀得夫子前月二十
六與滌公書詳書此戰始末捧讀之下益以愴哽 國家
養兵數十百年靡饒不可數計至有事之秋毫無可用徒
知淫刦平民推刃同類貪功冒賞甚至驕悍不羈凌虐官
長時事之壞真可爲痛哭流涕昨致書滌公并將具稟大
憲懇準於湘勇外添募二千來江誓滅逆賊以雪 國家
之恥以報我友之仇未知能允所請否如不能允卽擬與
儲石翁率此數百人并另招一二營權請省局發給一月
行糧至江西另籌接濟想可行也鑫前雖屢告病今有此

變萬無遽歸之理矣滌公移駐衡山想日內可到塔智亭
參府已帶八百餘人於十八日往醴陵守卡至受業與諸
友在此辦理郴桂一帶一平竹阮之土匪一平興甯之廣
匪其間辦團練勦餘匪數月於茲已將前後所上稟及與
滌公各書彙稿錄呈諸凡曲折容俟到江後一一面稟近
日賊勢何如又開仗否前月隲亡八十一勇受業已遣人
歸製木主回湘卽爲送入忠義祠率勇祭奠以慰忠魂以
勵士氣懇將姓名里居年歲逐一查明寄來寸心千里悵
望依依肅此馳稟伏祈珍攝爲斯世自愛不宣

與鄒杏崖刺史

三年九月初五日

往者屢次奉函想已陸續呈覽嗣因督辦團練攻勦餘匪日無暇晷音敬久疏歉仄殊甚前接劉君霞仙書云興甯之事上憲深以爲疑龔當時本欲辨白公以爲不可遂遵命置之然出傅公輩以失守之罪反入龔以假功罔上之愆是誠不可也夫興甯一戰該匪四百餘人器械整備技擊兇悍其日我勇打仗不滿三百人出萬死一生之力殺斃二百餘人生擒五十餘人我勇斃亡二名受傷四十餘名奪獲軍械等物最多其鏖戰情形已具於與滌公書中無一虛語數百里閒目見耳聞者莫不快心此無論救興甯闔邑生民除吾楚方張之害在龔與諸友祇求於人有

濟於已無愧初不欲求上官之我知獨惜各勇奮力殺賊
衝鋒冒刃一朝而收復城池安奠百姓其功不蒙賞勞而
上顧疑之將何以服士心而作士氣耶公固深悉此中情
形望卽力爲稟出鑫亦當通稟各憲懇委員來興查察虛
實庶幾吾輩作事不敢言功差得免罪也吳竹兄赴粵請
饒已至尊處否如尙在途請飭探示知以便迎護邇聞有
土匪竄入樂昌深以爲慮湘勇援江右者於七月二十四
日約綠營會合攻賊我勇奮力向前殺斃二百餘人業已
獲勝賊忽分路鈔來綠勇不救湘勇勢孤難支致我友謝
春池易臨莊羅介山羅曉春四君殉難各勇隲亡者八十

餘名深堪痛恨。龔擬邀同各營湘勇，并將稟請添招兩營，前往復仇。不知公以爲何如也。周千總已帶勇三百來興，儲致躬湘勇二百六十名亦到。龔辦餘匪團練已經，而月團練尙無成局。餘匪拏獲三十餘名，見將訊明罪在不赦者，正法十餘名。其餘尙須逐一研訊，確供或決或放。容另具稟呈案，書不盡意。

與孫閱青經歷

三年九月二十一日

昨接手教知於初四日由桂東起程，繞道向郴一行。不日卽抵衡州，遲數日不至，令人惶惑。弟自初六抵衡，旋因江西吉安土匪竄入茶陵，安仁奉札前往會剿。初八日起行。

初九夜抵安仁因塔參戎已將該匪擊散遂復轉回衡州
日來與滌公商度一切滌公亦急盼兄來以便會議諸事
何以遲遲其行也老兄平日慷慨自命踔厲無前有推倒
一世之概方今粵匪蔓延流毒海內塵 皇上宵旰之

憂凡我臣民自宜人人切齒志憤同仇弟之與滌公爲此
舉也豈徒以傷我良朋折我壯士遂悻悻然欲奮螳臂以
當車爲此小丈夫態哉誠見於時事孔艱需人孔急苟於
義所當然亦不顧其成敗利鈍而爲之耳况有岷憩石諸
公爲之主老兄與竹公及敝師羅山爲之佐弟雖不才亦
願效力行聞縱未敢決其必成然精誠所到金石爲開不

得以其難而自沮也弟於明日歸湘招募壯勇仍來衡州
訓練望老兄卽馳赴衡州共襄厥舉望勿爲中道阻留致
失重望古云懷與安實敗名老兄其必無此也

與江岷樵先生

三年九月二十二日

前在興甯著勇奉上一函想已邀青盼邇聞南昌圍解粵
匪已竄往九江未知旌麾見駐何處而憩石兩翁及吾師
羅山與諸友等近亦未知所在謝易二羅四君殉難固皆
見者傷心聞者垂涕而在謝君爲尤慘其祖父單傳數代
宗祀不絕如縷而謝君清貧自守與其弟綱齋二人篤志
業儒慨然以古聖賢自期待乃其自立日益高而天之戾

之者竟日益苦春池以遊泮後始授室兩舉子而兩不育其妻亦因是過憂成疾綱齋娶妻亦未有嗣其遭遇之不幸良有筆不忍書者卽如江西被難之後易羅二君皆有親屬在營其行李及卹銀均收檢送歸俾其家人招魂致奠而春池死後執事所請卹典及優卹家人銀兩未知下落其弟綱齋來營本欲馳赴左右告哀鑫以執事與諸公行蹤靡定止之特爲代懇執事卽將優卹銀兩從重給予所請卹典轉爲示知至所留衣服乞飭在營妥勇解回庶使綱兄得以招魂而祭以妥死者之靈接其嫂歸家就養以安生者之身想執事必不忍河漢視也近日賊勢何如

乞書狀見示吉安土匪竄入茶陵安仁已被塔參戎擊散
鑫刻卽歸湘招募滌公擬以鑫及吳竹莊孫闓青統三大
營十二小營俟訓練成後或赴九江或來南昌以從執事
之後知念併以附聞

與邑侯唐蘋洲明府

咸豐四年七月二十一日

三月自省回縣以事變鼎沸不獲親炙道範承教一切咫
尺天涯悵恨奚似鑫以樗櫟庸材謬荷軍旅重任岳州之
役失律喪師遂致奇禍百出多勞清神曷勝感戴鑫自四
月初奉札委赴郴防堵中旬抵衡郡旋奉太守札往嘉禾
藍山勦辦土匪幸託福庇兩獲小勝六月下旬又奉鎮憲

札來江華防勦粵西賀縣匪徒見駐嶺東已近一月未敢
撤防而郴州宜章永明等處亦時有警報而數百之勇不
能分頭策應殊深焦急尙祈惠頒策訓俾有遵循是所翹
切

與羅雲浦大令

四年八月初二日

前承惠函具見慰勉情切期望心殷雖在骨肉何以加此
臨風莊誦如親晤言鑫雖不敏能弗勉諸邇維德業日新
起居納福翹企之餘無任禱祝鑫自入秋以來精神漸爽
日來更能自振而又力戒出位之思以攝生而寡悔常痛
念前此致敗之由而深求古人所以致勝於萬全之道參

以今日之所宜若恍然有所得日集各勇而訓練之務求
使之人自爲戰不敢躁亦不敢怠至於成敗利鈍則難以
逆料矣張睢陽詩曰不辨風塵色安知天地心唐荆川詩
曰順理行將去憑天分付來鑫亦惟守此數語隨時隨事
而盡吾分所當爲吾力所能爲者而已他何知焉前日接
舍弟書云鎮堊爲應試事恐不能遽來營鑫邇日思之尤
切特爲虛席以待祈代稟伯母大人鑫祇求其來此消我
鄙吝助我楮墨戰敵之事獨自任之斷不以煩良友也臨
書倉卒不盡什一

與左季高先生

四年八月初五日

春杪鑫自岳城敗歸一晤蒙殷勤詰誠雖骨肉無以加嗣
後四奉手書家兒又具述諄屬之至意語語從至性中流
出而入人心坎鑫何幸而得此知己乎鑫自獲戾以來每
念深負 君國又痛諸友諸勇殉難之慘肝腸寸裂忽
忽焉不知生之可樂而死之可悲但既蒙中丞及各憲生
死肉骨之恩俾得及於寬政不以卽戮而使畱殘喘以圖
贖鑫心非木石尙敢自愛其身乎然離衡郡以迄於今又
將半載猶未得所以爲報稱地者心滋痛焉七月間石翹
太守郵寄所刊團練事宜首列中丞勸諭併卹結寨告示
反復誦覽覺規畫周詳開導剴切誠堅壁清野良法嘉慶

時三省之禦教匪我楚之平紅苗亦皆礪堡之力也但揆之今日時勢似有異焉者人心不若昔日之樸民財不若昔日之富而賊匪較昔爲尤狡昔日之匪專事殺戮今日之匪多擄而少殺昔日之匪到處焚劫今日之匪往往假惠以牢籠患貧之民而愚民附焉賊之狡計因而得逞是昔之礪堡易成而今之礪堡難成也故據鑫之管見覺地方易於辦理者令其併却保寨固爲盡善如或勢有難行則祇地方官力行保甲團練之法庶求效易而於民亦有裨益鑫去歲八九月之交曾擬保甲團練章程通稟各大憲未蒙批示以鑫之毫無學識又倉猝未及折衷明知不

便準行但前年佐石翁行於湘邑去歲亦於桂東輿甯稍
獲微效如蒙不棄芻蕘則查閱前案或亦大匠之門不遺
寸材也然自古治人治法二者相因欲行保甲團練而不
得實心實力之地方官痛懲書役之弊以次及於刁矜地
棍其勢亦必不行何也欲行保甲團練必官與民聲息相
通也而奸胥蠹役隔之又必民與民性命相依也而刁矜
地棍擾之書役與矜棍相倚爲奸而欲求保甲團練之行
不可得也况近日之書役不特爲土匪之耳目且多爲土
匪之心腹近日之矜棍不特爲土匪之淵藪且常爲土匪
之渠魁也夫天下奸胥蠹役刁矜地棍比比皆是爲地方

官者豈能殲厥醜類俾無遺種於斯世哉蓋從古極盛之世未嘗無小人所異者內外之辨卽消長之機也如地方官果能公忠體國勤儉愛民擇其爲惡之尤者痛懲一二以儆其餘而於公正紳民倚重之獎勵之則官與民不患其隔民與民莫之或擾矣如此而言保甲團練庶乎其可行也雖然果誰是深惡此奸胥蠹役刁矜地棍而能痛絕之者不惟不惡之其無乃或傅之翼予之齒以求遂其私也嗚呼尙忍言哉自來永州晤左營遊擊周雲耀字光廷雖武人以鑫觀之眞能於此輩深惡而痛絕之者聞其歷官所轄之地蠹役不敢犯痞徒無所用其計每見地方官

必痛陳民間疾苦且謂之曰君不要錢我不怕死民不難治也其治兵汰孱弱勤訓練時以
上諭破除情面振刷精神八字誦之於口見之於行而又以其餘力辦團練不少懈盡自到此間接其議論丰采常欲師事之然亦不食之碩果矣安得天下之官弁而盡如斯人哉蓋方今天下之大患可爲痛哭流涕者不一而足而尤莫急於乏材豈盡關人事也去歲以來天旣喪我岷樵先生嗣又喪我甄甫先生矣竊歎數十年以來在位者泄泄沓沓在下者泯泯芴芴釀成此不痛不癢之世界以致盜賊橫行幾於不可收拾偶有一二戡亂之才天又遽奪以去卽如滌生

星使其鞠躬盡瘁忠誠無僞不獨其所自信卽吾黨亦其
信之迺自去秋以來所爲拂亂而挫折之若惟恐不及嗚
呼豈天心猶未厭亂耶然我 國家養文武士二百年矣
爲澤至深厚斷未有不獲食其報也鑫自蚤歲卽聞兩粵
風俗之壞去歲在郴數月今夏以來又久住嶺表知之頗
詳蓋其結盟拜會動輒千百爲羣已非一日近且肆行劫
殺視戕官攻城爲常事日來聞連州三江臺等處且設立
僞官矣噫嘻繫誰釀之縱之駸駸乎使其糜爛竟至斯極
故常謂大股粵匪雖除而兩廣之禍亂未知何日可已也
我楚幸未至是惴惴乎竊懼其至於是則難以救藥防微

而杜漸先生必有善策以處此矣前月聞下游常有捷音
星使與塔軍門近日已抵鄂否敝師將隨之以行胡潤公
能否同去均祈賜示鑫自入秋以後精神頗覺爽健或者
天假以贖罪之緣久不親道範心中所欲陳者萬端握筆
時不覺其言之長而瑣猶以爲未盡也過蒙德愛伏望憐
其愚而辱教之幸甚

復朱石翹太守

四年九月初五日

自潭邑拜別三度蟾圓每念期望之殷訓誨之切恨未稍
有建立以報知己正深慙悚又蒙惠書慰勉交至感佩何
可言宣所示鄉團事宜反復詳讀仰見規畫周詳勸誨誠

懇久安長治之策莫有過於此者寶郡數百萬生靈何修而遇茲慈父也前月聞常澧岳州均就克復不勝欣慰但武昌黃州等處恐難遽就肅清又聞有分股竄往貴省之說遙望鄂渚未聞捷音賊蹤蔓延如此蒼生何日得安枕乎竊自五月中旬至衡州旋以嘉禾藍山土匪之故未赴郴州幸在嘉藍兩獲小勝七月下旬以廣西賀縣匪徒聲言入楚滋擾來江華嶺東營防堵月餘未及歲事而守憲又因廣東星子匪徒猖獗竄楚在卽札調往郴隨同進剿將以明日帶勇三百名起程兩粵近楚之處土匪如毛未知何時得以掃除淨盡也安危仗出羣之才此處有周守

備雲耀者字光廷見署遊擊年五十二歲邵陽人貌偉氣
雄聲如洪鐘爲人深明大義時時以君國爲念素得兵
民之心誠武弁中所希見者故喜爲公告之

復道州馮春皋刺史

四年九月二十八日

申初貴勇至遞到手書並承解來庫平足紋百兩感荷無
極餘匪竄擾甯遠龔來函交堂弟呈覽明早想可奉上內
有昨屬甯遠能戰則戰不能戰則但固守二語正如尊慮
所云恐望風而靡則又滋蔓耳永明去歲保舉龔當陳明
撫憲或邀恩允惟永明風氣向來以挾制官長爲得意去
歲勦殺灌陽敗竄餘匪而無辜行商受害者不少今茲之

得酷報亦天道自然之理。奎至此卽已傳各紳民痛切曉諭矣。奎近日盱衡時事，凡賊擾害最慘之處，無非其所自取。天特假手於賊耳，不僅一桃川爲然也。然其中固有天良尙存實在出力者，豈容一例視哉。道州解圍稟稿倉猝爲之敘述實事，不待裝飾而成。至敘尊處自猶以爲唐突西施，何意復蒙掛齒耶。武昌漢陽於八月二十三日同時克復，其戰功之偉，令人抃舞。奎昨在江華，已與光翁會銜出示安百姓之心，而懾各處土匪之膽。茲鈔一紙寄上，以君志安天下，必同快慰。并祈出示諭貴治各團也。滌公書所稱羅羅山卽奎業師學行才識爲當世所罕見，續千載

之墜緒關吾道之榛蕪倡明絕學通曉時務元年以廩生
舉孝廉方正去歲在郴州江西屢建奇勳斯人爲天下蒼
生而出君其識之又謝甲樓亦學道君子也見居傲軍幫
辦營務常有報 國之志君知之否兩粵賊盜如毛未易
收拾而下游大股且恐竄蜀煽囑匪爲亂昔曾與滌公言
之然實非不治之證特乏良醫或有之而不見用耳然此
患猶顯見者也我楚之紅苗必將蠢動而幸未動者特天
見粵匪未滅不又欲遽發大難耳粵匪殲苗禍殆又將作
矣吁果誰爲傳重葺嚴櫟園者能未雨綢繆相與平此大
患乎鑫自束髮後卽慨然於泄泄沓沓之風料其必有今

日之禍每仰天大呼生我何意見者憫其愚聞者笑其狂
迨難作以後束手坐視者固不足言而一二名公巨卿鞠
躬盡瘁者既自歎其徒死塞責彼自託高隱好爲清議者
又以爲時事至此不能挽回我何人斯而敢置議惟龔以
國家深仁厚澤上徵天心下察民情謂此特天疾人之
無良藉是以爲懲儆俾國祚益長延於弗替乃持此識與
當世之賢達相辨論則又見者憫其愚聞者笑其狂矣况
龔今春率二千之眾一敗於羊樓再潰於岳郡雖曰天意
不得謂非戰之罪近日來極意講求兵法以圖差蓋前愆
賊匪一日不滅此心將一日不安區區素願非公吾誰與

語之尊處土匪實多昨日攻城之舉非嚴行查辦句引之
匪後禍正未可絕仁勇如公當不待金之絮言也

復謝甲樓廣文

四年十月初一日

昨午接奉手書教我以善規我之過何婉以切也而自道
又何謙自勉又何嚴與甚哉甲樓進矣然人笑甲樓弱吾
懼甲樓銳也慎之勉之不必他求但卽來書之意反而修
焉實以行焉而甲樓又進矣

復道州馮春皋刺史

四年十月初四日

接九月二十九日手諭得悉壹是但尊信未到之先已屢
接劉明府移函鑫比復以永明連日報稱桃川之賊聲言

二十八九日攻永明城居民驚惶萬狀若果賊至城空兵單勢必不守故不得不先其所急日內平桃川之匪卽行前往會剿云云至金之深意有未明言者江華二十二日戰後未急追剿實以此股賊在道州敗竄蔣家鎮卽分股一竄回灌陽其黨多廣西人一竄來江華其黨多藍嘉道甯江永本地之人二十一日已先令道永各團堵截該匪竄廣之路恐其仍往句結日後復爲楚患也及次日該匪竄四眼橋等處金久憂甯道一帶土匪蠢蠢欲動實繁有徒欲處處搜捕旣無可靠紳民匪類雖少除良民或至被冤且日亦不足今此股竄入則平日之蠢蠢欲動有賊心

而未露賊形者必因而附之可以一舉殲盡故鑫前自江華戰後飛諭江道甯永藍嘉新臨各團并請劉明府嚴爲準備來示云添聚至千餘人鑫猶憂其太少非好多殺而喜誇張也貴治及附近各縣待辦之士匪萬無可宥者何止萬計今僅云千餘則是該匪黨之劫未盡而我楚內患尙恐無已時也望與劉明府諸公皆以鑫之心爲心則生民幸甚鑫自二十七晚由江啟程二十八抵永明二十九探賊已退出龍虎關開有數百時出入桃川地方比因永明離城三十里之巖口塘與富川之麥嶺交界探另有土匪聚集千人欲來竄永明鑫與周光翁用疑敵破之迺於

初一日由永城拔營初二三在桃川招同各團難民激其義憤勉以忠孝復集壯丁與訂約誓爲之編隊伍明賞罰又令其速設礮堡望樓今日黎明由桃川拔營率團勇六千五百有奇抵龍虎關外之馬坪地方探賊前由蔣家嶺竄回灌陽地方都司萬明魁率兵勇追到接仗旣勝因團勇不力而復敗退去十里紮營前竄桃川之賊已陸續退往沙子街平樂修仁荔浦一帶龔與光廷遊擊相機勦辦趕緊了事卽星馳回道與公及劉明府約期會勦竄甯之匪也見在軍務倥傯望速將龔意致書甯藍各處是所至禱

復藍山張卽山大令

四年十一月十二日

奉到手示藉悉近狀爲慰兩粵匪徒之擾楚者屢經懲創而勢不止夏間聞逆賊洪秀全遣心腹戚賊由海道出兩廣煽邀舊夥欲以牽制南路援兵如機可乘卽取道策應金陵斯言蓋不誣也逆目何賤苟改姓朱尤狡險神速鑫在道江甯三次已盡窺其伎倆此賊不死終爲吾楚之患昨已掘其三代墳塋亦無他怪特多惡蛇蜈蚣諸毒物耳尹石保力量稍遜然亦梟悍已檄嘉禾吳明府密訪之矣鑫見往黃沙河與鎮憲商永郴防勦事宜再回道州料理一切接讀來示有逍遙河上之語嗚呼鑫自九月十五由

嶺東拔營解道州圍救江華城定永明縣追粵匪於境外
卽星夜由永州赴甯以數百扶創凍餒之卒破數萬悉銳
之匪存甯城於垂亡席未暇煖卽赴貴治援勦十月十四
日戰勝回營二更後錦田顏司馬告警立促周光廷遊府
率兵馳救十六日鏖戰自黎明迄黃昏餘賊已遁始行收
隊此閣下所親見也計凡三十餘日奔走二三千裡經六
大苦戰大小百二十餘陣而又祇率此飢疲區區數百之
勇自十八日抵道州連日分遣健足偵察江永緩急以便
相機策應而於二十二至二十五日宴賞各勇以稍紓其
鬱苦之情仍於上午與馮春翁謁周子祠堂集其裔孫與

邑中秀俊講明正學令各勇環聽蓋得以少休者獨此三日耳二十五以後請兵之書日復數至由是而分勇援龍虎關助攻錦田竄賊並防勦貴治餘匪連日復招道州新勇朝夕訓練刻無暇晷今復趨赴黃沙河不意君乃以河上逍遙見責何不相憐之甚也昨奉札催本營功摺以便奏請獎勵銓擬合各縣團防出力官紳爲一摺稟出望卽日查核寄來並祈訪貴治高年有德及品學兼優才堪馭眾定亂者速以見示貴處逼近嘉禾新甯土匪實亦不少尙望奮威捕戮以絕亂萌並冀恕其愚直爲幸

王壯武公遺集卷八終

湘潭朱士宜校勘

王壯武公遺集卷九目錄

書札二

復朱寅菴鎮軍

咸豐四年十一月十四日

與朱鐵橋大令

四年十二月初十日

復左季高先生

咸豐五年二月初十日

與朱寅菴鎮軍

五年二月十四日

復周光廷參戎

五年十月初四日

與陳俊臣主政

五年十月初五日

與馮春臬刺史

五年十月初五日

復劉蔭渠太守

五年十月初七日

復李相堂參戎

五年十月初七日

與朱寅菴鎮軍

五年十月初十日

與易芝生茂才

五年十月十六日

與朱鐵橋大令

五年十月十六日

與李春醴觀察

五年十月二十日

復朱寅菴鎮軍

五年十月二十三日

與李相堂參戎

五年十月二十六日

復朱寅菴鎮軍

五年十月二十七日

復李相堂參戎

五年十月二十七日

復李相堂參戎

五年十月二十七日戊刻

復周光廷副戎

五年十月二十七日

復李相堂參戎

五年十月二十八日

與李春醴觀察

五年十一月初一日

與李相堂參戎

五年十一月初二日

與李春醴觀察

五年十一月初二日

復李赤城

五年十一月初二日

與李春醴觀察

五年十一月初三日

復陳俊臣主政

五年十一月初四日

與李相堂參戎

五年十一月初五日

復戚少雲刺史

五年十一月初五日

與李春醴觀察

五年十一月初五日

復李春醴觀察

五年十一月初六日

與

梅煦初刺史
陳俊臣主政

五年十一月初六日

與李春醴觀察

五年十一月初七日

與帶焯鳳
健海勇委員

五年十一月初七日

復李相堂參戎

五年十一月初八日

復馮春臬刺史

五年十一月十一日

復朱寅葦鎮軍

五年十一月十二日

與李春醴觀察

五年十一月十二日

與劉蔭渠太守

五年十一月十三日

復陳俊臣主政 五年十一月十三日

復李春醴觀察 五年十一月十三日

復劉子英大令 五年十一月十三日

復李相堂參戎 五年十一月十四日

復劉蔭渠太守

王壯武公遺集卷九

書札二

復永州朱寅菴鎮軍

十一日黎明率親勇七十
敗散餘匪經楚南二勇及
調新招道州勇兼程前來
勇到齊往黃沙河以誤賊
約前留甯城湘勇由東南
灌陽至全州與閣下夾攻
永郡守借殘缺府志一部

聲雞唱後出階仰視則大雪彌望矣攜卷挈爐垂堂坐玩
之有頃東方微明跨驢率八九壯士巡郡城夜所參訂者
半於憑眺閒得之覽西山愚溪諸勝境宛然新詩料也遠
望西北隅瑞雲杳靄知爲湘源所逕之處而閣下方披鶴
氅秉虎符與蘇刺史唱酬其閒聞有聲自東南來若螭龍
唵若雛鳳鳴則奎在雉堞最高處長嘯也與諸壯士所歷
皆作長歌紀之興盡而返途閒接舍弟及東征故人數書
馬上展讀之慰甚旋赴蔚堂司馬早筵席閒與歐陽長城
諸君子縱談當世事日閒將攜餘興以歸忽接龍虎關王
開化張福田稟稱恭城沙于街聚匪數萬已有前鋒三四

千抵近關四十餘里復思乘隙竄入比而致家兄將新到
湘勇全數發往關上堅壁以挫賊銳而奮拊搗畢卽親馳
關上夜開呼各勇訓戒令熟識仁字之義待旦往蔚老處
辭行適至長翁館中見壁間懸輿地各圖尙明晰卽與指
畫詳論回視日景已過八甄矣蔚老爲具晨餐金云昨席
閒聞郭粹安學博言論不俗可往邀之卽乘間偕長翁遊
三亭學舍中有老子廟蔚翁所修以爲長祈福者也玩池
石愛之擬導泉蓄魚於其中剷去其外附之贅石種竹環
之兩人相視而笑同至齋中郭學博已至座次復釋昨日
所言往復論難者久之家兄書至云甯遠告急已率勇往

柏家坪勦辦矣。鑫以龍虎關情形較急，遂決計赴之。午間策馬出城，瀟轉四更始抵龍虎關。相從之士以雪盛，請少休許之。俟明而行。馬上望峰巒之陡峻，俯視灘瀨之急湍，不覺浩然歎曰：「此非王子夏洪逆自全州竄入所歷之徑乎？使其時得如我師及曾塔、胡李諸公者，一二人在此，何至糜爛若是乎？」辰末將抵麻灘，見山勢復轉，迴鎖住江流。下有數潭，幽深而清澈，前列橫障若屏，若几，又小山如孺子之拜於堂下。鑫揚鞭微吟，易勇請曰：「小人得與聞妙句乎？」鑫曰：「頃思零陵胡侯君子人也，惜佞佛泥於因果，報應之說，余思有以救之。偶得聯句云：行道無違積德，莫非積。」

福殺人而當大悲亦是大慈各勇同聲以爲是至驛亭將
作飯龍虎關報賊未敢近關我勇先後至者防堵已嚴同
時接嶺東錦田信亦均稱地方安謐意爲之少舒而手諭
地圖適至并辱賜佳什讀至五戰奇功寒賊膽三千鐵甲
望君來之句銓不敏何足當此謹卽倚馬奉和適以彰來
詩之益美也

與朱鐵橋大令

四年十二月初十日

久不見手書令我相思腸斷矣而弟亦徒斷其腸并不暇
以腸之斷訴諸兄前兄其怨我乎其憐我也夢寐中時與
兄相持而哭匹友時與兄從容而論時事笑語聲爭辨聲

依然耳畔察葦斗山石泉諸友分明在座或嘿然或愕然
醒時則恨其醒之速搔首問青天何此緣亦不肖多假我
也世多同牀而異夢者若弟之與兄恐異地而同夢矣去
臘擬歸省老親卽便得與兄等稍敘別懷旣不可得前日
方擬作書請兄邀同斗山復葦綱齋及劉克葦兄同來營
中聚談一二旬覓便同遊道州九疑山諸奇絕妙境纔搦
管而左季翁之信至矣素知兄非果於忘世者特未獲伯
母之命故不敢出耳昨日接舍弟書聞果兄言伯母之意
已轉不勝欣然若當道果能虛心求賢萬望勿爲高隱之
行而棄桑梓於不顧也斗兄去冬賜一書詳盡剴切弟實

不及作書稍達鄙意敬謝箴言望兄致意石泉聞臘底歸家自去春而晤後竟無一字相達亦何忍心至此望兄寄語如弟實不足爲友亦須示以絕交書也弟心中所欲陳者千頭萬緒而竟不獲多覓一二刻工夫稍抒積愆悵悵何極萬一果兄之言不實老伯母牽裾之情尙堅亦必使弟會晤之願得遂邀康譚劉謝諸君子卽日重臨不能久留者弟亦斷不相強易君荷渠久欲來營聚談旬日然後歸能相約否弟又思石泉去歲爲先生送勇至九江尙似有情如昔今往返不過二旬餘慰故人渴思於極切之時未必忽然決不肯爲望兄強之一行也立葦老伯前月賜

二身立之文集
一手書弟又爲之腸斷望兄叱名致意弟若稍忘匹友天地鬼神實誅殛之弟比欲訴者實非更僕可能終也

復左季高先生

咸豐五年二月初十日

前日堂兄毅卿下省奉書略陳悃悃想日內可以入覽昨接手諭讀之殊增惆悵賊勢旣由漢黃而陷通崇我省北防固自孔棘而南路之防兩粵殆又甚焉昨又已兩次稟中丞矣東征之師竟成分崩離析之勢敵師及諸公陸軍駐潯城下四路聲息阻隔可危者尤莫如饒項一事惟望節帥早督湖內水師出江與之合軍庶可無虞耳堂弟開化才氣尙覺過人然年方弱冠未嘗學問若遽委以帶勇

致之不得後園省城潛遣人於湘潭掠去誘脅百端以死
自誓賊敬禮之有加旋聞劫往金陵終日兀坐船中不出
一語蓋曾爲星使及敝師言之見聞其已乘間逃歸若設
法延請問以方略此君居賊中日久深知虛實想必有破
賊良策也又有丁直臣者居白沙洲傍丁果翁胞兄也久
館賀耦耕先生家此老常憂時事而深自韜晦惟恐人知
其學術之純正論事之精詳當世罕有其匹誠可謂篤實
之君子星使纔知之而未能虛心延訪盡觀所蘊今無
慕高風常欲從事數年庶幾稍有成就抱茲虛願迄今無
由得遂以先生好善之誠降心求之於時必大有裨益也

省垣又有楊君玉莽者，龔久慕其人而未及。一見幼時聞先母舅言其磊落不羈之槩，慷慨有爲之氣，令聞者神往。龔至今不忘於心。未知先生曾相識否。自此外則亦不敢多舉矣。願門中丞前檄龔統領舒訓導，尙把總兵勇。龔欲辭而不敢言其故，遂爾嘿然。所留任嘉禾之勇中丞飭龔派員管帶，望先生晤汝翁時，令其自派人領之爲妥。凡勇之已有主屬者，忽派外地，生手帶之，雖勁勇亦難期得力也。南路腹匪甯遠而外，惟嘉禾爲最多。下手之難，誠有如汝翁所言者。然龔於甯邑之事實殫精竭慮以圖之。至今日久，僅南鄉暫有頭緒。東西北三路猶不知尙須幾費心。

血以極憊之精力任極艱之時事而遙望鄂渚以北我師
我友音信莫達此心尤不第爲己憂矣此復卽希賜教不
宣

與朱寅菴鎮軍 五年二月十四日

鑫自月底奉命率勇防勦連接江華永明警報卽於初九
日派兩哨赴錦田十一日復令堂弟開化率三哨出永明
惟是江永與富川唇齒相依賊旣據富城一舉步卽已闖
入是白芷營情形尤爲喫緊鑫已於卽日自率三哨馳抵
白芷與周參將合兵擬商定後卽作兩路夾攻富川之匪
頃探報賊方日修城垣待蓄髮稍長卽由江華道州一帶

下竄以爲大股聲援內患方靖外禍疊興而鑫以憤憊已極之精神亟圖滅此朝食憤恨莫可言狀所堪告慰者逆自何賤苟久爲我楚腹心之疾昨經周參將去歲招降之賊拿獲寄收江華縣差強人意耳嶺東王署備頗多疾病擬請改調永明守備向君署理庶能糾集團眾以固邊防而永明一缺請調中營守備侯君接署聞其在白象汛時甚得兵民之心又聞有新化把總方鉦勝者結實可靠可詳察而拔用之否恃愛輒敢越職言事伏乞鑒宥不盡欲言

復周光廷參戎

五年十月初四日

闊別逾月矣貴勇到讀手書知前書已呈尊覽并詢悉起居眠食如常差慰別懷朱逆被雄師再創後又由文都竄往興安既與趙逆合股而永福股匪鄧興爵等復與之合意圖竄往全境惟祝老兒早爲掃清庶西南可以安枕不然永郡邊防終無已時也粵西招安之舉弟終不取卽目下可稍藉其力日久必復爲我患願勿效之也弟前去公平墟初七八九三勝後該逆調取榔桂之匪合土匪共萬餘於十二日拌死來犯經弟與家兄督率各勇奮擊斬殺千餘該匪大敗追逐二十餘里連破賊營十餘座奪獲旗幟器械山積土匪半已解散其餘多竄榔桂巢穴維時本

擬乘勢直擣郴城又慮桂陽之匪勢將蔓延不特藍嘉可
虞永郡所屬又將喫緊祇得於十八日留老勇五百駐公
平墟堵禦榔匪下竄之路而自與家兄率湘勇一千攻桂
陽二十日該匪出隊迎戰縱擊大敗之旋卽閉城死守力
攻恐曠日持久迺日少出隊至城下誘之見賊出卽收隊
如是者數日該匪於二十六日遂空城而出前來撲營第
四路埋伏俟其近縱橫擊之該逆大敗遽揮各勇及團勇
乘勝攻撲是日遂將州城克復餘匪多竄郴州地境初一
日又追勦於郴州屬之吳山下斬殺近千奪獲馬匹旗幟
器械甚多見在桂屬一律肅清榔匪諒已聞風膽寒弟擬

卽日改道由油榨墟樓鳳渡一帶掃清餘孽卽便進搆榔城或可迅速蕲事惟茶陵之賊盤踞如故分股竄江西之永新衡屬之鄱縣該處兵力實不爲單而竟若無如之何者言念時事可勝杞憂老兄聞之應有同心也

與陳俊臣主政

五年十月初五日

奉到手諭慰勞備至獎許過情感甚歉甚該匪離桂地旣遠紮廖家灣爲間著貴勇卽撤回城中亦可已稟各憲請卽留衡勇協同貴處團勇投剿餘黨兼防回竄弟卽日拔營由油榨墟會合前副公平墟老勇五百掃清和平墟樓鳳渡一帶直搆榔州賊巢因白沙見亦無關緊要已函屬

黃守備隨弟同往又慮永興空虛若賊被勦情急乘虛竄
往則安仁耒陽又將喫緊故請調海勇煉勇鳳字營勇共
千五百名往永興一路擇要堵禦庶弟得以專力勦郴迅
圖克復此弟管見如此未知當否所有以教之貴州一切
事宜全仗大才與煦翁商同各屬賢首士妥爲辦理知勞
怨在所難免然吾人作事祇求有濟委曲求全賢者之心
也老兄尙其勉之

與道州馮春皋刺史

五年十月初五日

行蹤無定寄書未由風雨良辰此情殊不自禁異地心同
我兩人之謂矣弟自東安稍就肅清因東南告警星馳赴

衡由是而耒陽而桂郡戎馬倉皇迄無定日差幸勦辦得手於前月初七八九等日連獲大捷十二日一戰尤爲痛快殺賊極多土匪強半逃散廣匪盡竄回郴桂憑城死守二十日進攻桂郡二十六日遂將州城克復餘匪多竄回郴州本月初一日又追勦於郴屬之吳山下殺斃千餘踞城之匪諒已聞風膽寒擬日內進攻郴城想旬日內或可蕩事惟茶陵之匪見又分竄興甯鄱縣及江西之永新蔓延日廣該處之兵勇厚集半屬壁上諸侯時事至此可勝浩歎朱趙二逆聞已至文邨會合股匪頃接光兄信知其又至新安與永福之匪合股惟望光兄等與蘇虞階刺史

輩早爲設法殄滅不然永郡邊防何時可已也書院內所
植竹木尙有生機否含暉洞華巖之泉石冷氣逼人矣弟
將何以爲情耶

復劉蔭棠太守 五年十月初七日

自東安拜別後此心悵悵如有所失前在永郡奉復一紙
旋以東奔西馳之故魚雁杳然鄙懷固未嘗一日不念
閣下也日來聞諸道路臺旌已抵衡郡方擬差人問訊而
華翰先施感甚慰甚弟自克復桂郡後初一日追勦該匪
於郴州屬之吳山下痛爲芟夷追逐二十餘里該匪盡回
郴城本擬乘機迅復州城又慮此路空虛高亭司油榨墟

棲鳳渡一帶均爲賊踞該逆情急下竄收拾更難是以改
道來桂陽幸做營前雷公平墟老勇五百由馬田墟進剿
大獲全勝并掃清高亭油榨一路昨日會合進紮郴屬之
草田鋪是晚又追賊於油塘地方亦有斬獲此時踞郴之
匪諒已膽寒而東出興甯一路又得麾下與相翁由安仁
進剿不特郴城指日可復藉慰斯民雲霓之望且承教在
卽又可遂鄙人飢渴之情行當浮大白與諸君子痛飲十
日何快如之草此布復未盡什一初冬寒燠不時維珍攝
不宣

復李相堂參戎

五年十月初七日

貴勇至奉到手諭欣悉臺旌即日勦除款頭股匪擬由興甯直擣郴城尤喜蔭翁統率勁旅與麾下會合更可共建奇勳蓋前此蔭翁未來弟知老兄望之甚切弟每與隱霞兄及家兄道及亦無日不爲老兄望之茲旣得合營一處二人同心其利斷金從此老兄與蔭翁共建殊勳拯斯民於水火弟等拭目俟之其慶幸爲何如也草此布復餘詳蔭翁信中茲不復贅

與朱寅菴鎮軍

五年十月初十日

違教逾月相思如年飢渴之情何以療之自到桂郡後兩奉賜書至今尙未復稟疏懶之咎奚辭昨初五日與子達

兄相見於草田鋪營次明敏練達忠勇性成促鄰談心恨承教之晚問訊起居後卽欲作書奉達適又接初一日惠函展讀之餘慚感交集龔與家兄於前月初閒由衡郡馳抵耒陽之公平墟連獲四捷該逆氣奪悉竄回榔桂巢穴旋留老勇五百駐紮公平墟而自與家兄率勇一千勦桂郡二十六日克復州城本月朔追勦敗匪於榔屬之吳山下痛加芟夷初五日子達兄與各幫辦督老勇勦賊於馬田墟高田司等處又大收奇捷見在合紮油榨墟二十里之草田鋪擬日內進攻榔城迅圖克復以慰塵念茶陵於前月二十七日經王初翁觀察督師克之餘匪聞由永新

而安

也朱

駐全

好方

心經

焉卽

先生

自前

哭後

每念老兄之善氣迎人欲規倣之而終不能未嘗不歎變化氣質之難也常欲作書奉達以伸渴懷以求教言而因循未果七月閒在東安接奉手書勉誨諄諄深幸不我遺棄而戒驕矜讓功能二語尤堪銘佩弟去春羊樓岳州之役調度乖方多喪良朋義士畢生大恨雖舉天下之賊盡數殲之未足銷憤而抵罪尙何功能可言耶自奉檄防堵衡永郴桂既不能消患於未形而馳逐數月不免東安之禍又幾令害及桑梓且郴桂數百萬生靈久困水火之中不克迅速拯救清夜捫心刻難自慰乃上憲不惟不加之罪且屢加薦擢旣媿賞浮於功又思後此之報稱更難古

大人有所性者存非世之所爲重輕者也苟其得此雖遯世不見知何悔焉苟不得此無論位極人臣不足爲榮卽使功蓋天下一世驚其遭逢而有識者微窺於本原之地以爲猶未免爲鄉人耳弟每恨前此不自韜晦以致枉負虛名息肩無日然此身一息尙存猶不甘爲天地閒一廢物尙望老兄不時有以教之俾得從善而寡過焉則受陶成之賜爲無量矣子山前月來營中備述老兄爲政於家益有條理而荷渠之潛移默感更令我欲鑄金事之於戲如老兄與荷渠兩家斯誠幸矣獨念臨莊殉難未久五姻自又復棄世一門之內誰稱克家念之傷心尙望老兄與

荷弟擴充其道而一視之弟益將於老兄及荷弟取法也
悠悠長路渺渺伊人臨風懷想能無慨然

與朱鐵橋大令

五年十月十六日

衡郡別後日望君之重來亦并忘歸時之抱恙也聞日內
漸就平復慰甚雲墅兄既不獲命於堂上自不必相強文
麗兄昨已到營中矣前數日有新化少年汪瓊來此閒投
效弟憐其跋涉少有所贈堅辭不受乃呈所作臨敵制勝
方略十條甚有條理細詢之則石翁在寶郡時所取士雅
契重之伊屢聞石翁逢人說項故相慕遠來所陳方略亦
因石翁有東征之志特作以獻之者也年尙未及冠有志

如此當亦可造之士因老兄愛才念切故樂告之弟營自
昨十二日戰後郴永士紳多勸由油榨墟乘勝直擣郴州
弟細思若遽圖克郴恐堅城不能遽下而四面受敵且桂
郡各處之匪乘機下竄更將何以禦之又素聞桂陽州西
北鄉團練甚可恃克桂而後攻郴可藉團練以守桂卽可
借西北之團練以激厲東南之團練且可藉桂郡之團練
以倡各處之團練則克桂卽克郴之機也遽圖克郴無論
未必遽下卽徼倖成功亦必旋得旋失與家兄商之極以
爲然迺留老五哨駐公平墟揚言攻郴而率副五哨新五
哨繞道出桂陽二十日二十六日兩大戰遂將州城克復

賊竄郴州屬之吳山下離城三十餘里月之朔日追至該處痛剿之逐至郴城二十里地方又慮逼賊下竄仍爲難了之局維時桂郡各紳民來見弟極意誇獎團練克復之功全以讓之已成者益加奮勉未成者亦媿而相勸迺屬桂之東鄉郴之西鄉聯絡聲勢而於桂郡西北團勇中挑選千餘人防郴桂交界要隘仍率十哨勇由羊舞坪出油榨墟會齊老五哨在馬田墟大勝初十日又痛殺之瓦窰坪本可乘勝攻郴而猶遲遲者以東路兵勇至今尙未進紮守憲日內率二千餘勇已到請其分布各隘未奉回音恐垂死之鹿不暇擇音又將流害他方也惟見在合計死

黨除斬殺逃散外所存者土匪不滿二千廣匪能戰者不及二千勉力圖之尙易成功尤幸人心亂極思治團勇多踴躍從命此後郴桂或可得數年之安也劉蔭翁率楚勇千餘於初三日抵安仁因茶陵之賊盡竄江西袁州吉安二府已往救援矣昨接中丞批有北路勇單賊眾之語舍弟昨日來函云風聞羅山師一軍在蒲圻小挫又聞係迪兄營未知果何光景深爲懸繫時事方殷如兄者當不忍終爲膜視尙冀極加調攝爲時自愛臨穎曷勝翹企禱切之至

與衡永道李春醴觀察

五年十月二十日

前夜四鼓勇回奉到復示領悉壹是榔桂一帶多有亂極
思治之機得公至誠開導當靡不奮興鼓舞矣龔嘗謂天
下無不可辦之事無不可化之民特誠有未至其中罅漏
立見若有一分實心自有一分實效也客店鋪戶地方原
可紮住但行軍總宜用帳棚以其易於稽查約束耳敵營
昨日由五里牌拔營午正抵株木山紮營甫定賊眾數千
擁至龔諭各勇毋妄動聞鼓聲乃起擊之賊大敗走追逐
十餘里特賊膽先喪不敢硬敵故未能多殺比見城外東
塔南塔下各有賊營一座敗後有逃走入城者有分歸兩
營者龔欲乘勢先奪其營因天已向晚暫行收隊保和墟

在郴之西南桂郡之東南三十餘里前月底匪踞該處被團勇衝勇擊走鑫拔營後桂郡團勇聞有分紮此間者若撥煉勇一營令其與陳主政商酌辦理想不無裨益也棲鳳渡一帶團勇昨晚已有到者鑫屬其紮做營右二里許之花谷衝諸紳已諾之矣黃守備心實無他特以有中撓而旁掣之者故益覺進退維谷鑫前日直陳所聞原冀公開導之則蠱惑者或可少息耳豈以公之至誠待人而鑫猶有絲毫不相信之處哉前日賜閱之示鑫日來審量賊勢似可不用緣其窮蹙日甚縱之恐留後患前者已開一面之網至今尙未解散者皆稔惡已極者也近世以姑息

優容釀成禍階此舉雖中有權衡然終恐流爲弊端仍望斟酌而行之爲禱臺旌由羊舞坪旋後或駐棲鳳渡或駐五里牌等處總祈互相聯絡而又與敵營相距不遠有事奉商亦較易也天氣晴爽惟早晚淒寒營中尤甚祈保重爲民自愛不宣

復朱寅菴鎮軍

五年十月二十三日

佯來又蒙賜書感甚永福之賊與朱譚二逆合踞於興安尙爲難了之局此鑫日前攻勦不力之罪也不次超擢心滋疚矣鑫自回勦郴匪屢有捷獲初十日襲攻賊屯於瓦窰坪冒險出奇火其積而殲其銳頗覺痛快十九日進紮

株木山逼攻郴城雖連日三勝然賊之精悍者尙有數千
克復猶費力耳鄙茶回竄之匪滋蔓如故而北路近少好
音通籌楚省全局焦灼日切重聆教言尙未知在何日能
無悵然承惠原韻一篇清新俊逸駕鮑庾而上之與隱霞
諸友迴環莊誦佩甚子獻兄隨光翁往粵境否祈爲道念
子達兄勇敢明決鑫所深佩見在營中清泰足慰懷思

與李相堂參戎

五年十月二十六日

頃讀手書領悉貴營連日出隊賊匪并不敢出城畏威可
知良田之團雖小挫必能復振近日又募得潮勇數百均
極精悍聞已到該處矣永鳳鄉團練初成未有紀律必須

諭令挑選精銳者在前弱者隨後壯聲勢方好昨日已面諭陳善溶令該處團首約束想必有起色陳善溶爲郴州團練第一可靠之人世居猺嶺前將秀才鄉團辦成後旋來永鳳鄉辦團所部千餘勇極爲得力屢戰屢勝賊甚畏之昨已與訂期合攻並屬面約麾下及良田等處免致漏洩若老兄每事與之商量必多裨益也逃出土匪不可操之過急致賊黨日固鄙意正與兄同當與戚少翁商辦陸費明府帶勇三千前來會剿甚好特未知勇均可靠否與其多而不精不如精而不多之爲愈也尙望老兄與之籌辦一切爲禱蔭公因鄙茶喫緊未能遽來會剿亦是正辦

惟臺旌已抵此間必先將此間蕩平方可前去此又理之
決不可易者也下游之賊雖尙猖獗然敝師羅山方伯已
於本月初三五六等日由羊樓洞進剿連獲大勝想可無
虞也尊處辦理情形望不時示知爲禱

復朱寅菴鎮軍

五年十月二十七日

奉到手諭備悉壹是榔城逆匪見已四面兜圍合力攻剿
至尊處所聞早經克復乃訛傳也光廷副戎會剿興安不
意中賊狡計以致小失驚悉之餘深爲憤恨且該逆旣竄
全境永郡處處接壤防不勝防見惟大舉攻榔迅圖克復
卽當移師會剿務將朱逆一股悉數殲之永靖楚邊爲快

桂郡團練前月協同克復州城鏖戰最力月之十八賊復
往攻城垣又爲團練擊走斃賊千餘以此勇敢認真可與
五福長樂兩團鼎峙刻下郴州辦有端倪打仗亦甚出力
當此烽煙四起焉得官軍處處分布捍外侮而杜內匪惟
有舉行團練緩急可恃然非得實心任事之紳董其成功
固不易也

復李相堂參戎

五年十月二十七日

昨日奉復一函諒邀青覽今日午刻勇回稟稱賊出大隊
前往尊處撲營比卽傳令出隊七成馳往策應旋於高處
瞭望不見動靜亦不聞有槍礮之聲時值天色已暮因遂

收隊吉營今日果否與賊接仗未得的音因思弟處與尊處相隔甚遠嗣後賊若專擾一方必待送信始能出隊馳援勢必往返需時於事無濟查馬嶺一處山勢極高如兩營適中之地可否各派勇四名在此打望若賊竄何路即可飛信回報彼此顧應必無遲緩之虞并可順查奸細尤爲一舉兩便頃聞該逆多有裝作勇練四處哨探并帶錢買鹽已有被團查拿者似此則各路設卡盤查最爲要著今日烏泥鋪有紳士來營稟稱該處係屬要隘來往繁雜亦有各營兵勇經過未敢擅行盤詰乞賜設法等語因思此事亦關緊要特與老兄酌商可否各派數勇協同團練

嚴查如有湘楚勇過此一見即可放行遇有形迹可疑即可解營究訊明白庶真假得分於事機大有裨益如老兄許可除隨後出示外懇即派勇先至彼處稽查也手此布復

復李相堂參戎

五年十月二十七日戊刻

伴來又接手書欣悉貴營昨日大獲全勝快慰之至昨屬陳善溶面約尊處二十八日會合攻剿見在東南北三路均有勇練堵截惟西路空虛弟意不若暫緩二三日俟西路布置妥協另行飛函馳約尊處四面合力大舉攻剿以期一鼓殲盡庶不致一名漏網想高明亦以爲然除陳善

溶處亦已通知改期攻剿至承示嚴諭各勇臨敵不可拾取賊物最爲軍行要著欽佩之至克城後奪得賊贓分派充賞亦正辦也

復周光廷副戎

五年十月二十七日

昨接鎮軍咨欣悉晉秩都督仍留保障楚疆私衷忭蹈欣慰尤深二十六日接得十七日所發手書知督師進剿興安已獲勝仗同日又接鎮軍信云十八之戰楚粵官軍誤中賊謀致有小失吾兄已折回全州堵剿聞之殊深塵念見在賊蹤已至何處作何剿辦務望隨時飛示以慰繫懷弟自初一日吳山下戰後初三日又戰於油山追至離柳

城二十餘里原可乘勢攻城但恐逼賊下竄是以將桂郡肅清由下剿上初五日大敗股匪於永邑馬田墟乘勝返過油榨墟將永興縣境各匪掃淨初六日進紮郴州草田鋪剿除油塘南鄉之匪初八九兩剿西風渡五里牌之匪初十日進駐五里牌安營未定郴城與瓦窰坪共來股匪三千餘由三路撲我營盤比三路應之一追十里至唐家衝一追二十里至荒衝一追至瓦窰坪殺過浮橋火其久踞之巢穴淹斃燒死者不計其數復會同勇練連日節節搜捕擒斬亦多十九日移紮株木山賊來撲營弟與家兄設伏遽擊追至城下二十二十一復出大股拌死來犯均

經我勇出奇奮擊三日之照
面兜圍合力攻勦迅圖克復
然所幸敵師羅山方伯由羊
游消息頗佳可以告紓錦全
至

復李相堂參戎

五年十

貴勇五更到敵營奉到手諭
所帶弟向聞其可靠觀來諭
溶前來貴營約會今日合攻
路尙少布置須緩一二日攻

想昨二三更時可邀青盼頃聞所接之來示云今日出隊
蓋閣下發信之時尙未接到弟所復之信也然弟頃卽整
隊以待探聽貴營如果出隊弟亦卽飛馳策應如尙未出
望暫緩待弟與李守憲將西路布置停當後再飛信前來
訂定日期時刻四面合攻將此股殲滅無遺豈不大快惟
賊情千變若我輩期尙未訂定而賊或由閒道他竄或專
力攻擊何路則我輩自不得不相機辦理又豈可刻舟求
劍乎昨晚弟接飛信卽出隊探聽貴營已收隊歸仍令做
營收隊軍情瞬息不同不得不隨機應之也陳善溶爲郴
州團練第一可靠者望凡事與之商量於高明必有裨益

也

與李春醴觀察

五年十一月初一日

昨探勇回報南路團勇前早攻打近城旋卽退去幸未大挫東路李參府同陳善溶之勇自辰至申殲賊多名楚勇僅斃亾一名受傷數名詢及楚勇連日鏖戰實爲奮勇出力大非前日可比而其情實有可憐者口糧未發已百餘日各勇無錢辦米買芋而食前日出隊卽芋亦未得飽啖忍飢鏖戰終日深堪憫惻昨晚伊營有幫辦來此極陳苦情求爲轉達爲之淚下卽欲稍爲分潤以濟然眉查新老兩營僅共存銀數兩莫遂周急私情所望公於近日有

以濟之也昨聞未陽報解饒銀三千兩務懇飛札前去令其解送敝營免往返之勞是所至禱此項如蒙準許則前日承道及桂陽縣報解之項求迅加札示卽令解送相翁營中暫救飢餓亦爲甚便否則亦祈於別項設法速濟之也伊營一千九百餘名前奉中丞札裁撤九百餘名歸其管帶聽劉蔭翁調度蔭翁以口糧虧欠已久裁撤者必須補發銀兩且各勇近知媿憤不如待郴城克復後始行減汰已將此意代稟尙未奉到批示也蔭翁於二十五日在茶安交界地方大獲勝仗殺斃五六百奪獲旗械馬匹多件前聞鄙茶賊有回竄郴城之意思想必不確惟十八日攻

桂郡被勦之匪分竄嘉禾者云近千人日內聞擾至甯遠
此時周光翁尚在全州未知各處兵勇團紳能速了之否
又慮其滋蔓矣昨有友人由衡郡公平墟來詢云尚安靜
衡勇健銳勇聞於日內紫株木山嶺請飭其打聽駱仙同
心嶺一路如無賊踞訂期攻城即可由此路進又聞陳主
政已率勇紮華堂鋪未知尊處得有的音否祈便示知

與李相堂參戎

五年十一月初二日

日前雲翁來述壹是兩人相思之情藉以稍紓旋作書致
李觀察備述貴勇連日攻勦之勞極言匱乏呼癸之苦請
將桂陽所報一項就近解送貴營以資接濟如此項尚在

難靠亦祈速於他處設法詞頗懇至昨夜接復書云各屬
錢糧不至卽桂陽亦未可恃焦灼萬分以老兄之忠勇自
不敢忘總須速爲籌辦云云弟擬日內再作書催之兩日
內家兄營中可得銀數百兩到時卽當分潤也該逆昨早
礮聲不絕卽使人覘視未見動靜昨陳善溶著伊姪來營
弟已約屬其稟商老兄并約會南路兵勇於初三日四路
攻勦務期一鼓殲之如無大風雨大霧總以黎明出隊爲
度惟路途遠近不一早到者須緩進以待各路之齊耳弟
處出隊收隊之路甚狹迫而進攻之路太寬似收隊不宜
太晚老兄以爲何如老兄忠義膽略迥超恆輩向爲弟所

佩服必能殲除羣醜以立大功曷勝企禱之至

與李春醴觀察

五年十一月初二日

昨日相翁又出隊至梯子嶺馬嶺令輕卒搦戰至城邊賊終不出城中消息未得確耗土廣匪欲分竄之說亦理之所有惟思賊情叵測且無一定之勢東南兩路兵勇團練尙屬可恃賊雖欲竄而不能惟西路終是可慮耳陳主政日內不知果能來否卽來華塘鋪離尊營恐尙不止四十里若往會之中有許多難處似不如勤通音信之爲便也頃已致信相翁及陳善溶并請約南路勇練於今夜四更造飯五更嚴裝黎明出隊齊力攻勦又以路徑遠近不一

初進不必太驟能誘出痛勦乘勢撲城更妙茲懇公調派
勁勇一軍由花園裏出勦劉仙嶺必紮駐花園裏以爲接
應若黃備尙駐和平墟求飭其出隊至同心嶺相機堵截
更妙卽祈速賜裁奪施行敝營勇擬分三路一由桂木嶺
一由潘家灣一由黃茅嶺令團勇隨後以壯聲威口糧一
項昨晚接到大局撥耒陽饌銀二千兩以資接濟感激良
深相翁處已代致盛意尤望近日有以應之也

復李赤城

五年十一月初二日

月朔專足至接誦手書分踞木根橋等處之匪均經貴鄉
諸公督勇擊走并能捨渠毀巢是皆實心任事之效弟何

力焉敝營先約二十八日會剿旋因西路尙欠布置已馳
函另改見已訂定日期密地知會相翁各處合力攻剿志
在必克所慮該逆潰敗四處奔逃貴邑團丁見駐首家洞
等處既可相助進攻又可捉賊東竄尙冀諸君同心戮力
益加奮勉何幸如之

與李春醴觀察

五年十一月初三日

陳主政昨晚亦有信至稱見紮十八里地方暫難進紮云
今日之謀又爲風雨所阻悶極如日內天氣好卽當進攻
也頃聞戚少雲太守函稱賊欲由西路逃竄該處團勇聞
風而散此正與昨日賜示賊供相同賊情詭譎未免非故

張虛聲然爲賊計既在不得不逃之勢而統計四路惟西路較爲空虛團練情形又復如此西竄之意自不可不防禦飛示黃守備及衡勇準備截殺爲禱

復陳俊臣主政

五年十一月初四日

頃讀手書承聆一切弟自連日以來本有大舉環攻之機因西路尙屬單薄恐陷以鄰爲壑之罪前李觀察到營亦以此與之面商渠亦深以爲然特派黃守戎協衡勇等豫爲布置茲讀老兄信并觀察函知部署至周且密甚爲欣慰見在東南北三路以人事而論似無微隙况相翁之勇大非昔比業已四獲勝仗口糧已欠百餘日喫紅芋出隊

苦戰可謂用命陳善溶勦南路亦甚可靠老兄勦西路又加以李觀察今晚來函專以桂郡要緊各路已加派勇爲之接應人心之齊一如此賊勢之困迫如此天色之清明如此弟若遷延觀望是獲罪於郴桂父老也是以與李相翁陳善溶陸費明府李觀察戚少翁并各紳耆密約於明日卯刻同作一鼓先登之舉克復與否雖未敢先知然照理而斷似應如此儻萬一去惡難盡卽有遊魂西竄別軍弟不敢必卽第一軍必星夜馳勦儻尾追有前途被其蹂躪亦必繞道前來或轉爲迎頭截勦或腰擊橫衝當相機以應望老兄同煦翁極力堵住弟斷不有負斯言也前李

石係一股聞自被老兄痛擊後餘匪無多由嘉禾裏脅已
竄甯遠甚爲懸切茲來函未及此想係道路之訛耳但茶
鄙尙棘幸蔭渠太守前往二十五日大獲勝仗從此節節
痛剿想必得手惟祝此邦迅速蕝事庶早移師他往桂郡
團練老兄苦心成此勁旅然此股不盡根株則團練不能
稍鬆勁爲山九仞功虧一簣諒我兄亦時刻同此戒懼之
心也北路情形甚好羅山師連獲奇捷殺賊數千解散萬
餘敵斬首逆楊姓洞庭以北長城可恃貴州營伍尙承平
之習不足爲怪且喜我省連年征調苗疆一帶自守有餘
因習戰敵故也無奈兵端疊起籌兵籌餉當道者應接不

暇桂郡養勇業已不少度支無出所示及煦翁辦理尙可
支持頗爲心感當此滿地瘡痍甚非易事見今我營亦拮
据萬難嗟乎桑梓之事吾輩若不分其憂任其責更誰望
乎所以心悅誠服於老兄也此間尙有陳溶善之血性任
事不憚勞苦弟亦深敬焉

與李相堂參戎

五年十一月初五日

會攻之舉不料老友魏將侯先生督海衛赫鳳四勇向前
而四勇見賊先奔致將侯險亾弟心傷淚落憤不欲生督
勇拚死殺上奪取骸骨湘勇斃賊三百餘名收隊是戰初
誤於海衛赫鳳四勇再誤於團勇弟非無過斷不諉過他

人以塞責惟有自強不息迅圖克復是爲要著徒打口舌
官司無益也此事惟仗弟與老兄合力共圖決不必倚賴
他人轉形觀望致多推諉弟見在嚴勵士卒挑選團練壯
丁五百名日加訓練總期有進無退不敢稍有畏葸之心
見笑於天下英雄以負老兄期望該逆實無甚伎倆攻城
之不得手者主客之勢相殊故也爲賊計之豈株守孤城
而了乎必有挑戰之事以見在之勢而論卽攻城不足如
賊來撲營弟與老兄之勇破賊有餘矣祈老兄飛示各處
團練嚴加守隘賊有舉動我相機以應之無不克矣但不
可浪戰并嚴飭各紳儻不遵約束號令恐大局一變身家

無有想各紳雖愚亦不至此也至各處設卡免零匪下竄
的是良法美意弟傳諭如有假造各營號衣務期認真盤
查免革勇在外騷擾庶與地方有益昨傳言有假冒楚勇
過卡不受盤查等事特告老兄嚴飭部下諸勇凡有差事
必要護票準其任卡上盤查庶免元愆大惡之土匪假冒
勇名是爲要著見今逆賊結爲死黨負嵎自固弟已與李
觀察少翁商及請其諭各團如有脅從逃歸者暫時略爲
稍寬不必苛查若是大頭目自應不赦二公深以爲然至
戚少翁有家丁在局之事昨已面詢渠見在祇三四老僕
并無家丁在外如有必係假冒託弟寫信老兄儻查有口

稱係戚某分派來者可擊獲送伊自辦少翁每向弟言深
敬老兄忠勇并託弟代致意焉

復郴州戚少雲刺史

五年十一月初五日

鑫自率師南來即知此邦物望惟公一人每聞公正廉明
之實迹敬之慕之非語言文字之所能喻也昨日偶聞道
路之訛原疑而不信恃在素愛故專函敬詢頃讀手書果
屬無稽之謠然亦非相翁處之言也至相翁六月之失鑫
早已聞知不得爲相翁諱其百長之荒謬亦究有之事鑫
已致書規之矣見在設卡盤查逃匪此是第一要著鑫每
遇紳團切切屬其查敵營之勇誠恐假造號衣又恐所革

在外騷擾不獨與地方有益與敵營之益尤大但聞楚勇
有不受盤查之處昨晚已致函相翁告明係有益營規之
故亟稱紳耆之認真相翁能受苦言必以爲然也惟是該
逆已成死黨負隅抗拒以鑫愚見除稔惡已久并首逆等
不赦外儻有脅從逃出似可稍爲寬容俟克復歸善後辦
理此言覺不便見明文可否祈公面諭紳士何如至若今
日進攻不意至好老友魏將侯先生奮勇先進手斃逆匪
敵凶鑫拌死督勇殺上僅奪其骸敵營勇殺賊約數百苦
戰截住致團勇各勇敵凶尙少失我將侯令人五中欲裂
惟萬分振刷精神激勵各勇誓圖克復以報交遊之仇賊

三月五日之遊
雖兇悍斷不至使蔓延祈公堅固各團之心設法鼓勵有
進無退早期歲事二十日并今日之戰金斷不忍誘咎於
團練以埽紳耆之興立無益之言蹈築室道旁之誚故今
日各紳來見金特安慰并教以戰敵獎以勇敢庶大局可
以永固俟再訂日期進攻決不稍形畏蕙以負罪於郴州
父老也

與李春醴觀察

五年十一月初五日

今日之失利一言難盡失至交將侯先生令人撫膺大慟
幸督勇併力殺上僅得其骸而歸金等之罪何可稍追敬
懇據實代稟撫憲至見今光景尊營可大放心路徑甚險

賊斷不敢直犯鑫一面將敝營各勇激勵誓與該逆大戰一番必須克復而後已斷不敢稍存畏葸之心以負罪於郴州父老而損大局也尙祈公嚴加訓練以待時刻勤爲發探示知鑫惟展刷精神不冝稍挫銳氣天下事惟仗自強庶幾有濟耳

復李春醴觀察

五年十一月初六日

初三初四兩奉復書感佩良深昨夜差弁回營又拜讀手教惶媿悲憤莫可名狀將侯先生今春在衡郡一見相善如故旋觀其佐文方伯辦團諸務井井有條不辭勞瘁歎爲近今紳士中所罕見昨日本來救鑫之急而鑫不能免

其難嗚呼魏公之忠勇義烈足照千古金雖苟延人世榮
辱判矣日內卽當具稟中丞極力聲敘魏公死事之烈與
其平日任事之勞而自請揭參治罪庶稍可以對我將侯
先生也至中丞札開云云金昨日亦已奉到比已作稟懇
辭矣蓋古之言將兵者莫妙於將識士情兵識將意二語
貴營之勇服習訓練已久懷德畏威淪肌浹髓使金改將
之斷不如仍請公將之之爲愈也况前此公自將之撫綏
訓練壹皆獨任其勞使金得專用精力於所領湘勇調度
布置凡金偶有一節可取者公卽無不俯而從之此等處
皆非中丞所能遙度金當歷歷陳之若蒙俯允所請非特

曲全鑫實以顧全大局也鑫見在極力激勵各勇如賊今
明兩日前來求戰當痛力剿殺否則日內當設法約會進
攻務期殲厥醜類以紓斯民之困以報魏公及各勇之仇
誓不肖與該逆共食息於天地間也

與

梅煦初刺史
陳俊臣主政

五年十一月初六日

數日未通音問渴想彌深弟攻一孤城兩旬未克雖經兩
勝憤而且慙非士之勇怯相殊賊之強弱有異因四面兜
圍粵匪不能返粵土匪不能歸家以致負嵎勢成死黨昨
初五一戰殺之三百餘生擒不少分別研訊知城中業已
屠騾而食竊慮萬餘百戰精猾之賊最兇悍者半若以力

取未必殺之能盡以德化而狼子野心未必就撫以知取其稔惡之賊未必甘心延頸受戮古人原有攻城而屠城者皆兵十倍於賊以士卒之命相拌容或有之未聞以賊十倍於兵而能作此豪舉者况弟之勇千五百人兩月之間二十餘捷敵受傷已二百餘矣又何能與賊相拌乎孫子曰城有圍而不攻者有攻城之災此之謂也今弟已攻之屢矣志在必克不過旬日之間但恐除惡難盡蹂躪他方是以悲耳見在飛函宜章興甯一帶切屬嚴堵要隘毋使首逆倖逃成未了之局惟是各處團練不及貴郡什一卽各處兵勇較貴團之精亦相去倍蓰弟分身乏術分

兵不多又何能堵許多捷徑乎此弟之隱憂敢爲同志者
一陳之至貴郡團練之勇敢兼二公碩畫之精詳可恃以
無恐然而兵法曰毋恃其不來恃其有所禦其來無恃其
不攻恃其有所待而不敢攻今所禦所待之計二公知之
熟矣實效又屢收矣業已精益求精矣又何俟鄙人言之
竊以爲當此農隙之時卽過於勞民無毫髮之累有邱山
之益莫如速調各墟團練之精銳多多益善重設險要加
守城池因弟前聞各鄉團勇盡撤歸農俊兄部下不過千
人故進此說况郴城不過旬日可克貴郡無恙卽可裁撤
勞民亦不致久其保全者甚鉅尙祈兩公速速行之卽或

遊魂西竄萬一隘不能守城定能守彼時弟飛軍赴援亦
易收拾不至蔓延嘉藍常甯以賊眾我寡我軍利於野戰
故耳尊處儻聞警報可速派熟悉捷徑之嚮導勇數十名
分道來追并祈開明赴桂捷徑堵賊地方紮營何處進戰
機宜一一而詳示之免弟查詢延誤時刻今派來湘勇十
名往臨武接饗臨武護送至尊處祈尊處亦派熟悉路程
之精勇繞無土匪之途護送來營因饗項孔急之時當攻
城喫緊之際未便多派如沿途團局派勇較湘勇尤佳也

與李春醴觀察

五年十一月初七日

昨午勇回接奉賜復一函悵然悚然既思公統馭四郡其

不能久駐此間者理勢固然若另請賢員督率各營則稟
批往返需時恐致有誤機宜祇得勉強遵命惶媿受任比
晚卽嚴札并書信致各營官矣尙望隨時多方指示俾免
隕越是所懇禱今日已刻賊出大隊前來撲營經我勇擊
敗走回恨尙未能痛殺據生擒賊供城中見已殺馬而食
倉內多置粟穀以示充實日內定須逃竄見金又札令鳳
燎二營紫杉山嶺海勇紫汗池塘與敝營及荷平墟所紮
健銳勇相爲聯絡如賊果竄出或迎頭截擊或橫衝尾追
務期殲勦盡淨以絕根株或仍負固死守亦卽設法攻勦
以求迅速蕺事聞鄱縣茶陵均已無賊惟粵西興安之賊

又竄踞灌陽人數頗眾與道州永明接壤永郡邊防又復
喫緊益深焦灼稟稟已就鈔呈做營新老兩勇饒項既勞
清神而見在赫鳳營支絀如此擬稟中丞催請然未知有
以相濟否也

與帶赫鳳勇委員

健海

五年十一月初七日

久違雅範時切神馳何幸同事一方鴻才共濟此真弟之
大願也不意撫札忽來重弟蝨負弟向守憲辭之再三復
擬轉稟撫憲力辭無如守憲不準祇得悚惶受任深慮貽
誤邊疆想諸兄經猷素裕韜略宏深一切無俟鄙人言之
第時局艱難我輩既與兵事以身許國道理不得不精

益求精庶逆賊易除功名可立此弟之中情敢爲諸兄告也還望隨時見教匡其不逮古人云集思廣益豈謙詞哉敬修公牘懇卽傳弟之言重新壁壘但逆燄尙熾我勇進勦非嚴立軍法有進無退難期奏功儻各營中有違軍令者或礙難辦理弟可爲諸兄痛懲之必須警一戒百若稍優容姑息卽有不可問之處然瑣碎軍令公牘中不便申明卽照諸兄平日舊章務使人人恪遵是爲至禱

復李相堂參戎

五年十一月初八日

郴城之賊本屬窮蹙實因攻守勢殊地利未得又加之東西南北四面兜圍該逆逃生無路以致背城死拒昨日生

撿之匪據供初五傾城而出南門盡紮草人城中屠騾而食以弟度之賊之利在速戰可知初七日來撲我營見其槍礮不支故我出隊卽遁爲今之計不如嚴守要隘徐觀其變隨機以應之旬日之間定可克復如果除惡未盡遊魂別竄弟與老兄蔭公督軍或邀截或腰擊該賊有貪生之志無必死之心似可易滅若與困獸爭鋒非拚士卒之命不可恐損我勇銳氣難平爲繼如老兄與蔭公確有把握作環攻之舉弟無不如約以協助之昨中丞知弟處單薄以煉勇海勇鳳勇麒麟勇健銳勇合二千一百名歸弟節制弟辭之不獲祇得悚惶受命奈各營口糧已欠盈萬

枵腹從事裁撤無饒以給不裁撤愈欠愈多又何能責以親上死長之義此等情形想老兄亦爲我焦灼也今日之事惟竭力盡心使此賊不蹂躪他方庶幾無媿縱成功稍遲辦一事卽了一事撫憲不加督責卽爲萬幸矣

復馮春舉刺史

五年十一月十一日

連奉前日手書已爲惦念頃聞漢仕等到展函驚悉一切悲憤已極光翁自去夏與弟一見稱爲知己其忠義之誠令人敬服無已同事一年有餘每有所陳無不俯納今貪懦庸鄙者不死而光翁獨死矣嗚呼痛哉然貪懦庸鄙者不死而光翁獨死光翁之死千載如生勝若輩之苟活萬

萬况死者人之所不免如此而死又何必爲光翁悲所可惜者永郡一帶失一保障 國家少一良臣弟等喪一同志耳永明旣陷永郡所屬在在須防弟恨不插翅飛來盡食逆賊之肉以報光翁之仇以救斯民之厄所幸鄰茶桂郡永興耒陽均一律肅清郴匪困踞孤城窮蹙待盡見在四路大兵雲集昨又奉中丞札李守憲所部之鳳字勇海勇煉勇健銳勇共二千一百餘人均歸弟節制皆精壯可用弟昨與之嚴申號令壁壘爲之一新以至銳之士破至窮之賊定可旦夕奏功弟當於日內與家兄統率各營星飛前來與吾兄同仇討賊務將逆種殲盡以抒公憤斷不

敢稍有稽延也

復朱寅菴鎮軍

五年十一月十二日

十一日專差至接誦手書備悉壹是昨初七日接馮春翁書知光兄馳援永明苦守三晝夜初四日城陷遇害肝腸寸斷悲痛日深誓將殲盡醜類方能消此憤恨頃又接甯遠劉公信知臨武趙參府於初五日勦賊賊斃此公忠勇性成亦錚錚佼佼者惜乎隕滅痛悼曷勝永明似此喫緊大局攸關同深焦灼惟念鑫自移師東上兩月二十餘捷幸將永耒肅清克復桂郡見逼郴城圍攻正在萬分喫緊功虧一簣之時揆度事勢斷難舍而之他惟會合急攻迅

圖克復卽飛赴永屬勦辦儻此間一時難以蕝事亦當斟酌緩急分兵前來也所有各屬堵勦情形及賊匪情勢尙望隨時寄知是所至禱

與李春醴觀察

五年十一月十二日

十一月十二日賊來撲營我勇追勦頗有斬獲正恨攻勦久未蕝功忽接鎮軍道州飛緘云粵西餘孽復熾竄陷永明周光翁殉之正切悲憤驚訝之際而手示飛賁敬讀之餘何其天不悔禍於吾楚以至於此鑫深恨不能插翅飛去翦此蠹賊以伸此憤惟飛札鳳勇烁勇令其卽刻拔營馳赴永明進勦速全大局此地雖十分喫緊卻不敢畱爲

自衛故仍屬其前來遵公調遣庶腹心之地可以無虞但兩營口糧欠發已久噴有煩言當此用人之秋務懇作速設法鳳勇營求之再三鑫從無可分潤中貸以百金此真令人焦灼之一大端也至永明曾令先倡百姓而逃光翁所部千一百人若盡以登陴防守事勢或不至此乃入城不滿三百人猶且與賊鏖戰三晝夜力竭以身殉之守土先遁客兵與城存亾在光翁忠勇報國正氣懍然其如永屬無人辦賊奈何鑫與光翁共事一年每敬愛其人正大光明有豪傑氣槩故深以肝膽相許忽聞此變能不感且悲乎頃又風聞臨武趙參府追李石保餘匪至甯遠隙

三十一
三
此人雖非鑫至交然每聞忠勇性成久繫人望中心敬慕將已一年從此武弁中更無同志矣郴賊拚死覓戰相翁處亦甚喫緊蔭公已到不識能分軍去否衡郡西鄉土匪想不甚喫緊行幄旋轅即可了之也若永明一帶惟先堵其不流爲要想已操勝算矣

與劉蔭渠太守

五年十一月十三日

久未寓書此心能無悵然近聞戎旌肅清茶安甚爲欣慰前日得相堂書知前麾已到該處刻下行幄已可相會矣尊體何如念念至何逆負嶠孤城糧食已盡外援已絕官軍四面兜圍賊勢利在速戰弟以爲不可與困獸爭鋒當

守險以徐觀其變若經持久則賊意有貪生之心無必死之志弟與兩兄痛擊自可斷絕根株刻下尙未可輕動也前中丞函以弟勇力單薄札海焮鳳麒健銳各勇共二千一百名歸弟節制正擬訓練分布各處忽連接朱鎮軍馮刺史函稱粵西餘孽復熾竄陷永明我光兄以身殉之令人悲憤不已方欲設法洗之適李春翁觀察書至同此情形竊念光兄殉難永屬辦賊無人弟寢食難安勢莫能救惟遣海勇焮勇麒勇共一千二百名前往永明進剿其得力與否雖不可必亦照理而行盡其力之所能爲而已見健銳勇紮荷坪墟兼顧西路海勇紮汙地塘小路株木山

僅湘勇團勇而已老兄初到此地壁壘爲之一新逆賊聞之心膽應喪必與相翁籌有機宜乞將勝算示知使弟得擴識見可以附驥尾而成名也外附呈春翁手書一覽弟見在萬分焦灼固爲永明之寇加之饑項極窘舉動維艱敵營業已拮据萬狀又不能不分潤於鳳勇等營俾得起程以全大局處此之勢同志者惟相兄與我兄耳何以教之是所翹企

復陳俊臣主政

五年十一月十三日

勇返讀手書前函將兄殉節未敢詳明者恐奪士氣重閣下悲也彼時將兄戰地與弟相去二里許弟聞之奮不願

獨生督勇拌命殺上僅奪骸骨殺賊三百餘矢我老友五
中欲裂熱血一腔清淚數行不足以報知己也誓與逆賊
不共食息於天地之間以報交遊之仇方洩此恨彼時稟
請嚴加參辦以申軍法又請立專祠於郴城以報死友并
請大府卽奏請 從優議卹更將將兄平生經濟忠勇文
章氣節及去年衡勇各屬辦團曾收實效之功下一縷稟
想上游定將此轉達 天聽將弟治罪以慰忠魂於地
下也見茶譚興甯皆已肅清劉蔭翁已到相翁一處紮營
此方之事當可無虞惟粵西餘孽復熾永明已陷周光廷
都督殉之此公與弟平生肝膽至交有名將之風從此永

屬已無人矣此役永明令先倡率百姓而逃我光兄率二
百餘人入城登陴與賊戰三晝夜而城破嗚呼守土先遁
客兵與城存亡有是理乎此弟之所尤痛哭流涕而不獨
爲光兄惜也頃又傳臨武趙參戎追李石保至甯遠險
此公忠勇性成久繫人望果真如此是天之不悔禍也尙
祈速爲示知以慰懸切此刻幸聞羅仙鋪已獲勝仗吾兄
如率所部駐塘昌鋪弟卽嚴飭黃守備輔鼎一營前來以
聽指揮并札紳士輸助糧米此地控扼桂郡一帶可使賊
無西竄之禍想老兄必深以爲然也頃聞又聞逆賊米鹽
鴉煙早盡東南北之百姓無敢爲利接濟賊者惟西鄉有

人以此二物射利賊恃以無恐望乞卽嚴令各團紳挨戶
嚴查如有卽行正法并祈飛信臨武小農司馬嚴禁牛頭
汾之莠民斷此二物弟亦有信去也見聞宜章兵勇皆撤
回縣似此是欲放賊由南路回粵也使暴戾恣睢之徒倖
逃法網真堪痛恨弟與老兄不過盡其力之所能爲而已
人心不齊一致一網打盡之舉不成天實爲之謂之何哉

復李春醴觀察

五年十一月十三日

昨早專呈一緘度邀鈞覽已刻該逆之精悍大股擁至拌
命死鬪幸敝營新老兩營連日申明紀律斬退後數人軍
威尙振自已至酉輪番鏖戰大小三路殺賊四百餘我勇

竟無一敢退者足見古人論兵以嚴字爲第一義不嚴雖
孫吳難爲計然各勇以血肉之體親當槍礮未有不傷亾
者而優卹養傷一項實無所出奈何見嚴催焮鳳兩營本
日起程焮勇行資無出祇得貸以五十金俾使兼程速進
甯遠告急文書踵至該處之匪細查情形尙可易辦况各
勇桑梓之邦勦辦必易得力若永明朱逆實無伎倆較胡
逆相去亦遠惟在粵西糾合莠民甚多以永明最薄之城
光兒以兩百人猶三晝夜而始失守則不甚兇悍可知第
無耐苦戰之官兵勦除則蔓延日寬衡永必震動是深可
慮耳昨晚接讀手書所慮所籌良深欽佩已將原函專足

送呈蔭翁矣

復甯遠劉子英大令

五年十一月十三日

桂郡濱匪擾及春陵殊爲惦念昨接永鎮信知周光翁初
四殉難永明正深痛悼承示趙參府於初五日敵亾二公
忠勇性成爲永桂保障同時隕沒何天之不悔禍於吾楚
也聞竄貴縣之匪僅數百人且民風漸純土匪自少速發
自易了事茲飛飭新統之鳳燎兩營合勇千餘并令李金
賜襄理鳳營藉爲嚮導星馳貴邑援勦事竣又可馳赴永
明勦辦榔城克復弟卽統軍繼進也惟燎鳳兩營口糧截
至十一月初十日止均欠二千有奇雖經咨催省局未知

何時解來當此用人之秋實屬刻難再緩敝營又萬分拮据僅能湊給百金令其迅速啟行點金術乏徒喚奈何該兩營卽日馳抵崇疆務祈公不拘何款速籌接濟該勇等更當踴躍從事矣附呈告示數張并空白一束祈飭繕貼各鄉多多益善除備公牘外縷此不具

復

李相堂參戎五年十一月十四日
劉蔭渠太守

頃聞兩讀手書敬聆一切該逆十一十二本日三次來撲營均經我勇擊敗本日之戰賊勢極兇悍自午至酉幸我勇毫無破綻可乘各匪輪環接戰前者傷亾後者繼進弟嚴飭各勇得收全勝追五六里因天色昏暮未便窮追賊

之精銳約損亾三百餘因賊由黃茅嶺花古衝大路我勇
三路獲勝故也將生擒之匪研訊皆供城中米鹽鴉煙早
絕土匪欲竄耒陽粵匪欲竄桂郡往廣西弟思永州屬見
十分喫緊如果有鋌而走險之事萬望大軍分途追截弟
斷不敢辭雨夜之苦使之蹂躪下游但株木山牛角井荷
坪墟一帶弟堵之甚力該匪斷難飛度萬請放心至桂郡
雖有陳主政防堵塘昌鋪一帶以此兇賊而論該郡未必
能禦萬一由此而逃弟當飛往堵截亦望兩兄前來方能
翦芟淨盡也李春翁來書呈覽永明甯遠一帶情形糜爛
每念及此徒切杞憂此地又恐一簣功虧弟已分去鳳燎

兩營一千二百人促之起程未必卽有濟耳

王壯武公遺集卷九終

湘潭朱士宜校勘

王壯武公遺集卷十目錄

書札三

復李春醴觀察

咸豐五年十一月十五日

復彭曉杭先生

五年十一月二十日

復馮春皋刺史

五年十一月二十一日

與左季高先生

五年十一月二十四日

與馮春皋刺史

五年十二月初五日

與左季高先生

五年十二月初五日

復左季高先生

五年十二月二十二日

復李春醴觀察

五年十二月二十二日

復左季高先生

五年十二月三十日

與儲桓桓

五年十二月 日

與嚴禽南

五年十二月 日

與周小春明經

五年十二月 日

與李春醴觀察

咸豐六年正月初四日

與李春醴觀察

六年正月初九日

復賴古愚大令

六年正月十二日

與

劉隱霞
文麗峰

六年正月十八日

復左季高先生

六年正月二十一日

復李春醴觀察

六年正月二十二日

復朱石翹太守

六年正月二十四日

復張漪珊刺史

六年正月二十四日

復張漪珊刺史

六年二月初五日

復劉蔭渠太守

六年二月初七日

復海南船

六年二月初七日

與郭屯麩

六年二月初九日

復李春醴觀察

六年二月十三日

與吳翔岡

六年二月二十一日

與李春醴觀察

六年二月二十三日

復李春醴觀察

六年三月初一日

復戚少雲大令

六年三月初七日

復李春醴觀察

六年三月初八日

復郭秋湖廣文

六年三月初九日

復陳俊臣主政

六年三月二十日

復左季高先生

六年三月二十日

復郭寶田大令

六年三月二十一日

復李懋齋大令

六年三月二十五日

復張漪珊刺史

六年四月十五日

復馮春臯刺史

六年四月十五日

與左季高先生

六年四月二十一日

復郭屯黉

六年四月二十一日

與左季高先生

六年五月初一日

與楊石泉茂才

六年五月初五日

與李春醴觀察

六年五月初七日

復郭屯黉

六年五月初八日

復李春醴觀察

六年五月初八日

與李雲屏丈

六年五月十一日

與郭屯黉

六年五月十二日

復李春醴觀察

六年五月十四日

與張凱章司馬

六年五月十九日

與文麗峯

六年五月二十三日

復李春醴觀察

六年五月二十三日

與左季高先生

六年五月二十四日

復馮春皋刺史

六年五月二十九日

復劉蔭渠太守

六年六月初一日

與左季高先生

六年六月初二日

與段潤身丈

六年六月初八日

王壯武公遺集卷十

書札三

復李春醴觀察

咸豐五年十一月十五日

本日戌刻差弁至拜讀手諭敬領一切并悉黃太守稟光
翁殉節事寫出此公平日忠悃讀未竟而肝腸寸斷矣
君恩友誼結轆於中若非騎虎之勢而不飛援以雪此憤
者甯得謂有人心耶昨日卽將尊函專遞蔭公并另信囑
其通盤籌畫速全大局儻衡湘震動不獨桑梓之禍據伊
覆云旣到此地探郴州賊勢甚非細事儻一隙可乘必至
功虧一篑似此必須痛勦數次方能斟酌渠在相翁一處

三月二十三日
鑫亦不能強之必行如渠在株木山紮營鑫必抽身前來以聽調遣矣見在軍中以探子爲緊要連奉手書似探子異人而同辭皆稱渠在株木山紮營以毫無影響之事竟敢道聽途說而亂憲聽似應痛懲之俾軍情不致爲若輩所誤也委來鳳燎兩營想已有稟達臺端鳳勇實不甚得力鑫已將十三日渠報勝仗之稟嚴批飭之責以極力進勦不可欺朦尙祈公嚴查督責俾收實效至口糧一節今又連稟大府不辭煩瑣之咎并云省局若不急爲設法迅速多解則士心必變於大局有不堪設想之處諒各憲必鑒苦衷有以諒之矣蒙示及湘勇虛名囑鑫兄勦一營前

往甚爲心願奈勳僅五百人未必能制賊死命儻不如意
不如且保虛名俟郴城克復同鑫一軍星飛進剿彼此仰
仗因虛聲而收實效未可知也鑫慟 國家連失兩良將
回憶光兄平生以肝膽相許無涕可揮不思亟爲報仇豈
止負光兄於地下此情不能自己臨書又不能盡意惟亮
察不宣

復彭曉杭先生

五年十一月二十日

東安之役老師靡饜僅迺克之迺辱手書期許過當益滋
內疚幸九月以後移師東上二十餘捷殺賊萬計廓清未
陽桂郡永興見圍郴城似可不日蕝事正擬專价前來以

紆廬注廼蒙殷殷垂問感何可言鑫周旋鋒鏑差幸身體
如前堪慰記念七月閒中丞命家兄獨將一軍同來禦侮
昨又派焯鳳勇五營歸鑫節制辭之不獲無德而所任益
重先生何以教之此時不愁無兵而愁無饗不愁無饗而
愁無人自與兵事以來無刻不留心當代遺才冀得而師
事之庶幾以寡吾過今雖羅致二十餘人又恨無所位置
僅作坐談之客有志者往往不屑欲以微名酬之而中丞
屢札云謀士之賞不可優於戰士鑫雖有愛賢之心而無
以安其身奈何王肖生少尉曾邀石翁制軍器重鑫亦久
已耳熱其名又重以先生之言欲專一介之使而敬遜之

復思無名無利之場縱容不我責我獨不內媿於心乎惟
有中心藏之尙希婉爲致復後會自有期也趙朱彭李諸
友各樹一幟克復茶陵厥功甚著近因彼此馳逐不遑未
通尺簡殊令人跂念令甥奉旂縛賊之功已稟陳大府矣
羅師克復通崇直規武漢申閒小挫失李石兄旋復奇捷
疊收軍威頗震大湖以北特爲長城足慰遠念矣

復道州馮春臬刺史

五年十一月二十一日

差至遞到十六日手書知初八日奉復一函已登籤記懇
備承甯兩處并布置一切矣踞榔之賊爲數實尙萬餘因
四面兜圍因獸負隅每戰必拚死苦鬪弟與各營及各團

聲勢最爲聯絡屢獲勝仗見又於各要隘多設卡嚴查斷賊鹽米鴉片等項日內再爲痛勦數番則聚殲可必矣最可喜者桂楊團練弟前見其極耐苦戰曾爲聲敘而此團之團練雖稍遜於桂陽然亦有竟日鏖戰者使永明百姓稍有天良能及其十一則我光翁何至殉節乎望兄傳諭各團紳大家激勵憤勉并媿死虛靡饜項無用之兵勇也此聞於十三日已札鳳字營赫勇營各五百人前赴甯遠永明鄭辦其得力與否雖未可知然該勇皆籍隸永郡故調之惟口糧虧欠已久勢難枵腹從事已備文至尊處及新田甯遠請隨時接濟矣弟日內將此股殲盡卽當星飛

前來也

與左季高先生

五年十一月二十四日

龔以不學庸才謬荷格外垂青而循循善誘隨事規誨雖
賢父兄何以過焉龔每與至親道及輒爲感泣人但知先
生爲我鮑叔而不知實爲我申叔夫子也邇來雖時佩訓
言思勉強而力行之奈識量淺隘精力薄弱心性之地毫
無長進應事益多乖謬中夜自思倍慄冰淵常懼隕越爲
先生羞然猶幸名微任輕責備稍寬力量或可勉副故去
歲栗木戰後具稟懇免開復出自至誠并非矯情也乃區
區衷曲未蒙見察於中丞大書可棄微勞必錄不次超擢

遂至今職實大非鄙心所願適以增其慚懼而重其罪疚耳且龔更有感矣今日半壁之天下恃一湖南撐持之然其勢已岌岌也龔雖不才猶願隨諸君子後竭力維之使此後稍有建白中丞公再從而優敘之萬一膺 皇上特達之知或簡放何缺或調赴大營此身出湖南一步即不能回顧桑梓矣龔至今日豈猶不知此身非已有哉特以庸劣性成吏治非其所宜又安得推心置腹之大吏如中丞公者為之效命也祈先生乘閒為中丞公言之有以恕諒而兩全之實為萬幸

與道州馮春舉刺史

五年十二月初五日

昨日差至接奉初一日手諭敬悉壹是弟自二十六日克復郴城比卽派海勇紮羊舞坪防賊北竄派黃守備往桂郡防賊西竄而自與家兄率湘勇於本夜四鼓拔營跟追沿途窮斬至昨日黃沙堡之戰約斃一萬四五千沿途山林田間枕尸相藉流血成渠二百餘里無閒然殺自團練之手者實居大半甚哉郴桂之民大可用也見在餘賊數千無械無食鼠竄連州地界而何祿陳金剛王大才李芝善諸首逆尙多未就戮者深慮日久蓄養銳氣終爲我楚邊患擬乘勢越境痛剿之以期一鼓殲旃永絕禍根未知果克如願否也如其不能則當請劉李二公速來防邊弟

與我友師於近日飛赴江華蕩妖氛以洩積憤斷不敢久
延也鳳燎兩營全不中用弟因其謊報軍情已嚴加批飭
旋因其逗遛不進又嚴札催之矣嗚呼 國帑艱窘已極
悉敝賦以養兵勇而不能效指臂之用興言至此可爲痛
哭江華事糜爛已極黔省又復擾及我疆名流日喪禍亂
方殷奈何

與左季高先生

五年十二月初五日

前月二十四日差勇奉送一函此時計登臺覽昨日追賊
過兩廣圩一更盡折回黃沙堡紮營適奉二十二日賜書
并讀致蔭翁書悲憤感嘆何可言狀人才之難古今同慨

而近日此事尤令有心人念之腸斷羹寢食行坐未嘗一刻忘懷自去冬今春屢承垂詢亟思有以報命而終未敢冒昧以陳今奉手諭又復拳拳致意敢敬爲先生告之儻營近得二佳士其一爲劉隱霞名本傑年三十有三湘潭人也才識練達聞見亦博參謀軍務常有裨益其一爲郭屯黉名嘉勳年二十七澧州人也學識通敏義俠過人稍加諳練當爲全才此二子者金欲私之又聞有吳君翔岡者年三十一歲自幼恥爲帖括之學窮究兵法十年爲人剛明耐苦不屑屑傍人門戶故名不出閭巷甘自韜晦金尙求之未得見居省城先生如破格求賢可就訪之以一

觀其人也。金邇來又訪奇才數人，遠者數千里，近者千餘里，已遣人聘之。如有所詣，當以奉告。金思我楚事勢艱難，而專受鄰省之累，至今日極矣。而要非遂無可爲之時，特慮頭痛醫頭，足痛醫足，不統籌全局，出掀天揭地手段，作旋乾轉坤事業，恐終不能有濟。金晝夜思維，少有所見，而未敢遽形諸楮墨，擬待兩粵邊患稍息，終當來省與先生一罄陳之也。江右糜爛，難以救藥，每念滌公孤掌難鳴，甚爲痛心想。吾羅師必有以救之，然而苦矣。書不什一，而神思已昏，餘容續稟。

復左季高先生

五年十二月二十二日

昨日差弁回營奉到初五覆函敬悉壹是苗疆戒嚴若此而江西之禍方殷眞令當事者應接不暇念我滌公尤難釋然也六千君子之師果能辦成否招勇非難難於籌餉尤難於帶勇之才六千之眾統領分任均難其選如其乏才毋甯少之之爲愈也尊書論人心之壞推本於學術誠爲至論至教以畱意於喜怒未發時尤當佩服終身不忘也但求繼此以往不時惠錫箴言不終於墮落實爲厚幸黃沙堡道州兩書已達臺覽且奉覆矣鑫所求之士尙未有消息吳君已得見否念之

復李春醴觀察

五年十二月二十八日

接奉初六日手教旋卽裁覆日內想可塵覽矣昨差弁回營又奉十八日賜書詳盡懇切讀之感甚蔭翁十八日抵道州旋奉中丞札調往醴陵防堵矣江西事勢糜爛已極我省北路之防稍緩而東路殊急然尙賴我楚數君子辦之或可支持黔省四郡失守擾及我疆鎮筸雖幸解圍而晃州麻陽繼陷苗疆震動收拾更難此患數年前鑫深慮之不意其遽發也猶幸蜀難未作差不棘手耳道州勇只好隨同打仗尙難驅策周參戎之勇鑫到時尙存七百餘昨已扎飭裁汰四百以節靡費海勇非不可制惟胡林二君甚荒唐故決意裁之黃輔鼎屢戰奮勇其麾下亦多勁

卒赫鳳營邇已漸知畏媿較勝往日矣然此閒事竣兩營
卽當裁酌其一來示云黃備一營可不裁撤衡郡一帶須
畱勁勇自是至論至分局之設頗覺無謂徒多一分靡費
撤之未爲不可也鄧朱兩逆之事鑫彼時處置與公意正
同共事之難大都如是可勝慨哉能盡一分心處必盡一
分心鑫服膺斯言惟望公於事變紛紜之會加以靜鎮勞
勩叢脞之餘力爲節養此則區區愚忱所日夜禱祝者也

復左季高先生

五年十二月三十日

前函未發又接到十三夜賜覆一函知黃沙堡書已入青
盼李相翁去歲餘威粵楚交界之人尙能不忘故託之或

者尙能相機辦理惟宜章爲我楚門戶而三堡尤成倚角之勢苟得賢父母以用其好義思治之民雖百年無患可也此閒之匪不過萬餘然皆死黨見又自知其已處死境故難猝滅惟勉力圖之葢事當在花朝前後也此時賊勢不專在鄂而全注江西吾楚唇齒相依非越境援之亦將終受其累近聞頗有好消息其信然與劉蔭翁昨有信來云患暈病殊爲憂之晃州麻陽竟爾失陷沅屢捷尙有得力兵勇否嚴氏苗防要覽日內祈爲代覓一部永明東安保案前乞飭錄奏稟迅賜行知俾士卒一年血戰得所慰勉而勵後效幸無忽也

與儲桓桓

五年十二月

日

鑫嘗謂古今恨事莫大於天既生豪傑於斯世而又欲困
戾之使一腸熱血灑於江湖寂寞之濱此千百世後猶聞
風而痛惜况生同時居同國又得聞有識者之稱述其不
亟求一見而師事之者尙得謂之有人心哉鑫生平無片
善足錄惟好賢愚誠差不肯讓人頃聞屯蕤世兄覲述大
賢梗槩卽恨不插翅飛來君前以訴衷曲敢命小勇前來
迎延大駕萬懇速速邀合同志辱臨敝營揮橫磨劍斬盡
草芥賊亦大丈夫生平得意事也鑫雖怯懦願執鞭弭以
從曷勝神馳之至

與嚴禽南

五年十二月

日

龔湘南腐儒自揣才力疏鈍不堪世用甘老林泉以掩拙者素矣謬蒙當道任以軍旅之事馳驅數載毫無補救夙夜冰兢恆懼隕越爲當世賢豪羞邇來責任綦重肩荷更難每懷古人父師友事之言爲之三歎此將伯之呼所爲寤寐矢之也幸天賜奇緣屯蕤世兄由宜章學署來郴州行營過訪酒酣縱談天下事龔卽以當代遺才殷殷致問屯蕤憐其愚悃特爲舉閣下及小春桓桓諸先生以應龔敬聆之餘欽慕莫可名狀卽命小勇前來奉迓臺從如蒙不棄愚頑以爲可教而辱教之懇迅速命駕枉臨以慰飢

渴則三生有幸矣握管無任翹企禱祝之至

與周小春明經

五年十二月

日

古今來或曠世而相感或萬里而神交不必其性情行事之盡合也於最不患其雷同之處偶有一二語之脗合卽傾心慕之矣屯蕤來營爲道閣下襟期行事最詳敬聽之餘旣欲鑄金以事而有所未悉恨不卽至君前相與往復辨論而述及談將兵一節於忠勤苦三字之外更舉愚字何其不謀而合若是也金與人論兵事嘗力辨將欲智兵欲愚之語而去歲與友人書有云愚不可及夫子特借甯武子以自况耳斯意誰領之也自古經天緯地之業非愚

不成聖賢豪傑忠臣孝子自世俗視之皆至愚者也於戲今日之天下亦智巧之天下也誰是甘爲愚而不悔者金聞閣下之言當益加勉矣金見以戎務羈身有雙飛之翼不能到君前萬望不棄頑鈍辱臨賜教縱閣下絕口不言時事祇求望見顏色共淨大白以慰渴望明知不足與有爲之人不能畱高賢之駕尙祈俯如所請當亦鑒此區區愚衷也

與李春醴觀察

咸豐六年正月初四日

常軍功等於臘月解軍火等項來道州寄局槩行交收清楚昨日來行營相見并奉到手諭知前稟復之件尙未邀

臺覽常軍功兄弟鋪法刀法均極精熟絕無花草甚爲可
取而其老成穩實尤令人念之不置茲永勇中有百長杜
義品者亦極奮勇馬上殺賊縱橫馳突無不如意隨周梧
岡協將鳳山一年有餘屢立奇功僅得係藍翎外委殊令
人不平見在所統各營自前日已撤海勇一營左勇四百
外擬再爲裁汰而未可以遽也今日札催健銳勇一百名
歸黃輔鼎一人管帶林從九令回衡另候調遣鳳勇札裁
二百名赫勇亦擬裁二百名所接甯遠銀饜一千新田五
百尙無著落祇得暫緩蔣榮華都司所帶之二百亦擬札
回永郡裁撤矣此閒賊數雖倍徒於勇以饜項支絀之故

勢不能不爲酌減且多而不精亦祇爲累也麒麟二百擬
日內稟中丞歸尊處調用此閒事竣自當別爲衡郡精選
一軍屯田之法卽就各處叛產行之甚好然亦必得地方
官之賢者辦之方不致擾民也焯勇一層觀中丞所批亦
已喻公之隱衷矣

與李春醴觀察

六年正月初九日

初四日寄復一函後又連奉到手教知去臘所寄三稟尙
均未邀青盼公忠愛之忱憂時之深慮事之周爲當今所
僅見鑫每讀手書輒歔歔泣下不能自己蓋蘊於中者旣
磅礴鬱積而毫無不實發於口筆之書者自詳盡懇切而

令人慨然感仁人之言也然區區下忱所日夜禱祝者總願公愛惜此身毋過勞以自損實爲厚幸海勇一節承公如此處置妙甚昨日又裁煉勇二百并撤張從九令蕭外委獨帶以蕭尙能打仗也此閒之匪自二十七戰後始知湘勇已到遂相議逃竄回粵盡除去臘派把總周文豹帶勇三百二十名駐松柏地方斷截外前夜又派左光藻率勇四百助之昨晚探報賊已分大股至松柏左弁未到周弁已敗退該匪見駐松柏盡於五鼓一面加派勇往松柏痛剿一面派隊攻城成功雖在近日然自此漏網者必不少矣可恨可惜然從此役後果極力辦團永郡所屬庶可

息肩乎衡郡情形尊書所論與鄙見正同月底來衡時當與公徹底籌商以期妥善衡清歐陽赤城蕭可卿鄧湘溪諸賢已延訪而禮敬之否此可與共謀者也敝營去冬得一佳士姓郭字屯蕤澧州人學博才敏忠勇性成又多識當世賢豪昨允爲銓悉羅而致之二三月閒當有好音奉聞也

復東安賴古愚大令

六年正月十二日

十一日酉正接奉手書反覆莊誦一段忠愛之誠剛正之氣洋溢行閒此所謂鬼神欽之者也特恨銓不幸不生長應陽作豈弟君子之赤子也銓自少至今所見賢令尹不

乏矣然如公之至誠懇切者實罕金與二三同志道及未嘗不爲歛歔感泣也趙秉璋何物狂徒膽敢於青天白日之下弄其魑魅魍魎之巧深堪痛恨旣嚴詞責之又通稟各大憲必能痛懲之矣葉周蔣席諸君子金前在東安皆得晤教銘佩未嘗忘懷樊公恐在蔭翁處偶遇不甚記憶羅唐蔡周李氏父子六君則未及識面當謹誌之以公之盛德而又得諸賢相助爲理區區一趙秉璋亦無能爲也天生此輩正欲以試大君子之力量而顯其作用成其大名耳惟望公與諸君子勉之善圖厥終焉於戲賢人在野則時局日艱金所爲日夜痛哭流涕者惟此爲大何地無

才安得爲民父母者皆如公之實心甄別爲 國家儲有
用之材使我好賢愚忱得以稍慰耶言至此不禁潸然淚
落矣江永之匪自去臘二十七日大敗後始知鑫已抵此
聞遂議棄城逃竄新正以來又屢敗之粵賊皆深怨朱洪
英蕭元發二逆日矣初八日自粵來之餘匪皆竄回已分
兵追擊之初九夜被我軍環攻潰竄甯遠鑫親督勇冒風
雨忍飢寒星夜逐之想在日內朱蕭二逆之首可以致諸
鼓下餘黨亦可一鼓盡殲自此永屬能極力籌辦善後一
切吾父老子弟庶可安枕乎

與劉隱霞
文麗峰

六年正月十八日

昨黎明著王端二由連屬之沸水洞送信一函此時想可到矣昨午弟由沸水洞追賊至東陂觀分軍督團勇勦辦由甯藍地界竄來雙江口東陂出藍山要地也雲霧洞一股均獲全勝并殲朱洪英一股殆盡惟朱逆隻身逃匿耳弟兩日內分別研訊賊供梟二百餘名釋裹脅數十名又據連州張漪珊司馬復稱去冬我軍勦敗郴桂匪徒餘匪由潭源洞一帶糾集萬餘竄至陽山之嶺背塘被我團勇四面圍困已於初七八九十等日四獲大捷弟辦團練之效如此此行雖極苦頗足愧天下之以鄰爲壑者其爲益頗大不僅除湘南禍根爲周光翁報仇也弟與伯兄等熟商將陽山

一股殄盡我省榔桂之防即可全撤

廣東此時一律肅清到處夜不閉戶亦差

強人意也

便節每月數萬之饒而此閒抵陽山僅百里許擬率

全隊往平之相機審勢由粵東而粵西再肅清永郡所屬邊境則東南半壁可以長治久安時哉勿可失想兩兄必以爲然也惟東陂觀勇少不敷調遣卽懇兩兄與竹莊及家鈴叔督率勇夫盡數星飛前來勿稍遷延是幸

復左季高先生

六年正月二十一日

初二日接奉去臘十九賜覆一函開示明暢剴切讀之疑難頓釋而末數行尤令人百讀不厭陶詩二語祈大家贈我庶較鑫書紳而尤切也營中近事稟牘頗詳日內回永

屬汰怯弱之勇以節饒精選勁卒訓練以待變極力整頓團練謗息所不敢恤惟思非來省徹底籌商一番亦終不能濟也花朝前後想可面晤教言耳海公子前往招之擬親試以事且欲與講求精製火器以備攻堅城制勁敵之用聞尙在省懇卽催促來行營是幸朱石翁已來甚好此公有用君子而能好賢惜微欠藻鑑耳

復李春醴觀察

六年正月二十二日

旬餘未奉手教心中遂皇皇然銜於初十日由江華拔營追勦朱蕭二逆來東陂觀又四日矣其中一切情事錄稟呈覽擬於日內返楚力整團練以待變撥勇一節自當遵

命鑫嘗思天下事壞於玩怠者固多壞於張皇者實亦不少鎮靜二字實任重致遠酬酢萬變之本鄙意如此高明以爲何如焯鳳左丞各勇已全數裁撤矣

復朱石翹太守

六年正月二十四日

去勇回營接奉還雲備悉種種且歎且恨珂鄉糜爛已甚然有能者展其所長收拾亦易彼周非其人也蒲疆目前消息雖好鑫正慮之有心人甚毋忽諸天未厭亂之故尊言是矣合之翔岡之論尤完翔岡數與隱霞書鑫必三復不已隱霞高不過顏般若翔岡者吾欲師之曩者力薦於當道似未深信賢豪不幸經碌碌者之一譽而反覺其輕

翔岡其不我尤耶然天既生翔岡必有以
不見知遽爲翔岡悲頃聞先生欲翔岡往
未知翔岡且不愛某公也翔岡不從翔岡
生之愛翔岡而翔岡之愛某公亦甚於牛
過矣辦團之舉鑫久籌之與尊見略同歟
也惜憩翁病未卽痊恐將獨勞清神耳鑫
此久擬來省籌畫一切而忽得先生此書
匪遙傾談爲快祈先以此紙與翔岡一閱
復連州張漪珊刺史 六年正月二十
昨晚奉還雲用心周至大君子除暴救民

三月五日
斑矣日來銓與此地正紳密籌欲佐公除百年之患興永
遠之利苟利國與民死生以之考成非所計也望指示
一切爲禱

復連州張漪珊刺史

六年二月初五日

銓昨自西岸收隊回東陂觀奉前日手教所以慰藉之者
過厚媿勿敢當亦正不敢不勉以赴期望也惟是粵西大
股尙踞富川日視楚疆眈眈不已永明江華各處告警之
書無日不至恐其乘虛竄入則收拾非易弟本擬明日班
師馳赴永屬防勦此閒積匪已辦十之七八所謂除患必
期諸百年興利欲垂之永遠者弟所未竟之鄙願非閣下

與霽兄之賴而誰賴也萬望作速命駕與霽兄同來此間
面商一切幸勿刻延不勝企禱卽閣下不能來亦懇促霽
兄一行以便諄託壹是也名賢在望不獲久與共事而芝
顏之得瞻與否尙在惘恍之間緣慳若此深自恨矣然永
郡邊境稍有頭緒終思再來貴境與閣下及霽兄作十日
談也臨書倉卒不盡欲言

復劉蔭渠太守

六年二月初七日

千里外得故人一紙書如獲拱壁慰何如也惟永郡途次
手教并未奉到想付石頭驛矣去臘以來聞貴體欠適刻
深繫念今觀來示字跡精神緊聚想已喜占勿藥尙祈加

意珍攝爲幸援江之舉此必不可緩者也尊兄老於戎行
又熟悉彼地情形中丞之委實得其人鑫邇來思古人用
兵之要尤以賞罰嚴明爲最竊勉行之而已少獲嚴之效
惜終不足於明耳謹因下問而陳望惠教焉鑫去臘望後
收復永明諸賊併入江華連日鏖戰力攻前月初十日始
得克之遂窮追敗匪慙道甯藍嘉臨新及桂陽州境以至
粵東連屬之東陂觀旬日之間忍飢寒冒風雨窮幽極險
痛擊力剿近萬之賊殲殪殆盡惟朱洪英子身竄逸見懸
重賞購之未獲兩旬以來因此地正紳之請力辦稔惡巨
匪及年來爲害我楚者已斬決數百根株悉拔初四日又

與大東山竄來之匪大戰於西岸地方幸獲全勝殺斃千餘漏網者無幾日內返楚尙須到省稟商壹是也

復海南船

六年二月初七日

差至接奉手書并尊大人賜函知吾兄見奉中丞公札回宜辦理團防慰甚鑫前此之急欲兄來者亦無非慕兄偉才欲相與有成耳今中丞公既知兄而用之矣返之鰥生爲國求賢之心何所不憊况時方多故奇男子勉力功名得做且做豈患後會之無期耶惟努力自愛爲幸

與郭屯蕤

六年二月初九日

初四別初五復寄書想得達也初八凱章至言屯蕤初六

由道州啟行元宵前可抵舍閒是不待月盡屯蕤且得樂其樂矣吾安得不恨屯蕤之獨樂其樂也然而屯蕤方且恨小春之愚恨子琪之疏恨禽南之僻恨桓桓鐵笛大漢之遠舉我之所痛哭者屯蕤且先哭之矣屯蕤恨其所恨卽以恨吾之恨吾恨吾之恨且欲恨屯蕤之恨而屯蕤且不得樂其樂矣而余又何暇恨屯蕤之獨樂其樂也雖然養拙子癡矣屯蕤亦癡矣天下者非養拙子之天下亦非屯蕤之天下也我兩人恨我兩人哭而他人且樂其樂矣我兩人何愚至此耶夫以小春之所見己能知爲愚而且不欲安於愚終於愚其他何問焉何物兩人乃甘爲愚而

不悔耶况我兩人者果忍爲樂此樂也何莫非養拙子之樂何莫非高陽酒徒之樂何物兩人乃舍其樂而相與恨相與哭不已也吾於是祇恨吾之爲湘鄉人且恨屯蕤之爲澧州人而已他何恨焉昔者永州之黎生來此矣憐余之癡而語之曰岳州有武士三人君知之乎其一爲李廷楨義俠士也與彭雲輝聯姻彭亦有膂力二子皆居州之南城而西鄉有陸天章者年十七貌陋而具過人之技惜無知而用之者君盍求焉又江西太平縣有黃玉川者亦聞之乎曾於去秋晤諸洞庭問其行蹤不答今不知其所之矣子曰嗟乎悲哉黎生益我癡矣我不忍獨癡而告屯

黠是又益屯黠癡矣然既告屯黠又不暇顧屯黠之癡而必欲屯黠之成吾癡也且安知今世之不祥者終止我兩人也日記屬黎生鈔寄余寄朱石翁書翔岡寄隱霞書亦與屯黠一閱翔岡所學之正出處之審於此已見一斑吾不忍獨師之故以告屯黠幸無忽諸嗚呼使小春諸子不忍獨樂其樂且不忍自失其愚吾亦願與之共執弟子之禮矣吾何哭焉屯黠何恨焉

復李春醴觀察

六年二月十三日

伴來奉到朔日手書敬聞命矣江右雖糜爛甚然實文武醉生夢死所致非賊之難平也時方多故需賢共濟萬望

極力節養毋過勞以自損南方溼熱難受用薏苡仁煮粥服之大妙許氏二女賊前訊賊供均以爲死矣乃一獲於甯遠一獲於嘉禾均明正典刑矣所恨者朱逆尙稽誅戮耳龔等本擬卽日回楚因連屬積匪根深蒂固非痛懲之邊患不弭彌月以來窮治爲楚粵害者以干計初三日及昨十二日大戰粵賊於連州之西岸西江斬馘均在二千內外自此粵東之賊或不敢正視我疆龔在此閒辦事幸有同心如連州牧張漪珊刺史三江協勒怡田副將朱岡司張霽堂參軍皆實心實力之君子而紳耆亦得可倚仗者故不棘手何莫非斯民之幸也

與吳翔岡

六年二月二十一日

月餘以來憂心如焚頃讀手書又同時接屯蕤書狂喜無
既惟思翔岡去歲書云與我曾一面苦思之實記憶不出
深自恨兩眼盡肉以此推之則銓平日所交臂而失者已
不少矣渴慕之極幾欲請畫師前來繪翔岡之貌日懸座
右以自慰而又恐延壽之我欺也茲觀來教快何如之所
恨前書誤阻行期故飛書促駕幸速發也花朝之時忽焉
已過而此閒事未竣來省日期竟難料著銓嘗謂吾輩涉
世不可無定見亦斷不可有成見况軍旅之事乎左朱二
公書亦同時接閱實不暇作答茲鈔與屯蕤往還書寄去

翔岡覽畢卽送二公一覽也心緒萬端面吐乃快惟卽臨
爲幸猝亂作書毋任企禱

與李春醴觀察

六年二月二十三日

十三日奉到手教比卽作復告以近事日閒想得達矣茲
又承賜書具徵知己關懷有加無已惟尊恙尙未卽痊實
深隱憂去歲見閣下用心太苦用力過勞私心常慮之屢
書勸閣下稍自節養若遂告病事勢固不能問心亦不忍
或稍假月日養息則可乎金兄弟亦因連年積勞見雖勉
強支撐恐一發則難以醫治擬此閒事竣到省稟商一切
卽當將所部勇覓人代帶假歸暫養數月也惟尊處事暫

代者實難其人奈何十三以後籌剿嶺背塘之匪因東陂
一帶團勇多可造就故招徠千餘協剿使其學習成一隊
勁旅庶受福不僅粵東連屬奈昨拔營前來賊之大股又
分竄英德乳源地面矣爲之悵然見在籌商肅清大東山
莽山一帶永除楚粵邊患想仲春月杪總可前來聆教也
煉勇花銀一事鑫已調停之此中道理非更僕可終張翔
荒唐已極已擬稟請嚴行參辦李金陽罪有難追非一言
能盡係張翔成之者亦居其半暫不必絮陳也西粵之事
久不可問昨接黃蕭二弁稟平樂兵勇進剿富川之賊初
交已敗退有文來約會剿鑫已屬其無輕進矣此匪或暫

不能爲我楚害也至賞功諸事果行之有益於國民者亦何恤人言也哉

復李春醴觀察

六年三月初一日

頃讀賜函知江西之永興永甯又復失陷鄱縣告警悶極惟湘勇之尙在廣東健煉勇之防堵富川上憲固知之矣則必籌兵往防此可揣而知者也湘健勇暫固決不可調卽永勇亦暫決不必招何也見在湘健等營不給饟者又將兩月矣多害有業之民使作餓殍亦何爲哉况由省撥兵從醴茶而進甚捷永郡則相去較遠使爲地方官者果以風聞逃避爲得計則遠水亦難救近火如眞官定一固

守主意固未有不可守之城也所嚴札飭令固守將一紙書賢於十萬師矣恃愛輒肆狂言諒勿見責也此閒之賊數尙近萬見駐青蓮大灣一帶青蓮係陽山屬離禾公塘四十餘里探聞他處已無賊鑫自二十五日率勇來禾公塘見啟行先勦青蓮繼勦大灣不日當可凱旋其餘情事前二函已具言之瀕行倚馬草此不盡欲言

復戚少雲大令

六年三月初七日

差至接奉琅函猥承藻飾媿勿敢當輿甯焦氏以犯上作亂世其家衣鉢相傳弱女子亦習以爲常令人背裂燭其奸而支解之中丞此舉大快人意惟思此等逆種必得盡

絕其根株庶足以昭炯戒而絕後患質之高明以爲何如
相堂鑫故友也武夫未識大體近更甘以身爲逋逃主久
欲陳之而不果鑫之罪也家嚴慈竟蒙 朝廷厚恩實

出望外此後之報稱愈難矣團練釐金二事得大才辦之
甚善顏及翁亦實心實力之君子接篆時尙祈詳告之爲
禱鑫曩者有寄郴州賢士數書未知達否請便詢之保舉
如何開列有人來做營懇詳示以慰鄙懷有知其號行者
亦乞賜知爲幸郴郡多才而秋垣昆仲亭亭三玉樹鑫尤
愛慕之祈促其同來做營一晤爲快鑫來粵境五旬餘矣
按勦連州犯楚巨匪以千計二月初三敗賊千餘於連屬

之西岸盡殲之十二又大敗賊於陽山屬之西江外塘等處由是而黃全而嶺背塘而禾公塘是月朔痛劓於青蓮地方追逐數十里餘匪遠竄英德屬之大灣雖屢經懲創魂飛魄落然數尙盈萬逆目亦多就戮擬窮追盡殲之而士卒疲癘大作死亾相繼怏怏而返幸粵省調來勁兵數千計日可到或不難於收拾也鑫日內返楚取道藍甯道禾至省稟商壹是卽當請假數月稍遂烏私此閒文生皆可與共事民心亦亂極思治本擬乘此機會爲一勞永逸之計清楚粵前後數百年邊患而傷心一篲之虧眞事之難以逆料者也

復李春醴觀察

六年三月初八日

讀來函知十三日一書已接到矣桂東之勇自上年鑫在縣訓練一月後實多可用者惟將才絕少劉教諭亦祇可坐鎮雅俗其韜鈴則不敢知或近日有進境耳鄱縣實尙可無慮蓋殘破之區賊亦不甚垂涎況至我楚猶有與之打仗者非萬不得已縱各有司善招賊賊亦不肖來也此聞之賊收拾尙未可期以功在垂成而忽爲天所阻恐斯民之殺劫未盡也已移桂宜臨各州縣加勦嚴防矣臨武盧明府長城可恃且屢著戰功不善逢迎爲此召嫉昨聞有卸事之言深爲詫異初五日已準紳民之稟籲中丞矣

同日又稟請參辦江華青絲井汛把總李肇元以其膽大包蔽極惡之逆賊此風斷不可開恐爲粵西黃金亮各逆弁之續也明知爲越職言事然以其關係全局遂亦不忍默然知心者當諒之富川久被賊踞江永刻宜防範惟此股實係畏我楚兵威而去諸匪目前在江華城中與朱洪英大鬧稱我等甘回廣西作強盜斷不敢在湖南打江山云云生擒賊人人能述之特永明賊雖已去終是可慮江華有郭代令在亦斯民之幸郭令誠樸廉勤於東安賴大令能刻意學之吾知其必有濟矣况江民之未喪天良者亦較多於永明也愚兄弟係舉一事萬懇停止此中有無

窮曲折非面述不能詳其餘諸公勞績則斷不忍孤負日
內來衡當細商之火箭暫畱尊處候陸續著人領取來差
欲速行畱之作此并囑其將前信及鑫此信迂道東陂與
家兄一閱也

復郭秋胡廣文

六年三月初九日

春初賜復一函已拜讀矣南船英氣勃勃前此之力薦於
當道實愛其才也今能實心辦事又能規我當不負鑫所
舉別有書復之矣至所論之人謹當遵命拒之然鑫竊謂
此輩當面爲申斥人非虛杞世無德宗似不必作此委曲
以害直道也質之夫子更當有以見教矣

復陳俊臣主政 六年三月二十日

鑫老師粵境閱兩月矣志事未竟而瘴癘爲災病魔祟我
勇且及賤軀怏怏而反與連陽士民共望嶺雲而慘懷擬
專足致書慵懶未作而尊函忽到益增我媿鑫此行雖不
如始願然頗有稱意處蓋孟獲雖未擒而將來且可借南
人之力不僅卜其不復反也鑫前年在桂東時地之難較
甚於今而作之稱意且尙不及焉然已有成效矣况今日
乎鑫連日奉中丞札及省信數次欲鑫駐勇衡郡而輕騎
赴省面商添勇往援江西爲一鼓盪平之計鑫非不願但
病軀不勝重任且決入山之計已久擬日內裁汰各勇交

付良友卽歸家養病且力耕奉親也惟望老兄與諸傑士
勉力圖之爲幸梅令已爲赴省之行乎前日李道果被其
牽掣而抑鬱成疾具如此手段智計使分用此一二分以
練團守城殺賊桂郡窮黎豈不更早受其福乎嗚呼小民
可罔天豈容欺長官可悔心亦何忍老兄與共事久祈代
告之

復左季高先生

六年三月二十日

伴來遞到十一日手札詳語一切惟前日發稟後淚未乾
復招亾勇之魂祭之昨在途閒見副左哨兩百長昇一病
勇心又痛甚連日爲病魔與此等事所糾纏而忽接鈞函

方不知何以爲答也然正不得不略陳之江西城宜援矣而行兵無饒卽使得手果能迅奏膚公平饒盡兵潰而事方殷則固不如少之於早也鄂省南康兩大軍外劉蕭諸君奏去者又五六千何尙欲議加勇也尊論三路之分是矣今以六千君子之師制其一路數月尙少奇捷且尙懼其扼我懼其老賊則彼兩路又需兵勇萬餘當此之際鑫誠不知所謂矣所示取人之法謹當銘佩然樸廉強三字恍惚似之者頗多毅則未易言矣善議論多智計者固不可爲所惑竊以爲當更審之若徒言其槩而不辨之精又或以察之不明將見善議論能剖晰事理者槩行遊棄而

讒諛雌黃之口或反見異賞矣眞智大計漠然不省而專
用其聰明於取巧逢迎之途或反得厚售矣自古已然痛
哭之事斯爲大端况又以明智自矜聞言而不克己已知
而又文過天下之所以日趨於壞而不可救藥者此也今
先生以知人善用爲要圖豈直吾鄉受福已哉雖舉天下
鼎沸糜爛不難立致治平况攬此全勢而何賊之不滅何
財之不足者不然杞人之憂不在隣氛而在內禍且恐其
一發而莫制者有甚於已形之患也鑫自有知識以來用
盡心血毫無補救不特志事一無所成卽有陳說亦未有
俯納芻蕘者自怨自艾積憤成疾今且欲畱此殘病之軀

力耕以養親絕人而逃世而猶聒聒不休向知己而告之者以先生固世道人心所深繫者也望與諸賢豪勉力圖之爲幸鑫近日裁撤各勇將取簡畱者交付畢至衡郡與李春翁一執手痛哭卽歸家覓醫尋藥以養病上巳之約終當踐之但須精神稍王方能來耳所示澧州之事鑫不得其詳然釀之者非一朝往者津市之案已露其端然果愚民之罪與此事再不善處卽內禍之一端也屯蕤前在營欲鑫往常澧一行曾許之而今不能奈何

復江華郭寶田大令

六年三月二十一日

途中連接兩函悉賊已據麥嶺及巖口塘鑫卽日將抵道

州已略爲布置矣前日託友人黎警齋作書復閣下龔雖
愛其文猶以爲未盡善閣下乃珍之如此可謂能受善言
矣當殘破不堪之地而所爲有一種生氣龔前不知閣下
自此乃知閣下矣開保舉單時曾與文麗峯道及閣下恐
未必可作知縣今而知知縣不足以盡閣下之才也孟子
之論大禹也不過曰溺由己溺飢由己飢其論堯舜禹皋
稷契也不過曰聖人之憂民如此世之論者輒以爲聖人
何可幾及眾口一詞我亦云然今而知不然君子之所以
異於人者以其存心也觀閣下所陳不特救凋敝禦外侮
清匪甚嚴杜弊務盡而當萬分忙迫之時竟能勸民墾荒

力穡此鑫生平所日望於地方官而不獲一見者今竟於閣下遇之閣下誠能知己亂之源致治之本而實心實力以行之者矣况既能富之者必復教之雖三代古人之治可復見於今日鑫雖自此漁樵湘濱猶將翹首企足而觀王道之行閣下勉乎哉余日望之矣

復宜章李懋齋大令

六年三月二十五日

日前鑫爲宜章數十萬生靈久困水火望君如歲者幾月矣中甸接相堂老兄信知已抵宜視事慰極比欲作書未遑惟託湘翁代致鄙忱抱歉之至昨秋湖先生書來極頌大德而華翰先施感佩無旣海公子英氣逼人純是一腔

熱血望厚視而多商之賤軀前染瘴癘方就痊忽慘聞羅
羅山先生之訃 國家頓失一長城矣又龔師門也悲痛
之極故言不能盡意

復張漪珊刺史

六年四月十五日

弟初四日由道州起程初八日至永州水漲湍急初十日
午正卽抵衡郡翌辰接手教慰甚頃聞吾羅山師靈輓不
日可抵縣境弟擬十七八日回湘哭迎道左而昨日舍弟
來告賤內已於正月初三病故所生僅五女耳嗣子亦幼
稚天之厄我如不我克奈何奈何兄聞之又將爲我慙然
矣弟日內尙服清涼之劑旬外方能培補元氣也在永見

周光翁之喪未歸爲扶櫬至此閒復擬設法護送歸寶弟
許以女妻其孤子方六齡耳其家資不過千餘金而負債
幾及萬金均係募勇製器所用者雖曾經報出而分文未
奉發給此事真非易了也茲爲付來訃文三道如賜賻儀
祈送衡郡交敝友張凱章九兄爲荷蔣德安承如此關懷
何須再囑營中疫癘尙未盡止彭勇等祈速遣歸以慰懸
繫不另批示也兆侯等祈均致語努力自愛亦未暇復信
江西糜爛日甚近聞又圍南安若此地與贛州再有失誠
可危也未知貴省南韶已有布置否念念

復馮春臯刺史

六年四月十五日

別後懷思方擬奉書而華翰先施具徵兄之多情勝弟矣
惟弟返里不得樂其所樂而多憂其所憂做師之樞日內
可抵縣境將往哭之室人已於正月初三物故亦將補哭
之也江西好音弟尙未聞我省援兵疊勝已由萍鄉規復
袁州則聞之矣湖北一軍大是可慮此時不但勝不足恃
即使倖復武漢亦未必不可危富川團練果能殺賊此匪
或可殲焉永屬生童前均苦畱弟痛切諭之矣謝某故人
之兄也惠蹠復見於今日可勝歎恨弟斷不能因惠之賢
而寬蹠之罪祈卽遞解湘鄉爲禱

與左季高先生

六年四月二十一日

前在道州啟行途次奉到復示詳悉懇切讀之感佩又承
賜方并惠藥物煮粥服十餘次火氣消半矣謝謝昨日抵
舍悲歡併集此心莫可名狀前讀來教至救一日算一日
救一分算一分不禁淒然泣然尤望擴充而大用之此豈
真不可爲之時乎聞言不克己已知又文過二語龔以爲
聖人能絕此弊大賢以下或不免焉故常在戰兢惕厲之
中猶覺動輒蹈之偶舉以示先生何先生訝之深也然朱
子言有則改之無則加勉大禹戒舜猶以無若丹朱爲辭
龔與他人共諒先生之無而一融於虛懷若谷之天先生
反自以爲有且惟恐其有矣若龔盲瞽尙未足知先生之

長安可與議先生之短耶江右鄂渚之事金隱憂之而不
敢問惟敝營中之事前此所請諸中丞公與先生者祈一
切詳示爲禱亦庶幾思不出位之道與

復郭屯蕤

六年四月二十一日

初旬接三月廿三日手書未及作復然鑫之心何嘗一刻
忘屯蕤又何嘗一刻忘常澧諸賢耶小春子琪真太忍矣
然古之人有以千金買駿骨而致千里馬者况鑫善用伯
樂何患不空冀北之羣耶黎生不特文章當可橫行一世
而志節之偉奇襟懷之灑落亦吾黨所罕見者日前欲師
事我不敢當其弟子之禮也翔岡於前月會於道州狀貌

魁梧志趣超邁與
牧多迂以讀書功
虧兄尙不忍強之
志昨已歸矣兄贈
望梅邨前日到衡
昨欲同來被梅邨
生矣丁巖劉諸子
蕤尙問營中需此
所欲與屯蕤言者
至三月晦日記一

然百不盡一也昨日抵家悲歡交集此心實無聊賴而賓客擁擠如市祇得潦草數章少達我思屯蕤與諸君子愛我如此當能諒我心矣待屯蕤與丁嚴劉諸君子來卽當偕往澧常一帶周張諸君其不閉門見拒乎

與左季高先生

六年五月初一日

日前接奉還雲誦之再三旣服評論之精又欽克復之力碌碌賤子敢在下風矣小恙辱塵錦懷幸服藥有效且得天倫與田園之樂可以告慰也天人之說精矣以鄙意論之天事蓋猶居其強半也尊示又謂不克已與文過其病在誠正一節欠工夫此拔本塞源之論惟鑫嘗聞諸吾師

日舍格致而冒言誠正昌黎所以終不能接孔孟之心傳而佛老陸王且自背乎中道而不知也質之先生當更有以見教矣欲盡管見所及而以建築別業木石諸工故持錘鑿舉繩墨相詰難俾不得達其意而止俟便再行奉寄也

與楊石泉茂才

六年五月初五日

徽兄來接手書知老伯尊恙未痊弟因此不能卽來而健葺諸友兄亦復棄我鬱悶特甚先生墓誌辨就甚好望鈔橐寄兄一讀行狀亦宜近日成之早使天下士人知我先生之學有本原而奮興以共扶斯道也橐成亦祈寄兄細

讀之兄與心牧竟不得會先生之葬自悲自痛弟能不自
暴棄以勉學先生兄敬其志而又勉兄刻自樹立以不失
先師之傳兄敢不請事斯語尤望弟與諸友之有以成之
也至誠以言毋欺人行勿自滿心下於功實難副名言鑒
戒常溯源於岳敗之先警其張皇決裂於辭氣舉動之間
以酒養而擴充詳盡懇切誘掖獎勸曲盡其道三復之餘
不禁喟然長歎而感石泉愛我之誠矣惟心中所欲陳又
有不忍遽形諸筆墨者所以日望弟與諸友兄之來埽一
靜室與其論數日庶得自兄之苦衷以爲求教益之地且
事有關夫久遠者非聚首反覆商榷不能有濟若形諸筆

墨必不能盡意且有許多窒礙處見已飛信催請鐵希諸
兄前來茲付上人淺少許惟一枝頗佳老伯近日所患服
此必宜如稍可脫身萬望切勿遲延若至此月望後恐弟
雖欲問我行蹤而不可得矣又安知此生尙能再會否耶
言至此不覺聲淚俱下心骨皆痛石泉尙能諒我而憐之
否耶又弟前日在舍下兄竟不記問悟凡先生近狀昨詢
徽兄知因病在家心殊悵然祈致意問候外付來藥資少
許弟不必令悟翁知道代爲施行可也如太不濟用祈弟
告我當再設法來銀四兩祈著人送奉德卿碧笙二叵友
之伯母爲荷吳鄂均連獲大勝克復甚多特告慰焉

復李春醴觀察

六年五月初七日

午間接奉手諭知前奉兩函并稟札各件已達尊覽矣驥
不見稱原以其不求異他馬而他馬自不能及龔兄弟世
所稱駘驚也自知任重致遠之無力不堪久供驅策故勿
敢再爲戀棧何公必欲羈絆之耶尊諭殺賊推本於誠足
徵學有根柢嗚呼當今之日鮮不以此等議論爲迂闊矣
誰能於論事之日寓維道之心如公者哉日記尙未暇全
鈔略書近日數紙請教亦可見大意矣付上堂聯紙四首
祈賜法書家嚴旭菴行三其鳳樓蘭坡蓉軒皆龔舅父以
友恭爲鄉里所欽故敢煩大筆也黎警齋黃雲岑同住書

齋囑筆請安文麗峯劉隱霞諸友久懷雅教近日約當來此矣北海先生心海立莽子北諸兄別來均無恙否念之富川之賊已入桃川固意中事已屬健煉兩營相機剿辦澧州爲松滋之賊所擾今日與郭屯蕤往還書并寄左老書呈覽亦可知其大凡矣

復郭屯蕤

六年五月初八日

昨日接得省信中有澧州亂萌已作一語心甚驚疑及貴使奉手書至則知此亂作於北省而澧州承之非亂之果作於澧也奈何屯蕤與春湖兄竟未能杜其萌也來示云某公稱稟撫憲札春湖辦澧州土匪今尙未到昨日接省

信正云中丞已札春湖辦州團蓋卽此耳憶己酉之歲匪民乘饑倡亂兄由學舍同率鄰友數百人出境捍之而逆氛四息當其時承平日久民不知兵所處地又極良懦從不見有鬪復之事也左右鄰里以兄終日在學舍罕有識面者也朝夕之閒相與越境而定大亂年又甚輕恃此區區之誠爲之亦倖而成功何況一多識賢豪如屯蕤者向爲義俠所歸如春湖者英才如雲猛士如雨如鼎澧之閒者又况此時亦不必問當道之何以相處卽萬一行此而獲禍兄斷不忍諸公獨當之也兄纔接信不覺屢及寢門旣而思鼎澧多賢卽欲奪人之功奈何掩人之善也故爾

暫止待五六月之交居民嬉嬉而復業兄始騎款段馬前來論功行賞望屯蕤春湖爲兄傳語獎諸義士焉

復李春醴觀察

六年五月初八日

昨夜接奉午日手諭心甚愛之非憂永郡之事憂公之病多反復又不自節養耳永明之桃川被富川賊竄入初三日金已接得蕭外委榮芳稟稱富川踞城之賊已於二十日竄去賀縣尙有一二千土匪未與同去該外委於某夜遣百長某某暗放火箭火蛋入城賊已盡夜驚惶棄城逃走擬會商黃守備輔鼎相機進剿先一日又接黃守備稟稱伊已與蕭外委合力追剿各留勇一百名駐白苾營以

資鎮歷以鑫揣之如黃蕭之忠勇刻思報效想可制賊死
命賊之竄桃川不過以完永明之劫運而自弊耳此永郡
之不足憂也陳李二賊自鑫未到連州以前合計其數亦
不滿二萬被我勇痛行劔殺由連州而陽山而英德除擒
斬逃散外所存蓋又不滿萬矣鑫回楚時在東陂觀精選
數戰之團勇八百名加意訓練又畱二弁作幫辦畱十餘
勇作百長槩用湘勇舊旂號衣其統領官則布衣成兆侯
也此人素爲物望所歸謀勇兼優精忠成性故以此付之
令其率往英德勦盡餘孽且對眾權給六品翎頂以示優
異而崇體制旋於四月中旬接連州張漪珊刺史信稱賊

聞湘勇又至多有逃散者自盡者初七日進剿至英德之大灣大破之以後雖尙無信金思陳李二逆必係十分窮蹙故竄入莽山死地况莽山一帶土著之賊去歲已畏威悔罪不敢助逆矣其中又少糧二堡團練嚴堵之逆將不出一月餓死窮谷無噍類矣卽或竄入有海公子之義俠李茂齋明府之幹濟必能了此事此又陳李二逆之不足憂也惟望公靜以鎮之從容調度則一身之病可愈斯民之病亦有賴而不患其不愈不然杞人之憂將不僅此區區也日內卽當請一明醫來視公疾望篤信而謹守焉必無遺誤然金思公之病終須自治若徒乞靈於藥籠中雖

和緩亦難爲力此鑫所時刻繫懷而不能已者也前有雜錄一京摺記事珠祈速擲還以近日親友索觀者多也

與李芸屏丈

六年五月十一日

前月接奉復函拜讀之餘惶媿無地以先生撫謙太過而揄揚逾情也嗣又二旬餘未得怡漪霽諸君子音信不知連陽近事如何彭弁及各勇等果否清吉大灣賊匪果否撲滅善後事宜果否安置刻深懷念昨又接奉中丞公札開據宜章縣稟稱粵匪朱逆等糾眾竄抵秤架等處莽山各國紳開仗失利退回鴨婆嶺首逆陳金釭見亦統匪二萬餘已抵秤架橫水一帶請發重兵星夜赴援據此除飛

調參將李輔朝馳往防劔外并札鑫所駐留衡湘勇前進
惟鑫與家兄前月告病旋里將湘勇槩交敝友候選同知
張凱章名運蘭堂弟候選知縣梅邨名開化管帶已蒙中
丞公準許今雖日事藥鑪然杞人之憂無時或釋聞此信
尤難自遣該逆想由大灣而來何以遽抵秤架遽入莽山
人數何又如此之多其勢何復如此之兇我勇見紮何處
是否別有變故萬望詳悉示知以釋疑懼臨書毋任翹企
盼切之至

與郭屯蕤

六年五月十二日

前日來使又至遞到午日書較前函更速甚哉屯蕤之愛

我也邇來服藥以養心益氣爲本已見大效屯蕤乃能料
我病於千里之外使推是以醫國醫天下不亦善乎鼎澧
之事讀來書如指諸掌兄心之慰非以亂之可速已恃有
已亂之人耳樊張王嚴之事果信然耶吾固謂鼎澧多賢
也居今之日不特能血戰善心計者是眞豪傑卽能作說
客者吾亦以豪傑目之反是而不爲國家用者盍不敢取
屯蕤其勿輕以豪傑許人也樊王諸賢眞令我神往矣春
湖迺臨河而返賢者之用心軍情之機密固非可以常情
測也賊雖死戰有諸君子在吾無憂矣屯蕤說來丁嚴諸
君果能同來否然屯蕤與諸賢果爲梓里事而不能遽來

則兄調飢之情亦何不可自慰耶與警齋書兄亦見之前
節猶可後節果戲言耶兄昔者偶被愛馬飛雲蹠傷左面
歸家雖強作笑語以對老親而心實爲之痛以不能懷毀
傷之戒也今雖全瘳然隱憂固尙未釋屯蕤何反以此等
事爲快而且舉以傲人耶卽使是戲亦非君子所以自處
也屯蕤其慎言哉勉之不多瀆

復李春醴觀察

六年五月十四日

昨讀十一日手諭知前二函已達尊覽矣拙稟望賜教正
若徒譽之實非呈覽本願惟立異鳴高則尙不敢耳黃蕭
優劣黃實能戰蕭亦可用才昨雖以銳進受挫慎毋因是

輕之也宜章已就近調李相堂往堵想可支持鑫思永宜
二處均須再候探報前若遽往宜章則昨聞永明失利之
信又將怵迫一頓且又安知繼此而起者不更有甚焉者
乎幾須沈方能觀變神必疑乃可應事若紛紛勞擾不惟
自損且負 國負民矣管見如此質之高明當更有以見
教焉家五兄已偕家兄來其於醫道實有可信幸勿棄也
特簡思省事二妙方斷不可忽耳鑫屢次苦陳公亦既自
知之奈何必欲自傷也望卒納之爲幸至鑫之隱衷更非
筆墨所能達後晤有時當盡情一吐也

致張凱章司馬

六年五月十九日

季翁於十八日午後至寓商及前竄湘陰長樂股匪已入
瀏陽境矣先調余遊府來省又曾派萬長清侯光玉二弁
勇紮高橋堵剿見派朱陳二都司共率一千湘勇往剿欲
弟統率之以期迅速成功初欲弟加招親兵數百人弟以
饒項萬分支紉何能遽加此次雖允統領一行亦屬扶病
勉力而去此股撲滅仍卽歸家調養不若不加勇之爲妙
也爲此飛函馳布務祈接信後立即揀選精銳無病之勇
三百名飭令百長黃萬友陳青雲張南桂劉榮善丁長勝
五弁迅速率領由水路前來不可稍有延誤至囑至囑帳
棚日夜趕造見在分遣三百人來省如白布夾帳棚尙未

作齊卽將前日藍布夾棚帶來應用恐省局一時難領也
再此股賊飄忽無常一經剿敗恐亂竄茶陵安仁一帶務
常時派勇偵探的信卽請率輕騎迎剿之毋使滋蔓爲要
弟處亦請派向來善探信者多勇前來以便差遣飛此馳
達再永明宜章探子回否祈飛書示賊情形且此二處均
可用虛聲制之也又日內祈將所畱之千人大張旂鼓於
城外操演庶衡屬土匪不敢因謠言而萌異志且二者皆
足以安民心也祈志而行之

與文麗峯

六年五月二十三日

胡升之遲延大抵膽怯所致已畱此而派粟貴來矣弟於

此股憤恨羞媿不可言狀蓋亦軍興以來所罕見者三百
勇到與毅兄能相機出以神速一鼓殲之乃稍足雪我省
之恥高明以爲何如

復李春醴觀察

六年五月二十三日

兩次賜函均已奉讀貴恙尙未痊耶十六另紙所言最爲
允當我輩行事懷著天地鬼神自不敢徇私且避怨也請
獎各營及地方官紳出力者尙須稍緩金大約六月初旬
來衡面商壹是也竄來平瀏之賊二十日已至醴陵入楚
界時實不過千餘又殘敗餘黨器械不齊擄掠焚殺甚慘
然往往聞鄉民爆竹聲則踉蹌他走而竟任其橫行數百

里如入無人之境殊不可解宜章兵勇又失利於莽山鑫
昨稟商中丞飛札桂陽州之張聲訓精選壯勇五百往臨
武邊界宜章把總齊福珍選五百與郴州千總蕭紹鈴紳
士曹雲快李雲峯率常練之五百勇相機防剿又令海瑛
督率宜章團丁以助聲勢均聽蕭弁節制則此路可無慮
矣永明各勇失利非力單之故亦非黃弁之過事權不一
郭李亦何嘗不在九節度中乎擬請中丞卽札朱遊戎南
桂陳都圖光孚率新招湘勇千名前往黃弁周左二弁統
歸節制必能掃蕩此股也駐衡湘勇仍不可遽動昨令挑
三百來省請家六兄文麗峯往湘潭督之以了此竄醴一

股想不日仍可回駐衡郡中丞又札敝軍再招湘勇千人
已屢辭之尙未允也

與左季高先生

六年五月二十四日

昨日已正駕小艇訪故人於靳江之上不遇而返適有勇
自衡來稱舊勇五百已來湘潭家兄亦扶病送各勇到彼
迺促視之奈水大風逆今日辰後始至此聞據探報及裕
黃二公言賊入醴陵人數不多余洪彭諸軍已到茶陵有
趙軍安仁有胡軍則賊之聚殲理勢固然矣惟劉蔭翁既
退醴陵袁州之賊如乘機拌攻則事頗殆而我軍之在萬
載者勢且因之而孤幸余彭練銳之師到彼或能速了內

禍卽合力以禦外禍庶有轉機耳舊湘勇五百卽暫令駐
此候中丞調遣宜郴桂三處勇想已飛札去矣龔思又擬
請再飛札連州張司馬令其竣英德事卽移師向莽山一
帶約會我郴宜桂之勇痛加芟夷如能速了則數枝勁旅
又可他用不亦善乎永明之賊仍踞桃川固無大志江道
團練尙好這著棋且緩下似亦無妨一切望與中丞公熟
籌之朱陳新招湘勇果何日起程有稟來否此時巴平太
空須防賊踵至矣今日抵此精神困憊異常待晚卽當坐
船乘風來談也

復馮春皋刺史

六年五月二十九日

連奉手函慰勉之情流溢楮墨千里如一室也永明之敗實非賊之難平亦非盡戰之不力兵勇雜而無主未有不取敗者九節度之所以潰於相州也昨朱遊擊南桂所部湘勇千名歸弟節制已稟中丞令其前來督勦想無難聚而殲之矣弟望後扶病至省稟商一切適有敗賊由湖北之崇通上犯平巴湘瀏醴攸數百里如入無人之境其事之可痛蓋又百倍於永明強起弟視師今日至衡山之草市探賊已於二十七在攸縣被官軍勦敗竄蓮花廳去矣擬日內回衡料理一切仍歸家休養也弟昨在省已稟商中丞將道州改直隸州統轄江永甯三縣弟與士民數年

之願想可遂矣

復劉蔭渠太守

六年六月初一日

前在東陂觀由相翁來勇奉復一函未知已達尊覽否頃
接賜書并鈔寄敝師書拜讀再四深佩論事之周詳用意
之渾厚惟所望於鄙人者則未免過當焉迺因病久未作
復但於省信常詢近狀想賤况亦因此得達臺聽矣中丞
屢札催至省垣面商壹是不得已由舍閒扶病一行及至
而敗匪竄入巴平長驅長瀏醴攸如入無人之境中丞迺
強鑫督師前日抵衡山草市探賊於二十七日在攸縣被
官軍勦敗由閒道逃去河中之尸纍纍而下髮結繩束三

五成羣賊耶民耶遭此慘劫天平人乎吾將誰尤日內卽
回衡郡粗爲布置仍歸家調攝賤軀峴莊好友老兄何幸
得斯人之助慎勿聽其耽泉石也貴恙已全愈否鹿膠竟
覓不出甚悔食言而肥并祈諒之怵中不盡什一

與左季高先生

六年六月初二日

二十五日午後買舟卽行次日申正始抵潭邑遽舍舟遵
陸二十餘里至易俗河宿焉二十七日遇大風雨強走五
十餘里衣衾盡溼頭暈腹脹苦不可言得臥龍丹服之少
解二十八行八十餘里至石門已得官軍大勝之報二十
九早催隊行七十里至草市天已昏矣見死屍多有繩聯

其辮髮連三五人一束者見之痛不可忍任之縱之者之
罪蓋上通於天矣惟此地分司王泰來差強人意遽募壯
丁虛張聲勢拏亂竄之敗匪安潰散之人心阿與卽墨之
分於此可見一斑矣今日因病重擬暫畱此調攝而醫藥
不備祇得強回衡郡數日後仍當歸家休養稍延殘喘望
後終當再來省垣面議一切此役出奏時萬勿敘入賤名
及敝營人等以并未見賊且免爲子孫玷也朱遊府卽令
招五百往督黃蕭諸軍剿桃川之賊儘可恐其才亦祇此
敝營百長陳黃諸人求緩遣用以此時實無甚緊事徒以
靡極艱之饒無謂也

與段潤身丈

六年六月初八日

飫聞高誼之日久矣去歲于役郴陽擬竣事後親登南陽之廬藉聽教言以擴鄙懷迺因公奔馳竟不獲少慰渴想悵何如也前者因病請假已蒙中丞許諾不而月而邊釁四起強令視師茲又將由衡進省面稟一切卽求稍自休養每念天下多故桑梓情切無才無學之身又復質同蒲柳竊以自悲者憫世兢兢孤立深慙無補將伯之呼安能自已也先生深明時務痛念民艱將舉天下之蚩蚩者而一視之小子之隕越當必爲先生所不忍膜視用敢遣价虔奉書幣恭迓道駕辱臨敝營非敢以瑣事相煩但朝夕

有所稟承以免愆尤則受福不僅金之一身也臨穎毋任
企禱之至

王壯武公遺集卷十終

王壯武公遺集卷十一目錄

書札四

與萬春湖

咸豐六年六月二十八日

與丁月臺

六年六月二十八日

與張子琪

六年六月二十八日

與嚴子北

六年六月二十八日

與左季高先生

六年七月初四日

復李春醴觀察

六年七月初七日

復齊千總福珍

六年七月初八日

復左季高先生

六年七月初十日

與郭屯黓

六年七月十二日

與左季高先生

六年七月十七日

與張漪珊刺史

六年七月十八日

復勒怡田副戎

六年七月十八日

與張霽堂參軍

六年七月十八日

與馮春皋刺史

六年七月十八日

復王惺原先生

六年七月十九日

與李察菴太守

六年七月十九日

與黃用侯大令

六年七月十九日

與成靜齋茂才

六年七月十九日

復黎生警齋

六年七月二十日

復郭秋湖廣文

六年七月二十一日

與

張千總聲訓
蕭千總榮芳

六年七月二十二日

與陳敘堂都戎

六年七月二十二日

與丁煦堂丈

六年七月二十五日

與李春醴觀察

六年七月二十五日

與左季高先生

六年七月二十九日

復海南船

六年八月初二日

與李迪葵都轉

六年八月十五日

與吳翔岡

六年八月十八日

與郭寶田大令

與王子佩先生

與丁煦堂丈

與蔣薌泉司馬

與蕭濬川太守

復劉蔭渠觀察

復李相堂參戎

與張補詩太守

復勒怡田鎮軍

與李迪葺都轉

與朱鐵橋大令 六年九月十九日

與左季高先生 六年九月十九日

復左季高先生 六年九月二十三日

與孫小石司馬 六年九月二十三日

與張凱章司馬
朱芳浦遊戎
洪宜齋守備 六年九月二十七日

復黃東治大令 六年九月二十七日

與吳翔岡 六年九月三十日

復張凱章司馬 六年十月初一日

復李南生大令 六年十月初二日

與黎生警齋 六年十月初二日

復張凱章司馬

六年十月初二日

復李迪葺都轉

六年十月初三日

復胡潤芝中丞

六年十月初四日

復曹星樞太守

六年十月初五日

黃東治大令

與成靜齋茂才

六年十月初五日

與曾沅浦司馬

六年十月初五日

與易芝生茂才

六年十月初五日

與胡達人廣文

六年十月初五日

復左季高先生

六年十月初五日

與郭意誠孝廉

六年十月初五日

復黎生警齋

六年十月初八日

復張凱章司馬

六年十月初十日

復張凱章司馬

六年十月初十日

復李春醴觀察

六年十月初十日

入山部の家

一

王壯武公遺集卷十一

書札四

與萬春湖

咸豐六年六月二十八日

是月初吉與屯蕤重晤於衡郡爲龔道澧事益詳每念情
誼之篤用心之苦令人感佩於戲君之所爲是仁人義士
所不忍不爲而智巧功名之士所必不肯爲者也君誠君
子人哉龔久擬摳衣趨謁而病魔時事交相牽掣每自恨
好善不誠不見憐於彼蒼想仁君亦必相諒相矜於千里
之外矣茲特促屯蕤代爲速駕並懇招致義旅數百或一
千以爲當世虛靡錢糧者一愧厲之如有頭緒卽祈飛示

以便部署壹是相候也

與丁月臺

六年六月二十八日

日前屯蕤來營爲道閣下學識之超志節之偉令賤子欽佩無已惟以珂鄉未靖不獲早邀臺駕之臨每誦兼葭秋水之詩恨不溯洄從之也此時貴州暫就肅清矣閣下與春湖子北諸兄何日不企予望之而心之所之勢偏相阻輒歎拂亂所爲誠極人世難受之苦然縱我不往子甯不來縉戀之愚忱何能自已也屯蕤行矣區區素心與之俱到灃陽矣閣下與諸君子其終不衰而憐之耶

與張子琪

六年六月二十八日

寸心久慕而尺書未通此龔疏闊之罪也然出羣之才安
危所仗吾子可終以泉石自娛乎望推胞與之量爲拯救
之業則斯人有幸矣豈獨龔受福哉願與周子小春共決
之

與嚴子北

六年六月二十九日

春間接奉復函自愧自恨莫可名狀愧者愧己之不德拒
賢者於千里之外恨者恨此身匏繫欲謁處士之廬相與
講明出處進退之道而終不可得時事方艱安石不出如
蒼生何願翻然毋再愒然也

與左季高先生

六年七月初四日

別後在潭邑留兩日始行以彼地爲吾湘唇齒欲觀其可
恃與否也初一至縣城細詢近事團練待澄侯歸將再辦
之而釐金一事文網之密蓋天下所希聞夫湘鄉所產能
運之各處者甚微水路縱能逃過湘潭城卡斷不能飛過
易俗河之卡一稅可矣何以再稅且昨在易俗河聞湘潭
人言曰爾湘鄉之米至此每石取二十文可矣何必再在
湘鄉取二十文也此言不出於吾鄉而出於鄰縣想係公
論而吾鄉之卡不一而足旣設之於縣城與永豐婁底矣
而又有所謂澱水卡者楊家灘卡者潭市卡者文家灘卡
者其餘蓋猶有所謂無名卡者又難屈指多一處津要卽

添一黨豺虎在上不過絲毫之利而在下徧側道路之目
銜養病家居阻之力有所不逮置之心實不忍如其終此
不改行將通稟上憲雖獲罪亦不敢辭也昨日已請友人
往澧州招勇在局領湘勇口糧銀在縣設局製器械擬火
藥亦自製造因倉卒萬狀尙須遲數日方能作稟以上故
先爲先生告之前做營勇一千五百後減去二百皆以病
重飭令歸家調養今病愈復來已屬張友收之以其多係
百戰之卒故也擬將來仍請復原數亦懇先生先爲中丞
言之前日在省受教實多銘佩無旣而銜所獻芻蕘如有
可補高明之萬一者亦祈擇而納之爲幸二親近日多病

每念及輒心碎前蒙中丞籲請 天恩已給封典欲再
爲加捐請二品封職以稍盡人子之心能否祈詳示爲禱

復李春醴觀察

六年七月初七日

別來彌月相思如年前在省又接到十八日一信久未作
復刻深歉仄鑫此行住省半月商推諸務奈誠不足而識
不濟致多扞格十未行一望後來衡郡當爲公詳述之也
鑫日來齒肉腫胸痛胸中飽悶時復頭暈咳嗽而應酬之繁
刻無暇晷當行之事未及一舉心甚憂之宜章之事似較
前頗鬆齊千總前有稟稱潭源洞之匪已被李相堂副戎
剿散矣永明亦有勝仗稟特未能痛懲耳武昌亦連獲大

勝克復或有可期敝友李迪莽威名不在羅塔下也江西
袁州尙未規復而劉蔭渠病甚可慮近又由湖北分來湘
勇三千進搗瑞州昨已克新昌矣時局日壞一日而人心
亦日昏一日恐亂無已時也吾輩祇得隨吾職分所當爲
而盡吾心力所能爲者而已意外之事何必計較哉心中
所欲陳者萬端不惟不暇言亦非筆墨所能以形容也俟
面晤時逐一傾之吐之爲快耳

復齋于總福珍

六年七月初八日

弟自養疾里門毫無善况邊疆回首孤負壯心承示一切
事機深中窾要宜章三堡實爲楚南門戶無如近日營伍

竟以堡城爲虛設有負前人規畫今閣下近日移紮栗源堡險隘以杜乳源竄匪可謂扼其吭而拊其背者矣至於無長夫等項勇糧日僅八分出境似難要知邇來饑項極艱我輩旣與兵事不由極艱難中不能建立功名更有許多支絀又不祇閣下一營也尙望勉力圖之使弟獲薦賢以自重是爲至禱其中難言之苦况自當轉達上游定邀憐恤也

復左季高先生

六年七月初十日

昨接復示佩服無旣往年敝友楊石泉語金曰凡人處事患不認真吾兄處事患太認真金深識之而常未能自克

鑫之過也承示捐誥封一節已無庸議且昨詢問其費不輕亦非力之所能逮而老親復嚴行禁止已不敢矣查辦前年陣亡及滋事一案在省時曾與先生言及蒙許可此舉萬不可再緩而又不取率稟中丞蓋其恩必出自上憲用普查之法乃無痕迹且前者上諭建立敝師專祠已準凡湘鄉陣亡者皆附入祠內有此鐵案儘可援引惟人數過多而鑫營前春之役又久稽查辦必得中丞公多出示諭先期徧貼鄉村且札飭縣主責各坊各都團總限之以期徧查成冊取具亡勇親房戶族切結分別註明每營每哨隊及殉難地方年月日彙案繳呈並具遵查無遺

結狀庶竣事有期而又可免遺漏之患惟此時既無卹賞銀兩可發亦必於示諭內確實說明方足以絕謠言而杜不虞之禍又如收集潰勇之時搶劫肆行波及瓜葛擅拏尋殺老親與族戚東奔西竄苦楚萬狀較賊害且數倍焉蓋天地間極變極慘之事也鑫每念及心肝欲裂而至今未辦一人若不擇其尤者辦之縱鑫身家族黨不足惜其如大局何亦懇與中丞公商飭委員密爲查辦以懲兇逆而弭後患則戴德將何極也峙衡兄等旣由新昌上高直搗瑞州聞滌公亦將統兵自至西路則江楚之氣可以漸通惟吾省邊防將益棘耳饒項缺乏如此之極焦灼同深

做營口糧虧欠大久萬一有警深懼各勇積欠鋪戶益多
實難動身恐誤事機奈何奈何龔實非敢懷安特病體至
今未愈且增雜病日憂病而病且以憂增先生惜我我亦
自恨矣然望後終須至衡郡細查榔桂以後功罪開列保
單以慰中丞懸望之心而作士卒激勸之氣實不敢再延
也永東保舉部文如到卽望行知前日爲援江事果何如
復奏亦祈示知爲禱

與郭屯蕤

六年七月十二日

四日之間由潭抵澧又適值春湖歸去事之拂人意者竟
有如是耶岐農之事果可脫身否月臺有智術人誣終可

雪否屯蹇處此當從容委曲以解之萬不可稍涉激烈所謂解紛者不控拳也屯蹇恃血性而少閱歷其不以賈禍者禍友耶我深憂之矣屯蹇果能用吾言與諸君子思古人之所以蒙大難涉大蹇者而刻意效法之庶幾不失中庸之道也壯士雖不能多得二三百亦可爲我招來兒病雖未愈見有良醫以治之毋念

與左季高先生

六年七月十七日

石泉所說本不能無弊亦有爲言之也鑫之引此既有爲而引又不能詳明其故祇算自起訟端然得先生此一番議論卽許鑫爲善於求益亦何不可乎遇勇過嚴之論與

人處事之法金實深爲佩服尤望與先生共踐斯言也陣
亡與滋事之案委員查明甚好惟引郭令公一段似太不
倫且恐生無窮弊竇故不敢不爲畧辯之令公之事處昏
主權奸之地人情鼎沸之時非寬以容之必致激成大變
而害不僅及於宗族金之事其禍成於無賴之痞匪而肆
害於無辜之親鄰其地其時與彼事正相反若徒博寬大
之名而使兇狡者終得肆其志以後稍遇風波必益逞其
邪行且極其弊不率天下之中人以下者羣驅之爲亂不
已也前書已畧言之矣特先生未及平心細察之耳古聖
賢言怒曰中節曰不遷而已未嘗於一怒安民者概目爲

匹夫之勇也言怨曰以直報不可以德報未嘗以不報無道卽爲中庸之強也三代以後道學不明悻悻自逞者睚眦之不讓其失固隘而淺矜言寬宏者徒博一己含忍之美名而遺天下萬世之實禍其居心也私而小其流弊遂至爲厚貌深情之小人且使郭令公者非其時地勢逼至此而曰人掘吾祖父墳可不必究且思以此沽名於世恐雖天下之極無良者亦有時不忍爲此而謂賢如郭公者爲之耶龔謂犯而不校犯字須單靠己身上說不可誤認又來諭言委員來時欲龔置之不問是先生愛人以德之盛心也然龔思此事若如此辦法正不如不辦之爲妙蓋

凡此等事有懲一可以警百者有拖累多人而事愈壞者
專恃一唐公固斷斷乎其不能卽委一明斷之員問之明
公問之大紳士問之書役是非黑白之混淆顛倒恐有不
忍言者是求已亂而適以速亂求白冤且以甚其冤則不
如暫已之專查明各陣亡者而亟旌之此事待後再商可
另辦之當已則竟已之此金之管見如此質之先生以爲
何如滌帥前有信意欲率師西向與蕭劉諸公會合以通
桑梓之氣今旣云距章門三十里已有賊則局勢恐又有
所變撫州卽復亦未可恃吉安賊果爲贛州所敗是好消
息特恐其亂竄則鄰茶之防尤宜密耳富川賊旣出龍虎

關勢亦稍鬆特恐其由恭城擾及灌陽全州則永道零東之邊防未知何日可已江達翁能早出否也金陵之事一變至此真令人急急武昌縣葛店地方向有革生葉姓者常自成一隊與大股粵匪爲難誠恐粵賊善爲牢籠而驅策亦是可慮崇陽有廖某曾爲偽總制黨羽徧咸甯各處揚州有舉人楊姓者爲其謀頗爲兇狡聞前月由金陵領軍回未知確否義甯之賊多至近萬竄湘固可慮向鄂尤可危以武漢兩軍進退維谷萬一官胡失利則楊李亦萬難支撐也去歲全楚豐稔而澧州獨旱昨彼地有來人詢之云今歲自四月至今不雨猶望秋來可種蕎蔬否則甚

懼有變澧人憂之欲防後患精銳之士來者恐不滿五百也北路之任鑫豈敢辭前日接中丞札卽飛信告張丞王令先帶勇來省惟聞各勇於藥店米店負欠甚鉅待饒銀到發給清楚恐須遲數日也鑫近日來又患膏淋之證苦不可言服清理之劑不效改方重用龍膽草大黃等物已四劑痛苦稍減而委頓特甚恐旬日內尙難服調養之方心中又以時事如此萬難安居焦燥特甚思縱不能遽出督帥亦當急來省中商及一切而實不能行若數日後仍然不愈亦當扶病前往料理再乞休養勇至省中萬望勿遽行調遣以張王實非獨當一面之才深懼其不能保此

虛名而貽誤大局若有規避取巧私意天地鬼神實誅殛
之想先生與中丞必有以恕我也

復張漪珊刺史

六年七月十八日

前月初六周弁各勇歸維時弟由省扶病督師至衡山草
市不見賊而返衡州適各勇遞到吾兄手書及霽兄書讀
之愁憤頓減惟是吾兄所以待各勇者過厚貺賜太豐轉
使弟增慚恧耳旋又接得一書終言及所撥之項已經在
省給發感荷無既潭源洞之賊實如尊處所探已勦散矣
惟乳源分竄之股未知已否了結弟前在尊處及臨行先
日所屢爲兄言必辦之數人未知已正典刑否若與曾九

同事者尤不可赦萬望勿過爲優容至寒正人之心也一切善後事宜想已十分妥帖惟吾楚之事厝火積薪禍在眉睫思之焦灼萬分前已擬調成兆侯精選東陂勇五百助我一臂之力以饒項支絀萬分不果中丞公因諭頻頒遂屢次強促弟率師援江昨又有札來調赴省城爲北路之防矣正封面間又接到郴州蕭千總稟稱潭源洞之匪方被剿散旋復聚竄秤架太平墟等處六月二十一日賊首陳金釭率黨千餘與朱子儀陳才李大壽李石保等會合眾約三千分數百紮坑口以窺陽山分數百紮黃盆以窺連州陳金釭被傷身死李石保亦被乳源洞鄉

勇礮傷待獎伊等於七月初三率兵勇往莽山進剿惟路
徑險窄若非貴處兵勇前來夾擊恐難蕝事等語弟思根
株不絕終爲後患務望老兄勿憚艱辛督率勁勇前往會
剿以靖楚粵邊患是所切禱

復勒怡田副戎

六年七月十八日

在連陽時聚首之樂較漪霽兩兄爲尤少別後至今每想
老兄襟量之淵宏志節之超邁迥非流俗能幾其萬一蓋
無時不耿耿於中心而不能去也前聞江西之賊有力攻
贛州南安之說深恐其過此而犯粵之南韶以侵及連陽
則我省南路之患更無已時今南贛雖稍鬆然終不能絕

豫賊之窺伺也得我老兄以鎮南韶蓋不特楚粵之福亦
豫章與天下之福矣時方多故一隅之地豈遂足以盡老
兄之用者弟將附驥有緣終無忘西窗剪燭之約也老兄
勉之哉弟前奉中丞札諭遵 旨援江因病未果日內
下游消息甚急又奉札爲北路之防而賤軀尙未悔適心
中焦灼之至惟老兄憐其愚而有以教之幸甚

復張壽堂參軍

六年七月十八日

前月初六周彭諸勇歸至衡州遞到手書及日記地圖令
我讀之如目擊其事足親其地而我兄摩畫之精詳用意
之深厚尤令弟歔歔感歎而不能自已也奈奔走應酬苦

無暇晷時病身疾互相糾纏遂至延擱許久未及奉答秤
架之匪實如尊論所云弟前日疑之而不敢信也惟日來
潭源洞賊已被剿散旋即嘯聚時分股至黃盆及坑口防
連陽進剿之路須致書漪兄請其探明即率勇會剿以見
在郴宜之勇已由莽山進攻誠恐此攻彼竄又成不了之
局也貴體健否念切之至老伯母年逾古稀老兄欲乞假
休養亦人子之同情惟怡田兄既攝篆連韶漪兄亦聞有
擢南雄之說雖善後之事一時未爲舉行竊恐植根未固
而遽易生手難保前功之不盡棄每念及此輒爲寒心我
楚之事自無識者視之以爲或可少安然決裂在即恐其

禍有不堪言者弟以孱弱之身當此無米爲炊之時惟盡
吾心力以赴之未能挽回於萬一兄將何以教之日前屢
奉中丞札飭援江因兵饟不敷且以疾辭數日間北路喫
緊又奉調赴省城乃勇去而弟疾不能行心中焦灼萬狀
見在家查明各勇及各處紳民勞績開列保單尊處士紳
擬一例列單官階尙未定耳中丞處祇有六品軍功執照
無賞藍翎者茲付來四張祈轉給百長之尤爲出力者可
也

與馮春舉刺史

六年七月十八日

久不致書幾似忘吾兄矣究之弟何日或忘也祇以事冗

病劇難避疏懶之名耳永明之賊雖出龍虎關然永道零
東諸邑終屬可虞况潯州大股已逼柳州龍勝之賊兇燄
日熾其餘粵匪以萬計以千百計者不可勝計其不覬覦
吾楚者幾何矣使其合而來犯或次第相侵吾恐永屬之
民不能安堵也禮民望君如望父母而兄不能去天殆將
留以爲此地之長城乎老兄其益明吾政刑修吾武備以
與斯民共保此土也弟於五月中旬力疾至省稟商一切
維時崇通敗匪竄入境內征調多軍最後乃命弟督師比
至草市而賊已敗竄江西遂回衡郡不數日又由衡至省
月朔告歸治器械募壯丁以期勉應援江之命奈日來向

軍在金陵失利退至丹陽賊將悉銳南犯武漢之軍岌岌然義甯崇通之賊氛日熾中丞復檄弟爲北路之防已飛飭駐衡之勇前去而弟病不能行憂憤難名日內終當強起往商特精疲體孱而事日棘自問非戡亂之才而任肩有加掣肘尤甚靜言思之進退維谷兄將何以教我也人生遇合無常自茲以往求相與吟弄於瀟水道山之上猶夷乎聊園寄軒之中未知果在何日矣感懷及此能不悲夫沱江某公兄與古翁皆器之而弟望之特甚前者頗有所聞而固不信也日來細察密訪實有悖道之處大非平日所以相信相期者老兄久與共事想能挽救且卽微示

以弟曾有信詢及可也

復王惺原先生 六年七月十九日

拜讀還示如親提命所爲循循善誘者無微不至恍坐我於春風之中矣練勇芻言因病懶尙未拈筆精神稍旺終當有以副盛意也來論謂論人才不本之學尙則驕盈之氣易生此千古不易之定論培之之法在得閒時便與之講學數語尤爲當今用人者最切最要之良法於戲三代以下小學大學之教廢而人才日替有心世道者不隨時隨地而加意陶成之藝倫之教風俗之壞將伊于胡底也然居今而言講學鮮不以爲迂闊而遠於事情矣金每傷

教化之不行不暇計當世之非議嘗於倥偬之餘與諸友諸勇亦或隨處邀集紳士相與講求修身維世之道於人心不無小補惜讀書太少體認未精故說之不詳且作輟時形未免一暴十寒迴顧身世實深歎恨前此之求先生辱臨敝營者實以此故今先生來示不欲以遠行之故違定省之儀小子無知心沖沖而不能自己日內扶病來省當面承壹是終欲強攀大駕也

與李察菴太守

六年七月十九日

前月初一日在草市發一書往萬載敬達吾兄勇回接有
濬翁復書稱兄已回府日內覓便付歸未知果得呈覽否

日來接各處信息心中焦灼萬狀又妬兄之獨樂也故瑣
以告之五月初十向軍金陵失利走退數百里外之丹陽
而上元江甯句容諸縣之民被殺甚慘賊之上竄援鄂者
已至武昌縣葛店地方義甯州聚匪日多崇通亦另有股
匪起事均刻思上犯江西近省城三十里亦已有賊袁瑞
吉臨各府均未克復撫州雖有好消息而不甚確廣東賊
勢尙鬆而廣西甯川股匪雖出龍虎關特恐其由恭城擾
及灌陽全州則永明邊患直無已時前江達翁已歸里上
憲擬以此方事託之尙未知果可爲長城之倚否也貴州
苗患未已蜀難恐將發而莫制我省岳常澧皆旱而澧州

特甚去歲歉收今歲自四月至今不雨該地固多
死之輩而天意若將迫之弟前至省彼地慕虛名
乏人曾力請於上憲欲往該處招勇藉以陰行其
術以弭亂於未形未蒙準允深用憂之前日因北
喫緊札弟率駐衡湘勇下省而弟病日增近且其
證寢坐不安祇得囑凱章梅村權帶各勇前往弟
日後亦當扶病晉省一行力言壹是所以爲臨
計者以冀挽回於萬一再乞假歸稍爲調養也
之後逢此百罹時地交促旣不敢以此身自私云
上白髮老人不得承歡膝下又未獲覓一樂土

心肝欲碎恨不願生然日內亦當爲謀之使此心稍爲放下庶出而任事差可自由也迪希兩兄近有信歸否前者連獲大捷方冀規復在即今金陵事旣如此局勢又爲之大變矣專望老兄速速來舍商議若我不能往而子又不能來當此多事之秋又安知再有會期也握筆時千條萬緒雜沓而來倉猝作此不盡什一

與湘陰黃用侯大令

六年七月十九日

弟頃奉 廷寄責以援江重任奈病魔久纏未堪行役已乞假調養稍愈卽當再議出師茲聞貴治殷竹伍先生精曉西學善製火器弟欲延至營中渠以訟事羈身未能

即來敬懇公迅速將渠案了結俾得早赴做營備辦一切
曷勝企禱

與成靜齋茂才

六年七月十九日

勇回接奉復函知貴恙已愈惟鑫服藥尙未大見效耳所
示取人一節謹當留心斷不敢徒博好賢之虛名也惟思
用人不可不審而取人不得不寬特其中須有激濁揚清
之微權耳况今日之滔滔不已者以賢才之困於草茅故
吾輩苟有心世道安敢不於此加之意乎賢弟以爲何如
也鑫病愈出山必求賢弟助我幸勿見棄鹽茶局內多君
子鑫雖不敢盡人相強若周順翁者鑫欲求之祈賢弟先

爲我致意也

復黎生警齋

六年七月二十日

疊接手書尙未作答以奔走應酬之苦倍於軍中而病魔又相糾纏故耳前至省當道謂不往江西卽須往永明鑫以病軀萬不能卽出之故屢次苦陳且言一面調攝一面料理援江諸務始允暫歸日來雜證時作應接不暇曾託屯蕤往澧招勇望前書來謂澧州連年大旱懼將有變夏時者頗不欲壯丁遠行恐招來不過三百請翔岡於別墅旁監造軍器時復商議大局然成功非旬日事也奈前日連接省信及中丞札稱金陵大營盡失退至丹陽賊之上

竄援鄂者已至武昌縣葛店義甯州崇通一帶賊黨嘯聚日多刻思上竄昨又接札稱北撫軍來咨云逆渠石達開率黨數萬援鄂已開二仗恐分擾旁軼請加嚴防等語因調鑫督所部星馳往省已飛促凱梅率勇前往而鑫病方殷未能遽去心中焦灼萬狀然日內終當扶病晉省籌商壹是也永明之賊已出龍虎關恐由恭城擾及灌全則永道零東邊患不休况粵匪之眈眈者不止此股也團可辦則盡吾心力以辦之竭誠開導須從其地方利害發揮盡致則人心感動而事可望其成若起事時卽與以無謂之名器不特其理不順亦其勢必有許多窒礙處望團練之

成不可得卽倖而成欲求其可恃而更不可得也岳州當
卽著人持書去唐逸卿者賢弟曾言之而鑫不甚記憶暫
留爲異日之用待賢弟來時再面商可也付上銀十兩以
佐賢弟饗殮之奉幸笑納之握筆時欲言者甚多而實不
暇且精力亦不繼也

復郭秋湖廣文

六年七月二十一日

兩月以來賜函至三竟未奉復雖病與事牽然疏懶之咎
無可宥矣前書商及稟調任一節曾爲反復籌及總以太
老師春秋太高宜由夫子自請終養爲正且可兼設帳辦
團傳道行道兩無所窒未知尊意若何幸再思而改示之

海南船復函所云讀之令人肅然起敬惟直傲二字不能無弊古人所謂舉直者謂其持身守道之正耳施之於事則有許多委曲而後可以全吾直發之於言則尤貴巽言善道而後可以行吾直若以直自鳴則將以己之直而形人之不直此心已馳於外而不甯且直所不當直甚或明吾直而大有害於道此心更蔽於偏流於私而不自覺矣至於傲字不但非處世之方亦非修己者所宜蓋傲與敬相反與諂相形與敬反則入於放蕩侈肆而自絕其作聖之基與諂形則皆不能忘其在己忘其在人其流弊且與諂均故蠱之上九但曰不事王侯高尙其事戰國以後以

傲相尙者遂多有之而正道日以湮廢亦可見矣鑫之一
身百病叢集而於此二字受害尤深雖時復自克而根株
不拔然已三折肱矣同病相憐故因夫子述海南船之言
而畧陳之如以爲可節取懇爲南船告之也惟近日省中
闕傳南船犯色荒之戒此固不待智者而知其爲讒言特
患年少之士風流自賞形迹之間偶有不檢遂令妒忌者
有所藉口亦非君子細行必矜之道也如其全屬無根之
語不但不累吾心卽藉以勵吾修焉可矣質之夫子以爲
何如

與張千總聲訓
蕭千總榮芳

六年七月二十二日

時憑公牘往還備悉近狀弟昨因北路情形較緊奉調晉省籌商其駐衡湘勇見已上省弟日內亦當起行惟冀潭洞股匪早就殲除吾兄凱旋之後即可共事一方幸甚望甚防剿之暇尙希隨時激勵各長各勇認真訓練期一勇得一勇之用庶無一日虛糜極艱之饜也當此秋燥之時早晚甚涼晴雨不調又多東風每念營中各勇刻難自安望卽傳語節飲食慎調攝惜此有用之身以爲報效之本付上辟瘟丹二十錠並單數紙望卽察收隨時發給每錠可作三四次用不宜多服以其耗氣也非救急不用以其太少也又付鈔瘧痢方一紙秋中此證頗多行營醫藥不

便遵方多備藥餌而徧傳之務使人人安吉何幸如之

與陳敘堂都戎

六年七月二十二日

夏初道經珂里諸蒙雅愛只以恩恩解纜未克暢談每企
停雲無日不神馳左右也前屬題畫幸得報命遲之又久
負歉何如弟四月假歸調理五月強起督師六月赴省籌
商援江之舉原擬由茶鄴一路直搗吉安見因金陵大營
失利賊勢全注兩楚我省北路情形喫緊調弟進省籌商
約於日內起行其駐衡湘勇則已馳往會城矣桃川之賊
雖已出關而恭灌緊連零道團防未可鬆勁尙冀諸君子
勉力圖之幸甚禱甚

與丁煦堂丈

六年七月二十五日

昨日至城晤春臺兄得悉賊形稍變如來諭所云飛調做營五百來此聽調念七日上午定可到此間舍下見在招集精銳已百餘名正擬飛書閣下暫緩師期待其變而痛剿之庶可爲一勞永逸之計而尊書適至兩單及地圖尤爲詳悉感佩之極惟是偵探不可不勤且確布置不可不周以密以後全賴公之大才小心指示一切鑫則於該處一帶人情地利未能盡悉也

與李春醴觀察

六年七月二十五日

連奉賜函未及作答歉甚前數日家兄作書呈覽想得達

矣敘鑫近事雖未甚詳然苦衷大概在是日內本擬扶病
至省再爲痛陳一切而變生肘腋敝縣與甯鄉交界之處
有匪嘯聚見在招募壯勇並調到省老勇五百名前往剿
捕恐須五六日後方能蕪事惟探聞此股有通安化善化
邵陽並衡州土匪之說雖未得確情正不可不防也來衡
細敘之約竟不能遂心頭千言萬語無由傾吐而筆墨亦
不得詳且不暇詳鬱悶之極不能自寬惟望公善爲調攝
愛惜此蒼生託命之身是所至禱鑫近日來體氣更虧幸
外證漸瘳然畏秋陽如虎若不假以養息竊料不僅傷此
賤軀也前在省方伯偶言久未得公書歸家與家兄言及

家兄云春翁亦曾言及數有書與方伯未見答中有一復
又所答非所問鑫比聞此言尤不可解繼而思之此其故
必有從中把持之人鬼蜮情形無所不至多有出人意議
之外者自古已然於今爲尤烈此事亦其一端也鑫此次
至省保舉單必須開去鑫前言會銜一層細思之終覺未
便擬一面開列卽一面飛移尊處庶乎可耳

與左季高先生

六年七月二十九日

前二十四日寄營中一書已呈尊覽矣我縣與甯鄉交界
之處向來會匪最多根深蒂固蓋近百年矣道光初年縣
君胡公曾至十六都之推子坪會同營捕兩官弁率兵役

揜擊損威而返自後日曠日深至石翁蒞任嚴行搜剔其
燄始息然該處一帶絕鮮實心實力之人故根株猶隱伏
焉而甯邑逼近我縣地方則尤有難知者矣此役本擬待
其發而痛懲之爲一勞永逸之計奈耿公始則發差下鄉
以驚之見其走而敗也則速會合兩湘進剿夫使其趁此
機會實力搜捕縱根株不盡未必不可暫安若徒務虛名
祇求作得文章好看恐禍猶方興未艾也側聞安化地方
實亦不甚安靖而又與甯鄉接壤衡陽去夏之役首惡頗
多漏網衡山痞匪亦復不少非極意嚴飭地方官認真查
辦必不能保其無事也因思甯湘兩邑石翁德望尙在若

委以查辦此事兼催團練必可獲效望先生與中丞商而行之何如鑫日來外證少蹇惟前此多服剋伐之劑精神更不及夏間且畏秋陽觸之卽因見服調補之藥擬再緩數日俟此間果無警報卽率勇馳赴省垣面商壹是公牘中已言及者亦不瀆也

復海南船

六年八月初二日

頃奉七月十九手緘知潭洞餘孽經老弟痛剿於橫水之三灣斬馘甚多欣慰之至然此等負隅之賊官軍多轉難用武不如兵少而精之爲得也攻險之法總不外致人而不致於人一語老弟素諳情形無俟鄙人言矣北路日來

三才圖會
甚警賊多而銳勢必上竄金萬不得已力疾赴省籌辦一切惟是饑渴民貧徒深焦灼耳

與李迪葺都轉 六年八月十五日

別後思念未奉寸緘疏懶殊甚前日在家曾草數行復希葺兄並託察葺兄詳致鄙忱日內想可到矣邇維勳名日高而居心逾下愧服之餘彌深企仰前十一日得讀初三夜賜書維時議與尊意合者惟一季翁當道皆以湖南空虛可慮數面之匪眈眈欲犯或以敝軍虛聲尙在之故不欲遣行弟不敢主然終以此賊雖兇狡逾恆必不足爲老兄憂也昨於城中聞賊自二十八初三兩經懲創後果不

敢持久我軍追殺斬獲甚多欣慰之至特前此浮橋已成
城賊恐又多運糧入死守之志或未改也該逆自守住潯
城以來遂慣以堅城玩我師而肆行其侵軼之計賢帥名
將又相繼淪亡見在老兄威望已立爲東南倚重之第一
人而又與潤芝中丞相得必能統籌全局相機應之不徒
專致力於一城也又聞石逆此去將援瑞州果若是則弟
軍不特北行之議當止卽吉安之行亦宜變計惟弟病雖
漸瘳而精神尙虧一切事又須整頓不能不少需時日前
上中丞條陳中有云某卽免江右之行亦無分身之術若
爲援豫之舉更深內顧之憂書至此不知涕之何從而議

者以爲與滌帥不相能噫嘻此誠不見諒之語矣心中所
欲言者甚多倉猝不能盡其萬一也

與吳翔岡

六年八月十八日

中秋接奉十三日復函諸友有笑翔岡無定見者兄亦然
之細思之不然也兵無定形無定勢必強執一主意以爲
有把握豈深知此道者哉迪葺沈毅過人非鑫之所敢望
此次已見一斑矣更能神明於變化之道當推爲天下才
也駐岳不如援江進兵當先吉安兄昨與左老言如是左
老未以爲然今早接手書後復與極論之且以由崇通出
義甯必有得而復失之事若由吉安而進庶如去秋之先

復桂城而後克郴郡也季公雖未非我議然而未允我請也日內再有信相告不暇多言祈卽以此紙與家兄閱之

與江華郭寶田大令 六年八月十八日

捧讀華札如親晤言慰何如也甯邑事終是可慮桑梓之憂有同情矣毀譽之加於我何與君子處世惟隨分而盡其所當爲者而已此等境界惟弟所遇最多每以如不知三字置之心中便覺涼爽今老兄所見且勝弟十倍亦何入不自得乎况已稟請赴袁而上憲未允是明以西路鎖鑰付吾兄也外間雖有浮言又安足以動之鄂渚豫章之行亦當從容言之武昌援賊已大敗而走快意之至弟出

師須待出月初所向亦尙未定大約在吉安瑞州兩處進
兵知念附聞

與王子佩先生

六年八月二十五日

久切渴思幸沐教澤惜龔緣慳未能久羈高賢之駕日前
諸多簡褻茲特備微物畧表寸忱幸勿棄擲此生有緣終
當再有承教之日也

與丁煦堂丈

六年八月二十六日

令姪遞到鈞諭拜讀之餘仰悉殷勤慰獎至意惟龔以同
鄉後進方恨承教之晚稱情以呼理固宜然願先生勿過
爲推讓也援鄂之說已經停止以逆渠石達開業被官軍

鄒敗逃竄故也見議改援江西尙無定局大約決策在重陽前後如先生能惠臨敝營面賜教言固爲厚幸萬一不能亦望惠書指示一切俾有遵循也至鈞函所示貴處團練之方意思深遠議論精當謹當面稟中丞以期必行惟石翹公祖辦團一層鑫前日亦言之也撥冗草復不盡什

與蔣薌泉司馬

六年八月二十六日

前月接奉賜書比卽作復想已達覽厥後石逆率黨來援經吾兄與李迪兄痛行剿戮逃聽之餘距躍三百從此寒守賊之膽而收克復之功想在指顧間矣鑫見停援鄂之

議仍爲救豫之謀惟饒項久欠兼之兩粵餘孽尙窺邊境
行期猶未可卜熊鳳山兄前年同兄在做營數蒙青盼茲
欲來貴營效力敬聽指揮特贈以微金俾壯行色想吾兄
義薄雲天必能隨材而器使之也

復蕭濬川太守

六年八月二十六日

自前夏衡郡握別未修尺素嘗與諸友論今日賢才輩出
求其實心實力毫無因循者不數數覲安得忠勇性成歷
久不渝盡如尊丈其人而委以將帥之任哉歎慕之餘彌
深感慨前月勇自貴營回承賜手書獎譽過情盥誦再三
愧感奚似月初得閱賜復敝友張凱章堂弟梅村書又蒙

殷勤致意茲復拜讀惠函雖慰吾懷實增吾慚矣分兵馳
勦之說滌帥與季公之苦心鑫前亦實主其議及月初手
書至深歎老成謀事其思深慮遠智周不遺非尋常所可
及比卽與季公言之季公亦以爲然想中丞處已經批發
矣前者石逆率黨攻我武昌之軍甚急中丞欲鑫往援諸
大夫國人皆以出境太遠梓里空虛爲慮幸議未定而賊
敗遠颺聞信之餘欣慰無極日內改議援豫章擬向吉安
進兵特饒項虧欠太多兩粵之匪又復時萌窺伺行期尙
未可卜耳戎事倥傯心中所欲陳者未能道其什一伏維
鑒察不宣

復劉蔭渠觀察

六年八月二十八日

前月接奉手書未及作答非不納教言也惟其中曲折非更僕所能終則不如姑已之留作尊酒細論也弟自月初到省添招勇士已至三千之數日事訓練擬下月初旬出師而饒項無措所向亦未有定局據弟愚見以清吉安所屬爲下手工夫庶事有頭緒屢議之不能決也見在賊情若何袁郡聞已有克復之機果可刻期奏功否各屬情形奚似均望示知爲禱

復李相堂參戎

六年八月二十九日

來示領悉深佩偉謀碩畫煞具苦心三堡團練本屬可用

而紳士如張明選黃道傳諸人又多公正樸實兼之老兄
德威猶昔善撫而用之必可得力昨已商定先撤海張二
營以節糜費齊蕭之勇暫留聽用待老兄辦成三堡團實
有可恃再爲酌議也盧委員因貪爲暴深堪痛恨老兄不
爲所動而亦不屑與較識量過人遠矣弟前者兩奉
諭旨援江因病不果日內重整舊部大約重陽前後可以
出師待定期再奉告也

與張補詩太守

六年九月初七日

龔賦性愚鈍惟每聞當世賢豪事則欣然慕之不知神之
何以往而情之何以摯也憶山居時卽震於先德威名方

冀小醜不日蕩平胡天不祚斯民遽奪以去遂使大難至今不已有心世道者與林文忠公之隕同深浩歎邇聞先生忠勇天授屢能以寡克眾紹前徽而光先業逃聽之餘深爲蒼生幸矣雖大才小用尙未克展所長然照乘之璧終不久匿其光耀也倘天假之緣得以其事一方豈非此生之厚幸哉茲因唐輔山兄來營之便敬達寸函以表區區仰慕之忱伏祈察照不備

復勒怡田鎮軍

六年九月十二日

前月奉寄一函擬次月始得達而賜復卽於十九日接誦千里神交魚鴻交代有如是耶老兄榮任後摒擋一切雖

知其難責無可貸古大臣格天事業豈有他哉祇盡乃心
做去不畏艱險而已贛州爲入粵門戶彼中一有蹉跌南
路兵防益緊老兄見事未形想已籌及之矣弟援豫之師
改而爲北路之防石逆大股雖經敗退而崇通一帶尤爲
寇藪定於明日起行是行非敢必有功也但求不負此心
與知己之期望耳

與李迪菴都轉

六年九月十八日

月初勇回接奉還雲如親晤言惟所以獎而進之者愧弗
敢當鑫資性駑鈍行事每多乖舛待悟時而悔之往往無
及以視老兄之凝神定氣諸務就理令識者慨然想規模

之宏遠奚啻天淵之判使得願遂執鞭豈非厚幸然恐此生終無此緣矣十三日鑫率親兵由省起程昨十七抵此間遠望羊樓近矚岳城回憶往事寸心如割恨不卽時盡食逆匪之內擬日內招魂於野再致奠以少抒哀忱前在省屢求中丞委石翁普查我湘前後殉難之士上達

天聽附入專祠想今冬必能歲事也崇通蒲咸竟成異域鑫奉檄北防本擬出境辦之而地勢賊情尙須確加偵探且思武漢不復江右不靖彼地終無善法以處之也粵東餘燼暫或無害而粵西之禍終無了期近則黔變又甚靖州之防孔亟幸團練尙爲得力袁瑞雖屢捷而郡城未下

永新蓮花廳昨又復陷於賊
瑞州以廣信連陷欲換劉峙
謹勤幹擬率千人趨吉安而
泉而進成行恐需十月望後
容辭抑亦勢所應爾惟此言
關東南半壁大局弟之不肯
秋冬間故事况此時濱湖之
賊所覬覦過今冬而無事則
防愈多而精力日枯晝夜因
之來示待周胡二軍到鄂即

克復後卽迅援江右此是一定不易之理蓋江右不清不
特我省防不勝防亦東南半壁之大憂也

與朱鐵橋大令

六年九月十九日

昨日至羊樓司痛不可忍擬待兄至相與攜手於野痛哭
鍾苔洲諸友及各勇等少盡哀忱且誓若不能爲諸君雪
憤而報仇則祈速賜我以死毋令久玷人世也今晚始聞
兄已於今早過此因風利不得泊爲之惘惘者久之弟日
來默觀細察恐可憂者不僅北路兄若不能留助迪兄望
速歸爲幸

與左季高先生

六年九月十九日

鑫自十三日率親兵及新舊澧勇由省起程沿途細察民
皆稱便十七晚抵岳州暫紮鳳凰山因張都司已奉裁撤
屬兵守備率勇前往桃林與朱遊擊協守奈資斧告罄不
能起行已強湊銀二百與之昨寅卯之交卽率隊前往前
在省敝營有投効勇係洪營逃出者至此送交之遽於軍
前正法此事頗見其能細詢地方其平日約束甚嚴想可
恃也此間屢經兵燹民疲財困辦團較難然亦當竭力辦
之如得有幾分可靠亦可少省兵力耳蒲咸崇通久爲異
域民心旣變地徑又多崎嶇探聞並無大股聚集非詳加
偵探而輕進小勝則不足以示威萬一稍中奸計則愈以

啟其輕視之心善養吾銳而伺其間以發之可乎惟至此
間遠矚羊樓俯視岳城迴憶我友我勇至今未慰忠魂痛
不欲生查辦之事今冬實不可再緩幸留意焉張都司奉
撤至省能速籌餼給之以便遣散乃妙今春之事雖各勇
罪無可逭亦仁人君子所心惻也永興蓮廳聞又有賊至
官軍無傷否靖州近信如何祈示知爲禱

復左季高先生

六年九月二十三日

接讀手諭領悉壹是天誅楊逆不得已而假手於韋逆我
輩官兵固已增愧先生乃復以除石逆之功望之耶且智
力能誅楊逆而韋逆更未可輕視特其互噬之端旣開亦

足以兆其亡矣援鄆上游而以崇通賊綴我是意中事龔
卽日親往桃林察看形勢偵探明白如賊有上犯之意則
扼要以俟其來而痛殺之然後乘勢埽其巢穴當可得手
如無大股南竄則約會孫司馬一軍爲淨絕根株一勞永
逸之計逆賊倘出二者之外則誠如先生所料龔當相機
定謀此時實不能遽決也洪宜齋營勇鬧饑一事據稱見
在嚴拏究辦當不忽過此君昨雖祇見一面細思尊評有
恥二字實爲允洽特恐其短於才耳袁瑞二郡尙未能克
復而浙閩饑斷真是可憂然以時兄之精銳蕭劉諸公之
忠勇當能助滌帥以圖埽盪連州賊竄大灣宜臨邊患又

少休矣灌陽之匪如不加增想不遠爲大害二江招勇已
有成局否胡達人實爲難得之才幸毋忽諸梧岡想已率
勇往瑞春寔志吞吳楚之譽果信然耶

與孫小石司馬

六年九月二十三日

甲寅之春道左相逢未及敬求大教愧悔至今不釋惟逃
聽勳業日懋聞望彌隆爲慰龔奉檄率勇北防十七日已
抵岳郡本擬肅清崇通蒲咸一帶以固藩籬而從通城下
手其勢甚順所難決者分兵則難禦大股欲聚而進則路
多分歧恐埽蕩之計未行完善之區先壞加以偵探不確
有云崇通蒲咸均無大股賊者有云義甯敗匪合興國通

山之賊由崇竄蒲者由後說觀之則賊之非下咸嘉截鄂軍糧道卽由臨巴上犯似不速出通城爲是擬率軍前駐桃林再行偵探待得的情方有把握查桃林抵通蒲咸三邑界均不甚遠駐此則聲息易通而又可以兼顧稍需時日卽可出境勦辦也惟思此數邑者亂本已深非盡拔其根株不可以望治而欲拔其根株非深悉彼地情形得其要領不可以圖功先生蒞蒲有日刻下又督雄師進勦必有成算遠識非尋常比者望詳語焉俾可遵行以免隕越是所懇禱至地勢之遠近夷險賊情之虛實強弱與凡用兵之緩急先後及其隨時變遷者尤祈不時賜教爲幸此

生有緣握手爲快

與

張凱章司馬
朱芳浦遊戎
洪宜齋守備

六年九月二十七日

逕啟者弟於二十六日午後起程駐營基隆山之陽探得是日賊由聶家市竄到北荆橋攜糧仍復竄回二十七黎明起程至西平小歇紳士來見稟報如前甚爲的確卽急趨把截劫駐紮各駐形勝分紮六營定於明晨出隊痛加剿洗俟獲捷後再行奉聞查此股卽前竄板橋之賊因桃林守嚴由紅鶴嶺折赴聶市一帶人數不過數百其餘皆擄掠男婦耳據此則桃林楊林情形尙鬆尙乞嚴密偵探毋懈毋忽是荷

復巴陵黃東治大令

六年九月二十七日

差至接誦手書備悉一切敝營偵探及沿途紳士所稟皆相昭合弟原擬前赴桃林因瀕行探知賊竄聶市卽急趨長安驛截剿已於二十七日申刻駐營把截劫矣定於來日分路進剿聶市以期一鼓聚殲其北荆橋一帶小路可通臨邑已有基隆山團丁千餘掘守儘可放心惟軍機瞬息千變殊難逆料惟當隨事應之萬軍已去業分勇令張凱兄督率往防朱洪同守桃林未可遽調且弟旣在此洪軍亦可不回大橋也

與吳翔岡

六年九月三十日

別來兩月懷思日切連接手翰實慰我心銻自二十六日
由岳城鳳凰山拔營二十七日抵長安驛五里之把截坳
二十八早出隊往聶家市距把截坳三十餘里進剿通城
竄來之賊聞風而逃急追數十里竟不及埋伏要截之勇
亦未遇賊以途徑太雜土匪又多爲通信故也此時已入
萬山中矣此賊似鼠銻不能乘其離穴而狙擊之使盡乃
反驅之火穴銻之拙也實非意料所及也此時擬催辦近
處團練並會合下游孫小石司馬之兵搜洗崇通蒲圻一
帶爲一勞永逸之計此處以下數百里除武漢二城外並
無大股以巨懸內亂無心上犯耳惟思崇通臨巴交界之

處近年官軍雖常剿辦得手未有淨絕根株立長治久安之規者。鑫欲以辦郴桂連州之法辦之。賢弟以爲何如。至於長驅深入。鑫非不欲。特以上游實難放心。恐一旦有警出境遠則難以回救耳。承惠十六字。見今事勢有所不行。亦謹當佩之。以其理固行軍者之心法也。臨穎神馳。不盡欲言。

復張凱章司馬

六年十月初一日

酉初接得昨夜手書。得悉探報並商進紮情形。慰甚。熊張一軍恐不可恃。卽令紮楊林。以作聲援可耳。兄與朱洪分進茅田。忠坊賀家畝。聲氣自相聯絡。可卽由兄處約期並

進禁磨斗嶺一帶俟到茅田後再爲斟酌可也此股賊不
難於打仗而難於盡絕根株弟欲爲一勞永逸之計故雖
聞賊連日回竄通城而暫置不理以臨湘與通崇蒲三縣
毗連者最多臨湘團練成而清三縣以固藩籬則我省北
路之防可以少紓擬日內肅清此賊卽約會吾兄與朱洪
二軍齊進通城當不難一鼓殲之也沙潭往通城果必由
茅田否祈再確查見示爲荷

復蒲圻李南生大令

六年十月初二日

通山竄匪經貴治團丁暨孫司馬來擊兇鋒已挫雖負嶠
洋泉究屬傷弓之鳥其魄已失諒不日卽可蕩平弟自岳

郡鳳凰山拔營二十七抵長安驛五里之把截坳二十八
早出隊進剿通城竄來之匪賊聞風逃走急追數十里竟
不能及設伏之勇亦未遇賊以路徑太歧而土匪又潛通
消息故也見在該逆分竄白里畝龍窖源雅團花橋一帶
意在仍竄通城俟偵探稍確卽當乘其偶聚而痛擊之庶
裹脅之民可以解散而團練之氣可以復振然後層層搜
剔步練步進爲一勞永逸之計仁兄亦以爲然否江皖賊
勢內亂天兆其亡盜賊羣居無終日之計此不易之理也

與黎生警齋

六年十月初二日

接來書反復玩味不忍釋手凱兄強毅好學兄自癸丑歲

同事戎行日見其長進再能恢擴其器識當爲全材也所
論進兵機宜深得行軍之要惟其中局勢之變易有未可
執一以論者請爲賢弟詳言之工夫在後半截兄意亦如
此惟此地團練見有可成之機不趁此時促之使隨同授
勦與賊同仇終恐心持兩端故日內離賊僅三四十里而
不遽往勦者此亦一大端也觀其光景卽遽往勦非走卽
散官軍他往則仍聚而爲害耳且見在授山之難十倍於
克城而授山之功非厚集團練不可雖曰先克城而後集
團練以授山當更得力但此時惟崇陽未知若何蒲圻城
內聞已無賊通城賊尙無守城之志其民之患賊亦不在

城而在山且我兵克之卽易守之實難以兩旂勇出境未免單薄况此賊已成流寇萬一再乘隙亂竄境內而我兵在外不及馳救則悔無及矣卽使賊真入空城死守我已先清其巢穴斷其接濟亦正可聚而殲之也見事論事就題還題如此辦去似更妥協賢弟以爲何如四團諭帖待凱兄面諭斟酌更發外致凱兄書祈互觀之爲禱

復張凱章司馬

六年十月初二日

戌刻接到手書知今日出隊分兩路進剿卽可藉以相度茅田地勢爲進紮之計固亦大妙朱洪兩營想尊處已約期進紮矣此間探報均稱該逆已由白里畝詹家橋一帶

竄回通城其茅畝水畝茅埠坳等處祇剩零星土匪數百打擄而已似此則賊勢盡竄通城一面吾兄若進紮茅田正不可不嚴爲準備弟見已札催張熊二備進紮公田以爲吾兄後路聲援此間團練已有起色一俟辦成後督同分道搜剔土匪稍有頭緒卽當移營或由詹家橋或由忠坊前進會紮茅田合攻通城該處紮營並進兵地勢務望吾兄先爲查明料理見示是所至禱今日接到孫小石司馬來函知渠已抵蒲境擬與我軍會剿因樊城失守胡中丞派訓勇千餘往剿而調渠軍回攻鄂城已起程矣事之出人意外固如是乎

復李迪莽都轉

六年十月初三日

前月十八奉寄一函並致鐵兄書係尊營假歸復來之勇帶去何未達也茲接二十六日賜函祇領壹是承示進剿機宜尤當銘佩弟於二十四日因通城之賊竄擾臨境督勇前來而賊聞風逃竄山谷仍多由小徑回通日內與此間士民力整團練頗有起色擬率之逼剿岳鼓山一帶卽取道出通城清賊巢而振民團次及崇通蒲圻固南省下游之藩籬卽以壯北省下游之聲援惟前聞孫小翁率一軍來蒲深以爲幸以彼此合辦旣無旁竄之患而我省邊患方殷內憂尤甚萬一有警回剿彼處未盡之匪方成未

成之團可無廢於半途庶弟不虛此一行乃昨接潤芝中
丞書後旋接孫小翁復信云已於月內拔營回鄂爲之爽
然見在就題還題祇得待此間團練稍成留一軍駐崇蒲
臨湘之交以防竄逸自率勇先剿通城次第行去期辦一
處卽了一處而已然終須小翁再率一軍來咸蒲之交或
駐蒲城方好辦理望亟與中丞商定施行也賀雲舫兄襄
辦諸務最爲得力韋石諸逆自相殘害鄂城望援之心已
絕分踞各處者亦必有土崩瓦解之勢大局應有轉機惟
粵禍未已黔患又熾江右永新蓮廳復陷而衡郡所屬之
土匪狡焉思逞者甚眾又無良將勁旅可恃爲緩急東南

之憂更爲切近之災此弟所以每念桑梓而長慮卻顧也
高明以爲何如時方多故倚望者眾惟保重不宣

復胡潤芝中丞

六年十月初四日

中心嚮往寸稟久稽實深歉仄茲辱鈞諭拜讀再四慚感
交并惟稱謂過當雖出獎掖之盛心然勢分可畧齒德亦
宜計也鑫以非材待罪戎行數載以來絕少補救清夜捫
心究難自安每念時艱非多得忠義爲懷歷久不渝者不
足以挽之而四顧茫茫殊難屈指此鑫所以痛惜於江吳
塔羅諸公之亡而不能不深有望於先生及滌帥與迪兄
也楚南四面受敵全局所關適年來禍患迭興邊氛益熾

非有鰭門中丞之盛德又得左老竭誠襄理蓋不可問矣
崇通蒲圻不難於治標而難於正本而所與接壤者臨湘
之地爲多擬待此間團練稍有成效然後移住通城次第
辦去求爲一勞永逸之計特未知能久假時日無內顧之
憂否也小石司馬老成諳練而又熟悉蒲崇一帶情形懇
令其再來庶一切善後之事有所倚仗鄂賊已爲釜中之
魚而金陵巨憝自相殘傷大局應有轉機然如大病之後
元氣虧損雜證更作非善爲調劑何能支乎樊城能速蕩
事乃佳不然亦咽喉劇疾也兵事吏事人才人心之壞不
僅湖北爲然蓋至湖北而極惟得人才而人心可挽而兵

事吏事不待金言竊謂求才亦心地樸實辦事認真之足
貴耳若從外貌言辭取之鮮有不誤者金於此道折肱屢
矣質之先生以爲然否後生末學淺識寡聞幸引而教之
不爲踰分之呼以相拒是所切禱

與

岳州曹星槎太守
巴陵黃東治大令

六年十月初五日

弟自到此間力整團練日來稍有端倪見探羊樓司有崇
陽竄匪滋擾擬卽移營進紮以便就近堵剿桃林朱洪兩
營於昨初二日進剿詹家橋一帶獲一勝仗殺賊百餘已
令該兩營進紮忠坊地方敝營分駐楊林一軍已於初三
日進紮茅田弟又加派一旗前往協助連日出剿尙未開

仗昨接鄂信以樊城失事派去訓營往勦而孫小石司馬一軍已由蒲圻調回助攻武昌夾擊之舉又成畫餅事之出人意表大抵然也

與成靜齋茂才

六年十月初五日

握別迄今兩旬所贈八字時復思繹未嘗忘也惟臨行所言一節後熟思之於心終有所不安則固不如暫已之之無傷於道也羅山師遺書以後如刻成者祈照前印百部爲荷此役必無好仗以賊鮮大股技同狐鼠故也惟有淨絕根株力整團練以期久遠而已特患他處有警回軍太速恐前功盡棄耳然吾人作事祇就見在所當行者做去

不容瞻前顧後畏此慮彼也王子佩先生時相往還否祈
爲問訊鏡初我輩良友而體弱過於賢弟是可憂也往來
多便祈不時惠賜箴言爲幸

與曾沅浦司馬

六年十月初五日

河干攜手別離實難相思兩地何日忘之想訓練部曲倍
覺生色矣弟以分袂後十七抵岳二十四因賊竄臨湘境
率隊前來比至而賊逃以崇通蒲咸並無大股屯聚此役
不難於善後擬步清步練爲一勞永逸之計刻下臨屬各
團稍有頭緒由是而通城而崇蒲若辦理稱心或可固我
省北門之管也韋昌輝殺楊秀清而又欲與石逆爲難大

股有自焚之勢時事當有轉機袁瑞未復撫建一帶尙有
好信息否憩翁想已旋省所獲何如南丈亦應捆載歸矣
達人辦上龍事想有定局臺從果於何日起節也羽鱗有
便望不時惠我好音爲幸

與易芝生茂才

六年十月初五日

前者別後子山出兄手書誦之再三佩服無旣日來嘗置
案頭時復紬繹與宣公奏議更疊讀之以自警惕且如時
親霽顏消我鄙吝也漸流於寬之故與救弊之道何言之
親切沈痛乃爾非極愛我不能爲此言非實有心得亦不
能爲此言也大抵治兵與治心事雖異而理則同少縱卽

逝常操乃存危微之機所關甚鉅將之以敬貞之以誠一
有未至則罅瑕立見而流弊遂不可勝言自非常惺惺不
可也旨哉言乎惟弟姿性庸愚久不聞箴規之訓則其心
漸放且自以爲有得偶聞善言愧悔之念始有所觸發望
老兄繼此以後常不見棄而辱教之是所切禱弟見督辦
團練窮剽賊窟俟稍有頭緒然後出境剿辦通城崇陽蒲
圻以次及之則北路之防可以少紓庶不負此行也沅兄
達弟另有書致之矣

與胡達人廣文

六年十月初五日

別將彌月相思惟勞招勇之議想有成局尊處一帶近狀

果何如也賢弟志識卓越而力足以赴之實所欽佩惟用
情太銳偶爲時勢所阻未免鬱於懷來或以填其虛靈之
府反無以盡其泛應之妙龔中此病亦深矣願與賢弟共
此藥籠也精神近日旺否服藥已定方否祈不時惠我教
言爲禱

復左季高先生

六年十月初五日

昨夜接奉二十七日回諭具領壹是韋逆原來如此則必
不足以制石逆而且將爲石逆所併矣惟有能伺其隙而
乘之者斯善耳連日偵探王少君所傳實屬訛言崇通咸
蒲均無多賊昨孫公一軍前來賊並不敢交鋒其伎倆已

可見矣鄂賊已飢外援又絕歲事當可期也刻下崇蒲之賊多歸通城鑫急促來此間團練留一軍駐忠坊地方四路策應敗賊竄入卽當自往剿之洪宜齋所部尙少紀律昨詹家橋之戰朱芳浦幸早接應否則殆矣然其資可造已諄屬之顧安得其事者之皆峙衡輩也惡張皇賊勢而視之亦太輕實洞中馮公心事兩江君果不欲復出耶何膜視若此此間事尙不甚費手而心之所切念者實多特旣到此自須辦有頭緒不容苟且了事亦庶幾素位而行之道與保舉已出奏否實不可再延也石翁尙在省否查辦陣亡之事必當付之萬勿畧過大界一路屬凱章兼顧

想可無慮矣

與郭意誠孝廉 六年十月初五日

別來又二旬矣想便便之腹殊令人神往也銓自到此間探得通崇蒲咸已無大股屯聚惟岳鼓山界聯五縣綿亘數百里向爲土匪出沒之所非合數邑紳民之力不足搜剔淨盡刻下力整臨湘團練漸有起色由是而通城而崇蒲次第辦去當可淨根株而固藩籬金陵賊內亂已甚想得聞矣貴局捐輸較前更踴躍否各軍又將迫不及待矣筠公幾時到省祈將其近年所得者畧爲示知一擴見聞也

復黎生警齋

六年十月初八日

前日接手書深佩賢弟之能虛受而進境未可量也所論才氣學理請得而申言之才不以傲物而以任事乃爲真才氣不以凌人而以輔理乃爲正氣要非學以窮其理不能也今人每錯解學理故自命爲學者而理愈失恃才傲物而才適足以僨事任氣凌人而氣適足以掩理安望其能實乎至論文字之弊尤爲沈痛明快此自古文人之通病不僅作時文者然也究之論理而得其真論事而徵於實乃爲至文反是雖千言何補焉不誠則無物文奚物哉四子五經不言文後世莫能及理無不足故也後世競言

文而文日趨於卑靡囂雜不切於理故也此亦爲人爲己之所由分矣賢弟深明其本而能實致其力斯道之幸也豈僅賢弟一己之幸乎曲體二字潛心按切之語願與賢弟服之無斃矣崇通一帶之民困苦已極自後應可望治特患民心有轉機而宦途終無轉機此再三思維而無可如何者然吾人作事祇得就見在當行者行去亦不能過慮而自虧其分也

復張凱章司馬

六年十月初十日

賊竄四牌莊可出崇陽通山義甯尙未有定向也崇陽賊目有蔡九者約束所管之黨不擾崇陽本地故愚民附之

者眾當從容謀之通城之民受害已深望治甚切昨探子及由通城逃回者均稱百姓趕緊鬚髮可見一斑查北港地方距通城二三十里距忠坊三十五里而摩斗嶺大界等處均在其後進紮於此則通邑之團練當有起色又可防內竄望速通知通邑局紳移營前駐爲禱至相機勦辦之處望審量行之小者不必事事告我也

復張凱章司馬

六年十月初十日

今早復信想夜間可達矣頃據初八晚由賊中逃出者三人供稱通城之賊於初八日由沙底四牌莊竄回離城十五里之蝦形畝係崇陽之賊不許其去故也若果如此則

賊無走意矣書至此而尊函適到知已於今早分三路會
紮北港惟似未知該處賊形者頗爲望念若是今日已將
營盤紮定甚是勝算能痛打一二仗軍威亦可漸振以後
事更易得手來勇由朱芳浦營過聞渠說今夜四更出隊
前來會剿已加函屬其互相應援想可恃也此間稍有頭
緒擬布置後亦當前來會辦也

復李春醴觀察

六年十月初十日

接八月二十九日回諭並籐牌四十塊業已照數領訖永
蓮事不出前諭所料深佩慮事之周衡郡所屬人心實多
浮動有公靜以鎮之嚴以防之想可無虞卽遠者勢有所

阻能固其根本之地使不動搖斯亦善耳前年甯遠土匪充斥吏役相比爲奸殺內應數人而城卒無恙其明徵也銓前月中旬來岳擬痛剿通城崇陽蒲圻一帶以清邊圉詎賊因金陵內亂楊秀清爲韋昌輝所戮而石達開又與韋逆相持並無大股上犯惟崇通蒲臨聯界岳鼓山爲向來土匪巢窟積年爲害銓見將臨巴團練辦有頭緒以次及於崇通蒲咸合數縣之民剋期搜剿以期永淨根株庶北路之防可以少紓銓之一軍亦不敢遠離桑梓以可憂者不僅此路故也

王壯武公遺集卷十一終

湘潭朱士宜校勘

王壯武公遺集卷十二目錄

書札五

與黃東治大令

咸豐六年十月十一日

與賀雲舫孝廉

六年十月十一日

復周渭川大令

六年十月十二日

復黎生警齋

六年十月十三日

復張凱章司馬

六年十月十四日

復曹星槎太守

六年十月十四日

復黃東治大令

六年十月十五日

復黃用侯大令

六年十月十五日

三月正分刻集

與張凱章司馬 六年十月十六日

復文式崑方伯 六年十月十七日

復胡潤芝中丞 六年十月十八日

復曾沅浦司馬 六年十月十九日

復李相堂參戎 六年十月十九日

復趙玉班太守 六年十月二十日

復曹星槎太守 六年十月二十一日

復賴古愚大令 六年十月二十二日

復左季高先生 六年十月二十二日

復郭意誠孝廉 六年十月二十二日

復黃東治大令

六月十月二十四日

與劉蘭舟秀才

六年十月二十五日

致賀雲舫孝廉

六年十月二十六日

復曹星槎太守

六年十月二十九日

與李迪菴都轉

六年十月二十九日

復胡潤芝中丞

六年十月二十九日

復郭寶田大令

六年十一月初二日

復黃師石大令

六年十一月初七日

復李南生大令

六年十一月初八日

復賀雲舫孝廉

六年十一月初八日

復周渭川大令

六年十一月初八日

復曹星槎太守

六年十一月初八日

復朱石翹觀察

六年十一月初八日

復左季高先生

六年十一月初十日

復郭意誠孝廉

六年十一月初十日

復張凱章司馬

六年十一月十二日

復左季高先生

六年十一月十三日

復李南生大令

六年十一月十四日

復胡潤芝中丞

六年十一月十七日

復嚴渭春太守

六年十一月十七日

復李南生大令

六年十一月十九日

復賀雲舫孝廉

六年十一月十九日

復周渭川大令

六年十一月二十日

復朱芳浦遊戎

六年十一月二十一日

與成靜齋茂才

六年十一月二十一日

復嚴渭春太守

六年十一月二十三日

復朱芳浦遊戎

六年十一月二十三日

與康斗山直刺

六年十一月二十三日

復黃師石大令

六年十一月二十五日

復李迪芽都轉

六年十一月二十六日

復胡潤芝中丞

六年十一月二十六日

復朱芳浦遊戎

六年十一月二十七日

復周渭川大令

六年十一月二十八日

復嚴渭春太守

六年十一月二十八日

復黃東治大令

六年十一月二十九日

與胡潤芝中丞

六年十二月初一日

致左季高先生

六年十二月初二日

致邢星槎太守

六年十二月初五日

致李迪葦廉訪

六年十二月初八日

致曾滌生侍郎

六年十二月初八日

致鄒叔明廣文

六年十二月初八日

致左季高先生

六年十二月十一日

復邢星槎太守

六年十二月十三日

復李春醴觀察

六年十二月二十日

致左季高先生

六年十二月二十五日

復胡潤芝中丞

六年十二月二十七日

復郭雲友刺史

六年十二月二十八日

復義甯州士紳

六年十二月二十八日

UNIVERSITY OF TORONTO

Q

王壯武公遺集卷十二

書札五

與巴陵黃東治大令

咸豐六年十月十一日

頃奉惠函領悉一切足徵關心全局敬佩奚如弟前探羊樓洞有崇匪滋擾是以於初六日進紮于坪連日親巡白里畝羊樓等處惟捕零星長髮土匪而已見在力辦龍窖馬頸羊樓一帶團練無如該處紳民麻木不仁者多較部下之民有勇知方不啻天壤也初七聞通城賊空城出竄是以派朱洪兩軍進紮忠坊派張丞進紮北港派張熊兩軍進紮公田俾得聲勢聯絡庶平巴臨之團可以一律

速成方能作援岳鼓山大舉免此勦彼竄之虞臨湘邊境
弟日來辦理稍有規模巴陵之圍可恃者固多而虛應故
事者恐不能免弟未親身勸諭者因賴有公恩信素著故
也還望親按各隘鼓舞其心則南楚藩籬鞏固矣茲附通
行告示數張專行被賊之要害處飭書手多錄代印曉示
然以弟語之又不如公親爲開導之速也見在又探通城
之賊仍由四牌莊竄回通城之蝦形畝離城十五里弟擬
此地布置妥協卽親率一軍前赴忠坊公田北港一帶察
看團練並面授各營進勦機宜再專緘就教也

與賀雲舫孝廉

六年十月十一日

昨夜奉復一函計登青覽弟今晨派二三兩旗至羊樓司
且探且進知萬庫里一帶無警遂收隊歸昨所得探報蓋
訛傳不實也弟處今日又淩土匪五名皆團紳擒送者從
此漸漸認真定可集事尙望吾兄迅速言旋商摧壹是茅
田一軍已於初十進紮桂家大屋踞通城三十五里尙未
開仗併以奉聞

復臨湘周渭川大令

六年十月十二日

頃讀手示欣悉種種更佩擘畫周詳注意團務悍鄰氛而
固吾圍功莫大焉弟自進紮千子坪親率勇巡羊樓一帶
並派隊巡白里畝一帶所獲長髮土匪隨訊隨決惟龍窖

源馬頸羊樓等處紳士認真辦事者固不乏人而麻木不仁者亦復不少見已嚴辦示諭以期起懦訂頑如再有頑抗定行重處其白荆團局並劉璈等弟亦均有諭帖各處似有起色皆公開導之效也弟於初九日已派張司馬分帶湘勇進紮離通城三十五里之北港並札張洪朱熊四營與北港聲勢聯絡弟擬此地團練可恃卽親督勇赴北港忠坊察看團練面授各營進剿機宜因初七通城之賊竄四牌莊者不爲崇賊所容今仍退踞離通城十五里之蝦形畝所以各路須親顧也至於棠境與崇蒲接壤通賊阻團之類實繁有徒公若按部至此甚勿過慈如得確情

須付重典火烈水懦之喻乃昔賢審量事勢不得已之苦
心諒高明亦以爲然不河漢斯言也

復黎生警齋

六年十月十三日

前讀復書並讀致月兄書領悉壹是才氣之論因賢弟來
書而概言之賢弟卽因以自省令人想克己之功而欽佩
無既矣自古聖賢每自見爲有過乃能幾於無過自以爲
不及乃可以無不及亦惟幾於無過也而愈惟恐其有矣
惟無不及也而愈自見爲不及多矣蓋德益高者心益下
學問日進則省察克己之功日密鑫亦嘗窺及此而自安
於氣昏志庸莫克振作又欲以己所不能望人身所自蹈

者責人此心日馳於外而其中日滴日驚於末而其本愈
失聞賢弟之言而自愧庶幾寡我尤悔乎來書謂宜從事
於格致之途固已得其本原而謂讀近思錄得一敬字尤
爲鞭辟近裏程子解格致九條必本敬而言且兼誠意而
言之其旨深矣又鈞射上流之喻最爲親切有味尤宜體
認朱子解敬字身在此心合在此之語更爲周密蓋敬雖
存於心而實貫徹於萬事萬物無時可離故謂爲聖賢之
所以成始而成終也因明問而率陳之賢弟以爲何如

復張凱章司馬

六年十月十四日

昨夜三更捷書至甚慰此賊前日不敢交鋒而昨來撲營

雖天之奪其魄而實亦不可謂其非狡也聞前日追賊未及城而收隊非我兄之老成持重不能如此賊非經痛勦而敗不宜窮追防中奸計此定理也劉文叔大敵勇小敵怯實可爲法非眞怯也蜂蠆有毒禍患之來每中於所忽尤必倍加敬慎况偶有挫失卽爲不美乎故如昨日之眞敗始可遠追願我兄常識之又自後哨探於黎明交代之時最宜留心定要此一班已至該處那一班方可回祈傳諭旗長哨長切記切記通邑士紳自此應更踴躍須諄囑其趁此時速成團練嚴辦地匪爲一勞永逸之計弟日內卽往龍窩源一帶搜匪辦團如通邑事有頭緒卽商酌會

攻崇藩也朱芳浦許其前來會紮以厚兵力留洪營於忠坊接辦該處團練且爲後路聲援金陵之賊內亂尤甚付賊供一紙期共慰焉武漢之賊勢窮力竭殲滅在即湖北禍亂已極將可稍安乎

復岳州曹星槎太守

六年十月十四日

頃承翰教於團練之道三致意焉此不獨棠疆之民頌德已也弟以爲崑連北境在平巴不過一隅惟臨湘接壤最廣若臨湘之團成強於十萬師矣奈愚民難與始謀弟自到此終日舌敝唇焦幸規模粗定卽龍窖馬頸羊樓白里畎一帶近匪之鄉皆有執挺與賊爲仇之意稍需時日內

匪剔淨其成效諒不止此弟所以不便暫離此方者深恐
功虧一簣也通城之賊去而復還昨飛調張凱兄相機進
剿幸十二三兩日賊來就戮差強人意想巴平與通交界
之團更有起色尙祈公趁此時再加嚴堵庶比境之民有
所觀感相率而興起則吾圉固矣弟度民可用卽將岳鼓
山窮搜大索力靖孽根方不虛此一行以負雅望惟高明
有以教之是所企禱

復巴陵黃東洽大令

六年十月十五日

披讀賜函敬悉十六日按部各隘以感惠之民加此一番
鼓舞較弟終日舌焦唇敝自然事半而功倍也礪堡之設

素爲邊防要圖弟久有此議未敢遽發者恐團練不足恃轉以資賊爲負隅之具耳務懇先將內匪剔除淨盡使人心益堅爲此堅壁之舉則公之功與召埭蘇隄並列矣此賊甚狡十二日撲張司馬之營設伏詐敗幸我軍持重得以獲勝十三日賊三千人來犯經張司馬督勇貫陣直入擒斬僞將軍二名僞監軍一名僞總管五名長髮賊二百餘奪礮械旗印無數餘匪敗竄四牌莊昨又派朱遊擊一軍移駐北港助剿弟見進紮羊樓司先將逸匪搜盡方好協團洗清岳鼓山之巢窟知關垂注率勒奉聞

復湘陰黃用侯大令

六年十月十五日

頃奉瓊函敬悉豈是弟督辦團練幸有規模卽平巴臨湘
近匪之鄉均皆荷戈仇賊矣初二派朱遊擊洪守備進剿
詹家橋股匪大獲全勝之後逆黨由通城逃竄數日而復
返隨派張司馬督湘勇由北港進攻於十二日獲勝十三
日一戰擒斬逆首多名並長髮數百餘匪將竄義甯弟見
紫蒲界羊樓司進規崇通蒲咸各城鄂城接濟早斷不日
可許餓斃金陵自相殘戮情形諒已早入聰聽矣總之治
亂非難治未亂爲難未雨綢繆惟團練得法方固民志奈
虛文故事比比皆然細繹來緘三致意於此道此治譜中
之要領也

六年十月十六日

與張凱章司馬

今日因崇陽之分水坳有賊數百欲竄羊樓洞四更率隊
前往天明後遇賊中途遽擊之賊即敗走追趕過分水坳
四五里而返殺賊不過二十餘名生擒數名此戰甚不稱
意亦令各勇少習勞苦耳回營時日將西墜矣接讀來書
詳悉前者兩戰甚費大才較弟麤疏無主相去何啻倍蓰
讀手札謙抑過甚雖大君子自視欲然之心然如此行事
實無可訾議也聞蒲圻崇陽之賊均不過數百通城紳民
又能踴躍辦團想此間事尙易耳弟擬日內至龍窖源清
匪辦團即可約會吾兄與芳浦兄合辦崇陽也

復文式岳方伯

六年十月十七日

自前秋獲隸幘幘時讀手諭仰見期望之殷推與之誠
才庸質朽惟有永矢血誠盡其力之所能爲與分之所當
爲不敢求名亦不敢避罪以期少副獎許之盛心耳拜別
以來絕少善狀軍情大略已具公牘偶有餘暇時溫周易
一書玩_何觀象竊歎人事之變遷不外陰陽之消長泰否
之乘剝復之運其理甚著而其幾甚微伊古來治亂興亾
之迹不出乎此誦讀之下用是悚惕公具經文緯武之才
當布化宣猷之任本前言往訓以酬酢萬變於古聖之心
傳必更有得其深者尙祈不棄而有以教之幸甚饒項一

節本不敢瀆亦且弗忍然拮据已甚實不得不伸其呼籲之情乞恕而憐之

復胡潤芝中丞

六年十月十八日

捧讀鈞諭領悉壹是大軍圍剿爲一鼓殲殲之計賊之以死守爲得計者當聞風膽落矣昨敝營幫辦張丞運蘭信來稱通城紳民日來從匪者頗多前此團練之無成亦由首事者不得其人已改派矣崇陽自前年經公痛剿後聞從賊者尙少來示所云實爲正本清源不易之定理當謹識而行之如能將通崇蒲咸一帶善後辦妥差免此役遷延之罪惟是南省黔粵之防旣不能已而東路之師又久

攻袁瑞未下兵疲餓竭深爲可虞滌帥在章門日久更難
撐持惟望武漢早就肅清迪兄分軍往援亦可由吉安進
擣劉肅諸軍更當得手江右清而後南楚可專力以備黔
粵也貴體抱恙實深懸系祈善自調攝不宣

復曾沅浦司馬

六年十月十九日

貴勇到接奉復函如親晤言辟以止辟此不易之理矧已
亂乎然不能察其致亂之人而徒誅其作亂之人不能治
其首亂之人而徒得其從亂之人則雖多殺亦不能已亂
此又不僅崇通爲然也袁瑞之賊穩踞如故而撫州又有
此失念彼東土實爲寒心况饑項之支絀又如此其極乎

芝翁日內來營否諸友均平安否怙迫不及多敘

復李相堂參戎

六年十月十九日

頃聞勇至披讀賜緘雜誦迴環百感交集誠如君言代爲
隱憂然亦莫可如何也吉營饑項八月初一止已欠至一
萬六千之多至今日又不知幾何矣省局本艱難萬狀以
捐納職銜通融彌補何足濟事弟既出省無能爲老兄贊
一辭又不便形諸稟牘惆悵何如但願老兄此番出境將
餘孽斬草除根去兩省邊患豈人情盡鐵石諒局中亦當
從無可設法中設法也弟本部並所轄各營每月將三萬
金見在飢寒相侵令人酸鼻又不便時向中丞絮絮不休

眞不知如何得了也然我輩擔子旣已上肩無計可卸只好做到那裡是那裡身家性命是不暇計及者諒高明定以爲然弟前奉 廷寄援江旋因岳郡連番告急稱崇蒲咸通添義甯竄來敗匪是以奉委督各營防剿抵岳後進剿通城蒲圻屢有斬獲除首逆多名該逆聞風逃竄土匪亦多鬚髮似此局雖易而事有實難此數縣連年以來旋得旋失皆因未能肅清匪根又當江楚必由之路此番欲圖永久之計除非認真團練力除匪根將岳鼓大山極力剿洗方可長保久安惟剿洗巢窟一節大難該山橫亙數百里萬壑千峯兵少不敷分布兵多又不見賊較開大

仗之難難於十倍也下游之事大有轉機武昌城賊飢疲已極克復祇在旦暮金陵自相殘殺特恨無人乘此隙作犁庭掃窟之痛快事耳江西亦頗得手劉峙衡兒屢見好仗滌帥甚得此軍之力惟老友蔭渠兄拌力於堅城而天下不能長驅直進令人胸中塊壘不能消耳見蓮廳永新又復陷駸逼茶陵想粵東事畢又須借雄師於彼方欠餽一事定可由此償清望勿過為煩惱致累壯猷是為切禱

復趙玉班太守

六年十月二十日

月之十八日蒲圻營次披讀教言蒙示進兵機宜瞭如指掌恨不隨征藉習偉略也鑫因崇通事棘移師北防一月

而獲三捷收復通城刻下進擣崇蒲似易得手惟此地自江公殉難以來竟成異域嗜亂之輩誅不勝誅更兼岳鼓大山界連五縣綿亙數百里早成負嵎之藪若不乘機剔除終爲南北兩省附骨之疽然按山之難難於攻城十倍練團協助頗費經營必需時日方能蕝事如鄂城困獸不鋌而南走撤防之後定可得伸附驥之情也見聞梧岡馳赴章門曾夏黃諸公並雄師將由吉安前進竊意此方之難未平而江右之膚功奏矣捷音在邇跂予望之

復岳州曹星槎太守

六年十月二十一日

兩奉手書敬悉壹是鴻才碩畫佩何如之東翁親歷各隘

可謂不憚辛勞諒巴邱之民必倍加踴躍團練之奮自當更有可觀竊嘗謂民無強弱在居民上者鼓舞之術何如耳弟十六日勦賊蒲圻分水坳斬獲百餘佛嶺一股亦經弟派勇前去追散矣十九日弟仍留大營於羊樓親帶臨湘團勇爲嚮導進搜龍窩源並岳鼓山逸匪連日焚巢掃窟擒首犯多名而聞風潛逃者亦復不少擬俟崇通蒲圻城鄉一律肅清再合五縣團練剋期兜圍方可淨絕根株也其龍窩源腥熏日久誅不勝誅見在先將釀亂之徒一一梟示嚴限團練縛送內奸方能望治至於善後清保甲查戶口案期核簿始終不怠此又非地方官莫能爲功也

若龍窖馬頸一帶不作長治之想縱岳鼓山剔淨亦難免
不復藏奸諒高明亦見及此矣

復賴古愚大令

六年十月二十二日

捧讀手諭深慰闡情善後一切事宜如此盡善盡美雖應
陽士民之好義葉唐諸君子之戮力同心要足徵德教入
民之深欽佩曷既廣西之賊竟無了期我省不能越境以
勦祇有嚴加防堵之一法昨中丞因全州之警已札兩江
君率勇前來矣逃勇席起昭蒙迅速飭拏又遠勞解送感
謝何可言宣該犯情雖可憫而法無可寬恐難遵命辦理
擬實諸法而恤其家庶爲兩全之道尊恙係積勞所致補

養氣血必不可緩望善自調攝節用精神爲蒼生自愛是
所至禱賤軀近尙領適前月中旬奉檄北防兩戰通城一
戰崇陽均獲全勝日內清匪辦團俟有頭緒方可他往武
漢之賊飢疲已極當可聚殲東逆楊秀清爲北逆韋昌輝
所殺近聞首逆洪秀全亦已伏誅賊黨內亂殊甚大局應
有轉機矣

與左季高先生

六年十月二十二日

十八日奉到十二日回示敬領大教治匪之法已遵辦矣
鄂渚事當可了惟望其速愈佳江右情形尙少轉機而永
郡邊患方熾實深杞憂饒告竭而禍未艾何所恃以爲長

策也擬日內待有銀兩酌量裁勇然亦計之窮矣洪宜齋
尙能認真辦事惟其下多有不易制之隱非盡關才絀也
蓋長勝軍之以兵統勇其始立法不得不如此行之既久
自當變通不然其弊將有不可窮詰者昨以情來告已令
其酌爲去畱升降矣前日接鈞諭言牛嶽營戰事心竊惑
焉今聞張弁稟而深駭之細詢來勇則東陂觀前來會剿
之勇卽張弁稟亦未之及也由是以推則是非黑白之顛
倒混淆誠有非意料所能及者送稟之勇一係敝營久充
親兵之匡得勝向無欺飾乞呼而詳詢之當得其概老李
忠而糊塗又不通文理捉刀者遂任意鋪張全不核實深

三月五日
爲可憂此中關係誠不小也保舉摺恐不可再延敝營勇
待哺嗷嗷轉瞬仲冬殊爲焦灼也

復郭意誠孝廉

六年十月二十二日

前日接奉回示如親晤言崇通情形誠如尊論撫之寬而
防之嚴謹當識而行之過此以往願常賜教俾免隕越實
爲幸甚賊多而平賊者日少饑多而需饑者愈急念之惕
然昨接沅兄信知南憩兩君均已回省雖有所獲不甚稱
意而十萬之捐票已撥江右者四萬貫亦事勢之無可如
何者也敝營未能多殺賊而求食孔棘明知其不情然眾
口嗷嗷無計擺脫崇通之賊自前三戰後日內多散亾者

弟率勇拔岳鼓山亦鮮所撿斬惟團練頗有起色然亦舌
敝唇焦矣

復巴陵黃東治大令

六年十月二十四日

頃披手翰並陳紳函敬悉一呼而成數千之旅雖士民深
明大義有勇知方實善人之教有以致之也三復之餘深
爲欽佩弟自十六日親率勇將蒲圻分水坳股匪痛剿之
後該匪併股於十九夜潛撲鄂省派來安干總所駐車埠
之營安營勇五百名潰散大半弟若不進剿恐彼地完善
之團奪氣也見龍窖源著名首匪經弟駐此七日搜戮殆
盡團練亦有起色並連日派勇協團進拔岳鼓山東南一

帶焚巢窟擒獲甚多其聞風潛逃者亦復不少必俟崇
蒲城鄉一律肅清再爲約會各縣團練分路同時兜圍搜
捕方可淨絕根株懇囑部下各團磨厲以待因情形瞬息
不同故未可預定師期也刻下已派張司馬駐軍通邑城
內朱遊戎進紮水口鋪張熊二守戎進駐北港均屬極力
督辦團練搜捕逸匪尙希派紳率勇於邊境接應與通邑
之團聲勢聯絡不獨使彼有所觀感卽漏網之匪亦不敢
溷入我境諒高明定早見及此矣

與劉蘭舟秀才

六年十月二十五日

頃接來函具悉一切足徵辦事認真實心實力深爲欣慰

訪聞一節業經飭該局查辦矣至團紳曾曉林等前日雖來此一見並未帶勇隨營搜匪所言保無藉端推諉情事可細查之其方老細等犯務必勒限交案不得稍縱辦團原爲搜此等輩無如匪之黠者必多方暗阻之紳之黑而劣者又從而倡和之此王法之所必誅也

致賀雲舫孝廉

六年十月二十六日

弟日來未接蒲邑信又聞安干總會獲勝仗想尙不甚喫緊茲定於二十七日拔營由馬頸一帶先至通城籌辦撫勦事宜羊樓老營亦令繼進另調洪守備一軍由忠防移駐羊樓並札飭常川派隊巡哨港口羊樓洞龍源三處以

資鎮壓而壯聲威該備尙肯認真辦事諒能遵照而行崇之蔡九通之皮清風今日已發諭令蓄髮探持去令其反正將來崇通之事當可資該二人指臂之效也據理勢而論似應先辦通城而以次及於崇蒲方較爲便易妥當前此閣下在岳郡時所見亦略同也近日貴處及崇邑情形尙望隨時示悉爲荷

復岳州曹星槎太守

六年十月二十九日

頃讀大教感而且慙弟此來毫無寸效復荷虛譽過情尤令人內疚滋深也日內在龍源誅嗜亂匪目以壯善良之膽始行認真團練已委文生劉璈董辦聯團節節相制編

甲造冊點名練丁使閭縣之團破除畛域相聯爲一庶免
弱境獨障邊氛刻下似有指臂之勢但不知以後何如耳
聞巴陵之團整齊嚴肅實我公之政通人和有以致之弟
二十七日馳抵通城派勇分勦麥園高槻一帶督辦團練
窮治土匪茲又探得崇陽添來大股匪二三千紮營城外
意圖復犯通城弟擬卽日分三路進勦由崇而蒲惟慮臨
湘空虛已調洪備率全軍扼羊樓兔蒲匪竄入似此棠疆
已固鄉有團練城有汛兵以壯神明之威卽有奸宄亦無
隙可乘矣承示試士一節深佩慮無不周無如見已進勦
不敷調遣有方臺命尙希見原

六年十月二十九日

與李迪莽都轉

月之三日由貴勇奉復一緘想入尊覽昨接潤芝中丞賜書知樊襄已就肅清慰甚倣營前分千餘勇交張凱章兄進剿通城十二三日兩戰樊賊頗多逆目數名殲焉餘匪竄通山地境十六日弟親率勇由羊樓洞進剿分水坳亦有斬獲旋抵龍窖源一帶力行團練令設礮卡尙踴躍奉行二十七踰馬頸而來通城擬待此閒事稍爲布置卽須前往崇陽辦理崇陽之民亂極思治見多鬚髮換旗齊團殺賊似易爲力惟善後之事終須有賢守令方可不棄前功崇邑署任之馬令曾爲蒲圻分縣聲名甚劣恐久亂之

地尤非所宜通城未知已委何人所與潤翁商之幸勿大意昨聞李次青在撫州失利九千之眾收合不滿三分之一袁瑞亦久攻未下而粵匪又撲全州永郡邊防孔急弟軍恐不能久駐此閒念之焦灼之至朱雲槎兄言鐵兄將於初十與北岡兄同歸未知果起程否熊林芝已準解營出力可無慮也楊逆伏誅後聞洪秀全亦爲其下所殺章昌輝因內亂不能入城官軍又蹙圍石達開於甯國府果信然歟有便乞詳示爲慰我省饑項艱窘已極未知鄂省如何貴營尙不致匱乏否也

復胡潤芝中丞

六年十月二十九日

拜讀鈞諭獎慰特甚彌增慙悚而三復之餘仰悉飢溺紉溝之懷雖古聖賢之用心蔑以加焉此不僅鄂省之民引領而望治已也崇通一帶相機辦去尙易得手惟久亂之後非得實心實力之地方官振作之拊循之終不可望治安崇邑馬令久住新隄屢經催促日內幸已來會通城雖有沈學博竭誠辦理然係學官則行事必多窒礙尙望速遴賢員來莅茲土爲禱樊襄漸就肅清少紓西顧之憂惟艱饑自所不免夏間賊過醴攸而湘潭釐稅大減至今未復其舊况實經兵燹者乎粵賊又攻全州永郡邊防孔亟是可憂也

復郭寶田大令

六年十一月初二日

月朔接讀手函具悉防剿情形見大君子勤民之瘼籌辦之宜皆以實心處之不類薄俗虛文殊令人拜欽無已礪堡之設火器之備固爲要著而地因人險端在團練齊心否則適資寇藉特非所論於貴治耳捐輸米穀因時斟酌我省今歲北歉南豐以有餘補不足適足相當兵與農爲盛衰消長此際秋冬無雨明年閏在夏閒衡永一帶刻深隱憂閣下塵念及此實有遠圖特此事宜歸之於民聽其自便飭令團紳蓄儲各鄉團勇得食救荒有備視價之貴賤操術之轉移想高明早見及此矣弟見勦辦北省幸一

月得三捷通城已復擬進崇陽而習亂之地必須徹底剔
清搜匪辦團尙需時日鄂賊已久困金陵之賊互相吞噬
大局似有轉機特未識天心果厭亂否也

復咸甯黃師石大令

六年十一月初七日

弟前月派勇進擣通城將城鄉一律肅清連日親駐辦團
搜匪籌布善後仍留軍鎮壓卽於初五日督勇規復崇陽
與賊遇於洪橋堡一戰而殲其精銳乘勢逐北該逆棄城
狼奔黑橋旋因部下團練嚴堵仍竄回白霓橋弟擬卽派
勇前往剿洗矣見已下令限居民三日鬚髮重整團練俱
有端倪仍留勇分防卽當親埽蒲氛檄駐羊樓司之洪守

備並進誓期盡數殲除以固棠境藩籬望乞飭團防隘庶無餘潦浸入之患也武漢情形尤盼隨時示知

復蒲圻李南生大令 六年十一月初八日

月之朔奉手書讀未竟而心折足徵民瘼痾切飢溺爲懷誠不負羅師知人之明良深紉佩至示及一舉而三善備之策在君爲蒲民請命所見宜然弟爲全局通籌故遵教稍遲耳自駐通七日將善後章程粗定仍留張司馬督勇助沈廣文辦理於初五日親率一軍進規崇城與賊遇於洪橋堡一戰而殲其精銳乘勢逐北該逆棄城東竄黑橋旋合興大援匪兩三千仍聚白霓橋敝營見進紮東郊外

擬卽派勇洗剿蠱茲小醜似不難殄滅盡淨惟崇邑四年而五失守推原其故實紳士不得其人括數萬脂膏毫無實際言之齒冷聞者寒心弟擬將此地極力整頓一番見已下令鬻髮辦團清族搜匪訪紳士之賢者以董其局務第不知能得人共濟以遂此心否也俟有綱目仍須留軍鎮守相助爲理再進埽棠疆之孽以副樂憂之懷祈將見在進兵事宜並善後辦團用人除暴安良之條理以及熟慮久安長治之計一一詳晰示知或者可爲老兄效一臂之力也

復賀雲舫孝廉

六年十一月初八日

月之朔奉手書領悉壹是刻下尊恙愈否殊深系念承示
宜檄洪守備進駐羊樓洞因稍有待故未報命此則是其
時矣弟駐通七日粗爲料理仍留凱兄駐守初五日親率
一軍進規崇城敗賊於洪橋堡乘勢逐北賊出東門遁黑
橋旋因興大援匪二三千與之相合復聚白霓橋擬卽日
派勇往剿諒易得手但此地涇渭不分局紳尤劣見已下
令鬻髮擇賢辦團俟有頭緒仍留軍鎮守以便親赴珂鄉
旬當公事尙祈將進兵事宜善後條理一一籌畫以待是
弟之所樂聞也

復臨湘周渭川大令

六年十一月初八日

接讀惠函並閱下游軍報欣慰無既昨朱洪兩營告奮勇欲擣蒲圻弟恐勦急則竄致零匪乘閒突入南省是以止之惟令與各營團星羅碁布繩聯絲牽不獨不容匪入我境卽岳鼓山亦不使一名潛入庶可固圍而兼治土匪也無如近有匪之黠者轉控良爲匪先發制人殊歎聽訟之難弟惟有虛懷以待之耳連日於通城辦團按匪諸務粗畢初四日馳抵桂口初五日進擣崇城與賊遇於洪橋堡一戰擒斬百餘追至城下欲環而攻之因日已西墜而罷大約不難指日肅清進埽蒲氛也謹以告慰

復岳州曹星槎太守

六年十一月初八日

頃奉臺函足徵關切情深佩紉無已弟駐通七日辦團接
匪諸務粗畢仍留張司馬督勇助沈廣文辦理善後弟於
初五日率一軍進規崇城與賊遇於洪橋堡一戰而殲其
精銳乘勢逐北該逆棄城而遁敝營見駐城東下令限居
民三日鬚髮責以辦團接匪刻下據探報興大分股應援
敗匪仍上竄白霓橋離此十五里擬卽派勇勦洗諒此遊
魂幻影可以立見冰銷俟此地善後稍有端倪亦須留軍
鎮壓弟當親埽蒲氛也

復朱石翹觀察

六年十一月初八日

拜讀回示佩服良深一面痛勦一面團練良是惟此閒兵

與賊互相往還數年於茲民之狡者愈狡玩者愈玩怯者愈怯殊覺大費手力況鑫又才德俱劣也然天下無不可爲之事止盡吾力所能爲者行之假以時日亦必有效通盤籌畫萬不可再緩緩則不及矣尊稿簡該切當誠爲救時良方但刻下有萬難之勢鑫見各勇飢寒交迫爲之寢食不安且未知後此作何結局憂懼之極病似怔忡頃聞解饒近五千金已到岳州闔營有更生之慶特勇夫均分每人不過一兩零完債而外難支半月若以後如此遲延蓋有不忍設想者矣陣亡案終須有勞清神不然恐從此閣下而忠魂之得慰又不知何年此鑫所日夜思之而痛

心者也尙祈勉強一行爲禱

復左季高先生

六年十一月初十日

連奉手諭始則獎而進之繼則激而成之竊於爲將之道未敢自信有先生在將來或可爲大將矣在此營則祇覺此營之好辦此事則祇知此事之難自是確論前書所陳疑信之閒固未免太輕然尊論所指恐亦尙有未盡實者幸再詳之竊生平用情太厚而學識又復不逮誤用其愛實多惟惡其所不當惡之處尙少亦不敢謂必無也苟能好惡不偏雖平天下不難於爲將乎何有竊雖不敏敢不因良言益加勉哉饒項已發四千餘當無可如何之際而

獲此大旱雲雨猶不足以擬之但人數太多分潤不久尤望源源以接濟也此閒之事較難於通城以曾逆能假仁之故所幸見已逃竄興國矣

復郭意誠孝廉

六年十一月初十日

拜讀來諭民情未足深恃處久亂之地自當倍加謹慎而輕信過厚之病弟平生中之實深老兄於待儕輩時洞見隱微而戒以流弊之所必至知人之明與人之周二者均非尋常所及弟雖不敏能勿痛自省察而力改之乎所願繼此以後時賜箴規俾知儆覺而免隕越實爲此生大幸攻吉之舉諸路並進聲勢自壯惟事權不一不無可慮耳

饒項一節江南或尙可籌此閒旱災旣甚而從前之賊又多能沽名市德無論捐輸不便遽收卽團練需費亦須善爲調停兵食艱窘至此而敝營新招之勇尤多凍餒不堪安得不急望接濟也

復張凱章司馬

六年十一月十二日

頃接初十夜來書得悉壹是細問賊供金育蓮實在此閒寒泉大元賊數千餘恐不的確望再探之沈廣文稟已批發矣閱章程並未題及正印官若可有可無者非所以示體制也四季之月各鄉團赴城局點名果便民否與其難經久遠曷早圖之應否請官每季點閱一鄉城局派人每

鄉季點一次再酌之無恆產而有恆心者惟士爲能官勇必以無身家遊惰充之未盡善也大凡革除錢漕大弊非深悉其始末諸多窒礙難行徒啟團民以抗糧之念末一條應卽刪去將來果能辦理妥協刊碑募發未爲晚也其餘尙有應斟酌處望凱兄囑其暫勿刊板爲要弟昨日黎明分道疾馳進擣白霓橋金逆亦分途抗拒左右兩路先遇賊橫衝截殺追逐三十里及通山二都白楊地方共殺賊約四五百名生擒三四十名容有要供再行寄閱奪獲大小旗幟百餘面刀矛尤多馬驢十餘匹並殲其騎馬賊目多名內有二名著大紅呢褂又奪偽印照偽文冊多件

內有請救文稿云十月通城失守張將軍升天云云附陳以博一笑

復左季高先生

六年十一月十三日

承示甯鄉袁州之事欣悉之至石翁了甯鄉事卽往湘鄉查陣凶案感極惟觀其來書似未明所以辦之之法且專指羊樓岳州之役而言甚憂之蓋此事不於未辦之先布置妥當而用普查之法則不惟不能查明且足以啟禍患前七月內奉先生書所以絮絮言之者以是故耳特恐政務多端日久未及檢閱茲特鈔前書呈覽務懇速賜察核施行幸勿以其瑣瀆而忽之則感戴厚德實無旣極

復蒲圻李南生大令

六年十一月十四日

讀手書論崇邑之弊甚詳而羅山師之三大恨尤令人痛心疾首誓將城狐社鼠盡得而甘心焉然辦此等事有要領有次第尤非獨力之所能爲前此之紳求其不庇縱而不可得安能望其有所獲耶見在挨戶編甲按堡練丁壹俟團成再移師進剿蒲圻十一日白霓橋一戰殲賊數百追至通山之二都民間始行鬚髮而家藏戶匿猶復不少欲盡逸匪非團練認真不可欲認真練團非得公正廉直之紳不可弟以慎選故未派定董事俟得其人然後遵教而行以成羅山師未竟之志貴邑事俟饒到卽調朱洪兩

營助吾兄誅其害民者想善後較易於崇因惠愛在民又兼賀雲兄相助爲理也

復胡潤芝中丞

六年十一月十七日

奉讀賜書仰悉獎掖後進之盛心統籌全局之至意愧甚佩甚竊才至庸劣心之所至力不足以赴之然旣與此閒事敢不竭盡愚誠以求補救於萬一日來袁郡已復援吉之師又數道並進瑞州有峙衡等悉銳攻之江右當有轉機防堵兩粵者亦均獲勝少杜窺伺敝軍想可暫駐多聆大教也州縣親民之官委任誠宜得人况逆賊前此所爲多能沽恩市德若不稱職尤難圖治三復鈞函所示爲之

浩歎此地並無教官可檄庖代者卽幸而有亦非長策也
襄鄧隨州之匪狡然思逞使飢民起而和之必難收拾能
速蕺事乃佳耳饑項艱窘是行軍第一苦况籌辦之法無
微不至猶不足以資接濟實沒奈何之事南省亦已萬難
支撐矣鑫所部勇三千有奇需饗甚鉅計惟有裁勇以節
費之一法如農田值旱與其多漑而終於同槁固不如少
灌之猶有所得也尊體方就平復精神正宜節養望以愛
民者自愛爲禱

復武昌嚴渭春太守

六年十一月十七日

勇返接讀手書並另稿深佩經濟本乎愛民治安急於擇

吏此閒事勢洞悉隱微令人頌服無已然才難之歎實非
一日恐此時尤艱於遴選或僅廉潔耐苦者亦佳若並此
亦難之則百萬瘡痍無蘇之日也弟將通城善後部署粗
定仍留張司馬襄沈廣文督辦團練初五日馳攻崇城與
賊遇於洪橋堡一戰而殪其精銳乘勢逐北餘匪棄城宵
遁旋益以蒲孽復聚白霓橋十一日進剿戮數百人殲渠
甚夥追至通山之二都潰散之餘無多矣見維力籌善後
遴選局紳僅得素行潔清劉衡之等十九人月之望日始
定總局辦團編甲清匪練丁各執厥事更將前此作弊局
紳並治此亦勵人心之一端也刻下督朱遊擊會洪守備

進埽蒲圻弟待清理此方當親歷壕頭洪口石阮藏匪之鄉窮治一番再赴蒲境自應遵教小住然此餘孽不難淨盡所難者兵燹餘黎急望一賢有司以拊循耳

復蒲圻李南生大令

六年十一月十九日

三復手書領悉一切賊聚而易擊散而難勦老兄最悉情形如購線將數渠生致強於戮餘黨數千矣朱芳浦昨已起行由石阮洪上至棠境望與商之然倚之攻大股耀兵威則可若搜捕零匪恐賊情地勢有所未諳還須老兄與部紳籌之必能中的矣鵠盼好音不盡縷縷

復賀雲舫孝廉

六年十一月十九日

讀手諭與李南翁緘情形瞭如指掌梁
不敢奮螳臂明矣然此逆不就捨恐珂
謀及渴望之至所示朱洪進兵路徑望
俟此方大致清理當親歷白羊下巖壑
教也

復臨湘周渭川大令 六年十一月

頃奉手書承代籌機宜俱已心佩並示
欣躍無已弟自將崇逆痛剿之後餘匪
益以蒲孽復聚白霓橋我軍十一日往
夥追至通山之二都卽將本地善後徹

兩營分擣蒲圻梁逆不敢抗拒率餘黨盡竄興國因興國
有由武甯竄來之匪三四千台以崇通蒲遺孽詐稱盈萬
復悉力上犯弟擬卽日進剿誓必痛加芟夷跟蹤逐北則
通山興大各州縣或者可以乘機廓清也棠境之團聞閣
下訓練日有起色尙祈時加策勵精益求精俾鄰境之民
有所觀感而興起弟辦各邑善後亦可藉收事半功倍之
效曷勝盼禱之至

復朱芳浦遊戎

六年十一月二十日

頃奉手緘得悉一切梁逆乘大兵未到之先率黨四百餘
竄興國因興國添集武甯敗匪三四千益以土匪並崇通

蒲遺孽其實不過六七千今悉力上犯詐稱數萬大約日
內必來就戮誠一大快事也若乘破竹之勢下勦興大各
州縣吉營自當并進似不能久駐蒲圻也

與成靜齋茂才

六年十一月二十一日

前日接奉還雲反復紬繹凡所爲勸善糾愆論事評人者
無一語不中肯綮不具至理非知我之深愛我之切不肖
爲此言亦不能爲此言也兄敢不永矢弗諼勉而行之以
期無負雅意乎日來胸中絕少甯靜之致由平日養心養
氣未能用功耳稍暇則溫周易而心不與理洽掩卷時又
覺書自書我自我然猶稍勝於悠悠過去也賢弟姿稟剛

明待友誠摯迫於堂上之命不能出而相助兄亦不忍相
強但望時錫箴言匡其不逮恩恩不盡欲言諸惟照察不
宣

復武昌嚴渭春太守

六年十一月二十三日

接奉手復雜誦之餘具悉忠愛之忱籌畫之周不禁悅服
無已崇陽之賊自敗竄通山後會舍通蒲江西義甯各路
餘匪仍復上犯弟昨分兵迎擊擒斬七八百追擊二十餘
里經此一番大創諒不敢再至矣惟是通山居通城崇蒲
之後埽清此地則三城之門戶固一切善後更易得手弟
亦庶不負此行擬日內進擣該處爲久遠之圖待武漢收

復始議班師如天之福或無內顧憂耳見今洪營駐蒲朱營駐崇張司馬調歸此地以通城辦團清匪效有八分城內亦養練勇六百足資鎮壓故也

復朱芳浦遊戎

六年十一月二十三日

頃接來函具悉壹是蒲邑久爲賊踞故民情反側一聞進剿其大股遠颺而餘匪穩匿鄉村又以該處絕少正紳此非懾以兵威勒令練團逐匪難收成效也惟此時渠賊已遁其能戰積賊均已附之而去必無慮其再聚夥黨與官軍相拒者但留一軍駐此以資鎮壓當亦足矣崇蒲敗匪會合武甯興國武穴各股匪仍圖上竄於昨二十二日分

數路前來約三千人弟俟其近營擊之斬賊近七八百名而所獲旗械不少頃探敗匪竄走通山興國一帶弟以通山民情尙好若不進紮該處恐失民望已準於明日拔營前往而請尊營移駐崇陽以固人心此閒總局紳士劉衡之等數十人尙屬廉正係弟委令辦團吾兄到此務祈益加訓練令其認真辦理爲禱洪宜齋仍駐蒲邑其勦撫善後事宜望卽妥爲商籌然後起節饒銀四百兩已收到弟處正在呼庚得此稍濟然人多食缺刻深焦急時局所迫將如何也

與康斗山直刺

六年十一月二十三日

千里外得故人一紙書如獲拱璧矧長善救失無微不至
尤令弟感佩勿忘也曩者蒙賜箴言時銘諸心惟自恨遷
善不速改過不勇無以對我良友何敢更爲汰復自重罪
讐乎承示取士觀人之法事上接下之道皆能洞中病源
諄諄懇切往復不倦非知我之深愛我之至安能如是弟
雖不敏敢不請事斯語痛改而勉行之哉弟以庸才驟荷
重任學識旣多不逮精神因之日減晝夜思維常懼覆餗
貽友朋羞深悔從前之不自斂抑致息肩之無地如天之
福各處逆匪蚤就肅清終當歸田奉親稍遂平日讀書之
志若宦海名場不特力有不能抑亦性所弗習也前在省

奉檄北防未許出境及至臨湘見北省通城崇陽蒲圻各州縣均爲賊踞毗連我疆若不越境進剿防堵終無已時月餘以來幸屢戰屢勝收復三城見在清匪辦團求固邊防稍有頭緒武漢之賊窮蹙已極指日定可克復金陵內亂日甚僞東王楊秀清爲僞北王韋昌輝所戕又傳言洪秀全亦爲其黨所殺江西袁州亦經克復吉瑞各郡當有瓦解之勢大局應自此有轉機矣惟饑項支絀已甚營中之勇時憂飢寒深爲可虞耳太老伯母明春值八旬壽期本宜搜索枯腸恭述懿行永爲巾幗模範特筆墨太陋而又絕少暇時方命之愆尙祈恕之幸前者羅山師已作壽

序望覓底稿擇便寄來弟終當書就奉上也岳州之役久未查明未嘗一刻或念見中丞委石翹觀察來辦此事想日內已得見矣然祇是查明耐入羅山師專祠以昭忠烈優卹一項則屢經苦求此時萬不能有所發給也

復咸甯黃師石大令

六年十一月二十五日

本月又奉手書賊圖竄崇誠如來示蓋武興崇通餘孽四路烏合遂思螳拒幸二十二卽來就戮分兵迎擊陣斬八百餘人逐北二十餘里近探又竄入老巢矣弟以崇蒲通城漸就清理不搜捕通山則三縣之門戶不堅民心亦因之不固見已酌留朱洪二軍分駐崇蒲以資鎮壓親率本

部移駐通山待此閒事蕨則彼地善後事當更得手矣

復李迪葺都轉 六年十一月二十六日

接奉尊函知前三書均達青覽昨夜又接到手諭欣悉武漢均已克復我省從此可紓北路之防而江西又可得銳師之助舉手加額至再至三惟饑項一事艱窘太甚敝營之勇親招者多日來飢寒交侵弟爲之寢食不安昨接中丞潤公信知已發給銀千兩錢二千串犒賞全軍各營勇夫可得旬日之飽惠莫大焉前者窮極矣思欲託老兄密商潤公稍爲接濟今觀來示則尊處固已若是尙何望乎滌帥遭際若是眞令人急煞然天留碩果知必不食之矣

袁郡之捷雄軍之往不可謂非蒼蒼者之有心也安徽金陵光景甚好大局應有轉機惟吏治之壞如故有事既全不關心賊去卽因亂漁利若此之徒比比皆是人心何由正風俗何由純則禍亂亦何由可已耶弟深恨德薄才疏不能挽回補救於萬一每念及此憂懼交深尙望有以維持之而教弟以所不及斯爲幸矣

復胡潤芝中丞

六年十一月二十六日

初五日戰後十一二十二等日又倖獲兩勝而後一仗更快追過白霓橋卽傳令拔營窮逐誓不復留餘孽忽左右告曰今早各哨實有因無米未及晨餐者遂不盡賊而返

深用悵然茲蒙大惠念各勇微勞當萬分艱窘之時賞銀
一千兩錢二千串俾四千五百人得旬日之飽其感激自
逾尋常也饑日竭而靡饒者更多事方殷而任事者絕少
興言及此可勝浩歎讀來示盜賊之害小而吏治人心之
害大二語真令有心人一齊墮淚貴恙兩月未愈系念實
深聞諸老醫久痢則元氣虧損服藥宜用升補之劑望勿
過於剋伐也

復朱芳浦遊戎

六年十一月二十七日

來函領悉壹是鄂城賊半合興國敗匪竄往江西瑞昌李
迪兄聞已抵興國此時崇通蒲圻通山各邑亟宜搜鬻土

匪力淨根株弟前與崇邑紳士約做營未至通山則拏賊
可從緩以拏一匪而各匪必聞風下竄做營既駐通山則
該逆無路可逃從而擒之次第就誅此其時矣惟望吾兄
速卽勒令崇通總局及各團紳將爲惡積匪剋期拏解到
營正法必不使一名漏網以彰國法而昭炯戒是所至
禱通山地匪亦多弟當一例辦理也

復臨湘周渭川大令

六年十一月二十八日

接手書得悉壹是且諄諄以地方官爲念官不難難其賢
耳當今之世盜賊之害小而吏治人心之害大瘡痍初平
團防始集奸猾伏弩正士懷疑苟不得賢父母撫綏而振

作之適足以撓正氣而長邪萌於是而團散於是而匪興
吏治之害此其一端昨已數寄書胡中丞懇求之矣尙未
知崇蒲蒼生有福否也武漢於二十二日克復皖吳消息
均好金陵內訌大局從茲有轉機乎弟二十二日一戰殲
八百餘賊二十四日乘勝進搗戡定通山擬力振此間團
事以固崇蒲通城之民心庶旋師後續辦更得手也

復武昌嚴渭春太守

六年十一月二十八日

二十六日接手示欣悉武漢克復不禁距躍三百弟於二
十四日乘勝進搗戡定通山見在力整團務因無守土官
仍倣通城例札教諭李鶴訓導劉元發暫行代理矣閣下

既到省營想卽揀選賢能來此以助撫綏也興國之賊探報亦隨城賊分竄瑞昌九江等處想尊處早有的耗見在布置如何並乞隨時示知爲荷

復巴陵黃東治大令 六年十一月二十九日

手示欣悉一切自弟二十二日勦敗就戮之匪乘勝進擄賊定通山適武漢克復餘匪與興大巢賊均隨大股分竄瑞昌等處官軍分三路躡追昨聞胡中丞亦至興國弟擬辦妥此閒事卽旋師圍搜鼓山到彼時定飛知吾兄督團相助也安陸望援鄂省想能分應黔匪被勦深慰鄙懷刻下江左右消息大好我省北防亦可從此小休矣敝營饒

竭正苦呼庚省局業已籌運弟卽派人前來接領兩月以來諸務多勞照拂容班師時面申謝悃耳

與胡潤芝中丞

六年十二月初一日

拜讀十九日手書敬悉壹是得鄂城而全局俱靈先生之苦心運籌得迪厚之同心相助而益彰矣季公於此事實已殫精竭慮他人每多議之然君子處世只求盡夫理之當然人言何足恤也龔不才遷延道路不能乘大軍埽蕩之時迎截敗匪猥承慰念疚忤滋深矧厚貺軍士有加無已也尊體望力加調攝俯仰乾坤幾人撐持愈一身之疾乃能治斯世之疾也滌公心事如蒼天白日而剛正之性

不可屈撓其行之通塞係世之否泰彼氏之子固亦無如
之何耳通山民風似勝於崇而士風之卑靡無恥則又過
之蓋興國則更不如矣崇陽通城得諸大令理之想有可
觀此間雖暫委教官代理人固長者辦事尙難及通城之
沈廣文亦亟須司牧者之有人也然使如崇陽之馬則又
毋甯姑緩之時事之艱如此而人才日見甚少宜先生念
之而蹙然神傷矣然亦祇得徐以圖之過爲憂憤以自損
無濟也

致左季高先生

六年十二月初二日

後書作答前面始到以去勇候中丞公批故稍遲耳亂民

不難於殺而難於查訪的實苟其情既得斷不忍留以禍
吾民鑫嘗謂不忍於除暴者乃忍於害良其跡似仁其究
不仁之甚又嘗謂打一仗易辦一匪難二者之間固不敢
意爲輕重也武漢復而興大無復股匪盤踞曾金諸逆僞
行仁義民且懷之尊示天民數語何精確乃爾也蔭翁克
袁其功自不可沒卽有議之者庸何傷惟滌帥所處真是
不易其尤難者仍是饒項一節耳敝營昨由崇來通山窘
極無聊幸潤公送犒金正值其乏否則殆矣牛仔營戰事
聚訟如此徐以察之是非終當自明也鑫近日來極知智
識淺短不敢輕出一言以議人短茲又有不得不爲先生

告之臨湘某明府居心狡險以庇匪殃民爲能鑫初至境渠來見卽極言伊治臨湘純以德化嘗三至龍窖源不戮一人鑫始以爲過於仁慈意當無他乃細察其所爲凡正紳之實力辦公者必多方屈撓之匪類之罪不容誅者必曲意袒縱之以良送匪禍在難測以匪控良案無不準以此姑息於盜賊而示威於一方前此賊之聚踞龍窖源者尙揚言某太爺待我輩甚厚若至縣城不要殺他伊聞之而自喜故持之益力鑫前在龍窖源拏到句賊首惡鍾華玉周美玉蕭玉恆蕭永泰等正法此四人者遠近切齒皆知其罪無可寬而渠方欲保之以結賊歡尤有甚者鑫每

至一處於團練極力講求從未輕委一人全材不可亟得亦必訪求公正有廉恥者爲首事以董之故能集事如臨巴西北鄉各團鑫費盡許多心力始有成局實皆委局總生員劉璈及二三正紳之力豈知團練成便於民不便於官必欲設法敗之自做營既遠另舉所私充爲團長以恣其所爲且傳驗非本縣札委不爲憑致鑫前所委各紳皆紛紛來營請假以恐遭後累爲詞伏思鑫自奉委以來靡饟數萬謂可稍告無罪者團練其一端也今所爲若此是使數月之功墮於一旦實爲可惜望速爲密商中丞公別委賢員來臨幸勿遲延嗟乎使其可已鑫安能盡以循吏

望天下也肅此專勇前來儻能俯如所請蒼黎幸甚若窒
礙難行則請祕之恐彼聞而肆毒必更烈也

致邢星槎太守

六年十二月初五日

敵軍分道越勦倏經六旬崇蒲二通幸得戡定昨二十六
日進駐此間力圖整飭團練而久亂之區民氣柔脆振興
殊不易易擬俟稍有頭緒卽行返旆湘南昨接李迪兄函
知已乘勝追擊直指潯城借重麾下一軍扼守興國以當
江楚之衝近接芳暉末由把晤悵惘何如頃據敵營探報
興屬之石角山疊嶂層巒綿互殊遠舊爲藏污納垢之所
近有潰匪數百匿入其中而又詭祕其蹤多已鬚髮似必

三少司之文集
三
請明接別以淨根株想尊處偵知之亦早見及此矣

致李迪葺廉訪

六年十二月初八日

兩次勇回接奉還雲領悉壹是我省幸尙無事援黔之師
大振軍威肅清銅仁一帶永屬之防粵匪者似可支撐倣
軍暫駐此閒想亦無他承示力辦善後一層敢不謹遵日
來又稍有頭緒矣裁勇一層本難遽行特以籌餉太艱恐
不得不然幸旬內陸續解運臘底或可敷衍得去明春則
未知何如居今日而任事豈能過憂慮乎惟聞滌公在江
西牽掣較甚於前未知近日是何光景此時已前來與磨
下會合否又聞有副使將至果信然耶弟有書上之所爲

轉呈雄師已薄潯城該逆等應爲膽落惟其地尤爲賊所
力爭之地恐不免恃其故智則難以遽期得手或少需時
日也若安慶早復當更易爲力耳鄒公弟常耿耿於心茲
得明示欣慰之至卽著人往安陸詢問起居且得便探信
息也

致曾滌生侍郎

六年十二月初八日

世固有迹似終睽而實神交於千里之外者此不特難以
見諒於流俗也卽一二有識之士亦多泥其迹莫察其心
夫豈咎人之不相知哉生平讀書論古竊見夫賢豪者流
或於其志同道合之人仍有齟齬遂自負昂藏傲岸之概

不肖稍爲降下君子謂其所執者隘而所虧者多也乃忽
忽焉而躬自蹈之不亦傷哉龔之受知於閣下也基於壬
子之冬而極於癸丑之秋少自遠於閣下也肇於加募之
事而成於敗衄之後其中離合遠近之故未始非彼蒼者
之默爲顛倒位置而疏狂之罪在龔究無可辭矣厥後閣
下重整師旅率同心以張撻伐由湘而岳而潯千餘里間
水陸所至虜公立奏威名大震而前恥盡雪雖人事變遷
不無失意之端然公之心事與公之勳業固已揭日月而
並行矣所可痛者塔公殞後羅師又相繼而及於難天厄
斯道乃至於此每一念及悵悵焉不知神魂之何在而龔

數年來徬徨奔走於嶺表洞庭之間
一日而不可得於戲茫茫天壤同志
誰是此鑫所以情不自禁而欲一獻

致鄒叔明廣文

六年十二月初

自前春岳城敗衄蒙先生救蘇殘喘
眾常懷大惠未嘗敢忘惟以東奔而
德輝又復久稽箋候歉仄良深昨從
隆欣頌無既鑫於前年夏間奉檄西
兩粵邊境者兩載凡百數十戰幸粗
賜積勞成疾乞假數月秋杪率勇北

境崇蒲二通力爲廓清稍有頭緒自維才德俱劣謬荷重
任朝夕惕厲時虞隕越更望不棄時有以教之爲幸安陸
隨鄧一帶近狀何如並乞詳以見示肅此布達鄙悃不盡

一一

致左季高先生

六年十二月十一日

勇回遞到初三回示領悉種種迪兄於二十九已乘勝至
興國初五拔營直下九江傳聞初七日已薄城下前日來
書云滌帥有朝發夕至之約且欲乘其驚魂未定而取之
也如能速下大是妙事特恐其守備先固又以前此之得
志而仍誓死守則不免老我師耳興國已有邢星槎太守

率二千餘人辦之想能力爲清洗一番然亦非易事矣北岸冗雜之眾數至五萬求其不釀成大變斯爲幸耳尙望其能勦賊耶潤公深以爲憂鑫亦爲之危也來書鈔電所處事勢頗艱而抱恙已久雖其體氣素健亦甚可虞迪兄書言其有東征之志尙未知 旨意何如鑫思此閒善後事亟須整理不識已有安頓之法否也做營饗項極承關注感勒何可言狀惟巴臨兩縣地丁恐不可恃黃令昨日信來並無征存之款臨湘則前聞其養勇數百若總局因此而不爲另籌則臘底萬不能支矣蓋自出省以至於茲雖蒙解饗兩次實僅二十二日之糧耳將何以濟也鑫

素不肖以此等事累心日來實爲所困矣

復邢星槎太守

六年十二月十三日

前奉復函敬悉壹是本日又接手書擘畫周詳頌服無既
通山之類興國特受染有輕重之分耳弟辦此事略如來
示所云誠以辦積弊之區與新破之地異如治亂絲不在
割也如澄濁水不在急也示之以嚴假之以寬其庶幾乎
四角山一帶雖云無匪然興國淪賊獨久庇護較多敝探
言臨巴蒲崇二通之匪前均攜眷赴興國此次懾於兵威
恐未必盡往瑞昌興屬之寶塘地方有花姓明姓許姓作
賊者甚夥楊辛上下均有賊目在家渡口駱東陞油田八

甲朱老十均僞將軍無印堰頭華祖貴則有僞將軍印也
且聞北鄉及各山僻之境未鬚髮者甚多其規避如此藏
垢納污又如彼此必不可恕者也務懇老兄密查細訪而
一一按剔之則正氣更易伸矣

復李春醴觀察

六年十二月十五日

不致書月餘正欲修柬尊函適到詢張弁知起居佳勝慰
甚月來三接黃蕭二弁稟均在與灌陽接壤之永安雷口
等關獲勝來示言東安以全州之故告急蓋賊已分股故
也惟黃沙河有段公之千人防堵新甯兩江君又練本地
勇一千以待之或可無虞又聞新鎮軍彭遊府宋均能認

真公事惟楊太守未知何時蒞任如能文武一心則更可恃武漢於前月二十二日同日克復李迪葦方伯率陸軍與楊厚庵軍門水師連日乘勝克復黃州蘄州及武昌大冶興國瑞昌等州縣初八日已直薄潯城殊爲快慰援黔之師亦獲奇捷銅郡一律肅清劉蔭渠觀察克復袁州後圖新喻以撼臨江滌帥之弟沅浦與副將周鳳山進攻吉安亦獲數捷江右事勢應有轉機惟隨鄧之閒捻匪蜂起安陸近又失陷而湖北吏治之壞尤爲不可言狀潤芝中丞屢書及之輒太息痛恨無可如何北岸五萬之眾穴雜而飢深爲可危今冬敷衍過去來歲春夏之閒必有大荒

恐我省上游之豐稔者亦難保不形缺乏想籌畫亦早及之矣鑫自前月二十六進駐通山而分軍駐崇蒲搜匪辦團陷賊久而旱災甚殊難措手日來雖稍有頭緒其可恃與否尙不敢知入冬以來幸託蕩庇尙無大恙惟精神稍遜往年知關綺注故瑣及之

致左季高先生

六年十二月二十五日

前信發後卽於十九日拔營昨二十四已抵岳矣朱洪尙分駐崇蒲囑其過歲始回軍恐歲暮班師民心動搖也細思此舉實未十分妥當甚哉無我之難也潤公奏稿指陳利弊極爲明晰讀之佩服無已方今 聖明在上所請

想必蒙俞允潯城守備聞更嚴於從前恐遽難得手尊論
恐其取勢於我楚上游翔岡亦嘗以此爲言鑫思我省若
防之甚嚴受其禍者或當在閩浙乎臨瑞雖未卽下然勁
旅可恃援吉之師頗眾未知均得力否湖北之通城江西
之義甯尙在可危北路之防雖不似前日之急要尙未可
忽也

復胡潤芝中丞

六年十二月二十七日

日來連接回示欣悉貴體漸就平復慰甚三復奏稿尤令
人慨然想見古大臣丰采而所以爲地方計者又何其至
切以周也惟前札言通山捐項一節心竊疑之連年被賊

蹂躪今歲旱災尤甚若再徵之何以爲生卽云彼固曾貢
貲媚賊今責以助官軍何不可者然前此不得已之舉愚
懦者受其害而莫可控訴彼狡黠者固無恙也今若概責
以捐恐狡黠之首士肆毒於地方且又甚焉斂怨釀亂弊
不勝窮鑫思此等地方惟嚴誅匪類而追其貲產之一法
可以稍濟公用雖所得較少爲力較難然舍此實無可籌
也昨者恩恩言旋崇通數縣善後事宜諸多未了鑫之初
心固不出此緣粵寇頻窺而江西賊蹤幾遍自武漢克後
大軍進擣潯城江賊歸路已斷勢必旁竄橫逸思肆毒於
南省湘之東境在在堪虞不早嚴防恐一時徵調不及受

三月廿三日
三
禍必深此中丞札調之實意並非見存畛域也不然督憲亦祇留駐崇靖鄂省之上游卽以固湘省之藩籬固兩全之道何故爲此大愬之情耶惟是知遇之感依戀之私耿耿於中不能自己行當益竭駑駘求盡夫力之所能爲以期報稱於萬一耳

復義甯郭雲友刺史

六年十二月二十八日

勇旋奉芳訊領悉之餘竊歎江右之堅城厚饒半以資賊吾兄奮然守凋敝之區撫瘡痍之民保障一方其用心亦良苦矣然不經盤錯不足以成利器此天之所以玉成豪傑也但做鄉一隅邊防八面西黔北鄂南越東吳連年請

援無日不勞師出境近民窮饑竭岌岌強支幸同學數君
血誠共矢千鍾百鍊始終不渝弟遽旋岳郡者因西粵之
之興安已陷東粵之芙蓉又棘惟恐赴援之不速耳茲承
示尊處情形既如此同是王土王民自當先其所急而近
者弟俟將各邑團練分布隘口卽赴通城如化疆勢眞迫
切務望嚴飭團練兵勇以待弟見羽書當星馳應命其地
勢賊情尤宜查確詳晰緣鼠輩伎倆慣於聲東擊西儻士
紳不察遽爾呼援不獨使士卒勞於奔命而且必失事機
度高明有同心也弟已札飭駐崇朱遊擊洪守備與部下
聯絡一氣諒已通於左右矣茲聞貴境自先師羅山先生

三月五日
用兵後團練漸興繼以吾兄之振作竟成勁旅其中紳董必多賢者望乞詳告焉

復義甯州士紳 六年十二月二十八日

頃奉手書承指示一切情形藉悉捍衛桑梓勞苦功高惟貴鄉與賊密邇父老子弟知以前車爲鑒努力同心此深明義極則利存公極則私存之道也儻有大股逸至如終能固守待援弟自不分畛域星飛以應若聞警張皇卽以尺簡相召無論兵單不能分守各邑尤恐墮賊聲東擊西之淺術事果急時轉呼應不靈矣更有告者城中宜多儲米糧旣爲守計亦便援軍買食弟軍令素嚴雖一草一木

皆平價易之從不妄取於地方此楚粵之民所共信也嗣
後賊情尙希勤告並將貴州精確地圖附寄如有武甯者
更妙

王壯武公遺集卷十二終

湘潭朱士宜校勘

王壯武公遺集卷十三目錄

書札六

與朱芳浦遊戎 咸豐七年正月初二日

與邢星槎太守 七年正月初三日

與左季高先生 七年正月初四日

與諸蘭谷大令 七年正月初四日

復周渭川大令 七年正月初十日

復左季高先生 七年正月二十一日

與羅鎮堃茂才 七年正月二十一日

與朱石翹太守 七年正月二十一日

二月五日
與文式巖方伯

七年正月二十三日

與朱石翹太守

七年正月二十三日

復李迪葦廉訪

七年正月二十七日

復諸蘭谷大令

七年正月二十九日

復諸蘭谷大令

七年二月初一日

與桂庾樓觀察

七年二月初二日

復諸蘭谷大令

七年二月初三日

復左季高先生

七年二月初五日

與吳翔岡

七年二月初六日

復郭雲友刺史

七年二月初七日

復胡潤芝中丞 七年二月十二日

復諸蘭谷大令 七年二月十二日

復鄒杏崖刺史 七年二月十二日

復李迪菴廉訪 七年二月十四日

復莊渭生觀察 七年二月十四日

復周渭川大令 七年二月十五日

復諸蘭谷大令 七年二月十五日

復左季高先生 七年二月十六日

與胡潤芝中丞 七年二月十八日

與劉蔭渠廉訪 七年二月二十日

復諸蘭谷大令 七年二月二十三日

與賴古愚大令 七年二月二十六日

與葉介堂孝廉 七年二月二十六日

與李春醴觀察 七年二月二十六日

復左季高先生 七年二月二十七日

復胡潤芝中丞 七年二月二十八日

致諸蘭谷大令 七年二月二十八日
沈藍生廣文

復黃東治大令 七年三月初五日

復劉蔭渠廉訪 七年三月初五日

致黃超南守戎 七年三月初五日
蕭華林千總

與劉峙衡太守 七年三月十七日

與左季高先生 七年三月二十三日

復蕭溶川觀察 七年三月二十四日

與楊寶峯都戎 七年三月二十五日

復黃南坡太守 七年三月二十六日

與張漪珊刺史 七年三月二十八日

與張霽堂參軍 七年三月二十六日

復夏雲舫大令 七年三月二十七日

與李懋齋大令 七年三月二十七日

與吳羽臣 七年三月二十七日

三月廿五日
與羅雲浦茂才 七年三月二十七日

與羅鎮莖茂才 七年三月二十七日

復黃生雲岑 七年三月二十七日

復楊石泉茂才 七年三月二十七日

復劉霞仙先生 七年三月二十八日

與左季高先生 七年三月二十九日

復蕭濬川觀察 七年三月二十九日

復文輔卿大令 七年四月初一日

與易芝生茂才 七年四月初五日

與劉峙衡太守 七年四月初七日

與李希葦太守

七年四月初八日

復蕭濬川觀察

七年四月十三日

復夏憩亭方伯

七年四月十七日

復蔣薌泉太守

七年四月十七日

與黃超南遊戎

七年四月十八日

復左季高先生

七年四月十八日

復曾沅浦司馬

七年四月二十二日

1302

--	--	--	--	--	--	--	--	--	--

王壯武公遺集卷十三

書札六

與朱芳浦遊戎

咸豐七年正月初二日

獻歲想臺從及士卒勳祺竝懋與歲俱新爲頌弟去臘南
旋畱兄北駐以地方初復民心未定苟失鎮壓適廢前功
而崇陽三省之樞紐尤大局所關見在武漢雖復九江未
下北軍精銳盡擣堅城江西之賊勢橫出楚境武甯義甯
在在堪虞駐崇以振二通左顧右盼足以消北省之窺伺
而固南省之藩籬吾兄之功爲不小矣弟仍駐岳相機而
動苟武義有警則捲甲趨之與雄麾會勦無事亦當率騎

重來查辦各邑團務以酬未了之願晤言不遠惟小佳爲
佳茲又議請洪宜兄來通城矣肅此并達

與邢星槎太守

七年正月初三日

去臘小除日奉到復示敬領壹是惟時已抵岳城矣恩恩
撤防事多未了良用歉然然恃有兄在想通山近已有兵
至矣弟軍幸無他顧之憂見仍飭朱遊擊部勇五百名駐
崇陽洪守備一千二百名駐通城設江右之賊由武義橫
溢弟卽星夜率所部捲甲趨之否則親徇崇通查辦一切
以了前番未竟之願興國淪賊既久匪徒實繁來示積日
累月與之更始誠爲遠圖特殺從亂之人百不如辦首亂

之人一否則多殺無益亦誅不勝誅也想高明早有同心
矣迨兄力擣潯城又成老師之勢無論卽下與否臨瑞亦
慮旁出覓在賊勢如何乞隨時示知爲荷

與左季高先生

七年正月初四日

接到二十九日鈞諭領悉壹是銓於仕宦一途不特非心
之所願且亦無此等才情此不惟先生知之卽他人亦多
知之前月接制軍札深用鬱悶擬俟有 諭旨卽稟懇
中丞代奏如實不能辭則以有志觀光請免簡放惟此中
體裁銓全不知尙望先生有以示之也中丞公與先生之
於銓何啻家人父子銓之肺腑豈尙有不相諒者若能爲

鑫脫此牢籠則感戴實無涯矣今日又接到洪守備一稟知天下事更有愈出愈奇者蒲圻李令炎保舉朱洪二營各數人不但統領者不得與聞卽本營營官亦不先爲知會先生聞之得毋又笑曰渾敦窮奇兼擅其長耶已擬稟其荒謬且嚴詞問之也

與崇陽諸蘭谷大令

七年正月初四日

崇通如大病新起非公敷以惠而不費之政難復元氣此和扁異於凡醫也昨義甯官紳稟來言奉邑敗賊不能竄瑞飄忽邊界恐臨瑞復并以彼州爲壑刻維嚴裝以待弟以義甯爲崇通之障設藩籬一破難免餘燼不復然以應

之卽能速了吾民又經一劫情何以堪已約郭刺史萬一
有警決須固守吾軍必裹糧卷甲星飛赴援此我輩分內
事也豈存畛域之陋見哉一俟臨巴團練整飭後當親履
棠疆瞻仰新政茲印告示六百張已另札崇通蒲通局紳
分揭矣但願無甯州之行得以分老兄之勞將團練再加
振作然莠民未盡病根莫除此實非弟耳目所能及惟恃
神君妙用有以處之而福斯民也

復臨湘周渭川大令

七年正月初十日

頃奉惠函并大稿披讀之下敬悉鴻猷遠略擘畫周詳令
人頌佩無已但羊樓司較他處似爲脂膏之地弟每見市

鎮汛兵平日治盜不足庇盜有餘偶一聞警輒先倡逃奪團練之氣散士民之心者比比皆是事後動以眾寡不敵爲辭在上者不得不憫而諒之未聞警一而戒百此時弊非法弊也若巡檢外委如能盡賢則無弊誠有如大稿中所言匪徒無從託足團練更爲嚴密果如此則弟之所大願而閣下良法美意亦不致孤負矣茲蒙虛懷下問敢妄及之知不足爲定論也

復左季高先生 七年正月二十一日

拜讀手示辱承獎藉且厲厥志慚感奚如公私義利之論甚精持此以應天下之務安有不盡善者自茲以往此事

可竟置之弗言昨接潤芝中丞書云決不札調以失南北之歡亦決不奏調以分閣下之心云云則其意似甚明若再追咎是使人弗堪以顛門中丞之大度先生之卓識固無俟鑫之絮言也事平徐議之說雖較得體然鑫之欲以觀光爲詞者實以仕途非心所願亦非性所習不問其落養否也奏卽已出願先生識之而有以曲成其志爲幸粵東西事勢如此寶永之防固不可鬆郴州釐稅亦必爲之大減是可憂也江西情形近復如何桂東之師想已出上猶龍泉均得手否乞詳以示之迪莽在九江除日誘賊撲營獲一大捷聞初五又大勝之爲之一快惟克復尙難尅

三月二十一日
期耳濃勇強悍近亦稍馴然視湘勇約束較難昨因事勢
漸鬆已撤之矣朱芳浦忠勇而多病近且增劇而幫辦及
百長絕鮮可靠者殊爲慮之翔岡是獨關生面手段非因
人以成事者昨已歸家想得見矣

與羅鎮堃茂才

七年正月二十一日

不見久矣襟懷磊落何嘗或忘也讀來書慰且感焉欲敘
衷腸如一部十七史直不知從何處說起惟望速爲命駕
來營暢談數日庶慰數載契闊之心可否相助俟晤時商
之兄亦不相強也

與朱石翹太守

七年正月二十一日

奉到復示敬悉游覽之勝寶眷團聚之樂慰甚記中一段
議論鑫常與人言之特無此文采耳此作可不朽矣尊跋
簡老周至得史遷筆意可卽均請郭筠公書之鑫當倩人
鐫諸石以遺來世也邑中事曾爲季丈言之未見施行想
因政繁晤時祈道及當能記憶也查陣亡一節本極難之
事非大力始終玉成忠魂將永湮於地下乞與季老諸公
熟商成此盛舉是幸四年三月鑫在岳州歸湘所上之稟
其稿已失祈查總局底案鈔一分擲下前接季老信云臨
江或可先下果如此亦可幸也刻下臨與吉瑞均有勁軍
攻之迪兄由武昌直擣九江亦事勢所必然似不得謂其

過猛惟聞潤公中丞又自請行心竊慮之以勁旅盡出省城空虛也兼署崇通諸蘭谷明府勤敏廉明若能久任不特該處受福卽我南北路之藩籬亦固此聞黃君雖不及然視臨湘某君之一味粉飾取巧則又相去遠甚矣

與文式巖方伯

七年正月二十三日

久未上書心恆眷戀鑫自回師駐岳戰守得暇乘閒整頓團練建立礮卡方專力於北防又聞全州被圍桂林告警南路爲公所經營之地想盡慮已早及之矣周愍節公殉難永明之後命婦襁兒煢煢無告因愍節爲急公之故所墊口糧各項盈萬餘金皆稱貸於戚友鄉族未曾領償近

日景况尤令人酸鼻愍節平日廉介自矢不計身家永郡之民猶存遺愛曾幾何時鴻妻孀子無以自存深爲可憫今周夫人使其甥李希治叩轅申訴想公嘉愍節之忠義必益矜恤其妻孀所有應領之款迅賜籌發此不特愍節之毅魄銜感於地下卽湘楚士民莫不頌公盛德凡忠勇之倫亦必興起而樂效馳驅矣又堯前經督帥兩次奏請駐鄂昨忽以嚴辭呵之并責令欽遵 諭旨毋稍違干咎伏思堯以不學少年得從事於明公之後幸免隕越如大難稍平決須償十年讀書之志若遽然提將官裏誠非素願所存萬懇公速商中丞公迅賜出奏請免赴北候補

以遂賤子觀光之志則感荷栽培之德實爲無既矣繁瑣
獻言情不什一惟冀詳察

與朱石翹太守

七年正月二十三日

二十一日書諒達尊覽家兄至營備述貴眷未到楚之先
極歷艱險念之令人心悸然如此亦可見天之所佑賊無
如何也周光翁一生忠勇以急公之故負債甚夥今其寡
婦孤兒窮窘無依而追索者方急實屬可憫之至鑫前此
欲爲稟求恐涉冒昧今其甥李邳堂兄爲哀請於撫藩二
公務懇於謁見時力爲玉成不特周氏存沒均沾卽鑫亦
感戴無極矣邳堂醇謹篤實鑫所深知諸凡尙祈指示爲

禱

復李迪葦廉訪

七年正月二十七日

臘底勇回奉鈞函祇領壹是茲際斗杓東轉維勳業與年
華俱新爲頌弟此舉本太恩恩其中亦實有不便明言之
故據目下光景而論自可久駐岳郡以爲上下策應朱軍
尙駐崇陽洪軍已令由蒲圻改駐通城弟亦擬不時梭巡
各邑以固民氣如義甯等處有警當捲甲疾趨力圖掃靖
已密發探卒并知會各地方官紳矣潯城雖未遽下而六
晝夜之攻可想見老兄之英勇士卒之用命令人歎服惟
初到時乘吾銳而用之固不得不急旣未得手則又祇可

於城外籌策毋徒苦攻其氣已定則擾之難也想高明早有成算矣長圍困斃之計既與滌帥定議勢固宜然特小池口與湖口賊壘尙在當設法取之庶可斷其接濟與救援耳芳浦近多病幫辦及百長少篤實可靠頗爲慮之調取一層俟再思可也通山互控之案係賊黨自相攻擊俟其解犯至通山代理者有稟來再爲處置該處人情狡詐士習卑靡弟前日辦理僅有頭緒而卽行此心實耿耿不已也

復崇陽諸蘭谷大令

七年正月二十九日

頃奉手書領悉種種足徵鋤奸志篤撫字心勞然治亂民

如亂絲尙望潛心靜默以運之日久自臻上理勿過爲焦急以損神也彼地太無人物原非我輩一時能轉移其習俗不得已思其次專擇樸實者而用之或不致大僨事耳弟方乘戰守稍暇擬將巴陵要害處築礮訓團以豫之再出境經理一切不意宜昌不守荆郢動搖南楚岳澧在在須防俟稟商南撫憲布置後卽前來晤教且幸義武尙安鄂之後路暫或無他朱芳浦因病裁撤弟當酌量派員分防斷不使棠境久虛也

復崇陽諸蘭谷大令

七年二月初一日

月朔奉手書聆悉壹是弟正擬出境閱團忽聞彝陵之變

設荆河有警吾肘腋被牽矣而湖南之澧州常德岳州安鄉華容石門永甯各郡縣與之水陸交通尤多間道省垣之兵盡調征江黔兩粵腹地空虛此弟不能不速爲籌及者恐洪守備須調赴安鄉防堵也芳浦旣病不能軍綢繆棠境計惟益張聲訓新至之三百名以資鎮壓不知崇通能籌如許饒否特商之乞卽酌復弟稍暇亦必往崇蒲二通以踐前約然湖南若不極力預籌豈僅吾軍之食可虞也哉

與桂庚樓觀察

七年二月初二日

入春以來互通賀柬而已卽維宣勤闡寄保障勳崇爲慰

弟回駐巴邱候經月餘方乘暇日與曹黃諸君議建礪訓團爲永逸計而彝陵之變忽生意外諒澧常安華石永之水陸閒道帷籌已豫之矣吾省與江黔兩粵相持已久腹地空虛弟所部僅湘勇二千五百長勝軍一千二百控制咸甯崇蒲二通以備興國與江西義武之賊猶慮綆短若荆河有警則肘腋被牽大局攸關敢不惟力是視茲特專勇緘商乞將臺部布置情形詳示如團練營兵有藜藿不採之威敝營自應守岳郡門戶否則弟當爲公捲甲一行維需召命之至耳

復崇陽諸蘭谷大令

七年二月初一日

復函諒達覽矣又奉來書紬繹壹是芳浦前稟初四撤勇
回籍度初四日可以抵岳茲奉到南中丞札諭弟察看如
可支持仍令帶勇俟晤時再斟酌一妥免致兩誤漢陽裁
川勇數千聞逗遛叵測吾鄉豐屬亦入川之路與荆宜緊
連若不戒備恐負重罪弟既控制崇通蒲通不敢擅離計
惟暫調洪守備前往已於昨日飛札矣前函商益張弁之
三百人可行否乞示復至各縣情形尙希勤探有事務祈
飛聞弟卽捲甲而來也弟通盤籌算斷無南北之分如有
所見不妨往復商之苟與地方有濟惟刀是視耳

復左季高先生

七年二月初五日

二十五日書越二日卽到初三日書昨日亦奉讀矣荆沙
有此布置想暫無虞澧州宜亟設防若賊蹤蔓延施南以
及於川則西北之患方殷杞憂正長矣奉新復後義武尙
無警報崇通團防日有起色邢星翁在興國辦理亦漸有
頭緒鑫思省中實無勇可撥故卽遵中丞公札飛飭洪宜
齋率所部徑赴澧州以杜窺伺之萌朱芳浦病勢恐非一
時所能愈代將之說鑫心中實無可信渠日內將至當再
與商之兩粵事勢如此而江右方添援賊備之固不可不
豫惟將才難得而獨當一面者更非易言吉安事了胡達
人可速調回此有用才也幸畱意焉翔岡才出其上而需

氣太重故議之者亦多然翔岡能以功名終鑫尙不敢知
謂翔岡見用全不能有所建白鑫實不謂然也前商五百
人營官一層已作書勸之未知能遽出否如其有任亦須
假以時日驅市人而使戰翔岡不敢自信鑫亦不敢爲翔
岡信也愛才而善用之賢者必有以處此矣凱梅之不可
離我猶我之不可離凱梅也成兆侯是團練中僅見之人
惜暫不能離彼地以備他日之選可耳家嚴慈 誥軸
已承轉託嚴仙翁領到聞之曷勝欣慰家兄已前來祇領
矣叩謝叩謝周光翁事終是難了計惟暫籌酌發使敷衍
其萬不可已者餘俟事平後再給如何鑫日來將所部勇

力求整飭而自恨精神不繼尙幸無大恙耳

與吳翔岡

七年二月初六日

前家兄至接讀來書敬悉勉我至意廣東之事本非難了而了之無人恐成難治之證然今茲可憂者不僅一廣東也求賢以救世誠今日之急務要必德足以致之明足以鑒之而後真才可得鑫二者皆無故雖有此心而不食其報然此心究何可不勉也來書謂欲下鄉讀書固佳然苟可以行其所學則亦何妨姑試之且經一番歷鍊亦當更有長進昨季翁來書有欲屈賢弟爲五百人營官之語鑫已允爲勸駕且約以勿遽調用幸毋以牛刀不屑小試而

辭之也。渠於賢弟傾心已久，諸凡可以面商定議耳。竊思古君子處事待人，總以平恕二字爲主質之賢弟以爲何如也。

復義甯郭雲友刺史

七年二月初七日

承示賢紳程查陳吳曹韓諸君已心篆之矣。聞奉新餘黨南趨瑞州甯國賊窟，撫建似爲援吉臨而來，刻下義武可保無外來巨股而湘省東路之勢亦從此重矣。北路則襄匪勾結遺散之川勇窟房竹陷宜昌荆河大震岳澧所屬華容安鄉石門永定之水陸間道防不勝防，儻旁軼橫出闌入珂鄉卽嘉慶初年之局。故澧州一帶未可空虛，惟吾

鄉各軍皆往攻吉潯臨瑞并防兩粵牂牁弟軍駐岳控制
崇通蒲咸策應棠境未便他往不得已飛調洪守備由通
赴澧分軍駐防之諭勢有所不能遵俟布置停當再親巡
崇通亦可以壯化量之聲勢也

復胡潤芝中丞

七年二月十二日

連奉鈞諭稟復稽延罪甚彝陵變出意外幸指揮神速遂
仍奪逆賊之氣所望諸軍痛剿殲之當陽不使蔓及松枝
則鼎澧可免風鶴之驚前因南省腹地空虛無兵可調故
飭駐通之長勝軍赴澧防堵至此而事勢已緩遂姑止之
朱遊擊南桂前率湘勇五百畱駐崇邑因病撤營昨察其

弟惟堂尙可代理已請免裁矣川勇終是可慮連年以來
四處蠢動猶幸蜀難未作竊恐其於此肇之也兩粵之禍
日棘已深南顧之憂而江右吉臨瑞潯諸賊尙爲死守之
計饒撫匪勢大張自饒將畢金科殉難後尙未聞重整軍
威肅清果在何日湘省八面須防籌饟匪易求將尤難每
恨補救乏術寢食不安讀前諭決不札調數語仰悉顧全
大局至意匪僅下忱感激已也去冬聞咸甯有任生者已
爲入幕之賓果爲有用之才否奏陳湖北兵政吏治一摺
既拜讀矣所奉 上諭更祈示知且繼此以後願時有
以賜教則陶成之德終身佩之矣崇通團練日有起色若

當陽可速蒞事擬將朱洪兩營稍爲整頓仍令前往以資
彈壓惟鑫親爲梭巡之舉尙須稍緩時日耳貴恙已全愈
深慰鄙懷惟未知精神眠食均平復如常否前自請行一
層鑫竊惑焉斯時根本未固而良將勁旅率皆他出此淺
見所大慮也幸再思之感慕之極不暇擇言伏祈鈞鑒

復崇陽諸蘭谷大令

七年二月十二日

頃奉臺翰并再啟具已領悉前因彝陵之耗特調洪備赴
澧防堵今閣下來書以爲弟旌旆南旋想係誤閱弟之復
函耳昨接郢都來函知宜郡克復荆河勢壯弟已止洪備
澧州之行暫與朱營畱岳俟弟將兩營技藝陣法校閱重

三月五日
加整頓一番卽仍令馳赴崇通駐紮益張弁三百之說既
難籌餽自可止議崇通蒲通爲弟分內之事因刻刻不敢
忘然弟之軍餽年計三十萬金皆出自南省之民儻根本
不虞則全軍枵腹矣此亦不可不爲慮及今崇通無外患
又得賢令尹消萌於未然豈獨士民之福通山士風卑靡
民情柔懦弟前駐軍市月極思遴紳辦事求如劉衡之輩
亦似祥麟威鳳不得一見誠可歎也吾兄治崇通兩月不
要錢善辦匪鄰封爭欲借寇弟不已另備公牘務希撥冗
數日爲弟一行以慰士民之望也

復澧州鄒杏崖刺史

七年二月十二日

勇旋誦手復并稟稿紬繹一切指畫運之於無形使民心頓定弟已深服閣下確有把握矣故卽止洪守備之行頃荷專賜示稿讀到一時烏合四處狼奔兵未至而地方被擾兵已至而賊又先逃一節兵與賊之無能皆可想見曷勝歎喟閣下得滯人士之心免客兵跋涉省饑尤多弟實佩而感之弟以鄂守過單不得不以崇蒲二通爲己任擬上已前後親往訓團又因吾湘各軍攻潯吉臨瑞正急大約臨瑞先下瑞之北甚虛恐殘氛橫軼崇通而驚我岳郡故先塞其流諒無虞其決也惟粵事太棘時切杞憂力小任重戰兢自持望常賜教言爲慰

復李迪莽廉訪

七年二月

十四二十六兩次惠函均已領
不然之勢我省八面受敵良將
已極弟軍若再爲湖北絆住萬
山師與兄其明徵矣朱芳浦患
又令弟酌留昨已與芳浦議暫
變欲調勇防澧州而無可調故
至岳而事勢已緩遂姑止之饒
下尙勉強敷衍尊營想更艱難
虞饒道釐課所損實多乎然事

也潤公意極殷勤報稱良不易惟此次保舉實非所以愛我浮功之賞適足以重愆而折福耳敝營及所轄各營之勇與臨巴團練之出力者似宜由南撫憲奏請獎勵惟崇蒲二通出力官紳則歸湖北爲正辦也朱芳浦茶陵案內所保亦當遵查特彼役實不足言功耳曾老伯於二月初四日仙逝滌帥此時想尙在瑞州殊爲悲之胡俊彥前年帶勇隨勦郴州賊極爲出力因係耒陽縣所養勇故由耒陽縣張明府保舉把總實尙不足以酬其功昨帶勁勇四十名投營因其來已遲難以安頓故特薦之麾下乞爲錄用當必竭力報効也弟生平不敢輕薦人以此子可造故

爲一言願畱意壽

復莊涓生觀察

七年二月十四日

時局艱劇同志無多閣下勲望崇閎弟傾心已非一日迺辱惠函先賁深感無倫彝陵之變潤芝中丞以所上書寄示捧讀之餘服其從容應變井井有條知此賊不足慮也時弟處派原駐通城一軍馳往鼎澧一帶駐防不數日而捷書至因令緩行此可見閣下指揮神速省力殊多然竊謂此賊不難於戰而難於防若諸軍不能窮其所往而盡數殲除仍恐蔓延爲患此後籌兵籌餉將益形艱窘想盡畫必有以處此矣弟去冬回軍駐岳仍以時督辦崇通各

縣團防刻下幸均有起色惟是湘省以一方受敵八面粵寇頻窺而援江各軍輒相持於堅城之下設變生意外腹地空虛弟軍駐此蓋日深內顧之憂又以力小任重常懼隕越尙乞時惠教言俾有遵循至感至感

復臨湘周涓川大令

七年二月十五日

臺函詳示彝陵賊情足徵關懷大局感佩之至弟前以岳澧所屬安華石永與荆宜毗連之水陸閒道極多是以飛調洪守備一軍駐澧策應茲得郢都莊觀察函云賊於正月二十五東竄宜郡克復見又竄出至清溪河地方刻下南勇礮船馬隊均已雲集荆州聲勢頗壯云云故暫止洪

備赴澧朱芳浦病重其營官以千總朱惟堂權攝因崇通
蒲未可久虛仍令同洪營駐岳聽調也但此股毫無伎倆
數亦不多走而不守必然之勢若民稍能團練官稍能守
城何至使郡縣紛紛報陷裏脅旬誘而至此哉言之可勝
歎喟吾省岳常澧各屬應防之隘安得許多兵勇預爲分
布故論今日之局不能辦團練不足與譚兵也敢爲同志
同情者一道及之此亦老生之常談耳

復崇陽諸蘭谷大令

七年二月十五日

日前公贖去後猶慮閣下無暇及此正深懸切忽奉手書
欣悉銳然任之感慰之至緣通山不霑王化已久弟戡定

之始未便以欲速心治之不意恩恩旋師致多未了如骨
鯁在喉必欲一吐之爲快閣下前往強於弟多多矣前札
局紳稿附覽此實屬可惡之情形也襄事甚小竟釀至如
此曷勝浩歎前函希檢閱賜復爲荷

復左季高先生

七年二月十六日

連奉復函慰悉種種在湖南可照料湖北在湖北不能照
料湖南之論極爲允當數年以來我省之助各省亦多矣
何嘗稍獲其報乎荆澧探回備悉前此彝陵之失可恨可
笑洪軍尙駐此間所部勇操習最久且多南勇在內技擊
必有可觀惟性情膽氣有非一見所能悉者裁汰一層且

俟斟酌朱營則已與商去其太甚者惟堂如來見祈再畱
意教之尙能虛受也更換百長代擇幫辦極是難事蓋粗
言則營官亦尙易舉若審擇之精則雖什長有難愜心者
矣竊歎每事求妥當真能道武侯心事也翔岡才足有爲
先生旣知之深而愛之切必有以善處之矣海南船性質
似近浮薄一路如未能自克則不願與周旋然人才難得
終思一見之以叩其底蘊也丁月臺好學有志趣特用世
之才太短耳兩吳君有才如此真是可幸我省或者可免
西顧之憂乎去歲在省曾訪段公而不遇尊評與外間所
議亦頗相同蕭弁之才勝於黃而誠樸勇敢不及吾終以

黃爲優也江君忠義惜未得面晤果能刻刻訓練當亦寶
永之長城矣兩粵事勢已緩而石逆又率眾來援江西有
已到饒州之說若併力一處頗爲諸君慮之鑫聞此信殊
覺技癢也滌公園賊瑞州聞尙缺北門一面日來得丁艱
之訃想大難爲情曾老伯素嬰鑠乃忽至此思夫子父母
之年數語我心如刺矣搢紳鑫連年託人購之終不得善
本乞爲謀之瑣事煩瀆尙祈原諒

與胡潤芝中丞

七年二月十八日

十二日上一書想邀鈞鑒昨有同鄉李察菴續禮過此欲
赴迪菴之約逕道往溥其人羅師之高弟而鑫之至交也

特屬其就瞻山斗以擴見聞且鑫有所欲陳於執事而楮墨不能達者可藉以傳或有緊要機宜亦可面授之以達於迪莽也頃聞南省米商由鄂回者謂官吏每勒抑其價值致多折本頗聞風相戒此道路之言恐不足信如其然非所以招徠商賈也且食者兵民之大命况當兵燹歲凶之餘乎願留意焉頃接省信兩粵事勢稍緩鑫營想可久駐此間多承教益差足慰耳

與劉蔭渠廉訪

七年二月二十日

久不奉書思慕彌切邇維威名震赫勳業宣昭至以爲慰鑫自去秋九月奉檄北防差幸事機順手肅清臨巴邊境

以次及於崇蒲二通舊歲臘底回岳見尙督辦湖北鄂南諸縣團練投剔積匪惟兩粵之匪窺伺未絕終是可憂也所望麾下與諸君子迅將江右各處逆氛掃蕩無遺則兩湖均託安謐我省得專力以防南路是則私心所日夜禱祝者也雄師此時間已取道攻臨未知尊體較往歲更康健否念之茲有舒再元者自隨忠愍公勦賊多年去歲在黃守備輔鼎營內充當哨長最爲出力已保把總昨來營投効因人數太滿無所位置特給川資令其前赴貴營乞隨材而器使之爲幸

復崇陽諸蘭谷大令 七年二月二十三日

頃奉惠函備悉壹是日前得義紳程鏡麟稟瑞賊於月之三日由北門竄出經官軍戮之數千仍退入城接濟早斷又稱該州人心奮勵團練復有轉機見抵棗橋猫竹山觀其意似能死守以待援者果如其言弟必星飛以援之况鄂守過單弟自應以崇通蒲通爲己任免分攻潯之師援鄂而撤郢都之藩籬也原刻思馳赴棠疆始因澧防繼因三營之饑欠至五萬餘朱洪兩營尤宜整飭一番朱惟堂尙未到此爲事勢尙緩而言設有警信卽無饑亦當捲甲以應斷不使一賊履崇通之土而隳我前功也通之新令尹何如希詳示之是望張弁之誣已早爲之白矣良晤匪

遙粗復布臆

與東安賴古愚大令

七年二月二十六日

去臘奉書至今未睹回示懸繫正深昨春翁觀察信至稱先生因勞致恙醫藥鮮效聞之曷勝惆悵方今事勢岌岌斯民陷於水火之中所仗一二賢父母拯救若先生者所謂祥麟威鳳不世出者也迺當此上下交孚之日忽見隄於病魔亦斯世斯民之不幸矣茲特遣价敬問起居何似尙能勉強支撐否寶眷想在任內以後作何安頓世兄年幾何矣均念念奉上二十金聊作藥籠之需伏望不棄而晒存之爲幸

與葉介堂孝廉

七年二月二十六日

往歲有事珂鄉藉親雅範每念閣下植品之高赴義之勇
不特當今士林中所罕觀求之古人中亦不可多得真不
負讀書矣况有健堂諸君子及應陽父老子弟莫不急公
好義殷殷拳拳有加無已遂使賢父母愛民如子之至意
無不畢達令人恍然思唐虞三代之盛治惟賴古翁因勞
成疾竟爲難治之證鑫聞信之下憂憫實深且宦囊如洗
何以自存茲特遣价稍奉藥資藉達區區之意至所以釋
其身家之累而報其憂勤之德者知閣下與諸君子必憂
爲之無俟鑫之過慮也

與李春醴觀察

七年二月二十六日

奉到還雲藉慰別懷潤芝中丞述楚北軍政吏治一摺銜去臘拜讀實深欽佩如此立言斯稱不朽惟武漢復後諸務亟待整頓而宜昌旋失聞官軍至該逆又竄走襄郢人數雖不過千餘竟成流寇之勢存省之兵甚單饒項欠至百五十日蓋亦極難支矣九江之賊不敢復出堅守如故瑞州或可先下吉臨援賊頗多如劉蕭曾周諸君子力能制之斯善否則其事有不堪設想者尊處較近想得的音也英清之賊爲數日眾不急翦除終是後患粵西之禍竟無了期幸賴德威邊防頗嚴或可無虞惟賴古翁因病成

三月五日
三
廢父母之恃長城之倚既兩失之而宦囊素無長物家口
嗷嗷何以爲生念之惻然已致書東安人士倡爲飲助或
免流離失所之歎然而苦矣去秋曾陳對聯數幅敬求法
書營中諸友亦有所請務望椽筆揮就去勇由東安回乞
賜音一併擲下也貴體近復若何惟努力珍攝爲幸

復左季高先生

七年二月二十七日

昨午接手諭知臨吉情形甚悉卽切切以楚勇爲慮夜閒
與諸友敘論輾轉不寐近四鼓而公牘至矣此時彝陵之
賊回竄襄郢江右之義武楚北之崇通團練似有可恃若
不趁此北防稍鬆之時急將東路軍威大爲振作恐漸潰

裂不可復支將不僅江西之軍難以收拾也故決計將此
閒事粗爲布置卽日拔營起程前進望速函告蔭翁力圖
整頓站穩地步以俟我軍且請致書濬翁及攻吉諸君萬
不可因小挫而隳銳氣致長賊勢鑫此去不敢稍延勇近
三千兵力旣厚且月餘以來訓練淘汰較前數年頗覺稍
精心中似有把握斷不少避艱險有負同志也又前滌帥
諭義武之帶勇者云須防瑞州敗賊冒死北竄致攻潯之
師轉而援鄂則大局又不可問鑫身在此閒斷不敢他諉
坐令釀成此患今旣爲此行尤祈先生飛書告之并告峙
兄萬不可任其北走收一郡城而使鄂湘兩省受其流毒

也惟金此舉出於
否則別調一二雷
不敢遽離桑梓左
蓋發清積欠外至
也望速籌之爲幸

復胡潤芝中

拜讀鈞諭知饑
根錯節者矣古公
之心以維之每誦
幸也乏才終是可

幕矣廬墓作賦私心已竊疑之廖公之議實非無見用其長而化其僞是在作育之大用矣通城之夏蒲圻之任初到時似尙能勤其職者惟通山實不放心暫託諸令旁及之或稍有濟興國事竣恐終須邢君一爲治之鑫此行出於萬不得已然不敢太遠亦不敢甚久如天之福賴諸君之力迅將吉臨瑞潯諸郡肅清大局尙有轉機否則可慮者不僅江西也季公實能知先生者籲公亦大君子偶有違言幸大度置之當此 國步艱難之秋惟數大賢之心共濟耳若以小嫌介意尙何望焉質之先生諒能恕其妄而強納之矣相違愈遠承教尤難臨行上書不盡依依

致

崇陽諸蘭谷大令
通城學沈藍生廣文

七年二月二十八日

同舟其濟忽爾暫違時局之變遷竟以我輩當之惆悵之餘惟相期其勉而已頃大府檄載偽國宗偽順天侯吳逆等率湖北安徽賊數萬猛撲劉觀察攻臨之師於太平墟營壘全失見湘省無兵可益弟不速援恐攻瑞潯之師奪氣則禍又流於鄂矣棠疆團練頗覺可恃然須重紳士之權則氣愈固此臨別所贈之言也希識之此後望時以好音惠我爲禱倚馬恩恩不盡什一

再通山之事前兩函致蘭翁已詳但彼邑新令尹未到一日吾兄當竭一日之力以治之賢者多盡一分心則民多

受百分福弟於鄂中丞稟緘均詳及之斷不使吾兄有出位之嫌也能紓弟耿耿之懷其感激當復何如

復黃東治大令

七年三月初五日

頃辱手柬藉慰離粽礪卡一事仗大才調度鼓舞羣情成功可期不日此久遠之利也九江軍饑久欠大是可慮而桐城萬餘之兵竟至飢潰尤堪浩歎時局艱難日甚一日此後更有不堪設想者矣弟軍前隊已於昨日起行弟於明日繼之至袁州會合其緩急知會各軍以定進勦之策耳保摺已收到肅此布復

復劉蔭渠廉訪

七年三月初五日

頃奉還雲備領壹是老兄援江疊收大捷二十日之變以
眾寡懸殊諸事會湊所致早已得諸季公之信然我輩日
與兵事正難保其必無挫折弟前年岳州之役其往事矣
得失之數聽之在天甚勿以此累諸懷來是爲至禱弟軍
以初二三日抵省因饗項未發數日稽延前隊已於昨日
起行弟擬明日繼之至袁州會合一切進剿機宜尙祈示
知面晤匪遙餘不多及

致

黃超南守戎
蕭華林千總

七年三月初五日

別來已經年矣幸得公牘往還得藉時悉近狀弟去臘回
駐岳州督辦湘北鄂南數縣團練并乘閒暇晝夜訓練士

卒修築礮堡未敢片刻偷安二月二十七奉羽檄調援江
右刻卽赴程初一抵省日內卽由醴趨袁直攻臨郡惟期
迅速廓清以紓我省東路邊患南路藉重長才逆賊不敢
窺伺然連踞百餘里肆無忌憚頃又報陽朔縣城失守則
桂林兩面受敵孤注殊屬可危彼中當事何默默也郴桂
江永案內超南兄已爲之保遊戎畱南補用華林兄已爲
保千總并加守備銜其餘營內各員并悉照來單轉請去
臘底撫憲由驛具奏見閱邸抄悉蒙 俞允因部咨未
到致未行知茲特專布卽祈兩兄先換頂戴以作士氣并
傳諭合營一體遵照可也

與劉峙衡太守 七年三月十七日

時局艱劇同志益稀閣下應召出山威名四噪不獨弟與胡左諸公敬服稱之軼倫超羣也久欲竝轡一方努力王事不圖竟奉援江之檄於本日抵袁聞閣下困強寇於釜底亟欲來作壁上諸侯奈言安呼援蕭老亦有濟師之召弟因初到賊情地勢未諳擬稍爲休息卽赴分宜將大局審定無論何處喫緊卽星飛以應必求一發中的先破其堅斷不敢不度緩急輕重作無謂之浪戰亦不敢逍遙於無賊之鄉而株守一隅也瑞郡一帶輿圖諒籌帷必有精確者乞賜一紙如何

與左季高先生

七年三月二十三日

拜別後十一日起程十三日抵醴陵晤崔柏軒明府見其
尙有愛民實意心甚敬之十七至袁郡張太守已先期迴
避見祥協戎麟昭都戎亦名麟譚論逾時亦似能勤厥職
者時蔭軍已兩捷矣因天雨思少住而蔭兄連函催促探
報亦稱賊必欲集大股再來新喻決戰乃於十九日率四
旂勇冒雨前進二十抵新喻連日偵探賊悉退往黃土太
平墟一帶大股屯聚城內竊疑陰岡嶺又有仗開也前在
省時鑫謂賊不能得志於陰岡嶺將併力圖我吉安之師
以取建瓴之勢而公謂賊必不忘援瑞今賊之由吉援臨

者尙未回竄吉郡似不出公所料然吉城中之賊復分股由泰和上竄鑫言似又不幸而中如其然也則大可懼者有二焉龍泉官軍前已竊慮其單今賊又益之幾何其不困此軍困則二桂可危二桂危則郴衡所屬皆可危雖得志於吉臨瑞將何補乎此其所大懼者一連州苦賊已久南韶之師復困於清遠使賊由崇義上猶閒道踰大庾嶺而擾此三郡結英清之匪而犯我南陲空虛之地則建瓴之勢尤烈雖倖獲吉安又何補乎况其必不能也此其所大懼者又一管見所大懼者援吉諸君子無一字及之而第鯁鯁然曰恐上竄之賊合泰興龍萬各匪據贛江以拒

我師也飭王某來駐峽江遂足斷吉臨各賊之聲援也此
鑫之所不解者矣鑫思刻下事勢非敝軍與蔭軍進逼臨
城則蕭軍不能前來會合蕭軍不能前來則蔭軍難以獨
支蔭軍難以獨支則鑫之一軍難以往來馳突縱橫如意
質之先生當必以爲然矣特恐不幸言中蕭劉會合之後
敝軍不暇爲雕勦江賊之師而轉爲回救郴桂之師也昨
接峙兄信言瑞城月內可下如早歲事則此軍可易爲雕
勦鑫得以綽綽進退相機回楚視各路之緩急而應之至
恐餘賊由義甯竄擾一層鑫昨致峙兄書又囑之想必加
意使復一郡城而使流毒兩省豈峙衡之所以爲峙衡乎

新甯團練尙好零陵頗有得力兵勇然使賊用全力或難
深恃東安則尤可慮賴公既去民心失依卽或新任真能
繼美輿情亦難遽洽前在省接彼都人士書又晤其辦事
者數人皆有退志此處有失則永寶震動卽由祁陽直趨
衡湘亦意中事也其如何調度之處祈示知爲慰馮春翁
寄來稟稿言黃馬二股賊情甚悉慨然以邊防自任此公
向慮其視賊太輕然細玩其文實似有把握者且有條不
紊而七百之練勇亦甚處置得法使無掣肘之患此方當
可無憂改直隸州隸以永江甯遠三縣之說中丞公以爲
然否此實大有益之舉也望速成之

復蕭潘川觀察 七年三月二十四

昨奉還雲并賜地圖載謝之至今使不
與敝謀亦略相同諒此賊屢經雄師瘡
撫州官軍再得一臂之力則瑞吉之復
日吉城分股約七千上竄泰和冀圖合
桂若不得志必粵人歸粵糾英清之徒
方西路早平吾楚以南合力雖微猶能
霍雨暫留喻城似難剋期前進幸劉雷
援如何進取諒帷籌早有勝算希卽示

與楊寶峯都戎 七年三月二十五

弟前月二十七日奉調援江二十八自岳州拔營月朔抵
省因籌口糧艱難至十一日始由省出軍二十日抵新喻
蕭公屢捷劉軍復振大約臨江復在指顧瑞州接濟已斷
峙衡亦將奏功在卽昨聞撫州劉仰翁一軍獲勝惟吉安
雖於十二日水陸交捷而城賊約七千竄泰和恐我省郴
屬將有事矣如此方西路肅清得速弟擬捲甲回楚東南
全賴吾鄉爲滅賊根本之地豈容稍有差失何況兩粵較
前尤急弟不能不以楚事爲己任也數月以來賤體粗適
在營昆戚俱平善堪慰廩念

復

黃南坡
趙玉班

太守

七年三月二十六日

日昨連奉公緘正擬肅復適又拜讀手教詳悉壹是鏗二
十日抵新喻因連朝淫雨未便進攻實深焦急聞吉營十
二日水陸交捷之後城賊分股約七千竄泰和竊慮黨合
龍萬屯匪併力於二桂甚或粵人歸粵糾英清之孽擾我
南鄙則爲患滋大今諸公囑鏗分軍先勦峽江掘賊援吉
援臨之路尊處無下遊之防庶可分師堵泰邑勦龍萬諒
諸公斷不我欺鏗旣無龍萬之慮進駐黃土卽可分軍勦
峽矣劉蕭之力能困城賊鏗再率一軍渡贛江而東直趨
新淦盡奪長江之險以擣撫建斷三郡接濟則吉臨瑞之
復可翹足而待也惟龍萬之匪設尊軍不急勦之必蔓至

三月五日
吾楚吾楚爲滅賊根本之地其精銳盡聚於東腹地甚虛
儻稍有差失金不得不急捲甲而歸斷不忍僅復江省之
數城而使流毒湖湘以壞東南之大局也諸公分師勦龍
萬之議已稟知中丞矣區區管見諸公以爲何如再辱教
之爲幸

與連州張漪珊刺史

七年三月二十八日

通問久疏正深抱歉忽奉手書驚喜老伯母大人仙逝不
勝慟悼之至伏念老兄天性純篤當鉅任艱難之際適膺
大變其何以堪而連州久爲畏途必無人接代况英清事
棘進勦專以尊部籌兵籌餉又非他人所能揆帥以國事

爲家事亦必不得已爲奪情之舉弟爲兄設想至此不覺
肝腸寸斷矣然連陽年來頻罹慘劫稍慶再生又當豺虎
眈眈鄰境苟能全此數百萬蒼生之命亦足以慰老伯母
在天之靈也此其孝與割股廬墓孰爲輕重哉願老兄思
鄙言而益加勉之爲望弟自上年九月援鄂五戰肅清崇
陽蒲圻通城通山斷鄂城援賊幸武漢旋復緣北境不露
王化已久故攻之難而失之易弟爲之清匪辦團極力經
營始收戡定實效不意援江之師大挫是以轉旆之東三
月二十日駐軍新喻進攻臨江如并吉瑞兩郡速下則湖
南東路可紓弟卽捲甲踰嶺助君一臂盪挾英清軍旋時

當晉謁老伯母奠前一哭以稍申猶子之情未審得如斯願否也

與朱岡張霽堂參軍

七年三月二十六日

握別一年矣漪兄信來知老兄督東陂勇三千勦清遠此著萬不可少然而籌饒苦矣副閣下者定非成生不可聞勒三兄以孤城抗羣寇得老兄前去可以收功矣如其尙未弟俟此方稍妥當捲甲踰嶺來相助也弟自上年秋銷假後九月成軍援鄂五大戰肅清崇陽蒲圻通山通城斷鄂城後路而武漢旋復因四縣腥熏日久極力綢繆方收作新之效茲因楚軍有援江之失馬首東來如臨江瑞州

皆力此敬東 總均根吉

多戮一積匪將來少殺數十百人此其功德豈有量耶鄂
省泄沓成習得閣下與蘭兄掘而洗之吾鄉北境受賜多
矣會於月之二十日抵新喻卽緘商圍瑞諸帥深以復一
城而使餘孽流毒崇通禍延鄂渚爲戒日昨劉峙衡兄復
緘亦慮及此幸有以豫之斷不至有遊魂北竄之事也弟
見以劉蕭兩君圍臨城擬親率一旅渡顛趨新淦以擣撫
建斷吉臨瑞之接濟三城或可速下惟粵東未甯粵西又
棘彌切隱憂耳

與宜章李懋齋大令

七年三月二十七日

久未通問頻聞政聲卓著慰甚竊自肅清鄂之南路因武

漢守戰兩湖東路太虛欲駐岳以輔鄂詎意援江之師失利不得已馬首東來見吉安臨江瑞州圍而未克弟擬親率一軍渡贛而東盡奪長江之險以擣撫建斷三郡接濟惟日前吉城分股約七千上竄太和竊慮合龍萬屯匪併力二桂甚或粵人歸粵糾英清之孽擾我南鄙則爲患滋大又聞朱岡張霽堂兄率鑫上年所練東陂團勇三千進擣清遠揆帥又派兵四五千助勒三兄節節勦上第恐又如前年以楚爲壑之故轍也楚之精銳盡聚於東又須分防黃沙河并征西黔將何以應惟望閣下豫整三堡團勇扼要待之鑫聞呼卽捲甲飛來斷不使蝨賊踐吾楚一尺

土也握管恩恩言不什一

與吳羽臣

七年三月二十七日

別後念劇維潭祺迪吉爲頌英清阻行旌半載弟亦同此
焦灼也近日消息如何想江粵得手難免不以貴鄉爲壑
彼都人士何以綢繆前年之鑒應已寒心矣弟因吉瑞圍
而未克擬率孤軍渡贛而東縱橫衝擊但恐龍萬之賊旁
軼頃致懋翁緘請其豫整三堡團勇扼要以待弟聞呼卽
捲甲飛來斷不欲使逆氛復擾楚邊也乞轉告鄉人甚勿
泄沓爲幸

與羅雲浦茂才

七年三月二十七日

虔誦手教辱荷獎飾逾恆愧甚鎮莖資性過人磊落中有
平易之致金敬之愛之舍弟今歲得此良友獲益當不淺
也金從戎有年鮮克建樹每當力不從心之時竊自悔讀
書太少修德不勤而又思狂瀾既倒終非徒恃決勝疆場
者所能挽回故於友朋與舍弟輩不能無厚望焉先生愛
我願時有以教之爲幸

與羅鎮莖茂才

七年三月二十七日

屢接下書未暇作答鐵兒來知賢弟已入塾矣應試工夫
不得不作特此心爲八股所溺則不可况窮通自有命乎
賢弟勉之草此奉寄祈隨時惠我好音爲慰

展誦

此弟

忘之

既惠

甯靜

矣警

展誦

者見不逮此卽知偶及之而仁或不足以守甚且視爲迂
闊而莫之省此天下之所以日趨於亂而莫可救藥也龔
也徒抱此區區之志蚤歲虛擲光陰業不修而德不立一
旦強以用世措施無本故志願不達欲求挽狂瀾而振頽
風蓋亦難矣然每當盤根錯節掣肘違心之會益歎民情
之易與而信王道之可行撫躬內疚竊恨世不我負我自
負世又思責無可諉未敢以自棄者棄人凡分所當爲者
勉而行之以求盡乎力之所能至焉亦庶幾補救於萬一
耳岳州殉難諸友請卹一節已與季老商定不以格部議
爲憂也龔抵江後肅軍已連獲大捷劉軍亦漸振俟天色

三月廿五日
稍霽卽會合進攻臨江賊若死守鑫當率一旅渡江而東
直據新淦盡奪長江之險以斷吉臨瑞三郡之援一面雕
勦旁縣以撼撫建激厲民心而善用之或克有濟俟局勢
大轉卽當移師兩粵以清南路滌帥遽遭大故殊爲憫之
三月以後恐不能不墨經從戎也率此布臆卽請道安不
宣

與左季高先生

七年三月二十九日

二十三日專勇奉送一函此時當達臺覽前日已拜讀惠
函矣蔭公居心醇厚接物寬恕無可訾議祇是太好二字
喫虧不少與鑫爲老友當思所以救之峴莊不特爲新甯

巨擘實我省之翹楚，竊敬之愛之不已。且服先生之賞識，不誣也。江味根勇往而諳練，有用才也。若悉如尊評，尙未敢信焉。吉安日內來信，竟能慮及龍泉萬安，深爲可嘉。但囑敝軍駐峽江，以便抽阜田防兵，專顧上面，回信慨然。自任以堅其志而專其責，惟思峽江之地利於守而不利於戰，可以通吉臨官軍之氣而未足斷吉臨城賊之援。查新淦在江之東，而又可扼撫建來路。若敝軍駐此，則長江之險全爲我有，西三郡之氣自奪，東二郡之勢可撼。擬日內分兵靖峽江，餘賊合軍進逼臨城，俟蕭軍來會，竊便可率敝軍渡江，直據新淦，雕窺旁邑，則全局俱爲之振。此舉明

知其非易然不敢他諉也比與蔭兄定議卽告之吉安諸公桂林被圍實深杞憂黃蕭一弁之勇似宜令其各加二百合成一千之數商之何如

復蕭濬川觀察 七年三月二十九日

接讀二十八日手書敬悉一切龔因浹旬苦雨築壘爲難頗深焦灼幸今日初霽已約蔭翁明早進紮羅坊前數里之鐵樹下卽分軍清峽江餘賊俟斟酌再進紮八角亭一帶當卽飛請大軍近城而營如賊必戰卽合圍痛勦一番或可乘機克復儻賊仍效堅守伎倆以老我師則商請先生同蔭兄掘壕圍之龔當率一旅渡贛而東收長江之險

以斷其接濟區區之見希高明有以教之是幸

復文輔卿大令

七年四月初一日

去歲里閒一別再會於星垣鞅掌徒勞不覺八閱月於茲
矣每悉戎幕延禧深以爲慰抵新喻後兩奉公緘曾將管
見奉復諒荷鈞鑒未識方家謂何浹旬苦雨築壘爲難未
能直前實深焦灼幸昨始霽已約蔭翁於今午紫羅坊前
八里之鐵樹下適使至拜讀二十八日書敬聆勝籌曷勝
佩頌弟前以龍萬巨股切吾楚南鄙之憂旋尊處旣以勦
龍萬爲己任自不能分兵勦峽弟決於日內派勇前往肅
清使尊處以便抽阜田防兵專顧上游惟峽江無賊僅可

通臨吉官軍之氣而不能斷臨吉城賊之援克復之期均
未可必弟擬仍如前說俟逼城而營賊戰固妙賊若堅守
當合劉蕭掘壕困之再親率一旅據新淦扼撫建來路則
長江之險全爲我有以便經略旁邑賊東二郡以奪西三
郡之氣諒全局爲之振矣雖兵家機要瞬息不同而規模
不妨豫定也質之閣下以爲何如

與易芝生茂才

七年四月初五日

去秋別後曾勒一函敬謝教言且求金鍼時錫以砭愚頑
勇回得沅兄書知臺從時已回府然此紙想得達尊覽矣
何至今無好音惠我也輔卿兄諳練老成且得老兄以襄

之沅兄雖歸軍政亦可不勞而理矣胡達人攻勦龍泉雖
屢獲勝仗而賊眾勇單竊爲慮之未知近日情形若何尊
處想得其詳有便祈示知以慰懸繫去秋亦寄書去不見
回音也弟此行出於萬不獲已我省上下游均難放心桂
林又有被圍之信矣

與劉峙衡太守

七年四月初七日

日前勇旋讀臺復佩慰豈是龔抵太坪後與蔭翁商籌卽
派勇勦峽江使吉安撤旱田防兵專力龍萬免流毒吾楚
之南鄙而牽制我師也初六日龔進八角亭養蔭濬水陸
各軍如約來會竊計城中雖賊少民多而糧礮甚夥如攻

守勢異肉薄徒然鏑擬效尊處掘壕以困請養蔭濬作老
營圍之鏑當親率一旅渡頓而東直擣新淦兼徇旁邑以
撼撫建收沿江之險斷其接濟則堅城或可速下也規模
雖如此定然兵機瞬息不同是否有合勝籌立望賜教瑞
營近况希并告爲慰

與李希葦太守

七年四月初八日

前日探勇回奉到手諭敬悉我兄在瑞代帶溫甫之勇與
劉普諸軍併力合圍知大功不日告成何慰如之弟奉檄
來江於初六日已與劉蕭二君進逼臨城觀賊之意似以
死守不戰爲主弟等祇得學兄等故智掘壕困之壕深牆

厚則兵力可分弟當率本部三千人渡江東據新淦
邑以據撫建沿江之險既可盡爲我有所以助吉臨一
之力弟之管見如是願老兄有以教之惟是粵東之由
殷粵西之禍尤烈我省邊防日棘未知弟果能久在此
洋壁上諸侯否耳皖省數年之力隳於一旦聞之憤懣
地蕲黃一帶實難放心鄂省之憂蓋不在江之南而在
之北也閩省之延平邵武二郡聞已失守自此沿海數
竊恐難得乾淨土矣潯城近日光景若何便中示知爲
復蕭濬川觀察 七年四月十三日

昨日得令弟緘擬今早潛師往剿竟爲滂沱所阻使來

悉會攻之期喜甚快甚已傳令秣馬蓐食敬如公約矣但
祝天色稍霽方好若如今日之霖霖實不便鏖戰也尙希
臨時斟酌爲禱再有奉商者竊計此賊怯而狡設踞堞恃
礮石誘之不出我軍似不必近城持久恐徒傷士卒而無
損於城鑫之見非敢阻各軍銳氣正所以養各軍之銳氣
也敢密陳麾下乞與養蔭二公議之何如

復夏憩亭方伯

七年四月十七日

日前峙兄寄到賜書敬悉近况慰甚頃又奉還雲心馳左
右恨不親炙一吐積私迺蒙示知天霽辱臨雖非鑫之敢
望實鑫之所大願也鑫自到此閒誘賊不出憤悶已極十

四日大舉環攻雖旣睥睨之賊甚多而士卒肉薄受傷者亦復不少見擬大造攻具決贛通袁以灌之設再不克必如前議直擣撫建斷長蛇之腰爲抽薪之計或不虛此一行也初五日商蔭翁派勇肅清峽江臨吉之氣已通吉安應許勦龍萬以固楚邊但不知究竟何如耳刻下貴省之機將轉敵鄉之禍方深三月十二日桂林遣韓陶帶勇二千擊城外之賊全軍覆沒韓殉而陶被擒某中丞諭百姓散去司庫蕩然危在旦夕今楚之精銳盡聚於東永寶數百里無可恃之軍若湘省不備滅賊之根本殆矣豈獨江鄂被其毒哉劉養翁尙未識面觀其舉動誠豪傑之士也

三月五日
晤時當道尊意

復蔣薌泉太守 七年四月十七日

客冬臺旆南旋弟適奔馳北境水陸相左惆悵奚如今春
晤家兄敬悉禮居壹是并承諄諄惟鄙人是訊感甚慰甚
前過省門知旌麾將蒞未能少待馳念正深茲蒙手書遠
賁過情之譽令人大慙惟桂林勢危南疆多故敝軍雖東
時有內顧之虞得聞節移永州杞憂頓釋下問邊疆守土
者當以道州馮君東安賴君爲最所以兩處之民亦頗知
方其次則江華之代理郭君尙能以謹愿稱者也帶兵官
之忠勇絕倫者應以黃遊戎輔鼎爲第一蕭守戎榮芳亦

係健將外此聞有宋遊戎者頗能戰餘則不敢知矣粵賊兇悍能耐苦戰幸股數雖多不甚聯絡以麾下節制之勇沉潛之謀戰勝攻取自易易也弟初六日偪臨江賊殊堅守誘之不出憤悶實深連日大舉環攻雖斃賊甚多而各營士卒肉薄受傷者亦復不少見在造攻具挖長壕斷其接濟決贛江之水奔袁河以灌之如再不克弟當親擣撫建爲抽薪之計如天有假手於我則江西有轉旋之機矣肅此敬復并以慰聞

與黃超南遊戎

七年四月十八日

春間在岳州聞部下之士盡戒鴉煙重整營規氣象嚴肅

竊喜閣下剛斷能挽頽風真男兒也故稟撫憲請添部勇
二百名尙祈勉益加勉鴟煙之爲物不知困弊多少英雄
况當軍務倥偬之時精力旣耗於戰勝攻取加此枯髓損
神立見其氣息奄奄銷瘦骨立焉有此等人尙能報國
立功耶兄能視如毒藥深惡而痛絕之見地高人一等楊
侯之功業有爲者亦若是也君其勉之弟所望也恩恩布
達不盡所言

復左季高先生

七年四月十八日

前數日接奉二十九夜復示深佩擘畫之周料敵之審且
悉粵西事勢如此已停渡嶺而東之議矣前日尊書又至

具悉一切此閒之賊無多百計誘之死守不出議掘長壕以困之養素觀察之意尙欲急攻蓋未知此賊之伎倆也已商蔭濬諸公致書前去且言如欲速成功則固不若障顛灌袁之爲妙未知以爲然否然我楚諸人則已定如此辦法稍待天霽便可興功長壕成則兵力可省况旬日內瑞郡可下儘敷分布也田楊二軍不睦調一枝他往良是惟細察此二軍楊不及田之銳而田不及楊之穩但田不護勇之短又與濬翁相得所部勇亦與湘勇爲親而楊皆不如則調田實不若調楊之爲得矣惟駐峽江則畫江而守可以放心渡顛而駐新淦雖彼閒見在之賊無幾然當

撫建來路之衝又與臨吉諸軍均隔長江之險如一軍者
雖倍其勇數倍且爲長慮而卻顧矣願先生審思而行之
樟樹水師最得力若雪琴分一二營來則可沿江而上直
達吉安擬日內遵教致書前去特此等事似未可專憑私
信望先生酌之且聞與厚莽軍門會攻湖口或未能分撥
也桂林之事垂危幸此時賊股多而莫適爲主蓋能聯眾
志而善用之者自胡有祿外賊中亦難其人朱洪英素愚
而威望已去不足憂也惟尊諭無論能支與否其禍必浸
淫入楚是不易之理特桂林存則禍小而速桂林失則禍
大而長如敝軍回至衡郡而桂林尙圍而未失則當趨救

桂林已失當守全州幸而賊勢不熾專防餘匪竄入則諸軍想尙可支鑫當先除英清之賊爲籌饗根本再轉旆以向粵西鄙見如此先生以爲何如

復曾沅浦司馬 七年四月二十二日

三月初行抵省門得聞老伯大人仙逝之耗不勝驚悼頃書至敬詳壹是身羈戎行未能趨奠抱歉奚如謹以一言奉獻靈右藉伸鄙忱賢昆仲方爲時局需賴忽遭此故深用慨然惟冀節哀順變爲 國民自愛卽以慰老伯在天之靈是所深禱弟材庸劣謬與兵事迺復過蒙獎許慚懼竝增先是蔭翁軍挫太坪中丞急調徹營前往策應遂取

道醴陵趨袁州以達臨江來書謂先從吉安下手未也近
以進圍臨城賊殊堅守擬築壕灌水以困之吾計可行復
渡贛東據新淦扼長江撼撫建以斷賊援則臨吉瑞三城
當可速下高明謂何惟粵西匪徒大熾桂林被圍我省南
疆行將有事敝部恐難久畱江西爲可慮耳吾兄吉安舊
部連獲勝仗堪慰廬懷恩恩布復卽候禮安

王壯武公遺集卷十三終

湘潭朱士宜校勘

王壯武公遺集卷十四目錄

書札七

復劉峙衡太守

咸豐七年四月二十三日

復左季高先生

七年四月二十四日

與諸蘭谷大令

七年四月二十六日

復夏雲舫大令

七年四月二十六日

復沈藍生廣文

七年四月二十六日

與胡潤芝中丞

七年四月二十九日

復惲澹生廉訪

七年五月初一日

與彭雪琴觀察

七年五月初二日

與楊厚募軍門 七年五月初二日

與吳竹莊觀察 七年五月初三日

復劉峙衡太守 七年五月初三日

復夏憇亭方伯 七年五月初三日

與李迪彝方伯 七年五月初四日

與李希菴觀察 七年五月初四日

與吳翔岡 七年五月初四日

與黎生警齋 七年五月初四日

復曹孟芳茂才 七年五月初四日

與黃東洽大令 七年五月初四日

復鄭鎮磐參戎 七年五月初五日

復劉蔭渠廉訪 七年五月初八日

與李希葦觀察 七年五月初九日

與劉養素觀察 七年五月十二日

與劉蔭渠廉訪 七年五月十二日

復文輔卿大令 七年五月十三日

與李希葦觀察 七年五月十四日

致劉峙衡太守 七年五月十四日

與黃超南游戎 七年五月十五日
蕭華林千戎

與吳翔岡 七年五月十六日

復文輔卿大令

七年五月十六日

與劉蔭渠廉訪

七年五月十六日

復劉蔭渠廉訪

七年五月十七日

與諸蘭谷大令

七年五月十七日

復蘇虞階刺史

七年五月十八日

與蔣薌泉太守

七年五月十八日

與劉養素觀察

七年五月十八日

復吉安各營將

七年五月二十日

與康友之大令

七年五月二十日

與李希葺觀察

七年五月二十日

復通山孔大令 七年五月二十日

復楊月樵大令 七年五月二十四日

與劉蔭渠廉訪 七年五月二十五日

與胡達人廣文 七年五月二十五日

復李笠山遊戎 七年五月二十五日

復文輔卿大令 七年五月二十六日

復諸蘭谷大令 七年五月二十六日

復劉蔭渠廉訪 七年五月二十七日

復劉蔭渠廉訪 七年五月二十九日

復劉峙衡太守 七年五月三十日

與左季高先生

七年五月三十日

與李黼堂觀察

七年五月三十日

復郭寶田大令

七年閏五月初一日

復文輔卿大令

七年閏五月初一日

復劉蔭渠廉訪

七年閏五月初四日

與李笠山遊戎

七年閏五月初四日

與章子清大令

七年閏五月初五日

與劉蔭渠廉訪

七年閏五月初十日

與楊月樵

黎友林

大令

七年閏五月十一日

與胡達人廣文

七年閏五月十三日

復左季高先生 七年閏五月十三日

復朱石翹觀察 七年閏五月十三日

復黃南坡太守 七年閏五月十三日

三原公家

四

王壯武公遺集卷十四

書札七

復劉峙衡大守

咸豐七年四月二十三日

賜函贊決前籌同心之言深愜肺腑弟渡贛之舉自信頗
堅祇以連得季老函驚悉桂林城外全軍覆沒司庫蕩然
危在旦夕粵之中丞令百姓各散無策可施似此憂將及
吾楚鄉矣永寶數百里無可恃者恐羽書將至未克東行
且吾鄉精銳盡聚於瑞潯吉臨設湘中不虞滅賊之根本
殆矣弟若渡江撫兩郡豪傑結以信義必當爲我馳驅如
事半棄之恐繼之者呼應不靈也儻賴

三月五日
國家威靈粵西有意外之捷或楚邊戒備已成弟必踐其
前說矣劉養翁水師將鐵鎖竹筏斬盡江面均已肅清此
公昨已得見誠西江之錚錚佼佼者也

復左季高先生

七年四月二十四日

連接鈞函敬領壹是劉梅心先生誠爲可惜矣吳胡所部
勇不多能擇險固守以俟濟師斯善耳尊書論臨城賊情
確是如是以理勢論之似必有援賊來者而不速來恐鑫
此行祇算完路債殊足悶人如新淦永豐有大股似須渡
江往勦之始可安心回楚前探未確昨又發探去尙未回
也二十二已移營近城三四里便掘長壕俟工竣再作商

量攻南昌以解臨吉之圍前得賊書亦有此議然省城四面臨水而戰船遊奕往來甚爲得力賊無如何也彭雪翁水師分防之處太多前議恐難行又聞其自去春周鳳山在樟樹敗後憤激吐血久而未愈近更不能食惟飲黃酒度日深爲憂之桂林之圍已解賊必滋蔓於我楚邊境此賊伎倆可以槩見嚴加防堵或不能肆其毒也峽江近無賊蹤駐紮洲後之楚勇二千尙未移動來書謂駐新淦恐吉水永豐之賊繞臨江後路或出富田則難以截擊地勢固是如此究之鑫軍果出新淦賊正未必敢出以賊果出此則我又在其後而臨吉兩大軍夾攻其左右也特慮事

與願違金不能竟成此舉耳此城之下若非天助成功恐
夏秋尙未可望蓋城內礮多糧足而賊少賊少則心易齊
而食難盡且不敢輕出以取敗也田楊二軍如中丞尙未
下札暫勿調開亦可忠善近日大有進境能爲楊下而潛
翁又能調停也瑞州未開恐又須出月矣

與劉養素觀察

七年四月二十五日

前日晤談深愜肺腑此來祇以見公爲幸令人服善之誠
不能自己也昨趁稍霽移營近南城四里許賊來撲劉蕭
兩軍稍有斬獲今竟大晴蔭兄全軍當竝移也前月古城
分股竄龍萬竊恐擾及吾楚之二桂牽制我師屢請吉安

諸君分軍上朔皆不我信旋又飛告中丞昨得省信竟至桂東督桂勇之劉梅心先生殉矣人謀不臧感憤何極儻乘南路之虛衡湘必急年來事與願違大抵如此同心人當更爲之歎喟耳

與崇陽諸蘭谷大令

七年四月二十六日

二十四日假勇回籍便寄公牘并團局功牌張弁行知二十五日又奉復一函由驛轉遞計先後登覽頃有友至自通山詢知新令尹廉而過慈辦匪一事未治輿情弟思姑息之風施之承平之世猶且不可况嗜亂已久積匪最多之地乎非公莫與辦此特備公牘寄呈卽祈推情唇齒終

始成全勉力一行安爲摒擋彼都人士稍知理義者感頌且不暇曷敢輕謂越疆邪在吾兄亦惟盡其心力以赴之諒不以此爲嫌也弟處情形如昨連日水陸圍攻賊殊負固見與劉蕭諸軍掘壕以困如天之福或可速下吉郡未能得手逆氛且滋蔓龍萬一帶矣所喜瑞郡圍日益密克復當在旦夕但不知餘氛何竄弟所以不能忘情於通山一帶之善後也

復通城夏雲舫大令

七年四月二十六日

讀來書愛民之誠元次山治道州何以異是此情旣直達中丞公定可俯從原無須弟之饒舌然閣下之美弟亦不

敢不成之潯瑞之賊可許聚殲棠疆似可暫安然安不恣
危古人至戒團練固不可不振小民疾苦尤不可不念此
徵斂斷不可不稍緩也但各營軍饟已缺半年士卒肝腦
塗地以衛民而不得一飽在上者之急徵豈得已哉武侯
治蜀屢勞師而民不怨此又在善作者何如耳臨江城中
糧礮甚廣弟已開壕作長圍困弊之計將捲甲直擣撫建
掘其吭而拊其背或有一得也惟粵西事棘內顧殊深是
爲悵耳

復通城沈藍生廣文 七年四月二十六日

來書之意已復雲翁矣總之民生亂世無一而可兵燹凶

歲之餘又有錢糧之徵團練之費民窮財盡何以繼之一
念至斯肝腸爲之寸斷然子雖貧不可不竭力供父母之
甘旨民雖苦安可不急君父之難哉皖兵饑缺一年鄂兵
半年蹀血轉戰而不得一飽所以將兵者祇知兵之苦而
不知民之苦也通城團練弟與諸君曾瀝苦心切不可因
故而稍弛至民間疾苦前亦曾密陳之然不敢市一己之
恩也進攻臨江已作長圍之計順此慰聞

與胡潤芝中丞

七年四月二十九日

三月十一接奉復示敬悉壹是吳韋二逆自蔭軍復振後
卽相率東渡存城者不過五六千負嶠堅守銜與諸軍進

攻不得一戰惟效瑞郡掘壕困之舍此竟無可設法者矣
見聞吳逆復由撫州來援而遲遲不至果不卽至當率所
部渡江迹其所在痛擊之以絕城賊之望粵西賊圍桂林
近又退竄靈川興安全州一帶以窺楚疆湘之南境防兵
無多連接省信敵軍仍須南顧事勢牽掣如此殊悶人也
故龔此時利在速戰吉安之賊分股出擾萬安以及龍泉
劉梅心先生殉之則援吉諸君不冝分軍上剿之咎也幸
胡達人一軍少而勁得桂東團練助之或可抵禦不然二
桂均危矣瑞賊已感克復之期當不遠溥軍聞獲勝仗城
守糧已盡然此地爲賊所必爭恐難遽下太湖英霍之賊

近復如何崇通團練似尙可靠惟通山孔令未免姑息養
奸其總局紳士來營懇之已札崇陽諸令越辦但求於地
方有益故不以干預爲嫌諒先生亦不我罪也各邑出力
官紳已另備公文請獎矣

復憚濟生廉訪

七年五月初一日

龔應童子試時卽受知於大賢祇以草茅下士未敢晉謁
古人一飯之恩尙思以報矧文章知遇如何可忘厥後明
公移節江右龔爲當事強辟頻年馳逐於嶺表洞庭間無
補時局去年染疾告歸旋因羅羅山師隕於武昌不敢不
與同學數子繼其未竟之志秋仲以師防剿岳鄂緣臨袁

失利奉檄東來咫尺尊顏莫遂瞻仰迺因小恙轉勞書問
更以醫來益深慙感惟日來攻城賊殊負固見與養蔭濬
三公督勇掘壕大約旬日可成檻獸釜魚久必自斃但城
中糧多賊少堅守齊心克復之期尙難豫定又聞桂林圍
解大股已竄興安永境防堵甚單勢將浸淫於楚前吉城
分股上竄龍泉竊以二桂爲憂故與蔭兄商籌於初五日
派勇二千駐峽以踐吉安之約俾得以分兵上剿不意吉
軍未發致使桂東劉梅心先生殉之楚之南疆又多事矣
千瘡百孔民疾莫瘳區區一身曾何足惜迺遠辱厚情寸
衷徒結惟有血誠勉矢以報 國恩卽所以上酬知己也

三月五日
與彭雪琴觀察

七年五月初二日

甲寅之春於星使舟中幸晤芝顏以時會倉皇未獲傾吐
積悰就正於大君子之前而義烈英偉之槩固已一見傾
心銘佩勿忘矣嗣後南北分馳遙聽偉業壯猷大展中流
擊楫之志雖頑懦成性亦聞風有興起之思焉鑫自春莫
奉檄來臨江時於劉養翁處詳詢近狀聞自去春得嘔血
之疾至今未痊近更食少惟飲黃酒深爲憂之天壤幾男
兒不卻一身之疾何由已斯人之疾願先生極加調攝疾
惡毋太甚求治無太速往事勿追未來勿逆先養其心後
培其氣則藥易效而疾易瘳是鑫所日夜爲蒼生禱祝者

也。鑫以年少未學之身，謬與兵事功業未立，譬尤叢生撫躬內疚，深惡以自負者負世。如先生不棄，賜以鍼砭，使他日得有所成，必不敢忘大德也。

與楊厚庵軍門

七年五月初二日

甲寅邂逅一別，至今數年來，逃聽膚公疊奏所向，無前雖陬澁婦稚亦且仰慕威名，矧在曾相識者乎。鑫嘗語人曰：當今賢豪如閣下與迪，莽者吾願爲之執鞭，而雄才大略驅駕一切，則迪兄似猶有未及焉。噫嘻，潰流橫決，惟同心者可以共濟，奈何江君不祿，吳老旋陷塔帥，云亾羅師繼隕，晨星寥寥矣。鑫不於閣下與迪兄之望，而誰望乎彭雪

翁義俠丈夫與金僅識面而於閣下則同舟最久者也近聞其患病甚劇竊爲時事憂旣作書慰問之而於閣下尤不能已言焉故復致其區區之誠閣下勉乎哉草此卽請戎安諸凡祈詳以見示爲禱

與吳竹莊觀察

七年五月初三日

相隔百里雖尺書得達然未一面以傾積抱惆悵何如瑞賊屢經雄師痛創使羣盜從此不敢以堅城老我其功又豈僅在瑞哉但城糧雖盡眾尙六七千未必卽甘延頸就戮設鋌險於上高新昌兩路無河阻隔似須早定追剿勝算弟所尤慮者義武之團未可恃儻殘氛浸入乘崇通之

虛大湖南北必調援江之銳師回擊則是東路復一城而
爲賊解數城之圍三省將不以爲德也區區逆慮不敢不
效芻蕘以獻尙望閣下有以豫之幸甚臨賊特類負固弟
輩日來惟效老謀督卒鑿塹俟塹成後敵軍渡頓而東擣
新淦以撼撫建大約行期不出望前但年來事與心違謀
多盡餅今祇願崇通無恙湘楚晏安弟得以稍伸其微志
於東以抒夙憤惟盼時以摯語誨之俾免隕越是爲至禱
普錦堂協戎統鑒未另

復劉峙衡太守

七年五月初三日

頃聞奉書敬悉二十六日大創借一之謀令弟血戰心切

念之受傷無大礙否向其安心靜養爲要瑞城情形如此克復固翹足閒事吾兄尤慮肆擾他處預計返踪卽此爲民造福之心同輩亦不多觀頌服奚如弟俟塹成卽行渡賴胸中磊塊非得數番飽戰不能消也昨聞桂林圍解分股踞興安眈眈吾楚諒吾楚諸公必有以處之矣前吉安分竄龍泉一股竊恐擾我二桂大聲疾呼請吉安分剿吉安請分軍駐峽爲約及請蔭兄發卒兩千駐峽彼又不踐其說旋得耗知劉心梅先生督桂勇與戰殉之弟旣痛老友之難又慮郴屬之虛幸此刻續報胡達人率團繼進大挫兇鋒胡亦桂產乃弟之推轂者也因此稍慰嗟乎時局

如斯幾人共濟才難之歎諒有同情近傳此閒中丞思賢如渴果如此江之右其有轉機乎

復夏憩亭方伯

七年五月初三日

百里之程莫親面誨幸手書長接敬悉起居稍慰鄙誠兼擴聞見二十六日峙衡伯仲血戰三時聞迺弟受傷尤劇心切念之中丞思賢如渴無論霞仙肯否絕裾卽此一念其與滌帥同心可知師克在和民之福也昨聞桂林圍解分股踞興安眈眈楚壤但不知南去諸公能了此否臨賊恃糧負固鑿塹長圍已興工六日擬深闊各四丈惟下更多石節後方可告成俟老營紮穩始放心渡贛而東縱

橫盪扶大約行期必不出望前也瑞賊意在上高新昌兩
路因其無河阻隔竊恐餘毒延及義武乘崇通之虛茲承
時兄豫計返蹤尙望公轉告竹欽諸公念圍攻之苦必須
殲除淨盡以洩茲憤設若擾及大湖南北必以援江銳師
回擊則此閒之謀又成畫餅矣寶生久別甚念茲另緘道
意

與李迪莽方伯

七年五月初四日

前月望後希兄來自瑞州與鐵兄輩暢譚數日藉慰離悰
兼悉起居萬福爲快別後接手書示及皖賊甚肆鴟張逼
近蘄黃大有由江北窺伺鄂渚之意尊軍已分營駐羅家

背爲其聲援此舉關係不小念之不能自釋故特遣人前來走詢近狀惟聞江北兵勇強弱不齊諸將未知皆可恃否尊處見在兵勇以之合圍則尙不足以之分軍助剿則有餘酌其緩急輕重而應之想盡畫必蚤周矣瑞賊檻獸釜魚猶能死戰殊爲可惡聞其有北竄之意已飛致諸公極囑之矣使復一城而使兩省受其流毒且爲賊解吉臨潯三郡之圍則大局不堪設想諒諸君決不出此也此閒賊堅守不出弟營自抵江以來未得一戰日內圍合興工掘壕節後工竣則兵力可分如無內顧之憂弟必率本部渡潁而東出新淦撼撫建以踐前約庶城賊之望絕而大

局易轉吉安賊勢亦蹙河東已分營駐之斷其接濟吉水
永豐亦經收復周趙且分軍助勦龍泉萬安矣桂林之圍
已解賊多退屯興安全州一帶眈視我疆永郡兵勇尙多
可恃昨省中又發勇二千餘前往縱不能越境勦之堵禦
足矣粵東賊風聞已就肅清若果如此則弟庶得少盡力
於江右乎察兄允鈔奏稟又未見付祈爲促之厚葺軍門
弟傾心已久茲修書以表渴慕之私乞轉寄是荷

與李希葺觀察

七年五月初四日

別後腰毒旋愈蔭翁亦就痊可掘壕已五日而工不及三
分之一殊少意趣尊處之賊困而能鬪鬪正甚其困也惟

北竄則大可慮已諄囑諸公祈再加意皖賊近情如何極以爲念如江北之軍力不能制之則必須迪兄分勁旅渡江助剿應無俟弟之饒舌也

與吳翔岡

七年五月初四日

聞已於前月六日入山讀書且與警齋同行矣修業砥行有鄰不孤廣儲待用根茂實遂異日出所學以救世豈鑫之不學無術身世兩負者所能幾其萬一哉吾望翔岡吾羨翔岡矣鑫自來江未得一戰臨吉瑞均已獲圍若無內顧憂當率師渡贛而東直趨撫建力挽全局惟寇氛果及閩省之延平邵武浙境亦震沿海之患難收拾矣桂林之

三才圖會卷之三
圍已解永寶邊防當密英清有肅清之信英夷亦急求和
我省南陲或不必憂前遣人往左老處借各省圖云兩湖
圖已爲賢弟借去如錄就祈近日還之

與黎生警齋

七年五月初四日

春初讀手書慰甚感甚比欲作復以求解其惑恐徒滋無
謂之議論而無補於心性故遂中止今賢弟與翔岡共讀
樂莫大焉但須真得古人切劘之意斯善耳金聞諸師曰
學以變化氣質爲主不特記誦詞章非所以爲學卽侈談
經濟高言道德亦適以爲人耳又曰平易近人四字不特
爲酬世良方且爲治心要藥又曰人各有志不能相強或

出或處務盡其分金未學謹述所聞以當芻蕘之獻警齋
其不笑而置之否

復曹孟芳茂才

七年五月初四日

讀手書詳懇明達用慰別懷東治明府盡心民事精細不
苟金深佩之來示所云信不誣矣此閒吉臨瑞皆已合圍
若無內顧之憂敝軍當渡穎而東覓數大戰庶不虛此一
行桂林之圍已解邊防頗密當不爲害英清股匪風聞已
就肅清暎夷求和尚未準許我楚南陲或可稍息然大梁
匪熾西蜀薪積而皖賊又伺鄂北憂未艾也秋垣兄送顏
刺史序沈痛而明暢此文之有益世道者所寄書不暇另

覆其遇誠可悲矣人生不逢憂患不足以磨礪其氣節而
堅忍其志趣祈寄語秋垣慎毋虛度此境也

與巴陵黃東治大令

七年五月初四日

久別念甚昨得孟芳兄書敬悉政通人和慰甚礪卡興工
何如前備公牘所保部下士適逢其會當更踴躍也竊到
江時刻與瑞州諸公切切以崇通爲念斷不忍僅復江省
一城遺孽於大湖南北計賊尙盈萬城糧雖盡未必甘心
受戮其作僥倖萬一之想勢所必然止高新昌兩路無河
阻隔賊必鋌險於此在事諸公幸皆已密爲防堵必不使
零氛浸入義武果如此則崇通當可無恙然尊部團練亦

斷不可弛備安不忌危古人至戒况年來事與心違不知凡幾者乎鑫進圖臨江賊恃糧負固百計環攻彌月不克見挖長壕困之以劉蕭諸軍作老營密圍擬月半閒率勁旅渡贛而東直擣新淦以撼撫建撫其民而用之於全軸或可稍振但此間文武闕茸嬉遊習慣吾楚全力縱復各城勢不能裹糧捲甲爲之代守奈何

復鄭鎮磐參戎

七年五月初五日

頃頌復書得悉五年來戰功厯厯惠在桑梓佩甚佩甚維承平日久民不知兵一旦多故地方無人則受禍有人則受福公侯干城卽在其選閣下用鄉人有年其中出羣之

材想已留意尤宜教以禮義導發其忠君愛國之心他日
朝廷大用閣下庶免孤掌之歎此同志者之所願也
刻下瑞城析骸而爨賊數尙六七千豈有延頸就戮其上
高新昌兩路賊若鋌險必取道於此鑫雖飛告於圍瑞諸
公及賊未竄設法密圍不可使之旁軼義武至前途堵截
則全恃閣下或勇力單薄難與困獸爭鋒則不若扼險以
待追兵夾擊似爲更妥卽或不能殄盡亦斷不致零氛逸
入擾及崇通無人之境鑫之感激不啻身受其賜矣

復劉蔭渠廉訪

七年五月初八日

來示具悉此信或係的音前兩日弟處亦聞有賊自福建

敗回之說果如此未始非天助我輩也望飛告笠兄一面嚴防一面確探此間營盤尊處與濬翁想能照料力禦城賊衝突弟當親往迎勦也又浮橋聞已成請今夜卽差人往守弟明早當來貴營密商壹是

與李希菴觀察

七年五月初九日

前日專差至接奉還雲敬悉種種二十五日黃梅之捷大快人意此路當無憂矣蘄州李景湖叵後又有葉公之失邢星槎似不能無過此間全恃李鶴人張榮貴撐持縱不能大挫賊鋒祇求拒之不使入鄂境則大局尙易支也鐵漢昨日本欲赴召因雨姑俟之夜間得蔭翁信稱福建之

賊已敗回有萬餘到新淦欲來搆
迎剿之擬明日卽拔營此處布署
尙需時日耳若新淦易於得三營
以謹慎小心爲主然當此時勢亦
彼也特亦祇待江右局勢大轉斤
耳劉隱霞兄已定明日歸省鐵口
故不能應我兄之招且以建羅師
尊處事昨接普吳二公回音均二
弟欲兄與峙兄無問他人何如繼
爲是千里鏡有二小者被蕭公世

布達

與劉養素觀察 七年五月十二

昨夜以康君之約水陸併攻至四更
俟至黎明收隊旋聞礮聲復出然此
日聞援賊已抵新淦之謠擬迎剿之
建日內且傳淦賊有竄逃之信則前
無論賊之來否本可卽往特以壕工
故須少俟東門一帶鎗昨往觀尙未
以前已承麾下金諾督催地方成之
已極寬闊勢難再加故不得不仰仗

則已成之處不惟無益且反以妨我軍互相應援之路望
速斷而行之是禱

與劉蔭渠廉訪

七年五月十二日

本日未刻接唐大令手函云今日水長二尺雖南風不大
而火攻亦屬可行如夜間無風無雨定於四更縱火鼓勵
各勇直入賊壘燒其礮船屬卽轉致各營多設攻具豫備
同時進攻等語合肅密布卽祈分別轉諭所部各營一體
查照密地準備一見河干起事均卽出隊以兵應之克城
雖未可必但得河面肅清卽大好事惟敝營悉在我兄部
勇江陳崔盧各營之後黑夜出隊擁擠人多轉覺礙事

營專爲接應之兵較爲妥協再夜中會攻擬以得手二字爲暗號竝以奉聞

復文輔卿大令 七年五月十三日

兩接手函備悉雄師及水陸各軍獲勝情形慰佩之至周趙兩公旣會剿龍萬一帶一則固我南陲以絕窺伺之萌一則披其枝葉以孤古城之勢自是勝算所憾劉梅翁不待援兵之至而遽與交鋒以致僨事胡不幸也此間城賊仍前固守昨初八日接駐仁和墟李笠山探報僞國宗石逆等由撫州領眾萬餘來援已抵新淦等語鑫擬卽時親往迎剿尋長髮探回始知前信乃係訛傳故暫未拔營俟

日內長壕告竣蕭劉穩紮卽當移躑彼處以踐前約抵淦
後再當商籌全局或乘勢直搗撫建或繞道吉安趨桂東
以防永郴均未可知蓋粵西桂林復又被圍逆黨日多我
省南路之禍方深也吾兄明幹誠樸時局需重猶復虛心
訪納備極謙沖令我欽佩無似竊謂我輩以書生從事戎
行原無他長惟以認真二字辦事庶克有濟若吾兄者誠
足以當之矣朱鐵兄前以弟書促來營中談數日卽欲賦
歸弟固畱之不可昨已由瑞州歸里尊函當覓便寄去也

與李希葦觀察

七年五月十四日

昨日送鐵兄差弁回知其尙畱貴營小住此時想已歸去

頃吉安文輔卿兄又有信來求其助理也蘄黃近情若何深爲惦念桂林前已稍鬆昨駐黃沙河之黃蕭二弁稟來稱其又被賊圍甚急民人遷徙已空深可危矣弟軍勢難久駐此聞卽新淦之行未知能如願否拊念時艱徒深焦憤老兄何以教我也前數日蔭翁有遞送文書之勇二人在太陽墟被分駐陰岡嶺之湘勇解送瑞營時兄處梟首蔭翁信詢時兄昨接回書稱二人係游勇劫搶假滿來營之李林升有地方人潘衣潘春爲證故寘諸法而蔭翁所言則大不符且稱潘衣潘春深知其冤弟意均難盡信爲實惟已殺之二勇確係蔭翁之勇非游勇此無可疑者也

潘衣潘春係知此事始末之人是非終難混淆此其可再
鞫者也蔭翁此時大是爲難欲再詢峙兄恐生出多少意
見欲遂緘默無論問心不安且何以箝闔營之口而服其
心弟暫止之而爲之致書峙兄切祈老兄勸峙兄細審其
情而勿執成見且蔭翁亦係善全大局者祇欲此事了結
得好勇上起勇上煞非遽與峙兄爲難也其閒調停之善
處置之宜有老兄在毋庸弟之過贅惟其中曲折有非筆
墨所能罄者故特命百長熊常富前來望老兄引而詢之
當可得其大凡矣

致劉峙衡太守

七年五月十四日

前日接奉還雲慰悉算無遺策欽佩奚似此閒長壕將竣而粵西又棘渡贛而東之舉恐難如願相償當俟雄師了結瑞賊後庶可直擣撫建則臨吉胥賴之矣前數日貴營有假滿來營之勇李林升被蔭翁二勇扯至途間旋經飭駐陰岡嶺營解送二楚勇至尊處正法蔭翁前日致書前詢其事已接覆音渠欲再作書辨論其詳弟以老兄與蔭翁雖均能善顧大局不致稍生嫌隙特恐書難達意往來之使或不無唆護等情故爾止之允爲代達麾下細審而善處之老兄向以古豪傑自期此等小事必措之裕如無俟鑫之過慮也季翁今日有書來未言及敝軍回楚之事

蓋尙未得桂林復圍之信耳另有函達麾下茲爲轉陳草此卽請大安不具

與

黃超南游戎
蕭華林干戎

七年五月十五日

從公牘中詳悉近狀藉慰積忱粵西盜賊蜂起三月初圍撲桂林聞經官軍擊退而接四月二十五日來牘謂該逆復又分股圍城果爾則西省事勢益棘矣昨接省中信并未言及豈尊處探報未確耶興安及全灌一帶匪在在與楚甌連勢將浸及防堵刻難稍鬆南方屏障舍兩兄其誰省中前調蔣太守段大令兩營二千餘人往駐全州堵其一面而欲以道州永明一帶專畀兩兄弟意此時賊黨日

眾逆益張若分數大股來犯竊慮尊處兵力過單勢難分應尙須弟軍回南協剿方可支持但未知刻下桂林被圍情形若何潯柳之賊已入此股否均祈詳以示知臨江城賊負固不出只得於城外築長壕斷接濟以爲困斃之計壕工成則各軍方可穩紮敝軍卽可移剿他處矣手此專勇前來並希回示

與吳翔岡

七年五月十六日

前函未發昨又接讀初二手書具徵斗室具天下之志蒼生霖雨非吾弟其誰屬哉吉安存城之賊不過數千前分大股上竄兇急稟中丞且連函催諸帥分軍追剿切切以

龍泉兵單二桂可慮爲言諸帥漠然而省中亦不以爲意
劉梅心以此殉難迨省中札催周趙分軍往援則胡達人
已連獲大勝矣使去歲用弟言劉公可不亾而胡達人所
建立當不止是也英清之賊號稱數萬勒怡田以孤軍入
空城近四月之久瀕危者十餘次忠義益以憤發成兆侯
自東陂觀率勇三千往救一戰而城圍立解見在分頭追
剿此股當不爲害也於戲如三子者真可謂不負我矣瑞
州月內或當克復臨吉則未可卜也九江如故皖賊之犯
黃梅者經我軍痛剿諒已膽寒惟賊在蘄州地者尙未能
創之日間當有確報也粵西賊前圍桂林已被擊退四月

十三博白勇又大敗賊圍攻較急於前勢必不支兄恐不能久於江右矣

復文輔卿大令 七年五月十六日

十三日奉復一函計登英覽今未刻接手書備悉尊處所派各營在於水東吉水迎剿援賊情形本應遵命迅率所部星馳會剿以顧全局惟此間長壕未成而連日正在約會各軍攻城昨日商派楚勇四營踰壕直紮城下爲就近暗掘地道之計敝營勇以一半攻城一半助之成壘弟親立城下督之賊急移滿城槍礮專向一隅轟擊子如雨下各勇傷亡不少申刻賊復分股出城迎戰幸各營均勝壘

已粗成夜間復派隊輪守是役勇無復加然屬冒險行事
弟之瀕危者數矣今日賊又出城拌力衝突弟與各軍派
隊更番迭戰自午至戌頗有斬獲此時騎虎勢成若倣營
遽爾抽移恐城賊奔突各營勢難抵禦無論地道難成而
長壕之功恐一旦盡廢是弟拔營之期不得不稍緩者勢
也計俟數日後此閒必可支持卽當率倣營全軍三千人
渡江或先擣新淦或徑由峽江上窺吉水水東之賊以絕
吉臨城賊之望而壯官軍之勢尙望吾兄飛告見駐水東
各處營官扼要以待切勿稍爲鬆勁致誤事機

與劉蔭渠廉訪

七年五月十六日

昨日之舉敵營賊區二名受傷十餘名然我礮之斃城賊
實亦不少未知貴部獲勝情節詳悉若何祈示之頃康友
之兄來商擬今夜五更扛戰船上之礮至新牆邊黎明起
對城施放但須防賊畏逼出城并撲必須嚴礮以待且礮
臺亦宜連夜趕造新牆亦宜加工修築故特飛書請示如
以爲可祈一面飭令備辦一切一面賜復以便知會康令
施行也蕭濬翁及仰翁處亦望尊處酌量知會

復劉蔭渠廉訪

七年五月十七日

來示敬悉已屬康令少候矣今晚弟細視三新壘江壘最
堅義壘次之河邊一壘則次之又次矣崔翟二弁未得晤

晤盧弁囑其加修渠云牆不必厚賊自加壕加籬不敢來
與我戰萬一來求戰固所願也弟以其氣甚壯足使聽者
鼓舞故未再囑究之牆堅則我軍士之心愈固賊城上之
礮亦更不能轟擊豈不益善且云尊處未諭令修礮臺再
祈密囑之勿加斥責恐阻其銳氣也地道之掘似宜以不
作正面文章始可成功明早晨後當來貴帳面商壹是也
賊供已得閱大橐亦拜讀矣妥洽之至往瑞之使已回接
李希菴信云必與峙衡商辦日內再有書來也

與崇陽諸蘭谷大令

七年五月十七日

十六日專勇至接誦手書備承心注并荷詳示時事得廣

見聞尤爲銘謝。龔前因陳生源轉來深悉孔令尹過於慈
祥人地未洽而又相隔寫遠無可設法用特借重吾兄再
爲辦擋今聞棠治撫字催科均關喫緊未克卽行深用悵
惘雖閣下會札嚴催終恐該紳等視爲公牘恆事稍暇還
祈囑從勉力一行則不僅通山之民受賜已也徐體乾迺
爲官中之最狡黠者程鴻賓確是正紳二人較之不啻天
壤之別迺敢細程生送縣大是怪事徐體乾之罪本無可
逭去冬勒拏要犯故貸其死臘月十九龔瀨行時又加諭
給之勒令清匪冀其振作更新今若此豈容再緩誅戮乎
另備公牘奉達卽祈秘而遠行之勿令兔脫庶足以快人

心而洩眾憤也。金客臘非爲事勢所迫，能駐通山度歲焉。有今日之事，言之可勝慨然。去冬以來，閣下奔馳三縣，勞績不可殫述。擬請一層深慙，未能酬答千一。辱承齒及，益覺慙然。吳生等前偶遺忌，茲已續爲之請。另牘奉聞其緒。正之稟寄煩轉遞，是荷。金合圍臨江，倏經而月灌城之計未行，卽掘長塹，長塹之工未竣，陰開地道，逆賊膽寒，不敢負固。如前日日背城而戰，幸各營協力，連獲勝仗，檻獸釜魚，定當滅此朝食耳。瑞郡續加壕工，誓在殲盡而後快捷。音當不遠也。吉安之賊出入無常，分擾太萬龍泉一帶，官軍亦分剿之。楚邊當可無虞，其由撫建樂安分竄閩邊邵

延汀郡者邵武一帶圍練極好殺賊至數千之多汀州一帶民氣稍弱不識能捍禦之否

復全州蘇虞階刺史

七年五月十八日

數年來耳習英聲壯烈力捍危城當盤根錯節之會而措置裕如乃知豪傑力量與眾人迥殊此不獨粵民之福敝省之受賜亦多矣可勝欽佩昨接駐黃沙河營稟報知貴省會城復又被圍而賊之蔓延於靈川興安麻子渡各處者在在毗連楚疆弟於此蓋不無南顧之憂幸省中已遣蔣太守段大令兩軍進駐得與公會商防剿當可無虞然逆黨日眾恐其分途竄軼終有應接不暇之勢此則杞憂

之所不能釋然也弟自前歲克復東安追賊至於貴治之周家墟賊分二股而逃其一股由四里洞竄祁陽者弟與周光翁追之及於四明山盡其眾殲其渠是秋奉檄移剿郴桂之賊九月二十六日克桂陽州十一月二十七復郴州追至廣東之黃沙堡沿途斬殺不下六七千人而是時永明江華均陷於賊十二月移師往剿之復永明明年正月月初復江華賊竄粵東弟追及之東陂觀盡殲之首逆朱洪英僅以身免而桂郴竄回餘匪復嘯聚連州各處地方弟乘勢擊敗之復大戰於連屬之西江墟追及於陽山又大敗之擬盡將各股平蕩而後返因山嵐瘴癘軍士苦之

四月旋凱衡州去秋奉調援鄂凡十餘戰旋戡定崇陽通
城蒲圻通山四縣冬閒回岳督辦團防今三月初以臨江
官軍新挫奉檄東來月前進逼郡城賊殊負固不出祇得
於城外築長壕斷接濟以爲困弊之計壕成擬率所部渡
江直擣新淦進圖撫建以絕吉臨瑞三城之援而壯官軍
之勢且不欲以堅城頓我重兵也而心念南疆防剿孔亟
誠恐遠離桑梓儻一旦變生肘腋何以待之以是躊躇而
未敢遽決也知關綺注縷瀆奉聞此時尊處情形及桂林
各處事勢若何均乞詳賜示知弟材庸劣謬與戎行實於
時局分毫無補尙乞時惠箴言俾免隕越至感至感軍行

倉卒肅勒 一卽請政安

與蔣薌泉太守 七年五月十八日

月前肅復寸緘計登青照旋接省信欣悉吾兄督師會合
段安兄進駐全州以扼全楚門戶南方保障胥借賴之深
爲慶慰前聞桂林圍解逆賊折回興全一帶頃得黃超南
書謂四月十三日博白勇失利粵省西門之外見在三面
圍緊惟東門瀕河無賊果爾則又非前番之急可比且潯
郡股匪已陷柳州勢將浸淫及省尤爲可危彼中無饑無
兵不知何以措拄見在一切情形便望詳以見示以慰系
懷弟自前月會合水陸各軍合圍臨江灌城之計不行卽

改築長塹見又撥勇逼城數丈而營便開地道百計環攻
或當有濟弟日內卽率本部渡贛先擣新淦以壯各路聲
威而遏援賊來路西路三城應可次第而復也

與劉養素觀察

七年五月十八日

日來吉安連函催促敵軍進擣新淦以分賊勢以吉安新
添援賊數千而吉水之師亦有挫失故也似此情形攻淦
之舉不容再緩已定期二十早拔營渡江而東必仰仗貴
營水軍方克有濟已與友之兄商定若尊駕能於蔭兄營
或敵營面商一切實爲厚幸

復吉安各營將

七年五月二十日

十九日接輔卿兄信昨夜正在勒復二十日卯刻續接公函備聆壹是雖臨郡攻剿萬緊不能鬆勁然較尊處情形又自不同鑫定於二十日捲甲疾馳由峽江以趨吉水新淦之攻姑且置之今早鑫處探報有偽埽地王倒天侯等逆目率援賊甚多因臨江圍密不能渡河將援吉郡等語鑫尤爲係念之至務望諸公隨時傳信鑫處沿途迎投儻吉郡喫緊又當不渡東岸出吉水而由峽江直達吉郡迅速趨援軍機瞬息不同鑫亦不能豫揣千祈時惠信音爲

禱

與康友之大令

七年五月二十日

弟連日接吉安乞援之信原擬於二十日拔營先擣新淦以壯吉水聲援昨午會議蔭濬諸兄均留我軍少住以吉郡尙不十分喫緊亦姑止之酉刻接文輔卿續函猶以此閒攻剿萬緊不能前去復之今日卯刻接吉安各營飛函告急僉謂水東之軍失利退紮老營吉水之守難堅折回西岸不惟前功盡棄而援賊沓至紛來動稱數萬老營除分剿龍泉外僅五千人有岌岌不能自立之勢辰刻又接哈大兄探報云僞倒天侯埽地王等逆目率援賊數萬因臨郡水陸大兵合圍已密不能渡河又無供應逕赴吉安等語弟通籌全局亟應往援當卽收回昨夜復函定計二

十一日拔營由峽江趨吉水或逕達吉郡相急趨援力挽大局新淦之攻亦不得不緩之也此間合力齊心如此竭誠作去何患大功不成已飛告蔭潛諸兄激勵三軍刻期竣事克復捷音定可翹足以待弟明日行矣諸承雅愛欽慕難忘惟祈努力爲之共成大功是所心禱耳

與李希菴觀察

七年五月二十日

此間日來攻剿甚急蔭翁挑奮勇千人分作三營逼城南十餘丈而壘以便挖掘地道奈吉安連函告警水東援賊沓至以萬餘計今早探報僞掃地王倒天侯率實數賊匪萬餘欲來新淦以援臨江旋因水師隔絕不能渡河已由

承豐吉水上援吉安去矣弟聞信之餘萬分焦灼已擬明日冒雨拔營馳赴吉安奮力圖之或克有濟此閒布置頗密想可無虞也楚勇之事昨竹翁回述及老兄苦心調停祇有如此辦法弟處亦送銀六十兩其百長等屢辭強令受之惟聞二勇屍首尙未殮茲特著勇付來銀四十兩望老兄代爲飭人備好衣衾棺材收斂送至臨江是所至禱其出銀之事不特不可使時衡知之并祈勿使楚營知之切屬切屬

復通山孔大令

七年五月二十日

頃接手函敬悉撫綏流亾誅鋤醜類備極勞劬通邑之民

何幸得此賢父母也惟是紳民狡獪良莠不分若非詳加
訪察顯爲區別治之以嚴刑峻法而行之以剛明果斷則
不惟無濟於事且恐貽將來之禍也卽如徐體乾程鴻賓
二人邪正懸殊乃欲顛倒是非希圖朦混尊聽深堪詫異
已另備公牘奉達矣乞早爲審究其聯名具控十三人均
須到案如有不到是其夥同誣控無疑亦卽嚴辦以示懲
戒是所至禱金與各軍圍攻臨郡賊殊負固見已築長圍
困之今日接吉郡警報水東吉水各處有賊萬餘來援金
擬卽日拔營馳往迎剿而此閒城賊已屬蕭劉各軍合力
攻剿矣

復吉水楊月樵大令 七年五月二十四日

敬復者二十四日至阜田兩接手示聆悉壹是賊裝官兵之說無論確否自當隨時留意也弟準於二十五日由此起程駐三曲灘二十六日即可渡江承示已備船數十號佩慰之至昨至峽邑見城中十室九空惻然心動兵燹之際棠治固宜同然也尙祈豫飭鄉邨多碾米糧以待糶賣足矣其餘一無所需吉安大營寄示之地圖均已收到其吉水地圖尙祈詳繪寄知竝細爲註明與郡城永豐交界之處爲要

與劉蔭渠廉訪 七年五月二十五日

別來數日相思如年正欲專勇前詢近狀而尊書適至慰
悉壹是派親兵駐守新牆足徵老謀定識然味根旣難相
信則憑壕而守亦是穩著正不必以此累心也弟自別後
冒雨前進於二十五日已抵三曲灘離吉安五十里勇夫之
辛苦實不忍言矣據探水東之賊多已入城日來與城外
各營索戰甚急幸昨吉字營已大勝之東北路稍虛周鳳
山聞已由龍泉分勇二千回駐想可無虞水東尙有賊營
數座擬日內駐剿之如速得手或上或下惟視緩急而應
之斷不能久住吉郡也逆目埽地王等率眾來吉之謠何
寂寂無頌聲作祈留意查之新淦之賊前弟起程時聞多

已上竄頭笠山兄信至何又聞有欲用竹筏渡江之說果
信然耶如其然也則康友之水師不可不知會以便水陸
夾擊庶可痛剿之也一切均望隨時示知以慰懸系是所
至禱弟之稱教以老兄齒德俱尊故耳何來諭亦如此是
使弟無以自容也以後萬勿再施爲禱自後第以齒論若
再不我許是棄我外我也峴莊兄近日可轉貴營否念切
之至

與胡達人廣文

七年五月二十五日

昨接回書慰悉一是兄前聞梅翁殉難之信憤甚念甚然
固知賢弟之必能自立也吾輩當今日事勢如駕輕舟行

大江驟遇狂風巨浪非同舟者協心共濟則不免顛覆之
患去歲賢弟奉檄兄每爲憂之此次雖賴識力堅定履險
如夷以後正如夜長夢多終難釋然龍泉若可速下兄清
水東之賊卽可與吾弟合軍西三郡有大兵數萬圍之當
無他虞贛江以東亟待肅清兄當與賢弟肩此重任惟粵
西賊圍桂林未知日內事勢如何耳饒項當爲訴之梅翁
聞有佳弟敗而不餒胡保南卽毓材否祈詳示并告近狀
以慰懸系

復李笠山遊戎

七年五月二十五日

二十五日戌刻三曲灘營次接誦手書并另紙鈔報均已

聆悉先勦新淦一層弟懷此志已久因吉郡警報沓至援賊以數萬計又據哈千總報偽埽地王等逆目率賊萬計自金陵來已由永豐趨吉安等語弟深虞吉安老營有失遂於二十一日冒雨起程今午抵三曲灘擬日內渡江由吉水上勦水東一帶必得次第肅清兼徇旁邑吉郡方能得手臨江地道之計不行見已憑壕而守攻雖未能猝下戰則確有餘裕今閣下又擬進紮界學更可扼援賊來路矣駐沙河之康大令國器帶師船二十餘號奮勇可嘉辦事結實尙祈彼此會合如果淦逆編筏西渡水陸合攻定可大挫其鋒弟旣至此非萬分喫緊自未便回搆淦邑致

失吉安軍民之望也鬚髮告示弟前月來已出三次茲遵囑咐去斗方示四十張但恐敵營稍遠或未能見信耳峽邑新代令昨在阜田見過已囑趕赴新任力辦團練想不河漢吾言也

復文輔卿大令

七年五月二十六日

昨日至雲莊據探足回報尊處於二十四日大獲全勝頃接手書詳悉壹是忻佩之至賊每蹈隙盤運食貨入城以爲死守之計臨郡前亦如此可勝憤恨賊赴撫甯乞援一層似未的確僞倒天侯之說已面囑楊大令飭探矣昨日李笠山遊府函來言淦賊備竹筏將西渡援臨欲弟移軍

先擣但弟已注意上游焉有爲些少賊牽制徒奔馳道路
邪已復書辭之矣所示吉水逆目姓名單舉人且有三名
之多國家養士二百年何負於若輩可恨可歎但辦此等
事尙非所急且非其時宜姑置之高明謂然否弟今辰率
親兵數十人沿江而上查勘對江地勢擬於二十七日合
營全濟節節搜洗而進以防伏賊并以奉聞

復崇陽諸蘭谷大令

七年五月二十六日

二十六日由三曲灘營次接誦手書備聆壹是吳光瀚等
四人前已稟係寄由尊處轉遞今魏人奎履歷既有舛錯
又爲之請稟更正亦由尊處轉遞鄂渚以昭妥速臨湘舊

令尹一味養癰貽害今春撫憲已委本任黃贊侯明府前往未知已履任否陳惟善去冬被劫之案并今夏方震等糾搶一案鑫當彙稟南撫憲轉飭臨湘縣嚴行辦查也鑫昨因吉郡警報沓至援賊至水東者以數萬計乃於二十一日率本部馳援見抵吉水對岸之三曲灘即日渡江進窺水東一帶該逆猖狂殊甚必痛殺之乃快人意耳

復劉蔭渠廉訪

七年五月二十七日

昨戌刻奉手書備悉城賊紛出旋復入城蓋尊處水陸形勢戰守俱優賊雖猖獗無如我何也峽江一路弟已諄囑楊令趕緊練團集勇以該處有險可扼也弟今日黎明率

全軍由三曲灘東渡吉水午初抵水東離賊營三四里許正在紮營賊約五六千人分三路來撲直近營前弟亦以三路迎擊鏖戰踰時賊大敗走追殺五六百名其沿河一股多澆水死如萍浮水面中左二股急竄入巢壘我勇乘勢破之破其一壘而固不爲動也其悍可想我勇冒槍礮拌死力撲皆次第破之賊冒火出者皆爲我勇所殺賊屍山積池壕填塞共踏賊壘五燒賊邨二惟賊憑礮火擲瓦石以守之我勇重傷者百餘敵囚十餘人旂長易普照殉之深爲痛恨是役斃賊近二千水斃火斃者不計其數生擒二百餘名其偽檢點等首逆多已斃斬獲軍械無算馬

數十里有此一戰城賊當膽寒矣飛告以慰塵懷

復劉蔭渠廉訪

七年五月二十九日

兩奉賜函均覆昨辰專勇至適弟渡河與諸帥商議一切
定更後始歸故裁答稽延臨賊淦賊雖披猖如故得老兄
布置周詳必無他慮此間援賊實聚各處精銳而來戰之
先夜城中復挑悍賊千餘相助故我軍雖獲大勝傷亡亦
實不少然殺賊則淋漓盡致矣惜我勇是日飢疲太甚否
則一賊不畱矣敵斬七十五檢點以下頭目多名昨探至
水南遠近百姓均稱徒手逃脫者已不過六七百人被殺
實不止二千也萬安之賊已盡竄出聞離此祇數十里若

來就戮尤快也龍泉克復在卽兵力將日聚而厚弟當得縱橫衝擊於贛江以東爲西路各郡諸君分憂新淦若有大股來敵處探的當速往擊之天暑甚酷惟努力珍攝不宣

復劉峙衡太守

七年五月三十日

頃奉手函備領尊處十八九等日城賊越壕思逞賴老謀持重屢挫兇鋒諒茲窮寇指日可聚殲也臨江兵力頗資圍剿水師泊沙湖卽有援賊亦不能飛渡新淦弟當早往爲之一清也弟前接吉安諸君警報援賊萬餘盤踞水東擾及吉水萬分喫緊等語弟以大局所關不得不先其所

急遂冒疾馳抵三曲灘二十七日五鼓東渡吉水行五十里午初抵水東賊約六七千人乘我軍初至來撲弟出奇勝之遂乘勢撲其營壘五座却二處斬其僞檢點盧三友僞將軍沈元悅僞平東王等頭目十五名水溺火焚死者不止二千殺斃者二千一百餘名前信與希兄云只二千者一時倉卒未及查也所奪大礮劈山礮及擡鳥槍馬匹大小旗幟甚多生擒二百餘名此賊悍極一壘破而數壘仍堅持不動遠則槍礮近則刀鎗拚命死抵賴天之福幸得一鼓成功於江西大局或不無小補也

與左季高先生

七年五月三十日

不奉書者月餘矣雖係疏慵亦實不暇差幸公牘頗勤其略可達尊覽也此行連日苦雨開仗日則酷熱似火飢卒渡兩河行五十餘里而苦戰悍賊靡不以一當百甚哉士之報我何厚而我之待士何薄也念之輒潸然感泣奈何蒼蒼者復忍奪我壯士易普照乎萬安之賊亦已竄出稱逼太和稱走水南三日尙無確報亦是怪事恐日內總須往擊之龍泉城當可速下周鳳山實不可解而用周鳳山者更不可解胡達人實可靠惟饜項支絀已極萬分掣肘能有以濟之否龍泉事竣鑫欲調之自隨以踐前約臨賊當無他變惟新淦似宜於旬日爲之一清瑞州十八日後

賊連夜越峙壕然殘燭之餘
北路有失耳蘄州一路未得
至如江西之甚浙江亦可
受其殃特恐不在永而在
細思我輩祇須備重新鼓
段金且再察民情以占天
頭緒始請回楚雖有匪入
棄前功其害吾民不淺而
籌全局當必有以見教矣
出奏否以金淺見此亦人

中丞允爲飭局酌發未知已有定議否前日周夫人書來情辭哀懇不忍卒讀昨其甥李郅堂信至且自呈稟稟求爲代遞此生仁厚忠直周光翁在日與龔言及輒嘉歎不已自光翁殉難其經營身後事况瘁萬分龔每念及輒爲涕出渠家亦少餘貲今以近二千之項慨然捐之其孝於親而忠於舅實堪敬服以其讀書素明大義故能如此龔思此等善人乃天地正氣所鍾元氣所存不可無以旌之以風薄俗可否照捐輸例給予職銜非李生所敢望龔之所敢言惟在中丞獎掖風化之大用耳

與李黼堂觀察

七年五月三十日

日前接誦復函兼承獎飾慙感實深臨城猝不可拔緣賊恃糧堅守我軍勇無所施幸長壕已成劉蕭各軍兵力攻勦已自裕如故弟軍得以一勦援賊援賊敗斯城賊勢孤而官軍氣王此弟前奉南撫憲札調之初意也託賴福庇昨獲大捷差慰塵懷已具公牘將戰狀奉聞矣弟處有稟陳福將軍以路遙不得達乞爲由驛遞去是所感禱

復江華郭寶田大令

七年閏五月初一日

誦謙函悉膺

天恩懋賞此兄豐功所致在弟則何力

之有弟月前會攻臨城鑿塹以困城賊檻獸猶復狡焉思起俱被我軍擊退幸一月得三捷焉旋接吉安警報首逆

盧三友等糾撫建安徽等處勁賊萬餘直援吉郡踞對河之水東紮數營勢甚兇悍水陸防兵失利弟因冒雨星馳赴援二十七日抵水東之周家嶺賊出大股來撲我軍奮擊之逼近賊壘戰逾時次第火其壘盧逆等頭目多名俱就戮是日水溺火焚約斃賊四千餘得此一捷不惟臨吉瑞三郡賊爲之膽落而撫建諸賊亦已大挫其氣矣知注并聞

復文輔卿大令

七年閏五月初一日

午刻接手書并撥來探足一名謝謝敝處探得韋逆由王必地方至富河紮駐在水南四十五里又稱二十九日有

賊二千到帶園仍退水南又沿河上一股數約二三千聞
水師至亦退富河等語地名道里參差不符想必不確
竊思該逆既遇敗賊懾我軍威應東竄空虛之地以會大股
西渡之說或未確也地圖承飭總局詳繪尙祈以速爲妙
小河民船既可多集毋爲賊所破散迺可造橋以濟祈豫
籌之大礮約重二百斤擡運甚易黎備旣稱有疾何時可
來耶閣下膺此重寄以金言遂不渡江慰甚我輩交情原
不在此等處也

復劉蔭渠廉訪

七年閏五月初四日

初四日專勇至接手書得悉尊處加修長壕寬深一律慰

藉之至埽地王名目探之四路未見昨二十七日所殲僞
平東王何勝權及僞檢點盧三友名下之李通傳等皆賊
中之最兇悍者峽邑已委吉水縣丞楊逢新代理弟在阜
田見時曾囑趕赴新任力行團練後又作函催之昨得信
已前去矣萬安復後賊竄水南與二十七日殘匪適相值
不敢來此尙盤踞水南沙溪一帶弟定明日率四旗勇剿
之此股滅後卽返擊新淦將來由尊處撥一軍守之可以
扼援賊之吭矣弟於月之初一夜奉中丞札調回南以斬
黃桂林皆喫緊將以備援應也新淦事畢則可以行矣務
乞吾兄商同康友之大令確探新淦賊情如何飛速示知

以便進兵也

與李笠山遊戎 七年閏五月初四日

第二十七日抵水東正築壘時賊大至來撲分道痛擊之破其五壘并却巢二處是役也槍擊鎗斃水溺火焚斃賊殆四千有奇大快人意殘匪無多悉往南竄而萬安克復之後敗匪萬餘下竄與二十七日一股相值於水南懾我軍威不敢來此弟定於明朝往勦事竣然後返擊尊處相距較近易於偵探務祈多派幹勇常川的探隨時飛速告我以便進兵

與永豐章子清大令 七年閏五月初五日

初五日帶園營次接黃太守函并寄尊處并瞻巖先生信
閱悉種種鑫今夜得探報水南白沙均已無賊正深憤恨
尊治藤田情形既屬如此鑫卽由此出白沙直擣藤市進
攻樂安誓必滅此朝食惟田勇人數雖多究屬團練若以
之獨當一面甚不放心不若俟鑫軍抵藤田會合後隨同
進剿以壯聲勢查此間至藤田一百四十里約初七可到
新豫飭團勇磨厲以須是所至囑

與劉蔭渠廉訪

七年閏五月初十日

弟自前月二十七日戰後兩次渡江與諸帥及各官紳會
商練團諸務均有章程初三四屢報萬安竄出之賊本欲

赴援吉郡因與水東敗匪相值僅敢盤旋水南白沙一帶
遂留老營駐防水東親率二千餘勇馳剿初五日抵帶園
報賊悉竄樂安而弟病適作遂擬旋師就醫是夜接藤田
警報因思永豐團練稍好應急拯之遂冒暑帶病前往初
七抵藤田與章令會合定初八日進剿樂安夜中又報沙
溪突來股匪數萬該處爲我軍後路且下通水東亟宜先
剿乃發足偵知係由甯都竄來意在赴援臨吉兩郡初九
弟病初愈派勇往剿先夜三更啟行六旂爲前隊辰刻攻
入破塘賊巢殺賊三四百名旂長張南桂不知調度恃勝
輕進被賊層層圍裹以致傷亡勇四十餘名第一二五旂

同時趕到殺透重圍賊悉敗走追過沙溪八里之募藪地方斃賊千餘奪礮械旂幟數百件申刻整隊而歸初十日辰刻該逆大至漫山寨野約近二萬或伏或見分布最寬弟以堅忍制之較水東之戰更久然後奇正分馳橫衝截殺有排山盪海之勢追過瑤嶺至馬安石地方計四十餘里斃賊近五千名墜落巖壑者不可勝計大轎馬匹服食器皿及旂械文冊無不拋棄生擒二百餘賊訊知道逆首卽僞禱天侯胡壽階及僞丞相指揮等多名稽其僞官冊所載姓名及入夥年月悉屬粵湘鄂皖金陵各處老賊惟廣匪內則多裹脅耳今日潰匪仍往沙溪竄去弟已調水東

老營在與前來會合務窮該逆所往而盡之以免流毒他處水東亦商調他軍實之矣水東不可無兵前請分調吉水守兵千名駐守想已到防矣

與

吉水楊月樵廬陵黎友林

大令

七年閏五月十一日

弟初五日督勇起程初七日抵藤田探報萬安水東敗匪悉竄樂安正擬初八日進剿探報沙溪忽到甯都竄出股匪數萬該處爲我軍後路且可下通水東應先剿之初九日派勇往剿幸獲勝仗殺賊千數百名是夜續報逆首僞禱天侯胡壽階憤其黨挫敗必欲報復初十日辰刻果率眾大至約二萬餘人弟堅忍以待俟其飢疲分起擊之隙

斬僞禱天侯胡壽階及指揮總制等逆目數十名追過瑤嶺至馬安石收隊計四十餘里沿路斃賊近五千名墜落巖澗不可勝計生擒二百餘名該逆拌攻藤田盡帶服食之屬無不委棄塞滿道途所棄槍械旂幟則以萬數計不勝收檢盡集燒之有此大捷此閒團練之氣益壯惟念永吉廬樂之境犬牙相錯逼近撫建甯都逆匪往來無常團練之得力者興國而外永豐實有可觀且章子清貳尹辦理十分認真從此當精益求精矣吉邑收復未久廬邑賊尙踞城宜其未能猝爲振興也弟見駐軍此地一面辦團卽規復樂邑處斬大令亦老成練達當與極力圖之惟

吉廬相隔稍遠弟未能親集士民周詳開導不得不仰仗於賢令尹也尙祈騶從親蒞各鄉揀正紳分任其事務在必成以固吾圉唇齒之邦仍彼此聯絡以壯聲援則數邑皆可步興國後塵矣否則官軍移調無時籌餉則民力已竭真有不堪設想之處高明卓見民瘼關心諒不以弟言爲河漢也茲附去告示三十張祈察收廣爲張貼是荷特此馳布

與胡達人廣文 七年閏五月十三日

初四夜布復一函計登英照鑫於初五啟行進剿白沙一帶初七抵藤田初九初十均大獲全勝殺賊六七千名

斬首逆僞禱天侯胡壽階並斃其僞總制陳逆以下賊目數十名附寄稟稟希閱之當可浮一大白也十二日賊又來就戮殺之七八百名生擒最多餘匪翻山越嶺由南阮一帶悉竄樂安去矣鑫見一面督辦團練一面進規樂城以撼撫建則西路之賊勢益孤各城當可速下矣因思龍邑蕞爾一城羈絆官軍不少殊屬不值吾弟一軍非庸流可比更應乘時立功茲備公牘專足來調希卽迅發部勇千名前來由泰和萬安水南沙溪一帶而進順利之至鑫督精練之士與貴部東衝西突直可排山盪海豈不大快想吾弟必以此行爲樂也胡保南近戒斷洋煙否有用材

三月五日
每爲無用物所誤可勝歎惜茲附去妙方一紙希轉致之
並致龔拳拳期望之意爲荷

復左季高先生

七年閏五月十三日

月朔奉書後旋接手書并中丞調龔回楚之札其時固以爲龔尙在臨江且尊諭甚明則中丞公之毫無成見傾心委任爲可想矣連日之戰湊合甚巧昨十二日賊又來就戮一次其中更有奇者因前稟已繕就不得不速發容稍遲再細敘之此天之功勇之勞龔不敢貪爲己力也且士卒勞憊已甚差幸氣愈王而神愈斂或尙可用然此股殘匪數尙逾萬似有不盡死不止之勢屯聚樂安者亦數萬

人陸續來離此五十里之南阮地方與此股會未知意欲何爲畱駐水東之兩旂與左壯親兵日內可到添此生力軍而善用團練以輔之若賊肯合作一路以乘我軍雖再多亦可無虞特恐其旁溢四出以相牽掣則三千之眾難以分應頗引爲慮思龍泉以逾萬之兵勇團練圍斗大之城賊又不多實爲不值且胡達人以有用之兵處無益之地此時事勢迥非以前可比且擬斟酌事勢可調則調之薰蕕異器不惟無益而已佐龔軍以縱橫衝突於各郡之間非欲顯其長以自詡知人之明實欲成其才以爲國家之用此等迂拙苦心想不惟先生諒之卽中丞公亦早洞鑒當不責其專擅也聞

黃趙劉文四君已稟請派鑫統領不告而遽發公牘雖各
自有苦衷亦不諳事勢之甚矣然高明自有權衡不待多
言鑫前擬了清樂安大股卽乘勢規復新淦昨蔭兄書至
稱吳子序太史率勇往鞫連敗賊而圍城李笠山已率楚
勇千餘與之合攻惟沙湖水師因豐城有警已調去矣鑫
此時反不放心也其餘諸件已詳朔日一函待復示至再
言之暫不瀆也

復朱石翹觀察

七年閏五月十三日

前月接覆函後令姪又由省來營詳述尊指領悉之餘感
歎不已使今世之所謂達官貴人者皆能存心如公亦何

私之不化而何事之不辦邪。龔此來負臨江父老實甚。住月餘未除一害興一利心實恥之。然亦實難藉手以正紳。太少如人之無耳目手足欲有爲而不能。况時事又太倥偬也。傅某罪至不赦。聞龔欲辦之。已挈全家遁往山西矣。先生不可爲此人所賣。平心細察之。當自明也。不孝不廉之二公。其一初見龔嚴詞責之。以後不敢再來。又其一則并未嘗來。與蔭渠言伊云已遵命絕之。惟聞其尙在局招搖。當大聲疾呼以罪之。龔已贊之矣。渠於先生佩服之極。云每次皆無回信。不解何故此公忠誠。醕謹第一服善與之深交。久當自見。龔軍半月間已獲四大捷。殺賊實有一

萬數千稍紓數月來鬱悶之氣惟前後敵亾近六十名而
二十七日之役旂長易普照竟與於難悲哉痛哉其詳想
得於公牘及左老信中見之也世兄讀書想日有進漣西
老伯安否丁郭黃周成諸君均無恙否祈爲致意銓前患
腫毒患暑證今均愈矣毋念

復黃南坡太守

七年閏五月十三日

今辰縷布一函旋接吉水楊大令信云奉臺諭解送犒賞
錢八百串具徵體念士卒盛意無不同深感激也頃奉賜
書敬悉種種城賊連出意圖衝突可知然諸軍之氣極爲
壯王必能遏截之也水東先派長字左營益之前防吉水

之師憑天塹之險以守焉有他虞但晝夜巡哨最宜嚴密耳十二日敗賊翻山越嶺悉由南阮招攜司一帶往樂安竄去被各路團練四處圍殺據報數逾二千該逆哀求假道伏地告饒其窮蹙如此本擬躡擊之因初七日竄踞流阮一股爲數甚鉅此僅四千餘應先剿之今夜探報甯都竄匪續有到沙溪者果爾則又須回顧後路矣前聞甯都於初四日收復昨訊生賊又供事在前月二十七今逆匪源源而來收復之說其信然邪敵營及吉字營繩藥兩項缺用聞貴局儲備尙多敢懇借用火繩三千盤火藥五百斤發交敝營勇夫領回應用是所感禱

王壯武公遺集卷十四終

湘潭朱士宜校勘

王壯武公遺集卷十五目錄

書札八

與李希菴觀察

咸豐七年閏五月十四日

復彭雪葉觀察

七年閏五月十四日

復左季高先生

七年閏五月十五日

與胡潤芝中丞

七年閏五月十六日

復李希菴觀察

七年閏五月十六日

復文輔卿大令

七年閏五月十七日

與楊月樵大令

七年閏五月十八日

復勒怡田鎮軍

七年閏五月十八日

復張漪珊刺史

七年閏五月十八日

復張霽堂參軍

七年閏五月十八日

復蕭濬川觀察

七年閏五月十八日

復趙玉班太守

七年閏五月二十一日

復吉安各營將

七年閏五月二十二日

與胡達人廣文

七年閏五月二十二日

復諸蘭谷大令

七年閏五月二十三日

復文輔卿大令

七年閏五月二十七日

復吉安各營將

七年六月初四日

復劉蔭渠廉訪

七年六月初四日

與左季高先生

七年六月初五日

與李

迪葬方伯
希葬觀察

七年六月初六日

復李迪葬方伯

七年六月初八日

復文輔卿大令

七年六月初八日

復耆九峰中丞

七年六月初九日

復劉養素觀察

七年六月初九日

復朱芳浦遊戎

七年六月十一日

復左季高先生

七年六月十一日

復劉子雲廣文

七年六月十三日

復耆九峰中丞

七年六月十四日

復劉蔭渠廉訪

七年六月十四日

復左季高先生

七年六月十五日

復趙玉班太守

七年六月十八日

復李乙生大令

七年六月十八日

復黃南坡太守

七年六月十八日

復左季高先生

七年六月二十日

與李乙生大令

七年六月二十日

復劉峴莊刺史

七年六月二十五日

復文輔卿大令

七年六月二十五日

復黃南坡太守

七年六月二十五日

與朱晉升都戎

七年六月二十六日

與胡達人廣文

七年六月二十七日

復徐南軒大令

七年六月二十七日

與靳鎮銘大令

七年六月二十七日

與張騰霄都戎

七年六月二十七日

復趙玉班太守

七年六月二十八日

復劉蔭渠廉訪

七年六月二十八日

復楊希之大令

七年六月二十八日

與胡達人廣文

七年六月二十九日

與李乙生大令

七年六月三十日

王壯武公遺集卷十五

書札八

與李希葦觀察

咸豐七年閏五月十四日

前由瀋老處奉布一函計入英覽弟於初五日進勦上游
正欲躡蹤追擊不意甯都竄來大股初九初十大戰於沙
溪藤田均獲全勝敵斬首逆偽禱天侯胡壽階以下逆目
極多斃賊六七千名坵呈稟稟祈閱之自悉十二日偽指
揮何逆必欲糾黨衝過藤田又殺七八百名殘匪翻山越
嶺悉由南阮一帶竄樂安而去見在贛東之廬萬吉永四
路均無賊蹤弟一面力行團練一面進圖樂安半月來幸

獲四捷敗匪皆聚一處賊數雖眾或當易於得手今午接
李翁來函云石逆由安慶來前月二十六已至彭澤意在
援江擾鄂欲弟處會合諸軍摩厲以須出奇制勝弟思該
逆去秋爲吾兄與厚兄擊敗威已大挫此來必無能爲但
不知逆蹤先向何路弟處相距頗遠偵探不易務乞吾兄
隨時寄示確音專勇飛遞限時日許重賞但期速到有裨
軍行弟不惜此鑽銖也瑣事奉瀆諒荷關垂感激之私曷
可言喻專此馳布

復彭雪琴觀察

七年閏五月十四日

前在臨江接奉復示反復感嘆且至泣下天生我輩膺此

艱鉅盤根錯節以別利器也尙益堅忍優容以卒迺事竟
迺功弟不禁日夜禱祝焉弟自臨江合圍連接吉郡諸將
警報援賊麇至勢甚岌岌迺星馳前來二十七日戰於水
東月之初九初十戰於沙溪藤田倖皆大捷稟彙錄呈清
覽自悉十二日僞指揮何逆又率黨就戮殺之近千爲團
練搜截而斬捕者數倍之半月四大戰巨憇悉戮誅其死
黨一萬數千差足消數月來鬱悶之氣老兄聞之當爲浮
一大白也惟竄聚樂安之匪尙二三萬此間殘賊往與之
合日內當痛剿之而左季翁昨日信至稱翼逆率賊數萬
已抵彭澤述中丞意囑弟回駐臨江多發偵探出奇勝之

弟思此逆爲援吉臨瑞三郡而來有老兄與養翁水師遊
弈上下必不能渡江其勢將由閒道趨撫州先援吉臨則
樂安爲最要之區已擬數日內將此閒永豐吉水團練力
爲整頓卽進勦樂安之匪便駐彼處以待之如天之福捨
此老賊則不僅江西有轉機矣質之明算以爲然否惟弟
處相隔太遠偵探實難專望將此股賊情勤發的探隨時
飛示由養翁處迅速轉遞是所至禱援賊供甯都已於五
月二十三日克復果爾則撫建更易爲力吉屬之龍泉臨
屬之新淦均已圍困惟望三郡早爲掃蕩則江右庶有多
乎弟今年三十有三矣老兄如不見棄請以齒序如不許

是外而絕之也心中所欲陳者更僕難終姑陳大略卽請捷安

復左季高先生 七年閏五月十五日

專足至接讀手示知翼逆率數萬賊由安慶來已於二十六日抵彭澤矣擾鄂一層暫不必慮其爲援江無疑也自都昌上至臨江有彭劉水師遊弈上下其勢不能飛渡其必由間道趨撫先援吉臨又無疑也江西爲賊之命根又翼逆之所苦心經理最爲得手者也其用全力以救之也固宜此時賊之屯聚樂安宜黃撫建各處者不下十餘萬然鑫竊料洪石韋三僞國宗及遜天侯吳逆以下諸賊目

自聞盧三友胡壽階之死當相視莫敢先發昨由樂安來南阮之賊遽行退去似此光景非翼賊速至卽樂安亦未必敢少住此逆稔惡久矣鎗必設法除之方足以紓積憤渠若由撫州來援臨吉則樂安爲最要之衝鎗軍當駐彼開摩厲以須王出則吾刃當斬矣昨已飛致雪迪二公懇其的探速報也不合圍而紮老營留兵力以備不虞及賊知避短用長我反棄長就短一段宏議實爲精當惟此時已成無可如何之勢而吉安自做營全拔刻有信來且若岌岌不克終日矣奈何奈何胡達人昨已調其前來惟極囑妥爲布置以杜竄越前書所陳想必畱心崇通保舉尤

萬不可再緩也

與胡潤芝中丞

七年閏五月十六日

前月之杪接奉覆示領悉諸凡而論軍情大勢及勇怯之機尤極精當令人佩服無似粵西糜沸已極直須用大手段另起鑛錘徒事補苴非計也方方不繼且不暇祇得姑置之昨接省信稱翼逆已率黨抵彭澤正在摩厲以須得希莽書知此賊竟回安慶果何因也蘄黃均連獲大捷欣慰不可言狀楚事當無憂矣瑞賊旣蹙臨圍亦合惟吉安城下之師數且近萬而岌岌若不克終日者刻思敝軍爲之護衛鎗所部僅及三千日來病者已三分之一旣須規

撫建以爲數郡禦援賊又欲顧西路而時防其潰裂實深
焦憤耳

復李希莽觀察

七年閏五月十六日

昨日述初九初十二之戰并託飛探翼逆及蕲黃近情
奉上一函旋專勇至接手書捧讀之餘慰甚憾甚其慰也
蕲黃一帶日來未得確探盼信正切忽聞屢捷之音則鄂
省可以無憂而我湘北境亦藉以安也其恨也翼逆稔惡
已極鴟張殊甚昨聞其已抵彭澤以爲必來此間正在摩
厲以須乃復折回安慶殊爲索然然內變及勝公躡追紅
單上駛之說必有一確者則此賊孽數將盡而大局轉機

在卽弟又將轉恨爲快豈必功自我出鄰於小丈夫之私
見耶望切禱切今日探報甯都敗匪又竄至離此九十餘
里之龍江溪地方則克復之說想當不妄惟吉安城下兵
勇七八千岌岌不克終日刻望弟之三千人分軍爲之護
衛而敵軍旣須外鞠援賊又復刻念西路諸軍日內病者
且將三分有一似此情形焦憤殊甚耳

復文輔卿大令

七年閏五月十七日

前書未復頃又奉到手函知城賊不時出覲均經雄師擊
退其街衢賊壘早已踏平曷勝快慰之至水東又益以黎
守戎五百人會紮巡防已爲周密矣昨拏賊探供稱水南

流阮之賊三四萬人竄聚龔坊查該處係走新淦大路誠恐李笠山吳子序背腹受敵我軍不得不暫駐此間遙爲聲援頃探又有甯都州賊萬人竄至離沙溪四十里龍江溪地方俟探的卽行進剿此股平仍須乘勢規復樂安然後回軍水東與諸君併力攻城耳自水東一路至此間均無賊蹤散營勇蕭金堂等何得逗遛貴營可謂膽怯之甚矣祈飭其速來爲荷

與吉水楊月樵大令

七年閏五月十八日

昨日兩接復書誦悉一切賢者多勞誠哉是言也團務之成當在指顧間可佩之至十二日逆賊又來就戮殺之近

千鼠竄而去沿途爲團練所殺者其數倍之因冑聽指示賊來多則截尾少則圍殲其效之速如此正欲進規樂邑又報甯都竄出一股至龍江溪一帶昨夜探賊前隊已至沙溪地方距吉郡僅一百五十里且爲我軍後路又須先勦前聞甯都於初五克復今逆賊源源而來此信蓋的將來由樂安而規撫建可免後顧之虞矣敝營勇夫前令寄寓貴治養傷治病今聞隨營同往者亦數百人竟有敢滋事者已出示嚴禁派勇稽查尙祈閣下一體嚴查獲案卽就近正法示懲鑫平生愛民如子軍令森嚴絕不偏袒今相隔寫遠惟賴閣下佐我不逮感甚禱甚十一日承代雇

短夫四十五名每名應補發者已照數按給承墊給之數亦扣銀奉趙祈察收瑣事屢瀆殊抱不安耳

復勒怡田鎮軍

七年閏五月十八日

三月之末接奉春正賜書卽肅復一函諒呈青鑒邇維禔躬迪吉戎祉綏嘉爲慰爲頌弟自三月來江與諸軍進逼臨郡已鑿長塹困之賊當自斃前月杪率本部三千來吉安痛勦援賊半月四捷殺賊一萬數千噉斬僞王侯以下逆目甚多見在賊勢大蹙弟於日內擬由樂安進規撫建二郡看江西大局大抵中秋前可望一律肅清也賊之竄閩省延平邵武者聞亦大敗而回金陵又有內亂之信安

徽之賊逼湖北黃蘄一帶者屢爲官軍擊敗此誠滅賊一大機會也惟粵西糜爛已甚柳州平樂相繼失陷幸我楚邊防堵甚嚴此閒事竣終當爲之驅除也

復連州張漪珊刺史

七年閏五月十八日

前月勇同接奉還雲慰悉壹是又承惠賜書物敬謝敬謝昨使至又蒙賜書拳拳故人之意有加無已捧讀之餘望風百拜怡兄濟世奇才宦場鐵漢所謂盤根錯節乃別利器者於斯益信霽兄率成生等援勦英清立解重圍其功不僅在嶺南也雖餘匪尙多勉力圖之歲事當不遠耳然老兄之經營籌畫已備極勤勞矣佩甚念甚弟自來江與

諸軍合圍臨江賊堅守不出即鑿長塹困之檻獸釜魚可無一名漏網前月杪率所部來援吉安半月四大戰殺賊一萬數千噉斬偽王偽侯以下逆目甚多見在進規撫建二郡秋閒江省當可一律肅清如其時粵東尙有殘匪弟仍當返旆南來也西省事糜爛已極柳州平樂二府相繼失陷省城被圍數次幸而不失與我楚交界之處賊蹤幾遍惟防堵兵勇尙多得力或不虞侵軼耳宜昌春閒有匪滋事早就肅清入川之路已無梗塞矣金陵又有內亂之事湖北蘄黃諸帥連敗安徽之賊九江之賊亦不敢出城索戰大局當有轉機也

復朱岡張霽堂參軍 七年閏五月十八日

專足至奉讀手書如親晤言秤架星子久爲賊窟得我兄極力清洗又爲之妥辦善後其造福於粵楚生靈者無窮矣春仲以後督師出境數戰而解重圍清楚粵之通衢與怡兄力捍危城之功竝垂不朽私心欽佩莫可言喻惟分勇來助一層暫實未敢遽許以弟所統轄者絕長補短僅及三千逆賊常以數萬計日來因積受暑雨勞瘁之故病者且三分之一欲請添師又愁無饑且恐不得力者適以誤我事機也弟觀江西全局大抵中秋前可望一律肅清弟若遽捨此而去似有大局頓變前功盡棄之勢分勇則

力實不敷也如賊漸斲漸少兵力日聚日厚則亦當不待
歲事卽分數百前來然弟祇盡心力以圖之其如願相償
則尙未可卜也見在賊勢大蹙祇要各處兵勇大家奮勉
金陵老巢亦當速平弟則斷不能遽隨諸君子東下以服
嶺以南之民亟望拯救故也弟自來江與諸帥進逼臨江
已掘長塹困之令其自斃瑞潯二郡亦然前月杪因吉安
之帥求援甚切督軍前來半月四捷斬馘一萬四千僞王
僞侯以下逆目均已伏誅賊膽大寒然人數尙二十萬似
非數戰所能了也已擬由樂安進規撫建二郡矣草此布
復竝希致語成莫謝李諸君子努力自愛不宣

復蕭潛川觀察

七年閏五月十八日

日前奉一函備陳初九初十十二等日戰狀想登尊覽頃
奉手書領悉尊處長壕已就地道已開城賊雖不時出覲
均經擊退曷勝欣慰之至此開敗賊已由甯往龔坊其意
似回撫州而甯都州賊萬餘又已竄至沙溪離此開五十
里徘徊瞻顧不敢前來日內當率隊往勦此股平卽進勦
樂安也惟吉安諸軍力似不支其勢岌岌殊多掣肘之虞
耳翼賊退回安慶未知的係何故前接季翁信以此賊稔
惡已久如此次不思擾鄂必由開道援江囑龔設法除之
不意其遽爾折回也

二月五日
復趙玉班太守 七年閏五月二十一日

頃奉手函敬悉十六日城賊大出經雄師及各軍迎勦立挫兇鋒諒該逆勢窮計竭孤城指日可下曷勝欣慰龍泉兵力頗厚尙稽克復亦殊悶人新淦之兵前獲勝仗日來未得確音甯都賊竄近沙溪爲數甚多弟於十八日率六成隊由藤田馳赴沙溪探聞該賊尙屯聚韶源上固一帶該處箐深路窄未可輕入今日午刻約萬餘賊漫山徧野而來弟分道迎擊賊敗走追至拱岡背賊掘山口死拒我軍奮力衝突賊復敗拋棄軍械旗幟壅塞道路復追至韶源見屯賊約三四萬人踞大小邨屋數百戶若蟻聚然其

沿河一帶連營幾十里我兵突至賊眾不知所措卽相率奔潰遂將賊營賊卹槩行放火乘勢追過固源該逆晁水過河時已初更矣我兵收隊回營是役殺賊約二千餘人生擒數百卽於敵前斬之此次賊數之多不下五六萬人我勇僅千餘人得此大勝殊大快也然亦倖矣

復吉安各營將

七年閏五月二十二日

頃奉來函敬領壹是城賊情形如此卽將出甯可知愚見以爲必不來甯惟北路宜防未知諸公謂然否盍昨日之戰以千二百人敵五六萬之賊火其連營數十里斬獲二千有餘亦戰事之最奇者也事後思之殊爲悚然其詳已

具復玉翁信中想早登尊覽此股賊多係贛州府南康縣
潭口人上年合洪逆攻打贛州不下旋竄甯都州聚眾已
至十餘萬因洪逆分股竄往撫州此股逆將由沙溪取道
白溪水直達水東以援吉安如不得志將取道萬安乘虛
仍襲贛州此據生擒賊供也頃探已分股遁走黃坡地方
鑫定於明日拔營追之必將此股盡殲乃止輔兄前諾鑫
倩章大兄畫江西全省地圖於扇贈我如已寫就祈即付
來是所至禱

與胡達人廣文 七年閏五月二十二日

日前專勇遞函并公文亮登英覽兄自十二日復獲大勝

後旋探餘匪已竄樂安而甯都又來賊萬餘竄近沙溪因擬先將此股蕩平然後進剿樂安遂於十九日率六成隊由藤田起行比日抵沙溪駐紮探聞該逆屯聚離此二十里之上固地方一帶該處路窄箐深未可輕入見在設法誘之使來當可一鼓蕩平也昨接省中信以郴州一路防勦亟須良將非吾弟不堪此任暫時讓項如黃南翁實難措辦省局亦當勉籌以資接濟蓋深知吾弟之才足當一面南方保障將獨賴之兄何敢強弟相隨但思兩粵一日不靖郴永一帶一日不安以吾弟之才與其以精兵爲防兵何如越境討賊乘時利舉之爲得計昨接連州張漪珊

刺史書云去臘陳金釭大股萬餘撲清遠城張霽翁一戰而解圍追賊至於英德連獲大捷見賊由濱江竄新洲沙河一帶非重兵難資分布乞兄以五百人前往會剿兄思廣東此時夷務稍紓惟此英清一帶股匪未靖異日終爲楚禍不趁此合力剿洗以後更難爲力用是決計請弟率所部勁軍前往會剿仍一面飛告省中速籌餉項解赴行營一面飛告連州漪珊刺史及統兵官張霽堂此二君者明幹樸誠與兄最善彼聞吾弟此行由兄派調必倍加敬重軍精一切萬無掣肘之虞又其統轄五營營官成兆侯宅心忠厚智勇絕倫兄所極許與之共事尤爲難得此時

賊勢窮蹙而霽堂一軍三千人聲威早振若益以吾弟一軍尤當勇氣百倍自可剋期成功此舉關係楚粵大局不小吾弟幸勉爲之除此大患成此大勳是則兄所禱祀求之者耳除另備公文外手此馳布

復崇陽諸蘭谷大令

七年閏五月二十三日

頃勇到接誦來函備悉壹是團練日有起色而閣下猶苦未能深信此可見實心實力與徒事虛聲者固已大別至言及局紳尙少和衷一節弟觀古今來君子與小人如枘鑿之不相入而有時在上旌而用之以爲調停之計此亦救時之苦心究之邪正不兩立小人道長勢必君子道消

也不及早圖之其禍有不可言者此則全賴大君子委曲調劑化其意見之私以求於事有所濟斯爲善耳通山事迄無頭緒上下棼迷可勝浩歎如吾兄能就近查辦亦正不必以越俎爲嫌也弟自前月二十七日由臨援吉大捷於水東斃賊近四千踏平賊壘七座斬其首逆僞平東王檢點將軍等多名本月初九初十二又三捷於永豐藤田沙溪等處先後斬賊至六七千之多昨二十一又分剿上固之賊斬獲二千餘破賊連營三十餘處以千餘之勇敵五六萬之賊尤戰事之最奇者也知注并聞

復文輔卿大令

七年閏五月二十七日

日前肅一函備述二十一日戰狀想已達覽頃奉到二十
二日手書備悉城賊屢經痛剿傳逆手受礮傷快慰之至
石逆原率眾上犯已至彭澤因勝克帥躡追於後紅單船
亦已上駛之故又聞金陵內亂僞天王之子欲與石逆爲
難故仍折回安慶此信甚確非故作虛詞也鑫昨日追賊
及甯都州之釣峯地方大獲勝仗斬其僞將軍蕭復勝及
僞總制廖姓等賊目多名其僞將軍毛逆則自縊於山上
共計斃賊二千六七百名解散脅從及拔出老幼婦女近
萬人其自縊自刎及投水死者不計其數查我勇無一受
傷者諒關綺注謹以慰聞

復吉安各營將

七年

昨肅蕪函將二十六及本
想登鈞覽頃奉謙函備極
奉江西撫憲札飭令與謀
懼無論才劣識淺隕越堪
專以遊勦爲主力杜賊控
命似前札未可輕棄區區
餘以來所勦各股悍賊不
待其已至擊之或恐生變
爲力較易其所全更多

補也龍泉已下周君當更有調停尊處圍攻必且日密矣

復劉蔭渠廉訪

七年六月初四日

連日進剿未通音問頃奉手書慰悉崔大兄遠道趨戰得挫兇鋒而腰閒竟爾受傷殊爲念之新淦賊所必爭援賊之至亦意中事然有康李兩軍扼其西渡當可無虞也弟原擬早來淦邑會剿甯都樂安撫州崇仁各股悍賊不下十餘萬人均思援臨援吉致敵軍日來追奔逐北幾乎腹不一飽足不一停自初九初十十二等日三捷後二十一日又大戰於上固二十六日大戰於釣峯昨初一日戰於古夏均獲大捷稟彙錄呈今日又與僞楊國宗大戰於東

三月五日
山壩地方斬賊實不止三千餘人并斬其僞檢點張宗相
僞指揮曹光照僞將軍何壽來等首逆多名生擒二百餘
名奪獲騾馬百餘匹弟見擬乘勢進攻樂安矣知關塵念
用以慰聞

與左季高先生

七年六月初五日

前月十三復書後旋於二十日奉七日復示茲又奉到二
十七夜書領悉豈是惟崇通保舉一事龔屢次懇問而來
示無一語見示前書言易普照擬照參將例奏邀

特

恩讀至此不禁五體投地轉悲爲喜何昨接奉中丞批不
會明示此次尊諭亦不復提及深切盼望我心如碎矣周

鳳山與鑫不會有小釁祇以愚直之故時刻爲吾君
吾民憂遂不暇計及旁人議論諒我不諒我與仇怨之叢
集而稍露其萬難容忍之槩於大君子之前耳去春鑫寄
先生書卽已言之其時未有二月之敗也固已料江西大
局必誤於此公之手卽就二月樟樹之役而論江西紳民
稍知大體者靡不欲切食其肉而僅奏請革職已無以服
天下人之心若再賞其多靡脂膏多害百姓之功遽予開
復原官則鑫當任諸君自爲之乞賜骸骨歸田里矣斯言
出卽先生必責我憤激太甚然他日終當有公論也胡達
人一軍實須調之隨征以敝軍本部僅二千五百人病者

已十居六七前至上固尙有一千二百餘名可以隨征初
三日之戰僅九百人已耳朱惟堂吉字營雖尙可用然五
百人之力實不及鏗兩哨勇之爲得用也昨見其以隨征
爲苦已令回藤田休息矣賊眾合計尙數十萬不添一枝
得力勇幾何其不自危也郴州一路暫實不必深慮去歲
十月楚軍至秤架遽行折回朱岡司張霽堂名清鑑與成
兆侯率東陂觀勇將大東山一帶積年爲匪之紙篷炭廠
糖寮及窩匪墟場房屋四五千間全行焚燬將附近之匪
搜辦無遺將該山永遠封禁所有附近之銅坑坪連安保
耕各約堡團練一切經理妥協責成各約紳按月該處有

無窩容匪類具報地方官一次又至星子辦團搜擊土匪
該處與楚境逼近雖逃竄臨宜者不少然巨惡匪首誅戮
殆盡漏網者僅四大寇中曹漢槎一人而已該匪與相堂
所部廣勇有舊故潛往依焉至今不敢回去而潭源洞一
帶百餘年之垢穢一旦清洗此不僅東粵之幸實我南楚
之福也去春鑫與此二君者反復熟籌必須如此辦法未
竟志而回深以爲恨不意其終能成吾志也何快如之故
鑫謂郴州暫不必憂也清遠濱江地方土匪勾引陳金缸
敗賊自去年十月撲清遠城至本年正月日聚月多四十
八堡村從賊黨已至數萬人地方官或死或逃勒怡田鎮

軍福率孤軍入力保危城數月之間艱險備至而忠義奮發不爲少挫至今年正月節相札張霽堂率東陂勇三千往援二月初六由連州起程二十一戰於橫石二十二大戰於高田均獲全勝圍城之匪遂聞風逃遁霽堂將到時省城先令郭超凡太守率數千兵勇甫入清遠境兩次失利卽退守花縣軍火盡爲賊有若非霽堂與成兆侯前去則粵事不可問楚事亦不可問而我好友勒怡田亦幾危矣鑫久悉其始末欲爲稟中丞以表其苦衷竊恐人又以鑫爲好事且謂鑫阿所好以自誇知人之明也故爾中止茲復不禁私爲先生述之前月中旬接霽堂由英德九龍

地方來書稱已追賊入山賊憑險死拒我軍入剿則拌命鏖鬪團勇久出思歸且見賊愈打愈硬亦覺膽怯欲鑫分數百人爲之助則逆黨可立平等語鑫比以賊眾兵單不能分助復之然心中耿耿負此良友矣前書到後鑫思既不準調達人來則與其以健將精兵防不必防之處何如出境助剿一勞永逸且一以明我之不負好友則各處之認真團練者聞此風而氣益壯一以速清楚粵商旅之通衢郴州釐稅已不待敲骨打髓而自獲無窮之利於籌餉極艱之時亦大有裨益是一舉而數善具焉已擬一面飛札胡達人率精銳數百疾趨英德與霽堂成兆侯合力辦

理一面稟知中丞恕專擅之罪旋接胡達人信知龍泉成
功在卽恐伊去又成畫餅故又中止此時龍泉旣復又思
變計調來以勇病太甚愈者少而新發者多想霽堂成兆
侯等雖不能遽滅賊尙可自立鑫處則不能不深自危故
決計調之者此也望中丞更加飛札助以兵饟是所至祝
統領吉安各營江右大憲已下札吉安諸公稟亦早到鑫
以來江原奉中丞諭相機勦辦不拘地方未奉後命不敢
遵從辭之接讀來書眞先得我心矣前日檢生賊訊供多
稱有所謂楊國宗者鑫不之信以爲楊秀清旣殺何得尙
有國宗者昨徧訊各老賊始知其詳此逆姓名楊秀來係

楊秀清之弟去秋金陵內亂伊在安徽不敢回去聞楊逆
伏誅卽投石達開部下今歲石逆責令取閩浙以自效由
建甯敗回又思由吉安犯湖南昨已戮之僞檢點張宗相
係岳州華容人所部指揮以下逆目多稱功勳湖南人最
多故昨打仗較前數仗之賊頗穩且兇聞楊秀來所部多
如此其必再來無疑添兵亦不能遽到鑫惟有以身作則
嚴誠各勇慎持其氣以俟之人事盡則聽之天命無容過
爲焦憤也至前書所論石逆較勝楊逆必須亟誅與鄙見
略同究之臨江逆日程瀛更毒未可以其未得志而忽之
前二書論臨瑞南潯地勢及四月二十九夜來書謂太和

亦可至永新茶陵何必兩桂等語均熟於地利之言惜乎
尙非深悉用兵知己知彼之道耳欲爲先生詳言如細流
之益滄海又非數紙不能盡其說故且置之劉子雲飛鏐
前愛其木訥今看來更有剛毅氣勝某友之浮詭多矣

諭旨體諒曲至龔代思之亦爲感激無地何況先生身
受者乎古人直聰明作元后元后作民父母之說豈欺我
哉滌翁近况龔急欲得其詳祈示我爲慰日來寒暑交崇
百病叢生兵燹之餘又無藥可買所幸馬上尙能強持離
鞚則昏憊如泥也草此布復伏乞原鑒不盡

與李

迪葺方伯
希葺觀察

七年六月初六日

前月十六日接奉希兄初十夜覆書而迪兄處則又久不奉回音思之黯然且皇然矣瑞賊聞日內出城投誠者甚多其窮蹙可想果於何日可以克復也潯城近又曾開仗否蘄黃一帶果否絕賊窺伺能厚集兵力以圍城賊則善矣石逆又聞并未親至彭澤其黨抵彭澤者遽行折回果何以故一切亟欲得其詳而其事一方如隔天地魚雁稀杳真悶人也弟軍自水東戰後於沙溪藤田上固釣峯古夏韶源東山壩共八大戰殺賊二萬三四千解散脅從以數萬計然撫建屯賊尙十餘萬而閩省已一律肅清賊之竄回者又源源而來幾令人如入山陰道中應接不暇而

本部二千五百人病者且三分之一朱惟堂五百勇雖尙可用然不能耐苦前已令其率回藤田休養初二二兩仗出隊者僅九百人蓋亦危矣差幸廬陵吉水永豐甯都州所屬地方經弟一面擊賊一面齊團皆從命如響各鄉邨截殺敗匪者隨在皆是卽弟未到之處如樂安廣昌崇仁等縣係賊蹤蔓延之區但用告示及團練說暗地散去紳民聞風興起鬚髮練丁圍截零股者亦多有之賊雖眾不爲害耳又龍泉于前月二十五日克復吉郡孤城圍可益堅而復龍泉之功則全賴胡達人設計誘降九千之賊無一漏網亦一快也達人名兼善桂東少年茂才去歲援江

諸公由敝營借去之士也所部桂東勇多係三年弟在該縣所訓之卒也見已調之前來當可收指臂之效弟力小任重與強寇相遇每難自信惟有竭心力持以謹慎時刻申儆各勇使之不驕不竭以期有濟成敗利鈍則不能逆料也茲將數仗稟彙一併鈔呈清鑒望辱教之并時示以所惦念者爲幸

覆李迪菴方伯

七年六月初八日

久不奉賜函盼望正深前夜作書達老兄且甚埋怨矣頃間接讀前月晦日來諭如獲至寶乃讀至末幅又令弟鬱悶更增奈何變計以制賊一段議論極爲精當左老前致

弟書亦痛切言之弟深以爲然可謂所見略同惟吉臨見均合圍不可輕動而瑞郡則尤僅虧一簣且該逆等若尙令一名漏網卽弟亦當氣煞弟處光景前書已陳其槩兩日來探聽來頭陂者已六七萬見尙絡繹而至已到僞國宗四名老國宗新國宗七國宗皆姓楊其一則洪姓也該逆等蓋料弟必由永豐出樂安規崇仁宜黃以攻撫州故思用全力再取甯都以援吉安而圖南贛取建瓴之勢且可爲擾東粵南楚之計弟見定計必盡聚殲諸賊肅清廣昌南豐然後由樂安進規撫建則弟此日之勢不惟鄂師退蘄水蘄州斷不敢去援卽賊抵武漢城下亦不能輕棄

前功害我百姓而爲救涸鮒之西江水也明矣峙衡兄所處正與弟異趣而同情濶公此舉似亦未通籌全局老兄見到處便當速行何待反復商議致誤事機九江原未曾合圍何雞肋之難棄特尊軍全數北渡則賊沿江南而上亦大是可慮以愚見揣之黃梅之師必調往回救固是不易之理如其竟退黃州則尊軍似宜駐興大之間一則爲江北各軍聲援二則可回顧武漢重地三則照管瑞軍後路四則兼顧湘省鎖鑰五則可以相機援勦神光四注倏南倏北倏分倏合倏動倏靜中其有緊出以神速大非頓兵堅城之下左牽右掣者可比須俟江北兵威大振上三

郡或先復一處然後會諸軍合圍潯城老兄則仍縱橫衝突於大江南北庶易蕺事鄙見如此老兄若以爲是請細意而速行之大丈夫出身爲國計名固不求罪亦勿避切勿效小英雄手段知進不知退知經不知權膠拘於一成之見聽操縱於庸人之手也如此信到時黃梅一軍已調駐南岸尊軍疾趨江北振軍威而挫逆氛固可預料則鄙論又當節而取之變而用之事機瞬息千變是在靈妙以應之者矣惟弟有一主意牢不可破者則以爲爲大局計甯可再失湖北斷不可輕棄江西前功况有老兄與潤公厚莽諸君在亦萬萬不至此乎草此直達不盡欲言

復文輔卿大令 七年六月初八日

接誦謙牘藉悉尊處五月二十至二十九水陸各路攻剿獲勝情形慰悉之至此時逆首受傷賊眾窮極加以龍泉克復周副戎自可移軍郡城合力圍攻更昭周密克復當在指顧間矣頃探離此三十里之頭陂地方偽國宗楊洪韋石四逆及偽七國宗均已合股賊眾陸續至者號稱十餘萬實已不止四五萬人徘徊瞻顧不敢前來實似無能然弟軍不逾千二百人究嫌單薄自當慎以持之不敢稍涉疏虞以慰塵懷耳

復耆九峰中丞 七年六月初九日

前月二十三日戌刻於永豐之沙溪接奉鈞諭越一日稟
覆計日內已達尊覽茲於初八日酉正在甯都之東山壩
又奉賜函仰悉指畫周詳體諒曲至拜誦之餘感佩無似
鑫軍前擬由永豐徑趨樂安以規撫建旋因二十一日上
固之戰細鞠生賊知各股由新城南豐來廣昌甯都者源
源不絕均思援吉安圖贛南以取建瓴之勢若執前計賊
必乘虛攻瑕併力以圖吉安吉軍儻不支則前功盡棄而
大局頓壞祇得以由永趨樂爲虛聲而亂其指以由甯趨
廣爲實著而撓其謀幸抵甯後三獲大捷州境一律肅清
督催團練均有起色樂安賊蹤蔓延鑫商斬令暗地將告

示及團練說散去亦聞風響應鬚髮練丁截殺逆匪或一二百二三百者不一而足崇仁紳民亦有來營者均令持示說多紙前往囑其妥密布置若鑫軍到樂安必易爲力日內賊之陸續聚頭陂地方者六七萬人已到僞國宗四名所謂老國宗新國宗七國宗者均姓楊其一則洪姓也見當絡繹而至鑫飛催各隘團練相度地勢授以方略明示條約且信其賞罰開陳大義兼動以利害令其於我軍進剿之時孰爲隨後策應孰爲從旁橫衝孰爲迎頭要截將已安排停當蓋此股渠魁旣多莫適爲主敗之非難而除勦務盡之難故不能不資力於團練如天之福謀事事

成能將首從悉數擒斬則不特江西大局可望轉機矣殲此股後乘勢掃蕩廣昌或併及南豐作興斯民以固上游之勢然後折回藤田出樂安規崇仁宜黃以圖撫建彼時能遵照勝算辦理與否尙難預定某太史率烏合之勇往攻新淦不能殺賊而徒擾民不意處士虛聲無用至此龔自與兵事雖以孤軍遇極強之寇處至危之地未嘗敢輕求應援非自足而惡人分功也實以冗雜之眾多不如少芴泯之卒有不如無况吾民久困水火安忍使之益熱益深凶賊尙沽名譽奈何我反相戕相虐蒿目時艱此心欲碎龔先定計到樂安時卽分軍往新淦今有此軍反不敢

去矣由湖省至江之師則一周鳳山有其過之無不及焉
不知 皇上與斯民果何負於若輩而助賊爲暴如此
也然此猶其標病耳而本病則尤在地方官之難得其人
瘡痍凋敝之餘清匪辦團收民心培元氣亟須賢父母之
整頓以重新其氣象乃或麻木不仁甚者且從而魚肉之
其不願爲賊者不盡驅之爲賊不止雖有猛將如雲謀臣
如雨恐亦日不暇給矣况哀哀赤子果何辜也卽如此州
係五月二十九日僞國宗洪逆等因廣匪擾民激怨驚走
石城閏月初三始有溫姓紳士率團勇入城又數日喬牧
始至龔自前月二十四入州境急欲覓地方官與商善後

一切徧問紳民無知下落
見初八喬牧差人問訊細
惟重青蚨民事本非所計
任此地民情重戴思之不
最爲喫緊可否速飭楊牧
妄參臆見又如廣昌崇宜
敏集事之章令至誠動眾
身乎昨夜接李迪莽九江
水蘄州其勢尙難駐足潤
調鑫軍及瑞州劉牧騰鴻

軍渡江而請黃梅之軍移駐南岸鑫覆書詳告以近狀且云統籌全局此時甯再失湖北斷不可輕棄江西前功鑫軍固不可去瑞軍亦決不可動卽賊抵武漢城下亦不敢奉札調等語究之有迪莽在亦決不至此也福將軍部下兵勇多少將領得力否李總戎果於何日由省門率師起程向何路進發切祈隨時詳示是所懇禱鑫以一介書生拙直成性不善韜晦強絆從戎數年來奔走兩湖兩粵閒全賴籲門中丞恕其無知教其不及推誠委任無纖毫遙制旁撓之虞故奉命周旋稍免罪疚邇日來江稔悉明公力破積習慨然以救世安民爲念而在省大員自翰臣方

伯以下靡不竭誠贊襄每讀劉養素彭雪棊來書述及近
事輒舉手加額爲江省數千萬生靈慶再生茲復兩奉手
諭尤爲感激無地故不自揣狂愚而率陳其胷臆如此然
以年輕識淺之人肆談軍國大計與分外之事言之不慎
荒謬必多伏望嚴加訓示以爲鍼砭幸勿以其直言無忌
而輕信之也肅此恭候崇安靜候教言不宣

復劉養素觀察

七年六月初九日

連旬進勦音候多稽頃奉手函并承飭差取到雪翁復書
感慰無旣城賊負嶠如故智勇均無所施徒深焦憤地道
工程已有半分若得成功則幸矣撫藩新政可觀此江西

之幸抑不僅江西之幸也子序太史以數千人攻淦賊何以尙須蔭翁派兵會剿此弟所不解昨接李迪兄信北岸斬師大潰武昌震動胡中丞飛咨江西湖南撫軍請調敝軍往援等語時變靡常往往如是可勝浩歎然弟此時固萬萬不能應命也敝軍自前月初九初十十二三捷後繼又於甯都屬之上固釣峯古夏東山壩等處四獲大勝斬賊約二萬三四千然各股悍賊希圖援吉援臨且接踵而至見離此三十里之頭陂地方陸續竄來賊號稱十餘萬實亦不下六七萬人其首逆有所謂老國宗新國宗七國宗者弟軍以吉字營五百人駐藤田而本部病者又十之

六七從征者不逾千二百人本屬單薄幸各勇均能用命氣尙不竭堪慰塵懷耳茲將從前各戰稟彙鈔呈清鑒閱後乞轉遞雪翁蔭翁濬翁一覽爲禱

復朱芳浦遊戎 七年六月十一日

頃接手函悉尊恙漸就痊可欣慰無既弟自水東捷後嗣復勦賊永豐甯都各屬七獲大勝斬賊二萬三四千僞王僞侯檢點指揮多已伏誅敵軍見駐甯屬東山壩地方而僞國宗五人又已合股十餘萬眾竄聚頭陂已擬日內督勇進勦矣令弟攝理營事頗爲能幹足慰塵懷刻下貴營已與敝老營共駐藤田藉資防勦續假一節已蒙上憲俞

允俾遂安心醫治矣手此布復

復左季高先生

七年六月十一日

初五夜奉書語多憤激屬在知心當亦諒其無他也昨接
二十六日兩示慰悉崇通係舉已將拜摺而滌帥事尤喜
得其詳爲人臣子受此 至恩又將何以圖報稱也易
普照事來書尙未言及初五書達當必示我矣蘄黃軍情
賊勢先生屢爲憂之鑫初不甚介意不僅潤迪二公也以
北岸兵多而精者亦不少又經小挫後復振故以爲可無
他慮孰知迪莽前日來書果不出先生所料於此益信諸
葛公之神而自媿其不及且可爲用兵之炯鑒矣鑫嘗謂

用兵如築土隄以壅橫流稍有疏漏則潰決之大患立至此聖人之所以慎之又慎也來示謂用兵須全體是易知進退存亡而不失其正纔是萬全極是探本之論鑫雖不敏請事斯語論鑫此行不特中丞公不爲遙制卽鑫亦難自制之語非真洞悉機宜者不能道水東戰後不料有藤田沙溪十二日後不料有上固惟自二十一之役已遂決計先清甯都廣昌而不敢以告人然亦不料該逆等於抵甯復三大戰後又傾巢前來也今日謀者又云僞國宗三人二楊一石洪逆不知何往

初三謝伍二逆之敗皆洪逆部下故爾膽落究之卽來亦

易與也 人數實有七八萬特能戰者不過四分之一而由新

城逃回者稱撫建極爲空虛南豐宜黃崇仁樂安合計不
過三四千賊盡來聚頭陂與我軍決戰鎗當此巨寇豈敢
以輕心掉之惟日來賊游奔未敢來犯得以其暇將部勇
極意淬厲而撫摩之皆戰氣百倍由吉水藤田起病來營
者又近三百人永豐章令又挑選團勇之精壯者三千餘
人前來助戰茲復竭力振作團練爲分部伍明賞罰畫地
勢齊心志聞風起者以數萬計可用者亦多有之持之以
謹慎出之以多算望後當能將此大隊賊悉數了結則南
廣樂崇宜黃五縣可於月之內外一律清洗而撫建二郡
必迎刃而解矣其餘一切近狀再請覽覆李耆二公書可

三才圖會卷之三
悉其槩日來此地民漸完聚藥物亦可買鑫服數劑外感
將盡精神略爽差堪告慰天暑雖甚自藤田以來鑫與各
勇均未住帳房擇民屋借住故不苦夏日之曝烈病者稍
減惟坐更哨探加倍嚴密頗爲勞耳劉養素血誠男子令
人愛敬雪琴兄日來病且增劇深爲念之峴莊到蔭兄營
已有書來言體稍健矣江西撫藩新政大可觀內外事務
井井有條此閒事勢當有轉機援黔之師已連捷而抵黎
平大是可喜究之鑫前者細查該處之賊實尙不及粵西
烏合之眾果有大力量者得權行事兩省雖皆糜沸已甚
實不難徹底澈清也胡達人前初六日已飛札調之前來

尙無回音日內當得其消息也吉安之師月餘以來氣亦
稍振當能站住以望克復鳳山周君已到彼矣此閒尙須
數日方進勦恐先生與中丞盼念甚切故走足詳告壹是
卽請大安不具

復劉子雲廣文

七年六月十三日

謝坊本屬藏垢納污之地其紳士因弟至故畏罪而強爲
團練弟亦因其僞而暫用之縱不能大有益祇要自己
把握亦可暫用之也謝茂金未知何人如實虛狡太甚卽
可聲其罪而除之謝均謝城前日且竟以功牌賞之矣厚
田中邨兩處亟宜整頓謝均等請往前山明知柯樹下之

爲要隘而不請去我兄真燭破奸膽矣惟此等狡徒非殺
一二人斷不足以示懲望兄相時量事果應如此卽速行
之謝芳標昨竄廣昌經長灣田勇打敗殺三四百名之多
果信然耶此閒探信不符想尊處較近必得的音望飛速
告我爲禱今早著楊太和來尊處何未言及殊深念之明
日十四賊不來弟必不往大約望日必於未明時卽拔營
進剿也望準備一切并不時飛信相告爲禱

復耆九峰中丞

七年六月十四日

拜讀手諭敬領壹是承示機宜深爲佩慰此閒賊之陸續
來聚頭陂者至初十十一二已有一十二萬餘鑫極意激

厲園勇撫摩士卒擬乘其就戮悉數除之今日探報盡往
廣昌路上逃竄深爲可惜已定今夜四鼓後督勇追勦或
不出南豐境可以了結也臨江劉蔭渠觀察今日有信到
稱新淦之賊日形猖獗已復以待下浣抵樂安再作區處
昨因樂安百姓頗能從命恐或負之已飛札千總朱惟堂
由藤田率吉字營五百人前往會台團練相機攻勦并屬
靳令率所部勇明早由此前去當可得手其朱惟堂勇五
百卽龔所部三千數內者也病傷各勇則仍畱藤田休養
矣龔軍與劉峙衡不能輕棄前功往援鄂省實情前稟已
備言之來書所示不謀而合誠燭照千里之外矣馮嘉瓚

所行爲實是無賴痞徒所帶普潮嘉勇騷擾萬狀百姓苦之十倍於賊鑫昨斬其一以示聲警勢雖少戢然帶勇者有意縱使無可如何也鑫非其本管上司宜乎藐視祇得請其往石上各處借防堵爲名以遣之去而極囑地方紳民趕辦團練以準備之若公能速設法去之庶甯都百姓不致重困水火也此閱百姓本多可用上年今春團練殺賊者頗不少無如馮嘉瓚聞賊卽走又縱勇擾賊所不及之處且盡奪紳民之功爲己功故人心渙散至此今又益之民何以聊生惟署廣昌都司張騰霄代理建昌縣孫效曾似尙可用容再詳察奉告也

復劉蔭渠廉訪 七年六月十四日

初四日奉復一函想達臺覽今日奉到初八日夜兩手書
驚悉盧凌漢竟爾隲亾慟甚恨甚建武軍卽某公所帶否
已向耆中丞誦言其罪老兄想當據事直書方足以對奮
勇出力之盧君也弟營自初三東山壩戰後擬卽進剿廣
昌詎賊陸續前來離此三十里之頭陂至十一二竟聚至
十二萬餘之多其來意定欲再取宜都出吉安擾贛南以
及我省計亦毒矣弟卻深喜其就戮必欲聚而殲之遂不
遽進極意淬厲士卒督辦團練部署已定剋期痛剿不料
今日探報盡數往廣昌路上逃竄弟擬明早率勇追剿如

在廣昌南豐境內能將此股了結則下浣當可抵樂安昨
日已飭朱惟堂率吉字營五百由藤田前往樂安督同團
練相機攻勦見又囑靳大令率所部勇二百前往會合樂
安城賊不過千餘想易蕝事惟與尊處會攻新淦之議則
須俟弟親抵樂安方可作區處也濬翁養翁希葺峴莊兄
本均欲作書告以近狀因日來觸犯風寒不能多寫故但
書此紙且鈔近日復書中丞信二紙祈閱後卽槩行送諸
君一閱爲禱

復左季高先生

七年六月十五日

前月二十二十一六月之初一初三初四等日大捷公牘

及初五夜十一早連奉兩書想日內可次第達覽矣茲奉到南北中丞札與初五日鈞諭知均以舍江援鄂爲先其所急請卽前說而申言之初五書述及賊情欲由吉安犯湖南一層是屢訊賊供千真萬確之言日內連獲賊探陸續來聚頭陂者已至十二萬餘之多忽於十四日全數竄回廣昌其真怯耶抑欲以退爲進也此時無論金遠離江西卽疾馳樂安埽新淦賊若乘虛攻瑕數百里將成未成之團練已收未固之民心固忍心負之矣使賊分其半以趨水東或挾全力以圖吉安如某某君者果足恃其穩打穩紮耶萬有不虞賊計得行因利乘便疾擾長衡各屬粵

東之賊縱或不足虞粵西之賊不因之益逞者幾希矣鄂
渚之事不因之大壞者幾希矣彼臨瑞潯尚能自立乎又
將置鑫軍於何地乎吾決大局之立壞矣以鑫揣之吉臨
瑞之師萬不可動鑫亦不可輕移非惟不可且暫不必又
請卽鄂事而申言之敗於漕家河者固難復振矣省城固
空虛已極矣然黃梅都軍鮑軍數蓋近萬固未挫也迪莽
潯城之師尚及四千賊之憚其威名亦已久也厚莽水師
數千尚可縱橫衝擊於江之南北上下也賊能遽至武漢
乎卽能遽至而我收潰敗者守之於內精銳者禦之於外
前以分防分攻而遂見爲少者此時以合守合擊而實見

其多賊遽能逞志於武漢乎且余洪以二千餘人駐岳似不若分駐崇陽通城二處團練尙有幾分可靠我軍駐之民心固而氣日壯西而蒲圻咸甯東而義甯武甯之團亦因之而振而通山興國團雖未成土匪必不敢肆是大有益於鄂省而實以固吾湘省之藩籬尊見如以爲是可速商中丞公行之也總之我省北路之警已形而實緩且尙有可恃之勢南路之禍未形而實急且更有甚危之機明智者當能審其拘其迹也卽萬一有意外之虞厚募諸公獨非湘人乎前年羅師之不能舍江鄂而遠救郴桂其勢使然若此日之事則鑫所處爲相似而更切諸君

時地則又當反觀矣苟有利於天下大局死生以之旁觀之毀譽上司之喜怒不敢計亦不忍計且不暇計也况迪葺厚葺若尙不能挽回龔率此千餘未病之勇冒暑馳逐千餘里以救涸鮒正所謂剜肉醫瘡瘡終不愈而全體已立虧也先生細思之當不以龔爲貪近功而忘遠害矣龔今日黎明率勇來此聞賊尙在廣昌本欲急追奈地方被賊如洗明日須籌備米糧始可動身如能迅將此股在廣昌南豐地境殲之當可速出樂安圖新淦那時再看上下事勢若何另作區處可耳龔生平作事惟審其時度其勢而應之斷不敢執成見也前日飛札朱惟堂由藤田率吉

字五百勇前往樂安督同團練迅圖克復斬大令已於今
早請其率所部二百人前去會合惟敝營病傷各勇則仍
畱藤田休養聞樂安城賊不過千餘尙易蕝事惟往新淦
則須待鑫於下澣親至樂安時再圖進取某公實爲可恨
蔭公健將崔大光之傷盧凌漢之死皆伊致之胡達人之
勇必欲其散後另選果何以故去歲不冝放手已致劉梅
心之死而龍泉事幾危何欲仍蹈故智也况胡達人縱未
必可靠何不如胡達人且數倍者偏乃大放厥手者甚多
也夜半強起書此閣筆時已漏下五更矣率臆直陳不自
知作何語惟辱而教之幸甚

復趙玉班太守 七年六月十八日

日前接到手諭藉悉城賊連日出戰均經尊處擊退欽慰
之至周君欲先掘壕後築壘豈果胸有把握欲別開生面
以制勝耶諒閣下自有善籌無俟鑫之慮及也頭陂之賊
均於十五日夜竄聚廣城弟遣偵探卽於十七早五鼓督
勇進剿賊出數萬迎戰我勇奮力齊擊賊大潰走追逐三
十餘里收隊斃賊約三千名生擒百餘名拔出脅從者計
二千人奪獲騾馬軍械無算我勇受傷三名均不甚重敝
營見駐廣城擬日內探確賊蹤摒擋一切卽行進剿至回
軍藤田尙難預定也

復李乙生大令

七年六月十八日

今辰奉到手諭藉悉老謀爰愜勝算周詳實深欽佩李毓青李燕賓實非良民已承查復竝知會李昌期許以緝拏交解散營有勞尊神感勒奚似祈催速拏解并前渠所領令旂一併繳來是所至禱弟昨早五鼓督勇進剿行至茗阮遇守卡賊千餘擊走之再至三官殿賊出精銳萬餘後應者層層弟分軍禦之賊拌死抗拒僞國宗楊逆親率悍賊數千從城右衝來我勇奮力齊擊賊大敗走追逐三十餘里至甘竹地方始行收隊斃賊約三千名生擒百餘名拔出裹脅者計二千人賊委棄軍械無算我勇受傷二名

均不甚重知關綺注用以奉聞

復黃南坡太守 七年六月十八日

日昨兩奉尊函并公文四件敬悉縷縷周君晉省見調胡
達人一軍來吉實見籌畫周詳第未審其急來否也鑫前
奉北省督撫札調做軍援鄂鑫以不能赴援稟復誠以棄
江援鄂則前此之功俱成畫餅况黃梅潯陽水陸精銳未
挫者合計尙近二萬想無足憂也頭陂之賊均於十五日
夜竄往廣城鑫遣探的卽於十七早五鼓出隊進剿賊出
精銳萬餘迎戰後面層層接應我軍分禦之賊拚死抗拒
偽國宗楊逆率悍賊數千衝來我勇奮力齊擊賊大潰走

追逐三十餘里始行收隊斃賊約三千名生擒百餘名拔
出難民計二千人做營見駐廣城探得敗賊竄往南豐擬
擗擋一切再行追勦也

復左季高先生

七年六月二十日

十一日由東山壩走上一函想早達矣頃接臨江來信新
淦之賊日聚日多然水師得力想暫不能渡河惟程瀛賓
爲可恨終當急除之迪莽已自率師渡江而北請黃梅之
軍穩圍潯城又令希莽率千餘勇往駐興國以杜未形之
患迪莽真可人也鄂難不足平矣二十日之稟不是多事
高明諒之周鳳山可殺不可恕胡達人當用不當疑也見

在賊有風鶴之警我乘破竹之勢撫建二郡守具未完或不待攻而克矣

與李乙生大令 七年六月二十日

兩日未奉手書心殊耿耿日前本擬追勦南豐之賊以規復撫建昨未刻接家兄信稱吉郡各營均於十七日失利退紮五十里不覺心痛氣滿幸探報敗賊至南豐不敢駐足與前存之匪悉竄建昌又聞新豐東陂之賊亦已遁走撫州迺囑南豐孫明府廣昌張都闖率所部勇千餘及團勇卽日由甘竹進規南豐弟軍揚言由宜黃出樂安攻撫州卽於昨夜三鼓拔營折回藤田進取吉安誓必盡數殲

旃勿致漏網始伸憤懣今日未刻抵紮洛口適世兄來晤
弟詢及閣下近狀稱未得音耗心竊念之前令樂安斬明
府永豐章大令會同朱千總進勦樂安已於昨十九日規
復城池追賊三十餘里頗有斬獲斬公樸誠得民章令勤
能辦事卽孫張兩君亦屬可靠者尙冀聯絡聲氣屢通訊
音方收襄成之效且敝處相離稍遠南廣宜樂一帶情形
尤祈源源見示是所至禱如鴻便罕逢祈齋至章明府處
囑其轉達可也

復劉峴莊刺史 七年六月二十五日

前日在廣昌接十三日爲蔭翁所作書未遽作復以前數

日復書頗詳而又值聞吉郡惡耗憤恨未暇故也茲將目下籌辦情形鈔稟稟付來清覽自悉即祈飭呈蔭兄閱後懇速遞濬翁養翁一覽并請養翁詳告彭雪兄即懇專足走告迪莽希莽兩人也兄日內到新淦當約賢弟前來面商壹是草此直達即請捷安不盡欲言

復文輔卿大令 七年六月二十五日

二十一日午正在廣昌接奉十三十四公牘并另函方痛陳都闖之凶於晚閒即接藤田老營飛報吉郡惡耗憤恨莫可名狀昨回此閒又接十九日函得悉壹是張都司是能不負 國家者竟遽死耶然亦榮矣惟十七日鈞函實未

見到豈該勇中途遇賊耶念之弟於十七與三僞國宗賊
眾八萬大戰於建昌屬之廣昌縣痛勦窮追倖獲全勝南
豐宜黃屯賊亦聞風與敗匪鼠竄撫建撫州屬之樂安縣
於十九日亦經弟分軍收復本擬乘破竹之勢立掃撫建
二郡今遽棄此垂成之功恨乎不恨痛乎不痛尊軍之退
勢使然也使早無諸君何有今日此弟所以常云冗雜怯
弱之師多不如少有不如無於此益信然當道者至死不
悟奈何敝勇尙未到齊弟忿憤之餘馬首所指尙難遽決
或者旬日外可與麾下合軍乎正封信聞接十七日一函
前日峽江楊令書稱貴營水師已到該縣深詫其不暫泊

吉水頃閱來書知并已令其往臨江如此則大錯矣陸軍
既退水師之不能繫吉郡理固宜然何迺遽撤諸數百里
之下耶望速收回前令如楊令尙能駐守萬懇令勿再退
不然大局真不堪設想矣臨書毋任惶迫之至

復黃南坡太守

七年六月二十五日

昨晚接二十一日手書備悉惡耗憤惋同深若再放賊入
湖南境弟不俟上命當寸磔之以雪此恨祈致意焉且賊
本未增祇要不再走賊聞敵軍已回必不敢遠離吉城來
殺此恇怯之將士也惟新淦之賊日增楊明順又讓送一
吉水城以斷我咽喉而爲賊通氣真賊之功臣矣忿極作

此不知所云

與朱晉升都戎

七年六月二十六日

閱公牘以連日謠言均不介意可見胸有把握慰甚賊聲
言攻永豐蓋欲以虛聲亂我軍心也仍望靜以鎮之勿惑
浮言止自勤加哨探小股來痛加剿洗可立奇功儻大股
至臨時相機進止斷不可稍涉張皇致棄前功茲發告示
前來望卽飭安人往崇仁宜黃界上張貼自有妙用弟若
遽到樂安而又無大股賊至不移不可移亦不可轉爲逆
賊窺破虛實今足下在彼又能穩固軍心不爲謠言所惑
賊懼大軍隨後卽至斷不敢稍萌窺伺也

與胡達人廣文

七年六月二十七日

二十二日在洛口批發公牘想得登照弟於二十四抵藤
市適攻樂安之師於十九日收復縣城矣惟聞郡城各軍
已退安福吉水亦棄而不守不勝憤恨兄見安爲布置南
廣樂安兩路卽日出奇進擣淦城由下埽上爲一鼓盪平
之計惟念東二郡賊數頗多斷不久安株守非吾弟莫與
共事者務望星言速駕來此會商勦辦以期力挽大局江
省其有身乎至前次公牘已爲轉陳江楚兩中丞并十七
勝仗稟二十五日到藤田稟各稟悉鈔寄上清覽自悉不
贅

復宜春徐南軒大令

七年六月二十七日

接誦琅函慰悉壹是易君靈柩回過棠境諸承關注感何如也中丞以弟軍微勞而犒賞之聞之實深銘感惟此項聞昨已委解至吉水交楊君弟處尙未接收而楊君又於臨吉師挫後委城而去以堅小之城只數百人即可堅守迺聞風而走幾何不使生民塗炭乎弟已確查情形據實陳明各大憲矣弟自水東戰後續收八捷殲賊二萬餘肅清甯廣後旋又克復樂安昨二十六追剿窮寇續獲大勝事機極順正擬乘勢規復撫建又意吉安來意外之驚新淦亦日添有援賊是以不能不急返旆幸撫建遊魂經弟

屢次痛創該逆始弗敢逞志上游惜乎因吉安之事使我
應接不暇不克遽遂其謀耳

與樂安斬鎮銘大令 七年六月二十七日

東山壩別後無日不思昨日公陂接仗情形何似究竟賊
勢如何尤爲念切茲商同子清兄派團勇五百前來助剿
議定每名每日口糧錢九十文出仗之日每名加錢一百
一十文合成二百之數準於明日起程前來其百長什長
應酌加口糧議定後再以奉聞頃接探報瑞郡克復一股
潰至峽邑殲滅無遺吉郡之師已進茶澧田廣昌一路亦
由此商派團勇前往以壯聲威如探的宜黃大股果出棠

治弟卽日親統大軍星馳迎勦一切探報務必飛速告我儻實無紙筆卽專明白勇丁持吾兄名片前來面說亦無不可總以詳而速爲妙耳

與廣昌張騰霄都戎

七年六月二十七日

昨奉一函交來勇齋回矣連日督催永豐章大令遴派團丁編成隊伍共成三哨擇妥紳督之鑫亦加派諳練老成之親兵一人幫同管帶該團丁皆隨鑫數經大戰甚爲可靠不然鑫亦不肖遽以我軍旂幟號補給之也其口糧鑫亦酌定百長每名日支錢三百文打仗之日另加三百文什長日支錢一百四十文打仗之日另加錢一百六十文

散勇日支錢一百二十文打仗之
動身之日起悉由廣昌團局支發
尊處無庸多給口糧當此民窮財
也至前承惠番金二百元爲川資
拂雲情勉強攜來實未曾用亦不
卽察收轉發團局以爲兵精如以
以此轉贈局中萬勿再爲寄來致
瘡痍每念及不禁惻然區區之
接峽邑來信知瑞郡收復餘匪一
勇剿滅無遺吉安各營復振已淮

亦會同官兵回守城池矣派往樂安之師復城後昨二十
六日會團進勦公陂大獲勝仗儻續探大股至金擬先從
此處下手明日先派團勇馳往也

復趙玉班太守

七年六月二十八日

二十七夜中專足至接謙牘聆悉壹是吉水之失誠夢想
所不到者然郡賊烏合至今尙不敢遽離巢穴分股遠擾
其無能已可槩見矣贛江以東弟軍在此力能抗撫建援
賊并可出奇掃蕩一切暫難渡江西岸之事惟望諸君勉
力維持以圖復振是所切禱楚邊固宜籌顧亦當相事機
之緩急爲之耳

二月四日
復劉蔭渠廉訪

七年六月二十八日

前呈蕪函既辱青睞復惠綺言慙感奚似弟迂直成性年來時事觸目傷心憤恨積中故抒於大憲之前不無激烈語也是否有當望賜箴規十九晚瑞城竄出之賊二十三日已擾至峽邑之烏口地方經李游擊楊大令合力堵剿該逆幾無遺類是求援者幾絕來援者可無虞也弟二十四午正抵藤田老營擬日內拏搗一切卽率隊進剿淦邑上攻吉城頃接楊明府稟稱吉軍進紮澧田淦賊多竄撫郡吉水楊令亦會同官兵回守城池則該處事勢復爲振興矣惟派往樂安之師於前十九規復城池昨二十六日

會團進勦公陂復獲大勝後旋探該賊有大股來如屬確
耗弟將先從此下手後圖淦吉也然軍機瞬息千變弟總
視其緊急者援之斷不拘一成見也

復峽江楊希之大令

七年六月二十八日

前復一函計塵青覽頃荷琅翰藉悉壹是瑞賊擾竄棠疆
當經閣下督勇痛勦幾無遺類可見碩畫英謀嚴防力堵
曷勝欣慰惟該紳聞風散走事多棘手實深憤惋然經獲
勝後力爲糾合則渙者亦易萃也弟本擬日內進勦淦吉
上攻吉城旣聞該處事勢復爲振興而樂安復城之後續
稱有大股至儻屬的耗弟當先從此下手了後再圖淦吉

也今已接劉廉訪來函祇稱瑞城於十九晚竄出千餘而規復之事未曾言及則瑞賊雖極窮蹙而克復或未確也

與胡達人廣文

七年六月二十九日

二十七日專肅寸函計日可登青照連日探報東岸之賊散布白沙烏江一帶淦賊有分至新墟之說蓋欲通吉水之氣也而二十二日安福各營書來情形依舊已屬速圖復振極力維持至撫建大股日懷窺伺非嚴遏東岸之衝不足力挽大局務望仁弟仍照前約迅速前來會商勦辦是所至囑收復樂安之師於二十六在公陂獲一勝仗餘匪已悉遠颺矣頃聞風聞太和亦有空城之說彙於該上

面一帶情形未悉是何明府有無兵勇團練如效吉水楊令之空城待賊賊亦未必卻情而不分數十百人往據之也尊軍務須沿途確探如有賊至太和萬安固可乘便速勦之再來會合特必以抵藤田爲正文蓋東西數郡關鍵在此舉耳做營二三日內尙未定拔營卽他往亦必畱老營在此待賢弟之至也

與李乙生大令

七年六月三十日

日昨藉復一函并鈔稟彙寄呈吉郡各營力圖振復會合逼圍情形依舊瑞郡竄出股匪千餘至峽江已悉殲之矣淦邑之賊多折竄撫州吉水踞城之賊爲數實不甚多樂

安十九復城後二十六於公陂續獲大勝賊悉遠颺頃接
斬明府書宜崇巨股勃勃欲動距樂均僅百里勢頗難支
望我軍馳勦不得不先其所急定於初一拔營前往藤田
最爲衝要亦已畱勇督團防守日來尊處情形若何刻爲
繫念之至務望趕集團丁星赴宜南廣甯交界處所實力
堵截飛速知會張都司孫代令一體相機策應隨時馳告
敝處是所切囑茲專勇走詢壹是并埶告示四十張團練
說三十本祈查收分發務使遠近咸知爲禱

王壯武公遺集卷十五終

湘潭朱士宜校勘

王壯武公遺集卷十六目錄

書札九

復楊希之大令 咸豐七年七月初一日

復黃南坡太守 七年七月初三日

復楊希之大令 七年七月初三日

與 廣昌張都司 南豐孫大令 七年七月初三日

復康友之大令 七年七月初四日

復楊月樵大令 七年七月初四日

與王惺原先生 七年七月初四日

與劉峴莊刺史 七年七月初四日

復章子清大令

七年七月初五日

復諸蘭谷大令

七年七月初五日

復泰和縣士紳

七年七月初八日

與李春醴觀察

七年七月初九日

與朱石翹觀察

七年七月初九日

致馮春舉刺史

七年七月初九日

致章子清大令

七年七月初十日

與劉

蔭渠廉訪
養素觀察

七年七月初十日

與黎生警齋

七年七月初十日

與吳翔岡

七年七月初十日

與劉立葵丈 七年七月初十日

與翁芸窗茂才 七年七月初十日

致羅鎮堃茂才 七年七月初十日

致周健堂先生 七年七月初十日

致朱鐵橋大令 七年七月十一日

致楊石泉茂才 七年七月十一日

致黃生雲岑 七年七月十一日

復文輔卿大令 七年七月十一日

復張凱章司馬 七年七月十一日

與南豐孫大令 七年七月十一日

三月五日

與張凱章司馬 七年七月十四日

復廣昌張都戎 七年七月十四日

復靳鎮銘大令 七年七月十五日

復李乙生大令 七年七月十六日

致永豐章吉水林大令 七年七月十六日

復靳鎮銘大令 七年七月十六日

復楊希之大令 七年七月十七日

復永豐章吉水林大令 七年七月十九日

復靳鎮銘大令 七年七月十九日

復劉蔭渠廉訪 七年七月二十日

與蕭濬川觀察 七年七月二十日

復劉養素觀察 七年七月二十日

復戚少雲太守 七年七月二十日

復文輔卿大令 七年七月二十日

復楊希之大令 七年七月二十一日

復黃東治大令 七年七月二十一日

與靳鎮銘大令 七年七月二十二日

復胡達人廣文 七年七月二十二日

復靳鎮銘大令 七年七月二十三日

復張凱章司馬 七年七月二十三日

復李乙生大令

七年七月二十三日

復郭寶田大令

七年七月二十四日

復劉蔭渠廉訪

七年七月二十五日

與廣昌張都戎

七年七月二十五日

復朱晉升都戎

七年七月二十八日

復廣昌張都戎

七年七月二十八日

復永豐

章司馬
吳都戎

七年七月二十八日

與劉瞻巖殿撰

七年七月二十八日

復黃少鐵大令

七年八月初一日

復永豐章大令

七年八月初三日

王壯武公遺集卷十六

書札九

復峽江楊希之大令

咸豐七年七月初一日

流阮營次接手書誦悉麾下會同水師進剿水邊墟定獲全勝慰甚企甚固江之捷差強人意續招遣散蓋爲節饑趨見然冗雜之眾止足爲累毋甯少之附郡之民尤爲愴痛當急思所以拯之昨接靳公警報宜昌大股虜至勢殊岌岌初一五鼓率師趨之竣事當在指顧金吉之行亦不遠耳告示承代印多貼感甚亦足見辦事認真之一端也附上袁郡公文二件乞爲覓便遞去爲荷

三月正元建興

復黃南坡太守 七年七月初三日

接誦手書備悉鳳營失事之由與事後之荒謬憤恨殊深
瑞郡潰賊殲滅殆盡峽令亦與有力焉頃接蔭兄書近日
臨賊亦洶洶欲潰矣吉郡若非此變豈不同時奏功耶弟
自前月二十四抵藤極力布置南廣樂安兩路本意先埽
新淦次及吉水吉安嗣探和長各營力圖復振進紮澧田
在固江又獲勝仗吉水之賊來往不常人數甚少淦賊分
小股至水邊墟大股有回竄撫州之信三十日辰刻接樂
安靳令飛報崇宜巨股將攻樂出永以與吉臨之賊會合
因思各路情形較鬆不得不先其所急遂於月之初一五

鼓起行初二日到此擬痛加掃盪卽日回軍尙祈轉致諸君竭力維持以收桑榆之效幸甚禱甚吉營似此鼓噪必有主之者弟已下札嚴查矣未識尊處調停之後果何如也念念

復峽江楊希之大令 七年七月初三日

頃誦來函具悉壹是水邊墟賊兄擬督隊往剿諒不難掃蕩至淦賊乘虛偷渡仁和一帶重兵扼之亦不能飛渡也尙望嚴加偵探力爲堵禦是所至禱頃接劉廉訪函稱瑞賊自十九日逸出一股後存城之賊見難刻支克復當在旦夕又云臨賊聞瑞城此信洵洵欲潰似此光景尤望閣

下嚴密防堵恐兩郡一有規復不無竄賊擾及崇疆望益
加努力建立殊勳也弟於三十日辰刻接樂安斬令飛報
宜黃屯賊二萬餘崇仁亦有賊萬餘均欲攻樂出永以援
臨吉迺酌留一旂駐防藤田并飭永豐章代令糾合團丁
會紮弟老營張我旂幟協同堵守卽於是夜五鼓率隊疾
趨初二日申刻已抵樂城見探賊尙距此六十里擬日內
卽督勇進剿吉水已無賊蹤楊令已敢同城否祈速示知

與

廣昌張都司
南豐孫大令

七年七月初三日

飛啟者前派去團丁三哨并寄告示團練說各件想均入
覽昨接樂安斬大令稟報探得崇宜大股逆匪欲攻樂出

永以會吉臨兩郡城賊適探吉郡各營進紮澧田後在固
江大獲勝仗而淦吉兩縣之賊亦不敢遽逞各路情形較
鬆不得不先其所急迺畱勇一旂率團防守藤田弟於初
一拔營初二馳抵樂邑卽日進擣宜黃崇仁次第埽盪爲
此飛函馳布務祈會督兵勇團丁移駐交界要隘之處隨
時專安偵探弟軍一至彼此知會分途截剿以收一鼓盪
平之功是所至屬惟久未接尊處信不識南邑情形何似
刻深惦念嗣後務乞隨時飛示一切是禱

復康友之大令

七年七月初四日

軍書旁午久違箋候屢於致信臨江各營殷殷問訊諒達

聰聽弟自水東大捷後復率勇窮追痛勦由永豐而甯都而廣昌續獲八大捷殺賊二萬三四千殲僞侯僞檢點指揮以下逆目甚多正欲乘破竹之勢進攻撫建忽接吉郡警報前月二十四馳回藤田老營正欲由淦邑下手次及吉水吉安因探郡城各營復振進紮後在固江大獲勝仗吉水賊亦無多淦賊爲尊處水陸各軍所扼亦不能飛渡贛江各處情形較鬆而樂安警報杳至宜崇巨股將犯樂攻承以會臨吉城賊不得不先其所急遂於月朔拔營初二抵此卽日進擣事竣卽回軍也承示溧江屯賊未知該處距城若干里是否卽界埠對河永豐北路水東墟是

否卽水邊墟其新淦二都四都地方想均在東岸望速爲
覓繪新淦全圖及通各處路徑里數一一詳寫貼說近日
見示弟進攻時必當知會吾兄與陸師及界埠團勇分道
齊進牽制逆賊并可乘虛蹈瑕一鼓成功以紓數月來大
家積恨誠爲快事諸凡尙祈見教是所至禱

復楊月樵大令

七年七月初四日

初四日連接手書備聆壹是今事已如此夫復何言惟期
努力自愛電勉圖維以收桑榆之效幸甚弟前因樂安警
報沓至星馳抵此近探宜崇之賊聞風而逃使我不得痛
懲之可勝憤恨日內當回軍掃淦吉然城小而堅賊慣死

守當日棄之甚易此刻克之甚難奈何

與王惺原先生

七年七月初四日

夏初承惠鈔錄汾陽事蹟如獲至寶每一展讀輒感先生
愛我之深望我之切雖在下愚不敢過爲暴棄以負知己
之期望惟久未作書訊問起居歉仄實深然竊嘗有言士
人居心不可不至虛而立志不可不遠且大若先自以大
賢以下者爲止境則其所造就將流於庸眾而不自覺又
嘗謂孟子言人皆可以爲堯舜與所願則學孔子實非欺
人自夸之語迺確有所見而云然質之先生當更引而進
之使不域於所已至而勉幾乎所未至也江右向爲人文

之藪一旦其亂遂至此極鑫深求其故無非道學不明士大夫知有利而不知有義齊民從而效之遂令寇盜橫行生靈塗炭一至於斯嗚呼亦可悲矣鑫欲力挽而學疏德薄不能從心又或聞有一二有志之士類爲陽明良知之說所汨溺莫克自振得一徐生梅蒼者與之語似有所得然亦一薛居州矣其如此滔滔皆是者何哉先生必有以教我練勇芻言去夏曾呈尊覽茲因強索者情不能卻撥冗稍爲訂正冠以序言萬望力爲斧正近日擲交敝營寄局寬便付來切勿徒作獎飾之詞使鑫增慙而重咎也團練說亦呈一卷祈教正爲幸

與劉峴莊刺史

七年七月初四日

今午奉到復書慰甚前月手函已蚤讀矣昨書信時偶忘述及耳前月杪接峽江楊令信稱吉軍復振新淦之賊多同竄撫州適探報宜黃有賊二萬餘崇仁有賊萬餘稱欲乘虛襲樂安永豐以通吉臨故拔營來此擬清宜崇二縣卽乘勢規撫建今旣如此則勦崇宜後必先清新淦此不易之理如二縣之賊竟爲虛聲所懾不敢來犯則將暫舍彼而急此矣恐師出神速不及知會望時刻照料準備爲禱程賊詭計旣被燭破而太平墟遺憾尤不可不雪極是極是惟二郡克復在卽須速速嚴飭各府州縣兵勇團練

晝夜偵探梭巡嚴加防堵截殺使無漏網若有一賊入湖
南境我輩尙何面目對人昨瑞賊之竄亦危矣哉此請捷
安并乞以此遞濟蔭養三君一覽是幸

復永豐章子清大令

七年七月初五日

別後初一日抵流阮初二戌刻抵此連日探得宜崇之賊
尙無動靜又接峽江來函淦賊分股至該縣水東卽擬改
趨淦縣頃得惠書詳悉壹是吾計決矣定於初六日星馳
永邑約初七早可到今特星夜飛布吾兄接信後卽揚言
暫一同署料理公件輕車減從盡夜馳回弟到時卽可面
商一切但不可令藤田士民詳知以致動搖人心團勇宜

三原正志遺集
穩紮老營切不可動吾兄到縣會商後仍須返藤聞有會
合林介眉攻吉水之意晤時再行商辦然藤田老營之團
丁則萬不可動恐水東之賊由白沙沙溪繞我軍之後也
諒早見及此矣

復崇陽諸蘭谷大令

七年七月初五日

月之三日接閱謙函敬悉種種感慰實深承示整飭國防
井井有條又與孔君共事不分此疆彼界自然相與有成
彼都人士何幸得此賢父母也賊竄蘄黃一帶弟前接李
迪翁信憤激無地恨不插翅飛來無奈此間正值事勢棘
手連日冒暑馳逐以千數百疲乏之師當撫建十餘萬援

賊一旦移師他向則吉臨瑞三郡將不堪設想幸瑞州情形稍鬆李希兒分帶兵勇二千名直趨興國相機策應大局或可無虞胡中丞既駐黃郡輔以馬隊各軍又復分掘黃梅廣濟聲勢益振雖殘喘尙延不難滅此朝食小池口如果攻破則潯城當在掌握之中矣昨奉南撫憲札并江省咨文俱稱翼逆石達開已經投誠其窮蹙之極可想弟自率師渡江追剿各股援賊四旬以來幸收九捷殲悍賊近三萬之多拔出裹脅難民亦數萬肅清甯甯樂廣各屬餘賊尙八九萬回竄撫建分駐宜崇前月正窮追巨寇不料攻吉之師以不戒而挫幸近日各軍復振瑞臨之師亦

屢獲捷弟可以專力河東一面今駐軍樂城不日卽直擣
宜崇逼攻撫建如天之福或者此惡貫滿盈之流假手於
我湘勇以盡殲之亦未可知也

復泰和縣士紳

七年七月初八日

頃接來書慰悉靈是吉賊自各營挫敗後日肆猖獗吾兄
會合有司防禦極嚴該逆弗敢窺伺泰邑生靈有所倚賴
佩服實深弟昨自樂安移師永豐以淦吉之賊聯絡聲勢
欲乘虛襲永豐及聞我軍甫抵此聞又鼠竄而退其無能
可想惟軍機瞬息千變宜崇大股探聞我軍已移樂城兵
單遂糾集撫建各股逆賊直欲徑取樂安出永邑以通臨

吉弟不能不先其所急卽星馳赴援初九日抵樂如該逆
果來就戮當可一鼓殲之此聞事了卽返旆前來力攻吉
郡以慰士民之望幸目下吉郡各營力圖復振想亦可以
支持也

與李春醴觀察

七年七月初九日

五月望後託文麗兄致北海先生書請其轉達尊覽告以
一切近狀想得見矣旋於二十一日拔營由臨江來吉郡
二十七大捷於水東閩五月初九初十十二大戰於永豐
之沙溪藤田二十一破數萬賊眾於上固二十六及六月
初一初三迎勦巨股於甯都州屬釣峯古夏東山壩十七

追十餘萬賊於建昌府屬之廣昌縣又大敗之十九日又分兵收復撫州屬之樂安縣前後殺賊近三萬拔出難民如之解散脅從亦且數萬僞王僞侯及各逆目誅戮不少詎料變生意外吉安以萬餘之師圍困極之城忽敗退百里之外此亦天地開一大恨事矣見在竭盡心力布置撐持尙不至前功盡棄然貽誤機宜豈淺鮮哉自水東以後十餘稟橐并團練說及近日日記悉錄呈教不待多瀆獨是賊不足滅民心亦有亂極思治之機而是非賞罰有令人慨然太息者尙未敢遽云天遂厭亂也鄂事前亦稍變各上憲亟調鑫往救已抵死不敢奉命究之鄂事實尙不

足憂也蔣段聞已近逼興安而平樂之匪又至沙子街清遠匪有分竄壬戌阮近稗架之說未知近日大憲作何布置耳

與朱石翹觀察

七年七月初九日

前月奉到回音讀之增感此日時事顛倒已甚以刻意訓練約束戰功已著之胡達人而讒謗之口竟足以惑當道之聽聞鑫於此深自慙其不免矣其他尙何言哉惟江西尙有可望者勢泯蕩析已極之後人心正好挽回而九峯中丞翰臣方伯諸公勵精圖治不執成見力破積習或剝極必復之機乎告示一紙尙能動人團練說語雖粗淺似

乎較先生前年所作更親切也請閱之當不笑其自誇乎
練勇芻言亦改正鈔一本呈王惺原先生得暇請索觀之
也前書命鑫告蔭翁勿用之人竟爾遺忘近尋原書亦不
見有便祈再示之黃子春已蒙中丞下委何故堅辭其中
必有別故望懇致拳拳爲湘邑百萬生靈請命強爲勸駕
哀憐而俯允之爲幸

致道州馮春臬刺史

七年七月初九日

久不奉書心常耿耿想德教漸染入民日深矣弟自二月
二十八由岳州拔營救臨江之急四月初六始逼城而營
正在圍攻喫緊之際忽於五月望後連接吉安警報稱郡

城未能合圍而撫建甯都三郡援賊陸續麕至動輒數萬勢甚岌岌弟以吉郡勢踞上游而又與我省處處毗連上接南贛二郡與粵東相鄰此處有失不特臨江瑞州九江圍城之功盡成畫餅而大局且不堪設想祇得於二十一拔營率本部二千五百人及吉字營五百人冒大雨盛暑晝夜疾馳往救二十七戰於吉郡之水東地方斃賊五千連破賊壘五座僞平東王何勝權僞檢點盧三友及僞指揮將軍以下諸逆目盡殲焉惟痛我旂長易普照竟殉斯難此子在道州受傷公力爲救出常欲琢成大器不料其竟止於斯肝腸欲斷幸 聖恩高厚已準照游擊例賜

卹亦足以慰忠魂矣閏五月初九初十二又大戰於永豐縣之沙溪藤田地方斃賊極夥而初十之戰殲賊且近六千所拾旂械以數萬計二十一日進剿上固五六萬之賊焚燬連營十餘里殺其兇悍拔其裹脅亦數千二十六與六月初一初三痛剿甯都州之釣峯古夏東山壩巨股十七追擊十二萬餘逆匪於建昌府屬之廣昌縣又大敗之十九分兵收復撫州府屬之樂安縣合計五旬九大戰殺賊近三萬之多拔出難民及婦孺如之聞風解散者且將倍焉僞王僞侯及各逆目伏誅者不少正擬乘破竹之勢迅復撫建還拔吉臨則江西事若反掌而大局頓好詎

料變生意外吉安以萬餘之師圍垂死無救之城忽敗退
百里之外此真天地間最傷心而駭聽聞之事矣其罪之
莫贖者周鳳山爲最弟與兄言之屢矣誰實信之而竟令
其誤國害民一至此極耶弟於前月二十一在廣昌正在
籌勦撫建二郡以爲機會難再忽得此信遽回永豐見在
竭盡心力撐持布置尙不至前功盡棄然費時靡饜多多
矣弟與各勇之奔走困苦又數倍矣悠悠蒼天其如斯民
之久困水火何哉前月初連接督憲及南北中丞飛札以
贛州之師大挫亟催赴援弟不敢奉命至以甯再失湖北
斷不可輕棄江西前功爲言且以李迪莽方伯在九江都

將軍在黃梅必不至大壞也月餘以來尙無續耗想無患矣粵東賊未清粵西事勢又糜爛至此每一念及我心如擣未識老兄何以教我也恩恩布此不盡欲言

致永豐章子清大令

七年七月初十日

愚見揣之八都賊無難迅掃以通峽江而規吉水若尊處探的請與凱兄等商之或卽於一二日內調第一旂與尊處勁勇會合或令徐梅蒼再挑藤田一帶團勇林大兄隨擇吉境團勇以輔之疾攻八都以通峽江卽乘勢先取吉水而不遽攻新淦似屬可行如攻八都以通峽江能迅速奏功則吉水縱不遽得而賊之氣斷我之聲息通文報可

達替換之勇可來饒項可至無窮之利也特旣通後必取
吉水方穩如吉水攻之遽難得手則我祇送諸送文書者
過了峽江亦是大妙或卽疾埽汀江以回藤田或回永豐
惟其所便賊亦莫測我之忽來忽去亦足寒賊膽矣惟由
藤田往攻吉水此一著弟細思之有一難處以吉水城邊
小河非船莫渡而此時之船盡爲賊有故不如由永豐埽
八都通峽江後再圖吉水之爲穩也諸君以爲何如再頃
新淦紳士聶寅斗來此細問其詳知淦城先本有賊二三
千至閏五月來援賊萬餘見雖未敢大肆猖獗然四處莫
延如近清江之永泰墟爲賊巢穴通撫州之七琴毫無館

等處均有賊蹤往來守卡峽江界之水邊圩有賊二三千
惟近日八都情形伊尙不知未知是水邊圩之賊均來亦
係分股竄來地圖一紙請細觀之并與凱章諸君共觀之
并屬其再將新淦與峽吉永豐近界之地均查明繪呈且
暗地與各正紳通氣妥爲布置時刻以機密奔告祇待官
兵一到四處百姓均齊心殺賊且囑該紳前來稟商一切
特此紳亦今日初見面者據弟觀之似尙明白在足下善
用之也還攻吉水似亦甚難惟的探酌商出其不意時攻
八都之賊時勦汀江之賊使賊不敢正視我而又不測我
所以第一以能通我之氣而斷賊之氣爲妙如不能則飛

速趨其易爲力之處送過諸送文書者過峽江亦一快事也如并此不能則待胡達人至再謀之可矣或緩或急或行或止弟總不執成見也

與劉蔭渠廉訪 七年七月初十日
劉養素觀察

前數日書復蔭翁及峴莊仁弟以賊阻未能遽達當與此書同到也前接文從九翼稟稱該水師已飭赴臨江歸潯翁已深斥其不顧大局未知日內作何辦理昨據峽江楊令稟稱長字營水師亦以口糧故不肯畱峽江欲歸養翁就食真不解之事此時無論臨江籌餉亦極爲難兵力儘足分布不須此等無用戰船况戰船不畱吉水又不畱峽

江見在吉水已無復可言矣。峽江竭力死守，尙足撐持大局於萬一。今又棄之，無論大爲臨端之害，且必爲江楚兩省之害。試問此等戰船將於何處躲避？尙望口糧平昏天黑地，莫此爲甚。萬望奮雷霆之威，極加斥責，令其速速趕回。穩紮峽江吉水一帶，以全大局。如再誤事，弟必會同諸軍將帶勇者寸磔之，以雪公憤。且峽江陸勇尙單，若能籌撥數百勁旅助之戰守，方爲萬全。蓋此路目下之關係尙大於新淦，人人共知。兄等豈不早籌及之耶？萬懇畱神速爲施行。是所至禱。至弟近日情事鈔稟彙呈覽可悉，壹是不暇瀆也。

與黎生警齋 七年七月初十日

前數日接到閏月二十復書深幸從善之速改過之勇且
歎我之不及翔岡其有益於賢弟爲更多也諸語非翔岡
不能道亦非賢弟之虛心不能受矣兄自去春來與賢弟
交本欲竭鄙見所及者切實爲賢弟下鍼砭以期相與有
成因見賢弟一言一動均是夷然不屑詆詆距人神氣故
有懷莫達今歲復雲岑書有吾望雲岑勝似警齋之言正
以此故猶憶初見面時曾以去矜戒倦爲誠字工夫相勸
其實警齋之所謂矜倦卽大學所謂敖惰惟敖故惰一種
乖氣中心達於面目令人望而生厭無時無事不如此警

齋若不於此痛加剝絕病根直是求入道而自塞其門戶
尙望能如雲岑之造詣日就篤實乎警齋去病之法當日
思我不過稍能幾句詩文較韓杜文章尙且不逮遠甚至
聖賢之道則渺乎無所見也卽用世之學亦茫乎未有得
也自媿自勉悚懼敬謹誠於中者形於外敖惰之氣自不
覺消歸烏有於此而言求道庶有望乎而又深之以古籍
實之以踐履將根心生色肅然其可敬藹然其可親則不
待求諸外而造就日深矣惟是警齋旣得此益友而遽以
家事告歸兄又欲爲警齋告者不啻千萬而戎馬倥傯之
極不能盡言故聊草數行相告警齋果能受直言則以後

尙可竭愚忱也

七年七月初十日

與吳翔岡

接手書知己奉檄募勇爲躊躇者久之夫以翔岡之才識
兄久欲舉以救時何躊躇之有所慮者邇來是非顛倒胡
達人之才不及翔岡又不似翔岡英氣逼人彼忌之譖之
者且惑當道之聽聞令其進退維谷若非兄極力相救恐
不知是何光景奈何再忍害翔岡也故愛世之心雖切而
愛翔岡之念尤不能不因之更甚恐徒害一翔岡而又與
世無補也如事尙可已則速已之吾輩祇要讀書成人道
之通塞何與分內事不足以爲損益之數也如勢已成則

望善謀之危言危行真今日所戒如能痛下工夫多受磨折亦正所以玉汝於成何莫非學問也所示條陳倉卒品評未知當否奉還祈細閱而有以教我記得五月初翔岡與我書引無禮義則上下亂無政事則財用不足二語禮義政事錯寫此亦不可不謹聖賢言語字字皆有精意也言用兵者非法不能應變非變不能濟窮與昨書言賊可慮正是善知其短而用之又謂宜守盈養虛卽百戰百勝至賊將滅亦無輕敵則兵不頓而利可全諸語皆一字一珠兄奉爲至寶書紳不忘然又切望翔岡於所已知者實下工夫無徒宣之口筆之書也且毋恃勝毋輕敵六字亦

欲翔岡書諸紳爲後日龜著焉警齋能如此悔悟甚爲可喜頃作書致之因其自知病根而痛下鍼砭所謂乘勢利導也翔岡資質甚高然馳驚於經世之學太甚兄謂終當反而求其本不然植根不深難保枝葉之長茂矣吾懼翔岡之域於所已至而遂不求所未至致有識者不免器小之歎小成之惜則亦甚非兄之所望於翔岡也兄以翔岡能不好諛故切切言之如此如真能虛以受益則所瀆告當更有進於此者不以軍務倥傯而自惜其精神也團練說一本付去請覽亦可粗知近日情狀矣

與劉立葬丈

七年七月初十日

春閒裕齋來營後冀卿兄亦至詢悉起居安吉至以爲慰
惟去歲在省拜別以後屢奉手教規誨殷勤深爲銘佩雖
託裕齋道念謝教而總未親作復函上達歉仄蓄中不能
自釋來示處事不容激烈以孟子之不動心爲勛服之無
敦近來似稍有所得惟望時賜鍼砭以開茅塞爲禱呈上
團練說一本乞郢政至一切近狀裕齋家書想常詳告冀
卿兄歸來尤能道其壹是故不瀆也

與翁芸窗茂才

七年七月初十日

前月接奉五月杪賜書虔誦迴環不忍釋手迄今猶日取
而三復之消我鄙吝且如可敬可畏之故人長在座閒藉

以收束此心使不走作也去秋會兄星垣未及細叩近日
所詣竊以我兄未能埽除一切功名之念爲慮今讀來書
而知斯道之真有賴矣喜慰何如書中道理廣大精確而
論斯民疾苦隱然具天下一家已溺已飢之懷其論庸師
庸臣誤人誤國之由則沈痛淋漓令聽者天良自動論挽
世道以同天心則確然抉其奧旨而示以體要迥非空談
無裨者可比至教錫以隨地講明正學謹飭官箴招集流
亾整頓團練又語以慎擇人才原宥裔從此皆今日至急
至切之務竊雖不敏敢不請事斯語乎嗚呼時事至今紛
繆甚矣人心至今日澆薄極矣而其原則由道學不明之

故自朱子既沒元明間有真儒而所造未極其至雖竭力
補救挽回終不能息邪說而距誠行故陽明承子靜之風
倡爲良知之說率天下而入荒謬虛誕之途彼耳食者既
遠不及其問學徒震其倖成之功業喜其自矜捷得之議
論從而埒益之蔓延以至於今吾道之閉塞未有如此之
甚且久也夫天德王道相爲表裏學術不明治術何由而
昌教化不行風俗何由而厚此其彰明較著者也銓自抵
江以來每怪江西向稱理學節義之邦何至今日而列縣
淪陷較各省受禍尤烈今而知其故矣荆公子靜產於臨
川陽明之學莫盛於江西荆公以春秋褒貶誅亂臣賊子

爲斷爛朝報子靜則教人廢學至論語亦不敢讀陽明則尤無忌憚創爲知行合一之論至欲等朱子爲洪水猛獸廢窮理而言頓悟援聖道以入禪學其間雖有忠烈如文山守正如整筭而杯水車薪未能大有所補救遂至邪說橫行流毒至數百年而大逞其固然也獨是彼蒼者天豈忍長此昏黑而不欲一洗其塵穢否極將泰剝極必復鑫惟自恨學眇德涼不足以挽回世運倡明絕學而如我羅先生者又遽奪之以去夢夢者竟不可問耶蚩蚩者竟不可拯耶邇來竊不自量欲以一木支已傾之廈抔土塞潰決之流萬分倥偬之中時復講明而切究之願與二三同

志身體力行效驗不敢豫期或自此有大儒者特出將以
鏊爲入道之階主因以關榛蕪而躋康莊則亦可以無負
此生矣老兄何以教之團練說一本呈覽近狀可藉悉若
欲得其詳請往舍間流連一二日細閱稟稟日記可也撥
冗草此不盡

致羅鎮堃茂才

七年七月初十日

閏月杪卽接重午十二兩手書每讀行軍須先使人人有
餘勇可買之槩而後能致果又使人人有臨事而懼之心
而後能成功四語恍閱孫吳全部而五月十四一書中一
段論粵賊易破心賊難除戒矜去僞以理養心不可爲意

氣所動不可有頃刻或肆諸語尤爲精粹此不僅戰事之本而已括戰事之大旨矣憶去歲芝生兄與我書以治心喻治兵最爲親切與雲岑端午前二日書以防欲譬防賊相發明鏗謹佩而力行之不敢或怠覺稍有所得以後願常有以見教勿以疑其過未至是而吝所規勿以億其善或已能而不加勸益奔走在外之人不得與良友親每得一鍼砭如獲至寶尙何不耐煩之有哉惟重午書論取與之道則有欲爲吾弟再詳之者謂遺贈宜辨其當否似也然遺贈非他如慶弔也餽贖也周急也不得謂之非義非道非義非道者繼富貨取無當於遺贈之義者也若以鎮

莖讀書不當受璞山之贈則遠行聞戒更何與素少交情之宋薛二君事而以爲有處則可受耶若子華使齊之事則又不可同日而語矣子華富者也其於孔子則師弟也弟服師役分所應爾非爲宰者國有常糈比釜焉庾焉因冉子之請而始與之子華非急無事於周故孔子若甚愛惜焉者示冉子以意而冉子終不悟故明言以曉之也前書謂不必己無車馬而朋友車馬之饋可受亦非強爲創解臆斷也頃者鎮莖贈璞山馬璞山旣受之矣璞山有馬且多鎮莖亦知璞山之馬多而適然送之適然受之豈均失其本心哉問之心揆之理而安則義與道卽在是矣來

書謂取與事不可以爲平易近人蓋辭不達意之弊則亦不必深辨矣鎮堃立志學聖賢取與之間誠不可不辨之嚴且精而又能虛衷善問故復陳之如此鎮堃與石泉雲岑心牧再窮此理而有以進我則又幸矣

致周健堂先生

七年七月初十日

星高竟舍先生而逝矣竟舍鑫而逝矣鑫亦幾慟難自解何况先生然鑫終欲自解者爲先生解之星高之不壽人人共知鑫早憂之鑫前年見其臨敵爭先以後祇派以帳房等事不令其見賊而又不加督催所事以息其精力昨隨至東山壩遇疾卽令回藤田休息屬其極意調攝迺

大枯不治麗參鹿膠之類服至數兩終不能續命此無如
何也雖在沙場而獲保首領衣衾棺材皆盡力所能辦者
辦之臨終金雖不在旁而屬王又三兄及其至戚細爲安
帖殯殮家叔鈴峯亦在焉待秋涼路清始送柩歸見又爲
具稟請卹彙錄呈則星高之不壽實亦其大壽者矣金以
此自解願與先生內外共解之也况子夏哭子喪明曾子
斥以爲孱先生素稱達觀諒斷不以過情自損累及家人
而傷孝子九原之心也撥冗書此不盡欲言

致朱鐵橋大令

七年七月十一日

別來相思歷晝夜如歷四時况忽忽焉又已三月也嗟哉

鐵兄何以慰我勸我善者誰耶規我失者誰耶爲我決疑而平氣者誰耶我思鐵兄我不能不恨我鐵兄矣然鐵兄前日之歸不得已而愬然也此時先生之祠所以經營布置者蓋已審且周矣若興工創造必待八月以後鐵兄何惜此往返之勞不乘閒以慰故人飢渴之思且尙有艱且鉅之事尤亟望鐵兄一來爲我定計萬懇迅速命駕切勿遲疑至勉強久畱致誤祠事鐵兄亦知弟之決不出此矣草此徑達不禁企伫禱切之至

致楊石泉茂才

七年七月十一日

不接石泉書三閱月矣何以消我鄙吝也然石泉前書具

在固終身用之而不盡者兄安敢一日忘之惟是義理無窮以石泉之篤志造道必時有新得原不妨與風塵俗子其領之多聞良朋一番至論藉滌胃次一層塵垢故於碌碌奔波之餘雖温前訓又冀續獲也今歲聞有鄉試鎮於雲岑心牧或已下省石泉未免少寂且營中一切近狀無由詳知兄亦不暇多述能來吾家視家嚴慈暢談數日藉以閱悉諸竹報及日記稟藁乎惟石泉裁之

與黃生雲岑

七年七月十一日

邇來不特學問有進卽詩亦大佳征西行尤爲精卓而末段私心遙祝將軍前長保勝算報君國之句尤見雲岑愛

我之深依然促却談心時也前書以嚴密武毅無一端可指相勸兄佩服不能忌望雲岑益自懋勉優游涵養以幾於熟當愈知聖賢之道真有玩之無窮咀之愈出者斯天下之至樂在是矣

復文輔卿大令

七年七月十一日

頃接初二日謙牘誦悉壹是弟昨在樂城連接來函已下嚴札令勉進楓田情形尙復如此吾兄身歷其閒誠何以堪特剴切而示諭之以冀除此惡習也乞飭照繕多張分發爲荷弟初五接永豐章大令稟報淦賊分竄八都有聯絡吉水城賊之勢又探汀江亦有賊至而連探崇宜之賊

尙無動靜止得趨援比初七至永邑又接樂安警報較永邑更爲喫緊是午冒雨疾馳四更抵水南初九天明又行已刻至樂探得宜黃大股已分兩路而來出浯漳秦坪市崇賊亦至公陂均欲出樂安趨永邑以通臨吉弟此來恰好矣如該逆不來就戮當迎而剿之事竣卽回攻吉淦也尊處情形尙祈隨時寄示以慰繫懷爲荷

復張凱章司馬 七年七月十一日

昨未今辰兩布寸函計登青照今午探得公陂一股漸逼漸近飭各旂列隊北城下潛伏以待頃之逆眾蜂擁而來四旂突起擊之該逆悉力抗拒鏖戰間各旂伏兵齊出賊

大敗奔紛紛亂竄我勇亦分路追之每至窄隘之處賊必
回抗我勇奮力追之所殺最多橫屍四十餘里斃賊約六
千名沿途溪澗爲之變色水亦壅塞不流所棄旂械以六
千計服物則少蓋挑選精銳之賊專來打仗也弟出隊時
卽傳令拔營齊起至小陂時忽吉字營親兵口稟泰坪市
一股已至城下各團均已敗潰該營恐不能支等語弟飛
催三五兩旂立即馳回各旂均收隊趕回比近城十里吉
字營勇又稟泰坪市之賊距城十里弟策馬趨行酉刻回
城則吉字營兩次飛報盡屬子虛也不有此報弟窮追至
公陂可望殲盡醜類緣今日之役四路團練均極得力公

陂之團摩厲以須尤可資其力不意因吉營妖風折回負此好百姓矣惜哉本營探得秦坪市一股先進十餘里後又退去擬明日拔營進駐客馬塘相機掃蕩再當布聞峽令信亦閱悉此君真可愛也

與南豐孫大令

七年七月十一日

昨十四日奉復一函計日可登青照頃聞吾兄復城後催團守城而各要隘之守尙虛張都闕又回廣邑等因不禁繫念之至因思南廣兩邑唇齒相依南邑又爲廣邑前障且甯化敗匪前次旣不得逞此時又派勇防堵萬無足虞此守廣不如守南之事勢也又查南邑之大雄關殺牛隘

杉樹坳三處係通宜黃要隘弟指日進擣宜邑若南邑祇
株守城池儻宜邑敗匪乘虛竄入其誰禦之此守城不若
守隘之事勢也弟籌思再四惟有聯合辦理爲妙務望張
大兄率勇駐殺牛隘吾兄駐大雄關李乙生兄由洽邨移
駐杉樹坳彼此聯絡聲勢嚴密防堵相機截殺最爲要著
幸毋緩也弟日來偶染寒熱兼患河魚之疾稍愈卽進兵
耳見探崇仁賊多竄撫郡想可不攻自破宜黃賊踞守城
中而十二三等日敗匪則悉踞城外也并以奉聞

與張凱章司馬

七年七月十四日

昨上午發一函交吉字營二勇帶呈外晚間又接到兄十

三拜五
一
二
一夜書毅兄十二早致梅邨書潮勇一節得兩兄善爲化
導前又請分一千金交子清兄善爲調停必可得力特據
來函核之似其中難盡咎勇須呼帶勇者極力誥誠開導
并屬子清兄好教之也天下之勇是一樣其不好者總是
帶兵官先不好耳子清兄病漸愈慰甚第一旂到兄等欲
勿遽動亦可胡達人近日必到卽令其速至永豐會合先
清吉水次攻新淦必能得手藤田萬無足憂也昨日午後
又出隊進剿僞國宗楊輔清大股三四萬人於客馬塘前
去二十里之鳳岡墟一帶五里遇賊前隊擊敗之至林頭
則大股在焉賊之馬隊數百首先衝來被龔揮侍勇用噴

筒火包及各旂勇奮威分突賊大敗分途痛剿各追殺三四十里月上東山之巔始收隊至鳳岡墟宿焉是役殺賊約萬有餘高岸深谷有積屍至二三丈高者連人馬壓死在下我勇不暇殺也奪馬三四百匹他物可以想見也生擒三四百名偽國宗身上佩物已盡得之我勇僅受輕傷數名而已頃又派兩成隊往各路搜殺餘匪拾取馬匹明日方能拔營克崇仁縣城也此處離崇仁宜黃縣城均祇五十里前昨兩天所歷之境均崇仁管故先從此下手也此時視永豐之與撫建猶前日視湖北之與江西雖十二金牌連下不能使我棄前功何況六兄一紙書耶

復廣昌張都戎 七年七月十四日

前初三日肅布一緘計邀青覽頃荷琅函慰悉壹是吾兄
會同孫令黃丞進攻南豐數獲勝仗規復城池英銳之槩
劇不可當欣慰奚似甯邑賊敗竄入驛前又撥蔡守備錢
巡檢等赴援獲捷此舉尤令弟佩服第閣下既回駐廣城
與孫令相距稍遠尙冀屢通信音互相防堵弟前至樂安
本擬進擣崇宜次埽撫建旋接永豐章代令飛報吉水入
都之賊欲犯該縣卽於初六星馳赴援初七抵永比晚連
接靳大令朱都戎飛稟崇宜逆賊數萬直欲攻樂邑出永
豐以通吉臨弟視永邑情事稍鬆不得不先其所急因於

初八折轉初九抵樂探得公陂泰坪市等處賊甚眾與靳令籌商一切十一日公陂一股果來犯我督隊痛剿斃賊近六千有奇十三日探報偽七國宗楊國宗率精悍四萬餘賊屯聚崇仁之鳳岡墟午後出隊往剿又斃賊至一萬有餘生擒四百餘名奪馬四百餘匹此三仗惟十二之戰我勇斃亾二名前後其受傷者二十餘名均不甚重擬乘風聲鶴唳之勢攻崇宜擣撫建想不難次第掃蕩望速會同孫李兩君即日逼近宜黃截殺敗匪是所至禱

復樂安靳鎮銘大令

七年七月十五日

昨奉手書藉悉竹山阮賊情并田勇投斬餘匪千名欣慰

之至弟自十三早揖別午正出隊進勦鳳岡墟之賊行五里逆賊前隊六七千擊敗之再數里至林頭則偽楊國宗率精悍四萬餘賊在焉首先馬隊數百衝來弟揮侍勇用噴筒火包及各旂奮力衝突賊大敗追逐三四十里月上東山之巔始收隊回駐鳳岡墟是日斃賊一萬有奇生擒四百餘名所得馬亦四百餘匹楊逆佩物盡爲勇得不識人已死否昨日飭勇四路搜捕亦獲餘匪斬之擬卽日進克宜崇次埽撫建想不難一律肅清也李乙生有回信否盼甚昨接張都閩孫大令信已於初四日克復南豐矣尊處一切情形尙望隨時示知是所至禱

復李乙生大令

七年七月十六日

十六日刻在鳳岡墟營次接手書誦悉一切守城不如守隘駐廣昌不如掘南豐兩層極合機宜令人佩慰已分致張孫兩公矣至齊田勇一層弟前有令旂在尊處請持此以號召之可也弟處見探崇仁之賊多竄撫郡諒可不攻自破宜邑城賊亦將老幼婦女搬徙矣弟偶患寒熱之證稍痊卽進兵也

致

永豐章大令
吉水林大令

七年七月十六日

十六夜專足至接誦捷書不禁狂喜傳逆如果注意攻永先挫其前鋒亦足以寒其膽但藤田空虛該逆或已偵知

今請子清介眉兩兄會銜出示大意云永豐日內添集大
兵攻吉水新淦弟即日由樂安凱旋馳抵藤田白沙水東
暗會西路之兵乘勢攻取吉郡飭令各處紳士趕緊齊團
聽調隨征云云繕寫數百張到處張貼必使賊匪揭去使
其懷疑不進而吾事濟矣望速行之至屬至屬吉字營望
日由樂啟行今日已抵永城打勝仗後而又添兵此中妙
處真難名言矣開口糧之風最可惡可恥能查主唆及倡
首者痛懲之亦足示懲子清兄貴恙尙未愈刻深惦念務
善爲調攝爲屬今日戌刻探報崇仁之賊已遁矣弟偶病
稍愈卽起行也

復樂安斬鎮銘大令 七年七月十六日

十六日辰刻接手書并李乙生信供單均已領悉足徵布置周妥佩慰之至此閒民氣尙好紳士轉多不鬻髮不辦公者非嚴以執灑不可吾兄擬率勇至公陂嚴殺不鬻髮者此自是正辦卽祈速爲行之埒上齊團鬻髮告示三十張祈查收帶往公陂一帶張貼可也見探崇仁之賊多竄撫郡想可不攻自破宜黃賊探聞亦將婦孺搬往撫郡矣銓昨日偶患寒熱稍愈卽行進擣併以奉聞再者頃間接李乙生信南宜交界之大雄關殺牛隘杉樹坳等處最爲扼要而張都戎已回廣昌孫大令又重在守城渠擬與張

孫二公各守一隘以扼宜黃潰賊所見甚合鑫已分致諸
公矣尙望吾兄亦切致之速爲照辦勿再遲誤機宜至屬
至屬

復峽江楊希之大令

七年七月十七日

初七日抵永城接誦手書十一日又披惠翰以西路不通
尙稽裁答歉悵奚如弟處十四以前情形均在稟稟中鈔
呈清覽弟日來小恙稍愈卽行進兵見探崇仁賊已鼠竄
撫郡當乘勝克宜黃擣撫建有風利不泊之勢初五日尊
處已獲勝仗十四日敝營第一旂勇會合永豐兵勇大獲
勝仗而先守樂安之吉字全營亦於十六日抵永豐矣另

有胡達人一軍由龍泉赴永豐兵力甚厚儘可分擣吉淦之賊弟軍專駐東面則全局俱靈吾兄辦事認真尙祈力扼吉臨衝要毋使該逆通氣則臨郡之復直指顧閒事耳

復

永豐章大令七年七月十九日
吉水林大令

十九日午刻專勇至接誦手書欣悉十六日續獲大勝快慰之至小恙已愈大半矣淦吉與峽江地面之賊雖氣脈相通能乘此聲威相機出奇而擊之亦足奪其魄而寒其膽吉字營到後兵力益厚鑫可專力東路無須回顧西面也胡達人日內想已到矣吉郡所恃者一傅逆今既已竄出而廣匪守城又極懈怠有能者起成功當在反掌尊處

能與胡達人籌商暗中約會文輔卿諸公潛師襲取成此
巨功豈不大妙潮勇口糧已勉湊十分之一又將何以爲
繼望子清兄勉力圖之鑫處前十六日探崇賊空城而遁
十八夜探得宜黃賊出城頓於東門外山上其意在逃竄
可知鑫恙稍愈先往崇宜一掃直擣撫建當一鼓成功耳

復樂安斬鎮銘大令

七年七月十九日


十九日午刻接誦專函備承惦念心感殊深小恙今日已
愈大半矣請紓塵懷宜黃新淦散逸之賊竄近貴治李山
坳吾兄先發勇往而又親至督防逆氛定聞風遠去前書
屬老兄同城者專爲防淦賊竄逸也不識李山坳麻嶺龍

頭三處之外淦邑通樂另有切近要隘否惟望老兄相其
緩急加意嚴防弟處殊難遙揣也十六日僞檢點傅逆率
黨撲永豐城經敝營第一旂勇與永豐潮勇福勇擊走追
三十餘里樊城千三四百名并訊生擒僞將軍羅添仁俱
傅逆因與廣黨不合已率其黨至吉水欲攻永豐出峽江
新淦渡過贛西以援臨郡等語此次經我軍與永豐勇痛
勦當不敢復懷窺伺敝營之第一旂已飭令進勦八都烏
江相機辦理矣承示任事交卸緣由始知樂城兩次不守
老兄先已卸事天佑善人斯言不謬弟前稟中丞係未查
的卽當再爲陳明也

七年七月二十日

復劉蔭渠廉訪

十九夜接誦惠書知吉營水師已泊上游又商催瑞軍之
長右營進駐峽境與弟前數日書不謀而合慰甚頃聞瑞
郡於十四日克復已移兩營至淦而永豐城內弟畱一旂
駐防十四十六會同章令之勇已兩敗吉水來犯之賊而
十六所殺且千三四百人今又益以朱弁吉字全營胡達
人由龍泉來會家兄亦率新勇一千由袁趨峽兵力愈集
愈厚儘足攻勦八都烏江一帶以斷淦吉之氣自此勦辦
淦吉弟已屬其相機行之矣所有十一以後情形已詳述
濬翁復函并鈔稟祈閱之自悉不贅



馬不合已率黨至吉水欲攻永峽以通淦賊而援臨江等語見經我軍挫其兇鋒當不敢復懷窺伺也弟亦知急勦淦吉然昨十一二三等日非掘樂安痛創崇宜巨股則此四五萬之賊齊至贛江之濱以會臨吉之匪其糜爛有不堪設想者矣弟十四日陡患瘧疾諸證卧數日未能起行憤甚憾甚十六日探報崇仁賊悉竄撫州十九日探報宜黃賊亦空城頓東門外將竄撫建弟稍愈卽乘破竹之勢進擣撫建如天之福次第肅清則全軸俱靈卽相其緩急東蕩西除惟期同志者合力齊心則江省大局似亦易圖也見在已飭永豐章令吉水林代令與敵營第一旂又益

以朱惟堂吉字全營力保永豐相機掃蕩八都丁江烏江一帶便圖吉水而胡達人一軍聞於十三由龍泉起行計日可抵永此一面弟無回顧之虞卽尊處得指臂之助矣頃傳聞瑞州於十四日克復已有兩營移至新淦果爾則臨逆益成釜魚之勢不容一名漏網吉字營水師前月飛駛臨郡大屬荒謬長字營水師亦有赴臨之說弟屬峽令止之令該二營水師均歸養蔭兩兄統領務祈轉達必令該二營水師力扼峽江一帶以遏贛吉之賊是爲至要其口糧子藥仍祈養蔭兩翁隨時接濟之此復

復劉養素觀察

七年七月二十日

十九日戌刻接誦手書極承獎譽過情令人感媿交集弟處初十日以前情形已鈔稟稟寄閱矣十一二二三等日痛創崇宜巨股殺賊二萬有奇稟稟已鈔寄濬翁祈取閱之十四日頓鳳岡墟弟病未能啟行見探崇賊望風鼠竄宜賊亦空城出頓城外弟病稍愈卽乘勢先埽宜崇直搗撫建如天之福次第肅清則或西或東弟惟相其緩急趨之斷不敢拘成見也弟畱防永豐之第一旂勇十四日進剿公陂殺賊數百十六傳逆率黨撲城敝勇與永城潮勇擊殺三十餘里斃賊千四百名見又益以朱千總吉字全營而胡達人一軍由龍泉來家兄亦率新勇一千由袁抵峽

可以夾攻八都丁烏之賊相機進規吉水新淦且江面又有康令與吉長二營水師扼守毋虞逆氛西渡也率勒奉復

復臧少雲太守

七年七月二十日

承示始辦宜稅繼理衡捐以巨才治細事無怪日有起色也弟自水東捷後旋於永豐甯都廣昌所屬各處獲八大捷殺賊數萬解散脅從數萬月之十一二三等日在樂安之小陂崇仁之泰坪鳳岡又獲三捷斃賊二萬有奇擬乘破竹之勢直擣崇宜進規撫建不使一賊漏網昨十五日瑞州克復臨城可望繼復而吉軍前雖潰退見已復振逼

攻亦將得手也勒此布復

復文輔卿大令

七年七月二十日

日前三肅復函并寄札二件告示一紙想均入覽二十日
專足至又誦公牘并接謙函備悉縷縷蕭弁請免參辦寬
嚴之閒具有權衡佩甚佩甚沅浦兄已起程來否聞南中
丞已飛札嚴催矣貴營水師已至峽邑口糧子藥自應由
臨郡大營接濟也弟月之初旬由藤趨樂又折赴永豐旋
又星馳赴樂兩夜不遑十一二三等日痛勦崇宜攻樂巨
股殺賊二萬有奇十四日弟患瘡疾暫頓鳳岡墟探報崇
城賊望風鼠竄宜黃賊亦不敢踞城出頓東門外弟病稍

愈卽乘勝一靖直趨撫建如天之福次第肅清則全軸俱
靈矣敵營畱防永豐之勇十四日會合進勦公陂獲勝殺
賊四百餘十六日傅逆率黨撲城復追殺三十餘里斃賊
千四百名并訊生擒僞羅將軍供詞鈔呈吉郡所恃僅一
傅逆今已出竄郡中情形又復如此有能者起可成奇功
未審諸公以爲何如耳弟又派朱惟堂吉字營赴永胡達
人亦由龍泉來會家兄率新勇千餘名由袁趨峽可以分
擣淦吉矣

復峽江楊希之大令

七年七月二十一日

昨十七日奉復一函并寄稟彙一紙二十日接十七日惠

書欣悉初一十一兩日尊軍會勦東岸續獲勝仗直擣賊巢焚其木排船隻快慰之至見在瑞郡克復兵力有餘吉郡亦可合圍矣十六日傅逆由吉水率黨撲永邑經做營第一旂會合潮勇等追殺三十餘里斃賊千四百名該逆當不敢復懷窺伺朱弁所部吉字營十六日已抵永城胡達人一軍指日可到家兄率新勇千名由袁州來計已行抵棠治兵力愈集愈厚可以分圖淦吉矣弟恙漸愈日內卽起行先掃崇宜卽擣撫建耳

復巴陵黃東治大令

七年七月二十一日

前月肅復一函計入青覽頃荷手書知所建礪次第就

緒仰見大才調度俾四境之民皆有所倚賴卽年穀順成
民慶有秋無非老兄德政所致也來書所示敬悉下游消
息俱佳潯城又復指日可下事勢漸順此弟可專力此一
面也石逆投誠之信弟前聞之竊謂江右之事非此逆披
猖不能糜爛至此第許其僥倖投誠不及寸磔之爲快耳
弟冒暑馳逐各股援賊自東山壩續捷後復戰於建昌屬
之廣昌殲賊數千一面分兵規復樂安該逆鼠竄宜崇正
擬乘勢窮追而吉軍挫敗以致賊匪分股東渡蔓延吉水
欲襲永豐以援臨郡弟率師援永後旋探宜崇巨股欲復
竄樂安弟因畱一旂勇挖永自率數旂於月之初九日雨

夜潛入樂城該逆不知我軍已抵此間遂擁四五萬之眾於十一日分三路直撲縣城弟整旅迎擊逐北三十里殲賊近六千十二日拔營追剿窮逐七十里至客馬塘地方斃賊約四千十三日乘該逆膽寒追至林頭大破賊壘該處地勢險仄賊黨自相殘踏墜落巖谷而死者屍積如邱隴是日約斃賊一萬三四千之多見在宜崇之賊不敢踞城多竄撫建弟因冒暑遘征偶患瘧疾見頓兵崇仁屬之鳳岡墟俟稍愈卽直擣撫建以圖取建領之勢也近日吉郡各營漸有起色瑞州已於月之十五日克復自是臨江當亦易於成功也

與樂安斬鎮銘大令

七年七月二十二日

二十二日已刻接手書并各件均已聆悉弟揣賊勢似乎全注豐城且臨江程逆前此僞文呼援間爲官兵投獲係求僞石國宗前去而淦峽水陸防守甚嚴或由豐城趨樟鎮一帶以援臨郡城逆未可知也然撫郡空城而出亦大好機會弟軍駐此相時而動吾兄應如何扼守要隘望酌行之弟處不能遙揣如有警信望飛速告我再前在尊處用過錢五十千文今扣銀三十兩端勇送上祈查收飭局紳歸數爲荷

復胡達人廣文

七年七月二十二日

初七至永城接誦手書因日夜奔馳尙稽裁答曾屬章大令轉致一切知己告諸臺端矣兄十一二三等日痛勦崇宜攻樂巨股斃賊二萬有奇十四日頓兵崇仁鳳岡墟因兄患病未能起行十六日探報崇賊空城而遁僞石國宗旋由撫州來由崇城又竄蕉阮該處通淦樂豐城三縣見未探的果何竄也崇城續有大股至兄相距數十里因病未愈不能進勦憤甚憾甚宜黃賊亦空城出頓於外有竄撫建之勢兄病稍愈當先埽崇宜直趨撫建如天之福次第肅清則全軸俱靈矣吉郡傳逆前至吉水敝營第一旂勇畱防永城十四日進勦公陂獲勝殺賊三百餘十六日

傅逆率黨撲永豐城又追三十餘里斃賊千四百名近探
傅逆已轉吉郡矣而八都水邊墟一帶逆蹤遊移無定淦
吉之賊往來無常見在家兄率新勇千名由袁趨峽即日
渡江朱千總惟堂所部吉字營尙在永邑今吾弟勁旅又
來會合據兄思之必先埽清水邊墟八都一帶或擣吉水
或攻淦邑相機而行兄不能遙揣亦斷不能遙制也至貴
營饒項兄曾力請於江楚撫憲及兩省局如緩不濟急家
兄護饒到時儘可通融以濟日食然催請之稟總不可不
勤也瑞郡於十五日克復劉蔭翁已商撥兩營扼守峽邑
其餘得勝之師或合攻吉郡或援勦豐城淦縣不識當事

若何調撥耳

復樂安新鎮銘大令

七年七月二十三日

二十三日午刻奉手書祇悉壹是臨郡程逆屢次呼援其
偽文聞爲我軍所獲因淦峽一帶水陸官軍防守極嚴援
賊不能飛渡今僞石國宗率黨至桃溪圩或由樟鎮以援
臨賊撫郡老巢存賊無多看來亦易圖也弟病先則醫藥
俱無近則有醫無藥未能速愈憤憾之至稍痊卽當啟行
也

復張凱章司馬

七年七月二十三日

屢接六哥書知貴體成瘡醫藥又不便湘東又病不克遣

之回永刻深愴念之至二十三戌刻接誦手書忽有假歸之意弟甚惑之而事斷不可行也吾兄病狀體氣均非子山之比今標證漸愈儘可在永邑服藥靜養况弟瀕行時專意東征而永豐爲我後路最爲喫重特以委託吾兄今添新勇又有一番布置正宜整頓精神匡我不逮奈何言歸耶惟望安心調理多服補劑早健一日則弟早得一日之益儻需補益之物如麗參燕窩之屬六哥處儘有存者望取之勿自外也

復李乙生大令

七年七月二十三日

二十三日接手書備聆壹是宜賊早空城出頓城外三四

三月廿六日
十里將竄撫建弟因病未全愈尙未克啟行憤憾之至迺
訛傳已入宜城亦快意事也吾兄能約會張孫二公大張
聲勢一往埽之否崇賊十六已去僞石國宗由撫郡來旋
竄蕉阮不往豐城必趨淦邑耳探報崇城續有大股至逆
賊已輕棄其巢看撫建當亦易圖弟病稍愈卽行進兵決
不久延也

復江華郭寶田大令

七年七月二十四日

二十日接奉郵函知閏月肅復之函已入青照讀來書示
知粵西軍情不至喫緊我楚南路猶可稍紓於難慰甚尤
可欣者閣下保障一方兆民有賴其善政之可歌固可想

而知也弟自援江以來五閱月不沾沾於攻城惟乘賊多
兵少之處而擊之免致牽掣臨瑞吉各軍而成功亦易故
自臨江潛師渡江擣吉安水東賊巢以後連日冒暑窮追
各股援賊不下十餘萬眾寡懸殊我軍縱橫突擊不遑暇
食幸無戰不捷援永豐埽甯都平廣昌克樂安下南豐逼
近宜崇轉戰數百里殲賊五六萬之多見餘賊六七萬遠
颺撫建者居多弟近日患病不可以風見駐軍崇仁之鳳
岡墟小愈卽長驅撫建以圖肅清東岸也月之十五日瑞
城已經官軍收復自是臨吉兩郡想亦不難相繼蕩事珂
里邑城經胡達人於六月間克復殲滅此股踞賊無一免

脫者知關錦注并以奉聞

復劉蔭渠廉訪

七年七月二十五日

二十四日接誦手書欣悉瑞郡克復快慰之至惟前聞是役損一健將來書并未及之蓋訛傳也弟病先則醫藥俱無後則有醫無藥以致纏延日久距賊數十里不能痛剿憤恨奚如宜黃賊自十四日大敗後陸續出竄見已空城矣崇仁十六日亦空城嗣僞石國宗率黨數萬前來屯聚探報已分股竄焦阮桃溪圩七琴一帶而石逆則注意竄樂安弟病稍可起立即行拔營進剿家兄率新勇千名二十一日抵永城已屬來此會合緣胡達人一軍已至永城

而敵營第一旂與吉字全營亦在彼防剿兵力有餘也瑞郡得勝之師如何布置攻剿便祈示悉爲禱頃接樂安靳大令公陂捷報二十四日賊至渠督勇進剿獲一勝仗奪獲旂鼓等項繳送前來則逆賊之窺伺樂安又其明驗也

與廣昌張都戎

七年七月二十五日

蔡弁同營接誦手書敬悉籌畫周詳佩甚慰甚鑫病旬餘尙未全愈近賊而不能殺賊焦急憤懣莫可名言敵營探宜黃城內祇餘病不能行之殘賊而已我軍不克分往吾兄接信後能會合孫大令逕趨宜邑城內一爲料理否也崇仁十六本已空城嗣僞國宗石逆率黨來踞欲犯樂安

新大令於二十四日在公陂獲一勝仗，鏗深虞其勇，單定於二十六日扶病拔營前往公陂進剿崇城，卽規撫郡如天之福，早得肅清，則全局俱靈。蔡弁歸時，又承厚賜，心益不安矣。

復朱晉升都戎

七年七月二十八日

二十七日接閱二十六日函，知二十五獲勝情形，甚慰。然該逆注意永豐，蔓延日甚。雖經數次會剿，未必大挫兇鋒。羅湖數起之賊，其勢必恃眾再來死戰。吾兄須嚴諭各勇，甚勿稍生怯念，以致貽誤事機。蓋兵不貴多，祇貴精。以我之節制，攻彼烏合之眾，雖千萬人，何畏焉。至貴營所有病

勇亦須愈加調養是所至屬弟病稍愈復元則尙待時日
據探崇仁賊尙踞公陂陳家墟一帶弟昨已轉入樂城待
探報回如果賊來就戮或可一鼓殲滅也

復廣昌張都戎

七年七月二十八日

二十六日黎明奉復一函計已登覽二十八日專勇至接
誦惠書敬悉壹是慰何如之鑫處續探二十五日逆賊又
至公陂斬大令督勇迎戰力竭敵亾鑫頰不乾淚者三日
於茲矣惜哉慟哉二十六日鑫扶病至浯潭探聞賊逆欲
窺樂邑二十七率勇至城家兄率新勇千人由楚省來昨
二十五日進剿永豐羅湖鋪追殺三十里斃賊千餘人二

三先生集
卷二
三
十八日已至樂城會合銜病稍能起立即督兵痛剿方能
雪我憤恨耳

復永豐

章司馬
吳都戎

七年七月二十八日

二十五日申刻接尊處二十三日一函敬悉籌畫進剿機
宜深爲佩服二十五日開仗大勝情形得家兄及朱千總
信已悉壹是胡達人一軍前已函達由滕趨貴治會商剿
辦計已到矣惟是蔓延羅湖各處之賊雖經擊退難免不
再肆鴟張此刻達人已到正宜商籌出奇以勝之想閣下
早有成算矣弟病近兩日雖漸愈而元氣大虧起倚維艱
近賊數十里不能追剿憤懣實深二十五日靳公在公陂

與賊開仗聞此公已遇害悲何如之二十六日弟扶病拔營宿浯漳該處錢米難辦且探逆賊由公陂直竄樂城弟遂於二十七潛入樂城靜以待之家兄率新勇亦抵此間會商一切務將崇仁巨股痛加芟夷然後再圖撫建至尊處一面兵力暫可支持想可無虞加以瑞城收復聞已移得勝之師前來會攻新淦矣知注并聞

與劉瞻巖殿撰

七年七月二十八日

拜別後一切情事均於致子清兄函中述之諒達尊覽鑿一病旬餘近賊而不能殺賊急甚憤甚莫能名言二十四日斬公在公陂獲一勝仗二十五日賊至以身殉之惜哉

勸哉鑫二十七已至樂城家兄今午又率師來會當痛剿
逆氛以雪憤憾永邑存城之勇饒精不繼致啟衅端聞之
殊覺悶人且值四郊多壘之時巡防均關緊要見檄吉水
林代令幫辦一切吳都閩安爲經營伏維先生物望所歸
梓桑念切蒿目時艱諒必有以處此矣

復黃少鐵大令

七年八月初一日

朔日午刻接誦來書敬悉閣下派勇分堵塔灣西坪各路
仰見籌畫周詳其大雄關一面在弟固不能遙揣而兄布
置一切知胸中早有成竹也新南兩邑之團既有可靠洵
爲難得從此聯爲聲援無虞逆氛旁竄矣弟病尙未愈進

勦之期尙須稍待今據探回稱石逆黃逆各率黨萬餘竄
淦邑境界其注意援臨郡可知見公陂之賊已退崇城大
約宜崇巨股勢必回竄弟稍愈卽當向其喫緊之處而痛
擊之斷不使該逆仍肆鴟張也

復永豐章子清大令

七年八月初三日

今午接誦來書知二十五日一仗潮勇之出力者亦復不
少深爲慰愜惟該勇口糧不繼大是難事又值此用人之
時實代爲慮之此聞公陂之賊已退崇城然宜黃之賊先
已空城遠遁因兵未進勦又探有復入城之信據城內公
局探報石逆黃逆各糾黨羽約萬餘向淦邑而竄其勢必

由滄援臨可知弟病未痊可一時不能起行進剿實深焦急幸尊處兵力足敷堵剿又添胡達人一軍壁壘一新從此可當一面也

王忠武公遺集卷十六終

湘潭朱士宜校勘

王壯武公遺集卷十七目錄

家書一

自咸豐三年正月至四年十二月凡三十四首

日本書紀

王壯武公遺集卷十七

家書一

咸豐三年正月二十九日

二親大人郟下男於二十七日下午由湘潭起行以前一切事務想伯兄季弟已歸家稟明男是晚行二十里宿下瀟司二十八早起行七十里宿黃茅驛今日至衡山縣遇玉九弟同王步雲先在迺率玉九同行著王步雲歸楚勇已前行一二十里明日可追及湘勇之船尙未見到想今晚亦可至此也男此行辦事諸友極爲得力小事可不甚煩心特總其大綱而已男在軍中精神自知節省身體極

加保養一切事宜謹守小心謹慎之訓惟望二親大人萬勿挂念爲幸

三年二月初一日

伯兒大人左右弟二十七日在湘潭拜別本晚宿下瀟司三十宿衡州府因勇船未到停住一天想明日上午定可至也昨晚接耒陽縣唐明府信云該匪已被桂陽嘉禾捕殺追散見在四路分逃并無一定蹤迹又先後拏獲逃匪劉貴昌等十二名業已通稟該匪等行蹤詭祕所藏皆交界處一聞捕拏隨又竄散然能散亦能復聚若得大兵前往常甯嘉禾兩縣捕搜一番可震懾匪黨之心俾之不復

糾結於地方大有裨益至該處路徑查由常甯白沙堡至桂陽州歷嘉禾之仙人橋直赴臨嘉一帶再嘉禾所屬之高墟地方聞尙有土匪等語昨途遇王寬四王永盛探信回言略同此後著人回家往返或千餘里甚是不易總之此行無大危險又加以十分慎重十分保養萬望代稟二親大人切勿挂念則遊子之心安矣

三年二月初六日

伯兄大人左右前信於初一日書就遲延未發初二日卽得衡山警報有李躍曹戴聚匪數百爲變於道字號地方時劉蔭翁已先行往常甯弟追及之與伊商議以常甯一

帶尙屬安謐而衡山之事當及其未成卽刻撲滅迺與楚勇同回弟先行半日初四日至驛亭鋪初五日移營於霞流站之對岸今日過河與楚勇合軍數日內當有戰事倉猝不能悉述問李國俊便知其詳也

三年二月初八日

伯兄大人左右三十日在衡州接耒陽唐明府信知土匪已散擬由常甯安仁一帶搜捕而衡山土匪復動迺於初四日起程初五日至衡山駐紮霞流站是日衡勇與土匪戰敗邑侯退歸土匪聞湘楚勇至退三十里據吳集初六日弟與楚勇直趨匪巢相距約半里營甫定匪遽出寨而

嗽吹角揚旂疊放槍礮前來撲營弟等帶勇出營大呼奮擊眾勇爭先衝突無不一以當百賊大敗奔殺賊二百餘名生擒六十餘名獲戰馬四匹軍器什物無數歸查各勇不損一人不帶一傷初七日復帶勇沿途巡查捕其餘黨其頭目李躍僞稱太平國兵馬大元帥者已獲又獲僞總兵楊維週惟曹戡一逆已逸猶慮死灰復燃耳常甯安仁一帶尙無消息

三年二月十一日

伯兄大人左右初七日一書付唐開九送歸此時諒已收到數日於近處搜捕土匪十餘名焚燬十餘巢聞餘黨多

竄攸縣之團山地方已著人探聽待信回方定行止前日大獲勝仗并無損折惟探勇張雲祥被殺所獲各犯平反數人均已遣歸惟在青山衝地方路遇奸細立即斬之至於弟在營中身體清泰又慎自保養萬望稟知二親大人切勿挂念

三年二月十四日

二親大人鄴下男自初十日至十二日在營休息昨日探聞賊尙聚草市大洲一帶迺率勇前行三十餘里至楊林下之青山衝紮營今早探得賊已破安仁今晚抵大洲過河與帶楚勇之劉蔭渠廣文商議賊既如此亂竄若不急

追恐愈竄愈遠日聚日多此後難以收拾定於今夜起身
明早可達彼地務期痛力剷除根株悉拔蔭翁深以男言
爲然蔭翁亦慎重有謀男遇事必與商妥而後行又諸友
幫辦最爲得力望大人均勿挂念爲禱

三年二月二十四日

伯兄大人左右十八日鍾永泰兄弟至遞到手諭旋奉復
函想此時已收到矣自十九日由安仁起程二十一日抵
衡山見住南門外之城隍廟近日來弟與諸友均託平安
惟各勇得病者頗多幸皆漸就痊可所可痛者百長朱俊
秀在營辦事甚爲得力於昨日戌時病故爲妥辦棺衾買

舟送歸團山探子已回云盡屬謠言接季弟十八日一函
惟十七日所付徐十信并未見到大約日內可以回省準
擬開身之日卽著道入歸或約兄來省再有的音也

三年三月二十五日

伯兄大人左右賊自破南京後尙無音信江岷翁前日辦
剿通城之賊初戰便獲首逆想以後勢如破竹不料其僞
軍師逸去復合別股至一日三戰敗而復來劉蔭翁已帶
勇五百前往應援昨有信至云崇陽又有賊千五百人又
黃坡亦有聚集將合爲一處人皆憂之獨岷翁以爲可喜
謂兵多利賊分兵少利賊合待劉公勇到當可出奇制勝

岷翁胸有成算當必不爲大言欺人然時事之艱日甚一日亦可慨已係舉之事弟已力辭尙未蒙準夏憩翁并欲係舉先生雲浦霞仙謂時難孔亟冀有濟於末流之世然先生之意亦與金同終覺不受爲高也

三年五月初八日

伯兄大人左右前日爲桂東土匪滋事各上憲恐前月二十一日發往之鎮守兵七百名數尙不敷勦辦派羅山師率中營之勇赴援已擬定十二日起行忽昨夜接得郴州警報云賊目萬太洪等糾匪二三千人已於二十九日破桂東城鎮守兵尙未到文武不知下落勢甚猖獗於是大

憲加派弟率左營勇協同中營卽於初十日趕緊馳往事
勢如此自不忍羅山師一營獨行已卽束裝就道矣弟此
行與羅山師及諸友凡事斟酌而行必無不利且各勇近
日操演悉成勁旅鎮守兵亦十分可靠萬望稟知二親大
人切勿挂念是所至禱

三年六月初二日

恕齋伯兄大人閣下兩月以來未及作家書二親大人安
否家中大小無恙否此心無日不繫念也十三日由黃草
市起行本晚抵衡山縣十五日抵衡州府十九日抵耒陽
二十日抵永興二十二日抵興甯二十五日始抵桂東旬

日所過之道多係高山峻嶺壁立千仞蜀道之難殆不多

讓二十六七八三天在桂東紮駐二十九日羅山師隨夏

觀察由鄆縣茶陵一帶回省弟帶左營借孫閻青大令名第

培浙來煙塘隘此地尙屬桂東過大汾墟一帶搜捕土匪

昨晚抵大汾墟探得賊匪多聚於張江邨青塘等處離此

二十五里之竹阮地方約二千餘人因思賊眾我寡非出

奇不能制勝迺與諸同事密為籌畫是夜五鼓進兵天明

已達彼地諸勇奮勇爭先自辰至午賊眾大敗殺斃約四

百餘人投巖跌澗死者不可勝數奪獲名冊四本馬四匹

大礮十二尊大小旂幟八十餘面鳥槍刀矛無數湖南江

西接壤之地數爲賊藪得此一番痛剿或可少安是役也
恪臣鐵橋石泉察葬諸友勞績最著鍾開誠易普照張福
田賀長林四哨長勤幹勇往深堪嘉尙而鍾開誠之力更
多各勇爭先奮擊無一人受毫髮之傷如此全勝非祖宗
積累之厚何得有此天幸也况前此衡山之役則與劉蔭
翁共事是役又遇孫閩青是亦天假之緣矣弟自離省以
來每日服一補劑精神健爽未嘗少有疾病各勇皆然營
中之友亦鮮有疾者祈稟知二親大人萬勿挂念爲禱但
急流勇退弟不學無術託祖宗之福賴諸友各勇之力微
幸立功已二次矣歸山讀書之志猶未可以決乎擬到省

銷差卽當息影蓬廬也忪此直達不盡什一

三年六月二十八日

伯兄大人閣下本月初三日著王寬四朱爲高同報捷音想初十日已接到矣日來未知二親大人安否家中大小均無恙否念念至弟在營中極加保養以故精神清爽無纖芥之疾祈告知二親大人萬勿挂念二十日以前之事已詳於上滌翁書中錄呈一覽故不復贅是日抵郴州雨至今未晴聞我縣前日欠雨此番又恐成水災矣奈何奈何昨日在州署內孫闖青處會吳竹莊言南昌之圍已解因江岷翁用計於礮臺上放空礮追賊船近迺於城穿孔

用礮轟擊之擊沈賊船極多溺死殺斃其數千名賊遁退去見尙未出江西界又聞賊大股已直趨河北則此股特牽制我師之計耳大局如此良可慨已吳竹莊又說上憲令弟在桂東防堵孫闓青署桂東伊見往廣東取饒銷差後卽署桂陽二公辦事一片血誠慷慨有大志而識力膽略精神才思無不過人當需才之際而奇才尙沈於下僚可爲深惜前在桂東共事弟訂爲至交今幸又得久與處亦人生難得之緣也擬俟各病勇調養數日與闓青由此往桂陽桂東以竟從前未竟之事稍慰兩縣士民之心以後一切事宜則須相機行止不能遽定石翁擊楫之志今

已得稍遂聞東安永明土匪均被各團勇殺盡則郴永一帶尙無可慮也

三年七月初四日

季弟心牧足下前二十八日著琢菴等歸家辦理藥物想乘大水之便今明兩日必抵家矣初一日午刻接得滌翁二十三日札及信一封謂郴桂一帶有事專委之兄可以便宜行事昨日桂東紳民因聞前日各大憲有畱辦桂東之札紛紛書信相促詞甚迫切先是因各勇多有病者欲爲休養十日之計故遲遲吾行旬日內長夫死者三人各勇幸均就痊可然非五哥善醫亦不能保全如此見在郴

桂一帶均屬安謐前日全州被圍永州戎裝之言迄今半
月毫無消息其爲訛傳槩可想見余擬與孫聞兄總在一
二日內起程往桂東以後事勢不久再付信歸也滌翁前
信內言江岷翁因賊破城力戰卻之乘勝下城殺賊五百
餘名軍威大振省城可保無虞未知近日若何也

三年七月十三日

二親大人邇下前月十五日奉到手諭得悉六叔得地五
哥舉子爲怵舞者久之又奉諭師勝戒驕當謹守大聖人
臨事而懼好謀而成之訓敢不朝夕虔誦男每獲勝後徧
呼諸勇慰勞畢卽極力戒飭暢論勝不可保戒懼不可怠

之道而自己十分敬慎不敢有一毫矜張之意使誠於中者形於眉睫聞以爲各勇表率故諸勇無敢有以得勝二字形諸語言間者古大臣功蓋天下不以爲勞男讀書論古竊仰止焉况此區區之功卽自鳴得意尙得謂之讀書人乎季弟在洗筆池讀書甚佳想近日已下省應試矣男率勇自初七日由郴州起程勦辦各處餘匪十一日復至桂東此次亦與孫園兄同行議近日通傳士紳耆老安定議練團章程需十餘日或可爲此地永安之計此處安則榔桂各屬當迎刃而解矣各勇病者十之二三幸無傷生之證亦賴五哥善醫恃以無恐惟前月喪三長夫均係衰

老殘病之人男與諸友極加保養故無染纖芥之疾者然
此處事辦妥後終必遂讀書之願而後快也

三年八月初五日

心牧季弟知悉前月二十三日一書想日內可以收到又
於本月朔分報家中省中捷音亦寄弟一書已限六日內
到省矣今日巳刻來勇遞到弟七月初四及二十日二書
具悉吾弟勤勤懇懇爲兄謀至意然而弟未深知此間事
也兄自五月初十離省六月二十五始在東江上滌翁一
書嗣後於七月十九二十一二二十四連日因解饑之便均
寄有書是月朔又專人報捷凡上書五無一不極力以告

病爲言前月二十一日復會季洪一書又將所以告歸之意說得十分痛切欲其於伊兄處善爲我辭兄之不敢貪功邀賞槩可想見矣弟自邇日來篤志向道識力文章俱有進境兄甚喜之每接閱手書三復不置特所爲忘人已而擴充其量化成見以通其變者似尙未能用功取法乎上邇得其中孟子願學孔子雖終不及孔子然是何等志量吾輩立志不可不如是也兄自邇來頗日自刻責見得無時無地不有過尤叢集思欲一一檢點而痛改之而十分不能算其一二每翹企洙泗之四母未嘗不爲之喟然歎也憶六月十六日夜宿一書房有所感悟偶書數語以

誌嚮往云聖人之心坦然無一物而萬物皆具於其中具萬物者義之集也無一物者欲之淨也夫惟其無一物是以能具萬物也附錄一覽吾弟以爲然否兄自離省以來頗覺健爽亦因極自節養龍泉戰後多住高廠房宇惟前月底偶觸風寒咳嗽數日今日全愈至前日報捷之書因在馬上指揮親執桴鼓手腕勞甚同營遽作家書又蹲踞於地伏行李上書之字迹之掣閃無足怪也况至親無文偶思一事卽書一語文氣之不調又何論焉若使弟見兄前六月上滌翁四千餘言之書字盡端楷首尾不遺一字當又歎其精神大勝往日矣目下榔桂各處均肅然安堵

江西太和萬安之賊本欲直撲龍泉城孫闔兄於二十五日接桂東代理印出疑兵用湘勇舊旂號挂於各隘口虛張聲勢該匪聞風已退出龍泉界矣兄因伯兄今日可到故候之明日當復往桂東再幫閱兄十餘日爲該處定百年永安之計卽到省銷差決志辭歸以敘天倫之樂以遂讀書之願弟可代稟二親大人勿懸懸挂念也

三年八月十四日

二親大人鄒下敬稟者前初八日長兄及竹莊等來興甯并讀手諭得悉壹是惟男近日論列諸勇功罪將大定黜陟不逞之徒到湘必橫造謠言較前尤甚切勿聽之并諭

各勇家中亦切勿聽之也江西之匪已出龍泉界又聞有散盡之說至於廣匪前在此敗竄得脫者僅百餘人重傷死路中者數十人宜昌樂昌各隘口又殺斃數十人均係鄉勇之力目下江廣餘匪深悔來楚之錯且痛恨我楚土匪當日之句引者不得生食其肉日內探子由江西龍泉廣東樂昌仁化等處回者言無處不震湘勇之名從此威名漸著當不獨郴桂一帶民人得安枕也男擬在此辦土匪團練住數日往桂東住旬日卽由桂陽宜章郴州再來興甯查閱團練然後繞道出湘回省銷差也

三年十月二十日

伯兄大人左右弟自十七晚開船十九早抵省飯
謁撫憲局憲均催趕緊往湖北已與張岫翁商議
進發大約二三日內即可起程湖北之賊已全數
近百里邇日頗甚窮蹙金陵有克復之信未知確
想已動身兄來可少緩但凡已辦就之物祈趕緊
兄則須一切事件料理方可來弟準擬至湖北後
月近則二旬方前進也

三年十一月初六日

二親大人下謹稟者男所帶之勇於初二日大
比賞各勇肥豬十隻酒十罇制錢二百緡會星使

到諭留老勇二營新勇三營共計一千四百四十人餘俱

裁撤歸農閱操之日張太尊

名承實

尤爲褒美因湖北黃州

見鄰告警邀男於撫憲處共報奮勇帶此三千勁旅同往
剿賊但出自張意其行否尙難逆料如行必在本月內外
否則挑選千餘勇交與滌翁男卽告病歸矣迺昨稟撫憲
奉批該員出師勞苦亦須加意調養惟勇係該員招募仍
應由該員帶管未便另易生手况值此艱難之候正忠臣
義士共相匡濟之時何得遽萌退志切切等語看此光景
進退又難遽定餘不多瀆肅此謹稟

咸豐四年正月 日

二親大人福安男自前年練勇以來不克侍庭幃度歲者
凡兩載於茲古人云每逢佳節倍思親誠不當其境不知
也前伯兄歸家時男約以初七八將爲歸省之計而朱石
翁以公議相阻云卽欲歸亦須待滌翁局面已定方可男
若能脫身以遂承歡之願大是妙事卽或不能亦必揆理
義而後行出處進退士人之大防斷不敢苟且以貽堂上
之羞也

四年六月十八日

心牧季弟足下六月十一日抵藍山比晚忽聞離藍山城
二十五里之甯溪司所有賊匪數百人已竄該所城外是

夜三更造飯四更出隊與藍勇百七十名分兩路前進黎明抵離該所五里之長鋪遇該匪正欲來藍攻城我勇奮勇向前殺賊數十名生擒十餘名賊拌命逃竄勢難窮追因入城安民查點各勇幸均未受傷奪獲大黃旗一面上書後漢仁義禮智信右營又太平先鋒字樣小旂數面紅巾二百餘條烏槍刀矛共百數十件又偽示一張并紅風帽二頂偽名冊一部是晚仍收軍入藍城十四日拏獲總頭目鄧宏巖并餘匪十餘名又軍師一名供稱先據藍城然後四處接應以圖大舉不諱見在嚴加收押通稟各上憲靜候批示或解或否該處附近各州縣路通廣東土匪

出沒無常勢未必易盡
用之至意已也

四年閏七月初六

心牧季弟足下前月底
因送文書者付信想旬
三百起程赴郴初五日
州鎮八百里移文稱奉
九百名刻日赴郴且前
處兵力已厚足資攻剿
仍同陽朔直撲廣西省

湘勇駐紮嶺東萬不可因奉札調移往他處等因兄思由
此抵郴尙須四五日楚勇必已先到民情可以安貼且詢
日內自郴來者實不甚緊要鎮憲再三移屬而永明江華
之情勢如此不得不權衡緩急先後是以稟明各上憲卽
於今日仍折回江華其餘一切前書已悉故不贅

四年閏七月二十四日

心牧季弟足下十八日書信一函交匡得勝付回想月內
可以收到錦田近日已就肅清該匪仍竄回廣東伯兄日
內可以折回嶺東昨接鎮軍移文稱已接準粵西撫憲咨
復飭賀縣富川縣會合與楚南約期夾攻桂嶺見在賀縣

有賊攻城文報不通恐非日內所能蕺事兩廣日來羣盜如麻我楚邊境一帶防堵難以稍鬆折回未知果在何時兄亦難自逆料矣伯兄恐須出月初旬內外方可作歸計前日段慶雲自省轉湘已到營得悉二親大人及家中均屬清吉甚慰遠懷又得下游捷報先生與迪葦兩營屢獲勝仗欣慰不可言狀茲聞潘十四先生自岳歸日內將仍往先生營中故付來信一函祈卽送去伊若已開身此信仍存家中日內將著人送稟下省帶至傅家祠堂亦可覓便付去也

四年八月二十三日

伯兄大人閣下自別兄顏倏忽近旬然弟兄在外日久忽使老親得見一歸家省視之子亦游子所深慰者也聞兄爲兌錢之事在江華耽閣兩天而運錢之船抵衡必須多日竊計兄於日內尙未能抵家但需極自保養時服藥餌是所至禱至弟在營中自宜較兄在營時更加珍攝必不敢貽二親與我兄憂也二十日下午接嶺東王守府警報昨日拔營來此到時始知桂東之賊亦尙如前王守府因聞謠傳弟將往藍山故加緊言之促弟速來此聞也自朱松庭故後營中死者又數人所幸日內少新發之病舊病者亦多就痊李泰來劉先名已令補侍勇矣家中一切事

須極從節儉萬不可使有識者笑我家有習氣兄之高明本不待弟之瑣瀆然盈滿之患賢者不免自後吾兄弟常以此等語交相警惕庶幾保祖宗元氣爲後人地步也謹言慎行無一刻可自寬假弟竊思最宜畱心尤在於喜怒之時不容輕發片語不可輕舉半步近日靜念好惡之辟流露於此兩時者居多弟思於此處力加檢點尤望兄畱意焉書至此王貴四等歸遞到兄十九夜手書得悉壹是道州饒項卽當書信前去所屬精神不可過用及潛移之法汰補諸勇及搭船等事弟自當一一遵命毋勞挂念書至此蕭明升等又至接到季弟十一十二兩書知前水井

勝仗之信已經接到尤幸羅師迪兄諸君子於前月十八
廿一廿三廿四廿六等日在崇陽通城又連獲大勝羅師
於二十五日已奉 上諭以知府選用賞戴藍翎石泉
已於十一日率勇下去鐵兒希兒將送至長沙也季弟又
以與粵西會剿一事恐難得手所見甚是弟自當斟酌行
之又謂不如與羅師及諸君同赴下游局面較大兼可雪
恥伸憤夫弟之刻難忘者雪恥伸憤之事也然竊思前此
之大受挫折以未能素位而行以後之事祇當守古人順
理行將去憑天分付來二語故前在潭時卽有不願上來
之意旋復中止如此時出自己意求之恐令人疑我爲因

人成事貪功倖進之人如果星使與中丞實有此意則固弟之深願者耳又謂查考叵勇一事鐵兄營及鍾氏兩營卽以接費未接費分別存叵雖大槩如此其實不盡然也赤城營須問卿士從輩能略言之赤城前此隻身逃去必未攜冊部歸也弟昨在營中偶問一二人恐難查核日內當詳細詢之付冊歸也山棗對河莫如塘有周開四者據易普照稱爲當世罕有之技如果不虛弟當令其來營教習誠有數百超絕之技而善用之何患不能破賊也付來銀二兩六錢一分交伊作途費

切勿躊躇誤事是實則大有益設係虛言不過被人

詐去二兩多銀耳

并令易某作書招之祈速速催其來營不勝盼

切之至

四年八月二十九日

心牧季弟足下二十三日由劉福春付家信一封想出月初三四可接到前月二十五日兄稟見在勇力以分防旣單并陳述賀縣匪徒大槩情形奉中丞批云廣肇人與惠潮嘉人結黨戰鬥無論誰勝誰負而皆不利於楚邊境路逕分歧處處設守固防不勝防且兵分力單彼此均歸無益自不如擇要安營多發偵探審明賊蹤所向星速勦辦爲要該處團紳何如有可用之才否兵勇無多勢非聯絡團紳不可仰卽會同在事文武悉心籌畫毋稍大意此批

多與弟前書所慮相合足見中丞之慮事周詳曲體物情
兄自當謹守而力行之又二十三日奉新守憲文批水井
勝仗稟據稟已悉該匪竄入楚疆當經馳勦獲勝甚合機
宜云云二十七日奉中丞批據稟粵西蓮花匪徒竄入邊
界經該員之兄王勳帶勇進勦獲勝深爲欣慰此股匪徒
未經重創伺隙而動亦意中事猶須防範也一小戰耳迺
蒙上憲優獎如此知遇之恩令人感激兄近來精神更爽
健然極自節用每夜放二礮卽睡有暇時卽習拳技以其
能壯筋骨祛風寒也而各勇靡不踴躍奮興操練無間兄
恩威竝加不時點名看操而誨導之激厲之各長各勇莫

不畏而兼懷大改從前之觀兄由此始終不懈自可成一
隊勁旅也兄前此不自振奮鐵兄亦深以爲憂望弟爲兄
致意一慰之也惟近日來各勇尙閒有死者幸其餘多就
痊可少新發之證聞發亦頗輕耳兄去歲買李穆堂全集
羅山師借閱未知已付至家中否昨日於周光翁處得閱
省報摘鈔六月二十四日江南大營探報又探知賊中因
廣東調來之紅單船大而堅利截剿江面賊船屢敗城內
之賊甚是驚惶日逃難民皆不禁止似有完事之局鎮江
瓜州廬州上海及金陵五處之官兵仍然株守惟河北豐
縣經勝星使勦滅淨盡山東阜城縣又經僧王圍困窮蹙

京畿可以無憂頗堪欣慰但兩粵土匪如毛一波未平
一波復起前門拒虎後門進狼時事如此深切杞憂然吾
輩處事惟盡吾分所當爲吾力所能爲者而已豈容過爲
焦思哉今日李惠吉至遞到弟中秋後一日手書知裕齋
急欲來營兄思鐵兄旣以老親之故不能來營察兄又已
北行鎮塋亦不果來則裕齋之來亦不必過尼之也此閒
事見尙無虞并聞

四年九月初六日

心牧季弟足下前月二十三日由劉福春寄伯兄一函想
已得閱三十早又著陳國興達弟書總在初十內可到是

日午報稱永明之桃川於二十八日被粵匪千餘人竄入
焚殺擄劫甚爲慘酷周光翁是日卽帶兵前往該匪聞風
又已遠颺境外矣初三日奉中丞札飭往永州防堵全州
之匪如勇力不敷卽趕緊由湘續募精壯五百名飛速赴
永以資防剿兇比以光翁往永明尙未得信故未起程旋
於初五日辰刻接朱鎮憲移稱全州之匪業經楚粵兵勇
會剿敗散見在分途搜捕屬我專意防堵桂嶺一帶不必
全赴永郡今日已將各情形并以籌餉維艱懇緩增募緣
由通稟各上憲矣兇日來精神更健又極自保養營中各
勇日日操習技擊礮法大有進境病者雖尙有二三十人

然新發者已少矣所弟代稟二親大人切勿挂念并懇母
親必請一老姆服侍時服調養補劑甘旨無缺則遊子之
心慰矣前數次兄書內所需切祈一一寄來無致遺亾弟
須善自保養又須常屬伯兄服補劑爲禱裕齋欲來營聽
之鎮塋之行已作書致溪翁往促之未知能卽來否也如
鎮塋不能遽來則暫請謝甲樓來襄筆墨之事亦可祈弟
酌之餘不瑣

四年九月初十日

伯兄大人左右前月十九日兄在道州所寄一函已收到
矣二十三早由劉福春呈上一書想日內可以遞到嗣於

三十日又由陳國興寄季弟書則未知近日可達尊聽否也口糧一事雖形拮据然亦不必過慮昨奉撫憲札防全州之匪并云如勇數不敷即令由湘添募曾經臨敵可靠之五百人由弟調遣今日鎮憲移稱全州之匪已經擊散屬弟不必前往或撥勇隨同周光翁往桃川永明之桃川廿九日被粵匪竄入三十日光翁已率兵前往勦辦聞即可就殄滅賊號稱三千餘人實不過千餘人耳桃川團練本好又極險阻探聞賊向通土匪由別徑或仍駐嶺東在弟斟酌辦理竄入猝不及防故被擾害耳弟今日已稟復各上憲既全州之賊已敗散桃川之匪又可速滅加以餵項支絀則增募可以暫緩想各憲必以弟言爲然也弟日來精神更覺爽健而又極加節用日集各

勇於衙後大坪習敵法操武藝勤加訓勉各長各勇莫不
畏而兼懷一切事一日改一日之觀致足告慰惟前所病
者日來死亾尙多二十三以後賀文池江福胡忠玉賀文
輝鄒昌福王太林等相繼病故見在病重者如前哨之劉
太山左哨之張福勝後哨之賀蘭桂壯勇劉得太侍勇戴
盛世與後哨副百長王雲谷恐多難以救藥其餘病者雖
多而服藥有效或者邀天之幸否氣從此可止也弟日來
雖因病者之故不能不少鬱結然正不敢過於焦急弟日
習自操爲事各病者常遣竹莊等省問且日視各勇聽約
之謹遵兄臨行叮囑之語刻不敢忘也
束勤操習將成一隊勁旅報效有日雪恥可期憂思且因

以日消也蔣某之為人及其將來結局在藍山時弟曾與
 兄言及未審猶能記憶否但弟非安石何畏人之為唐垌
 豈但不必畏也并不必憾且必從而感之何也使彼言而
 非也其非固在人與我何與其或有一二偶中則聞其言
 固可因而加惕以免蹈覆焉人非聖賢孰能無過即所言
傷自古聖賢無不從戰兢恐懼中來切不可因而觸類以自警
怒生怨此言願與吾兄弟共勉之也但觀人之法從此益
加進境正則蔣某其人正可為我師也而尙何有難釋然
宜畱心耳
 者哉

四年九月十三日

心牧季弟足下聞道州有被圍之信心甚憂之然天不愛

道州之民亦必愛此賢宰或者不使此賊得逞其志也桂
嶺之匪昨日有數百已至離此二十里粵屬之開山呈稟
前來稱伊等奉伊縣主命充當壯勇堵剿下廣游匪因乏
口糧特至開山一帶勸殷實之戶捐輸并非敢越境滋擾
等語兇比作示著土人持往諭之一面嚴飭各勇據險安
營準備廝殺示稟附覽或者一紙賢於十萬師亦未可知
也如其不知自悔則必速來求戰能趕緊了此一股亦庶
免顧此失彼之憂故慎重以求有濟頃探子回報該匪等
見告示即盡夜退去
開山一帶百姓感激涕零然賊詭計
難測我之準備偵探未敢稍懈也惟營勇舊病者又死
數人幸近日少新發者耳兇見在極加保養行事小心無

以爲念

四年九月二十五日

心牧季弟足下前二十日已將十五十六及本日所發三稟彙與告示一併鈔寄并書信彙交李惠吉限五日到家二十三又將剿賊江華獲勝大槩情形書寄張九兄并託伊即將兄手書外加一書交劉湘南送回矣茲又將今日稟彙鈔寄閱之當悉壹是并祈速付至楊家一閱以解其憂以仇人已獲故也申刻張劉二公及梅邨由道州來營稱易普照已就痊可祈傳語慰其家人王鎮湘因傷重歸家祈打聽愈否付信與我也今日未刻王貴六等到營遞到伯兄

及六兄察兄我弟諸手書得悉二親大人康健閣室均託
平安伯兄於十三日抵家精神如常又已服調養之劑甚
慰遠懷察兄之書至誠懇切兄自當銘佩然此時舊病已
瘳對證之方可時時服之者在弟前日所致書矣望吾
弟與諸友時錫鍼砭對證下藥俾兄得幾於成人也饒項
昨由省局發銀三萬兩卽日可到日後或不至如此匱乏
勿以爲慮忠義祠捐項兄思各友各勇之慘總欲勉強如
曾家所捐之數方稍稱意望弟與伯兄稟知二親大人籌
之也至增募一事兄於日內了清桃川桂嶺之事同至永
州與鎮憲商議自有處分弟亦不必挂念伯兄欲捐縣丞

如已定議祇要籌辦得到亦無不可付來之物均已收到
但兩圖均天下全圖湖南省圖猶急須請伯兄辦之也營
中急需筆用竟未付來萬一所收之筆均已失去則亦急
請伯兄至省辦之其餘各物兄前日數書內所需者切祈
近日付來所存者切祈付一單來爲禱弟婚期已定甚好
似不必請客至劉某之項可再善取之如實欲拊握自不
必過容也鐵兄輩兄前已託弟作書慰之至健翁日在吾
家有信無不得閱故不另作書也今日又得武昌漢陽同
時克復之信喜慰不可言狀兄前日胸前礮子傷用芙蓉
葉嚼敷今晚已隨痂脫下祈速稟二親一同慰也梅邨甚

諸事竹莊亦
躁之氣尙未

四年九

心牧季弟足
解到伯兄由
封得悉一切
一通於座右
銘心殆未足
事均於稟內
於千里外而

回永州府徹底籌畫饒項補足精壯之勇更加訓練或加
招與否尙未能定頃探賊已竄至灌陽界離此六十餘里
甯遠各處土匪已解散前日雖祇殺賊二百餘名皆賊中之最健先鋒故也擬今午
與周光翁拔營紮三十五里之小坪再以的探追勦然決
不越境窮追且謹遵弟言自後雖無賊之處亦如時對大
敵也伯兄已由省回否所託買之物及練勇芻言與各尋
付之物切須速速付來也

四年十月初六日

心牧季弟足下昨日打仗回營知陳隆升於辰末刻由省
至家奉到伯兄與弟廿四廿六二日手書并詢來人欣悉

二親康健閤室均託平安深慰遠懷下游好信息兄較弟
聞之尤詳早出示曉諭各州縣百姓矣招勇一事連奉撫
憲批札而不暇詳稟蓋意有未易盡明者故耳兄自八月
後不但視世之所謂訓練者無一毫可取卽自念前年以
來所自鳴得意人人道好之處實多不中用者迺力改而
勉行之不料未及一月遽爾東奔西走實非本願擬了此
閒事卽由永到衡一切軍器營棚等件槩行改製加勇必
擇之極精不定一千之數更不拘定選湘鄉老勇惟一千
勇必須一千名長夫心中所欲稟請當行事件何啻數百
端非一二言所能盡也此時如已招齊祇得暫行聽之來

營者非至契友如鐵兄鎮弟及最有才能者決不必來營
弟見兄近日所行事必以爲極苦而兄視之實不甚苦近
日筆墨雖無進境然頗敏捷書信作稟倩人鈔存底稟每
兩人分寫之彼以爲太促我以爲甚暇數千言可立馬以
俟訊供問案積數十件頃刻間可剖斷過後靜驗諸心細
察諸物尙少尤悔食量較常有加武藝亦且過人而保養
精神則雖極忙之日必閉目靜坐移時眠起有節喜怒有
制故用之不至乏竭此則近日所樂爲吾弟告者請吾弟
代稟二親與伯兄一同慰之并告各相知契友一同慰之
也來書謹慎一層極宜佩服蓋古聖賢之所以戰兢惕厲

者非畏禍而惡死也。以爲必如是而後可。不
母論知命者不計其死生。况天方厚佑。陰
大治平之豈肯忍令璞山獲禍而殞命哉。付
九錢一分。迺馮春翁所送者。以爲二親下酒
酒杯二隻。調羹二隻。卽各勇昨日得諸賊。卽
以爲二親甘旨之具。則大類獻功邀賞矣。卽
由馬坪拔營回宿桃川。擬明日抵永。明初八
辦甯遠竄匪。再往錦田安辦。由嶺東出永。明
望樓之告成與否。卽由永回衡。日內不時有
事。但觀所上稟及各信。卽可知其大槩。不暇

四年十月十二日

心牧季弟足下本月初五日在栗木大獲全勝初十日又於甯遠剿賊各勇忠勇奮發殺賊過當稟內無一鋪張語付稟詳玩之可悉其槩但兄有大不解於弟者急需之物前日既錄於伯兄京摺上復致書再三叮囑迺迄今將近兩月去來之人更僕難數所寄來者惟天下全圖二張鳳洲綱鑑一部芻言十餘本而急需如湖南全圖函亭蔣氏天下圖印報摺紳時辰表羅經盤之類不但不爲辦來且無一字及之豈身之勞事之忙至此極耶吾竊爲伯兄與吾弟憂矣試觀古今來能勝大任者雖身極勞事極忙此

心必常有休暇之致故萬彙雜投應之綽有餘裕蓋暇則
靜靜則明自生休則通通則靈機常活明與靈吾心所恃
以應酬萬事者也今弟與伯兄之身勞矣事忙矣兄以爲
猶未極也迺遂若不勝其勞不勝其忙設猝然投以艱鉅
且雜沓而加之幾何不顛倒錯亂顧此失彼哉今伯兄旣
爲當世賢士大夫所屬意而弟又兄所期爲蒼生待命之
身曷卽予言而深思之相與勉而行之乎昨屬王永盛諸
事又速以書想不至再有遺忘也且兄更有所惴惴然懼
諄諄然屬者兄自束髮以迄今春瀕於死者屢矣而前月
十七以來四大苦戰惟道州之役隸亾十三人立冬以後

營中無一死者兄督所部屢值死地而穩如磐石安如泰山一若天地鬼神庇佑而呵護之自維德薄何幸至此固仰賴 朝廷威德亦由我歷代先祖以迄二親累世忠厚舉天下相習於侈而獨守之以約舉天下羣趨於薄而獨約之以厚侈與薄天之所甚惡也約與厚天之所甚嘉也以累世之德澤而報之於無德無才之一身兄敢不終夜戰兢惟懼或隕哉兄思我二親庭訓嚴明識力堅定而伯兄與弟素能恪守先世遺誠與二親教訓近日來學行更有長進亦斷不至增二親憂而貽之羞獨慮兄在營中離羣索居藥石罕投非百鍊之鋼終恐久而必缺非至堅

之石誰能磨而不磷吾弟能不時惠書常如前數函之竭誠規諫不以兄爲不受善言之人實爲幸甚又慮伯叔兄弟及子姪等或有不檢望伯兄與弟常相警惕崇德以化之積誠以感之并時勸兄嫂弟婦以下及時盡孝小心侍奉二親毋貽後悔是所至屬兄日內雖痛自懲創然一點矜躁之氣膠黏於靈府未能洗除淨盡因憶去歲曾將古琴一張交洪三丈請具徽絃又交琴譜一卷請其校對想欠已告竣煩吾弟取致軍中藉以陶我性情然鍼砭之言其功大而逸吾弟仍勿吝楮墨也楊二姻丈向來念念在兄曾因虎九哥致書誨訓詳懇兄實不暇作答祈弟傳語

兄已銘佩之矣新婦性情前聞先姊言及頗爲敦厚篤實
加以吾弟刑子之化當可成一賢孝婦係臣弟聞能理家
事慰甚但須常規其勿流於貪利忘義之一途兄弟總要
式好無猶伊婦似樸誠尙有若父風或不至如若堂兄弟
之所爲然若堂兄弟閭門內聞頗和順亦可法也弟總宜
屬其勿常往岳家所生子女勿常往外家以其近城市所
見所聞無非澆漓諛譎之情形係臣近雖曉事然恐站立
不穩致被漸染而教嬰兒尤宜慎之切勿壞我家累世忠
厚家風也八哥近能習勞寡言否勤耕作苦天必佑之切
勿荒怠也卓堂能節儉大佳但須體認先祖刻薄多由過

儉來之訓以防流弊且視財太重不但爲怨之所聚且將
漠然於兄弟親戚友愛之情亦漸漓而不自覺六兄收放
有節特恐流於瑣屑弊亦不可不防吾觀自古聖賢豪傑
未有不忼爽者願六兄與卓堂共勉之八嫂及卓堂弟婦
均樸誠頗能實心盡孝然性皆褊急少柔順之致而八嫂
之遇尤艱不能順以聽之故尤多病祈屬八哥與卓堂有
以教化之也八哥愛子女而不知教八嫂雖不似八哥之
癡然亦祇知打罵而不知所以爲教卓堂夫婦則兼有二
弊係臣夫婦恐亦均不免此若不痛改諸病大家相勸相
勉以期適中而盡善安能使男兒養成令器女兒爲人家

賢孝婦不貽羞家門耶八妹近日悲思少解否去歲臨莊
殉難信至家父親曾慰之曰夫爲烈士妻爲節婦夫復何
憾須令其常記此言也所撫子何名何行年若干歲已發
蒙讀書否付來小學一部可爲寄去前年兄有圖書大小
二十餘顆託臨莊篆刻不知其收在何處若檢出無論已
篆與否爲我付來見圖章如見臨莊也妹妹想喫滿弟喜
事酒此時必已歸甯尙膽小如前否聞九哥天天殺人怕
殺否然當回去過年爲人家冢婦剛過門而喪其姑亦命
之蹇也祇要自盡其道孝事迺翁與繼姑敬相夫君讀書
成名善待小姑與諸叔而已勿過事哀毀傷翁與夫心也

巨臣叔嬭母得此苦疾而死可憫之至須爲兄道名告細
六祖母好教巨臣叔改行爲要孝姑近日景况若何可告
璞山不死終當爲請旌也甲二姪居然駢角殊快人意可
獎之令益加奮勉以爲族間之游手好閒不能自立甚至
敗壞前人成業者愧厲之本但聰明人宜教以學厚學愚
庶幾創家更能保家且可傳家也吾族盛極而衰好子弟
難得切宜急爲玉成是所至禱蔚二弱弟瑩瑩孤苦每念
及輒心痛以召垣八叔之忠厚而不獲永年視天夢夢不
解何意然蔚二垂髫卽知大義天之報施善人往往不於
其身而於其子孫理有固然切望陶垣二叔用心撫養教

誨使之成立更望卜臣叔盡心課讀俾及時識字明理稍長則家事累之矣鈴峯叔實以來營辦事可聽之五哥必促其來營人之生死係於天若賊能殺人則雖百璞山千璞山亦無有矣况荒邱之纍纍者不乏年少之鬼軍興以來拋屍曠野葬骸犬腹者又豈少閉戶潛修之士耶五哥讀書明理何不知命若是豈岳州逃難之後驚魂猶未定耶何不思殉難羊樓岳郡許多契友義勇我兄弟卽有不幸亦得與良友輩逍遙天上垂名青史較之抱妻擁子遇寒疾三日不汗亦同歸於盡者其高下爲何如故予常笑伏波將軍志在戰死沙場而必計及於馬革裹屍猶未免

帶幾分兒女氣五哥學道者弟以予言告之當不笑爲狂
妄也三哥溺愛子女似比八哥更癡亟須屬其嚴爲教訓
無負嚴君之名而無其實諸姪頗多聰慧勤敏當及今教
以禮義無令染外家風以玷辱我族是爲至要此戰所得
良馬多兄出資分賞各勇而蓄作營中公馬暇時與已得
保舉諸勇習騎射亦一樂事也昨日官日迎等至又接到
弟手書并所寄各件不勝忻慰然急需者尙多不在是也
兄今日午後卽由此拔營偕周光翁救藍山之急江汝舟
兄帶楚勇千三百人已到此閒昨夜與兄商定今早卽拔
營先往藍山去矣兄定計連日勦平藍山臨武攻城之匪

卽同赴兩廣之韶州連州星子東陂觀清水桂嶺尖山恭
城灌陽全州一帶痛加剝洗以清我湖南邊境然後由永
下衡料理整頓一切卽會合東下諸君子埽平金陵大股
也新招之勇欲看榜樣可催令速來伯兄則必請暫住衡
郡照所付王永盛單及所屬諸事安速爲之也家中一切
書籍什物等件望弟速爲檢貼自己不閒儘可倩人編次
尋覓當付來者急需付來當收存者好爲收存弟想能聽
兄言不再誤事稍垂憐於兄之萬苦千辛也稟稟實不暇
鈔錄容遲送歸健堂先生書到兄已書諸紳矣祈爲寄語
致謝鐵橋察莽鎮堃諸契友近日竟無一字殊相念也此

問日佳餘惟面敝不具

四年十月十八日

心牧季弟足下十三日差劉大儀持紅旂報甯遠大獲全勝想早接到又寄弟一書想閱後必將一切謹稟二親與伯兄諸至戚至契共觀之也發去後卽拔營往救藍山之急比夜宿離藍城四十里地方四更拔營往會楚勇進剿奈楚勇離城十餘里卽放礮吶喊又必欲爲前鋒兄迺分撥前哨左哨遠遠傍左右山邊哨探按伏卽令鈔賊之尾撥右哨後哨離陳腳里許前進腰擊賊之中股而自領左右翼侍壯勇等督楚勇正兵作後勁楚勇初進甚猛悍特

不曉分布一千三百人七成出隊作一團打去兄屢呼令其撒開前進總是不聽然痛勦四五里逼近賊寨勢如破竹前左二哨均鈔至賊後斷其走路右後二哨奮擊尤力兄時滿擬勦洗淨盡侍勇及左右翼等請衝去左勇之前助戰兄見楚勇正兵近千人不須再添敵左地勢較寬賊亦較多卽飭往右哨助攻賊見卽退走侍勇等奮勇衝殺賊見左右前後無處無兵喊殺震天正驚竄聞忽有籐牌廣匪向楚勇正兵竄來楚勇不支兄持刀殺傷數人亦督不住反將兄擠入深泥田內良久始出兄見賊并無鎗礮且自恃馬好直待楚勇走盡過河兄身邊僅侍勇四人

百餘賊追近約數十丈兄勒馬大呼殺賊賊見驚走兄策馬趕追十餘丈令侍勇追回退走之楚勇不及迺徐徐過河鳴金收軍回營十五日拔營直抵城根駐紮極加訓飭激厲楚勇又南勇五六百於先晚到城紮在城內兄復進城約會南勇準於十六日卯末辰初出隊先日賊被我勇痛勦氣已盡沮不敢攻城比夜均退紮於城對河一帶卽內兄約楚勇分兩路由西北進一斷賊由甯溪所出大橋錦田回廣之路卽分小支接伏便道由賊住卽後大山後翻山過來截勦一由西北橫來旁攻賊巢我勇由東西分兩路前進一路遠遠斷賊回東陂觀竄廣之路亦分小支

二二五
三
接伏由賊住邨後大山與楚勇所分小支翻山過來一路
由東南橫出攻賊巢之左南勇梯城而下過河正對賊巢
攻出商約已定天將明分付各勇喫飯卽親至楚勇營內
請江三哥呼百長等將所繪地圖詳悉商酌卽回營屬付
我勇旋進城擬諭南勇後卽在城上高處指揮詎該匪於
兄入城時已紛紛由邨內出兄望之見其黃旂約近二千
人向西北路來紅旂約千四五百人向東南路來兄知其
將分撲楚勇與我勇營盤遽傳令暫勿出隊任賊近營自
有處分蓋黃旂盡係道州江華甯遠敗匪及臨武嘉禾竄
來會合土匪人數雖較多屢經剿敗故不敢向我營來而

紅旂賊均係東陂觀竄來廣匪有籐牌數十爲先鋒頗爲兇悍兇迺至楚勇營與江三兄言待黃旂賊直抵該營盤下紅旂賊直抵我營盤兩下不能顧應時楚勇先分三路打去中路直衝黃旂賊中堅左右兩路圍繞殺之此股易爲力也紅旂賊略悍且多係廣匪吸食洋煙者須待彼求戰不得煙癮盡發始突出擊之更約南勇由南門縋城而下橫截之則可立殲也均如約唯唯時將已黃旂賊已盡至楚勇營前楚勇分三路突出賊卽敗走惜左右兩路稍遲賊多逃逸上山者楚勇又不窮追而止紅旂賊亦早抵我營對面小坡相離僅百餘步時復吶喊跳躍撲營見西

北股已敗猶不稍爲動念兄令營內不得我令吶喊放礮者卽行斬首有直抵營牆下者但用鎗俯斫之而已直至午末兄在城上將五色旂搖動我勇分五路一齊飛躍而去籐牌手始猶分股拌死抵敵中路被侍勇奮威殺斃多名戴奉聘連斃二籐牌賊二鎗刀賊各路勇一齊喊吶奮殺賊迺大敗亦如前日楚勇故事我勇奮力追殺過河兄令城上人一齊搗鼓喊殺助威正待勦盡忽見城中一齊禁口住手問其故始知我勇一齊振旅而回急令人揮之復進見該匪在對岸捨命狂奔我勇退回過河排立岸邊各百長著護勇來問何遽鳴金收隊兄爲大駭後查知迺

南勇旂頭忌我勇成功不但背約不爲策應且先暗使人持鑼隨我勇後待殺得痛快時遽鳴金傳令收軍兄不勝憤惋卽令我勇暫在河岸站住令火勇煮飯送去食畢再過河追勦且令先褫下衣囊土待兄擊鼓三聲卽填成五橋分路過河進勦不將此股殲盡不止著人分付南勇不準一人下城我勇過河痛殺時伊等在城上急搗鼓吶喊助威如再違令定行正法維時西北路戰敗上山之賊亦均收入邨內兄又約楚勇爲兩翼策應彊而後可遲之又久始出離營僅數百步仍卽收隊問之曰今日大勝太辛苦待明日再戰何妨兄語以該匪計窮勢蹙若不乘此機

會期洗淨盡今夜必走是我楚之禍終無已時也若輩終不允時日已將暮矣我勇見伊等太不助興氣亦稍衰兄祇得忍氣鳴金收軍是晚接永明信稱龍虎關外三十里地方有賊嘯聚聲稱欲來永明報仇且前十四夜接錦田警報比請周光翁帶兵前去救援且交銀二百兩令代賞前日團勇之出力者以示鼓勵并許以擇其尤爲出力者分別保舉賞給功牌日內未見回音祇得於四更拔營十七晚抵甯遠十八日到道州相視永明江華緩急以爲策應且待新勇到齊卽令老勇之過勞者得以休息多日也是役也十四日之戰若無楚勇賊必可以盡剿十六日若

非南勇忌功楚勇再稍助興賊亦可殲以斷不料其若是者而竟若是豈該匪之劫尙未盡耶然南楚二勇自此頗知媿懼稍可用矣楚勇十六日之戰迥異十四日之亂叫擁擠惟先夜與城中屢次驚營是晚聞兄盛怒卽終夜無一高聲大叫者矣以旁人之觀感尙可速於見效况爲彼主將者果能實心整頓乎鐵兄嘗與言天下無無用之兵祇有無用之將信不誣也今日午正在途間接鐵兄初十日書及弟十一日書虔誦十餘徧至公館復盥手焚香三復之樂石之言實金石之論以離羣索居之人而忽得此如渴極遇甘泉沁入心脾尙不刻骨銘心身體而力行之

猶得謂之人乎哉忠義祠捐項一節兄意必極從厚待面
晤時詳告弟也甯遠有張老人年一百一十八歲矣兄收
隊入城親往拜之爲奉酒食後來公館同拜兄卽用自己
坐輿送之僅留一子年六十餘鰥且貧甚兄遽令其撫子
自娶妻并爲撫子娶婦當賞銀一百兩以爲之倡屬地方
官及富紳厚贈之并爲致書各州縣共贈之又許爲詳請
旌表建坊賞頂戴見今耳目聰明尙能步行數里詢
以乾隆初年事猶能記憶世上難逢百歲人而兄所遇且
過之亦人生幸事也昨甯遠攻城之賊兄過後詳詢實不
下三萬人且四鄉逼脅入夥均約是日會齊肉薄而登卽

將城內槩行血洗兄在道州拔營卽多我鄉導派勇同去
先於離城數里數十里四路大呼已將圍城之賊勦盡大
獲全勝矣爾鄉民若不急齊團擒斬敗匪卽行族誅各勇
歸述所見凡到之處或每邨數十人數百人不等多已帶
紅巾而出及聞此言迺皆拋棄使少緩數時又將不下數
十萬人矣天使我不先不後而來而又使行此計得以倖
獲全勝安知非此老之福有以致之也兄暫在此閒少住
日內卽請張九哥及琢莽弟回衡郡與伯兄商辦一切且
令琢弟歸省八祖母也

四年十二月初五日

心牧季弟足下傷兄前月在全州兩次獲勝兄於二十八日又與萬餘賊鏖戰於道州甯遠交界地方我軍大獲勝仗救周光翁與其兵於萬死中痛勦三十餘里賊之狡而悍蓋又數倍於栗木侍勇之功尤爲可歌可泣而王道達與馬夫王瑞二牙子爲尤著二十九日伯兄率勇由全州來道初二日兄由甯遠回道與之相會促剗暢談怡然忻然不知天地閒更有何者可樂也昨日始作稟將十月初五以後兩月之事詳悉敍出約萬餘言今日午後可脫稟明後日卽著人送稟回家以慰二親之心兄竟不能爲父親祝壽卽補祝亦須遲時日殊仰天而有缺望矣然昨日

之拌命苦戰救全無數生靈拔出數千裹脅天又將爲我
二親增壽一紀亦稍慰人子之心惜初一日係升都司駱
守備元泰又送餘匪軍器多件更要兄費力耳諸友可促
其速來道州以此閒勝境最多不欲獨樂也兄了此閒事
終當與戚友輩率勇回湘過年爲母親慶六秩必教妹妹
候我也兄欲以清議維持世風於萬一擬將八月以後稟
稟信稟家書及唱酬諸作一一刊刷之茲已得四卷初三
接弟書諫我苦矣自當思之但弟略觀所刊數書亦可知
兄之十一而所以教我必更有進矣弟今年想又作劉蕡
亦安知非福也昨於甯遠又得二佳士黃爲最楊次之均

少年廩生黃生雲岑則年僅十九歲耳兄二十八晚偶住黃生家翌日早起見書籍被賊殘毀躬爲檢拾得所作十餘卷悉加改正是日至甯遠所寓館卽楊生家亦無意中之奇緣矣付回黃生應有司課卷一本楊生和詩一首可呈老親以博一歡也

四年十二月十一日

心牧季弟足下初五日書想三日外可接到茲因局中新製無敵神牌連珠銅槍威遠火箭諸式銅礮噴筒火罐鐵狼筍等類雖成者頗多而承造監製敏悟者絕少而疲玩特甚東下在卽何能蕲事故日內兄之勞苦較前且又數

倍特飛著陳隆興回家再促卓堂星馳來局襄辦一切此
閒事竣卽將薦諸大憲令其承辦總局俾極疲極懦之卒
皆得恃利器以無恐猶得謂非卓堂之大幸耶兄欲以雷
厲風行者挽天下頽靡已極之俗欲以掀天揭地者同斯
人苟且鄙狹之習迺略示端倪而弟且刺刺不休於戲已
矣且弟近日來應試事苦不暇自克又安望能窺吾微而
砭吾病與甚矣爛時文之爲害烈於弟信之矣質美如察
莽石泉天亟欲成之以示轉移之機故當從事帖括時必
不令稍得志於時及其決然舍去專心看書遂欣然有得
兄曾告弟而弟不悟故

其必爲劉蕡也惜弟之文

猶媿劉蕡不然卽作劉蕡較世之以爛時文餌科名死而
卽朽者其相去奚啻霄壤耶特寄稟稟呈老親一覽以見
銜之不敢忘教耳弟下第後心當稍靜或可解也此間寂
寞立望好音惠我爲幸

四年十二月二十八日

二親大人勅下男自十八日進剿九疑洞一帶之匪十九
日歷觀古蹟勝境神工鬼斧迴出人寰之外前遊道州太
極洞華巖含暉洞等處以爲極天下之美觀矣茲觀舜源
峯玉瑄紫霞諸巖殆又過之不可謂非男之奇緣矣屢奉
手諭教男以忠孝難兩全之道昨又示以盡心 國事善

保身體等訓男敢不刻骨銘心實力奉行乎男見因甯遠
餘匪最多日派勇在四鄉接捕男與周參將在城與各紳
商辦一切練團防勦事宜謹遵訓示不遽歸家男欲作九
疑遙祝圖求當世賢士大夫題詠以爲承歡之具而此地
賢紳又欲作壽帳奉去男以其意誠不忍卻之但均須明
春方能送歸來耳茲呈上濂溪祠內圖帖全套濂溪志一
部壽星圖一幅九疑寶石一座羹具一筒嘉穀二品爲二
親上壽祈笑納之男擬暫畱此數日以便各勇之拜祝具
穀酒諸物將二親之命賞賜各勇想二大人必喜男之能
代行事也


王壯武公遺集卷十七終

湘潭朱士宜校勘

王壯武公遺集卷十八目錄

家書二

自咸豐五年正月至七年七月止凡四十八首



--	--	--	--	--	--	--	--	--	--	--

NEWSPAPER

王壯武公遺集卷十八

家書二

咸豐五年二月初二日

二親大人下男前在富川奉一稟想日內可以抵家見
在賊匪有由永明竄道州之勢男日勵各勇多設偵探嚴
明約束謹依孫子爲不可勝以待敵之可勝一語慎重行
去想不至於僨事特此股賊似非可速了耳所堪告慰者
男旬日來氣足神王幫辦亦皆得力近更得幕友文麗峯
者名煒長沙人久爲富熟於公事而毫無習氣可使男不
分心於筆札得以專力訓練指揮百長廿長亦多勇往可

棄去歲收用僞大元帥李金暘血性勇敢而將略頗有天
授前在富川屢戰衝鋒殺悍賊甚多日夜鏖戰而精神倍
加賊深恨之欲得而甘心焉每出戰賊用礮石叢擊之竟
不克中而彼不自惜也嘗自言曰使非王周二恩帥救我
我早死且負賊之名而死今日無論不死卽死已遲了多
日且人人知我爲 國家出力而死尙何愛焉營中勇亦
有因慷慨激昂而益加奮勉者亦可喜也

、五年二月初十日

毅卿六兄大人左右前日接到手書所付各件均收到矣
上面方應接不暇下面又甚喫緊奈何然陸軍之得力者

多駐潯城武昌有胡李水陸二軍回救尙爲可恃節帥雖見退吳城必急籌出江之策賊方隔離我而我亦足牽制賊以弟揣之賊未敢遽行上竄卽上竄亦不足深懼也此層議論未敢於稟內及季翁信中言之兄以爲是耶否耶當急遽時切不可亂了主意此時省中旣調楚南二勇及譙趙諸君同去兵力尙不單薄不可輕用帶勇之人蓋多用一人而誤事可恃者反爲之牽制則固不如少用一人少一枝兵勇之猶可得力弟嘗以數百人遇數萬匪不敢輕求援請添兵者實有所見非敢輕敵而自恃也兄試歷觀永屬去歲之用某公某兵某勇果益耶果損耶前車之

鑿後事之師弟雖不敢顯言之兄可從容爲季翁告之也
若有批札及復信速付去勇手送營此問振安

五年二月二十五日

二親大人下周貞二此時想早到家六哥亦已回湘面
述一切矣男自十一日由江華率勇抵白芷營與周光翁
會合進剿富川之匪十八日由白芷營拔營二十日進攻
縣城賊出城十餘里相抗是日周光翁之兵勇先行幾不
支幸老前哨奮力衝出左右後各哨繼之賊大敗走直追
殺至東門外橋邊我勇衝突爭先過橋殺賊尤多已有搶
步進城者因後隊爲周光翁之兵勇所隔遽難趕上故未

能成功見在營於城東岸之合胞山晝夜更番派隊攻打賊死守不出城小而固難以遽下日內設法多方四鄉團練雲集亦多可靠者男極意激厲想不久可望成功也前者屢奉手諭并細詢由家中來者欣悉二大人康健如常家中人人清吉甚慰遠懷賀表兄已完娶甚好伯兄瘡恙想日內亦將全愈也玉二弟竟爾天亾真是可慟葛五叔又復死於王事其家又大艱難也鐵橋兄旣已出而帶勇雖不能復來男營中與應中丞之聘亦是可幸康姻伯強健如此遽爾仙逝亦非人所能逆料也男見在營幸託平安精神尙能振作老勇似更穩練新勇亦大有進境各處

之賊無不望風披靡畏湘勇如虎而勇與各勇日加戒勉
慎之又慎不敢一刻一毫自恃想可免於罪戾也

五年三月初六日

二親大人郤下男於初三日率勇由江華起程初四抵永

明是日探得前由連州敗竄之匪

即去歲在道州江華甯遠等處屢敗之胡逆所

領已到桃川與富川竄來之匪

即去歲道州敗後分股過廣西旋被我勇敗之栗木

者首逆朱洪英

合夥定計翌旦來撲永明縣城男出令偃旂息鼓

四更喫飯五更四路埋伏初五日辰後賊果蜂擁而至眾

約萬餘男與各友分督諸勇次第衝出賊拌死拒敵我勇

奮威痛剿

新勇五百亦漸可用蓋由男自富川回後痛自猛省振刷精神依舊申明號令嚴立約束故能

如賊大敗追殺四十餘
賊約近二千奪獲一千
十竿大小黃旗二百餘
牌子藥行李等件不計
民心無良已極天怒難
首逆總得倖逃禍亂未
存敬畏以期挽回於董
事男何刻惡之特自去
亦何莫非爲我匹友以
不足見諒於當事優卹

難保湖南之不爲廣西也廣西自道光季年以來其不帶
勇不當勇而死者固不必言卽帶勇當勇而死者亦不知
幾千萬人矣此時不但無處請卹無人爲請卹恐邀求卹
典之人亦多轉乎溝壑逃殘命於深山窮谷中而不暇也
此理甚明智者自知之惟下半年凶者自與上半年之凶
者不同非我心有輕重迺時勢使然蓋屢次皆勝仗又去
秋去冬十餘戰所凶者不過十餘人上憲不得以查無章
程難於照給爲言且不如是則不能勉圖新功不能以保
湖南者保天下無處爲前日凶者請卹無人爲前日凶者
請卹且無人爲前日凶者承卹是卹今日之凶者實爲卹

前日之亾者地而緩爲前日亾者請卹正所以急爲前日
亾者請卹也至去歲之滋事者自應懲辦但去歲所稟中
亦有未確實查明居止與其罪狀及可著跟交之親房戶
族者且所稟之外更有罪浮於諸犯者皆未切實查核噫
嘻以男之干辛萬苦刻不得暇而身之所接耳之所聞目
之所見祇有羣相詰難故爲擾迫之人并無稍爲體諒代
爲籌畫之人然亦莫非命也且安知非天之玉男於成也
男亦惟順以聽之修身以俟之而已夫何怨而何尤焉見
在營中幫辦者多實心任事凱章梅卬甲樓子山尤能匡
所不逮亦苦中一樂事也肅此具稟不盡欲言

五年三月二十日

一親大人鄒下昨日徐仲文送文書下省囑其回至家中
哥哥六哥均作家書寄去矣茲接得鎮軍移文欲男往鞫
灌陽之匪而灌邑有團首紳士何孝廉等前來苦請救援
前日甲樓與玉九已率老哨勇往紮蔣家嶺男已定明日
率新哨勇與之會合偵探的情相機行事必籌萬全之策
然後進兵不然斷不冒輕易越境也季弟口渴之病聞已
全愈甚好男與哥哥等在營自知保養勿勞挂念惟望大
人順時納福爲禱

五年四月二十二日

心牧季弟足下我營自二十二日與周駱二軍進剿東安
踞城之匪匪出離城拒戰我勇奮擊大敗之卽進逼城對
面之高山孔明臺安營連日攻打尙未得手昨馮樹棠先
生偕江幼陶兄又率楚勇千名前來助戰想日內可以成
功昨又聞有股匪擾及廣西之西延大埠頭亦逼近新甯
未知能及早撲滅否也時事糜爛至此惟有盡人事以聽
天命亦不過爲焦急也

五年五月十二日

伯兄大人閣下前日周心廣到營得讀手書藉悉一切惟
兄書信時尙未知後一節事務此時想得聞而更加憂悶

也弟自初一日與周駱二公率兵勇退駐此間爲日已久
尙無破賊之策焦憤莫可言狀以後之事真不堪設想也
然事勢何常祇盡其力之所得爲以聽其自然耳兄來營
於營中固十分有益但家中事恐季弟又難以獨任於拮
据之時心殊念念前接鎮軍函稱趙玉翁帶勇一千來衡
據兄信該營自初六日由省起程則此時方可抵衡也初
十日又接鎮軍書稱南楚二勇在郴州大獲勝仗宜章已
經克復則彼路情形已鬆差堪慰念茲特著周心廣沿途
由祁陽來迎并囑其探聽沿路情形矣

五年八月十三日

二親大人剝下男等自初二日由東安拔營追剿逆匪於
粵西全州界之四里洞等處賊忽於初八日由閒道竄入
東安欲逕攻祁衡男星夜折回初九日辰刻遇賊於桐子
山新亭地方鏖戰至二更時分始收隊回營殺斃賊五六
百名奪馬七十餘匹大旂器械等件無算我勇幸無傷亾
初十十一分兵按剿又殺斃多賊十二日與周參戎督隊
追賊將近四明山殺斃賊數百奪獲馬匹旂幟多件擒獲
首逆僞定南王胡有祿係廣西潯州府人該逆自道光二十七年
與楊秀清羅大綱等在廣西各處地方攻城劫獄迄今八
九年蓄謀已久常與南京大股潛通消息幸天心厭亂使

二月廿五日

該逆不終漏網差堪慶幸惟見在朱洪英偽鎮南王一股又已

由全州萬鄉竄入新甯真是應接不暇男擬即日將此股

餘匪殲除立即馳赴新甯援剿如天之福速將朱逆一併

誅戮則我楚永寶一帶庶有多乎男等在營身體清泰又

且自知調攝無勞挂念

五年八月十四日

二親大人邾下昨作稟後因探得敗賊陸續竄聚四明山

者約有二千立即督勇攻剿該匪恃險死拒男分勇兩路

衝上各勇奮不顧身殺至山頂受傷者二十餘名幸不甚重耳該匪大敗

各勇盡力追殺百長喻煥臣殺賊四十餘名屍骸滿谷遽難數計中有

偽軍師

槍礮刀

可收拾

五

父親大

廣送回

未製被

蔭渠士

日被禁

奪獲匪

等情不禁踴躍稱快辰刻接新守憲李札因郴桂賊勢見
尙喫緊飭男率勇赴衡由耒陽永興一帶會合各營進剿
男擬於二十日由永郡起身前往衡州少住數日休養士
卒多籌餼項開列永明及此次保舉清冊大約重陽前可
以由衡拔營昨讀嚴諭教以愈勝愈慎男謹當佩服不敢
跬步或怠望大人慎勿挂念也

五年九月十三日

心牧季弟足下兄等自初七至十二五日四捷而十二一
仗尤大獲全勝合計所殺不上二千而所散不下三四千
人前日之戰賊匪或二千餘或三四千十二日之戰郴桂

永興及各路之廣匪土匪共萬餘人分七八路埋伏我勇
四路分布并死殺之追逐二十餘里將花園巢穴燒毀所
有銀錢衣物所值不下萬餘金槩付回祿辰刻出隊申末
收兵奪擡槍二十餘竿大旗百餘面其餘未暇數計若非
處處皆叢山所殺必不下數千所奪更難悉數上下賊勢
均有就衰之象闍季翁及李觀察信自知一切又此四大
勝仗椰桂一帶均應寒心蓋十二之戰係椰桂一帶之匪
盡行趕來一戰敗之實大快事新營陣亡四人受傷十餘
人老營受傷者僅數人而已營中人人清吉無煩挂念

五年九月二十二日

季弟心牧足下昨接到弟十三夜書得悉壹是謝甲樓兄
事前日已與六哥商妥此案關係舉單前日勇中有已得
休舉而殉難者必另爲申請而卓荦弟與甲樓兄之勞死
王事亦斷不可忘者也吾弟其放心營中饟項又解來三
千餘兩惟是局內將東安所領之二千兩省局兩次委解
之四千五百兩均扣算入月饟內至九月二十八止則報
銷之項又閣在一邊此亦事之無如何者也家中明年先
生伯兄說卽請健翁亦好欲弟稟知二親斟酌行之也營
中自初七捷後初八初九十二三天又連獲勝仗此時捷
音早已到家矣維時通籌全局郴州民情久已渙散若進

攻而城難遽下則腹背受敵故先從桂陽州下手而又恐

郴州之賊乘虛下竄耒陽迺請六哥張九兄帶老五哨見

老五哨之勇十分齊整百長亦皆結實可靠不仍與張雁

但勝似今歲上半年且勝似去歲秋冬時也率明府駐紮公平墟而自與伯兄各率五哨勇於十八日

由公平墟拔營十九日抵離桂陽州城十五里之仁義墟

此墟在州之西北縱橫晤團紳陳俊臣戶部主事名士杰

十餘里均團勇紮住春習會於滌翁處才識膽略均超越時輩伊家在西南隅

離此尚八九十里賊已擾及近邨糾合團練連勝十餘仗步步進紮紮此地後又進

攻州城數次皆獲勝矣及各團長二十日約會進攻惟

該逆不敢遠離城邊負嵎死拒鏖戰自辰至酉殺賊不過

此戰後團練無不深感我勇之善戰而我勇亦皆深喜團
練之可恃此間團練兄平生所僅見見在極加獎勵各日
團無不歡聲鼓舞願聽指揮出死力報效者
內再與約會設法進攻該匪雖狡悍想不難殲滅也見在
兄與伯兄及諸兄弟友朋輩均極清泰毋勞挂念祈弟稟
知二親大人勿懸懸也

五年十月十一日

心牧季弟足下衡州別後屢接手書知二親大人康健如
常家中諸事清泰甚慰遠懷郴州之賊自昨在瓦窰坪戰
後諒已膽寒然背城借一之舉亦理之所必有茶陵克復
之後餘賊由江西之永新而擾及安福見在興甯鄱縣匪

蹤蔓延是郝匪逃竄江西合股之路上面各處兵勇合計不下五六千然能獨當一面者絕少此事了結恐尙須在冬至前後也所幸人心亂極思治自今年後永郴桂三屬或可少安兄今冬明春或亦可遂歸田之願惟自願持身處世毫無長進學問功業二者均負虛名忽忽中年對影自媿每念日月逾邁之語此心怦怦欲動耳其餘營中近日一切情形伯兄與六兄書詳言之不贅

五年十月十七日

二親大人剗下前日接奉手諭欣悉季弟於前三十日獲一男二親含飴之弄嘻嘻而繞窻者又添一丁致足樂也

比卽與伯兄六兄輩
雞蛋男等是日亦樂
也見在郴桂一帶漸
近少好音甚爲可慮
治之意想尙易爲治
九月二十一日奉

來忠厚之報而男之
滋甚惟有竭盡心力
對聯送魏六叔不記
更愛我士行中幾見

五年十一月初十日

心牧季弟足下前月及本月旬內屢見手書變故多端神爲之傷而最傷神之處則尤在念弟之遂爲境所苦而心中之壘塊觸處皆是不能自己也甚矣哉弟蹈吾去冬之覆轍也家庭中有不肖者反覆教諭之當督責者卽嚴行督責之勿鬱鬱於心增益疾病以致兩失也兄每爲弟設想本有許多難處然吾輩夙夜自命將居何等豈容因其難而遂已乎况其勢又決不可已也弟平心思之今友朋中所遭豈無苦於吾弟者乎古人所處之難而卒能善處之者豈無爲弟所當取法者乎兄以學問無成之身謬出

而爲世用此生恐遂終爲廢物而伯兄又且擺脫不開齊
家之任非弟之責而誰之責乎望益勉之毋徒自苦也前
日馮春翁飛書至稱朱洪英由灌陽犯楚永明於初四日
失守周光翁率二百餘勇力戰三晝夜遂及於難永郡一
帶又大震幸賊不滿二千尙無大伎倆然又前月十八再
攻桂城之賊被團勇擊敗後有餘黨數百竄至甯遠聞日
內臨武之趙參戎樸誠勇敢亦武職中所罕見者率兵勇往勦亦且失利
趙參府亦有殉難之謠特尙未見明文或不至此也二處亟須我勇往勦而此間未
遽藏事終令人急殺所幸鄴茶均就肅清此閒之匪糧食
已罄如天之福能迅速成功以便移師西向斯爲幸耳兄

數日來細查永明東安戰功擬將易普照王道達喻煥臣
陳青雲黃萬友五人加保守備許青雲王明輝加守備銜
其餘保千總者約二十人保把總者約五六十人保外委
者約七八十人鐵兄與桂東胡生再爲申請卓莽與甲樓
亦必請卹此事日內總可告竣也忙書數紙不盡什一祈
二親切勿挂念爲幸

五年十一月二十日

心牧季弟足下日來開保單卽敘陣亡之勇與卓莽甲樓
病故緣由悲懷方結而弟十二日手書適至爲怡然者久
之弟之克治不以境遇而稍易弟之學自此日進矣兄當

法焉羅師又克蒲圻連獲勝仗洵堪慰念所告芝生之言
吾人當共勉之也兄日來嚴申軍令與各營各團聯絡而
不急攻者以賊負隅死拒因四面斷絕糧道利在速戰也
然月底及出月初想可收拾矣永明之賊據焉春翁十五
日來信賊尙在永明不過兩三千人土匪附入者絕少甯
遠之賊思竄道州亦尙不滿千人旋被團勇擊敗見將竄
永明合股各處防堵頗嚴想尙不至大肆猖狂也此間近
佳惟努力自重爲幸

五年十一月二十六日

心牧季弟足下家中事伯兄書想已詳之卽營中事不待

言矣營中近來好處子山書亦略言之然未能道其什一也兄欲詳述以擴吾弟之識而今夜與屯蕤暢敘當今豪傑不覺已四鼓明早又須出隊去勇又不可再待故不能不少息精神待下面細書可也然其中之妙趣又非言語所能形容者矣惟珍攝自重爲屬

五年十一月三十日

心牧季弟足下郴城於二十六日克復已差勇飛報捷音矣兄等於二十七日卯刻由株木山拔營追勦是日行七十里至何家灣地名石壁沿途殭屍徧滿山谷林澗約略計之不下五六千皆團練之力也二十八日追及該匪於

清和墟塍頭下等處又殺斃二千餘賊竄往宜章臨武郴桂二郡交界一帶叢山中人數蓋尙七八千也見在賊臨死地我軍進剿實難祇得飛調各處團壯謹守要隘以困之待詳悉偵探路徑再爲乘機痛剿數番卽可收拾淨盡矣前日接朱鎮軍函稱永明之賊尙盤踞如故前由桂郡竄甯遠之匪往與合股如天之福今冬能將此兩處之賊殄盡無遺則我楚東南一帶之民稍可安枕矣郭屯蕤今之傑士所交遊者多爲我輩平日形諸夢想而不得見之人日來細詢詳告令我如入羣玉之府心神俱迷周小春儲桓桓鐵笛大漢輩子山前書已述其略矣昨道及更有

張君子琪者器量稍遜於周而穎異過之其學問淵博才
思超敏不特爲今世所希聞也屯蕤言曰張子琪可將百
萬之師周小春可綜天下之務二人若不冒出爲世用斯
世之亂恐尙無已時也又曰儲桓桓來則奇傑之士相隨
而來者必多惟周張二公則不敢必斯言尤令我神往矣
前子山書想已呈二親閱之祈弟更以此紙奉覽也武漢
已有克復之信惟江西之糜爛耳不忍聞鐵兄芝兄消息
如何詳以告我爲慰

五年十二月十七日

心牧季弟足下簡勇至遞到手書知二親大人康健如常

闔室清泰甚慰遠懷歸家拜祝一層昨與伯兄在道州言
及知必不能行已閣此議矣前日由道州起程昨日駐江
華城二十里之橋頭鋪令鳳煇及左勇永勇紮離永明城
二十五里之上江墟兄意先剿江賊次攻永明特令鳳煇
勇等爲牽制永賊之計以便迅速了事耳可恨該弁勇等
全不中用昨日數百賊撲營尙能支持今日來千餘賊遂
棄營逃走此等虛靡饜項之勇已擬速撤之矣劉蔭翁率
勇一千五百明日可來此地會合伊自東安後極力選汰
所部勇大非從前可比然人終須自強我勇一千五百已
不爲單而黃輔鼎守備一軍健銳亦精銳可用相機善用

總可成功兒意以先江後永爲正辦亦猶先桂後柳之意也
也募桂勇爲官勇兄前亦有此意尙須酌之伯兄前信中
二事均可有定局幸甚對聯三首恐須明春新正方能辦
就祈代稟父親大人學源祖書前日亦已收到雅莊想早
抵家矣圖石已收到前二信亦次第收到惟前書中有云
悔艾之餘轉覺清閒自在令我味之不厭郭屯蕤在營隨
事規誨裨益良多不僅文章氣節令人欽服也惟努力自
重不宜健忘先生祈叱名請安復書已拜讀矣

五年十二月二十五日

心牧季弟足下轉瞬卽咸豐六年矣時局與日俱變而功

業學問兩無所成感何如也然亦惟順時循理而行以不可知者聽之天而已則感極何必不樂也兄與伯兄王事鞅掌不獲爲二親介壽弟在家當力勸加餐也永明之賊全竄江華或者天之欲聚而殲諸乎江西糜爛已極而苗匪又復震動真應接不暇以兄揣之西路之收拾將更難於東路也

五年十二月二十九日

心牧季弟足下今日何日非父親大人六旬晉二壽誕之辰乎兄與伯兄至晚開始與諸友稱觴遙爲二親大人祝嘏也天下多故此身已強半爲國民有未知戲綵而娛鄰

下者將在何年念之感甚係舉單已彙成冊著人齎去想
不至大有刪減今鈔一紙祈呈二親大人一閱文麗翁唐
子山極力遜謝然名器原賞有功之人理固然也張九哥
前亦密告麗兄屬其如見保贖上有伊名切爲力辭麗兄
亦再三言之兄思作州縣正印官實不易固不如同知之
易於盡職也特伊既讓退後此有功不再加保可耳八月
造報去冬以來製造軍器添募道勇及優卹養傷各項前
月內催稟奉中丞批最爲曲諒亦鈔錄附覽今夜接省覆
咨文已籌解三千兩前來矣是可感也如李相堂參戎營
中不發饟者已一百數十日虧空四萬餘兩前朱趙營有

人來亦說已兩月餘未發饑也此閒團練亦有頭緒紳民相信相愛實爲可用然此賊之凶狡不滅東安而人數不啻倍之殲滅尙不知在何日也世事何常祇盡人事以聽天命不敢鬆勁亦不得徒深焦急且湖南之禍雖曰未艾然較之廣西之萬分決裂江西文武之醉生夢死奚啻天淵每念中丞之盛德方伯之精明春翁觀察之至誠懇切知天之尙有意於湖南也若兄者才識疏淺負此重任早夜以思惶悚益深昨寄左老書摘錄一段與弟觀之必有以進我也

六年正月初五日

心牧季弟足下立春晴元旦又晴此昇平景象也而吾弟
與家中大小熙熙雍雍相聚而拜舞於二親之郗下其樂
蓋可知也兄與伯兄輩雖不及與斯樂然在營中則與諸
良朋賦詩飲酒與諸武夫馳馬角技亦殊不落寞也郭屯
蕤當世人傑見營中同事尙少與其任艱鉅者爲兄憂之
欲歸家一行徧探濃蘭而前日見弟書贊不絕口蓋屯蕤
文章雖足橫行一世而實恥以文章自見者其自勛如此
其取人亦如此兄昨因其將歸勸其取道吾湘與弟一敘
欣然許諾惟別時本擬先往宜章省親頃接來書迫不及
待今日徑由道州起行矣於戲郭生我何幸而得此知己

也茲特專勇飛信與弟俾得在家祇候并望吾弟卽刻飛
信鐵兄石弟及芝生來吾家與郭兄一晤爲快也悠悠數
行不暇他語弟其敬聽吾言乎

六年二月初八日

心牧季弟足下王道達等假歸近日一切想能言之不必

贅也黎警齋

名宗銘

來營與之言真天上麒麟也此間張漪

珊刺史勒怡田副將張霽堂巡檢皆當世不多得之人兄
與其事幸矣兄見尙未定回楚之期大約總不在粵度花
朝耳賴古愚賢令也爲弟查一星盤付去一覽君子知命
而不言命兄犯此戒矣草此忪達卽代稟二親大人福安

歸省在卽矣

六年二月十二日

伯兄大人閣下昨由茶田墟進紫茅坪十二日黎明督同團練三江協兵丁先期西江墟繼解外塘蔗塘之圍將四路賊營百三十餘座同時燒燬追逐十餘里分數路前進殺賊以二千計隨令拔營來外塘田洞紫營此間紳民稟稱外塘塘水被賊掘開水涸後路澗水亦被賊斷水源已渴三日火藥亦將用盡幸得大兵到此邨內二千人得慶重生感激無地見查得餘匪潰竄星子一帶矣

六年二月二十三日

心牧季弟足下兄等昨日由外塘拔營來嶺背塘探賊又
 離此百餘里駐英德地界將竄廣西之懷集矣兄擬日內
 返楚料理一切但歸期必待梅邨到方能定奪也翔岡已
 遣人促之又作書致屯蕤均鈔寄兄自元旦起所錄日記
 亦鈔寄又錄翔岡寄隱霞三書前我寄屯蕤及石翁季翁海公子四書又朱左昨寄我書細觀之
 可知其槩也屯蕤快人快事令我心折萬君輩既如此高
 誼而我等猶屑屑計及於前項之無出何我兄弟之甘以
 豪傑讓人也弟聞此言當靜思之勿又遽生氣焉念妹聞
 尚在家候我歸甚好但總須三四月之交弟可速稟二親
 勿懸望父親手諭敬佩之矣

六年三月初二日

伯兄大人閣下昨日卯初出隊午正始抵渡浮橋之丹竹

塘

青蓮之上
游十餘里

路徑滑澁而崎嶇又甚約五六十里而土人

云止三十里也至過浮橋處則橋尙未就而忽停工稱賊
將來奪橋弟率侍勇趕搭已成而賊至弟卽揮侍勇接敵
纔過一二人而橋又被船戶折斷杜義品張良清幾不免
頃之我後隊繼至弟令隔河放礮斃數名賊稍退仍令速
搭橋奈東安勇及副前左勇過於勇往不待橋成卽奪舟
渡河深入賊巢近萬之賊蜂擁而出兩下拌死鏖鬪約一
時之久橋成弟督後軍繼進分路橫衝直闖賊始大敗追

殺二十餘里

青蓮過去二十餘里

黃昏始收隊二更安營青蓮是日

之戰陣匹東安勇一名受傷共二十餘名均不甚重實計
殺賊不過六七百名逼灞河內及墜巖死者又三四百名
合計僅千餘是役也一誤於搭浮橋之居民船戶再誤於
帶路者之聞賊卽逃三誤於東安勇及副前左之過於勇
往不然可以盡殲無餘不煩再舉若以賊數計之以陳金
剛李石係王大才諸頭目均在此閒度之則大灣英陽墟
石街等處實無甚賊也見在擬士卒休息一二日探聽確
情如逃走未遠仍須勦盡之始返不然爲山九仞功虧一
篑甚無謂也家中及六哥均未另書信祈以此紙遞閱且

取日記寄來爲禱

六年七月 日

毅卿六兄大人閣下昨日接奉手書知營中尙多新發之病奈何擬日內卽趕緊作辟瘟丹送來惟真麝香難辦耳陳君少白於二十九日抵舍甚相得郴州張某如兄實有所見辭之亦可如徒以勢利故辭之恐將爲賊用亦難逆料此弟向來於投效者最不肯輕易放過雖不專爲此然此亦其一端也杜義品猶未到祈書護票差二勇速訪非弟私愛之以妒忌之者太多恐遭毒手他日又少一猛將也返璞山房布置之妙蓋有不可以言語形容者且切勿

令良甫及張九哥諸人知之令其羨殺也頃又得聞六哥與心牧書問軍器一事弟前未十分說得明白宜六哥之不喻其意也今請爲六哥詳言之軍器之中用防營中必須補換者儘可留之其餘或係弟前年所用之空錢及奪諸賊而無用者儘可付回弟之意其全不中用者未必不可當陶侃之竹頭木屑其可整令合用者更將用爲團練之資與其陳朽將來槩行棄置何如此之爲得也况所費不鉅而得用多乎萬望六哥切勿遲疑爲禱

六年八月初六日

二親大人剝下男自初三日午後起行黃昏至馬坵宿焉

初四日申初抵湘潭改陸登舟是夜三更後到省昨今兩日與各憲商議一切大概情形總以援武昌之師爲急李迪莽昨日又有信到望援甚切男以大局所關雖知其難不敢推卻惟謹守敬慎二字及盡其在己聽其在天之訓與鐵石諸友箴規之言以期少免隕越耳見在查明郴桂以後戰功開列保單凡營中應辦之事力爲整飭大約中秋後方可出師饑項一節已議發濟以前積欠攜一月之糧而行時事如此祇得竭誠辦去成敗利鈍本難以逆睹也願二親善自保養勿過爲遠懷則男之心亦可稍安矣昨聞光二哥說石泉已丁外艱未知家中已得信否澧州

嚴禽南今日已抵此聞其人磊落慷慨的非凡才稱屯難
已招壯士百五十餘名數日內可到月內可與丁月臺再
招二百餘來也滌帥致左先生與左先生致男兩書均鈔
呈乞賜覽焉

六年八月二十三日

伯兄大人閣下拜讀二十一日午刻手書敬領壹是弟外
病全瘳精神亦日長惟節而用之起雖甚早睡亦不過二
更藥服歸脾湯加鹿茸甚有效擬日內即照此作丸藥也
武昌之行已經停止江右之行尙無定期亦無定向大約
出軍在初旬以外如有定局斷不致勞兄之懸揣而不以

告也武昌江西如前并無好歹消息惟宜章邊境賊勢似
非見在官兵所能了結恐將來須先了此公案亦未可定
永州一帶之防除健赫各勇畱守外左老說昨已札岷公
堂弟江忠義招募千人以資策應江公弟未得見聞年約
二十二三歲屢經血戰身受多傷且有智略日內由安徽
回卽令辦此已慨然許諾或可恃乎日來營中訓練稍有
可觀再假以半月外工夫當可用禮勇二百漸就範圍月
臺尙未見到已差勇專信催之矣戴某似不可再用弟亦
而盡知以素聞兄言不前聞弟欲暫置之侍勇卽遽告假
好故不敢遽然重用也
必要作百長方來雖關張之勇弟亦不敢徇私情而誤大

局也且自孤去翎頂後毫無寸功復給還之又以守備係之若再以百長遂其欲非以愛之實以甚其犯罪之心而速其死也豈不更失前情乎願兄細揣其理而再有以示我焉其餘想六哥及諸友信中已詳故不贅

六年九月二十四日

伯兄大人閣下下面賊情尙無的耗武昌大營信稱近日武昌大冶二縣之賊紛紛下竄或以金陵內亂之故其互噬之端既開亦自取滅亡之兆耳昨又有自漢陽來者稱石逆尙在興國州辦糧接濟武漢守城之賊其弟率一二千人踞蒲圻二說不同未知孰是弟擬日內前進桃林再

爲細審地勢賊情相機堵剿桃林距岳城九十里至通城
崇陽蒲圻邊界均祇二三十里可以兼顧數路而信息易
通見朱芳浦等均禁此擬到彼則可令諸軍分禁要隘查
崇通之民外雖嗜亂而其心實已苦亂其反復之情雖可
恨亦多迫於不得已若能防其詐而察其情去其素爲民
害者而爲之定久遠之規亦未必不可望治也特須得其
頭緒而中其肯綮斯善耳我軍暫勿深入若大股來犯與
之力戰數次痛加懲創軍威先振更易得手否則常嚴吾
備以作吾士氣步步爲營節節搜剔當必有功昨在巴陵
黃東治明府處閱湖北來信稱鄂省已派勇二千令孫承

守信號小石者統之會攻咸甯蒲圻一帶已於十九日起程此公老成諳練已致信去與之約商一切矣惟甯鄉之匪尙未拏獲首犯頗足爲慮而左季翁昨日信云清泉近破一案乃土匪約江西賊從鄱縣來攻衡城衡勇亦頗有知其謀者已從城內搜獲反具多件殺數十人此事遂了弟恐其未必卽能了也衡郡所屬如衡陽清泉常甯衡山安仁均爲產匪之鄉鄱縣餘孽未靖而永新蓮花廳近復失陷此不獨衡郡之憂實我省之大憂也况所招衡勇向多不軌又無得力紳士以統之乎槍礮必須隨成隨解省城較縣中爲放心幸無忽諸營中諸事平安澧州羅質甫

楊晴麓與甯段先生及魏十翁周仕朝均於昨日辭去矣

六年十月二十三日

毅兄大人閣下古翁此舉細思之亦是正理惟訊該犯供
伊母病時家中著人來趕屢次告假未準八月母死又苦
求挂號回去安葬亦不許故不領口糧而逃歸料理葬事
卽來等語是迹雖逃而情實非逃也今擬斷此案曰席起
昭告假未準卽自回去本應照逃勇例斬首示眾但念因
情急奔喪并無別故故宥其死從重杖責斬去髮辮以示
懲儆凡見在各逃勇非情節實與此同者不得從寬又嚴
諭營中以後卽情節實與此同凡告假未準而擅逃者概

行斬梟不得再援席起昭爲例鄙見如此望再與梅弟商之而酌示焉各旂書稟稟自初七日每隊發銀十兩迄今已半月矣實已艱窘祈爲酌發已令各哨著護哨來矣諛語實出於兄而梅弟引咎而不辯梅弟自此日進矣

六年十月二十四日

伯兄大人閣下前數日接是月初五日手書并讀父親手諭領悉壹是弟所欲復者六兄書多已言之不贅惟今日接左季翁復書稱李相堂襲破牛仔營賊巢斃賊千餘惟連州陽山全不策應恐仍是未了廣西灌陽賊攻撲全州南門朱洪英又入此股意仍竄楚道州零陵東安均須準

備已發段大令瑩器祁勇一軍前去復敦促兩江君防東
安貴州銅仁土匪又經鎮筸兵勇擊敗五戰連踏賊營二
十一座軍威殊震西路事體稍鬆矣江西尙無轉機袁瑞
之賊負固如故昨初四日劉蕭在袁大獲勝仗斃賊千數
百將吉安援賊擊退而臨江仍分黨來援余星元一軍又
由萍鄉前去會剿矣至行軍小心謹慎一層是刻刻不敢
忘者昨分水坳之戰明知賊之無多然接應者三層又分
兵接伏而進以後行軍總是如此無煩挂念也弟擬待此
閒與崇通蒲咸清匪辦團稍有頭緒終當由酃茶桂東進
擣吉安以紓東路之憂但轉旆大約須出月望後也丁月

臺訓練澧勇漸就範圍營中各旂長哨長時加誨勉尙均稱職所到地方百姓均稱自來未見過這樣好的官兵堪爲告慰惟饗項極難然亦不暇憂也諸祈稟二親大人知之爲禱

六年十一月十四日

伯兄大人閣下接到手書知石翁見將來我邑查羊樓陣
亾之勇已飛書朱左二公并錄前信寄去茲一併鈔呈前
者在家議及其大致規模固應如此惟各縣之在湘營殉
難者思之實難兄所云請責成各州縣固宜惟似當更分
別在湘勇營中殉難者移知我縣邑尊存案附入專祠以

慰忠魂以便識別可與石翁商妥後再爲定奪且云普查則欽差營中之勇自然在其中此事本不易辦非竭力助石翁理之石翁亦不好下手且其中自有臨時斟酌變通之處非遠處所能擬定總在兄與石翁商妥施行亦不能過爲瑣瑣顧慮也

七年正月初十日

二親大人下前日曾肅一稟計日內可以奉上昨陳雲青到營問悉起居安泰爲慰伯兄近日將來諸事當與細商季弟與石泉等肄業李家甚好男於二十內外再往崇通一帶督辦國防不久仍回岳郡練勇待用九江尙未克

復聞賊守甚堅男之駐此似難遽定反旆之期也

七年正月二十日

二親大人邾下日內拜讀父親大人手諭知季弟於元旦
卽往李家讀書甚爲可喜諄諄告誡之語謹當佩服不敢
稍有遺忘又母親大人寄語節飲斷不敢違然前此實亦
未嘗過飲也伯兄昨已到營俟旬日後將一切事商妥後
卽歸家也

七年正月二十九日

二親大人邾下前日上一稟想得達矣伯兄已定明日回
家若無大風雨定可起程馬頸坳已收拾熨貼極是好事

六叔改葬得此吉壤亦爲可幸之至季弟來信欲男速寄
回信故仍著雷其才送去諸事已詳書中求賜覽便知一
切故不瀆也

七年二月二十七日

伯兄大人左右中丞札飭援江西所有情形錄札呈覽弟
昨午接左老信稱吉臨二郡均來援賊甚多卽與諸友言
及首以劉蔭翁爲慮今旣如此若不迅速赴援恐各軍亦
難支撐不特江西之大局頓壞卽我省之邊患必有不可
勝言者况見在瑞州兵威尙振江之義甯武甯鄂之崇通
興大尙可無虞宜昌之賊又已遠竄襄郢我省北路之防

刻下猶若稍鬆不如趁此機會將東路軍威重新整頓一番庶足以全大局而固邊防已擬日內卽率本營及朱營馳赴省垣請領餼項以便兼程前進也弟此時豈敢懷輕賊之心然胸中實覺有把握蓋月餘以來訓練整頓氣象一新較之往歲上柳桂時不特人數倍之且養精蓄銳自旂長百長之下淘汰精選雖未盡愜心貴當要之自弟帶勇以來未有如此之整齊者也况又持之以小心出之以多算嚴申號令明示賞罰屢勝而氣不敢驕無賊而備不敢弛禁騷擾以收民心作忠義以邀天眷讓功能以和諸將如此圖之當必有濟望伯兄代稟二親萬勿挂念平日

訓誨之言弟刻刻不敢忘於懷也弟自吉臨瑞潯四郡肅清之後卽當言旋縱有變計亦必改一二軍勁旅以固南路之防始可長驅直下不然斷不敢遠離桑梓也因思此行久暫難卜望兄來省面晤籌商諸務弟何日可以轉省何日可以由省起程日內再當飛信告兄此紙呈二親閱後祈付心牧一覽也

七年三月二十八日

心牧季弟足下得書久未作復心常不快勉我小心謹慎石泉亦三致意兄常佩之而弟與伯兄書中論恃字一段與石泉以靜制動一語尤爲切中銘心刻骨不敢忘也霞

公二記與石泉前書互相發明此廣陵散也於戲當今之日鮮不以此等議論爲迂闊而遠於事情然吾實不解世所謂切近之務者果何在也不知致亂之由而求所以挽回之故日殺賊而賊愈多舉天下相率爲忍相率爲巧沈湎不已莫可救藥兒自出山以來頗有所閱歷而學疏德薄心中所欲爲者不能達其萬一竊以憫世者自憫讀二君之文益滋疚矣弟等其及時厚其蘊蓄以爲匡濟之本無若兄之徒抱悔恨也弟之愁病大減足慰遠懷國風可不時諷誦實足怡神而悅志此兄確有心得之言願弟勿忽弟詩氣高而筆古惜音律未調讀三百篇當有進矣白

姪今年來痛改前非奮勉讀書此誠家庭閒一
鐵兄來晤兄於醴陵兄強邀之同行誠爲至幸劉
蕭營連獲大捷劉營亦復獲兩勝仗賊之來援者
而東似有歸撫州之意惟城賊尙在見與蔭翁議
逼臨江約蕭軍由北路前來會合則劉軍之勢壯
師渡江直扼新淦盡奪長江之險以斷吉臨瑞三
則郡城或可速下一面相機鵬鄒旁縣以撼撫
意激厲士民而善用之當必有濟聞撫州紳士下
解書於大吏
又去歲賊令民正月十一始度歲民不從相率圍
賊首自出勸和始解由此以觀該處之民尙可用
淦去臨江數十里又與樟樹鎮甚近樟樹見有別

察率水陸兵勇數千駐紮

劉公由知縣薦升斯職屢立戰功有義俠氣賊甚憚之誠江西

官吏中之威鳳祥麟也

我軍駐新淦當可無虞俟江西局勢大轉即

可回軍向粵也

七年四月二十九日

伯兄大人閣下弟之用兵左老石翁及省城諸公亟加稱許此雖諸君子好善之誠實非弟之幸也聲聞過情君子恥之弟也無才尤自懼矣桂城賊已敗退興安全州雖近逼南疆似尙不足憂數萬之說大約多是虛聲耳日內由新甯零陵來者均稱不甚要緊且桂林兵勇既足以敗之則賊之無能為亦可槩見此間之賊堅守不出見掘長壕

困之昨日已興工大約端午後方可成第俟工竣如湖南無他警當如前約出新淦相機審慎而行之或必有濟劉養翁水師最得力陸軍稍次之近均由樟樹進逼臨城矣此公已見數次誠江西紳士中之錚錚佼佼者也撫建土匪與粵匪日事仇殺而百姓亦起團殺賊至數千之多偽國

宗韋姓者已被賊殺多鬚髮逃散機會誠不可失瑞城不久必下吉安賊

近亦頗蹙江西事勢或當轉關惟安徽之賊又逼湖北蕪黃一帶勢頗猖獗能抵禦之斯幸耳弟前數日腰閒生一腫毒甚大全得木芙蓉葉與辟瘟丹之力今日江西大憲為延一名醫來營則已脫痂二日矣江西文撫臺遽調進

京以方伯覺羅耆公升任

此公劉蔭翁稱其事事精詳有條理

藩台缺係學

使龍煥臣先生補授餘無所聞石翁辦桂榔園作何商量春翁處未暇作書祈詳告之

七年五月初十日

二親大人邾下月朔家書諒邀慈鑒見在男與兄弟友朋在營者均叨清泰各勇病者亦極稀少惟去秋冬太溫今春夏多雨男恐營中將來不無疫痢而辟瘟丹已將用罄故急請楊從七哥歸家催製數服以便應用但以前數年所製實不甚精第一是藥末未研得極細不思二十七味之藥分兩有最重者有最輕者而服之者每次不過數分

非極細安得極勻非極勻安得服之者人人有效男每次苦口言之總未見聽以後祈父親再加叮囑或是器皿不齊不好則就賊內熟藥店借辦亦可壽四哥粗浮太甚製藥切不可請之也此閒長環望後方能成功男出新淦大約在二十前後一切自當謹慎斷不敢孟浪行事也

七年五月三十日

二親大人剗下前日之戰喜不勝悲以與前年道州之役同也所幸殺賊數千而精悍者極多軍民歡聲雷動各處之賊無不聞風膽喪此不獨吉安之幸實江西全局之幸也又江西之民年來無敢與賊爲仇者此次百姓陸續挈

送敗匪以數千計尤民情之大可見者也已擬卽從此閒
力辦團練當收指臂之效尤可喜者我族譜系舊序所載
尙多未晰男前日請鈴峯叔及甲二往安福訪之昨夜已
偕舊族三人到營言之厯厯有據今日因事忙尙未細查
其譜俟明日以後當盡心對校必得其實此亦足成祖父
未竟之志矣其餘近日一切事勢已錄稟稟日記呈覽故
不瀆也

七年六月十七日

毅卿六兄大人左右昨夜五更由頭陂出隊進剿廣昌之
賊命火勇挑茶飯行二十五里離城十五里之通濟橋再

飽食以進凡五里至茗阮遇守卡賊千餘擊走之又五里至三官殿賊出精銳萬餘人迎戰後面層層接應布陣寬數里遠十餘里弟分軍禦之賊拚死抗拒僞國宗楊逆親率悍賊數千從城邊對一二旂衝來我勇奮力齊擊賊大敗走追逐三十餘里至近南豐界之甘竹地方始行收隊殺賊約三千名生擒百一十二名拔出被擄難民約三千人賊委棄紅藍緞大轎各一乘騾馬數十匹軍械服物不計其數查我勇一旂有受傷者三名均不甚重惜路徑愈追愈寬賊皆四散分走若在頭陂地勢則此股賊當可殲其大半然賊膽自此落矣惟念吉安與新淦事令人憤恨

如賊至南豐有死守城池之志則弟住此間料理數日卽當返旂恐城小而固難以遠克滯我兵機吉臨設有他變進退難以如意故也然至此便返又不能多爲布置不免前功盡棄輾轉尋思憤懣無地但君子素位而行弟亦惟勉強以行之耳怨尤何容焉告示隨寫隨發多寫甚好團練說請催章子清刊刷若干部付來念切望切弟病服唐八先生藥已全愈矣再照所開補方服數劑精神當更王也

七年六月二十日

二親大人邾下月初家書此時想待達矣十七日戰狀請

賜覽致六哥書可悉其槩稟稟及半月內日記亦卽於近日鈔呈前十七賊敗後魂飛魄落奔走晝夜不敢停昨探子回報已在百里外矣云由南豐分竄撫建男擬近日出樂安圖新淦再攻撫建也前致耆中丞左季翁信又日內二信稟鈔呈水東藤田沙溪四仗奏稟亦呈鑒易普照請照遊擊例從優 賜卹亦足慰於九泉矣男之保勇號卽所謂巴圖魯也非所敢望亦并非所願然旣已如此祇得聽之辟瘟丹今年救人不少惟惜付來時在路上上霉見又用盡急望續到未知已付來否也藥本當珍重實亦未敢輕用以數千人需之故易盡秋後則不甚需矣楊從七哥回家後杳無音

信亦是大奇念切之至祈便示知又家中有使人來營切
求母親大人多賜鹽菜鹽蘿蔔鹽薑等物隨付以營中朋
友亦常需之也左端大相公屢欲來營見在營中少一快
寫手如能任此則可相請卽由家中支路費催其速來可
也緩則另請別人矣

七年六月二十五日

伯兄大人閣下前日家書因路途阻隔折回營中吉郡之

事本出意外可恨已極

周鳳山爲罪魁而趙劉亦不得辭其咎惟文輔卿全軍後退稍爲可

恕幸弟日內體氣全愈百病俱無而撫建大股均被我軍

殺得膽戰心寒事機雖危我軍可以左縈右拂無不如意

况數百里團練懷德畏威雖選十萬勁兵亦無難事又况
日內先剿新淦則我之氣通賊之咽喉可斷吉郡之賊尤
無足慮萬望放心呈上稟稟信稟詳覽可知一切中間有
似過激處實亦不得不如此身受 國恩爲領兵大員

若復緘默苟安何以對天下萬世乎信到時無論已抵何

處暫決不必前來若在袁州城紮住候信更妙以彼閒有

詳協戎尙可靠若往見極致弟敬慕之意須致意屬其準
備截擊第一著

是守城如有竄匪前去弟必星
馳赴援萬不致稍延時刻也問商一切甚好此信及前

信到兒處望閱後卽另派善走者飛送家中呈二親以慰

遠懷可命來勇送回音來行營也同勇似可於臨江問之
恐至五六日後已打開

新淦不須繞道也 誥軸寫二本付上隨擇其一惜行營不暇多寫

數徧中間結構筆畫尚多生疏不愜意者耳

七年六月三十日

伯兄大人閣下前二十五日專奉一函想收到矣見在吉

安之賊不敢大肆猖獗吉水縣縣城離吉安府城祇四十餘里雖被賊踞

聞亦不過二百餘人新淦之賊多回竄撫州見在有欲復

集大股來擾樂安之信蓋賊料我軍必往攻吉安以此揣

來樂安之信必確可乘虛襲樂安并窺永豐也弟已定第一旂督

率此地團練紫老營屬旂聲言攻吉安吉水而自率五旂之勇趨樂

安由藤田至樂安城一百里出其不意攻之賊敗後必退守撫州弟當

聲言攻撫州而實疾出新淦由樂安回攻新淦計程九十里乘虛取之次

清吉水以及吉安則大局當有轉機也已準定今夜五鼓

拔營矣弟日來自到藤出以後百病俱無日服調補之劑餐餐喫

伏羊肉三親此時正可多喫精神甚王已寫就養暇處各大字甚為

得意有便即付子山瘧疾漸愈諸友均吉惟星高患大枯

不治之證已服麗蔘鹿膏各數兩尙未見效恐終不救奈

何

七年七月十二日

毅卿六兄大人左右前夜發一捷音想早達矣昨早派吉

字營出東門由白竹潭口進發祈明府率練勇中邨勇亦

出東門向潭溪浯漳進發二路本探得無多賊特亦不得
不一掃之弟率本營勇出南門勦泰平市屯聚大股行十
五里至南陽殿賊前隊六七千人已到分四路迎擊賊大
敗追殺二十里至泰平市賊之大隊盡出接應其二萬餘
人拌死拒敵勢甚兇悍維時三旂五旂先由右路趕到力
戰半時賊見人少愈大呼來突頃之二四旂殺盡左路之
賊弟與鈴叔率侍壯及六旂殺盡中路之賊一齊趕到迺
分布各勇左衛右突十盪十抉賊大敗亡命鼠竄我勇奮
威追殺十五里至汪坊賊屍徧滿山原田澗閒因飢疲頗
甚始作飯食之弟與鈴叔梅邨又復奮勇喫粗米飯無油

鹽南瓜各數筥蓋咸豐七年纔得此一飽也食畢又追三十里至客馬塘則吉字營亦由白竹潭口趕到靳公亦由潭溪沿漳趕到天色昏黑始令收隊共計斃賊四千有奇而各處散逆匿深箐爲後來團練搜殺者又在二千內外之數我勇受傷數名陣亡壯勇劉學九四旂護哨沈玉堂二名奪馬數十匹旂幟刀矛擡槍之屬狼籍數十里無暇檢取也此兩戰均係崇宜撫建極選精悍惡賊前來就戮并無老弱婦女故較以前之戰爲稍硬然精銳旣盡以後想更易於得手也特亦不敢不慎耳見在因趕辦米糧今日恐祇能進追二三十里明日擬休息一天或先復崇仁

二月正金錄
先復宜黃今晚明早定了主意再飛信奉告也

七年七月十三日

伯兄大人閣下前數日作書交王四遞同行至永豐之八
都墟以梗阻故折回欲其繞太和安福又難放心故令少
候一切軍情又鈔稟稟及近日日記呈覽可悉其槩至招
勇一節弟日來又仔細思量六旂之外斷不再加擬待各
勇到時選精者補各哨外再令每旂旂長自爲精擇烏槍
刀矛藤牌好手不但不用劈山礮并不准用擡槍各挑出
六隊爲一哨奇兵平日操得極精極快以備出奇策應及
追殺敗賊之用令旂長各自慎舉正副哨長亦用護哨四

名什長護哨亦令其在本旂內選出其旂製邊色照各本旂樣惟翦刀口上下俱鑲以別於中哨之均不鑲左哨之鑲上右哨之鑲下也小槍存省中寄局者尙多請急取一百八十條前來應用九龍袋風藥壺盧亦須趕製又請再取頂上劈山礮五尊架子火摘皮包等項亦須趕製擬侍壯三哨各用一尊而各旂又有一二尊亟須換者故也六哨奇兵之外再挑餘勇或三四百五六百不等須挑擔打仗走信三事可兼者口糧不能照樣且待再議有功者記之各旂哨有缺儘先升補如此則不患新勇之誤事而真可速得其力第一件好處使弟之精神照管得到必能收

指臂之效而省事省精神無有如此妙法此外縱要再添則必先擇良將如胡達人成兆侯輩流令其獨成一營歸我節制調度則可自己所管若過此數則萬萬不可蓋多而不精不如少之爲愈卽多而精自己照管不到亦不如少而照管得到之可靠也弟自甯都到廣昌四大戰以一千內外之數禦敵萬十數萬之賊屢勝而自己損一人况三千人之足數尙何大股之難滅是不惟勢不能多亦不必多矣來書謂任愈重不得不多夫今日時事槩可知矣安得遽有重任及弟况卽當重任有親兵三千而又善用羣策羣力正亦不必患其少不然與從前諸大帥何分

低昂乎昨奉中丞札因水東以後四捷奏請。賞給愛什
蘭巴圖魯勇號。聖恩高厚報稱愈難。養讀書之志
何日遂乎。弟日來以寫字作消遣法。字既有進。而心中常
養得一段瀟灑活潑之致。精神日長。百病不生。又時讀性
理諸書。以陶淑性情。而磨去其驕矜之氣。故處事接物。虛
靈不滯。亦不甚費力。雖遇大疑難事。若甚易者。而又恐其
放而疏也。每兢業惕厲。以將之。此近日得力之境。敢爲兄
詳告之。幸相與其勉焉。致各處信。均祈分別遣投。又寄團
練說二本。想兄必尙有欲贈處也。心中所欲商榷者。不啻
千萬。惟待會晤。以罄之。不宣。

七年七月十三日

心牧季弟足下月餘以來一切情事閱家報可悉茲又鈔寄芸牕書與觀兄往歲與道州人士論學謂自明季以來欲合程朱陸王爲一途者其得罪於聖賢固不必言卽賢智之徒謂我但躬行實踐不必辨人是非者亦未能實於道有所見也何也孟子曰予豈好辯予不得已能言距楊墨者聖人之徒救世之心千載如見再上而溯之孔子之時閒有悖道而馳者未足惑世而孔子已殷殷然皇皇然憂天下來世痛切告人曰攻乎異端斯害也已索隱行怪後世有述焉吾弗爲之何等憂深思遠堯舜之時禁巧言

誅僉王絕諸訟皆恐其害道辨之精而拒之嚴如此夫黑之足以汚白也不祛黑則白必不可全猶之足以穢薰也不去猶則薰必且變臭異端之害正道也不力闢而拒之必至胥天下之人入其教而迷焉莫知所底止而人道淪於禽獸噫嘻是安可以不辨也躬行實踐固儒生第一要著然言明德則新民迺其分內事有志成己則成物迺其相因之理原非脫然兩件也况卽第言修己博學審問慎思尤貴明辨否則所篤行者安知其是道耶非道耶吾烏敢信其必不自流於異端也孔子責子貢方人恐其徒比較人之短長此心馳騖於外而不切實爲己耳非謂闕邪

說以衛正道亦不應爾也如謂自修未至不宜以救世自任則尤非孟子曰人皆可以爲堯舜天之生人莫不與以至全至足之理新民不止於至善終是明德之功有虧成物不盡其分量終是成己之事有缺天下一夫不得其所古聖人恥之若撻市朝爲此說者抑何其以自菲薄者菲薄人乎嗚呼我師忠節公旣沒兄與弟等之責日重而尤萬無可諉矣使其自棄何以爲人願相與其勉之也石泉鎮壑雲岑近日進境令兄傾心佩服自此益加勉焉庶可漸幾於熟芸窗我湘鄉下里特出之士兄交好多年未知其能自樹立如此也弟明年必邀同學如伯兄能擗搗一

切其相切磋一二年則豈特吾家之幸實斯道之幸也近於永豐得一佳士徐復齋殷然有求道之志而資稟剛毅而沈潛擬刻意琢成之見已在營朝夕講論似有所得擬明年亦令其與弟等共學也惟兄身受國恩逆賊未滅息肩未卜何日歸養讀書之願竟不知此生能遂否惟有隨時隨地而求盡吾分榮辱毀譽一聽之天人耳弟此時想已與鎮堃雲岑同赴鄉試此書到可持以共覽也恩恩卽問近佳不具

王壯武公遺集卷十八終

湘潭朱士宜校勘

王壯武公遺集卷十九目錄

日記一

自咸豐六年正月初一日至六月初七日爲一卷

--	--	--	--	--	--	--	--	--	--

王壯武公遺集卷十九

日記一

咸豐丙辰日記

正月大建庚寅元旦五更起微風無雨盥洗畢衣冠北向
九叩首恭請 皇上聖安西北向拜稽首遙祝 二親
壽遂出營外東向稽首者四朝 青帝爲軍士及 國民
祈福禮畢東方明矣迺往新營拜賀伯兄鈴叔及諸友年
禧同營拜賀卜臣叔六兄及諸友年禧受眾勇賀晨餐後
各營營官率百長次第來營賀年午初日見令百長嚴發
偵探命各勇下碁猜拳鼓吹高歌聽其自便惟禁賭博酌

酒及唱淫曲者至黃昏始罷是日諸營雍雍怡怡如復舊
昇平氣象也

初二日早晴辰間往各營謝步命眾勇爲樂如昨日午後
召永勇百長藍翎外委杜義品至與諸友率百長等觀其
技馬上舞矛進退遲速無不指揮如意對眾大獎之仍令
各勇角技爲樂至晚壯勇唐玉益自省回奉到左先生書
係去臘十九夜作復鑫十四日所發信也末段云知人最
難非從容詳觀其大節不能定其爲君子小人也臧否之
論不可遽踰量之言須慎其悔願高明留意焉吾輩自信
無愛憎之私然卽此自信之念卽不免偶有偏著之病特

不返觀不覺耳老兄剛烈男子世之所少然常欲集陶詩
兩語篆以奉贈則貞剛自有質彌縫使其酌十字也未知
尊意云何永明賊如易了了後能來此一譚爲幸又解軍
火來營之軍功常獻瑞常獻珂劉勤宜奉到李春醴觀察
去臘二十日辰刻所修書計二十二紙

初三日早晴仍令各勇爲樂如元旦百長多有習馬上舞
矛之法者諸勇亦有奮發之意屯蕤本擬是日回澧州爲
余求小春諸賢畱餞之遂大醉余與反覆論時事雖不盡
中然實能道其所見於戲使以屯蕤之才識而潛心玩索
於聖人之道吾烏能測其所至哉晚閒止各勇戲風號徹

夜

初四日早陰憂饑項不繼且感左先生兵冗而雜適足爲累之語又裁鳳勇二百蔣都司之勇二百健銳勇一百併札飭從九林紹元回衡令守備黃輔鼎獨帶午初屯蕤起程擬先往宜章縣省其尊人秋湖老師然後取道湘鄉與季弟心牧會晤迺回澧州余命侍勇何義勝壯勇周泗清送之與伯兄諸友送至營外屯蕤上馬余等並立屯蕤行不半里回顧余等尙在外亦下馬行行且望頃之但見煙樹茫茫泣然而返午閒作書復李春翁交常軍功等帶去黃昏微雨夜閒風雨大作余念屯蕤竟夕不能成寐

初五日風雨不止既難出隊殺賊又念屯蕤之去獨坐無
聊鄉晚周泗清由道州來遞到屯蕤書稱昨日別後細思
事不宜遲卽徑由道州取道湘鄉回去待來營後再假半
月往宜省視以後不復問家事予感屯蕤之高義而又深
幸我生之有福也夜閒作書復屯蕤併致信心牧屬邀鐵
兄石弟芝生輩候之又接到李春翁由鳳勇寄來去臘二
十二日書計十六紙

初六日大雨黎明派壯勇趙益和送致屯蕤信并家書卽
令送屯蕤回澧州辰正修稟請秋湖老師安將屯蕤回家
事詳告之又作書招海公子及吳羽臣著壯勇蔣林順送

往宜章夜閉圍帶焮勇之從九張毓杰貪庸而復乃札令
明日裁勇二百所存三百名交外委蕭榮芳獨管計自去
臘撤海勇五百左勇四百合之初四及今茲所裁共汰勇
一千六百矣固欲節饟亦所以求精也是晚雨霰交下至
四更始罷想閩中人翦不成宜春字矣我屯蕤行路之難
又當何如耶

初七日天色將霽補錄元旦以來日記午閒問昨日接贓
案斬已革之健銳勇楊正洪示眾賞失物之周朝舒杖責
洋煙之李得榮已命責譚仁貴而釋之嚴加訓飭是晚李
春翁由海勇送粟之便寄到去臘二十七日信計二十三

紙此公愛時之深愛民之切與人之誠流溢楮墨間令讀者歔歔泣下也是夜札飭左光藻率勇四百助周文豹駐松柏地方

初八日早陰午後晴周文豹於己正著勇解老賊李括括至訊明正法又送來被擄逃出一名言賊情甚悉賞而釋之未初左光藻著勇報松柏被賊竄入周文豹敗退大塘伊勇未敢遽進遽命出隊往江華城邊便探虛實定更時同報城中賊未全竄二更松柏探子回報稱竄出之賊尙踞松柏卽莊定計五鼓親率數百勇馳往該處痛剿是晚凱章至知屯蕤爲雨所阻初六未正始由道州坐船出黃

泥司取道湘鄉也諸營多有送禮物賀余明日誕辰者槩
卻之

初九日五更起各路探子未回迺暫緩松柏之行命鳳焯
健銳各營黎明出隊分兩路往城邊攻打新老湘勇出隊
接應辰正作書致李春翁著徐仲文送衡州又稟撫憲及
省局公文四角是日攻城未下未正收隊拏賊探訊供竄
松柏者係馬廷柯盧維新馮振彩諸賊目所帶朱洪英蕭
元發等欲竄甯遠令杜義品彭玉貴各率所部勇一百往
松柏與左光藻周文豹會剿二更報賊已出城逃遽發輕
卒襲之

初十日黎明入城屬頭及廳司馬速回錦田督團防勦郭寶田督道勇幫同任明府辦理善後札飭黃備率所部勇往松柏會勦周左諸弁悉歸節制遂渡河大風雨至不能立足僅行數里宿丁橋探賊前隊已到四眼橋四更起講武事

十一日黎明冒風雨前進午初過錦塘天始霽抵四眼橋宿焉接東安賴古愚明府初七復書懇切明快其剛直忠愛之誠活見行聞嗚呼使天下之爲民牧者皆如賴公何憂不治乎五更作書交來使復之

十二日黎明率隊由四眼橋前進探賊將入魯觀洞未初

追及之於路亭分四路擊之賊大敗追至九疑魯觀二洞口收隊斬殺近二千生擒八十餘名我勇僅受傷者數人而已是夜訊賊供分別斬釋

十三日寅時探報賊盡夜竄藍山迺命鳳勇畱辦餘匪與伯兄率湘勇急追賊將作飯於柎木橋我勇及之奔黃昏戰於五泉塘又大敗之乘月色追至嘉禾土橋墟二更始收隊爲食是日雨止路滑忍飢逐北行百有餘里途間有一勇奉我生諸辭之不忍獨飽也沿途多蘿蔔勇夫欲買食之而無主余命其擲錢土中量取之

十四日卯初分布各哨四路追賊余率十餘勇入嘉禾城

覓紙作書出示袁明府已先夜遁城門大開寂無人煙半
時許百姓聞余至有來見者余屬其作速接匪認真辦團
遂往唐邛墟是晚接黃守備及江華賀李二弁稟知松柏
之賊已於初十日竄富川麥嶺之匪尙踞白芒營迺札飭
外委蕭榮芳率赫勇馳往會剿四更起念明日爲元宵節
去年今夜余在衡郡晤魏將侯先生甚相得也會幾何時
而往事不堪回首矣感泣之餘作聯辭輓之

十五日昧爽探賊將由臨武徭山竄往廣東連州率勇往
追午後過瓦山嶺抵黃壽灣聞賊已入徭山余見我勇之
飢憊足腫者甚多纔過瓦山嶺伙勇長夫叫苦之至迺與

伯兄凱章僅選帶精銳勇三百餘舍裝行餘槩令折回藍山層崖峭壁鳥道羊腸行人時出雲表時入幽谷想九折坂不是過也行二十里天色已晚至上達水一窺家聞今早賊從此掠食而去尙餘諸少許令分買攜之趁月色行上火梅嶺過楓木坳下雷家水又上爛泥田出龍頭下至八畝田又約五十餘里探賊在十餘里外之小東迺令各勇稍息余與伯兄凱章亦且睡且坐思今日爲元宵節屯蕤想已抵吾家與心牧鐵石諸友晤談其樂蓋可知矣十六日微明與伯兄率各勇至桐木壘忍飢分兩路進擬可一鼓殲之到小東會兵則賊又去半晌出湖南境矣迺

跟蹤急追十餘里至連州屬之茶坪及之該匪且戰且走我勇且殺且追又約四十餘里始出猪山至沸水洞賊不敢停而我勇飢疲亦已極矣迺入卽作飯是日見賊之困苦更倍於我使再能耐苦窮追此夜亦可藏事余是時尤極思桓桓輩也午後雨至晚

十七日早雨探賊往星子路上逃竄又有數百匪已至連屬之雲霧洞已正作書達張漪珊刺史點各勇名教以耐苦之道其氣復振午間前進豐陽夏湟地方諭團練速剿雲霧洞匪而自率勇追朱逆於楊家觀途間聞已被團練拏百餘名送至東陂觀遽往視之則朱逆尙未獲也迺懸

重賞購之夜訊決各匪犯

十八日雨不止團練又送賊百餘名分別研斬嚮晚各哨勇回亦拏匪三十餘名是夜購線去拏朱洪英據生賊供蕭元發已於十四夜服毒死矣

十九日雨不止各堡紳士次第來見或獎之或責之有雷坐久之屏左右語者知此地情形大不易辦予甚憂邊患之未知何日可弭也

二十日大雨不止作稟陳初八日以後事夜閒密召正紳議靖邊氛

二十一日微雨大風稟稟成諸友督各哨勇夫由藍山來

會晚閒作書達左先生朱石翁李春翁

二十二日大風午後接周文豹稟稱十四五勦敗白苾營之匪語多囂競晚閒接黃守備稟敘事略同而切實平允不掩人功迺分別褒貶之李春翁著人送初六夜信到是夜大霰雨

二十三日大風寒甚余見麗峯羽臣芋仙蹲踞桌下圍鑪大笑之午閒去冬往澧求賢之使回巖子書辭且稱儲子不知何往周子亦不願出余爲之歌蒹葭園有桃二篇嗚呼天生斯人諸公獨無責乎屯蕤屯蕤此時已抵何處也是日札撤鳳勇三百永勇六百左勇三百二十調杜義品

彭玉貴來營學習嚴斥李金暘回家晚來百
不寐

二十四日晴卯初差何本高送稟及各信下坐
輓聯賻儀往衡州魏家辰開作書致張漪翁囑
密商一切至晚城局俞紳持張刺史稟來約三
待謝生回再議是日感題旅壁一聯云不官不
癡何日釋亦儒亦將此中孤意更誰知夜閒
論讀書之法

二十五日大晴風止猶有餘寒午閒嘉禾縣外

泰俱內有云小的於十月閒同蕭元發到江
差人到承明請朱洪英前來合馬廣西兄弟

六千多人隨陳元帥盧維新往富川去了朱洪英尚有萬
 餘馬子與小的們合成一股屢與王大人兵勇開仗見王
 大人兵勇十分利害乘夜搭木橋過河想由藍山臨武一
 帶出廣東與何元帥合馬不料跑至甯遠路亭被王大人
 兵馬趕到小的們那敵得過被殺二千多人所有鎗礮器
 械都被奪去又各逃跑到洪光墟土橋墟又被趕上大的
 殺一礮小的們就跑到紅巾器械丟去各自逃命小的們
 出江華城本有一萬多人路亭一礮殺了兩千多又有二
 三千人并無頭目統帶竄入嵒山不知下落及到洪光墟
 祇贖四五百人王大善於用兵實在利害初次打仗不
 過兩三百人後來越打越多不知兵從何來小的們敗後
 王大人緊追趕不肯放鬆一步不得喫飯又不得歇氣
 所以屢戰皆敗鎗礮馬匹在路亭失去不少因行走不便
 隨路俱有丟棄及到洪光墟亦所餘無幾小的們屢次打
 仗并未大敗到這樣子朱洪英帶有一妻一妾蕭元發帶
 有姪蕭二蕭一家有三十六人張元帥名祿甯遠新張家
 人帶馬子一千二百五十八名李軍師名士龍甯遠人三
 兄弟郭玉階郭玉陞歐三歐五均道州人共帶馬九十六
 名唐逢達唐逢達彭老五帶馬一百二十名桂楊州朱軍
 師章傑帶馬七十二名其餘均有管帶小的記憶不清女

元帥有二十餘歲姓許郴州人帶有千多人尚有妹約十七八歲在路亭被官兵殺了小的到土橋墟尙見朱蕭二人此後不知走往何處那時各自逃命晚聞郴州有二生不能相顧了豈猶知管帶之尙有人哉

由衡州來稟楚勇奪功事余爲反覆論正誼明道之理以示之媿謝而去夜問拾賊金事爲詳解富貴在天一語各勇慙懼謝罪

二十六日大晴寒氣消矣余與伯兄患腹疾因此地在萬山之中河水陰寒所致迺令各勇均飲井水且常服檳榔煨薑以防病午閒伯兄招飲席閒與諸友極論爲君爲臣難易之分晚接張漪翁復書夜與局紳商議一切

二十七日大晴晨餐後點各勇名多方教諭之講畢令演

隲法久不教操生手太多殊不堪寓目也朱岡司巡檢張清鑑字霽堂文貞公裔孫呈所作感時詩十八首讀之爲淒然淚下與局紳細商定議今夜五鼓請伯兄率新五哨駐湖江頭麗峯凱章率副五哨駐豐陽余率正五哨駐夏湜分辦各堡攻城劫殺稔惡土匪

二十八日大晴分辦湖江頭豐陽夏湜及梁家水大富頭

等卹之匪斬決二十八名裂梟豐陽暗惡頭

此地呼逆目爲惡頭力持

一切者爲暗惡頭

監生吳明馥示眾同聲稱快日來多不如意事

昨夜自傷孤立屯蕤歸而翔岡小春桓桓諸人不至輾轉焦思自宵達旦是日昏憊殊甚旣而悔之

二十九日大晴黎明請凱章率六哨勇往李茶山一帶追捕朱洪英訊決匪犯五十六名裂梟四名

三十日黎明微雨念凱章與各勇行萬山中徑仄路滑甚是不易午後又微雨久之是日又斬決四十二名裂梟五名嗣後正紳始敢明目張膽與匪爲仇矣夜間余見春雨知時又念昨日爲驚蟄節感題寺壁云細雨潤來皆含生意虩雷震處渾是化機

二月初一日晴凱章按山未回各哨勇均於昨夜遣歸僅選畱百人駐三江口會合搖人緝捕午間徐仲文自衡州回奉到李春翁前月十七日復書又接到馮春翁及毅兄

書諫余勦陽山匪徒也聞黎警齋已抵道州慰甚而子山
良甫一歸杳無音信令我望眼欲穿矣是日訊決匪犯二
十二名又發五哨勇往東陂觀捕積匪日來所決各犯多
有自數其惡伏地請死者又有少年賊黃某直認攻城打
仗不諱且曰小人早喪父母無人教訓有祖母在求錢以
養之故爲此耳請就刑余哀而釋之伊族團力請寘諸法
卒不得已殺之嗚呼誰實釀之竟令至此使余欲生一人
而不得日取斯民而戮之也可勝痛哉夜接蕭外委稟知
富川尙被賊踞又探報陽山之賊分股竄至離此五十餘
里之保安地方

初二日晴幾不勝裝訊決四十三匪斯時愚懦良民亦敢明目張膽與賊爲仇矣申正探報保安之賊已至西岸此地距東陂觀十五里逼近錦田及廣西且聞連州兵勇四千三戰三北退守州城余奮然大怒飛諭西溪九埜擇險固守若放一賊入湖南廣西地面余先勦汝團矣遂上馬率隊行至東陂觀天已昏黑迺諭各團層層密布宿焉初三日黎明率勇進發不數里雨迺命刀矛先行離西岸里許賊分兩路來敵我勇三路擊之賊大敗各團聞鼓聲喇叭聲分途殺出殞屍流血遍滿山原千餘之賊須臾盡殫是日團勇不但指揮如意且有祇顧殺賊見財物狼籍

不俯取一文一縷者孰謂廣東之民但解作賊耶午後收
隊回東陂觀雷聲隱隱然而雨亦不止各勇衣衾盡溼令
移住各鋪家是晚接左先生復余除日書

初四日早陰晨後晴午閒食小菜見封識周密切斷處端
好有分寸知係 母親手賜因憶出山時 母親倚門語
送曰兒勉力圖之切勿以我二人爲念是卽兒之孝矣然
自癸丑歲十月歸省後不親色笑者三年於茲此心安得
不時刻懷思耶晚閒警齋自道州來毅兄春翁促之來諫
余深入苦哉請公所見已不逮我麗峯矣夜訊梁家水巖
塘人犯二百三十七名正法七人杖責八人餘俱開釋又

訊決各却送來積匪一十九名偶得一聯云蒼天原有眼
赤子本無心十字中無窮感慨誰與悉之

初五日早陰已初以後雨連縣不已與黎生抵掌談心共

觀近作暢甚生又述其新婦張氏

字明姑
年十六

送別詩云一月

新婚別三章破虜行祇愁穉婦意難稱老親情又稱道州

建三生祠其弟宗鑑年十二作拜王揖馮弔周圖余是時

尤爲之感歎不已思我光庭老友而悲永郡之更無武弁

也嚮晚隱霞來相與極論時事至二更盡三更成李謝諸

紳至暢談久之四更雨止

初六日黎明張霽堂自連州來見與論連州事勢久之已

正飛信湖江頭請伯兄率新營勇來駐東陂辦西溪各堡積匪屬凱章所領百餘人來會午正率勇馳赴連州與張漪珊刺史勒怡田副將商辦一切黃昏抵州城是日臨行決積匪十三名裂梟一名

初七日早起接劉蔭翁由醴陵寄一信云率勇四千將援江右且求言海公子亦有書云見奉中丞札辦宜章團練慰甚均作書復之已初往州署與漪翁商議頃之怡翁至座閒暢談漪翁老成諳練不失讀書本色怡翁忠勇謙和藹然可親而漪翁幕賓李芸屏丈人亦有學行之君子也是日之會可謂幸矣惜霽堂未至耳夜與警齋談久之連

日天霽尙未見日

初八日晴辰正往怡翁公館會談此老將略頗似塔周二
公令人敬愛無已旋往州署見漪翁頃之怡翁至霽堂亦
由東陂觀至彼此談心論事樂甚余爲述前日應李生請
題書院楹聯二首云問諸君何事讀書若除卻格致治平
別無學業媿我輩急求用世自思老少朋友可能安懷又
云四子五經豈直是時文題目要字字向己身體認出來
方無負平生攻苦七篇八股亦何非用世經猷果孳孳學
往聖切實作去孰不推一代賢豪漪翁歎曰必如此方稱
內聖外王之學亦君子時中之道也晚接伯兄書言日內

在東陂觀決積匪多名

初九日晴早起作書交正前哨常德勇魯德儒持往澧州致屯蕤感憤悲懷一倡三歎卽我亦難再讀何況屯蕤也飯後何游戎拜會余見其剛直可風以事不如意且有足疾遂灰心時事迺從容慰勸之午飯後漪翁怡翁霽堂李老先後至畱飲暢敘麗峯警齋亦與焉余笑曰今日之會勝竹林清談矣

初十日晴辰飯後往會怡翁久語北方事至午漪翁霽堂李老均至商定明日進剿西江賊一切機宜晚歸作書告伯兄各勇連日操演稍有進境三更率勇啟行

十一日晴有風申初抵離西江十里之茅坪紮營夜聞探
子回報賊尙在西江一帶彼地難民泣訴受害之慘且曰
汝湖南王大人將欲盡殺該賊乎抑祇求敗之而放其生
乎答曰我湘勇祇曉得殺賊以生百姓不知所謂生賊也
余聞而歎曰嗚呼觀難民之言時事之變尙可問哉夜聞
接心牧書言寨堡宜修警齋亦知其迂也

十二日黎明出隊往西江進勦賊拒敵分三路擊之賊大
敗乘勝焚燬賊營三十餘座斃賊近二千追逐二十餘里
蔗塘外塘兩邨之民感激涕零莫可名狀蓋二邨被賊圍
攻已卅月矣昨日賊用地道引決其塘又斷其山泉掘地

丈餘不得水火藥亦盡正在垂危而急得救故感之深如此是日之戰桂勇官勇及西溪九堡團勇亦均出力甚可嘉也夜聞李春翁專人送朔日書到營

十三日寅初起見案上有詩迺警齋昨夜作甚清雄中有夜色寂寥人望月大聲悲壯馬嘶風二句余尤愛之作書復春翁交來差去訖午初往會漪翁霽堂亦在座評論廣東人物久之忽報賊大至余告別回營見各勇整暇可用慰甚命勿擊以驕其氣賊不敢近至晚引退

十四日連日晴和午間探報賊尙踞崑岡及黃全一帶紳民求救者踵至余見連屬士民於漪翁猶有不相信之處

心竊憂之午正與漪翁商定退白虎勇而用西溪勇卽屬
齋堂與成兆侯馳回東陂觀招勇二千來此學習晚呼百
長等教誨久之并爲解見賢躬自厚二章晚接李相堂協
戎書知宜章縣已換李懋齋明府心甚慰焉

十五日朝陰午後晴觀警齋晤愚堂詩草語無泛設皆根
至性有不寐詩二句云半牀天下志一夜百年心又秋夜
寄遠云惱汝前番愛多儂此夜愁余笑曰我欲以此二語
贈屯蕤何如是日恭讀 聖武記 開國龍興記四康熙
戡定三藩記上夜半探報崑岡梅田之賊均退屯黃盆
十六日陰風午初雨未溼塵是日讀康熙戡定三藩記下

國朝綏服蒙古記一學隸書二百字屬警齋作書復郭
寶田文甚佳伯兄著人送心牧二十九日書至望余速歸
且言梅却子山仲春偕來辰正竹莊歸未初良甫自道州
至夜呼百長等再申前夜誨言且爲解三人行章與麗峯
警齋良甫論挽回風化之本而歎學術之不可不正也

十七日陰晴相間讀 國朝綏服蒙古記二三康熙 親
征準噶爾記雍正兩征厄魯特記麗峯爲我彙去秋開報
前年及去夏優卹養傷募勇製器諸項始末余觀總分局
各移文怒不可禁午閒接伯兄及隱霞書夜因黎以成有
告歸之言正中哨買馬事傳商各勇目反覆詳示以體制

及解紛之道舊僕王四至遞到心牧書係初五日作謂余
已在中途矣詳詢家中大小一切情事尙如二年以前心
甚慰焉山林田園余所心畫而手植者一一問之如觀幽
風畫圖幾不知身之尙在此閒也屯蕤十三抵吾家元宵
之明日卽啟行鐵石諸友皆招之未至亦忽矣哉二更震
雷且電雨溼塵而已

十八日陰雲未開午正微有雨西溪九堡勇千餘陸續至
各團總來見曉以大義令其選鋒束伍嚴申號令明示賞
罰皆肅然領命去午初請麗峯率副中哨隨漪翁往連州
檢渠魁頃之霽堂至出二號日記與觀讀乾隆蕩平準部

記而歎天之視聽視乎民也夜閒與諸友縱談言及於知人因爲解虞書數章諸友皆靜聆之而警齋之會心遠矣十九日陰風雨絲習隸書二百字讀乾隆戡定回疆記乾隆綏服西屬國記良甫呈其尊人紫庭先生試帖詩氣味深醑絕去浮豔而詠古詩尤佳望而知爲君子午閒與警齋觀地輿全圖久之未初麗峯與漪翁解巨逆曾老九綽號千眼老母及其死黨十餘名至訊明對大眾寸磔之并斬其黨忽陰雲大開晴霽至晚夜呼李金陽痛責之二十日微晴卯初作書交王四持回東陂呈伯兄告以近事飯後各堡團紳至與論鑿戰攻險之法且以長治久安

不外乎正人心之理示之讀乾隆新疆後事記道光重定
回疆記夜呼各勇目教訓之卽發揮日間與團紳所論者
以示若皆有所得矣是日奉 父諭勉以忠義并接心牧
前月中旬以後一書

二十一日微晴有風書誠語分給各勇之知書者令習之
讀 國朝綏服西藏記上下及西藏後記乾隆征噶爾喀
記午閒往商漪翁密議明早拔營往嶺背塘一路進勦以
期盡絕楚粵邊患歸呼各勇目反覆剖晰動靜之理以示
之黃昏始罷夜初接家書及屯蕤初二初四信言萬君章
達輩捐家貲爲余招猛士五百欲從閒道襲江華執朱洪

英爲贊不幸則與賊俱死毋爲知己羞翔岡三十日與隱
霞書言將來行營左老石翁亦有復書月餘以來寢饋不
安至是而警齋麗峯諸人亦爲余狂喜無旣矣遽作書促
翔岡并錄與屯蕤往還書寄之且屬其呈朱左二公一閱
遣王德勝等往澧州告屯蕤以近狀并錄復海南船致翔
岡二書及翔岡與隱霞書又功牌五十張付去五更率勇
啟行

二十二日行十餘里雷雨三十里至黃盆墟大雨少頃又
三十里抵離嶺背塘三里之黃草岡天遂霽是日所經路
多崎嶇且沿途曠土不少較甚於連州各處嗟乎此盜賊

之所由多乎晚與警齋極論修身處世之道爲學求益之方因取其日記觀之論余有云微嫌有矜露處歎生民之待拯孔亟致斯人出山不遲之十年後也於戲黎生誠知我矣二更接李春翁十三日書慰問一切且言病甚常在牀第余深憂此老之過自勞苦恐難支撐也

二十三日早起作書復心牧并鈔兩月來日記及往還各書呈 二親便付伯兄隱霞二書飯後近處之民泣訴者踵至知前日被殺者以千計受傷者凡數百悲哉斯民何辜遭此荼毒拯救不速痛恨何極迺急命西溪紳勇助其掩埋發營中勇夫四處搜尋傷重未死者得九十餘人妥

爲醫治近午通謚亭安總戎鄭懷葦錫琦明府及漪翁先
後至因賊大股分竄乳源英德地界商議一面偵探一面
勦辦附近賊巢爲一勞永逸之計因畱飲敘論久之晚間
作書復李春翁夜讀康熙乾隆俄羅斯盟聘記 國初征
撫朝鮮記乾隆征緬甸記乾隆征撫安南記是日晴

二十四日早陰午後至三更雨有雷讀雍正西南夷改流
記上下乾隆初定金川土司記乾隆再定金川土司記乾
隆甘肅再征叛回記乾隆湖貴征苗記道光湖粵平獠記
是日探報餘賊數百於昨午由石街竄至離陽山城三十
餘里之青蓮晚開前竄英德大灣之大股亦陸續至蓋未

嘗分竄乳源也漪翁懷葬來商定計明日拔營謀分途進
勦惟是日復命喻勝榮易普照等於積屍燼蓬內又尋得
垂死者六十餘人合計昨日共一百六十二名正在設法
醫治不忍棄之祇得畱親兵之勤慎者二十餘人監輔各
藥師調理夜接六兄書舉公春往事及見在掣肘諸端以
諫令我腸斷迺作數千言自解卽以慰而曉之又作書復

伯兄

二十五日早飯後先發八哨往黃公塘

又呼蜈蚣塘

築壘一面

出示招撫流離祭諸死賊之民文均警齋作皆雅切沈痛
自辰至午陰雨冥濛祭畢起行霽色大開申初抵黃公塘

則營壘將成讀 國初東南靖海記康熙戡定臺灣記康熙重定臺灣記乾隆三定臺灣記嘉慶東南靖海記康熙武昌兵變記嘉慶甯陝兵變記乾隆臨清靖賊記夜與懷葺談久之知其勤練廉幹心頗敬之二更後雷雨少頃二十六日陰午閒微有雨已正懷葺至商議進剿善後一切漪翁氣疾發不至霽堂扶病來二子亦有用才而體弱是可變也讀嘉慶川湖陝靖寇記至三四五篇歎曰懿哉淵乎侯其禱而於是益信 仁宗睿皇帝之所以爲睿矣於戲天降下民作之君者卽以作之師使今之任封疆者能效法之則地方無不治矣將官能效法之則士靡不

致死矣奈之何泄泄沓沓釀且縱之胥陷斯民於水火益深益熱而漠不知省也悲夫夜因各勇多患疫瘧時聞呻吟不能安枕四更微雨

二十七齋讀嘉慶川湖陝靖寇記六七嘉慶 畿輔靖賊

記又讀武事餘記言兵制兵饒者於乾隆四十七年增兵一案尙有阿桂能諫而深惜其不力也又讀掌故考證歎我平生善忘亦天之阨我矣又讀事功雜述深慕額勒登保劉清揚遇春楊芳羅思舉傅爾桂涵之事功而於果勇侯有深疑焉於戲自有生民以來冤案多矣周王早死眞僞難知猶論古者皮毛語耳憶前年冬與左先生書有云

君子疾名不稱於沒世之論我夫子爲中人以下加鞭非所以論至人斯言豈無爲哉噫嘻苟能知此庶可與言自立可與言論古觀人乎夜雨與懷莽議進勦事縱談時務久之

二十八日黎明呼百長等問之知昨日除前病勇送往陽山醫治外晚聞新病者又六人心甚憂之作書復懷莽屬其誘賊就殲坐閒與諸友暢談憶往歲在興甯答滌公書有云余生平有三大恨一恨用世太早二恨用心太苦三恨出身太輕斯言誠不謬也讀武事餘記城守篇

守備上
守禦中

戰守水守篇防苗篇軍政篇軍儲篇一二三四計自十五

日恭讀 聖武記至是始一遍深歎魏公學問之博考核之精去取之審真可爲萬世法程晚聞呼各勇目教以爲人之道舜蹠心性同而相去天淵之故又舉羅斯舉及萬生招勇事以媿厲之二更始罷是日陰雨自旦達夜

二十九日陰霧未開悶甚作隸書八百餘字昨來東安勇百餘今日又來藍山勇十餘憐其遠來均姑錄之晚間接李春翁信言鄆縣邊防喫緊且病尙未痊念甚又撫憲札二一言譚令苟事一言焦許氏事也擬作稟復之伯兄有信至隱霞一書與文黎二友詩二章中有失教有年民至此哀矜不暇忍言功一聯誦之欲泣警齋和詩草長多緣

冬後火灰然珍重夜來風之句尤令我舉然望矣夜小雨
與懷莽商議明日進鞬青蓮賊聞踞英陽墟者亦來會慰
甚惜大灣之匪不全數來耳四更作書復春翁

三月初一日黎明率勇往青蓮進鞬雖晴霽而泥滑路又
險仄有從石罅中下馬鞠躬而過者有攀藤上下鼻剝均
觸石而進者至午初三刻始抵丹竹逕計平日行路每一
時可二十里許已行三時半而土人尙云三十里也自此
過河至青蓮僅十餘里矣各勇陸續造飯余率親兵數人
往視浮橋成否至河邊探報賊已出隊急命親兵助搭粗
就而賊抵對岸一面麾親兵過河抵敵一面令催後隊甫

過二三人而橋忽斷杜義品幾不免頃之大隊繼至余令
隔河放槍擊之賊少卻仍命趕造浮橋東安勇與副前左
兩哨誤聽令卽奪舟以濟乘勝直逼賊巢橋成率大隊進
則已死戰一時賊列礮山上視我勇蕤焉揮勇分路衝擊
賊大敗走追殺過釣魚臺二十里黃昏收隊二更回營青
蓮我勇受傷者一十一名礮叕東勇藍勇各一名殺賊及
逼溺投崖死者約千人生擒三十餘犯是日之戰有三誤
不然賊幾殲矣惜哉

初二日卯初作書報伯兄卽請轉送道州及家中辰正小
雨因昨營地卑溼遷就爽塏游覽近處園林兵燹之餘生

機幾盡矣午正雨復晴未正報賊卽至再探則圍練送賊者也夜雨至三更四點閱四體書法而歎小道之亦有可觀也

初三日早陰呼各勇日訓戒久之飯後西溪九堡各團總來見爲解易以天地交不交定泰否之理以示有頃漪翁至亦以告焉欲其上下交勉而各自盡其分也午初大雨約五六刻且聞雷旋霽晚拜通總戎鄭明府舟中慨然想浴沂之風嗟我士庶孤負好春光矣夜與諸友講論因警齋文多以誇麗鬪靡掩其真意實理不充之故爲藥其病而進之且論學詩能言之理風之正變其氣象有春秋之

三才圖會卷之三
異而其感物則一卽爲解茅苜及式微旄邱敝笱載驅猗
嗟諸篇皆歎賞不置警齋問誠字工夫余曰去矜戒倦庶
幾其誠乎

初四日昨夜病勇賀奇才叫苦甚四更起坐達旦發探勇
去訖假寐少頃早晴午後至晚驟雨忽晴者三哀我勇夫
疫癘日多前往陽山養病者時有死亾今日正右哨又死
三人矣痛哉晚赴懷葦席議速旋未果夜歸復雨二更震
雷且電大雨移時余被衾多溼各勇之苦蓋可知矣然余
且喜明日之當晴而陰氣之盡洩也

初五日起少晏呼各勇目教以循拊節養郤病衛生之方

因縱論有志竟成之理且述余往事告之上撫憲二稟一
請辦江華青絲汛把總李肇元一請畱臨武盧明府任均
以關係全局不小故不忍避越職言事之罪也午閒因營
中疫癘太盛且未病而先黑舌者極多深用憂懼決計返
楚嗟乎爲山九仞功虧一簣天實爲之謂之何哉定更後
接伯兄初四日午刻書心牧二月十八日書李春翁差人
送到二月二十六日未刻書知病稍痊能起坐矣心少慰
書凡三十紙用情懇至論事沈痛讀未竟而潸然泣下矣
於戲安得天下之爲司道者皆如此之實心實力也哉
初六日出青蓮拔營未正抵陽山縣城沿途山石猙獠水

流湍急欲訪昌黎遺蹟而不暇也。傍晚漪翁來會先擬住此間二三日及至則各病勇多有垂死者傷甚定計明日即行夜與漪翁商議見在應辦及善後一切事宜至三更三點昨夜五更雨至曉而止將到城又雨二更大雨移時初七日黎明著勇送信伯兄六兄并移藍桂宜臨等縣嚴防賊匪竄入飯後懷葦亦至作書復李春翁并鈔日記寄去午閒懷葦招飲不終席而行四十五里抵小江宿焉接少雲臧刺史信一兩夜作書復之是晚微有雨

初八日昨夜四更震雷電大雨至辰已不止料理各病勇始啟行雨漸小循黃金嶺之半腰而行曲折上下路僅一

線約十五里幸多砂石不甚滑半途忽見嶺腳有氣如白雲涌出頃刻間布滿數里咫尺不見人觸於鼻若審煙若石灰急令各勇夫用袖籠鼻口以避其毒下嶺又行十五里至茶塘墟纔未正因連州必不能到而前途擁擠不可行遂宿焉是日早余喫飯少衣又單馬上觸霧瘴頭腹俱痛取回春茶餅煎服數盃始愈然四肢尙少力也夜閒再書數紙寄春翁又書信隱霞託招秋垣兄弟一二更微雨三更大雨

初九日黎明啟行五十里抵州城往拜怡翁李芸翁及何游府嚮晚怡翁來漪翁亦至敘事久之腹中尙微作脹請

李生開方服之夜接秋湖老師及南船二信均以屢勝兵
驕爲戒心甚佩之是日在途時雨時止而病勇坐船均未
能到念切之至

初十日卯初起作書謝秋湖老師及南船呼百長令各保
薦可畱此當勇目者一名屬其小心調養病者并學怡翁
槍法遂赴怡翁餞席旣喜遇此賢將而又傷別離之苦也
午初辭行途間接甯遠局紳稟黎景章狂悖已極作惡久
之暮抵東陂觀與伯兒及諸友握手言歡二更往伯兒寓
閱撫憲飭駐衡州諸札及二月二十日奏稟談論至四更
四點始歸就寢是日陰晴相間黃生雲岑自甯遠來會慰

甚

十一日辰初起接李春翁由藍山差帶來初三日書稱二十三日復書亦已收到矣思昨夜與隱霞所辦論者多有過激處午初隱霞來與論不遷怒之理主氣客氣之辨連日思屯蕤甚切不知何以自前月初四後至今無信也未初漪翁至即畱飲敘談至晚商議招勇并各敘家中事相與歎居官之難稍不自檢不僅爲子孫作牛馬且爲他人作牛馬也可不慎哉豈不難哉夜召成兆侯謝國衡屬其作速招勇下午有雨

十二日早陰呼各哨所保舉者一一識認而問之與伯兄

議撤勇事九堡紳民送牌扁禮物至題曰功在天下澤流
海豈滋予媿矣又曰學繼文成作者蓋極贊我而不知非
余願也夫功名粗跡不足論學術之辨不敢不精且嚴然
祇以自勵何可有求人知之心也晚作上葉中堂書至夜
未竟辰後陰雨不歇日來神思頗昏以疾方愈故也

十三日雨不止飯後因湖南會館首士之請書我思古人
四字又作大旂字辰後霽堂至談論久之并爲述去歲辦
柏富校事夜作稟請饒及以前報銷各項成千餘言連日
聞勇夫病者幸無死亾晚令易普照往連州省視

十四日早晴午初微有雨復晴至晚辰正漪翁來議招勇

事因慷慨論時務久之午閒宴諸友是日續作稟成二千言夜念屯蕤翔岡梅邨子山諸人不能成寐

十五日晴各勇自連州至伯兄數來商議諸事見稟中有過激語爲校正之甯遠有挑鹽者及夏滄邨民控豐陽邨前年劫鹽殺人一案訊之未決日來精神頗不振作思自強不息之君子而皇然也夜召成兆侯商此閒善後一切事宜

十六日卯初大雨如注近二刻早膳後出郊送伯兄行卽往與漪翁霽兄商辦一切午後歸作稟欲竟其說而力竭遂止令每哨繳舊帳棚八架并布旂號補送給九堡團勇

先擬是晚集團勇於大坪內教之以便明日啟行因雨不果

十七日晨餐後又往會一張安議善後諸務午間紳民又送旂織至漪翁饋五百金爲闔營製單布紉子之費未申開搖總趙金善來謁余愛其能而又恐其學壞也誨而勉之是日雨連綿不止夜發撫憲稟三件省局咨三件致左先生及春翁二書接劉蔭翁信一函又親復之并復李相

翁書

十八日陰雨不止鬱甚旣而歎日諸亾者欲隨我反楚乎屬警齋作文而天霽招魂於野哀不自勝二張來商諸善

後事遂同往郊外集各勇誨諭久之令成兆侯爲營官見其軍容整肅心甚慰焉申刻登程行三十里宿離漢灣沿途見隨營人有病不能同歸者命易普照設法搬運接郭寶田明府稟憂勤如見而能知己亂之本欽佩無既又接春翁信一件

十九日雨行三十里過南風坳卽入楚境矣未過峯一茅舍有嘉禾胡姓居之年近六十甚親洽予呼其子出纔五六歲見客羞慙不肯行禮賜以金始雍雍而拜麗峯笑曰人之愛財固性使然乎余曰聖人富而後教於此可見矣沿途見勇夫病者甚多卽遣人飛馬先行至藍山趕夫來

接午正大雨如注余憩小亭副左哨丁長勝陳知惠兩百長昇一病勇過眼均赤腫蓑笠不備心痛甚至長鋪副中哨副百長亦自牽馬來接病勇途間接左先生書黃昏疾馳至藍山聞張翔在此招搖召至痛責之

二十日大晴留醫生及各百長暫住藍山扶養病者午正啟行行三十五里宿祠堂墟晚接桂陽州陳俊臣信作書復之又作書復春翁

二十一日晴黎明啟行已初到甯遠城沿途接呈詞十數紙嚮晚作書復左先生將畢又接前所寄書知翔岡已抵道州頭暈頓止心痛爲之稍減是夜傳商局紳談兩時許

三更啟行往道州

二十二日晴午刻抵道州城家僕簡三遞到心牧書稱維師於本月初八日在武昌因傷薨逝暈痛欲絕嗚呼天阨斯道迺至於此余誠不解生人何意矣傍晚與春翁諸公游麻尊以寫憂昔常見其可玩者今適見其可悲不待昏而返

二十三日晴本擬往河干餞光兄靈因心痛不能再哭迺令百長等沿河送之醇飭各哨料理病勇且命大儼以逐疫午後起坐無聊與諸友連騎遊含暉洞折回城中復襍被往華巖遂徇焉是日新田縣解去春降賊譚令苟張吳

黃黃孝仔至蕭元發亦來投誠

二十四日晴遊太極洞

俗呼月巖

申正回城中郭寶翁已先夜

至與之細談益歎其實心實政溢言表也

二十五日晴稟撫憲飛調相翁一軍來江永以便往衡郡
夜與翔岡談論至天明嗚呼余閱人多矣良師益友亦多
矣所得可以暢所欲言者惟一翔岡耳

二十六日晴百長易效忠病故心氣又發不能往視續成
稟葉中堂稟亦未必盡意也

二十七日卯初大雨如注至辰正晴霽午後連接李春翁
片三函而二十二日一函字跡太無精神心痛甚作書慰

勸之

二十八日因賊竄鄱縣商請伯兄率新湘勇黎明起程往
衡午後春翁具彩觴招飲飲畢自罰三大觥屯蕤之弟雁
臣至接秋湖老師書與光兄同殉永明周千戎佑得之少
君亦至余以姪視之是日命百長易普照解蕭元發赴甯
遠剖心致祭趙參戎之靈早雨辰初大雨一刻午後霽
二十九日晴作稟陳正月二十三日以後情事并鈔呈日
記警齋痛哭長歎恨入道之晚爲慰勉久之送其先歸拆
揣家事卽攜往湘鄉切磋數月也夜分接秋湖老師信教
以取紳士及成功身選之道感佩之至又羽臣書言臨武

事心甚感焉言某公辦某事爲太息久之

四月初一日

初二日

初三日辰晴午後雨以詰朝將起程已正邀翔岡麗峯諸友泛舟往遊含暉洞重認碑刻返棹詣濂溪故里低徊久之恍然光風霽月氣象時加申始與諸友歸是日接周文豹稟稱防堵巖口塘捉獲奸細二名批飭該弁嚴加防範初四日細雨辰後前年所會周子裔孫老翁來謁作書致漪翁及羽臣已初送屯鞋弟雁臣并派勇帶公文十餘角赴宜交羽臣屬伊往粵省遞文買物一切料理畢辭春翁

下船順流數十里回顧道屬山水爲之難捨是晚泊舟濼

灣

初五日陰晴相開舟行數里適陳都司立紀先已候立江岸遂令停舟會晤談片刻開船午正接左先生及劉蔭翁信展閱慨歎久之晚宿鴨婆腫二更後猶未能成寐默誦古詩數章

初六日陰雲未散行數里過香鑪山石屹立江心蒼然可愛已初抵永城西門外旋入城寓火神廟會晤諸公晚閒詢及周光廷副戎忠概尙停城外追細問其故憤甚光翁殉節永明忠義慷慨然而永屬文武無有卹而弔之者何其

忍心若是徹夜爲之憤恨

初七日陰雨晨起決意專爰弁扶光翁靈櫬護送旋里未刻攜諸友遊愚溪晚歸是日接劉蔭翁函并接蕭外委稟報偵探富川賊情批飭以鼓勵之

初八日早陰午正微晴早起復連州張漪翁信并復賴古翁信及蕭榮芳批稟已正永興縣張生有聲來見呈論兵法一冊覽之頗有條理屬其來衡未幾隔江趙生送花二餅至欣然受之午刻起行是晚泊舟高橋司夜與諸友暢談久之

初九日晴船行數十里至浯溪命停橈與諸友登岸從容

循石壁下歷歷觀其詩章及讀中興頌阮雲臺先生題名
有云木葉未黃洲波正綠農田豐穫天下安平數語由今
溯昔爲之慨然復覓嵒臺嵒亭小憩石磴興盡而返是夜
未停舟行百餘里

初十日晨起知離衡郡未遠催諸友速鈔日記等件午正
船抵衡郡詣謁春翁轉回天后宮而心牧已至慰甚晚接
屯艇信閱之輒歎時勢之難而前與屯艇之約竟事與願
違夜與心牧翔岡諸友聚飲似覺有過量處是日并接連
州張漪翁來函又奉撫憲札三件

十一日晨起見翔岡書有數語勸以毋過飲恐傷神欽佩

之旋詣春翁迺埽署之西院畱宿晚閒春翁設席招飲是日發撫憲稟葉中堂稟稟諸件又接白苾營紳士唐盛斯一稟一稟畱蕭外委堵守一稟懇請獎勵出力團紳并奉撫憲批前懇準畱臨武縣盧大令由

十二日微晴晨餐後接奉省局咨文言江西賊匪又攻陷撫州等處已正與心牧議歸省既而轉署內寓所覺精神疲倦睡移時起呼各百長訓示一切是晚程君招飲

十三日陰晨膳後邀翔岡遊西湖書院旋遇曾滌翁之岳丈歐陽翁古心古貌令人起敬歸寓適接郴州紳士張國寶候函并戚少翁信午正郴州士民送旂繖陳秋垣至慰

甚

十四日細雨爲健焮勇籌饗移文於甯藍道三縣發健焮營札二件發永明縣信一函給焮營功牌二十張并批一件是日慘聞內子於正月初三日病故

十五日陰未雨是日心牧先歸接連州李芸屏信言張漪珊刺史日內移師青蓮堵剿情形午後澧州郭雁臣來函述伊兄屯蕤招勇五百將來行營又桂陽州馮刺史函商救援江右是日屬警齋作祭文以便詰朝祭光翁夜呼百長詳示一切

十六日巳初雨午後微晴辰飯後備牲醴將僞軍師楊逆

寸磔之祭周光翁於衡城外船上歸與毅兄梅弟凱章細
論各百長各勇性情及觀人感人之理逾三時晚復抵雁
峯寺點各勇名後復祭數年打仗嗽凶病故各勇夫是日
賞給各勇功牌百餘張定計明日回湘

十七日晴霽料理一切畱良甫駐衡翔岡病正急也走辭
春翁畱餞少頃時已午後矣策馬行三十里宿衡陽杉橋
是日伯兄後行

十八日早陰已後雨泥滑行不得午飯後遊珍珠庵纔五
十里耳復行十餘里至衡陽迎春寺宿焉是晚伯兄踵至
稟稟成陳自承至衡諸情形且乞假歸省并養病也

十九日雨不止辰刻接屯裝書并心牧信言門閭之望心更急矣促僕馬倍道行午正至湘潭界有趙姓者畱飯而吾鄉歡迎者且沿途羣集矣夜宿橫鋪子離家僅三十餘里路已近家翻覺遠信然是日行百里歷四縣界衡陽衡山湘潭湘鄉也夜聞不寐口占云居家苦日短思兒恨日長道兒明日至今夜我心傷

二十日陰行十里天始明繞道至馬頸坳與伯兄拜先大父母墓思祖父椎牛雞豚之言心甚悲焉午初至家謁祖先及諸長者後至內室與五女持抱而泣 母親揮淚而慰勸余頃之天霽聞 羅師靈柩將過急往迎之比

到而柩適至 父親方率心牧將奠之涿津橋上余撫柩痛哭暈痛欲絕千里歸來盡哀一時亦天假之緣余送柩至山棗邀鐵希斗石等至家一宿談不盡意相約後會之期

二十一日晴黎明鐵希斗石與心牧追送先生柩惟石泉尚在余家接秋湖老師與吳羽臣信三更作書致屯蕤

二十二日晴黎明石泉歸以其尊人有疾故也午後接連州幕李芸屏信言漪翁勦賊獲勝彭百長等刻難回楚情形作書致左老翔岡李春翁諸人請五兄下省垣爲翔岡

治病

二十三日辰刻往魏六丈舊宅飯後相與散步往馬頸坳呼佃決墳下塘水遷對門廟本擬同至其新居因氣喘不果旋往七寶峯謁岳父母相持痛哭午後歸大雨如注過內子墳上念生離數年死先百日五女無依一抔竟掩雖淚洒千行安能流到九原耶傍晚歸奉撫憲札一件

二十四日飯後與伯兄諸友並馬至山後別墅欲稍爲修葺爲讀書地晚接毅兄書欣悉翔岡病已痊與麗峯於二十日買舟旋省

二十五日晴晨起催雇工至別墅削屋後土填低處并傍山開徑使與住屋相通

三月正公集
二十六日晴晨起接連州三江協勒怡田書凱章書言陳生將至晚閒有客至索觀近作談至二更

二十七日午刻接奉撫憲批札凡八件左老書一件

二十八日檢閱書籍傍晚陳少白至

二十九日飯後與周健堂先生往揚周橋畱飲朱先生家晚接保札所保各人有紕繆處

三十日飯後作書致李春翁凱章毅兄午後五兄自省歸接翔岡石翁書復之并致書左先生語多不平是日陰晴五月初一日晴接馮春翁信并解謝八一到具結後卽釋之午後秋垣得家書知其母病故余甚悼其命之蹇也傍

晚隱霞至

初二日早陰已初大雨如注午後晴送秋垣歸理喪事作書復馮春翁

初三日接蕭外委稟報富川之賊竄至桃川一帶已督勇兜勦飯後與友人連騎出遊馬頸坳盤桓磊石間登頂上大方石遠眺意甚豪乘興步至天井峯折下新庵少坐卽便獨往魏四丈家問以栽竹之法臨行被飛雲蹄傷左頰深以未能守不敢毀傷之戒爲憂而歸家又不能不強作笑語也日入隱霞歸

初四日稟撫憲請饒并作書致翔岡醜峯促之來徽齋至

接石泉規勸書辭甚懇切詢以悟凡先生近狀云近患麻木之疾

初五日陰作書致石泉謝而速之并書邀鐵希斗諸兄均鈔寄石泉信呈去接李春翁及六兄書均言解到饑銀事午正接石翁翔岡左老三書復余晦日書也

初六日晴午後接屯蕤信言澧州亂事余怪少蕤諸子之不一救也作書激厲屯蕤并答左老書是夜卜臣叔爲余買邵人古琴至

初七日晴早起作書復李春翁并六兄晚騎款段馬獨遊后峯山水見陳文二祖丈二老尙存惟光景甚爲可憫又

至古塘山後看所買樹便至魏四丈家出門始遇之知魏六丈尙未來舊宅也夜接石泉復信言待十三方來余因聞希兄初八由家起程恐石泉到遲遣人促之

初八日晴與諸友赴易普照晨餐之約已正歸午後接李春翁信并移文一件言江永宜章告警事作書復之且告以將請五兄去醫其疾

初九日晴日出時 父親往蕭家衝謁譚二祖丈辰初接六兄書預商出差事已正譚二祖丈至午飯後往賀九峯兄館中一談旋至岳丈家見岳丈舊病復發較往年更甚心竊痛之本擬卽宿其家而初四日送稟者奉撫憲批到

有將紮駐衡湘勇往宜章防堵之語急馳歸則已黃昏矣
鐵兄復書規余甚切希葺言急欲往鄂亦規余以中和之
道斗山約十二三來會接翔岡復書言日內啟行前來夜
閒石泉至

初十日陰五更起作稟呈撫憲爲湘勇懇求休養不能則
陳四端以求批示書信鈔稟彙寄六兄辰正蔣悟凡先生
至舉動尙艱午正歐陽哲卿至前者約哲卿石泉希葺來
爲小女三四五訂盟焉是日惟希葺未至以三女許配哲
卿之子以四女許配石泉之子書庚後宴筵聞極論王化
始於閩門之理且言裹足惡習不獨妨婦功且大壞家教

議與同人共革之夜聞屯蕤又著人送午日書到言澧州
事尙緩將起程來矣接黃蕭二弁稟言於日勦賊已獲
勝賊見退踞白象汛卽批獎之而夾單稟撫憲與石泉暢
談至三更

十一日辰初著勇送稟下省飯後蔣林順送梅邨信并札
稟卽書復之并致書連州署李芸翁詢以一切又爲清淑
及長姪女用小楷錄曹大姑女戒婦行章於扇午後馮三
丈雇一木工來爲余修琴晚間隱霞至定更時翔岡麗峯
至暢談至二更是日雨不大未歇天氣涼甚

十二日早起作書復屯蕤飯後接六哥凱兄二書送伯兄

三才正氣集
先往衡州與諸友步至別墅觀左傍山頂可建亭以憑遠
眺擬買數丈未成午後爲別墅安窗門明日栽竹事周旋
久之黃昏歸夜爲石泉諸友言鹿洲先生學問之醇正悟
凡先生以節飲規余余敬佩之

十三日早起栽竹以竹譜言是日爲竹醉日也天陰微有
北風喜甚辰後陰晴相閒午正爲少伯書通書一章餘於
扇頭旋接李春翁及梅邨昨日巳刻書斗山率子恭至晚
閒送光翁喪之王明輝回家帶葆彭二公及李生汪生書
與斗石諸友遊覽別墅山水帶月而返

十四日晴辰刻翔隱諸兄赴縣城訪友余與石泉斗山麗

峯玉山連騎至馬頸坳展墓呼佃人攜梯子至相與登玉
枕石之巔諸友莫不稱奇旋步至天井峯小飲豁目快心
塵懷頓滌日昃言旋中途接撫憲批稟一件

十五日早陰晨餐後作書復寶慶諸公言光翁身後事又
作書稟秋湖老師問宜章情形便寄吳羽臣信午後買舟
下省楊石泉諸友送行由別墅後取徑繞道河邊見其一
邱一壑足以暢愜幽情歎賞久之及登舟微雨石友輩快
快而返順流下抵湘鄉艤舟往謁萍洲先生旋解纜行舟
中檢閱稟彙信彙三更接撫憲札言鄂省敗賊上竄湘陰
感之

十六日早微雨午陰因昨奉撫札欲調駐衡湘勇來省作書止之申初抵湘潭擬至隱霞家不果晚霽縱舟夜行月影參橫波光上下引酒自酌醉後穩臥五更時不知身之已抵星沙也

十七日晴早舍舟入城晤朱石翁遂與其寓辰後謁中丞及各大憲午後轉寓旋至翔岡家謁其尊人不遇黃昏偕翔岡訪陳岱雲處士三更左季翁至談論久之

十八日晴早起差人往探湘陰消息晨餐後謁文方伯夏憩翁接蕭榮芳稟一件

十九日早起患風寒頗不自振請醫開方服之辰後左季

翁至稱賊竄入醴陵境中丞公欲余往勦余以無多敗賊
敢於深入殊堪痛恨不得已應之飛調駐衡湘勇三百名
來省卽便進剿以我省軍威所關必爲立挫賊鋒故不得
不力疾任事也是晚會沅浦至出稟稟信稟示之卽畱飲
焉是日晴

二十日晴辰刻接奉撫札言賊已竄瀏陽飭令調省湘勇
截紮湘潭相機勦辦卽發勇飛知各百長去訖至翔岡家
一敘轉寓時六兄由衡至矣

二十一日晴早起至院謝步并爲文方伯作壽辰後湯子
惠汪嘯霞兩兄先後至嘯霞惠填詞圖五嶽圖及所刻圖

書并蘭亭序共四件蠅頭小楷鐵筆篆刻無不精緻令人
玩索不置真妙手也畱請刻印石銘二方午飯後請麗峯
六兄至湘潭管率各勇劃清各項中丞送滿漢全席敬領
之

二十二日晴接蕭外委稟一件連州張漪兄信一件西溪
九堡紳士稟一件悉載連州捷音慰甚作書復李春翁差
人至湘潭致麗峯六兄信

二十三日晴晨餐後襪被借翔岡隱霞登舟遊岳麓因衡
局差勇至稱調省各勇已到湘潭遂舍麓山往潭邑視軍
水急風逆舟行不易心甚苦之

二十四日晴辰刻至中湘晤麗兒六兄適伯兄先日送勇
至聚首暢談情致樂也旋接探報賊入醴陵人數不多思
洪彭諸君可以聚殲惟宜永尙資防勦欲請中丞公札致
連州張刺史請其速了免滋事移師南向以靖邊防遂致
書左季翁轉達中丞後致書海公子張漪翁蕭張二千總
高把總各一件二更後返舟赴省

二十五日辰後至省往謁中丞知賊已竄攸縣省中調去
兵勇并無捷音心殊憤恨遂奮力任勦殄除此賊以壯我
楚聲威請速發軍火等項轉寓後摒擋一切偕諸友起程
飛信六兄麗兒請其嚴發偵探并諭各哨先由草市進發

是日晴

二十六日早抵湘潭知各勇已起程飛信凱兄梅弟率駐
衡勇進剿至草市會合因探報不的作惡久之午飯後謁
邑尊某公申正率勇起行抵易俗河宿焉是夜因趙勇失
物事傳該處保正等訊之未決是日晴接左老二十五日
信

二十七日陰早行擬馳赴朱亭未初大雨如注約二時滿
徑泥封車馬不前遂宿牌樓卽見各勇衣襟透溼深加痛
念焉

二十八日早行陰雲未開辰後漸霽午初抵朱亭聞賊有

竄安仁信後聞胡千總在攸縣獲勝斃賊無數慰甚晚宿石門關

二十九晴率勇向草市進先擬至攸縣因賊已竄茶陵故轉旆迎勦申正抵草市遍覽形勢探報賊至茶屬之蓮花廳起更後王巡檢來會談論久之二更後致書凱兒梅弟馮春翁盧蘋翁

六月初一日晴駐草市發安仁偵探辰正致伯兒并李春翁書甫成接梅弟信知與凱兒率勇至衡山憲之後接伯兒季弟信二件李春翁信一件午正凱梅偕諸友率勇至傍晚遊協應祠

初一日晴陰相間辰後致岷莊察葬蔭渠寶峯各友書并
左老書攸縣明府來此求見固辭之因昨發安仁探報賊
已遠竄定計回衡料理一切仍歸調養午初率勇啟行四
十里抵九角灣宿焉起更後請凱兄至詢悉一切

初三日早陰辰後大晴午候至胡勇家與翔岡辨論去就
之理行七十里宿泉溪市檢閱日內信彙接春翁信一件
初四日晴午初抵衡郡駐岳屏書院往謁李春翁談論至
晚二更後郭屯蕤偕諸友至慰甚是日接朱游擊稟一件
初五日晴辰後李春翁至出近日稟信彙參閱久之午初
陳心海兄至畱飲接耒陽縣信二件周文豹稟一件

初六日晴辰後連州勇回詢悉一切快慰之至接張漪兄信一件張霽堂信一件成兆侯稟一件悉載獲勝情形出奇制勝甚合機宜果信南人不復反矣霽堂信尤詳其辦宜章事令人解頤誠不解張皇賊勢者之何心也申正大兩移時電光如炬二更雨止是日食新深幸豐穰之可卜也

初七日早晴辰後暴雨數刻旋霽晨餐後出拜客午初某公同來

六月初八日至九月十二日三月缺記

王壯武公遺集卷十九終

湘潭朱士宜校勘

王壯武公遺集卷二十目錄

日記二

自咸豐六年九月十三日至十二月三十日爲一卷

NOV 11 1924

1924

王壯武公遺集卷二十

日記二

咸豐丙辰日記

九月十三日陰濛濛細雨辰刻自省起程過淮西渡時成
靜齋郭意城胡達人諸公臨河送別行三十里至石子鋪
展誦芝生書佩甚又行三十里至安沙宿焉是日接撫批
一件不準武舉朱石魁兵丁黃亮等報効

十四日陰午刻小雨北風大作行二十五里至青山鋪午
飯再行四十五里至茅楓嘴宿焉沿途見禾兜瘦小之極
紫營時所購稻草僅長尺許荒歉情形不問可知矣

十五日先陰午後晴行三十五里至大荆廟午飯又二十五里至長樂街駐營沙洲上宿焉團總與張熊兩守備來見分示一切是早瀕行點澧勇名諭令整肅隊伍黃昏審辦賣洋煙案是日接洪守備定陞稟通城聚集股匪并句義甯州之賊未知何向并請催七月十八日後饒銀當卽轉稟并咨省局又函致通城王明府速至岳會商進剿事宜較勝嚮導萬萬矣是夜發家信一封

十六日晴辰刻小雨數點行三十里至大荆鋪晤該處某巡檢稟知五美團情形又行三十里至新墻紮小河邊洲上巴陵黃公來迎會商一切是日接撫札撤張都司清和

部勇五百名令將槍礮就近繳我營收用餘解回省又接熊興柏探稟一件

十七日晴行四十里至毛栗鋪午飯又行二十里至三眼橋洪守備來迎爲言軍士乏食狀憐之擬貸以二百金暫資接濟又行十里抵鳳凰山紮營岳州府曹太守來會細詢賊情地勢與之譚論久之而別是日因張都司全營奉撤札洪守備移駐桃林與朱遊擊合力堵剿晚間函致張都司取擡槍二十竿烏槍三十竿回營又據洪守備稟知逃勇魯定升見在三旂右哨充勇當查明拏送該營洪守備卽行正法初不意其能如此執法也可喜之至

二十八日微雨黎明傳集各旂哨長誦切訓勉早飯後至岳城會晤守令諸公細詢此地團練廢弛已久勢難復振不勝憤懣之至午刻回營作致鐵兄書并迪兄復書先後據探足兩班回稟一切晚間接萬參戎營內藍翎千總石有周稟呈履歷一紙

十九日陰巴陵黃明府來會蒲邑舉人賀霽若亦來見看禮勇操竟日接朱遊擊稟報情形詳明之至黎明作書致左先生晚間探足回稟與朱遊擊所稟略同又查犯營規者遊營示眾是日接撫批請發募勇章程稟又勒怡田信永明黃稟江華郭稟二件黃守備蕭弁稟一件

二十日陰早飯後微雨新字營石千總有周來見細陳一切情勢午後爲文具僕招前春殉難各友與勇夫人等之魂野祭而哭之數日來肝腸欲裂今雖稍盡我心而請卹之願未知何日償也是日接萬參將咨一件

二十一日陰雨與隱兄再行細核地勢情形以便進紮酉刻接撫札調派萬參將等長勝軍赴援晃沅一帶因銅仁喫緊故也復傳各百長諭飭一切料理拔營

二十二日陰午刻晴又小雨數點是日接撫批并左先生書又接蒲圻舉人賀霽若來稟陳賊情地勢午後卽馳赴岳城與賀孝廉面商一切

二十三日雨竟日已刻作信便寄湖北委員孫某頃之通
城縣王令少君來見述乃翁已作古人午飯後接閱洪守
備定陞稟件未刻巴陵縣黃令來會此公尙有志練團不
遽以難辦一言了之可取也探聞石逆在興國辦糧接濟
鄂城之賊而逆弟領眾數千先至蒲城意圖上竄余必親
率湘勇進紮桃林以遏其鋒而朱遊擊洪守備兩營當札
飭移駐楊林堵禦通城上竄之賊此定理也已請隱兄作
稟矣

二十四日大風雨先夜繕成撫稟陳大略情形稟將發矣
因逃勇王玉祥須稟革又遲半日二稟齊發并咨省局又

作書致左先生又札張熊二守備進紮楊林又恐萬參將
遽去致虛楊林之守特專咨商明必大營到桃林加派弁
勇協同張熊扼守楊林然後再赴晃沅午後岳守曹星翁
來細談半日接朱芳浦稟知賊逼近定於來日冒風雨拔
營前進勢不能再緩也

二十五日先夜大風雨帳房多倒塌黎明風烈未息雨微
營中泥滑不可行頃之接朱遊擊稟知昨晚派隊與洪守
備往剿竄近桃林之賊我兵至賊即退往板橋矣因思賊
勢尙鬆俟雨息路乾開差尙不爲遲午刻霽色大開適權
攝通城縣事沈訓導等來見又接到蒲圻縣李令稟件未

刻臨湘縣周令亦有稟到當卽復之晚閒登望臺以闕洞庭八百波光如呈眼底又不禁流水移情矣

二十六日陰午刻接萬參將咨報於是日拔營竟不候調遣如此不顧大局如此卽據實稟參當令凱兄與警齋裕齋率左壯與五六旂往楊林堵守探報前竄板橋賊因桃林守嚴已由紅鶴嶺一帶折竄聶家市卽親率侍壯并各旂豐字號往長安驛進發宿基隆山之陽是夜賀孝廉及本地團總至營確商一切是日發通邑辦團告示札諭二十件

二十七日晴黎明拔營行至西平鋪小歇紳士夏鴻先及

朱姓兄弟等二人來見稟稱賊尙踞聶市卽嚴諭基隆山團練方堵北荆橋一路以防臨湘午飯畢又行二十里至把捷坳分駐形勝之地共紮六營是日重懲摘春菜長夫示眾夜傳各旂長細講地理賊情并令每隊造飯出隊者食畢令長夫攜其餘而行守營者再另造飯是日周令廷鑑來見屬催勇練明日由北荆橋進攻

二十八日晴黎明率侍壯先行二三旂隨後一四旂另由大路要截賊以爲一鼓殲殲之計查此股多襲脅并所擄財物甚多特不令澧字號出隊恐其貪功好殺并奪賊物悞事也詎行近聶市探報賊於先夜分股逃竄卽催趨

追之不及而還黃孝仔放短哨誘擒長髮一名斬之申刻
各團總率基隆山團丁近千揚旂整隊魚貫而行經過營
下殊可喜也夜間團總來見獎慰久之

二十九日晴辰刻周視各營盤而指示之并催促應加功
者午刻探足拏得賊匪三名中途爲方監生縱去卽牽該
紳來營乃坐堂嚴訊勒交原賊少頃周貳尹至亦述該紳
賊來從賊官來從官情形黃昏訛澧字號煙案重責之夜
接家書

三十日陰午刻見日擬勸團練告示又以族閒撫子事躄
踏竟日作書復伯兄是日傳集百長訓誡兩時許又以此

地萬徑叢雜土匪又多擬辦齊各團會督凱兄朱洪張熊各營分道橫擣通邑再下崇蒲步練步進節節披剷爲一勞永逸之計惟孫小石司馬迄無復信殊不可解也申刻通邑紳士黎占彪齋王少君稟并紳團稟二件所陳情形并進兵事宜甚屬明晰是夜發家信一封

十月初一日黎明微雨辰刻陰午後晴永清局各紳齊集團勇到營門稟請點驗遂傳各團總剴切教誨之探報賊尙踞白里坂等處所擄財物則已搬赴通城矣晚接撫批二件一準注銷匪弁王玉祥保案并通飭查拏一批復陳大略情形稟又接張聲訓稟一扣凱兄警兄信各一函發

各紳諭帖一張催辦團練

初二日晴通城紳士吳復初等來見崇陽紳士鄒子瑜鄒河清具稟請見兼呈地圖午後團練檢送土匪一名正法接胡中丞札調進剿崇通各處并信一函李迪兄有信至知樊城不守南北咽喉之地竟爲賊踞局勢又一變矣晚接孫小石司馬信知渠軍又奉調回攻武昌矣夾擊之舉又成畫餅又接凱兄書知本日卯刻與裕兄分道進剿警兄守營并知將進紮茅田而張熊兩守備猶未至楊林特專札催之函達凱兄處專勇轉送又接洪守備稟稱與朱遊擊約會出隊矣

初三日晴辰刻發勸團告示作書復迪兒并屬隱兒稟復胡中丞午刻紳士夏鴻先等來見多方指示之據長勝軍口稱昨日朱洪兩軍追賊至詹家橋打仗獲勝殺賊百餘名慰甚旋接朱遊擊稟報相符又接提督張公殿元咨并信各一件李春翁信一件是日批飭朱洪兩營進紮忠坊地方

初四日晴發復迪兒書并寄洋槍等件又奉復潤芝中丞紙短情長不禁神往矣其公事之應陳者另詳具公牘復之午刻發各團紳札委催其立即成團又復孫小石司馬書夜傳各百長訓誡本日派四旂往茅田協助凱兒又派

一二旂出隊哨至花橋而還探報雅團之賊又遁矣惟羊樓洞地方被崇陽賊竄擾焚掠最慘擬卽移營進紮就近堵剿并函致周大令飭軍功習其鵬帶練勇會合沅潭萬庫里團壯在臨瀟交界擇要堵守該縣解到降賊何美璋到案稟陳一切賊情惜不詳耳

初五日晴辰後周涓川明府至商議一切接曹星翁書縷陳賊情然彼之所聞究不若營中偵探紳士面陳尤確也是夜接院批已摘萬參將侯都司翎頂又接洪守備稟定於初六遵札移紮忠坊接凱兄信三更後作書致朱石翁左先生郭意城成靜齋胡達人曾沅浦易芝生各兄四更

始得就枕也

初六日晴五更食畢黎明率侍壯先行灃字號次之一二
旂又次之各擔夫行盡三旂押尾已刻行二十餘里至干
子坪指示紮營地勢中軍與一旂合二三旂合一處灃字
號一處營內寬裕之至傍晚蓄髮長探回報通賊盡出竄
矣夏紳等來見并呈到地圖旋閱聽事者操擬令長住不
更替矣將院批摘萬侯翎頂事行知各營接凱兒信警弟
函并熊張申復初四日到楊林卽進紮公田發札諭十三
件

初七日晴辰刻發一旂鈴叔梅弟督往白里販偵探日刻

收隊回營夏紳鴻先來見又發札飭生員劉璈督辦下東各處十團欲其迅速成功也辰刻接凱兄書報通邑賊城出竄適與探報相符又聞蒲圻亦已收復矣惟崇陽無確耗耳接張熊二守備申請添夫由又朱遊擊稟報口糧缺乏情形并移營忠坊由作書復李春翁告之近事又聞小操掌燈後團局送土匪一名探子拏土匪一名訊之初八日晴發二三旂由白里販哨至羊樓司捨得逃出難民五名訊明保釋作書復警齋申言才氣理學四字午飯後閱親兵操爲詳加誥誡焉晚訊煙案重辦澧字號勇丁以示懲儆又發密諭緝拏下東各團土匪十五名初更澧

字號探勇回擊得長髮賊一名訊明正法

初九日晴大北風辰刻率侍壯又令澧字號派六成隊隨行前赴羊樓司傳集蒲臨界上各紳耆嚴督辦團并下官石等團紳耆二十六人總諭一張告示十張申刻收隊回營朱芳浦有探子至卽作函致之寄告示十一張是日接撫批二件相堂信一件是日得月臺所著易貫弁言讀之初十日晴辰刻訊決土匪三名又訊明逃回難民五名保釋午刻至澧字號查各哨挑土匪黎姓家穀石悉令還之責革三名嚴爲申飭各百長伏罪而罷是日巳刻發凱兒信令紫北港戍刻渠來信云昨夜接初九書屬其斟酌進

三月廿三日
九
祭已於今日拔營分三路齊抵北港駐紮彼此暗合可見
該地實爲形勝地也惟據探報并訊逃回難民供稱前竄
四牌莊一股初八日又復回竄通邑城內矣凱兄來信未
言及恐其探不確也深爲念之立作書致之并函達朱芳
浦聯絡應援星夜專人送去是日解伍長旂子到并收到
奉發功牌四百張

十一日晴辰刻發凱兄信并派去長髮探三名派二三旂
出隊至羊樓司一帶且探且進因昨夜接賀孝廉函稱有
賊股欲由分水坳臺上竄羊樓洞而至萬里庫也我軍至
羊樓司探萬里并無賊至遂敢隊申刻回營本日共決土

匪五名皆團紳檢送者又有羊樓司民人三名前月底被擄至通城逃出後茫無所歸通邑民人萬昌吉周富品特護送前來居心之厚可喜之至因給資斧路票遣歸未刻接凱兄信知已移紮大屋桂家又云探大股賊因崇陽之匪不準其入境仍回竄澗田畝柳埜一帶矣是日復訊澧字號挑穀案革百長毛定國汰散勇十五名責杖有差嗣後當益知儆惕矣傍晚閱親兵小操又據正紳密陳土匪名單一紙

十二日晴巳刻傳集旂長百長諳諳訓誡嚴申約束之令責三旂長夫之拾芋子者結案接凱兄二信知今日出七

三月五日
成隊與裕齋分道進搗賊巢而函致朱洪兩營由忠坊出
隊截擊布置周妥但裕齋於戰敵之事不知確有把握否
卽手書復凱兄嗣後宜爲審量也又繕發嚴切告示催速
成團練發萬里總局諭二張刊示十張賀雲舫孝廉至自
萬庫爲商推久之

十三日晴前接凱兄信知於十二日出隊進剿俟至日午
尙無信至懸念之至後洪守備營勇至口稟凱兄十二日
出隊殺賊數名追十餘里而還朱洪兩營出隊接應到時
我軍已收隊矣遂各回然忠坊至彼四五十里兩營雖未
見賊亦云苦矣旋接巴陵來信并抄探報一紙知金陵賊

內亂

如此

日暮

日卯

出隊

洪守

凱兒

一云

殺賊

二十

日暮難收隊且山路雜披剔不易遂收隊回營朱洪兩軍均派隊至因告之遂各回營此十二夜三鼓所書信也又一信云今日賊來就戮分兵迎擊大勝追剿十餘里斬殺二百餘奪獲馬匹器械甚多查明細稟賊由北港莊前敗歸通城矣此十三日午刻捷報也讀之甚慰懸想因作書復之并屬嚴發偵探并將日間作復警齋書遞去查前稟請查熊張兩營增夫事接得省局文一件卽加封發下又印發通城縣辦團告示一百六十四張

十四日晴接岳州曹太守信午刻決土匪四名崇陽紳士武弁皆來見其縣令馬淵亦有稟至其身則在新堤也晚

接凱兄信十三日晨飯後蓄髮探回報言賊於三更出隊約二千餘一由花涼亭一由北港來試我軍卽傳令整備而北港賊分五股已至因派四旂出四成隊繞其左并防竄詹家橋之路五旂居中六旂作接應并防花涼亭一路放槍一排賊猶穩立不動吶喊而進鏖戰將半時賊方敗走我勇三路追殺共計斃賊二百餘名中有穿黃馬褂偽副將軍張功勳一名生擒十名奪獲大小黃旂二十餘面刀鎗二十八件擡槍一條小槍四條偽金十二軍副將軍印一顆是戰五旂殺賊獨多且奪馬騾各一匹共追至莊前收隊探賊敗往通城而花涼亭一路想不戰自敗矣我

勇僅三名受刀鎗微傷而已并據繳到槍礮各件均照數
查收晚作書凱兄夏紳至詳言團練之法

十五日晴辰刻拔營至羊樓司因無空地紮營乃令百姓
割蕎麥挖諸然後駐紮是日蒲臨紳士來見者較平日爲
多均諳切諧誠之午刻接凱兄信送到奪得偽將軍張庸
忠執照偽印確已陣斬矣戌刻探報分水坳有賊盤踞擬
出奇擊之是日發家信一封


十六日晴丑刻候傳令出隊與鈴叔先至羊樓司細詢地
勢各旂先後銜枚均到行二十里至羊樓司口尙未天明
少待至該洞派二旂擣分水坳出中路一旂走左路山脊

三旂走排山衝擣佛嶺待壯豐字號在後策應二旂行近
盧家橋正遇賊至列陣鏖戰賊敗走追過分水坳沿途殺
賊百餘名奪槍礮旂械數十三旂一旂皆追不及賊而同
是夜出隊幫辦中亦罕知者惜地勢窄不能開支未得聚
殲爲恨耳夜決生擒賊三名

十七日晴接北撫憲批稟并函知鄂賊糧不能支一月而
官軍圍甚密聚殲有日矣欲畱我軍於蒲咸之間以扼兩
省關鍵亦勢所宜然也是日接撫札知咨復北省南軍不
能越境緣由亦當事諸公慮及虛空也決生擒賊四名
十八日晴作書致式翁方伯潤芝中丞發撫憲省局稟咨

決土匪六名午刻李運陬回接讀石翁季老郭筠仙意城
成靜齋周順堂各友信序時事之周詳進規箴之懇切無
不令人感佩也又接撫憲批發初五日稟詳明之至

十九日陰辰刻率文書房并侍壯一三旂拔營行三十餘
里到龍窖源之劉家大屋分紮三營決土匪鍾友道鍾友
久二名先於昨夜三更發三旂中哨令易旂長帶至龍源
會同紳士嚴搜仙人殿各處藏匪之處竟無所獲接凱兒
信知十七日渠到通邑城內安撫難民一更始收隊回路
過石柎橋知探勇劉盛堂楊國清果被土匪所殺橫屍路
口并被燒傷殊堪憫惻也夜作書復元甫言辟以止辟之



謂認真公事矣

二十二日晴資送劉仲穎赴漢陽軍營決蕭玉恆蕭永太
鍾華玉周美玉逆目四名又決土匪三名周明府至談半
時發龍源團諭二張又出示曉諭嚴切申言以爲久安長
治之道紳民皆感奮思起矣是日作書復賴古翁

二十三日晴作書復毅兄處分逃勇席起昭事往周明府
處渠又旋來會譚又致書左先生緣張弁所稟軍情與李
相堂所報大相懸殊特辨白之而令日見之匡得勝晉省
面稟一切又作復石翁意城靜齋書皆專勇送去團勇到
崇界拏匪二十餘名夜提數名訊之又作書復翔岡警齋

并寄少春家信是日午刻飛致凱兄晉紮通城又札朱芳
浦紮水口鋪皆令清匪辦團張熊兩守備紮北港令爲後
路聲援酉刻接蒲令信知該縣安定國新招一軍十八夜
爲賊襲敗不復能軍調三合勇回羊樓洞并望我師之援
也

二十四日晴傳集龍源局長門長等詰誠一番周渭川至
敘談公事決土匪二名訊吳集潭供詞似匪非匪擬來日
解交梅村就近傳羊樓民人徐姓質訊則涇渭可分矣
二十五日陰蓄髮探回稱崇之蔡九通之皮德風皆非真
心從賊實爲勢所逼乃發諭令該探持去當有好消息到

也前沈紳等保出李老五一名後經羊樓紳民指證實係
搶犯乃勒保拘回正法又決土匪一名夜接凱兒信知已
於二十四日晉紮通城矣

二十六日晴雨達毅兒梅弟屬於二十八日拔營到龍源
二十九可到通城會齊大營擬於二十七起行二十八可
到通邑又慮驛路空虛札調洪守備由忠坊移駐羊樓司
堵截并令常川巡哨羊樓洞港口棧龍源三處以便鎮壓
民心而壯團練聲勢發崇陽大元礮五團諭并準保去民
人二十名又訊決土匪六人傍晚崇陽馬明府名淵至談
少刻而去

二十七日晴黎明拔營行十餘里閒有鄉團跪接兩岸皆
高山中互小溪路石峻嶒馬力已乏至馬頸下步行約數
里盤旋曲折仰望猶未見山巔也氣喘汗流苦難名狀易
旂長牽其所乘白馬至再三勸乘之遂得登極頂崇邑龍
潭洞各團紳遵諭迎候遂諳諭一切將備辦之示諭功牌
發給陳口善祇領從此聯絡龍源認真團練亦聊以固吾
圉也又行下山路十餘里始至平地少歇問離水口鋪二
三里三旂先已前去遂策馬行朱營百長率隊來接頗極
嚴整行里許朱惟堂于戎來接又里許朱遊戎來接見卽
上馬至平嶺芳浦游戎至坐談久之各長夫始陸續至旋

三月五日對少
承芳兄見惠酒飯飢乏之餘頗易爲飲食也朱營幫辦朱
盧李三君至繼之通邑各紳士崇令馬君等誥誡酬應亦
云勞矣晚刻至芳浦兄處回看敘譚而歸

二十八日晴午後北風大作自辰至戌紳耆來見者數十
人剴切開導舌爲之敝唇爲之焦內有七十餘歲封職吳
仿初來見述地方情形竝稟稱其子若孫皆歿於王事見
在其次孫出力均未能卹獎世事之不明白大抵如此也
二十九日晴北風如昨午刻梅村率二旂禮字號勇至是
日崇通紳士來見者數十人亦反復勸導而誥誡焉接撫
憲批稟及左先生書甚許可十三日一戰凱兒應從此知

名矣

三十日晴辰刻發劉生璈諭令董成羣市六圍文白四圍官石等十圍合二十圍立總局於羊樓徇諸生周仲聯等之請也乃令一二三旂澧字號挨次拔營自率侍壯繼進已刻抵通城與各友均至凱兄第六旂帳內商籌壹是午飯後始至中軍大帳其壘乃故戰場骷髏遍地陰氣襲人令隨便掘土掩之沈廣文及總局紳胡大集等至談久之十一月初一日晴因營內氣味薰蒸特令一旂六旂另擇潔地築壘中軍侍壯移於六旂壘內官紳至者復多殊苦於應酬訓誡也戌刻接熊張兩守備申報奉撫札調赴銅

仁協勦定於初二日起程當批令遵札迅速馳往以厚兵力

初二日晴接撫憲札令解武舉朱名魁赴轅革究因作稟解去將一切錯處自認之庶可保全其功名也是日傳各旂長百長細詢緣由始得知一切實在情形也

初三日陰午後雨黎明傳集各旂澧字號百什長在營外訓誡并斷席起昭事革其什長徐東友又革百長李竟成降百長唐其中爲護勇巳刻回帳申刻祭江汝舟先生并收齊各骷髏埋定而竝祭之其文隱霞作極其沈痛纏綿初四日晴卯刻大霧迷漫率一二三旂并右壯侍勇澧字

號拔營行十餘里入崇境日高霧散午刻到桂口先擬紮北山上因地勢不佳乃折回南山上紮定先夜接洪守備稟欲逕期蒲圻因念崇賊勢熾且恐期急亂竄儻由佛嶺分水坳龍源竄出羊樓司均當其衝不可不防因批令止紮原處嚴爲偵探相機防期四更接朱遊戎函亦欲進期手書復之

初五日陰晴參半北風大作辰刻由桂口拔營三旂之中哨作頭隊次侍壯中軍次三旂之左右哨次一二旂澧字號中途忽聞有賊乃催趨三旂左右哨急行各旂皆挨次飛進行三十里至洪橋堡涉水渡河駐紮築壘未畢崇城

賊分三路前來傳令堅忍以待令三旂中左哨潛伏營左以當賊之右路令三旂當中路一旂繞營右山後以當賊之左路必俟中軍鼓響號發始準衝出嗣見賊右路愈進愈近乃令三旂右哨潛出中路之左橫衝截殺澧字號侍壯繼之令畢見右哨潛行出營里許遂擂鼓發響各路齊進親督中左一路賊股望風而靡追五六里聞有反旂回撲者我勇奮撲直前殲之追近城邊因傍晚收隊一更回營合計殺賊百餘名奪獲大旂矛械甚多各邨居民婦孺感激涕零歡聲載道均諭令趕緊鬚髮又出示限以三日皆樂從焉

初六日晴飯後傳集百長詰誠久之崇邑紳耆來見者絡繹臨湘基隆山團局稟解賊匪三名訊明正法又下諭催其速拏餘匪匡得勝回營接左先生朱石翁郭意城來信探報賊已遁白霓橋矣申刻札調朱營來崇城會合交其探勇帶投

初七日晴黎明拔營分道齊進至崇城外西山之陽分紮紳耆接踵來見探賊先竄路橋口仍復折回白霓橋屯住街上戌刻接團上探稟云賊股已添數百人欲來打仗請矣聽之

初八日陰晴函致六兄率四旂二哨來派書辦一人帶一

哨往臨湘岳州迎饗午刻接曹太守信知饗已解到五千
又飛信六兄派人逕赴岳城迎護紳士楊贊侯來見細談
久之夜閒札知洪守備移駐羊樓洞紮營緣洪上賊股已
經他竄也

初九日晴探報賊尙踞白霓橋昨夜分三路放哨離營十
里八里不等紳士黃玉等接通山紳士韓文炳等來信知
將辦圍堵截賊股復加諭令其嚴遏之夜閒訊決土匪
初十日晴巳刻朱芳兄率全營令各旂哨派二成隊幫同
築壘兼送熱茶以篤同袍之誼并報水口鋪紮營時之情
也午刻六哥率四旂中右兩哨至其左哨則已赴岳迎饗

矣。皮博集各紳耆再細講求地勢，知會芳兄定於明晨分道進剿。

十一日晴黎明，會督朱營各旂分三路疾馳進搗白霓橋。金逆亦分途抗拒，左右兩路先遇賊，橫衝截擊，追逐三十里至通山二都白洋地方，共殺賊約四五百名，生擒三四十名，奪獲大小旗幟百餘面，刀矛尤多，馬驢十餘匹，并殲其騎馬賊目多名，內有二名著大紅呢馬褂，又奪偽印執照偽文冊多件，申刻收隊回營。

十二日晴，訊明生擒各犯，分別處決，又釋放被擄民人何永祿等，接奉撫憲批十月二十九日一稟，又接左先生書。

和袁州十一月初一日克復江右大有轉機矣又云甯鄉
何滿雜貨等首犯已拏到其誅三十餘人又接凱兄信寄
到皮德風并其戶族甘結願齊團殺賊自効此事已安惟
蔡明才遠颺然其形迹遠不及皮生宜其知罪畏誅也

十三日晴各紳來見者接踵請諭設局辦團事宜傳集各
紳定於十五日齊集再行定妥接家信夜作書致左老朱
石翁并寄復家信

十四日晴辰刻派鈴叔梅弟分率各旂赴東南兩鄉耀武
以懾人心并多帶鬚髮示諭張貼居民髮盡鬚則賊無容
身之地也午後補發臨湘屬團紳諭帖從此大周備矣且

據賀孝廉聲稱臨邑各團動集數千人旂械鮮明之至殊可喜也蓋萬里沅潭忠坊羊樓司白荆橋把截坳基隆山各總局得人之效也

十五日晴傳集崇陽各紳至考棚派定劉衡之總理總局又派局佐汪本皋等十八人襄理接凱兄信并義甯州帶練勇易把總光耀來函知初七日武甯縣失守十一日卽經官軍恢復賊黨三四千已竄興國州矣又據探報白霓橋敗匪已竄通山下四十里之大環市鎮屯聚其通山白洋大坪一帶數十里民皆鬻髮矣亥刻札朱遊府移紮羊樓洞會同辦團清匪併行知洪守備緣探得梁一舉股匪

已竄崇邑壕頭也

十六日晴訊澧字號鬧饑事嚴責楊俊龍等二名革去通山蓄髮紳士來見因給諭令速辦團崇邑局總呈派定執事單戍刻探子回白霓橋敗匪已竄興國蒲賊梁一舉等四百餘人十五日由壕頭堡到楊林橋打中伙又走三四十里至楊方嶺住宿今日大約亦竄興國去了探足已將鬚髮辦團示諭到處張貼矣

十七日晴作書復潤芝中丞接見崇邑各紳通山紳士至迎請大兵并求諭帖當繕發七件令速歸辦團申刻閱侍勇小操較昔日又大不同矣其分列等第有以激勵之效

乎

十八日晴已刻閱親兵壯勇操紳士某生婉轉哀求必欲大局辦事吾固未之許也然其情狀亦大可哂矣本日派朱遊擊由洪上洪下前進蒲圻并札行洪守備知照由羊樓洞會合官紳步步前進清匪辦團晚徇各紳請出示嚴禁假差騷擾之事又辦澧字號報銷專勇齋省闔營月支萬五千餘兩截至十一月底止虧至三萬一千五百兩有奇當此饑項極艱心竊爲之惴惴焉

十九日晴辰刻探報武帝敗匪潰入興國與白霓橋敗匪及蒲賊梁一舉各股屯聚陽辛大畝大約實有四五千人

見有千餘到板橋離通山下三十里亦有上至離城十里之西阮塘者溯查凱兒信云十五日由通城拔營辰未抵官塘坳住紮十七派六成隊劉裕齋率六旂由雲溪往西衝凱章由麥園出西衝五鼓起身天明抵該處擊匪十八名乃軍功習永林引線之功也十八日凱兒勒紳士交匪并將前披者分別正法等因今辰得探報後函復凱兒速竣麥園塘湖披剔事卽至高規披剔好探明路徑就近常通音問也戊刻又探回賊前隊已至離營六十里之楊林橋矣

二十日晴發通山團紳諭令速集團截殺敗匪又發嚴示

[REDACTED]

士觀人事上御下之道又作書復伯兄并寄諭白姪
探子回報賊股已至回頭嶺錫石路口白洋黑橋等
營三四十里不等戌刻接凱兒信云本日拔營三更
崇城云云二更後遙望西南火光絡繹遂傳令一二
旗爲之預備飲食薪水四更凱兒率五六旗左壯到
半日半夜倍道疾馳百二十里矣

二十二日晴黎明探報賊匪將至遂傳令各旗哨長
途埋伏以便截殺正兵則堅忍以待巳刻賊至對山
直前約六七千人十旗右哨伏定大礮佯爲卻走誘
近前轟斃大旗賊目賊死不退五旗迎戰亦許久

至近乃發號插鼓正伏奇兵齊起或尾追或迎截或橫衝無不奮勇剿殺分道躡進約二十餘里其計斃賊八百有餘生擒五六十名奪獲馬十餘匹其旂械槍礮偽文札腰牌號衣等項千有餘件申刻整隊齊回訊明生擒各賊分別斬釋

二十三日晴接奉撫憲批朱名魁從寬免其咨革暫行摘頂三月無過賞還等因并準會協鎮移查當咨復之又奉院札行知收復通城奏彙朱芳浦稟到并還儀項因札芳兄折回崇城辦團清匪又札洪守備駐蒲會合官紳辦團清匪并補札沈訓導玉田代理通城縣事

二十四日晴拔營行四十餘里未刻抵柏楊地方駐紮通山紳士卽有來迎見者接左先生書又接荊口釐局祝訓導函稱北撫憲令其預備錢二千串又令糧臺備銀一千兩解送南來賞犒全軍因復函令逕解通山查收再分給各營也

二十五日陰雨移營行三十里至神塘駐紮接北撫軍批稟信函又迪兄信戊刻又接迪兄捷報欣悉二十二日武漢同時克復賊由青山下竄者多卽率各營六成隊躡追痛剿矣回憶吾師羅山夫子二月閒復季老信有與此城終始之語今日之事惜乎不及見也欣快之下可勝痛哉

夜作書復左先生文方伯并發二十二日勝杖稟咨力催口糧紳士來見者甚多均詳加誥誠焉探報二十二日殘匪奔不停趾槩潰往興國一帶矣

二十六日晴拔營行二十里至馬草地住紮其地勢極爲雄勝距通山縣城僅二里許耳紳士陸續來見三十餘人多倉卒立談者無從細觀言論丰采亦莫識其智愚賢不肖也作書復潤翁迪兄發北撫憲稟二扣探報賊股仍分踞興國又添瑞昌縣敗匪一股矣

二十三日辛巳晴各鄉紳士亦來見興國州武昌縣亦有至營請給辦團諭帖者潤翁派委文武員弁解銀一千解

錢二千串到營以爲全軍犒賞當按人數分占飛致朱洪
兩營專人來取本營以長夫工食較勇爲廉而同此辛勞
擬將所占分銀錢勻給之數目與勇相等所以示體卹也
戊刻接左先生書又郭意城片云又解饗五千到矣

二十八日晴發付北撫憲委解犒賞銀錢員弁回去並發
謝稟原擬留各委員飯均不肖久待瀕行并程儀亦不肖
收殊不可解已刻至通山縣總局分示各紳士辦團清匪
剴切言之不識其能體會否然得力正紳殊不易邁事實
難以措手雖檄兩學官代辦縣事而又忠厚有餘殊深焦
灼晚復武昌嚴太守書屬速委員來此數州縣接替未知

何日可到耳探報興國之賊槩竄江西瑞昌一帶矣是日接洪守備稟云黃鶴樓被賊燒盡千餘年古蹟一旦燬於逆匪之手可勝恨哉發家信一封

二十九日晴訪得甯遠匪目李東生李矮子二名逃在咸甯詭名充勇專密札令其查拏一面派勇迎提發童生黃龍光等諭令其緝送土匪該童等尙覺實心然究不知其有無欲心諭內特警誠之蒲令李蘭生信來云會同朱洪兩營搜拏土匪三十餘名並獲梁逆之父與弟矣酉刻與各友連騎遊營壘四週地勢形便誠用武處也咸甯紳士解土匪三名至營途遇該縣護解犒賞之勇回去謂其不

解縣而解營痛毆之此等土匪何足道者而功利之心乃若是其汲汲耶

十二月初一日晴黃昏北風大作早飯後閱親兵小操兩學官來見籌商一切興國州千總胡忠雄具稟來迎并稱武漢大股賊二十五日到州二十七日尙未過完聞大軍已躡蹤追至矣探子回報興國一帶皆無賊悉竄瑞昌武甯二處聞官軍二十八日已到興國州城等因尙未得的信

初二日晴各旂演大操連日因局紳未定煞費苦心籌度今日刪成二十三人理總局分局七處另委紳耆辦理責

令辦團清匪而已接吳羽臣信云英夷滋事東粵之行尙未起程夜決隨營強姦婦女者一人梟示以昭炯戒三更作書致左先生詳言時事之最掣肘者

初三日晴戌刻雨發官制軍稟縷陳九月以後辦團剿賊情形昨夜脫逃匪犯一名訊責看守疏忽之勇摘去翎頂勒緝夜接迪兄信知乘勝追擊連克武邑黃州大冶興國各城弊賊不計其數楊軍門水師且克蘄州矣即日會合水陸兩軍往攻潯城破竹追擊自易得手粵賊其漸削平乎

初四日丁亥自辰至巳雨雪交下營前石山上其白如銀

矣呵凍作書致迪兄接崇紳楊熙業稟陳辦團籌費條款
瑣尾不堪太覺滋累諸多窒礙未便準予施行也

初五日晴清晨霜厚如錢今冬所僅見者咸甯黃令會同
千總唐明解南省甯遠漏逃逆目李成珍李成珠二名到
營查該逃匪自四年倡亂往來兩粵楚邊今正路亭與我
營戰敗後卽詭名逃至咸甯充勇已得保外委矣幸經我
營訪明稟報兩次檄拏本日始到所謂天網恢恢疏而不
漏不其然歟探報興國石角尙有餘匪致函邢司馬披剔
之

初六日陰晴參半大北風訊決李成珠李成珍二犯又訊

決土匪數名接
五啟行由瑞昌
克鄂後卽赴九
所派各軍則驅
初七日庚寅晴
又籌發犒賞二
且云痢病近七
知黔邊屢勝已
慰焉

初八日辛卯晴

署崇陽兼理通城指日到任此崇通之民之福也慰何如
之月臺贊侯訪咸甯任生額門字大芹者旋營知任生已
於前月二十一日赴潤公之召矣并述其生平令人欽慕
無已誦白駒之什不禁心神俱往矣惜哉惜哉何吾之無
緣至此哉昨夜翔岡述楊繼芳者冒充官長在平江招勇
數百不惟不給日食且先索應募之勇每名錢三百文始
準入冊聲稱奉王大人札委令招將各勇騙至崇通一帶
多因資斧不繼陸續走回楊繼芳尙帶數十人盤旋崇陽
一帶乃傳爲翔岡挑行李來營之平勇細訊之情節相符
立卽飛札崇邑馬代令嚴拏送辦札已行矣翔岡復言楊

繼芳稱奉王大人札委招勇查湖北有王鎮軍名國郵者
或此卽公耶乃追回馬君札致函朱芳浦察實然後檢送
較爲穩妥甚哉處事之難也

初九日晴接蒲令李公信云會同洪守備搜匪辦圍續決
五十餘名矣朱芳浦稟來亦搜匪二十餘名矣戊刻接左
先生書欣悉援黔之師七獲大勝覆其老巢首逆僅漏一
人印兄克袁後連勝逼新喻而窺臨江周楷岡曾沅浦出
永福進三勝而圍吉郡茶攸鄱桂各出銳師以徇旁縣吉
郡賊自益蹙矣道州雖有賊窺邊屢經黃蕭宋諸軍擊退
戍省四方八面盡皆甯謐良深慰愜發家信一封

三月五日
初十日晴送裕齋重光伯藩陳新吾回家于廷旋自岳郡
解到餽銀六千兩杯水車薪甚不濟事也接李春翁前月
二十一來函此老久未通問心常念之忽得一紙書亦足
以慰相思也又接黃蕭稟十一月初六日又獲一勝仗矣
十一日甲子晴北撫憲委員祝茂文金口釐局委軍功盧
用修咸甯黃令轉委從九黃守信解到犒賞錢一千串到
營昨日張聲訓帶勇八十名到此餽項萬難不能收錄特
函商崇陽局紳畱之教練鄉勇未卜能籌口糧否也接迪
兄初七瑞昌城外所發回信

十二日晴送丁月臺回石門縣作書致潤翁中丞滌帥李

春醴觀察又奉左先生書發撫稟局咨催索饒項昨據耆民黃國泰控五年二月初二夜被劫情由卽諭局紳陳用中勒拏之巴陵黃公信到知省局續委陸長慶解饒六千矣卽屬于廷率一旂右哨往迎并領藥一千斤火繩三十盤緣傳聞賊股有折竄武甯之說也

十三日丙申陰辰刻微雨作書致馮春翁賴古翁郭秋湖先生吳羽臣皆假歸之勇便帶也夜作書致迪兄附寄滌帥函又致書鄒叔明先生謝其甲寅春操舟援濟之情也十四日陰午後諸蘭谷明府來細商一切暢談二時之久惟聞官制軍有奏留我軍之說回首瀟湘不禁惕然動念

也

十五日晴回看諸大令旋將張聲訓投效部勇交諸公帶去并爲之酌定口糧散勇一錢什長錢二分張弁則因有加募之議薪資宜稍從優也批臨蒲崇三縣萬里忠坊羊樓三合龍潭等五局稟并甘結又當批發之并印發調勇符二十件合同五張條規一紙辦法雖善但不識能歷久無弊否也

十六日巳亥雨札崇陽總局隨時詳察局佐及團長等賢否分別黜陟之并撤不能辦事者又諭令童生楊襄業往局勸理緣渠住營日久察其明白安詳也夜降雪花深寸

餘較前更大又一快也

十七日晴晨起帳棚雪滿各勇埽除之然四圍山色瑩潔如玉誠佳景也已刻接撫憲札調回岳并接左先生書一紙誦之亦同爲憤懣焉申刻咸甯縣黃大令率局長等解到猪十隻米百石到營犒軍當勻給各旂訊決土匪急欲擯擋起程也

十八日晴發督憲南北撫憲稟報十九日起程作書致左先生潤翁中丞方伯公朱石翁并通行札知各縣各總局又將未了各案札知通山縣并札令力除土匪午後紳耆送稿賞銀錢各二百力卻之

二十九日壬寅晴黎明一二三四旂先行午後五六旂禮字號親兵繼行三十里至楊林橋宿接督憲札行知奏留防剿崇蒲一帶情形然已稟報起程勢難久留諒南撫憲必當復奏也又接黃守備等稟雷口關外之賊已竄全州石塘墟矣南陞情形稍鬆但零東又未免喫緊耳

二十日癸卯陰行三十里至白羊堡午飯又三十里抵崇陽城營於故壘先與芳兒細商繼與局紳劉衡之等確商一切至三更始寢

二十一日雨霰間有雪花行三十餘里至方山堡午餐又三十餘里至蒲圻羊樓洞宿焉接北撫憲札行知督憲奏

留本營防剿崇通弁云已勒通山紳士勸捐四萬申接濟
勇糧此等彈丸之地恐不易湊捐然已報起程不暇爲之
籌慮也巴陵縣稟到所奉撥錢糧尙無成數而岳守曹公
前移則云已撥三千何也

二十二日晴黎明啟行冰猶未解頗滑難行五十里至千
子山午餐賀鵬搏遵札解胡傳顯至又三十里至把截坳
紮故壘中接督憲札行知片奏稿撫憲札飛調回岳臬司
咨詢甯遠毛駱二姓案由省局咨續解七千餘兩截至十
一月初六日止禮勇則止解至十月初三日止也

二十三日晴行五十五里至雲溪驛午餐又十五里至高

三身正之類集
三
橋住宿時尙午正也接左先生及劉霞仙先生信

二十四日陰微雨北風大作是日卯刻啟行巳刻至岳郡
南津港遍加相度每多古墓絕少紮營地乃紮蓬內及田
畝中梅郵瑤階兩弟倡歸議從者如雲祇得準酌情理分
別可否也

二十五日晴北風獵獵麗峰凱章梅郵假歸送至岳陽樓
河邊風色順利計兩三日可抵長沙湘潭可喜也以麗兄
之和易近人而宅中有主以凱兄之過於謹守而誠樸任
事勞怨不辨以梅弟之寬於待人而膽識卓越竟似老成
三子者皆營中刻不可少之人也已屬其早早來矣巳刻

入城晤曹公星槎又晤黃明府東治歸與各勇暢談歡飲
適曹公來會有頃黃公亦來會詢及圍防事務未盡愜意
惟賊氛已除人心初定差有可恃耳午刻發朱芳浦信一
件晚間作書復左先生接潤公信以暫畱崇通爲詞而不
知已奉札南旋矣究之此舉似太倉皇其於大聖人物我
無聞之懷大有所虧予心耿焉

二十六日晴辰刻發左先生信黃守備蕭外委批稟江華
縣郭崇陽縣諸臨湘縣周守備洪各信接朱芳浦信又接
省咨文知委員王光斗解到十一月十七以後口糧十五
天計銀七千六百五十七兩四錢四分得稍撥濟爲之欣

慰已刻傳各旂及勇夫等訓飭一番無事不得進城進城
必須挂號因憶易芝生信云凡帶勇者往往其初以嚴得
之其後以寬失之此誠至論蓋久則怠怠則玩其弊不可
勝言不持以常惺之法卽賢者亦中之而不覺此予之所
隱然深懼也晚間作書復潤公公固以國士相待諄諄留
行我乃毅然舍去似太無情然事勢所迫無如之何心本
無他知己者當早諒之矣

二十七日晴查點澧字號勇嚴加訓飭澧人強悍而性野
不嚴以束之乃如不羈之馬不能就範當此饑艱擬裁撤
之然經數月訓練之餘已有可用欲盡撤之而心實不忍

令其略加淘汰午刻發督憲稟北撫憲稟并發張雁峰信
甯遠縣公文接江西義甯知州郭君名毓龍者夾單稟求
助剿新昌之賊情詞懇切似能以實心任事者惜未得一
見其人又接邢太守信并公文彼處不能分軍進紮通山
善後事無人可屬誠可慮也晚閒奉撫憲批稟及左先生
信信中所論形勢賊情似能見其大者爲之再三披閱臨
湘局紳劉璈稟見渠以辦事太能認真爲縣官所嫉惡百
計擾之吏治人心之壞乃至如此可勝浩嘆侍勇百長王
道達前以病假歸至今尙未見到欲另擇一人如其誠實
無僞者不可亟得惟王萬友似屬老成擬之以權攝其事

人才之難蓋卽此可見矣

二十八日晴辰刻登舟謁穆
漢復而大局猶有可爲所慮
去勇回接到迪見信賊果恃
其骨月薄彼礮石終是無益
矣又云滌帥有書相答而此
神交千里而外閒人固泥其
不亦謬哉嗟乎茫茫天壤同
傷矣午刻曹公來晤晤後聞
日噫吾基不可爲矣予笑曰

非國手耳

二十九日陰雨已刻傳諭各勇此三日內準其作樂唱凱以暢其機而柔其氣賞給通營勇夫錢各一百文并以酒肉賞給旂長百長以示鼓勵接到省局咨文及通城沈訓導信湘陰縣信比均復之而省局所論三年各勇受傷名單則當待稽查也午刻接迪兄信以予不宜遽退通山致失民望爲言彼固未知此中事勢有甚費曲折耳

三十日晴辰刻入城晤曹公及黃公歸閱綱鑑數葉於郭令公三致意焉以彼度量遠越恆流故能身名俱泰爲千古將相中不可多見之人也午刻穆卿叔祖駕過因畱飲

以敘天倫之歡接到巴陵縣申文一件比卽移復晚閒促
翔岡與隱霞對奕而余從旁閒觀乃知東坡廬山之遊樂
矣

王壯武公遺集卷二十終

湘潭朱士宜校勘

王壯武公遺集卷二十一目錄

日記三

自咸豐七年正月初一日至閏月十九日爲一卷

王壯武公遺集卷二十一

日記三

咸豐丁巳日記

正月初一日晴黎明望

北叩首如禮各旂弁勇均來

賀元旦巳刻進城渴曹黃二公及張學使歸閱各旂拳操頗有可觀擇其精者賞之以示鼓勵餘皆賞給有差晚聞見各營與民間鐙明如晝昇平之象宛在目中益神往於嘉道以前之盛也

初二日晴辰刻傳令各旂習跳走之法插標爲號先奪標者賞之侍勇張良清蓋擅此技餘均不及也

初三日陰已刻擇各旂善走者十餘人合操以取第一僉
謂無逾張良清者予以爲不足限通營也已而先奪標者
係一旂勇羅某張良清尙離丈餘眾皆愕然是日接左先
生信又奉撫札仍委以鄂湘交界數縣團務蓋以我軍已
奉旨雷駐崇通不能遵行遂撤耳午刻發李迪兄邢
太守及崇通蒲圻義甯各州縣公文又札洪守備一軍移
駐通城以資鎮壓蓋以該處地居江楚之脊素爲賊藪當
此團練初成若無一軍駐紮恐土匪乘機竊發外匪亦因
之闖入也

初四日陰微雨辰刻送於廷湘東歸已刻送警齋翔岡歸

令我寂寞離別之感不能自己接到制軍批稟及行知又接岳常澧道桂信及崇陽縣洪守備稟飯後作復左先生信接到潤公信明制軍所以奏留之意與不致久羈我軍之情但以北省空虛暫求駐桂口以資鎮壓然亦難矣

初五日陰辰刻侍壯點名弁勇中查有不守營規者杖責之以爲各勇戒內有功最高戰極勇者亦未免久而生驕徒馭之以寬彼且以爲法令之必不加於我也而恣其所爲矣故勇夫難得勇夫亦難馭也澧勇殊費周章擬盡撤之是日閣綱鑑敷葉接到湘陰縣黃明府信發左先生信一件蒲圻縣札一件晚崇陽局紳數人來賀年

初六日晴申飭侍勇分往各處徧查勇夫之不守營規者
蓋人多則稽查爲難治兵如治心稍縱焉卽逝也午刻批
洪守備稟并發通城縣札崇陽縣札并信通山縣札吉字
營札午刻張學使來會并惠以書聯云澤在梓桑功在國
文兼韜略將兼儒此二語予何敢當然不敢不勉天下事
皆吾人分所當爲惟患志不立而學識又足以隘之則無
望耳隨與張公赴曹太守席暢譚劇飲竟夕始歸

初七日晴辰刻請鈴叔閱壯勇操已刻接奉制軍行知

上諭一道加按察使銜以湖北道員候補功浮於賞自
願多慙惟有勉竭駑駘以報 天恩於萬一耳午刻李

君郵堂至詢光兄少君近狀晚間接雲岑信知其有志讀書已有信致心牧約與同學矣是日發制軍稟南撫軍稟北撫軍稟岳常澧道桂信朱芳浦信并札洪宜齋札巴陵縣札臨湘縣札曹太守公文通城崇陽通山蒲圻臨湘各總局札

初八日晴巳刻以四旂旂長守備劉榮華有罪革之與左哨百長彭有亮均遣歸而以陳盛世接充旂長以彼才識器量雖不足觀而其質直勇敢則已過人或可用也午刻查點澧勇卽全撤之以節糜費去勇回爲言芳浦患病且劇懇求假歸等語此君樸實辦事不苟而左右不得其人

事多牽掣以致殷憂成疾爲可憫已

初九日晴予以是日初度三十載光陰如駒過隙竊自感焉已刻接奉胡中丞批稟并信又奉路中丞札以湖北川勇廣勇遣散不無恃眾滋擾囑其嚴防等因兵以事急而濫收之以饒賸而撤之彼既無依必且鬱鬱於山澤閒而乘閒思變此亦自古兵禍之一端也晚間接石翁及馮春翁信赫健營來稟又心牧家信知其已改計與石泉兄讀書希莽家亦足慰矣

初十日晴辰刻董明府來見爲言今日春至觀洞庭鄂渚之閒氣象一新予曰願安得四海皆春使吾民盡遊熙皞

之天乎因與言及巴屬東南團練有可恃者其紳士未嘗
言功亦殊不易得也已刻請鈴叔閱操至未刻始畢還報
侍壯勇技無不精者所謂日起有功也麗峯約今日來營
迺未見到識面者惟東風來耳

十一日晨飯後傳各旂齊集訓以勤加操練勿以無戰之
時而稍有疏忽午刻接朱芳浦信稱技獲匪首丁學文等
訊決殊爲快事然芳浦患疾未愈轉憂之旋接左先生復
函知江右臨瑞各屬仍未下又傳粵匪有撲桂林之信粵
東英夷滋事日甚何時局之艱如此晚閒春雨瀟瀟念農
事漸興之時而得此膏雨或者其兆年登大有乎

十二日大風雨棚帳飛揚泥濘深尺許竟日靜坐閱綱鑑
十餘葉旂長彭興發等來坐久之語以行軍之道并責其
畱心人才全材不易得但得樸實勇敢稍明大義者卽濟
時之彥戡亂之英矣是日發朱芳浦信崇陽通城臨湘蒲
圻各總局公文一件亥刻雨雪

十三日辰刻微雪堅冰寒氣逼人此地數遭兵燹絕少林
木薪貴如玉軍士苦之卽以楚莊處此恐拊循之法亦未
可恃也午刻通城沈訓導有稟至并解到長髮賊一名比
卽訊明正法崇陽經我軍戡定而滿髮積賊尙有藏匿民
間者其耆亂之心牢不可破槩可想已奉到撫憲批稟未

刻發巴陵縣公文沈訓導批稟晚閱微霽

十四日晴辰刻傳令閱侍勇操拳棒法子雖不善其技頗識其意雖曰小道固有精焉者矣錨法則於劉光明有所取焉而未能盡愜非過刻也官止神行彼未能造其至也午後閱壯勇操操畢查有不守營規者痛責之以爲各勇戒又傳馬夫訓飭一番

十五日陰惠風和暢辰正黃明府及兩學來見譚有頃已正余亦入城謁諸公歸命什長何本高催梓工速刻就辦團告示以便發給各屬午後閱各勇習跳有跳至肩高者一二人重賞之因思習跳之法最妙在昔鵬舉之練士卒

每日教以跳壕越溝未半載而五百人無不善躍者彼兀
朮朱仙鎮之敗安能不訝岳家軍如飛乎今日上元念家
兄及凱兄等尙未抵營知因數日來雨雪在塗故爾遲遲
余代爲賦行路難也未刻接臨湘縣周涓川函晚開闔營
燈光四照依然火樹銀花又不禁想承平之景象焉

十六日陰已初請鈴叔閱侍壯勇操其刀鎗鈚棒皆漸漸
精益求精而槍標與習跳各勇亦發奮爲雄慰甚午後查
長夫中有不守規強砍鄉民樹者比嚴責之念武穆之用
兵凍死不拆屋餓死不掠食二語而益凜然未正黃明府
來見商推辦團事務晚閒適探勇回接義甯州郭刺史函

稱彼處團練尙整齊惟恐上高大股賊竄入則勇又寡不
敵眾所論地勢賊情頗詳想見此公勤於致治有非俗吏
之所得企及者旋又接湘陰黃明府信比復之

十七日陰微風晨飯後親閱侍勇操請鈴叔閱壯勇操午
後三旂四旂五旂俱出營外寬坪擺陣奇正相生各擅其
長顧而樂之演畢雨集余復入幕靜覽綱鑑數葉晚與諸
友譚及古今興亡之局其禎祥妖孽之兆未嘗不信有可
徵是日子山有病余授一方屬其習武運氣以驅病魔焉
十八日雨潤如絲雖營門不便出入卻意田家此時入賞
吾廬之雨出耕我隴之雲也竟日讀春秋有溫故知新之

樂午刻壯勇周心田張萬勝二人自鄂省歸接奉北撫憲批及信二件比問該勇下游消息知月之初五李迪莽續獲勝仗且破小池口賊營數座爲之一快未刻入城會黃明府既返嚴責一長夫因其大有不是處晚接崇陽縣諸明府信

十九日春雨連綿已刻專勇送告示往崇陽通山通城蒲圻一帶蓋恐各處團練鬆勁故傳示之不可不速也未刻訊遊勇中失銀一案得其情有十之七矣俟明日再訊當判之事雖小務思明斷焉是日仍讀春秋一書

二十日昨夜明星朗朗疑今日當晴迺崇朝大雨營門中

亦幾厭聽雨聲矣午刻接奉北撫憲札未刻復將遊勇之
案再三審之盡得其情痛責之甚矣折獄之難也今日念
家兄尙未到或湖中風浪所阻是夜三鼓後雷乃發聲

二十一日雨雪交加晨餐時家兄及凱兄諸友至不禁喜
從天降坐譚幃幄之中詢及家中一切近事兄弟相樂殆
不啻聚首於庭幃焉午刻接奉撫憲批一件旋又接黃蕭
稟二件稱粵賊又攻全郡因歎此股不滅終難免不搖盪
我邊陲也夜作書復左老及石翁鎮塋

二十二日晴和已正與鈴叔六兄凱兄連騎往鳳凰山大
橋兩處觀地勢以便移營因其處此田洞雨集水聚易於

三月五日
受病且此時耕夫亦將有事南畝
是日送星高回以伊老成任事今
強但屬其早來也

二十三日擬今日移營不意雨復
又接朱芳浦函晚作書致朱石翁
峯子山諸友譚及崇通一面事務
閱一切於心始安

二十四日日暖風和已正發撫憲
撫憲札二件復湘陰縣黃明府信且
晚閒接吳羽臣信知伊尙未赴粵

而洋夷滋蔓如故輒歎今日世局內顧之憂未已外夷之患復張天心其猶未厭亂乎

二十五日晴辰刻往家兄寓所商推一切已正發臨湘縣周明府信旋接奉北撫憲札稱襄匪竄陷宜昌荊州戒嚴常澧一帶在在堪虞一波未平一波復起官軍克一城池幾費周章而牧民者失之甚易宛如水來土潰吾不解其縮銅符之謂何也未刻審土匪一案晚傳旂長百長至告以翼日移營鳳凰山是日瑤階抵營慰甚

二十六日晴微風晨餐後移營鳳凰山午刻接奉撫憲札開因朱遊擊芳浦多病值此崇通善後辦有成效準其撤

勇回籍調攝又接奉總局咨文稱續解饟項來矣未刻羊樓司紳士劉璈等來稟言已接到告示徧貼鄉市該處團紳尙屬勤幹慰甚

二十七日晴大風辰刻送李郵堂歸便寄寶慶邵刺史及周明府信二件爲光翁領款事又致吉安黃刺史信復署崇通諸司馬信復臨湘周明府信各一件未刻接左季翁信知嶺南英清聚匪甚夥夷人尙猖獗粵西匪踞興安覲覲楚邊江右臨瑞各屬仍未得手我楚邊疆殆防不勝防是日故人羅鎮堃至譚論一新

二十八日半陰半晴夜北風起午初巴陵有鍾姓紳士來

見譚有頃午後前赴通山之勇回接通山兩學稟該勇稱
聞初旬潯城竄出股匪二千餘潛入興國經邢刺史痛剿
殲除殆盡果爾亦痛快事也初三日所發往九江之勇辜
名揚趙意城二人今猶未返不解何故擬明日再專勇持
信前往通山興國兩處一探消息也

二十九日大風雨午後接總局咨知胡中丞以崇通無重
兵欲我軍重駐該處以壯聲勢旋接黃守備蕭外委稟稱
粵匪見陷興安不時分股至咸水南宅麻子渡等處擄掠
此股匪黨誠如季翁云意在乘虛竄楚幸黃蕭數軍防剿
尙可恃也是日專勇持信赴興國州邢刺史處

二月初一日飛雪午後接羊樓司總局劉璈稟稱該處有劣紳假總局名色索詐土匪錢文此等劣紳既不辦匪反以漁利爲事例應嚴究繼閱劉璈所呈辦團規款皆合法準其照行晚開壯勇自九江回接李迪奔信及邢刺史信知潯城賊不甚多而守之甚固非易得手也旋又接崇陽諸司馬函

初二日晴午後接岳州曹刺史咨文爲委員洪忠培解饑銀前來未刻接奉胡中丞信知攻宜之師失利該處請援頗急加以遣散之川勇又復滋蔓當此武漢收復而人心猶未定旋釀目前之禍未知將來果如何結局也

初三日陰晴相閒午飯後送家兄及鎮塋回余與鎮塋莫逆交也數日帷幄話舊相得益彰迺渠乘興而來興盡而返望扁舟已駕怏怏者久之是日朱芳浦稟來稱奉札裁撤回籍養病而崇陽一面見須另派一軍駐紮該處籌辦善後

初四日早陰晚雨已刻閱二旂中哨操午正接奉撫憲札稱宜昌失守澧常石永各州縣水陸交通在在須防欲撥洪宜齋一軍前赴澧州一帶以資防範此一著亦不能不爲之籌及是日左先生信亦至晚間獲一盜重刑治之初五日風雨已刻發札調洪守備赴澧州防堵目下崇蒲

二月五日
二通事勢較鬆惟當力辦善後一面函致諸令沈訓導屬其辦團無懈一面致信澧州桂觀察鄒刺史處屬其密探賊情晚閒又作書復左先生竝致信翔岡

初六日雨雪已刻晴往謁黃東翁會商建礮堡各事夜訊各勇訂蘭交案卽傳各旂哨長嚴禁之

初七日晴閱各旂小操接義甯州官紳稟知臨吉瑞竝潯郡軍情如昨已刻朱遊擊率勇至與之酌商擬以朱惟堂權攝營官而令渠遵札回籍久爲調養當具稟請中丞批示想可行也奉撫札知熊林知事已準部咨復準矣又奉曾滌帥書及李迪兄復書云渠營老勇饒僅領到去秋九

月初開新勇亦不過多領一月饟糶如此而時事方殷杞人之憂益甚矣

初八日晴作書上左先生又閱各旂小操連日因先閱各旂中哨以言語分別褒貶之該勇較平日之眾操私操百倍踴躍甚哉營官言動關係之大如此今而後吾益知勉矣接黃守備稟知賊踞興安咸水一帶全州之勇又失利折回城中矣逆黨披猖迺至此耶

初九日晴閱旂上小操家鄉親友至者紛紛迺設席款待殷勤慰問樂何如之黃明府來營傾譚最久而曹公畱省久未返未審何以也

初十日雨看朱芳浦病坐譚一時許始回兩日來忽忽不快又說不出甚病來詢知隱霞子山凱章亦同此病殊不可解耳接荊州莊觀察信知宜昌已於二十五日收復餘黨潰竄遠安清溪河地方已分兵堵剿矣

十一日雨接左先生信籌商洪守備全營之事今日該營前隊已到正好及時酌辦也細閱黎警齋來函及寄翔岡之信滿紙牢騷甚不解其何謂也

十二日晴洪守備至慰勞誥誡坐譚逾時審羊樓司解到土匪四名決之夜傳百長傳諭壹是

十三日晴閱旂上小操守備張德志到知水師一營由靖

江中途折回仍駐岳州防守造五年五月起至十一月二十八日止支過卹養清冊已齊分別稟咨申送夜作家書附日記

十四日晴閱旂上小操接邢星槎信知興國已搜首匪二百餘名辦理井井有條慰甚作書復李迪兄交胡俊彥帶并復荊州莊觀察書便專足往探軍情胡生大集解通城長髮首犯夏英才至訊認歷年擾亂情形其罪真擢髮難數也

十五日晴派一二旂旂長往江濱查川勇擄船事據稱爲向欣若軍門樞船然其親丁未至不識有無冒稱否也接

南撫憲批准芳浦假歸調理營務以千總朱惟堂攝之又
接左先生書極論人才之難嗚呼人才出亂世之語奈何
絕不驗耶

十六日晴接澧州桂觀察鄒刺史復函知宜昌賊悉北竄
遠安一帶矣通山監生程鴻賓童生徐作仁黃龍光等來
見極陳該縣官紳辦匪不力情形且毅然身任之迺專諭
委辦并札崇陽諸大令督之當有可觀也夜作書復左先
生準情酌理而論各事下筆時頗費躊躇耳梅弟與各友
至細詢家事慰藉殊深也

十七日晴閣旂上小操計已共閱一週矣發通山縣各團

嚴諭黃東翁至送閱勸捐修礮卡諭余又加諭給董事之
紳二更察葺因赴九江停舟過我慰愜殊甚夜深復抵足
而譚不知東方之既白也


十八日陰與察葺兄暢譚一切作書致潤翁中丞託察葺
兄順帶赴鄂未刻與各友連騎送至河干復登舟譚久而
別江水滔滔心旌俱往矣本營口糧又欠近三萬矣朱洪
兩營亦欠八九百不等迺作稟咨催請又發貼嚴申軍令
斗方示并批令洪營多繕朱營亦發給之

十九日晴陰相閒閱侍壯操接撫憲札發奏稟請免補實
缺交軍機處記名等因又接義甯州局紳來稟知初三日

三月四日
瑞郡賊由北門竄出經官軍兜剿大勝賊不敢復出城當指日可下矣降賊何美璋忽然來投迺坐堂數其罪惡而殺之以快人心又因其復來投一層殮而埋之酉刻察兄阻於風仍乘騎來營藉以復得暢敘亦樂也

二十日陰午刻送察兄回船北風尙緊不識能否解纜也茅田馬紳至傳餐細譚一切旂長彭興發稟見細情一切正所謂實心人幹老實事斷不致有負人之處也戌刻鈴叔意欲專練精勇一百名身軀形貌膂力皆精選之技藝迺鈴叔所長若果行此當有可觀耳

二十一日陰晴相間作書致蔭兄交舒再元帶赴臨江巴



二十四日陰吉字營送保單至其四十五名朱惟堂千戎至卽下權攝營官委札復面告一切該營茶陵案內膺保各弁必求大營發札爲憑迺允給之并揭榜曉示以示獎勵夜接荊州莊道臺信云襄匪由荊門北竄又折而西已分撥各軍四面圍剿富易藏事也

二十五日陰雨挑閱長勝軍小操百三十二名分別給賞示勸接諸大令稟稱宜昌股匪由荊門而南漳襄樊震動杞人之憂殊未已也假勇龍義德到齋到李春翁書久不通問一旦書來先未開函已喜不自禁矣惟稱賴古翁病甚省中已另委人永郡失一長城等語念之殊戚然也夜

分察葺書至云泊舟楊林磯見水師丁某之勇上岸買肉與市人爭鬪被割去辮髮三條察葺爲之喝住復飛片司官司官不在又傳武弁帶被割辮髮之勇丁船戶三人往監利報案市人求私和察葺不許而屠戶某已挈家逃走矣察兇憤憤不平堅欲窮治之且命水勇來營叫寃嗟乎該處所爲市人誠可惡然每見勇丁輩背著營官眼目所行所爲有令人裂背指髮者卽受小委屈不亦宜乎擬俟水勇果來叫寃再斟酌行文也

二十六日陰雨差人送朱芳浦行接左先生書云臨吉皆來援賊號稱數萬幸不甚悍然官軍不能增益奈何且云

三才正氣集
三
蔭渠兄久無信至心甚懸懸等語儻不如意則前功盡棄矣念之怏怏不快且前次催饒稟咨止奉院批省局寂無回文又接朱石翁書一函

二十七日密雨如散絲子時接奉撫憲札調赴臨江應援以蔭兄一軍失利也正驗昨夜所歎悶甚輒念駐此辦各縣團練纔有頭緒忽來江右之警不去救援則大局愈不能顧既去復慮北路無重兵防堵崇通難免無前日故事甯不憂思百結耶比遵札飭洪守備駐岳以資鎮壓發各處公文三十餘角屬各團無稍鬆勁是日摒擋一切擬來朝卽行也

二十八日霖雨冥冥辰刻黃明府邀飲餞行譚及該縣建
礮堡事雖督團紳起工究非易易又念其未奉到藩憲實
收恐不足以示鼓勵此公蓋煞費苦心矣午刻辭別登舟
曹太守黃明府俱送至舟中譚有頃猶依依不忍舍是日
接通山縣總局唐又贊等稟爲獲賊魁廖亞蛟張大鵬二
人解送來營余以旣經拔營當卽屬其交巴陵縣處治若
未解至則仍帶返局中準局紳處治夜停舟扁山是日收
黃明府申文一件

二十九日雨微有風浪念切時事恨不飛渡洞庭無心湖
景晚繫舟湘陰縣城外二更初登岸往謁黃明府會商一

切

三十日風雨舟中無事看書之暇搦管書程明道先生視聽言動四箴一則藉以自儆再則書成教侍勇張義貴等照習書法也是日行船離省四五十里

三月初一日細雨風帆不甚急抵省時已一更二點矣仍駐城南書院夜閒與六家兒子山諸友會譚擬詰朝進城內謁中丞公

初二日雨絲不斷早起入城見中丞詳詢一切始知臨江一面軍情的耗是日接東安賴古翁復去臘信及葉兆蘭信開閱之餘輒歎此公竟得半身不遂之疾吾不解彼蒼

者何竟使斯人而有斯疾也應陽之民其何所仰賴乎

初三日風雨連日與中丞公及左季翁會商大局頃聞劉蔭渠退紮分宜復獲勝仗軍威又振該處團練亦甚得力大局或可無虞午後出城返行館作家書寄歸是日念凱兄鈴叔等猶未抵省念途中疾風苦雨甚是難受也

初四日大風雨辰刻翟廉訪來行館會譚有頃午後入城詣朱石翁處是晚凱兄梅邨等俱抵省慰甚未刻接收總局文一件

初五日陰雨午刻王惺園來譚論一新晚餐後傳各旂長百長齊集戒訓一番二鼓作書三函一寄李春翁一寄東

安賴古翁一寄葉介唐下午進城住宿

初六日晴辰刻回城南行營晤卜臣叔卓堂竹莊蔚臣諸弟暢譚之下樂何如也中丞出城回看令勇擋駕臨江賊勢雖屬披猖蕭濬翁連獲大勝追逐直至城邊賊遂不敢尾躡蔭軍恐濬兄之乘其後也惟聞吉安各軍勢頗岌岌而沅浦又已奔回究不識如何情形耳下午仍進城住宿晤諸公商推一切

初七日晴晨飯時歸自城中左季翁來譚許久家鄉親友至者紛紛師期甚迫未得細譚殊覺歉然午飯時屬凱梅下校場試驗火器復傳各旂長哨長誥誡之復進城宿焉

以便商辦公事
初八日陰晴清
營士卒歸召朱
萬金鈐領僅領
卽此敷衍起行
多均能如意殊
初九日辰刻雨
公午刻伯兄到
敘譚以渠二公
月二十日以後

新喻後相機雕剿毋庸專駐一隅致誤大局又奉行知
上諭準不簡放實缺交軍機處記名 天恩高厚惟有
龜勉從事圖報涓埃耳

初十日晴發四五六旂起行屬凱兄鈴叔梅弟督左右繼
進接巴陵黃公來函并保單惟云九江缺饑百六十餘日
李楊兩帥焦急萬分又稱秦軍門鄭總戎以萬餘人頓桐
城城外缺饑過久升米六百文無購者軍中殺馬而食饑
終不繼相繼而潰閱至此不禁拍案大叫也李相翁來會
氣色較昔頗好蓋得暫息仔肩靜養所致也夜與兄弟叔
姪聚飲書院東邊麗澤堂中念及 國事家事憮然傷心

不知淚所從來也

十一日晴辰刻先發吉字營啟行石翁觀察子春明府及諸公來城南送別旋即啟行伯兄約送至醴陵迺返二三月間正好暢敘手足情也四十里午飯又十八里至馬峯山宿焉接潤翁回信并批稟屬開崇蒲二通辦團出力紳士保單以示獎勵諸紳果能實力舉行亦自可乘一障也十二日晴行四十里至朱亭鋪報稱鐵兄裕兄已至中途矣迺徐待之久未至復行十里至北港鋪宿維時尙是未正以候鐵兄之故不欲遽進也散步郊原便至胡姓家畱茶其人本鄉俚而強欲作高雅派殊可哂也

十三日晴行二十里報稱鐵兄裕兄由捷徑疾馳昨夜已宿青巖鋪矣遂乘馬飛奔十里晤於旅店中千言萬語不識從何說起必邀至袁州迺能暢所欲言耳又行十里午膳又行三十里至醴陵天后宮住宿崔邑尹慇懃款待心竊爲之不安夜與伯兄錢兄譚至四更

十四日陰黎明小雨一陣與伯兄依依敘別不盡所言送之登舟迺啟行時已巳正矣縣尹送於東郊惓惓而別行三十里午飯入江西界矣又三十里至湘東街住宿十五日晴行三十里至萍城縣中草草具午餐卽行小雨數點復晴行三十里至高岡鋪宿焉

十六日晴行三十里午膳又三十里至分界嶺時已未正甫至旅店大雨如注諸人均未遇雨行李亦未濡溼良可喜也

十七日晴行三十五里各友先午膳自率侍勇先馳午刻抵袁郡來迎謁者爲劉順堂司馬長健迺蔭翁之弟總理營務處者又宜春尹徐公昌道又都閩昭公名麟又副戎祥公名麟府尹張公公出萍邑卻不遇見未解何以也午飯後隨進城回看祥昭諸公詢悉存城兵勇約六百人祥公又以城守爲己任祇欠饑可慮查地勢城堞極好賊又築牛馬牆豎千斤閘洵爲可守因又勸勉之凱梅先日

已相度東門外高岡築壘勇夫到齊後更爲加功卽完好
矣接蕭潘川觀察信云初九日早賊繞右後兩路橫亘十
餘里官軍迎擊之不戰而走追及於龍城殲溺均多因報
湛頭墟又有大股橫出迺回軍擊敗之焚其營盤十餘座
追至路口收隊頗有斬獲并據探城賊悉出彼處路歧地
闊難於分布屬分一二枝由上高水北田南一帶進援則
彼處後路肅清云云接黃南坡信屬會攻吉郡其再啟又
云若得我軍由新淦峽江吉水直擣永豐以扼撫建大股
援吉援臨之路則堅城立下云云夜均作書復之并致函
時衡要到分宜方能定計耳宜春縣接據探報吉郡各軍

連日繼夜疊戰攻城賊不敢出十二日水師大勝燒賊船
二十餘隻奪賊船六隻陸路亦大勝斃賊極多殊爲欣快
之至傳各百長訓誡之是夜四更大風疾雨一時始住發
家信

十八日晴辰刻接蔭兄轉據新喻探報十七賊至水西我
軍黎明出隊層層設伏俟賊近前突起擊之賊大敗走各
伏齊起鈔賊歸路殺賊近千割首級四百餘生擒百餘名
奪獲擡槍四五十桿其前隊乘勢追逐尙未收回云云已
刻劉順堂過營辭赴分宜接奉郴桂保案部覆又接勒怡
田函云前月被困清遠縣十餘日始將賊擊退張漪珊函

云奉督憲文招東陂勇三千進剿清遠已會霽堂率往矣
作書致峙兄並覆黃南坡劉蔭翁蕭潛翁書

十九日雨行四十里至彬江鋪午餐詢知一二三四旗已
於黎明時過去可謂速矣又行四十里至分宜縣宿蔭兄
辰刻已赴喻邑尹汪公老矣未敢多談夜局紳來見慰勉
之

二十日大雨鎮日行四十五里午膳令匡得勝洪茂勝飛
赴袁州函屬六兄梅弟率五六旗吉字營今日到分宜暫
行駐紮毋須急來也又行二十五里至喻邑各營次第來
迎至城內假館蔭兄來會談久之接黃南坡趙玉班文黼

卿周梧岡劉培元公函意欲我軍進紮峽江以遏援賊之路尙未復也

二十一日大雨鎮日黎明尤甚辰刻至蔭兄處未晤而返探報離此五十里羅坊有賊二百餘守卡二十日有僞將軍劉逆帶夥賊二千由龐家洲遁走不知去向龐家洲距羅坊五里亦有賊約千人紮駐又據探報吉郡援賊分大股走泰和縣號稱二十八軍實不過數千吉城賊數亦不過二三千而已未刻蔭兄至商推壹是申未始去接梅弟信已抵分宜縣城回信令暫行紮駐候信乃來來信論禁止騷擾平價買賣所見殊卓欣慰之至

二十二日雨午後陰晴與鈐叔凱兄鐵兄聯騎踏看城外
地勢行距城十餘里始歸太覺平衍不便紮營接周鳳山
等公啟並寄摘鈔稟稿欲我軍進圖峽江以遏吉臨援賊
殊未通籌全局也夜作書復之探報羅坊之賊已聞風遁
矣

二十三日陰午後雨作書致左先生暢論時事未刻六兄
梅弟率五六旗吉字營至因部覆膺保各弁名姓多錯誤
開列清摺稟請咨部更正昭信實也探報吉城賊不過三
數千人大股七八千已往泰和縣而上猶一軍太單心竊
慮之且恐乘虛擾我郴屬也又探稱羅坊無賊大股悉入

臨江郡城大約聞我軍至爲負隅計而吉瑞爲前車之鑒
顧安肯坐老我師乎

二十四日雨午刻赴蔭兄處小飲接峙兄回信又濬兄專
信據報稱十八日以後賊由新淦縣一帶過河陸續而走
將有棄城之勢不因撫賊呼援或畏我軍之威耳是日發
撫局稟咨左先生書文方伯信挑鎧與鐵兄毅兄談近四
更夜雨至天曉

二十五日雨黎明尤甚午後陰晴與毅凱諸兄商各旗保
舉夜傳各哨長訓勉探報臨郡援賊悉由新淦竄去

二十六日晴午後陰與各友兄至北城外習園子馬接劉

三月五日
竹亭趙玉班周梧岡公函仍申前說堅欲我軍急進峽江
黃南坡信所說亦同旋赴蔭兄處商定日內同進羅坊再
逼城而營知會蕭軍一同進紮則我軍卽渡河而東駐紮
新淦以爭河面之險而扼逆賊之吭然軍機瞬息千變大
勢雖如此定要當臨時斟酌耳接左先生書謂柳州賊圍
桂林恐患不在粵而將中於楚矣杞憂殊未已也

二十七日晴午後陰雨一陣夜又雨玉正高回報二十五
直抵臨江城下探得城外之賊盡由新淦往撫州城中賊
尙五六千強弱各半油鹽糧食尙足惟少柴薪城門緊閉
城外掘坑上蓋竹簟土掩其上中藏三角鐵稜城外惟有

土匪零星駐各民房探城上有礮不知多少又據秦天佑
回報探至黃土墟聽說前日賊在新淦河埠地方被樟樹
來之官軍打敗悉竄撫州矣

二十八日雨鎮日江味根忠義率勇至晤談久之原約今
日拔營無如其不能也接濬翁致蔭翁書約期同進并以
瑞州前月派援陰岡四營仍紮該處以通臨瑞之氣而免
後路之虞此舉甚妥唐有章等解噴筒腰刀至蕭榮芳稟
請畱譚令苟在該營治傷批駁之作書復季弟并石泉雲
岑鏡鬘雲浦霞仙馮春翁三更後始寢

二十九日晴劉峴莊至談兩時許令人敬佩惜以事假歸

三月五日
必五旬乃返營此公少年英雋體用兼備新甯繼起有人
矣作書寄伯兄接濬翁信云二十七日出隊逼臨城賊不
出戰乃回夜傳百長旗長令拔營

四月初一日晴未刻陰黃昏雨蔭軍先行我軍繼進五十
里至羅坊少駐傳集紳士細詢一切加發偵探又行十里
至鐵樹下紮營地多平岡非用武地後面地勢稍好楚勇
先已紮定矣應在羅坊前三四里土嶺屯駐爲佳無如前
行旗長等人地生疎甚欠相度也攝曾沅浦營官文黼卿
信來仍申進剿峽江之說並詢知芝生固在行閒而久不
通問實不可解因致書詢之是日發左先生書令蕭雲階

回南仿繪左老各省精細輿圖以備參核夜接蔭兄處探
信撫建逆氛闖入閩省已破四縣二府矣時事之艱亦至
此耶

初二日陰午後雨夜又雨蔭兄至商籌一切本日訊明拾
取小菜長夫隨營三人插耳遊營示懲然楚營人多而雜
蔭兄必有以處此矣

初三日晴辰刻小雨一陣訊民人喊稟楚營強般養豕案
決之申刻往蔭兄處商籌分軍進剿峽江並移營各事

初四日晴辰刻拔營行三十里至太平墟左邊平岡上紮
營距城尚三十餘里楚營今早派隊往太平墟舊壘收殮

遺骸在前施放槍礮仍由大路歸去有報稱已與賊開仗者我軍屹然不動只趕緊築壘似此膽固神定三千人如一人殊可喜也

初五日晴發本省稟咨及崇通各處回信批稟蔭兄率部卒至屯紮墟前並知已派清字營等進剿峽江之賊傳集各旗並吉字營勇再三誥誡之接伯兄二十八日長沙來書又接李春翁書知西粵緊急之至彼中當事憤憤將若之何又接曾滌帥素函並沅甫書

初六日晴黎明率侍壯先行二十里至八角亭岡上賊約千餘分布對岡施放火器漸漸退去即傳令各旗並吉字

營趕緊築壘適蔭兄率部勇江味根率本營分道齊進乃於左側平岡列陣二層誘賊不至余與凱兄相度地勢亦在楚勇陣後奈賊望風而退楚勇追近城乃還太坪墟蔭兄至營談久之蕭濟翁遣部將周崇高至知己進紮株木山距城五里距我營約十里彼此旗帳均在望中乃遣易普照回報之探報劉養素觀察水師今日獲勝奪賊船九隻忻慰之至申刻鈴叔梅弟至瀕河一帶相度地勢並探悉出新淦大路接劉養翁回信謂贛江無船可度屬我軍紮新淦對岸之界埠地方細審地圖尙未確知其處也是夜雨

二月二十二日
初七日上午晴下午雨晨飯後傳集旗長等訊決勇夫犯營規二案卽率侍勇至潛兒處細談一切機要酉刻冒雨歸本日蔭軍亦進紮臨城西北一帶貫上地方

初八日晴雨相間未刻雨極大旋開霽接左先生書知柳州報陷桂林萬分喫緊矣彼中當事焉能辦此是誠吾楚之憂也發江西湖北兩中丞稟及峙衡希菴察菴夏懋翁信件前任臨江史太守專丁持勸捐告示過營非我所樂聞也連日鄉民釀送鹽米猪隻之類皆慰卻之欣然攜去甚哉斯民不幸生值離亂之際艱險將誰訴乎劉養素觀察水陸兩軍已由樟樹進紮距城僅十里合計四大營水

陸二萬餘人探聞城賊不及一萬奈逆謀死守我軍則頓於堅城之下雖眾未易得手也

初九日晴間有小雨至酉刻大風雨飯後至蔭兄處商壹是帶虎威軍之都司劉吉三來見畱久坐教以約束禁騷擾之道帶義勇之李能通來見亦如之楊寶兄專勇至知奉文畱駐萬載縣地方

初十日晴申刻狂風疾雨各帳房衣被無不溼者午刻蔭兄濬兄江味根先後至便畱午飯先是倩鈴叔帶勇二十餘人往詢朱石翁宗族行至中途遇賊二三百人乃歸旋率三四旗五成隊再往賊蹤已不知所之收隊回值大雨

而濬兄營內正放火箭噴筒濬兄營前則礮響煙稠似是出隊乃傳令派出六成隊準備接應遙望賊隊蟻列而行正出城向西行也少間探回知濬軍上午曾開仗未刻始收隊申刻雨霽濬營有賊至未交仗也是日接左先生書心牧與鏡巖書亦至兼有詩寄示

十一日晴雨相間劉養素史太守水陸兩軍疏濬臨城上游橫河故道引贛水入袁河將以灌城若果成功則釜底游魂盡爲魚鼈矣夜五更雨達旦

十二日晴雨相間接蒲圻任令稟請保紳士至三十八名之多殊覺冒濫又接植臣信屬請撥醴邑之餉然省城來

信餉已將起解矣若又瀆之徒滋厭耳夜五更大雨
十三日雨作書復植臣分帶水師之康令由橫河駛入逼
城而攻我軍派五六旗逼南門外賊死拒不出冒雨收隊
歸接濬兄信約來日攻城不識天從人願否也蔭兄患寒
疾稍愈矣

十四日上午晴辰刻與鈴叔率侍壯二四旗出中路攻南
門派吉字營走左路五六旗走右路會蔭濬兩軍同抵城
下環攻水師則一由袁河口逆流而上一由橫河口駛出
夾擊城下賊舟并力攻打瀕河雉堞因親至船上晤其營
官康令國器商籌一切南面賊死守不出我軍施放槍礮

火器均打入城傷斃賊匪不少並拔其鹿角甚多未初始
整隊歸蔭軍攻西門收隊時賊忽出五六百人來逐凱兒
逆令吉字營與一旗反旗頓住遙爲之勢蔭軍痛擊之有
騎黑馬將單刀衝入連砍三賊賊大敗進城殊快人意潰
軍直逼北城破賊卡門雖斃賊不少然陣亡八九名傷者
五六十實可憫也夜接劉養翁信知拏獲奸細三名車一
輛搜出請救僞文內云前者撫建來援連戰不下委而去
之並帶去守城兵士不少見今瑞郡危極吉郡被困臨郡
屢爲求援撫建不應今請以一隊由德安建昌直抵安義
再分一隊攻克奉新以解瑞危其安義一隊則紮瑞臨交

界之地或撥船數百由星子龍潭新建以攻南昌再飛文
國宗章等進取進賢豐城攻打南昌諸路兵至則省城自
顧不暇必調瑞臨各路回救於是瑞臨之圍頓解而袁郡
一路已空可以乘虛而復矣又何患吉圍不解哉且四路
以攻省爲名省縱不得而豐進奉安以及吉臨瑞各縣數
十處可操之掌中云云此僞殿右四十二檢點張發紀左
五十五僞檢點程瀛右九十七僞指揮易自能三逆目所
上僞頂天報國真忠侯林胡黃三賊首之僞文也紙上談
兵豈娓娓可聽且臨郡困極偏欲矯情鎮物亦可笑也午
刻希兄自瑞州至談至三更

十五日上午陰晴下午雨接濬兄信知彼軍受傷者續亡甚多心痛之至接吉安趙玉翁劉竹亭文黼卿公函知鳳字吉字兩營分勇攻克吉水縣矣然上勦龍萬之舉尙須具稟請示由中丞遙爲斟酌派定何營再行前往誠不知其何說也

十六日晴辰飯後赴濬兄營籌商一切接左先生書午飯後復赴蔭兄營中面商桂林危在旦夕我軍不能久留於此擬定十七逼城而壘幫同各營掘濠成後我軍南旋則以蔭軍分勦峽江之二千餘人實之則圍日密賊可盡殲是日省局委員趙從九德誠解餉九千八百有奇截至三

月初八日止

十七日兩進紮之議不行送希兄起程回瑞接黃遊戎蕭守備稟馬廷柯黃金亮圍桂林之北被官軍擊敗退三十里蔣千總俊敷帶全勇五百赴援柳州之賊亦逼城西云云此四月初四所發之稟不知確否也夏懋翁書來當復之發福將軍稟夜作書上左先生

十八日兩鎮日解餉趙委員回湘發崇通蒲全案保舉稟並因團紳黎受齊全家殉節爲之請卹又補開楊邦傑蔣德安及在營病故之外委潘玉春彙案請卹以示激勸而慰忠魂又發湘鄉移文拏辦章厚坤東安移文拏辦席世

鈞肅營政也

十九日雨鎮日泥澶深尺餘甚苦我士卒也接院批初五日所發稟接黃南坡信云初九日吉鳳兩營攻克吉水是日城賊乘勢出犯經和長各營痛勦旋聞龍泉警報鳳營留二千人駐吉水兼防永豐股匪上竄餘軍悉行撤回商擬趙玉翁援龍邑鳳營派一千人助贛軍進勦萬安旁邑若能肅清郡城當易得手耳申刻濬兄專人來云劉養翁已至彼營乃與鐵凱梅諸兄商定大概冒雨馳往至則養翁已去矣乃宿濬兄帳中

二十日雨午刻霽色稍開旋又微雨已刻自濬營便過蔭

營商一切然謀事在人成事在天殊增焦灼耳作書致養翁夜接回信約由橫河乘舟來會於燕子磯地方

二十一日雨午後見日色轉瞬間卽陰矣辰刻至燕子磯候良久養素觀察乘舟至令牽馬迎至民舍細談一切接左先生書

二十二日辰刻日出卽率各旗長百長朱千總等派隊攜鋤畚至利橋岡仍分紮四營指畫已定余因腰上癩作疼先回屬鈴叔凱梅督率趕築營壘並令侍壯勇築外面前一隅牆子未刻皆成遂傳令拔營喜相距僅五六里勇夫往返兩次將應用之物概行搬到新壘惜物力不少也蔭

軍與江味根亦在左邊築壘賊出數百人來撲江軍蔭濟
各營齊起擊之追至城下幸獲全勝因大雨驟來收隊而
返我營因見賊少兵多未出且須冒雨支撐帳房也諸務
粗畢而連綿之雨至矣黃昏雨中見斜陽明朝其晴霽乎
接左先生四月十三日書言劉梅心陣亡於龍泉可痛之
至從此二桂恐又多事也奈何而蔣薌泉甫去永州探稟
又云賊有攻全州之說勞辛翁信來止頗有著急之意豈
桂林事稍鬆而逆賊卽注意竄楚乎湘水之南終難安枕
耳

二十三日晴作書致劉養素觀察又專勇赴龍泉桂東詢

胡達人近狀並彼中軍情又作書復江西方伯耆九峯署
廉訪李黼堂署糧道聯君皆理善後總局者也辰刻至江
味根營周視近城形勢又到蔭兄各部營均坐談慰勉而
拊循之巡視各旗並吉字營外牆子尙屬堅厚是日水師
與城賊壘礮如雷鏖戰竟日並焚中洲上接濟逆匪民屋
以示懲創夜中五旗張百長報稱河中火光來往城中光
亦閃閃疑是賊遁發數十人潛至城下密覘之

二十四日晴辰刻接黃遊戎等稟稱桂林賊回竄臨川興
安已分三股一出西延一出咸水一出石塘墟等語似此
情形賊注意分竄我楚無疑而官軍盡在黃沙河一隅且

不甚厚何能分布耶永寶二郡其首先受敵乎接劉養翁
信知水陸均紮迴龍寺上下距城亦不過四五里與各營
首尾相應此公真可人也是日養翁水陸均出隊濬軍亦
出應奈賊死拒不出然水師逼城轟擊竟日耗賊子藥亦
不少矣是日至蕭濬翁營便道會蔭兄午刻歸令伐營前
大樹之遮目者斬騷擾之勇一名傳首示眾然吾心傷矣
令合營戒葷酒三日發湖北回文信件

二十五日晴東南風大作早飯後傳集百長誥誠復申明
營門之禁止營二層每日夜派左右壯各一隊分守之旁
門責成旗上較昔日百倍嚴緊然日久怠生天下事大抵

如此此吾所以更服芝生所謂常惺惺法也午後與梅弟
至吉字營並一二旗五六旗巡閱遙見騎白驃似是濬翁
正往五六旗去蓋欲晤我也亟遣人邀之同至中軍商籌
一切薄暮送歸接閱養翁致濬翁書云文中丞調進京者
方伯遷巡撫學使龍翰臣遷藩司一轉移閒氣象大是不
同可爲額手也發撫憲稟二扣一爲甯遠毛駱二姓案一
爲稟革彭乾世周甲龍二弁並寄復左先生石翁信東安
民人唐本篤來稟稱勇目席世鈞侵蝕卹銀事確實乃移
文該縣令嚴行拏究發各路回文信件
二十六日晴東北風大作晨飯後至濬營卽邀同田興恕

楊桓升兩參將等帶隊往北城外履勘掘壕進紮之處蔭兄養翁繼至因晤商一切通山縣局紳陳源轉至言及新令尹廉而過厚人地不甚相宜特札諸蘭谷往查辦積匪當得妥協耳

二十七日晴東風大作辰刻傳各旗長百長等誥誡並訊楊生和侵蝕長夫口糧事已刻劉蔭兄濬翁江味兄田忠普參戎與恕楊墨林參戎恒升先後到營會商午酌後先派二三五六旗出隊誘賊後與各營官齊至河邊用繩丈量至西門外一帶共八百丈每十丈用石灰號計我營及吉字營並蔭翁全軍江味兄一軍派勻挖壕寬深均定四

丈我營按人數派占二百六十丈吉字營占六十丈其餘四百八十丈則劉江兩軍勻分之西北一帶則濬兄田楊諸營並劉養翁全軍分占開挖眾擊易舉成功當在二十日內外也是日賊出數十人循城而走適余丈地已畢卽指揮劈山礮全隊轟擊之兩次斃賊五六名賊退匿不復出始收隊徐歸此到江西初發利市也憤懣可勝言哉二十八日晴黎明傳旗長等告知一切飯後發三礮各旗齊出乃親往指畫勻派至河邊令掘土作圍便伏劈山大礮又麾勇至城邊山上誘賊賊不敢出祇開船一隻逆流而上連開數礮我勇不少動俟船至近連開二礮正中賊

船飛駛而退復有一船繼至亦止開二礮擊走之傷斃數賊第三旗開壕處古塚太多乃請鈴叔往勘紆繞數丈地祇移塚數處實不得已也所幸盡皆骸骨從容取出完好如故謹移他處並有焚香化紙錢者諸勇居心之厚如此余心亦稍安焉午後賊船四隻齊上令五六旗劈山礮各隊擊退之挖壕者依然用力未嘗稍動也申刻先發三礮一三五旗收隊少頃又發三礮二四六旗收隊庶不擁擠免爲賊乘是午賊忽厥南門出數十人祇在城下未敢遠出也未刻至濬兄營渠方與養翁在西北山上丈地並先築壘以便移營也濬兄回營後晤商一切便道過蔭營而

歸是日三旗右哨因紆繞數丈地較他哨過遠鈴叔督公
長夫幫之昭公平也朱石翁宗族四人至詢知自撫建逃
出難民說僞國宗韋逆已被廣碼殺死僞遜天侯吳逆之
家室亦爲廣碼所殺長毛見多逃散者廣碼則盡歸建昌
也又聞潛兄云臨城逃出民人云二十七夜易姓首逆與
張姓首逆爭鬪謂先不肯走今則無路可走也潛兄又云
二十五日瑞賊忽出峙軍越壕迎擊賊殊死戰殺賊極多
峙軍陣亡百長一名勇數名傷者百餘到瑞及葑爲第一
次血戰困獸猶鬪其信然乎

二十九日晴東北風大作晨飯後至工所閱視一次鈴凱

梅仍竟日監督之午飯後又親往巡視接江西惲廉訪李
聯兩觀察公函云因聞余恙中丞以次皆懸念特遣醫謝
喬年來視新中丞耆公復專勇持刺候問雅意拳拳殊可
感也然余疥癬之疾愈久矣夜傳百長訓誥之是日再揭
示催鄉民薙髮以示區別左侍一隊火勇鄧宗攀祁陽人
在營三年不願充勇賺四十餘金分借與各勇身邊尙帶
數金平時戒他人勿近城毋傍礮今日忽自至城下脫去
腰牌號褂與賊攀談被擒去少刻懸首城上其衣物賬目
幸爲旁人攜歸其情形不惟理不可推亦數中之奇者
五月初一日晴辰刻發家信專勇往袁州採買灰鐵兩項

以便修造鋤頭農飯後至工所勘驗石多頗費人力隨至
蔭兄營籌商晤營令名文慶者始知桂林賊悉竄興安柳
州賊尙未合股則楚粵之交暫可安枕午飯後歸營劉養
翁約大舉攻城殊不知戰者之百不如守者之一况未有
攻具別無良圖肉薄而登祇恐傷損亦復何益之有康令
信云新淦賊已有數百西渡渠率礮船十五號往新淦一
帶巡哨又謂橫河無船亦可過其信然乎復函令設法開
挖當傳令各旗並知會各營加意嚴防之

初二日晴午刻熱甚辰刻至濬兄營晤養翁蔭翁籌商一
切未刻回營接黃南翁信吉安各軍初九克吉水十八日

復永豐龍泉軍情甚好劉梅心陣亡後各弁勇固守營盤
軍器未失復經胡達人及吳廣文糾合團勇連獲大捷軍
威復振趙玉翁又派勇千餘前往協勦矣周梧岡二十四
日帶勇三千由秦萬進勦直搗龍泉吉郡之水東劉竹亭
已經移駐而以戈船往來河干斷賊接濟若此則吉賊亦
將坐困耳接時兄信云生獲賊探訊知城賊實止五六千
婦女日夜號哭糧食諸項皆不能給大眾惶懼見在趕造
火藥定於日內拚死突圍走上高一路等語康令函云本
日哨至新淦城邊遇賊開仗並探知縣城之賊不及二千
過河僅二百餘爲擄掠計非援賊也且云已雇民夫千二

百人淘挖橫河果能成功乃妙今日養翁陸軍在中洲開仗我軍劈山礮濱河而擊亦傷斃船中之賊養翁擬以陸軍紮中洲果爾則賊之接濟真斷矣夜傳百長告知一切初三日晴東北風大作豫章諸公所薦謝先生來赴席飯畢贈之歸並作稟函謝耆中丞憚廉訪李聯兩觀察親往工所巡閱昨夜會各營各出三成隊於四五更時施放火器環攻之賊屹不動但憑城放槍各營均有傷者殊覺無味乃作書致養翁瀆翁約以挖壕修壘爲事養兄復書又約開挖地道更窳礙難行也當徐議之初四日晴辰刻至工所巡視工程尙未及三分之一令人

焦灼是日養翁水陸兩軍在中洲開仗我勇棄鋤鍬執旗
械接應之賊退進城午後至蔭潛兩兄處晤商作書致養
翁約來日會議又致希兄迪兄楊厚兄彭雪兄書接康令
信云吉安收復官軍於初一日已刻進城果爾大是快事
然恐未確也

初五日晴北風掘壕工休息一日各營往來持刺酬應午
刻會飲王心初兄在座乃湘東之胞兄也座間兄弟聚會
併毅兄梅弟四人而已誦王摩詰異鄉爲客之句能無黯
然夜召吉字營朱晉升與各旗長飲誥誠之接左先書云
云解餉二萬赴粵西矣

初六日晴仍興掘壕工作如前加派壯勇掘退水之處計七十四丈地辰刻赴蔭兄處會養翁濬兄商定一切午後回營石翁弟姪四人至詢悉已離虎口雖產業蕩然然人口完全亦大幸事康令國器約出奇環攻之計此公有心人竊欣佩焉惜黃昏北風大作今夜計不能成悵惘久之接文輔卿初三信知吉安仍未克復然四面圍攻此後當可望乎接營菴書疊疊數千言令人讀之不厭其長希菴專勇迎鐵兄並述四月二十五日賊由皖省逼黃梅廣濟者經都將軍多都統等大捷破賊壘二十餘座其由河南省境繞窺蘄州者寶武等勇戰不利退紮蘄城潤公已加

派兵勇赴援矣且李鶴人帶二千五百人繞道河南赴皖
應援亦適相值軍威定可復振等語又云瑞賊將竄無論
何往希兄峙兄躡追之必殺盡乃止竇獲我心若依前議
由南竄則南門外官軍追之由北竄則北門外官軍追之
則事或未可知也是日我營劈山礮近城擊賊之挖城壕
者斃賊數名五旗勇受傷一名亟令譚驥雲等治之

初七日陰東風大作間有小雨令凱梅閱各旗槍礮操接
瑞州各營官回信各以滅盡竄賊自任深爲欣慰峙兄且
云城賊無糧每日人給半斤油鹽則須打仗之日人給一
錢每夜賊必施放火器欲張虛聲驚官軍日內定當竄出

也接連州張漪珊回信並團紳黃允武等稟知勒怡田鎮軍去冬十一月赴援清遠守土之官逃者逃死者死而怡翁毅然以城守自任瀕危者屢今春制軍調東陂觀團勇三千張霽堂少府及成兆侯等率往馳援連獲大捷逼近城邊與勒怡翁內外夾擊遂解城圍餘賊悉遁入山扼險自固楚粵之路遂通殊爲忻快接郭秋湖先生信云四月初三日吳羽臣已由宜起程前赴東粵矣夜查獲飛虎勇之滋事者重行處治

初八日雨鐵兄本擬赴希兒之招雨阻未行夜接蔭兄轉據李承立參戎來信云石逆韋逆由福建敗回率賊萬餘

已至新淦將欲援臨等語當夜函復卽以勦淦邑自任夜與鐵兄紱至二更

初九日閒有雨黎明傳旗百長等告以淮備拔營均欣然允諾卽至蔭兄處籌商飯後始歸先是鐵兄束裝將赴瑞適隱霞兄以夜夢不祥屢卜不吉亟欲歸省鐵兄遂約伴同歸不赴瑞矣午刻濬兄至是日賊分股齊出各營甫出隊賊悉返奔矣接康令稟云萬餘之說並無其事各勇因病因家事告歸者紛紛幸續到餉銀半月稍可支持耳初十日晴作家書交楊七兄持歸配藥接康令信云淦城賊實無多約會進勦惜我營壕工未成尙待數日耳康令

旋率師船由橫河來與賊開仗午飯後令凱梅往見之乃
送鐵兄隱兄起程先同至濬兄營一談鐵隱兩兄卽長行
改由瑞州以歸也

十一日晴辰刻至掘壕工所巡視一周將有七八分工程
矣各營則否吉字營之工程亦不逮各旗午刻朱石翁弟
姪來營談及由江西樂安竄閩之賊已擾近汀州由撫建
而竄延平邵武一股多被百姓殺死者殊堪欣快不識汀
郡之民亦能自強如此否接康令稟約四更水陸并攻當
卽飛致濬蔭兩兄並約會時刻口號又遣人至沙河康令
處回信夜傳旗長百長密告之

十二日黎明雨辰後陰未刻晴昨夜四更雨水師不能舉
事陸營出隊冒雨候久乃歸黎明後水師開仗又令一二
三四旗出隊接應之旋親往船中晤康令面詢一切伊軍
所載乾柴等物擬燒賊船者悉堆河洲上謀事在人能無
慨乎作書致養翁張漪珊送海國圖志連日讀一過申刻
騎圈子馬適百姓呼冤查是膽勇強姦案乃遣侍勇併原
告送蔭兄處處治詎行至中途膽營竟敢將犯勇槍去實
屬可惡卽專告蔭兄知之當必嚴究之矣

十三日晴辰刻赴工所巡視日中暑氣如沸傳令擇陰處
稍爲休息甯早出遲歸爲愈耳接養翁書以渠之陸軍見

移中洲而北門外壕工必須民力成之而地界太寬又不
得不藉田楊軍力且云江昧根擬移紮中洲欲得蔭兄一
言爲準等語兩事皆難處者申刻至濟蔭營二更後戴月
而歸

十四日晴接吉安文輔卿信係迎鐵兄者吉水楊令稟賊
至該縣境幸援師退擊烏江地方卽專勇往探消息又因
峙兄誤殺蔭軍勇二名作書致希菴峙兄遺熊常富持往
接左先生石翁書並翔岡警齋信午初蔭兄至籌商一切
再至壕所閱工夜令各旗出隊接應楚營之築壘者

十五日晴黃昏雨一陣黎明登樓遙望義勇膽飛虎勇楚

勇三營逼近城邊築壘僅相距十餘丈城上賊甚稠密卽令加隊前往辰刻親往督戰賊悉在南面施放槍礮子如雨點乃揮令劈山礮移至城下對城上大礮眼塚口轟之賊少卻然以閣城槍礮專注一隅其密可知乃傳令六旗勇分作三起幫築營壘遣王清華回營令飛信致養翁濟翁康令督水陸各軍迅卽會攻示以必克以圖牽制分賊勢午刻各軍齊至南面之礮稍稍稀矣余歸營食畢仍卽馳往與鈴叔凱兄梅弟分督各勇痛擊出城迎戰逆賊轟斃不計其數吉字營且奪大黃旗一面楊參府營勇迎戰甚力蕭田則因賊未敢近斬獲恐不多也蔭兄屬我營代辦

舊絮十四石以作攔牌戍刻三營工程已過大半各勇分隊守之我營留一三五各營成三隊作接應黃昏時候冒雨整隊齊歸是日合力齊心大加懲創逆賊應已膽寒各營傷亡合計亦在百名以外我營六旗勇陣亡二名受傷者約一二十名吉字營陣亡二名傷者六十餘名賊放大礮三次子顆重十五斤實未傷一人且不能及遠也康令復書因赴新淦和埠一路未能會攻定於明日前來夜接伯兄季弟書續接康令稟云橫河水涸不能前來也三更以後賊由城上放噴筒火彈擲入新壘內各壘守勇不爲動殊可喜也

十六日晴午刻大雷雨卽開霽未刻以後陰自黎明至黃昏派各旗更番迭出以便迎戰而示閒暇作書上伯兄專勇送去筠田丁內艱厚賻之歸已刻康令因水漲帶師船進泊臨河來營面商擬扛礮至新壘內逼城而轟卽函致蔭兒必牆子加工告竣并築礮臺乃可行事朱石翁乃弟帶新淦紳士三人來見人頗明白曉以大義而激勵之當可得指臂之助也午後蔭溶兩兄至談至未正同至新壘巡視江味根在左義勇居中盧凌漢之飛虎勇崔大光之膽勇並楚勇合築一壘在右手瀕河山上皆呈告奮勇者也逆賊時出時入往撲西北門外蕭田楊諸營彼來我往

無甚好仗也接彭雪琴復書讀至橫堅拚此身何須愛惜
不禁黯然心傷渠以八營水師分防內河數百里又無一
陸營輔之而子藥之求且多掣肘可敬可歎文輔卿黃南
坡趙玉班專勇來信皆言自水陸兩軍移紮水東城賊勢
孤不意樂安甯都水南各處援賊麇至十三日官軍過江
往剿失利同時吉水之師亦挫賊遂於水東築高壘搭浮
橋與城賊會合使防吉水之水師上下阻隔不能回營吉
水一城勢孤難守防兵退過贛江之西前功盡棄老營僅
存五千不能再剿水東乞我師由新淦而吉水而水東赴
援等因又云和鳳兩軍剿龍泉沿途獲勝已逼縣城初九

日賊搭浮橋向水南而竄各營邀擊斃賊甚多逃出萬餘人餘賊仍退入城人眾擁擠踏斷浮橋溺斃無算似此則上游兵力有餘矣且紫水東之長字新營僅勇千人與吉安老營相隔一江尙能自立賊之無能亦可概見彼處之失失在營雜而冗不相統屬勝則攘功敗不相救而諸公者不思力救其弊而徒張皇呼援臨郡當此萬分緊要之時我軍若可離早赴新淦矣又接希聖書云瑞州長壕續又加工浚之誓必困斃之不令一賊漏網果爾則後此踞城之賊當不敢死守矣李迪兄書云前扼駐潯郡東南者七千二百人前月二十二撥千五百人北渡防陸家嘴五

月初二又撥千八百人馳援蘄州圍城者僅三千餘人賊乃日日來戰連敗之始不復出此處離湖口梅家洲四十里前後受敵雖不能攻克城池實足制賊南援臨瑞西犯興國未便再分兵北渡也幸黃梅已獲大勝蘄州亦兵力甚厚可無返顧之虞云云楊厚菴回書云外江水師紮九江上之羅家嘴賊船悉聚湖口並於九江小池口兩岸架礮以遏水師進攻之路月之二日因蘄州有警新往布置以李副將成謀紮官牌夾遇賊開仗乘勝追至湖口收隊時失船十餘號勇百餘人雖不大傷元氣亦水師減色之事也云云各函均關緊要特摘錄之夜令各旗更番出隊

如昨夜

十七日陰小雨各旗出隊如昨日發北撫憲稟續保崇陽團紳四人因諸令之請也康令稟來求借伙藥勻四百斤與之作書復季弟並寄表一件熊常富回營稟述峙衡誤戮事恐未能了殊可歎也午飯後往閱新壘江味根之壘極堅厚義勇次之飛虎膽勇又次之分別獎勸焉酉刻歸致書蔭兄並因礮臺未成扛礮轟擊之事須再遲一日致函康令緩圖

十八日晴辰刻至新壘內巡視巳刻玉仙汪生由寶郡繞長沙來帶李郵堂信并所擬稟稿欲以墊造槍礮之項報

捐情詞懇切閱之惻然心動接峙兄信固執一詞然人命至重如此何足以服人心耶午飯後至康令師船面商一切歸接黃南坡信云水東官軍退回西岸調趙復元攻龍泉之千人折回想能合擊援賊也又云吉水之師兩次挫失水軍隔絕亟望我軍由新淦赴援此十四所發書日來又不知何若深爲念之致書蔭溶養三兄告以擬於二十日拔營蔭兄苦畱少駐且上午賊在東門趕造浮橋是否棄城他遁抑或迎護援賊均未可知恐我軍去賊生覬覦勇心動搖潛兄回信亦云不敢置喙然南路大失所恃云云夜接康令稟云接豐城吳子序太史來信已撥旱勇一

千駐鐵爐頭遏撫州援賊來路則其氣脈已斷矣

十九日晴東風大作水師大礮先後移至新壘偏城轟擊
倒其垛口盈丈辰末養蔭濟三公及田興恕先後到營堅
留我軍少駐惟恐卽去因虞吉安警報續至未敢遽定申
刻遣易旗長致祭壕邊古墓酉刻賊乘雨出犯新壘卽率
侍壯六成隊飛馳接應一三五旗繼之賊望風敗退入城
戌刻收隊夜仍派出如昨接文黼卿信又乞援師云水東
一營已轉老營屯紮和營分出之千人亦由龍泉折回自
云可以勉強支持總以吉水水東爲急然據我營探報吉
水之師亦退西岸憑河而守足遏克鋒而此閒攻剿萬緊

不容鬆動通籌全局止得暫緩拔營也發全州永州一帶探信三更後賊出城驚我新壘守者未出我勇分道接應賊敗退四更後忽出大股拚死來撲且火器極多一三五旗正當輪守之時乘濛濛月色由壕邊急馳迎戰槍礮排擊賊背城死拒至五更三點復令二四六旗加隊接應又亂轟之賊始入城

二十日兩午後日出卯刻接吉安公函云援賊沓至紛來動稱盈萬岌岌不能自固辰刻又接哈玉麟探報云偽禱天侯掃地王等逆率援賊數萬因臨江合圍已密不能渡河且無供應是以盡赴吉安等語似此情形不得不急往

援剿定計二十一日拔營由峽江趨吉水卽新淦之攻亦
不得不緩之也復函告之以壯其膽並屬沿途送信以便
相急趨援卽函告蔭濬兩兄並致函康令早飯後至蔭兄
濬兄面商一切

二十一日雨卯刻賊出城撲新壘專勇往探正欲起程忽
報義勇新壘被賊攻破搶去大礮各營接應賊已入城矣
江味根至言義勇情節可疑渠營人少幸能固守乃請蔭
兄至商定本日黃昏派隊接應將新壘卽便撤回憑壕而
守而前功盡棄殊可惜也然不如此又恐再挫轉張賊勢
已刻起程吉字營爲前隊一二三四旗次之侍壯又次之

五六旗在後拔營時小雨濛濛烟霧四塞且草棚依舊完好不似空營賊當不知我軍之退也行三十里至太坪墟冒雨又行三十里至羅坊住宿戌刻大雨五六旗相隔三十里

二十二日雨卯刻忽報水陡漲衝斷浮橋急令紳士責成橋夫並派侍壯趕搭先兩次下錨釘於河中數十人拽之西邊之半截浮橋將橫矣其纜忽斷第三次乃下大錨又用新棕繩篋纜拽之始成一半仍到舊宿處午餐全橋搭成乃令侍壯及各旗次第而渡五六旗亦到矣令何本高等嚴督之吉字營與四旗先夜駐河東已行二十餘里不

不等各旗侍壯行三十餘里宿洲頭一帶傍晚又大雨泥濘路滑長夫亦有未至者作書寄吉安大營

二十三日大雨下午晴霽戌刻又大雨卯刻吉字營先行侍壯繼之各旗又繼之途中大雨行李多霑溼午刻行三十五里至峽江縣城兵火之餘空城寂寞可慘之至午飯後天晴乃令吉字營一三四旗啟行約行三十里駐宿余與二五六旗侍壯則駐縣城內城背山面水誠形勝之區也戌刻又大雨續探未至擬齊至阜田再定行止

二十四日晴昨夜接探報云水東之賊不能渡江各營尙能固守遂決計由吉水直趨水東行三十里至嶺口午餐

又十五里至曾家村接文黼卿信又十里至阜田又接文
黼兄信其意亦欲我軍出吉水趨水東所見正同慰愜之
至又接吉水楊尹信云聞我軍至先備船數十號且有師
船在彼諒可敷用均作書復之代理峽江縣令楊貳尹名
德新者來見訓勉之趣其赴任辦地方要事夜傳令嚴查
騷擾

二十五日晴夜五更大雨行三十里至雲莊午食畢行二
十里至三曲灘駐典鋪中黎柳章蕭四守備由吉水過江
來見吉水縣楊令來見詢悉一切蔭兄書到云二十一日
又將新壘折毀退回老營憑壕而守又接李明惠遊府仁

和墟來信謂淦邑賊備竹筏將西渡援臨又欲我軍先期
淦城復信辭之洪茂勝回自曾府接沅浦回信洪勇稟稱
滌帥因居宅逼隘指揮工匠新築其家服食器用無不樸
實儉德足以風矣

二十六日晴楊令月樵來見其人敦厚明練未可量也卽
邀同沿江查勘對岸地勢黎守戎來見願率二十名勇前
導探路慰勉之通城沈訓導來信謂有司過於慈祥事多
掣肘欲我委警齊再往督辦團務殊滯礙難行甚哉賢有
司之難得也兩接文黼卿信所探各情似不甚確接潤公
批稟並信云所請崇通蒲山四縣保案一字不改謂余事

事求實也蕭守戎開印來稟云派五成水師駛至吉郡北門兩岸賊壘均伏未出祇白鷺洲書院中有賊數百站隊據此則賊之畏怯可知吉郡總局紳廖梓臣薦紳士劉燧基來見以其熟悉情形也詢之果然申刻傳百長什長等至厥坪分示一切夜傳旗長百長誥誡並訊朱泗清洋烟案局紳送米四十石豬三十隻勉受而均給之接蔭兄信云臨城賊二十二早出數百人比令勇越壕誘戰賊又退去後出大股一由西門以圖牽制各營一由河邊蓋知湘營已退欲鈔楚營後路也適仁和墟調回楚營一千名駐湘勇舊營刀劍森列槍礮轟然賊懼而退西門一股亦退

惟依城放槍而已似此則蔭濟兩軍攻雖未可猝得守則確有裕餘也

二十七日晴黎明行十里至龍王廟吉字營先渡次親兵各旗長夫伙勇挨次過渡長夫等亦依隊伍而行第六旗押後先渡贛江經吉水城下再渡小船多渡速又行三十里午刻至周家嶺距水東賊營僅三四里吉郡城池及官軍壘一望相接乃據形勝指揮築壘該逆五六千分道來撲亦分迎之戰逾時賊大敗走殺之數百其沿河一股多淹水中左二股急竄入壘乘勢撲之破其一營我勇復拚死力次第破之賊冒火出者悉爲我勇所殺賊屍山積池

壕爲滿共踏賊營五賊村二我勇及吉字營傷者百餘陣
亡者約二十名旗長易都司殉之可勝悼惜共斃賊近二
千水溺火焚者不計其數生擒二百餘名訊據供稱僞檢
點等首逆多已陣斬獲軍械無算馬數十匹當飛告隔江
并臨瑞各營

二十八日晴率侍壯五成隊並五六旗往昨日戰處巡閱
至梅家渡乃令各勇屯住率親兵數人乘戰船渡江過陶
守備營少坐卽至文輔卿營少頃劉竹亭趙玉翁並廬陵
縣令皆至戌刻回營

二十九日晴吉水楊令送鹽百斤油二百八十斤米五十

三月廿五日
石分給各旗營函屬勿再運以示體恤黃南坡過江來見
戌刻鈴叔甲二姪回自安福查明宗系邀三人攜譜回來
忻慰之至探報萬安官軍挫失賊已潰出分竄韶口各路
泰和戒嚴幸龍泉克復在卽當有兵力可分耳續據探報
萬安賊已至水南距此百里與二十七日敗匪合股俟探
的當乘勢往剿如該逆肯來就戮則大妙事

三十日晴黎明傳旗長百長誥誠辰飯後送黃南坡歸文
輔卿擬來賀朔辭謝之探報前日敗匪已由樂安望撫建
而去而萬安一股則至直下一帶擬卽率勇馳剿當函商
黃南坡文輔卿詳繪地圖預備渡小河船隻以利進行旋

接南坡信云萬安竄出之韋逆一股見在甯都之石城地方永豐藤田丁江烏江等處無賊其禱天侯掃地王之說並無此稱前日鏡頭庫戶地方有水東敗賊五六百過去內帶傷者百餘人空轎一乘並無馬匹有大旗二桿小旗數枝又敗賊在該處鄉村喫酒飯言此次約損好手二千餘人亡檢點指揮七名將軍十數名賊頭謝道雲亦已礮斃打仗老手均被圍殺矣萬安城內股賊於二十四夜逃出由沙村固陂過水南界往白沙沙溪一路而去共有數千內大腳婦女小孩約千餘查沙溪乃上永豐之路上通甯都下通樂安橫出撫建屬地等語

閏五月初一日晴東南風大作黎明各旗賀朔獨三旗旗長不見心傷久之已刻吉水紳士來見剴切誥誡不覺唇焦舌敝也未刻黃南坡書至令拔貢蕭煥唐監生劉璽來見復細詢一切約南翁及各紳士明日到總局余渡江會議辦團事探報萬安賊股往來富灘一帶輔卿信謂將西渡恐不確也蓋既遇二十七敗匪懾我兵威必東竄空虛之地何至反走死路乎是日發省中文書左先生信李郵堂將私墊各項稟請報捐亦代爲申送

初二日晴辰刻過江至總局會集黃南坡及各營官並紳士劉瞻巖殿撰彭太守胡內翰慷慨陳論眾皆欣感夜宿

總局接福將軍批稟頗周詳懇至但恐徒爲紙上談耳發
江西省勝仗稟咨各件

初三日晴辰刻報賊出城遂往和字營登高望之賊分四
支而來各營齊出與賊對轟槍礮團練數百人竟至螺子
山搖旗助威少頃長字營由中路衝出以爲不橫截於左
必橫截於右喜不自禁不料其仍前對轟而已午刻各收
隊賊亦入城聞鳳字營除往龍泉外餘一千人賊雖近營
亦不敢出必他營接應到乃敢迎戰其怯如此集各營官
剴切陳本日之戰未識以余言爲然否也又傳近吉郡城
圍丁數百激其義憤并教以戰陣之法皆鼓舞歡呼感激

泣下真好百姓中丞前批諸公稟令自舉統領黃南坡趙玉班劉竹亭文輔卿遂於初一日稟請中丞派余統領令比追還皆不肯然余初一夜接中丞札調回南以南北兩路均喫緊也如見四君稟或當不允耳黃南翁致季翁信述二十七大勝情形且云江西用兵以來第一勝仗接黃遊戎稟報五月中旬圍桂林賊有一股南竄沙子街已陷平樂府城而省城西路賊用草人守棚不知何往北路賊則北竄石塘墟一帶距全州僅三十里矣

初四日晴作勸團告示成一面趕繕託南翁發刻擬遣人回里致祭易旗長輓之聯云陡喪我健將一員痛出師相

隨六載血汗衣猶溼誰了爾要事三件矧新婚遽別九原
遺憾夏應寒酉刻傳集百長什長告以進勦水南並誥誠
一切今三四旗各哨日夜巡防水東河岸如二十七日以
後嚴謹

初五日晴五更六旗中哨先行余率親兵繼之次六旗左
右兩哨次五旗二旗一旗次鋤箕擔火夫擔吉字營押後
行四十里至施家場午膳又三十里至帶園分駐民房探
報水南白沙均無賊悉往樂安竄去悔憤之至余又受暑
頭痛異常擬令吉字營往水南一旗六旗往白沙紮駐勸
團並帶薙髮告示其餘各勇隨余轉水東老營且自欲急

於醫調也已傳令矣戌刻接黃南坡信並永豐報知初一三十兩日水東敗賊二三千竄至梅坑經永豐藤田勇擊退往樂安初二日又有萬安敗賊五六千由吉水白沙竄至鷹嘴嶺該縣集勇往剿眾寡不敵團勇散去賊至藤田焚般擄掠縣城可危託瞻巖轉求我軍由藤市進剿樂安緣樂安新添各處敗賊不下七八千終恐爲永豐之患也余聞信時病卽霍然而愈蓋服痧藥三丸之功且念永豐團練新挫若不急拯之後將不可問遂決計由白沙出藤田直擣樂安以顧大局乃另傳令依次第而行作書飛致章令

初六日晴大南風黎明啟行午刻抵白沙市探問不走沙溪逕達藤田僅六十里一日可到乃駐萬壽宮各勇均寓民舍廟宇余偶患頭痛腹脹服應靈丹太乙丹發汗少愈卽睡紳民焚香跪接者較昨日更多均慰遣之賊四更遺其所書逆目姓名偽戢蓋爲後至者作路引其烏合情狀如此是夜四更造飯五更啟行

初七日晴黎明時已行十里又三十里過硬脊嶺上下並行嶺脊上共約十里又平地上行五里始至藤田百姓歡聲如雷挑泉水備茶湯以餉士卒又念肩挑難於過嶺撥百餘人往接擔子並四處傳紳士之遠避者又鳴鑼街上

令各家摘小菜平價出賣其民情之厚如此且此地並未蓄髮大義凜然最所難得探報賊離此二十里之水口屯駐爲數甚多應急剿之以振軍威則樂安之賊更當易與定計出家黃昏時永豐章令率潮勇三百興勇二百名至各紳民裁弁陸續來見不暇細談但屬趕繪地圖速覓嚮導並爲代雇短夫以便拔營因傳說長夫多未到痧斃者一人故必須添短夫以示體恤又令彭長春星夜持各藥丹鐵針等物越大嶺急治發痧證者令各旗速查長夫之未至者發信致六兄屬湘東兄趕來行營以醫病者並專人赴長沙買藿香四千丸痧藥二百瓶備用余先兩日坐

轎午後熱甚今日馬行二十里因路遠到遲亦受暑病發如昨日渴甚飲水不知凡幾劉子雲開方余斟酌之一劑病若失夜傳百長誥誠之

初八日晴五更正欲出隊適報甯都州敗匪三四千已竄

沙溪在藤田之後不能不先剿之乃令多發偵探分途前

去屢報水口嶺下之賊又東竄流坑水南一帶此係樂安地名非吉

水縣所轄之水南墟也距樂安僅四十里而沙溪一股則四出滋擾

有一賊探至離藤田十五里之巖防地方我探勇打斃之

黃昏探賊由沙溪進至破塘一帶離此止四十里而地圖

嚮導俱齊余病初愈乃屬鈴叔梅弟率一二五六旗往剿

二更造飯三更蓐食卽行是晚樂安逃出一童生與靳令
專差同至云初二以後萬安水東各股敗匪均經駐樂安
賊首指使由旁徑趨宜黃縣往建昌府竄去並未經過樂
邑城內而城中存賊無多但初八日駐水南流坑者則不
知何往云惟初五起程以來沿途百姓均稱賊夥自言二
十七水東之仗自打江山以來從未敗到這樣從未見過
這樣利害官兵萬安竄出之賊實有二三萬人先本欲來
水東以援吉安聞此信不敢少停遂改口云我們暫往撫
歇伏觀此光景樂安將不待戰而復矣

初九日晴辰刻鈴叔梅弟率各旗至獺形地方距沙溪十

里遂分支鈴叔督一二旗走左小路梅弟督五六旗走右
天路六旗爲前隊衝入破塘賊巢尙多未起圍殺四百餘
名乘勝急追至沙溪各村內之賊紛紛而出層層包裹第
六旗勇陣亡四十七名受傷二十九名一二五旗勇分道
馳至般透重圍賊悉敗走追追沙溪八里之慕藪地方斃
賊千數百名奪獲槍械旗幟數百件生擒賊四十餘名申
刻整隊徐歸是日劉子雲督團助戰團丁悉聽指揮殊可
嘉也訊生擒賊供此股二三萬人將援吉臨兩郡當函屬
六兄凱兄由水東轉丁江一帶來會師屬西岸諸公酌撥
吉水防兵一千駐水東巡防以免郡賊乘虛竄出並屬分

派水師趕來醫傷其老營之傷病未愈者概送吉水城撥人調養夜令旗百長妥爲料理傷亡弁勇屬章令轉飭團局代購棺木二十餘具夜中均已齊全矣探報僞禱天侯胡壽階憤其黨挫敗必欲前來報復

初十日晴北風大作黎明出紮藤田墟外正築壘聞報賊果至瑤嶺下距營十餘里乃預爲布置令吉字營出右路一二旗出左路親兵五六旗出中路令永豐章令帶所部潮勇福勇五百並團勇各分兩隊接應左右兩路又令偃旗息鼓低頭築壘若無其事少頃賊大至大小旗幟漫山塞野約二萬餘人層層伏於深林村莊時隱時見忽近忽

遠堅忍以待之漸逼漸近距營僅數十丈地仍按止不動
直遲至午正我勇食飲俱足料該逆遠來飢疲已極乃令
五六旗出列營前再將號旗搖動朱惟堂督吉字營蛇行
山林中近硬脊嶺下伏之一二旗由左路田洞而進賊以
全力拒之鏖戰閒遽令發號擂鼓同聲吶喊中路右路飛
馳疾進賊大敗奔一二旗由花門前橫截衝斷逆股盡殲
之乃與鈴叔梅弟分督窮追沿途斃賊不可計追至瑤嶺
路窄而險我勇槍擊矛刺但見賊屍紛紛滾下墜落巖壑
人馬層層覆壓且先墜者刀矛如萬筍出林後墜者攫之
而死是誠罪惡貫盈人力不勝誅天戮之最奇者追過山

脊該逆膽喪身疲多不能走惟伏地叩頭請死且有自刎於林莽者該逆拚攻藤田恃其黨眾兇頑傾巢而至轎馬服食器具之屬無不攜來無不拋棄旗幟礮械以萬數計木戳文冊不可勝紀塞滿道路人馬難行檢不勝檢麾令焚之乘勝追逐四十餘里至馬安石地方時已酉刻整隊回營約計斃賊近五千名各項乘馬坐轎逆目甚多但見其乘坐轎馬服色花樣者皆是也不暇細爲查訊惟僞禱天侯確爲吉字營斬殺獲其花帽等件送驗又生擒賊二百餘名分別斬釋我勇毫無寸傷尤屬快事復屬章令督團勇搜山復擒送多名稽其僞官冊載其入夥年月里居

多係粵湘皖鄂金陵各處老賊幾乎一網打盡矣

十一日晴探賊尙駐明德鄉一帶有一二千越瑤嶺而來
行來昨戰處蓋尋逆自之屍也誘之不至少頃潛行而去
接蔭兄書臨郡賊情如昨長壕工將竣殊可喜也李笠山
遊戎來書云吳子序太史督勇攻新淦已獲勝仗笠山又
助之圍城則我軍可免此行惜豐城有賊數百康國器水
師已調去矣黃遊府稟來云平樂府失守後渠奉黃鎮軍
調往永明與宋遊府防剿仙姑營新關口一帶我省南路
情形較鬆吉字營送驗僞禱天侯花冠等件團首蕭輝繳
僞總制陳逆木印等件各述圍殺首逆情形大快人意

十二日晴辰刻報賊又至瑤嶺令二旗往誘之賊不進不退已刻二旗徐徐而返賊乃魚貫下山用千里鏡遙窺之約五六千人午飯畢正欲往剿據報賊數千並無旗幟竹矛有亦不多由庵前下龍坑一帶翻山越竄已至南坑係通樂安之路樂安亦有大股賊至彼則旗械齊全蓋會合來迎也斬令有勇數百向紮該處不知潰散何處斬令幸已招至此閒矣竊料賊之弱者並其家室先走畱此悍賊來戰以圖牽制其心必不固宜急攻之令一五六旗各營各出隊分道疾馳余與梅弟督之追至嶺下該逆狂奔疾走遺棄行李婦女幼孩不可勝計呱呱之聲到處皆是

如行青草池塘蛙聲四起麾各勇分道上山窮追痛剿追至勒門斃賊約七八百名生擒大小賊並婦女二百餘人婦孺揀給團練攜去訊生賊云僞指揮何逆必欲由此衝過勒逼其黨來攻不聽戮數賊示威不敢不來又揚言已與官兵說明並不滋擾準其過境婦女信之亦隨至此是誠出人意料之外也初更後收隊回營太極鄉紳民醵豬隻米鹽等儀犒軍用鼓樂爆竹送至營門已候半日拜於馬首慰勉之諭令窮搜山谷

十三日晴發家信稟咨作書致左先生朱石翁據初探報賊匪約有萬餘自辰至午始陸續過齊石庵地方半有軍

器半無軍器二次探報賊由石庵全過朱窟永豐地界此處可分兩路一由南坑往樂安招攜司四十里平路一由龍溝往東安之善和市二十里山路訊賊供禱天侯實已被殺換韓將軍帶兵夥賊均不敢來祇何指揮不服要來的又供有一損天侯他帶的人多約有萬餘離臨江五十里紮營尙未開仗前有信與何指揮所說如此又供五月二十二日雩都興國兩處官兵約二三萬離甯都五里紮營半夜時林賊首開城逃走官兵是夜入城等供接左先生信云閱潤翁公牘云石逆五月二十六由安慶到彭澤意在擾鄂援江屬出奇制勝所論地勢賊情極周詳而所

望余者極懇至安敢不勉副之耶

十四日晴接吉安營來函欲予回軍水東非通籌全局之計也發札信調胡達人來此又發九江瑞州臨江兩湖吉安各路信並鈔寄稟稿又作書致雪琴午刻凱兒毅兒率三四旗到藤市會齊酉刻傳集紳士團丁數千人設高臺公案剴切開導之無不鼓舞歡忻義憤之氣百倍昨日報流坑一股尙屯駐至水口一帶擄百姓當夫又建醮敬神蓋將遁走矣今日之探依然如昨戌刻報甯都又有逆匪萬餘竄到沙溪十二日敗匪報稱由朱窟竄南坑到招攜司去矣沿路被各路團勇四處圍殺二千餘賊每哭跪求

饒團丁心慈殺至數名不忍下手竟縱之去其窮蹙竟如此其極聞信豐縣被圍八月之久竟能守住會昌縣被圍三次亦守住如此州縣官天下少有令人傾心嚮往不禁望風而拜也

十五日晴發稟次作書上左先生令梅弟料理所獲各小兒出諭招團民領去領者具結存案不許作踐轉賣如有親屬尋贖不許勒指雖如此盡心不識諸鄉民能如約否也

十六日晴辰刻接希兄信石逆五月二十六日至彭澤揚言分一股援江一股擾鄂月杪忽折回安慶聞因內亂偽

天王之子欲截殺石逆又聞因勝克齋之紅單船跟追之故尙未得的音然退安慶則確且云石逆裹脅皖省飢民最多雖百萬何難平耶接張漪珊霽堂信云軍中乏人士卒漸不耐久屬撥五百人協剿如此遠途疲於奔命況此閒無人可分耶中村團首來稟稱團丁張有福扼守隘口連殺四十餘賊當給六品翎頂獎之待後補保探報甯都竄匪已到龍江溪距沙溪五十里蓋甯都克復之信果確也

十七日晴黎明擺隊伍升蕭明聲作六旗旗長降張南桂爲五旗左哨正百長以其尙能知軍故從輕發落之作書

致潤翁並稟各仗情形下午撰書各處聯額養暇處頭
聯東山雲起湘水波澄額知仁樂地萍鄉禹王宮額大
智乎百丈祖祠我懷明德永豐中村忠義祠重如泰山
聯云二百年飲和食德義不與賊俱生甯一戰沙場殞
作聖代良民作祖宗孝子七十人戮力同心志在敵干
愾看千秋廟祀旌忠爲山河生色爲日月增輝團局額
眾志成城戍刻探報龍江溪賊之前隊已至沙溪旋又
回數里

十八日晴申刻大風驟雨旋即止接家信解到太乙丹
件作書致勒怡田張漪珊張霽堂並鈔寄稟稿探報賊

股踞沙溪各團摩拳擦掌企望官兵之至定計派六旗隊
往剿

十九日晴霽黎明率六成隊起行沿途賊屍尙未收埋臭
氣薰蒸不可聞行五十里午正抵沙溪擇地安營少頃大
雨如注至三更始止是夜代章令作團練說頗親切足動
聽

王壯武公遺集卷二十二目錄

日記四

自咸豐七年閏五月二十日至八月初四日止爲一卷

王壯武公遺集卷二十二

日記四

咸豐丁巳日記

閏五月二十日陰辰刻將團練說稟續成午刻接中丞札并季公信均以石逆上犯屬予率軍回臨江趨德安往截之而不知該逆已折回安慶也又接江西善後局諸公信亟稱水東之捷爲江西軍興所僅見譽之毋迺太甚又接安福縣黎令稟及訓導徐樹春稟并練團條規此君似能辦事然未得一面不能遽信爲可人也申刻賊來數百人離營三里許搖旂旋即飛走我勇亦不之追大約此來實

是打擄不知我軍已到此閒也

二十一日陰辰刻復毅兄信交胡月池帶去午刻接到毅兄來信內附伯兄鐵兄各函忽探賊約七八千人分道前來傳令各旂卽速造飯飽食靜以待之少頃賊之中路已撲近營前迺暗令三四旂由右路潛出請凱兄率左壯勇爲接應令吉字營及一二旂由右路潛出請梅弟率右壯勇爲接應而自與鈴叔率五六旂及侍勇由中路迎擊請子雲兄會同章令率團勇排列於後以助聲勢吉字營勇先至遇賊於右路山坡鏖戰多時我軍各路齊到遂奮擊之斬賊百七八十名賊大敗奔潰卽麾各勇追之至拱岡

背賊據山口以拒我勇奮擊賊又敗走追至韶源只見屯
賊約五萬人邨屋數百戶均紮滿其沿河十餘里連營不
絕我兵突至如霹靂一聲從天而下寇不知所措卽相率
奔潰遂將邨屋賊棚槩行放火乘勢追過上固前十餘里
賊皆梟水過河三五旂復追過河數里時已初更矣傳令
收隊回營往返八十里是役也我勇以一千一百之眾敵
五六萬之賊斬獲以二千計真戰事之最奇者也是夜雨
下

二十二日晴已刻審訊生擒賊據供此股多係贛州府南
康縣潭口人潭口地方數十里百姓均係從逆上年合僞

國宗洪逆各
等供是該逆
二件接崇陽
谷毅兄信蔭
已遠遁矣

二十三日晴
探賊竄何處
集以候官兵
樂安賊有回
寇千餘竄擾

決生擒賊數名戍刻接毅兄信又奉耆中丞來信

二十四日晴先夜五鼓由沙溪拔營行二十里東方始白再行四十里抵南陵一路均係山徑崎嶇僅容一騎我勇夫均已行疲矣遂宿焉而沿途賊屍暴露約三百名皆團勇之所截殺甚哉吾民之尙可用也探報賊尙去此不遠計明午可追到因念賊數四五萬人殺不勝殺其中未必盡甘心從逆者迺製一大旂先往諭之婦童降賊皆不殺又書揮千餘紙如有丟軍器跪地者不殺卽以拏獲之賊持去徧示當能活人多少命也戍刻將團練說親書一通二十五日晴黎明由南陵起程行三十里至小浦午飯適

有黃坡紳士來稱有千刀會賊目謝芸標率黨千餘竄擾黃坡正在與團勇交戰請卽應援迺傳令往救黃坡中途聞報賊已經敗走遂改程行抵甯都屬之羅阮宿焉探報賊離此十里屯紮擬明日前往追剿也戌刻作信復毅兄及蔭翁并復耆中丞李黼堂觀察信

二十六日陰辰刻將練勇芻言略刪改已刻正擬出隊忽大雨如注少頃雨住迺傳令分三路進剿是日殺賊二千五六百人斬其偽炎三十六正將軍蕭復勝士四十一軍總制廖逆士四十七總制曹逆等多名其偽金三十六正將軍毛福富已自縊於河邊樹下矣而眾賊之自縊自刎

及投水死者不計其數當我勇追殺之時該逆有以頭撞地而求死者有以頭插入泥淖中求死不得者予迺傳令各勇使之大呼凡老幼婦女一槩不殺丟軍器跪地者不殺頃刻拔出婦孺衰裔近萬人此舉雖似姑息然實不忍無辜之民同遭殺戮也是役我勇以千人敵賊眾四五萬之多窮追五十餘里而勇無受傷者可謂幸矣申刻收隊而回接到毅兄信文輔卿信胡達人信

二十七日雨辰刻審決生擒各犯并請凱兄梅弟分訊之已刻章令靳令先後來晤午刻接到毅兄信并奉耆中丞批稟并札飭統領吉安全軍盛負益重予何能堪戊刻作

書復黃南翁

二十八日辰刻接毅兄信并探報水東藤田沙溪各股賊竄回撫州城賊閉門不納必須打開永豐擊退官軍方許進城見在屯聚宜黃等語予遂決計先回藤田老營督辦團練以重後路之防然後進攻樂安迺令吉字營先行予定率各旂於明日拔營也已刻發復毅兄信程鴻賓批稟通山縣札午刻手錄練勇芻言三四葉未刻接毅兄信崇陽諸令稟局紳劉衡之稟楊熙業張聲訓稟戍刻斬令來晤

二十九日陰黎明由羅阮拔營適璜溪有紳士來見因該

處有興國縣團勇數千搶掠滋擾民不聊生請往救援迺請鈴叔梅弟率四旂前往鎮壓而自率各勇繞道釣峯藉耀兵威寒賊膽以固民心午刻抵小源因長夫未到遂止宿焉申刻探報二十六日敗賊仍折回古夏離小源僅八里蓋逆賊不知我兵又來此也擬明早拔營往剿之

六月初一日黎明派隊至古夏見該逆約萬人盡紮對河圩屋予迺令各勇伏於山之左右而自率十餘人至河邊誘之該逆見予按轡徐行護從人少果分數路過河趕來其中路之賊直向予處猛撲其來甚速予迺徐退該逆跟進離予僅數丈之遠直誘至山坡迺發鼓一聲我勇直前

突擊兩路伏兵突起該逆大敗而我右路之勇早已過河將該逆圍在波心前後夾擊斃賊無算餘匪聞風而逃子迺縱勇窮追三十餘里至鑪畬地方沿途斬殺約千餘人生擒百餘并擒其僞總制楊光裕等頭目數名查我勇無一受傷者據生擒賊云此股係千刀會匪因謝芸標會合僞洪國宗統下之木三十五正將軍伍福勝一股極爲精悍內中并無老幼婦女也我軍卽於是日移紮古夏擬住一、二天將此閒團練督飭辦成然後拔營回藤田耳鈴叔梅弟亦於未刻來此會合

初二日晴辰刻手錄練勇芻言四葉已刻審決生擒賊數

十名午初傳旂長百長屢勝之後毋得稍萌驕念發去毅
兄一信申刻探報廣昌又有賊數千已來東山壩離古夏
二十里擬明日出隊往剿之酉刻接奉撫批二件接毅兄
信黃南翁信劉蔭兄信吉安水東局紳士稟樂安崇仁二
縣紳士稟戍刻又傳諭旂長百長分付出隊事

初三日黎明出隊進剿東山壩之賊大獲全勝殺賊三千
有餘并斬其僞檢點張宗相僞指揮陳耀南曹信照首逆
多名生擒二百餘名奪騾馬百五十餘匹而我勇無一受
傷者據生擒賊供此次僞楊國宗由福建建甯府率眾萬
餘竄來思援吉安今日楊逆後隊未到此其先鋒也申刻

移營東山壩將生擒各賊審訊斬決

初四日晴辰刻手錄練勇芻言數葉午刻探報楊逆後隊已抵頭陂與昨日敗賊相會未初接胡中丞批稟殺兄信吉安諸公信知龍泉已克復爲之喜快然以萬餘之師圍此斗大之城數月於茲虛靡饑餓項轉深憤恨耳申刻傳諭各旂長百長什長嚴加訓飭

初五日晴辰刻手錄練勇芻言數葉已刻探勇回報僞國宗楊逆陸續趕至屯聚十餘里僞國宗洪逆亦來會似此情形該逆必須與我再來決戰可知午刻甯都州馮牧來見未刻靳令來見申刻接到殺兄信季翁信石翁信省局

二谷江西省局二谷巴陵黃令稟蕭千總稟黃南翁信章
令信戍刻作書復季公

初六日晴辰刻手錄練勇芻言數葉已刻偕子山往河中
洲上四圍箐深樹密中有一寺到此心曠神怡儼然別有
天地矣予迺以小君山名之惜乎兵燹之餘墻壁傾圮老
僧不知所往不覺感慨係之午刻斬令來見申刻探報僞
國宗楊洪韋石諸逆均已會合一處然擁數萬眾不敢前
來可知其無能耳

初七日辰刻發南翁信輔卿信李希迪二兄信巴陵黃令
信江西湖南省局咨文午刻傳諭各旂百長嚴密哨探昭

其慎也接毅兄信戌刻又接毅兄信黃南翁信黃趙文劉
諸君來稟

初八日陰黎明傳集各旂長百長什長散勇嚴申軍令有
功者賞之有罪者罰之巳刻各團紳士陸續來見團練大
有起色矣午刻探報賊會股屯聚頭陂者僞國宗楊洪韋
石四逆而外又有所謂七國宗亦楊秀清之弟也戌刻接
耆中丞信李迪兄希兄信

初九日晴巳刻各鄉紳士陸續來見并繳呈團勇名冊聽
候查驗可見其實力奉行矣接毅兄信彭雪翁信蕭濬翁
信劉養翁信比卽復之又接峽江楊令稟未刻復耆中丞

信九江李鎮軍信

初十日晴辰刻手錄練勇芻言數葉已刻傳諭各勇嚴加申儆午刻審決賊探一名接毅兄信申刻復接毅兄信伯兄季弟信知二親健王如常喜慰無極又接鎮堃雲岑雲窗諸友信又接季公信并鈔 上諭一道知滌帥制滿仍須赴營而 諭旨褒美逾恆 聖恩高厚迺至於此爲臣子者將何以圖所報稱也

十一日晴辰刻作書復季公又發家信一通已刻拏斬馮牧所帶之姦淫搶掠嘉勇一名以示懲儆午刻有古夏八十八歲老人來見迺爲治具而加禮以待之接朱遊擊稟

朱惟堂稟

十二日晴辰刻手錄練勇芻言數葉已刻探報頭陂賊已於昨日遁走爲之愕然蓋此股賊早知無能而予之不進兵者因該逆合股已至十餘萬之多我兵僅千餘眾寡太相懸殊不得不稍緩數日布置料理然後奮擊斷不料其遽然逃避也是日因探報不的故未拔營晚間長髮探回知該逆多竄廣昌雷頭陂者不過數千矣夜閒嚴責探勇之不確實者以示儆惕

十三日晴辰刻探報昨竄廣昌之賊旋又轉來又云楊僞宗一股實已竄往廣昌不得其確甚哉偵探之難也發復

毅兄信并令病勇槩回藤田醫治午刻手錄練勇芻言且
喜告成各團呈繳勇冊因請梅弟點名已有數千戌刻接
子雲信比卽作復是日子患傷寒精神亦不能繼殊爲鬱
悶之至

十四日晴辰起腹內疼痛甚劇已刻接毅兄信午刻探勇
回稱頭陂賊已於昨夜走盡惜哉已準擬今夜五鼓拔營
追剿也未刻接奉耆中丞信劉蔭翁信黃遊擊蕭千總稟
趙玉翁信江西善後局咨湖北省局咨湖南省局咨樂安
紳士稟

十五日晴黎明由東山壩拔營行三十里午初抵頭陂該

處鋪房約數百間經賊住後污穢已極飭速埽除各旂分
紮卽各處陸續而至之團勇亦紮於此惟予腹內疼痛益
劇午正幸服唐八先生藥方稍愈午末奉接北省胡中丞
札南省駱中丞札及左季翁信皆調予回省援鄂也酉刻
接李仙友信比卽作復酉末作書達毅兄

十六日晴辰刻發復季翁書毅兄信并發票兩張遣勇嚴
拏甯都柯樹下武生吳希端管竹阮監生高金漢以其故
抗辦團之令也昨日服唐八先生藥方今日精神稍振不
勝歡欣已刻將練勇芻言細閱數遍又自書序冠於卷首
午正接到李乙生先生書比卽作復酉刻傳各團紳士訓

其認真辦團且率團勇打仗向前

十七日晴四更出隊行二十里始天明進剿廣昌之賊追逐三十餘里大獲全勝殺賊約三千生擒百餘名拔出裹裔者計二千人奪獲馬匹軍械服物無算馬匹賞我勇器物以給團丁我勇受傷三名均不甚重予已病數日而今日剿賊病似全愈精神倍振豈賊罪惡貫盈天佑予以殲之耶亦可見戰敵尙氣氣振則病自去也申刻移營廣昌城外考棚一帶奉到官制軍札一件南撫憲稟批二件江省總局咨文二件鈔摺一本并黃南翁趙玉翁信宜春縣李公稟萍鄉縣哈爾噶稟及毅兄信臨湘邑紳士朱以鏞

謝恩稟

十八日晴黎明作書致毅兄辰初接朱惟堂干總稟比卽批復又復李明府乙生書并發諭四道與甯都紳士飭其加勁辦團午正復甯都州馮君信未刻始發未初接到江省撫憲札并善後總局咨文二件鈔摺一本未正接李乙生先生信比復發去未未將昨日所檢生賊審訊斬決呼甯都各團紳分別戒飭獎勵之令其各率團勇回去賞黃坡小浦團丁之尤出力者功牌凡四紙是夜大雨

十九日大雨如注辰刻以永豐中邨團練隨征得力大加獎賞擇百長之尤出力者給予功牌使暫歸農願畱者二

百餘聽之發甯都懷德鄉紳士札以該處屢遭兵燹不知
練團堵禦故嚴加札飭午後各旂探報敗賊鼠竄南豐縣
城又有稱殘匪竄至南豐不敢駐足者可見賊之膽落魂
飛也

二十日清晨大雨午後稍止夜仍滂沱辰正接李明府乙
生信并地圖謂敗賊多竄撫建後隊在南豐城者亦不能
駐足并問我軍何日拔營從何路進取比卽作復午未探
報回稱殘賊竄南豐不敢少歇并先存之匪與之竄往撫
建誠可信也余祇俟日內摒擋一切再率隊追剿如乘破
竹之勢迅克撫建則大局頓好矣

二十一日天霽辰正發家信蕭雲階帶去毅兄信及宜章

縣李萍鄉縣噶信後接到臨江劉三公信江忠義信劉蔭

翁信李承立信并李希兄致蔭翁信希信由蔭翁寄來言

其拔營往援鄂也又接永豐縣章子清信文輔卿紅白稟

趙玉班劉培元黃南翁文輔卿紅白稟稟其近日打仗屢勝惟十二之仗

都司陳光孚險凶殊為憫惜朱惟堂稟毅兄信亦一併接

到未末奉毅兄飛信稱吉安各軍於十七敗退五十里城

賊於西岸東岸殺戮百姓焚毀民房不覺心痛氣滿同時

又接胡達人稟蕭紹鈴稟胡稱軍饑支絀難赴大營蕭稟

其前復龍泉是晚擗搗一切即於三鼓拔營折回藤田進

攻吉安誓必搆穴擒魁始雪吾憾

二十二日晴卯刻發胡達人及蕭紹鈴批稟午刻抵洛口
該處紳士踵至稟見余將練團堵禦之事剴切開導又有
李乙生先生世兄來見余詢其尊翁近狀若何稱未得音
耗心殊念之比卽作書致乙生先生申刻接朱惟堂稟稱
樂安已於十九規復追賊三十餘里頗有斬獲心竊欣慰
昨晚由廣城拔營至此路程八十里沿途百姓均安堵如
故且扶老攜幼羅拜馬前擁擠難行瞻望咨嗟有泣下者
二十三日晴五鼓發致李乙生先生信朱惟堂批後卽行
起程行八十里至大乾竹卽駐於此沿途紳民用鼓吹迎

接禁之不能來稟見者亦應接不暇余總以齊心團練清
內匪禦外寇爲屬今日所經之路皆層峯疊嶂驕馬難容
均步行惟于山兄病尙未痊亦強力行眞爲可憫辰刻行
去洛口十餘里鈴叔梅弟率一旂錯行往中邨之路第該
處峰巒更多較走大乾竹之路爲尤苦也酉刻接到黃南
坡趙玉班劉培元文輔卿諸君稟稱其十七夜退紮固江
十八日皆退安福心中憤懣之至嗟我黎庶竭膏脂以佐
軍精今日何辜更遭慘劫也

二十四日晴余於昨夜三鼓先率勇起行囑凱子諸兄後
行疾趨六十里午正甫抵藤田老營適鈴叔梅弟亦到未

到老營時藤田紳士來接數里道旁觀者紛紛
後紳士來稟見及送扁繖禮物者絡繹而至余
習以絕去虛文力整團練諄諄戒勉之各紳民
然此閒民風實厚使江西各處皆若此而又多
府者以善用之何患逆賊之難剿滅哉余於此
矣

二十五日晴戌刻狂風大雨本日各都士民又
禮雅意拳拳祇得勉強受之聞其欲建生祠囑
爲禁止辦江楚臨吉各路文書信件并造成咸
二月二十日江華打仗起至本年六月初三甯

勝仗稟閱峽江令楊逢新致章大令信云瑞州衝出之廣賊千餘二十四竄至仁和官兵潰散五營俱焚幸臨江大營伊邇民團齊心登時圍剿轉敗爲勝餘賊數百竟犯峽江至烏口距城十餘里該縣出隊迎擊除逼潯外全數戮之一大快也又云吉安各營復振有進紮固江之說吉水楊令奉南翁命帶章柳二營一千人回守城池然已少有賊在城未知敢近否耳接朱惟堂稟云二十六日出隊會合斬令團勇進剿小陂大獲全勝欣慰之至夜發各路文件函信

二十八日上午晴下午陰夜雨寫百丈宗祠及各處匾對

成又書百丈渚美諸公墓碑成章子清至籌商一切吉水
樂安紳士同至皆乞大兵者也發福將軍復稟及各處回
信發中邨勇二百餘名給與第一旂號補旂幟札令紳士
督帶復命侍勇蔡允明副之發往廣昌交張署都司調遣
又挑團勇五百名發往樂安協防

二十九日晴書養暇處匾對并百丈宗祠內孝弟忠信禮
義廉恥大字對聯等字吉水邱紳八十歲昨日步行七十
里來營本日留午餐用轎送至花門前邨嬰鑠哉可敬也
而能督辦本邨團練之認真尤可敬也徐生梅蒼來留譚
半日叩其所學看性理書頗多此生具沈毅英果之槩而

有志於學擬攜之隨營相與切磋以成之夜作書致達人
速之來聞新淦之賊有回竄撫州之說必由崇宜樂安邊
界經過飛致靳公確探飛報以便察奪

三十日晴夜大雨接靳明府警報崇宜巨股虜至距樂安
均止百里勢殊岌岌遂決計先其所急夜傳百長諄諄誥
誠之至於泣下畱第一旂駐藤掘守札飭章令畱駐藤田
集團數百協助令各旂繳送舊旂二百餘面用一半插老
營以張聲威未刻章令至籌及一切而星高病在垂危亦
將後事託之矣

七月初一日晴五鼓親率侍壯先行二三四五旂繼之越

小嶺至水口到大湖坪午食飭廚役畱待各友兄余則先
馳午後抵流阮住董氏宗祠少頃各友至詢知毅兄凱梅
二君尙未起程需用夫馬最多不識能否過行也接峽江
楊令信云卽日會合水師往剿東岸水邊墟之賊殊爲可
嘉又云吉安各營已進紮澧田二十九在回江獲一勝仗
差強人意二更後毅兄凱兄梅弟均至惟鈴叔尙在製備
飛梯稍遲方來耳又因星高兄病益增劇畱湘東守醫之
其後事已屬章大令備之以防不虞耳

初二日晴發二四五六旂先行飛致靳公屬勿遠迎戒居
民勿放爆恐驚走逆賊使其前來就戮也書孝弟忠信禮

義廉恥八字較前更大而結構頗可觀漸熟故也午飯後
啟行第三旂押後戌刻抵樂城會斬令商籌一切探足自
吉郡水東附近回帶得吉水平塘團稟稱已殺打擄賊四
十餘名可喜之至數日來百病盡去精神完固惟星高病
在垂危而子山疾亦未愈深爲念之

初三日晴樂紳黃炳章來見因其狡猾過甚痛斥之盧劭
春兄至告以大賊未滅不宜先辦土匪恐反側不安從逆
之志益堅是爲賊多添死黨也屬轉告朱惟堂書紳謹記
發甯都團紳李乙生廣昌張都閩南豐孫大令信屬提宜
崇界上以待我軍至會合截剿原任樂安典史潘維新屢

戰立功力竭殉難伊子童生潘清漣稟請詳報批允之并以該童祖母近八旬贈銀屬歸好爲奉養不必溷跡軍營也午刻勇同吉臨專勇同至接各路文書信函二十餘件左先生書伯兄由袁醴發來書遠信難明宜其焦急之甚又接季弟書論剿石逆事甚周詳然今日得江省公文云石逆已於水師吳鎮軍處投誠大帥擬入 告予以官階招其黨羽但不識確否果爾則巨憝竟自此漏網矣夜聞各路探報賊迹尙遠難得的耗擬再任一二日待確審賊情定向何路進發也

初四日清晨晴已刻雨午初仍霽辰後率諸勇裱紙便作

大字日午作復季翁信接劉峴莊康令友之信及吉水縣
楊月槎信兩件峽江縣楊希之信稟各一件并文輔卿紅
白稟三件吉水楊令稟吉軍潰退祇得棄城而遁峽邑楊
令稟初一日進剿東岸大獲勝仗此二君者曷瞻識之相
去天淵予不禁憂喜交集矣比均作復飭吉令勉力圖維
以收桑榆之效勉峽令嚴加堵禦以防潰逆之衝而文所
稟事則以渠壘稟軍餉不給帳棚已敝且管帶之會丞久
不同營致該勇鼓譟莫資鎮壓然已飛札嚴拏滋鬧之犯
速解大營以憑究辦矣再加札嚴斥之未正復季公書成
凡十八紙并寄練勇芻言敍未刻辦各路文件夜間作書

致王惺原先生并寄練勇芻言改本及團練說作書達伯
兄寄稟彙日記信彙敘彙團練說鈔錄汾陽事蹟等件又
復劉峴莊信各旂探報尙無別情擬明日再探以便裁奪
初五日晴發江楚省及吉臨峽淦水陸各營稟咨信件發
左先生及王惺翁書家中平安信徐生梅蒼昨日如約至
營迺將綿陽學準閑存錄之三卷批點拈出示之以陽明
之學蔓延天下而江西之流毒尤甚斥其謬妄而抉其病
源未有如鹿洲先生之親切著明者擬以此卷付之攻木
氏與諸同志者講明正學力排異端江西之亂庶有身乎
午後作大字數十較前有進接李乙生回信甯都團練尙

好已與廣南勇團會合堵剿聞之慰甚今日續探崇宜股匪尙無動靜而淦吉情形與前又復不同正欲改圖適章子清信至云淦吉之匪有聯絡之勢迺定計初六拔營由永攻淦仍畱吉字營及中甸練勇在此會團防守并令該營探勇持大兵過境告示貼宜崇界上以張聲威戍刻斬公至籌商一切傳旂長百長訓告之飛信章子清於初六日回縣面商一切再返藤田并致鈴叔書請攜所造飛梯運赴永豐會合第一旂則仍穩住老營也

初六日辰晴午陰未大雨如注狂風折樹黎明拔營行四十里午正抵水南該紳旂鼓遠迎禁之不能稟見送水禮

者亦多鈴叔由藤解飛梯先至詢知星高已於昨早病亾
衣棺殯斂暫瘞於老營畔曷勝痛惜念自二年從征以來
事余若師若兄辦事勤能督敝奮往擬誘導陶成以儲

國用今迺云亾同思往事能不悲哉午飯後囑子山宿此
明日徐來又行二十里至楊洲邨莊天已昏各夫未至草
草下榻并無鋪枕凱毅諸兄卽宿距此閒十里之牛山今
晚諸友未至獨坐寂然言念星高我心益傷矣泥深路滑
舉步維艱夫勇之辛苦尤難釋然本日在水南奉撫憲初
一初三勝仗批二件中有該道用兵如神自軍興以來未
有之語益深慙懼又奉撫憲札一件飭胡達人率勇五百

急赴大營惟中多不滿之詞其
可知矣是日與中閱鹿洲先生
者法程讀講學規儀令人神游
油然自生矣讀閉存錄卷四
較新吾先生呻吟語尤爲切
道之否塞已久讀太極西銘
也

初七日上午小雨下午大雨
揚洲啟行午刻抵永豐百姓
急揮令戍起之官紳皆來接

三月二十五日
逃六月十七在吉郡受驚情形夜又至暢譚一切章子清
兄二更趕回余先已睡矣辭俟來朝晤商接南撫憲札行
知 上諭蒙賞加愛什蘭巴圖魯勇號 聖恩高厚

有加無已誦杜工部未有涓埃答聖朝之句能無勉旃接
江楚撫憲及兩省總局札文批稟咨移各件峽令函稱吉
安各營已進紮洋口司矣楊明順與章柳二營移駐桐江
并稱劉培元以水師口糧不繼飭其駛往臨江歸劉養翁
統之不日放行其不顧全局大率如此可慨也夫雖該令
稟劉蔭翁請飭先赴臨江之吉字營水師趕來峽江又不
識能至否也朱惟堂信致凱章稱宜黃之賊已至河口排

擬於初六晚打館浯漳初七攻樂城賊眾有五六千云云似難盡信文輔卿公牘至雖已勉強進紮仍是不聽指揮因發告示馳往諭之泰和紳士孫志銘稟防城堵卡事尙妥當可喜之至黃遊擊六月十三日稟到廣西平樂府賊分竄沙子街渠營尙隔九十餘里已嚴爲之防我邊或可無虞然不能不憂也前日發送家信及江楚公文者均由吉水八都折回以賊阻故專勇回接胡達人回信定十三日拔營前來雖有事牽掣然亦未免太遲矣是日途中觀陽明傳習錄一本似較從前看時更能辨其惑世誣民之所以然也

初八日大雨如注早起因梅蒼請號擬以復齋呼之取剝極必復之義蓋深有望於徐生也章大令林少尹至商及一切早膳後接朱惟堂稟宜黃大股五六萬已出至河口排聲稱攻樂安出永豐以通臨吉兩郡之賊公陂偽彭監軍一股亦糾撫郡賊萬餘來攻飛報請示因思吉郡各營已分進洋口司楓田探得淦賊實不甚多尙在八都一帶徘徊瞻顧丁江則并無大股也又連閱峽江泰和吉臨兩郡各路文報熟思審處必先由崇宜下手迺令各旂整頓行裝傳請章大令劉殿撰面商一切午初發二三旂先行卽率侍壯繼之臨發輕雨灑車心甚喜之四五六旂跟進

行十餘里爲小河所阻僅小舟一隻挨次渡濟令人悶甚至七都令勇夫趕行務至水南住宿恩恩飲食卽行至楊洲已大昏黑篝火又行三十里至水南宿焉時已四鼓矣是日行六十里實抵官路八十里途中閱陽明語錄一卷歎其天資之美惜好高立異自矜捷得故以自誤者誤天下萬世得罪於聖賢而不自知也又閱永豐志各圖

初九日微雨午後日色偶見而雨仍未止也黎明啟行先夜令紳士傳上下渡船齊至其得大船三隻過渡尙速辰刻接李乙生先生信知已率勇移紮東陂一帶嚴爲堵禦疾趨四十里午正抵樂城該處紳民鮮有知者予益使祕

之朱惟堂來見屬其嚴發偵探斬大令來見與之商爰一切午後作書達李春翁附水東以後稟稟及近日日記又書達朱石翁馮春翁均付團練說探報宜黃大股已分前隊至浯漳距此間三十里卽廣昌潰敗之楊洪二逆也崇仁亦添撫郡賊萬餘予喜此來正不先不後第不識其來就戮否也酉刻致書章子清稱胡達人軍至卽令駐藤田相機策應予俟崇宜事竣東盪西決惟我所願并一切賊情詳爲告之令會商凱兄或調一旂進剿八都而擣吉水相機行之達凱毅兄書亦如之

初十日稍霽辰刻作書致伯兄已正予親裱紙以便書孝

弟忠信禮義廉恥八大字午正新淦紳士聶寅斗來見細
詢該縣賊情并屬其繪地圖似正紳而能幹者卽發諭與
渠飭起辦團練以資保衛申刻發致章子清與毅兄書酉
刻作書致劉立莽先生劉隱霞吳翔岡并批翔岡所呈營
制數條又致書黎警齋兩書多箴規鞭辟之語以來書均
有虛受之誠故也復翁芸窗兄書佩其見道之明告語之
切爲力闢子靜陽明之學以期息邪說而昌正道爲挽回
人心風俗之本是日探報公陵之賊已近小陵而屯潯潭
者又分股至右路泰平市且喜團練極爲踴躍賊可滅矣
十一日天霽侵晨作致朱鐵橋兄書請其乘閒來營籌商

一切致石泉鎮堃雲岑均謝教而請益也午正探報公陂
之賊漸次逼近卽飭各旂排隊北城下潛伏以待少頃該
逆蜂擁而來約八九千人均甚兇悍二旂突出迎擊賊拌
命死拒各旂伏兵齊出賊大潰走追逐三十里至小陂地
方忽吉字營勇飛報泰平市一股已近城下團勇敗潰該
營難支等語余飭三五兩旂馳回繼令擔夫折轉各旂收
隊趕同行近城十餘里吉營又報尙距十里酉刻到城旂
上偵探泰平市賊祇前隊二三百人竄來離城二十餘里
地方團勇等聞此開大勝復力禦之賊仍敗退前兩報皆
虛妄也儻非該營之妄報跟追至公陂此股醜類必能剿

除盡淨以今日之戰各處團勇極得力而公陂之團練摩
厲以須尤足以資截勦是役獎賊近六千所棄軍械甚夥
我勇受錯傷十餘名幸均無大害耳戊刻接凱兇信稱丁
江烏江之賊悉退吉水子山將全愈矣接峽江楊令信云
初五日於該縣水東沿河勦賊獲捷欣慰之至三鼓發致
毅凱兩兇書

十二日晴黎明派吉字營出東門由白竹潭口進發斬明
府率練勇中邨勇亦出東門向潭溪沿漳進發二路本探
得無多賊特亦不得不一掃之余率本營勇出南門勦泰
平市屯聚大股行十五里至南陽殿賊前隊六七千人已

到分四路迎擊賊大敗追殺二十里至秦平市賊之大隊
盡出接應其二萬餘人拚死拒敵勢甚兇悍維時三旂五
旂先由右路趕到力戰半時賊見人少愈大呼來突頃之
二四旂殺盡左路之賊余與鈴叔率侍壯及六旂殺盡中
路之賊一齊趕到迺分布各勇左衝右突十盪十決賊大
敗亾命鼠竄我勇奮威追殺十五里至汪坊賊屍遍滿山
原田澗間因飢疲頗甚始作飯食之余與鈴叔梅邨又喫
爛粗米飯無油鹽南瓜各數盃蓋咸豐七年纔得此一飽
也食畢又追三十里至客馬塘則吉字營亦由白竹潭口
趕到靳公亦由潭溪沿漳趕到天色昏黑始令收隊其計

樊賊四千有奇而各處散匿深箐爲後來團練搜殺者又在二千內外之數我勇受傷數名隙亾二名奪馬數十匹旂幟擡槍刀矛之屬狼籍數十里無暇檢取也此兩仗均係撫建崇宜極選精悍惡賊前來就戮并無老幼婦女故較以前之仗爲稍硬然精銳旣盡以後想更易於得手特亦不敢不慎耳

十三日晴早起作書致季弟心牧囑其勉志聖學其中議論與前致芸窗書其相發明因鈔致渠書與觀已刻辦各路文件午刻出隊進剿去客馬塘二十里之鳳岡墟逆賊行五里遇賊前隊擊走之至林頭則僞七國宗楊國宗率

大股四萬餘賊在焉賊之馬隊首先衝來余揮侍壯勇用噴筒火包及各旂勇奮力衝突賊大潰敗分途痛追三四十里月上東山之巔始收隊回鳳岡墟宿焉是役斃賊一萬有奇沿途賊屍狼籍河水皆赤而高岸深谷有積屍至二三丈高者連人馬壓死在下我勇不暇殺也生擒賊四百餘名奪馬匹亦四百餘匹他物不計其數楊國宗身上佩物盡爲我勇得之我勇受傷數名均不甚重擬明日將所奪馬匹金玉等物分別作價賞給勇夫夜間接凱章信稱探初九日峽令及水師續獲勝仗八都墟之賊竄入吉水又接殺兄信稱永豐潮勇大鬧甚至儼如對敵者數次

人心惶惶晚間與凱章入城多方開導曉以大義該勇始盡歸棚欣慰之至然終不能無慮焉

十四日晴天未明發各勇分按敗匪辰刻接張都司孫大令紅夾稟稱初四日督勇克復南豐縣城池予於此憾喜交集憾則憾從前江省各憲不善識才幾使良將湮沒莫彰喜則喜二君者認真辦事英毅奮勇奏捷甚速而前發去之恃勇蔡永明率假湘勇與有力焉亦可愛也呼旂長哨長等諄諄告語戒勉之多發告示催此地趕齊團丁隨同征剿已正作書致六兄及凱章發連日所作伯兄季弟信及馮春翁黎警齋李春翁朱石翁劉蔭翁三公劉立丈

周健翁芸窗兄鐵橋兄石泉鎮堃雲岑隱霞翔岡諸信均
加書數行告以近日戰狀大略請伯兄派人分送買各勇
所奪賊玉器之無人承受者以奉 二親并以自娛此心
若爲稍動甚哉克己工夫之不容一刻間斷也接勦各勇
回多有所獲槩令梅邨訊決午飯後自作稟陳十一十二
十三戰狀十四接匪并接克復南豐信又請保廣昌張署
都司南豐孫代令永豐章代令樂安靳署令峽江楊代令
以示鼓勵黃昏脫稟接六兄信知潮勇已安靜慰甚夜觀
撫州府志圖

十五日晴黎明各長請安辰飯後因連日書信督戰精神

少困迺出游於野至一陳姓却有舊書室數椽曲檻明窗
綠水盈池小住其中悠然意遠取崇仁縣志觀之憶前日
交戰處見有極愚尙義坊呼邨儒數人問之答曰國初有
黃姓者多義舉自號極愚故 朝廷以尙義二字旌之余
不覺喟然嘆曰天下之亂巧所致也惟愚可以己之粵逆
滋事以來受害之地殆巧極之報耳營利逐末損人利己
廉恥不存節義盡廢有以愚呼之者且怫然怒矣誰是尙
尙義者前事如此可不亟思改圖耶因指志上理學忠孝
節義目錄示之曰爾輩今日尙知有此六字乎堯舜人皆
可爲特患志不立耳諸人惕然若有所感回繞一竹林中

夾小河兩岸蟬聲嘒嘒願而樂之下馬坐草茵納涼風一
種清閒之趣洋然胸次塵囂中尤難得此景象也近午始
回寓書信復六兄多刷團練說及告示付來午後忽患寒
熱之證一刻難支服子雲藥想易見效夜間早睡輾轉不
成寐

十六日濃雲密布北風大作未雨耳至夜雨始霽晨
飯後余始起病如故多發告示徧貼市邨催紳民鬚髮辦
團念民氣尙好而紳士多不鬚髮不辦團實深憤憾因拏
阻撓公事之紳士五人來營決斬三名重責兩名以示懲
戒已刻接靳大令信擬率勇至公陂嚴殺不鬚髮者所見

正合予意同時又接李乙生信守城不如堵隘駐廣弗若
掘南兩層極合機宜令人佩慰比均作復午後余病稍愈
請麗兄作告示諭撫建各屬紳民按都邨派壯丁速行齊
集自帶米糧各備稻草至撫建城下交割砌成磴道以克
城池囑雲兄辦理崇仁團練隨攻撫建探報崇城之賊多
竄撫郡宜黃賊聞亦將婦孩搬往撫郡該二城想可不攻
自破也酉初接永豐都戎吳石麟代令章澂吉水代令林
壽祖稟稱率所部及湘勇千餘於十四日酉刻進剿羅湖
鋪之賊殺斃數百大獲勝仗欣慰之至夜席閒囑諸友勤
辦營事以軍書旁午不可不急也二更發復章子清兄三

君及毅兄信

十七日辰刻雨如注午日偶見夜仍滂沱昨日所撤永樂零星團勇今早始歸辰後余強起請唐先生驗脉並囑子雲兄商同開方畢仍依枕而臥接凱兄信詳悉十四日在泰坪墟獲勝情形欣慰之至擬乘勢直擣八都墟進勦峽江尤見機宜妥愜又接南豐縣黃丞紅夾稟比復發去午後因病沈重一刻難禁仍請唐先生鈔方并與銀數兩請其於離此間二三十里地方買辦各藥酉初傳各旂旂長百長指授機宜有因河水波漲欲渡無舟止之今日辦好各路文件均擬明日槩發余因病重未及親驗實放心不

下然有麗兒料理自停當細密不致疏略也夜閒因前日
起至今晚祇昨午一食心實無賴各旂探報無甚別情
十八日侵晨大雨如注午閒稍霽夜仍滂沱辰刻發福將
軍北撫憲稟稟十一十二十三連捷又發撫憲稟峽江楊
令信黃遊擊蕭千總批稟鄭奠回信余強起似較昨日稍
爲清醒說懌之至第思正在乘破竹之勢直擣崇宜進規
撫建忽患寒熱之證稽延進師我心轉悶矣諸友兄勸告
謂此身爲 國民倚賴之身宜善爲調攝多服藥劑全痊
之後再整戎行進擣巢穴擒魁殲醜弗遺餘孽斯 國仇
復民害除亦此生一大快事也接鎮銘先生信稱見在公

二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

陂按捕餘匪聽候進止比卽作復囑其迅速回城籌畫善
後并防淦賊突衝余午餐雖未多食口味卻好酉正又接
鎮銘先生信比卽復之夜聞囑梅弟訊明所擊探賊卽行
正法并勤發偵探勿稍涉疏虞也

十九日侵晨細雨如絲辰後霽色頓開夜間風雨交作余
昨服唐先生藥今早起病已減半是知調寒熱之證必須
良醫而治蒼生之瘼何獨不然發諭與樂邑紳士王邦模
龔濬曾馥等豐邑紳士蔡從龍等迅速回籍清匪辦團又
諭飭此間紳士趕造浮橋以便進兵已正接永豐吳章林
三君紅凜欣慰十六已刻痛勦逼城逆賊追逐三十餘里

殺獎千餘此三君者真可人也又接凱兄信稟其十六日會商吳章林三君剿賊獲勝快慰之至比均作復午初接靳公稟并履歷及李乙生致渠信當卽復之未正呼聽事者傳諭各長余病已痊大半可上馬殺賊矣戊初奉到官制軍札一件左季翁書二緘又劉養翁劉蔭翁馮春翁及吳鵬王受各信并伯兄家書與毅兄信一併接到比於燈下一一閱之矣

二十日上午烏雲密布下午日色融融余早起將昨夜所接各路來信細閱一帛俱詳陳壺是欣慰之至而季翁之慮事周詳方人確當尤令人佩服無旣連日少曠今辰食

稍甘味自此余病將愈不勝欣忭迺強搦管復伯兄六兄
信已正接蕭濬翁李希兄王虛谷吉安紳士各函又高彥
驥稟一件文輔卿稟三件一併接到酉初接靳公信戊刻
接到江撫憲函南撫憲札江省局咨一件南省局咨一件
又戚少雲一函黃南翁兩函葆太守一函及巴陵縣黃峽
江縣楊郭寶田康國器各紅單稟康稟稱瑞州於十五日
卯刻克復而峙兄殉之痛哉何老天之慳吝良將埽蕩逆
氛一至如此也念 國家鼎沸之秋正賴二三君子相與
撐持以挽狂瀾於既倒雖烏公不祿江老旋陷塔帥云亾
羅師繼隕而後之繼起者亦應長畱天壤力勦妖氛而迺

忠勇如峙兄者遽又奪去己焉哉天實爲之謂之何哉然
天心雖未厭亂人力亦可撥治誓與李楊彭劉諸公斬盡
渠魁擣殘巢穴斯 國民之望克副而友朋之憾堪洩矣
今日探報宜黃之賊於十八日分兩股走盡一往建昌一
往撫州約四萬餘人又報僞石國宗昨日率黨數千折轉
崇仁城內等語該逆屢經挫敗魂飛膽落茲又折轉果屬
何故余俟病痊督勇進剿誓必盡數殲旃方伸憤憾

二十一日晴余因昨日服補劑太早今日昏迷之至竟几
未起仍用表劑解之甚哉凡事之宜以次而進也辰後發
復蕭濬翁劉養翁劉蔭翁文輔卿高彥驥王虛谷靳大令

三月五日
伯兄六兄凱兄吉安紳士各信及朱千總惟堂批稟接張
都司騰霄夾單稟李大令乙生信午後接斬明府信酉刻
接六兄信知凱兄已好大半子山全愈欣慰之至惟子清
兄病勢垂危良深繫念今日探報與昨同情

二十二日晴辰後發黃南翁康明府國器楊大令逢新回
信又發毅兄斬公信均告以崇宜近日賊情昨午湘兄自
永邑來擬方服藥昨晚熟眠今早清醒多多矣已正接斬
明府函比卽復之午後余病復稍昏迷適朱先生至又請
驗脉更方以其人頗稱明醫日前子山凱章子清諸君病
勢沈重服其藥皆得愈故服其方并見其說病之理極透

想易見效也申初給此開文生楊樹芬票飭卽督率團丁將樂邑杏樹下逆賊李大宗李仇李老三兄弟及其工人黃興等四人拏送大營訊明處治酉正接毅兄書藉悉日前函約伯兄由吉水前來派吉字營去接一節因探傅逆率黨仍踞楓林水邊墟之賊築壘三座是以彼此罷行見又飛信請伯兄自無賊之八都來想萬無一失也章大令服朱先生藥十愈五六慰甚本日探報宜城之賊如故崇城折轉之賊昨早出西門三十里至蘓阮地方打館其將別竄耶抑來就戮耶惟嚴發偵探窺其所向而剿之或不致漏網也

二十三日晴鎮日昏沈之至且念距賊五十里不能往勦
焦躁憤懣莫可名言亟欲扶病拔營諸友兄諫而止接胡
達人稟知十五日拔營由龍泉來當函致一切并批令赴
永豐城會商勦辦接斬公來信謂賊多竄桃溪墟距樂境
益遠而我處探報則由焦阮竄桃溪者止數百而大股悉
在崇仁注意攻樂星夜專人飛告并請嚴防章子清又稟
求借五千金我營何能辦此婉辭謝之接毅兄二十一夜
書知伯兄新軍將至矣慰甚夜四更發毅兄書請與伯兄
斟酌事勢如淦吉之賊果熾則分五百人來更換病者不
然則親率新勇千人速來爲便也

二十四日晴病狀如昨且口渴甚因以清粥代茶飲之已刻飛告伯兄請速來此會合進勦限二十五日卯刻遞到永豐接江省中丞福將軍鄂省中丞本省中丞批稟札件其批詞逾恆褒獎殊令人惶然不安耳接胡達人稟知二十二已到藤田令照前批速赴永城會商勦辦接劉養兄書言十四日卯刻攻入瑞郡盡殲之足以洩憤惟峙兄親冒矢石首先登城中槍斃匹惜哉痛哉代理永豐把總林珠稟湖勇鬧饑事嚴批責之并令善爲開導以期相安無事

二十五日晴夜雨病體稍減至夜仍昏沈發熱朱先生窮

思其理夜中配逍遙散服之約好辰刻接斬公捷報云二
十四日辰刻賊股竄逃公陂督勇追殺十餘里至河口一
帶少有斬獲寡旂奪鼓而還心中快甚因其請援飛告伯
兄由樂安出公陂會勦并以該逆注意竄樂屬其前鋒必
嚴加偵探也午後未見斬公續報心甚懸懸因屬鈴叔梅
弟傳令明朝拔營齊起直趨公陂恐伯兄雖來緩不濟急
也申刻探報九都一帶均有賊已竄公陂深爲斬公危之
卽令梅弟查明地勢改趨浯潭橫出小陂一帶迎頭截勦
飛信告伯兄知之接伯兄手書急欲勦吉水新淦蓋尙未
接請親至此聞之信也不然則拚擋起行來此矣本日發

靳公回書寄功牌十張以賞昨日有功者又發勸團告示
并起馬斗方告示囑四路張貼先以虛聲驅之使其懷疑
不進則吾事濟矣子山書來謂迺弟弄成大事急欲假歸
使我憂疑急問麗峰則云子山昨有書來迺弟少不更事
佃田二百四十千子山所謂大事蓋指此耳余心始釋然
然此特小事焉用著急卽令復書囑緩歸必病體稍健道
路大通迺可行又親加數語丁寧之必能聽我

二十六日雨鎮日昨夜服道遙散見效又連服之午後食
飯一盂粥一盃黃昏後雖發熱亦甚輕微且得熟眠從此
愈矣本日黎明冒雨拔營已刻抵涪漳止焉各受病勇夫

亦經此出樂安往永豐調理惟途中又受雨溼念之殊可
憐耳發崇仁二十二二十三三十四三十五各都諭
帖令嚴堵隘口發福將軍復稟并廣昌張都闖文輔兄回
信探報賊尙踞公陂也勇夫從永豐來說二十五日伯兄
率一旂與新勇吉字營出隊剿魚梁一帶屯賊諒不難一
鼓破之接樂城局紳稟云靳公不知見在何隘堵守念切
之至今日裕齋新吾子雲湘東皆帶病同行而凱兄又久
病瘡湘東不能回永爲之醫調令人益增焦急耳

二十七日上午陰間有小雨如絲下午晴余病又輕微先
後食粥四盃夜且熟眠不渴矣本日午刻由浯漳拔營行

三十里申刻抵樂城各紳來見詢斬公脊無下落多是不
保相與痛哭之昏憊中心痛益甚矣戌刻接伯兄信云二
十五日進勦羅湖鋪追三十里殺賊千餘名惟賊頗兇悍
張義貴權攝百長與賊對鏑肩側手腕均受傷其餘輕傷
十餘人一旂敵亾二名新勇敵亾四名可謂苦戰矣凱兄
信來告假然疾病非子山之比何必歸家調理當函復止
之

二十八日晴余病火氣漸降清爽之至惟大便閉結服生
軍少許適出恭耳已刻伯兄率新勇至敘譚一切快甚惟
聞斬公實已殉難暈慟之餘益昏憊矣接南興孫大令稟

報十四十五賊又撲城兩日三戰俱捷殺賊極多可謂能事矣接毅兒書云二十五日戰後烏江之賊多退魚梁一帶傳逆調不冒前令偽將軍往調欲圖再進而該逆亦不復再進矣本日食生梨一枚粥兩餐夜閒亦得熟寢

二十九日晴與伯兄熟商一切營務病狀如昨惟肛門生一小癰轉側頗難耳催令局紳發勇速覓斬公之骸探報公陂無大股多退崇仁界上崇城亦止餘數百賊大股悉由白壁鐵子嶺一帶竄豐城新淦界上偽石國宗亦去矣宜黃續到偽遼天侯吳逆一股約千餘人屯於城外各等語接李乙生信并附余紳所開宜黃正紳劣紳名單請分

別札飭催辦團練頗具苦心實宜黃紳士中之碩果矣悉
依行之發劉蔭翁劉養翁信請源源接濟吉字營水師口
糧子藥以期得力發永豐文武員弁札回信并飭吉水林
代令幫辦公事俾章子清安心調理使其速就痊好方好
視事發通山團紳札諭令黃紳回永豐便偕王紳歸去均
資送之勞其千里馳來之誠也安福兩族人住行營久亦
送歸將祖墓碑誌并宗祠我懷明德扁 誥封扁又贈宗
老重陽九十壽鳩杖生春扁七十壽彩煥極星扁又百丈
有讓老人與德配廖孺人百歲齊眉亙古少有贈人瑞雙
美四字

八月初一日晴余因病難起立傳諭免賀朔之禮肛門癩
疼甚不能坐懶食粥惟臥食烘糕梨子而已南城新城兩
縣紳士聯名請援福建邵武府匡太守稟來云該屬用聯
甲之法殺賊極多不復敢入境信乎人之貴自強也廣昌
張都閩稟來二十七日南豐復陷於賊孫代令不知下落
前功又隳惜哉斬公屍已昇至城內妥爲入殮

初二日晴疾狀食飲如昨日精神昏憊不耐久語耳午後
服生耆白朮大補劑一帖尙屬相安夜初更忽昏迷不省
事朱先生云係陰陽相駁所致三更後搗爛蔥薑炒熱熨
胸前又服潘醫藥稍清醒而伯兄等通宵不得眠焉滄紳

聶寅斗稟前月二十六二十七兩日僞國宗石逆率黨萬餘往曾家陂大塘一帶屯住打破團局搶去旂械各項二十八八九又有四十三檢點黃逆帶四五千人出峽江東岸鑪苞營盧檢點帶萬餘賊由七琴出新淦二十九日僞小國宗帶二千餘人在七琴屯駐并有先出淦邑之何逆帶千餘賊聽說是回撫州守城等語接馮州判嘉瓚信云奉委代理甯都州事宦場之不分黑白大率如此天下安得急臻治理哉探報崇仁一帶賊勢仍如二十九日所云宜黃紳士報稱僞丞相汪逆至虎骨渡已遣賊至宜城打館又將竄踞矣

初三日晴辰刻余昏沈之態益醒又服潘醫藥一帖出汗極多午後潘朱二醫與子雲各舉一方迥然各別迺服歸芍六君子湯一帖至戌刻毅兄所遣少朱先生至開方係耆朮熟地大補劑與老朱先生略同遂服之夜中益清爽五更起坐食粥一盂闔營同聲稱快焉接李乙生寄閩南豐唐紳元愷信云二十七日南豐失守悉係宜黃之賊駐城半日適潮勇數百紮洽灣以禦建郡之賊連日打仗得勝同城請功適遇此股打一大勝仗賊不敢駐城退往桃田三都梅樹下矣做縣不難復振黃分府紮白舍張都戎亦有兵在此防堵惟孫代縣不知下落各等語李乙生信

欲直趨宜城蓋未探知賊將復入也因復信飛告之凱兒寄閱探報二十五日大戰後烏江之賊悉遁吉水城外矣胡達人回信云遵屬止續招之信且佩余之遠慮焉

初四日晴黎明下牀出恭換去汗溼衣服鋪枕側面安眠半晌辰刻起坐服藥少頃又服粥一盂均能自擊其盃已刻服完昨夜所配之第二道藥又食粥一盃因催令速行配藥煎服

王壯武公遺集卷二十一終

湘潭朱士宜校勘

王壯武公遺集卷二十三目錄

練勇芻言

營制一

每隊之制

每哨之制

每營之制

長夫之制

隨營之制

帳棚之制

響器之制

旂幟之制

號衣之制

腰牌之制

名冊之制

結狀之制

職司二

營官之職

幫辦之職

正哨長之職

副哨長之職

什長之職

左伍長之職

右伍長之職

侍勇之職

壯勇之職

游勇之職

護勇之職

散勇之職

探勇之職

火勇之職

長夫之職

諸色隨營人等之職

號令三

響器

旂幟

暗號

賞罰四

重獻計

重偵探

別戰功

厚郵養

貴親愛

明功罪

辨尊卑

禁騷擾

絕謠言

戒漏洩

止譴譁

嚴出入

明分數

定晨昏

申夜禁

勤操習

重軍器

慎戰鬪

戒貪財

戒恃勝

練法五

練目之法

練耳之法

練口之法

練手之法

練足之法

練身之法

練心之法

練膽之法

練謀之法

練識之法

練氣之法

練精神之法

王壯武公遺集卷二十三

練勇芻言

營制一

每隊之制

擡槍每隊十四名其餘各隊均十二名 凡每隊有什長一名左伍長一名右伍長一名火勇一名散勇擡槍隊十名餘皆八名 刀鋪隊用叉鈿二架七尺鋪四枝長鋪二枝長刀二柄除什長掌旂火勇造飯外兩伍長用鈿左一左二右一右二用七尺鋪左三右三用長鋪左四右四用長刀 刀鋪隊兼佩腰刀及火罐火箭噴筒神鞭之屬

擡槍隊用擡槍四竿除什長火勇每三名共一竿每伍二竿第一竿左一擎尾左二清兜左三發火第二竿左四擎尾左五清兜左伍長發火第三竿右一擎尾右二清兜右三發火第四竿右四擎尾右五清兜右伍長發火 烏槍隊用烏槍十枝除什長火勇兩伍長與八散勇各用一枝 擡槍烏槍隊均兼佩雙刀

每哨之制

八十五名爲一哨 正哨長一名哨旂一護勇四名鈹二鎗二副哨長一名督令旂斬首刀各一護勇二名鼓一喇叭一共火勇一名護勇除專技外兼習放大礮 刀鎗三

隊擡槍二隊鳥槍一隊共六隊 各隊次第一 刀鎗二 擡槍三 刀鎗四 擡槍五 刀鎗六 鳥槍 一二隊三四隊五六隊爲三合刀鎗與槍緊相護衛

近日每哨添二隊爲第七隊第八隊七隊雜用刀鎗藤牌鳥槍八隊用劈山礮一尊兼習鳥槍藤牌刀鎗均十二人爲一隊兩隊亦緊相護衛共計一百九名爲一哨

每營之制

五百八名爲一營 每營四哨 外有中軍侍勇壯勇游勇各二隊均十二名爲一隊營官自領之所用軍器由營官酌定惟侍勇有習噴吶喇叭者數名壯勇游勇有習擊

鼓鳴鑼者數名均兼佩短槍或弓箭什伍長均兼習大礮

長夫之制

近日定例每勇百名長夫三十名是一營計之應得一百五十名擡槍每隊二名劈山礮隊三名均作私夫侍壯游勇及各哨烏槍刀鉤隊均歸四名侍勇隊用二名作私夫餘均用私夫一名所歸每隊之夫卽與每隊共寢食聽其什長管束其餘分歸四哨管理每哨正副哨長及護勇共用私夫二名

隨營之制

整容者縫衣者每哨只準一名年須二十以上

傷醫病醫發賣藥物食物及銅工鐵工木工諸色人等另
由營官派人管轄 惟測字算命之屬不準隨營與販賣
洋煙煽誘賭博諸犯一體嚴拏治罪

帳棚之制

每隊用帳棚二架分左右住什長住左伍棚內火勇住右
伍棚內長夫二棚分住 每哨棚用三架正副哨長共一
棚居中左棚住六護勇一火勇右棚住各長夫 一二三
四隊紮哨棚左五六七八隊紮哨棚右

響器之制

三眼號礮每營二竿但小營非分出在外不用開放噴喇

每營二枝 喇叭每營中軍二枝每哨一枝 鼓每營大者一面每哨小者一面 鑼每營大者一面更鑼二面 竹梆每隊一

旂幟之制

旂幟均用藍色爲主以賊旂用黃取木剋土之義 其制均用尖角惟營官大旂及方道旂用四方 其鑲邊色前哨用紅左哨用深藍右哨用白後哨用黑惟營官及親兵旂用黃鑲邊 又邊有全鑲與鑲上鑲下之分有全翦全不翦與翦上翦下之別

號衣之制

號衣均用藍色其鑲邊均照旂之鑲邊色樣衣扣用四當
要檢點不可缺一 號補用白布印字中書湘勇二大字
上注某營左旁注某哨右旁注某隊下注某名 長夫及
隨營人等亦發號補縫外衣上均注明某營某哨某隊

腰牌之制

寬用一寸五分長用一寸八分厚用一分上橫書某營中
直書姓名右旁注住某縣某都地名某處及身之長短鬚
之有無左旁注年若干歲某人係某年月日入營 若平
日作何生理及其父母兄弟妻子則另注於名冊上 長
夫隨營人等均給腰牌製亦略同

名冊之制

每營有一營冊每哨有一哨冊每月各營另編一冊交大營均注明生理父母兄弟妻子居年貌保人入營年月日長夫隨營人等名冊亦略同

結狀之制

每逢新勇入營必請的保具一切結呈營官長夫隨營人等亦然

職司二

營官之職

留心人材慎擇哨長什長以樸實寡言爲主每逢三八日

設茶召各哨長共飲商議一切軍務詳詢所轄什長稱職與否散勇之勤操聽令與否十四二十九爲比期滿傳各長各勇而賞罰升降之凡賞罰務須嚴明不可稍涉偏私每處斷一事必呼哨長什長共觀說明所以賞罰之故使徧諭散勇以爲勸懲若非逼近賊壘則可滿傳隨時訓勉之開誠布公申明大義務令聽者激發天良鼓舞感格而不自己又常親閱操練教習敵法毋令稍荒尤須同甘苦均勞逸恤飢寒問疾病以爲各長各勇倡則臨用時自如身之使臂臂之使指戰無不勝矣

幫辦之職

或幫同訓練督率或司偵探或司餼項或司文書或司軍器或司名冊功單務各勤慎盡職以匡營官之所不逮不可怠忽顛覆貽誤軍機尤不可越俎踰分自干罪戾實心實力以期相與有成其有品學兼優能統籌全局而不可羈以職守者營官當別以師禮賓禮待之不在此例

正哨長之職

平時訓飭各勇恪守營規每逢二七日設茶借副哨長呼各什長共飲卽察其能否規其過失詳論所管散勇之勤惰賢否及疾苦不便之處凡賞罰之事小者公平處斷之後稟明營官大者先稟知營官請決或營官令其代決然

後治之必復命焉若在途及臨敵時有不容緩辦者雖大
事亦可先行處決途間尤宜嚴加約束臨敵執旂奮勇當
先爲一哨倡餘略與營官同

副哨長之職

平時倡率各勇操習武藝相與反覆議論所以廝殺之法
常作臨敵時想無不窮到極處懶惰者告知正哨長而責
罰之不變卽稟知營官革之在途專管哨探賊情相地結
營交戰之事臨敵督各勇護正哨長奮勇向前退避者立
斬之觀望一切形勢相機應變餘略與正哨長同

什長之職

各勇之賢否勤惰營官不能周知卽哨長亦難盡曉惟什長與之居則其帳食則同餐其性情行事可以洞悉卽疾苦亦毫無隱藏須常常傳語訓誡解釋同隊小忿使皆如骨肉之相親時時倡習武藝使莫不極精極熟嚴加約束不聽令者必告知哨長聽其發落不得姑息隱徇疾病憂患必待之若同體一隊如是隊隊如是戰勝可必矣

左伍長之職

左伍長之設所以約束左伍卽以佐什長兼管全隊也什長有事離營則權攝什長事餘與什長略同

右伍長之職

右伍長之設以約束右伍卽以佐什長及左伍長也或什長左伍長均離營則亦權攝什長事餘與什長略同

侍勇之職

司傳呼鞭斬之事常時護著營官非奉差遣不得少離謹守營門嚴行稽查紮棚站堂皆分左右雖行路亦絲毫不可淆混尤須勤操武藝恪守營規爲各勇倡壯游勇略同

壯勇之職

司差遞送公文及探信臨敵則隨營官不得擅離

游勇之職

臨敵隨營官指揮策應各哨有缺則選補

護勇之職

聽哨長傳呼鞭扑之事臨敵正哨長護勇四名緊護正哨長帶勇向前副哨長護勇二名緊護副哨長督勇指揮尤須勤慎守法爲一哨倡

散勇之職

恪遵號令勤習武藝敬聽什長伍長約束不可稍離尤不得以小事遽行越訴

探勇之職

有長探派令遠探者是也有哨探出隊紮營時於近處數里數十里一帶探聽者是也長探以慎密的確爲主哨探

以次第飛報爲主

火勇之職

凡事斟酌預先料理造飯尤不得任意遲早須謹聽營中號令出隊送飯尤不得少誤

長夫之職

逸閒不得任意先後尤不得擅爲各勇私挑隨身軍器致誤大事

諸色隨營人等之職

爾等雖非當勇然既來隨營則須謹聽營規出入有時行止有定如有漏洩軍機造謠惑眾騷擾百姓及誘吸洋煙

賭博諸不法事與勇一例治罪

號令三

響器

號礮初昏時放一聲是定更礮天明時放一聲謂之醒礮
餘不亂放 又操演及打仗時忽放號礮一聲是要變敵
了 若吹噴吶時放號礮兩聲是滿傳或在營或行路或
操習忽連放號礮三聲卽肅靜頓住聽有何號令發下
又夜間忽放號礮三聲是有賊警各勇盡起準備但極要
肅靜切不可亂動一步亂喊一聲 又無事時營官出入
亦放三礮

噴呐專用以傳哨長什長吹一次哨長齊來連吹二次哨長率什長同來 若吹噴呐兼放號礮兩聲是滿傳哨長至散勇人人都來

喇叭有營中發的如吹第一盪火勇一齊煮飯第二盪通營一齊喫飯第三盪坐營則副哨長帶領操習行營則一齊拔營啟行是也 有路間發的如遇前有險阻則發喇叭一長聲令各勇戒備連發數長聲是急催各勇前進是也 有礮上發的如或酣戰時或伏兵突出時發喇叭作天鵝聲令各勇一齊喊呐是也

鼓以進兵 擊三通鼓則各勇均須戒嚴 擊鼓邊是教

槍礮手準備擊徧時忽從中重擊一聲始可開火 放礮
一徧鼓急急催是讓刀鋪向前奮殺 急催時忽稍緩略
緩復急催是更替接戰 進之緩急以鼓之緩急爲節若
臨敵變化之鼓則另有說卽鑼亦然 又打更者亦擊鼓
鑼以退兵 戰時忽鳴鑼三聲便須頓住 連鳴不止方
收兵退回 鑼忽歇又要回頭頓住再鳴又退如不再鳴
鑼而又擊鼓則仍要奮勇前進 退之遲速以鑼之遲速
爲節 若非打仗時而鳴鑼則必有大號令發下各勇均
須靜聽 又打點者亦用鑼
竹梆夜中用以擊更陸續遞擊不可絲毫雜亂這更畢將

起那更則一齊急擊十二聲然後按更擊之 吹第二盪
喇叭各棚齊擊梆一遍以二十四聲爲度然後喫飯

旂幟

旂幟爲三軍觀瞻所屬每隊有隊長旂每哨有哨長旂每
營有營官旂 初出隊時微微擺動以蓄其勢 招各勇
向前則向前麾退後則向後麾頓住則站腳處便是汎地
麾左則左進麾右則右進左右麾如魚擺尾樣是要向
左右擺開團團緊麾如捲簾樣是要聚合一處 槍什長
於將用槍時把旂向前壓下掀起來始可開火 有與金
鼓相應者有佐金鼓之所不及者平時習得極熟臨敵方

不忙亂

方道旂鑲邊及翦口照各哨旂樣但不用尖角耳麾某哨則用某哨方道旂

豹尾旂所以禁止出入此旂豎則欲相見者不拘何人非機密緊急事均行迴避

清道旂所以肅清道路此旂至則路人均須迴避 此與豹尾旂均不常用

報信旂用尖叉小紅旂遇有賊則搖之

暗號

凡在營每夜發二字作口號查營時遇著人來低聲呼上

一字來者卽低呼下一字應之應錯者登時拏問

夜間各勇腰牌密令挂在號衣第幾扣上以爲隨時暗記
斷不可亂差者拏究

近賊時傳暗號如傳雞毛是要飛速起行傳草木枝是教
少歇傳土塊是要紮營傳米粒是令造飯之類是也

賞罰四

重獻計

凡戰敵之事原貴集思廣益如有得賊之情狀及獻破賊
之方者不拘何人先密告哨長哨長卽行密稟營官如有
可採分別獎賞

因用所獻計而成功者卽以獻計之人爲頭功

重偵探

偵探最爲用兵喫緊之事如探得的情回報奔走不辭勞苦者分別議賞 若半途回轉聽人言虛報者重究

的探賊情因而行兵得功卽以探信者爲頭功 若因虛誑而誤大事者從重治罪

有能乘閒入賊營探得暗號及一切情事者破格議賞

如探子被害請照敵囚例優卹 若被賊生擒不屈而死

者另請 旌表 如見賊不回報而與之鬪及因自己

不密而致死者另議

別戰功

凡打仗以首先陷敵敗則殿後及倉猝時能出主意與擊獲賊目者爲第一等功齊心齊力鏖鬪殺獲多名者爲第二等功乘勢追剿殺獲多名者爲第三等功

有能救同事人危及殺獲傷我同事人之賊者亦列首功

厚卹養

打仗受傷者分別重輕部位賞給養傷銀兩

受傷成廢疾者除請給養傷銀兩外本營官設法贍養

打仗殞命者請給優卹銀兩入主忠義祠本營另酌給棺木安葬費

以上三條若係畏縮逃避及擅離隊伍爭功貪財所致者另議 或有因一人致死而全軍乘之遂獲大勝或被賊生擒雖受盡苦楚毫不爲屈至死猶有生氣者均另請旌表以示勸

貴親愛

同隊有受傷及疾病能盡心扶持調養不辭勞瘁者查明記功 各長不知體恤者輕者降職重者責革 同隊不知體恤者責罰 有不自知調攝者各長嚴誡之不聽稟明營官革之

有能倡率同隊人使皆循營規親長上勤操習者分別記

功 倡使狎侮懶惰者嚴行究治

以退讓化爭者記功 因小故而成大隙者重責

有能解釋同隊小忿使相親愛者記功 播弄者重究

能以武藝盡心教人者分別行賞願記功者聽之 吝不

旨傳授者不用

明功罪

有意埋沒人功者嚴究

奪人功爲己功者從重治罪

凡匿他人罪者連坐 若已經發覺而尙爲狡飾者同罪

如有受賄朦飾情事加等治罪

三月五日
三
各長不能約束所管轄之人以致犯令小者記過大者連坐若已發覺而尙爲狡飾及故縱犯令者加等治罪作證而意爲輕重者嚴究挾嫌誣人罪者卽以所罪罪之誣他人以脫己罪及主使犯令者均加等治罪

辨尊卑

兵勇爲 朝廷殺賊以賊犯上而作亂也故凡我勇切不可有狎侮長上及挾制情事如違軍法從事 凡勇雖有專管然遇別營營官別哨哨長等卽與己之營官己之哨長同尊如以非所管轄而欺侮之者嚴究 途間遇各處官長亦然

禁騷擾

募勇以殺賊誠痛恨賊之騷擾吾民也故我勇所過地方務須秋毫無犯不得強買強賣勒賒勒借擅動民間一草一木如違立斬

其有強姦婦女已成姦者凌遲處死未成者斬梟
婦女者從重治罪
調戲

長夫隨營人等有絲毫騷擾與勇一體治罪

沿途無賴之徒有假冒名色滋事者亦一例治罪

絕謠言

平日謗怨上人以離散軍心者軍法從事

變亂是非講長說短使同伴不睦者嚴究因而誤大事者
軍法從事

張皇賊勢搖動人心及造妖言詭辭夢寐邪說以相恐惑
者立斬以徇

臨敵呼敗走以亂軍心者立斬以徇

戒漏洩

漏洩軍機者斬

止誼譁

平時在營在路有大聲呼隊及閒話爭鬧者責罰
傳大
眾時私語相鬧及敵中亂喊者重責

若當出奇設伏時而亂聲疾呼者軍法從事

嚴出入

守營門者嚴司啟閉雖有貴客亦必先行通知營官傳請方可延入如違嚴究

各勇必挂號執票方準出入如守門人不驗票擅放重責各勇不服查者重責革出 若與賊逼近每哨加派護勇幫同識認嚴查

凡黃昏時候最爲喫緊諸色人等有事宜先時料理守門人更宜留神如有失誤嚴究不貸

有扒越營牆者以奸細論

明分數

凡在營在路無故岔入別隊者責 亂先後次第者罰
凡在此營混入彼營者查出責革追工食并嚴辦係人
號衣不穿在身者責 穿錯者罰 借與人穿者重究
腰牌不挂在外面者責罰

定晨昏

凡黎明放醒礮一聲無事亦須盡起貪睡者責罰
凡初昏時放定更礮後有無故出營門者嚴究

申夜禁

每隊常有一名支更與賊逼近用二名偷安者責罰遇風

雨雪夜尤宜加意隄防疏忽者嚴究

軍中夜飲最誤大事雖遇佳節大喜慶事切不可夜閒宴飲如違軍法從事

夜閒有魘夢者本隊坐更人推醒安接聲者重責

夜閒有警坐更人推醒同隊盡起準備亂喊亂動者嚴究

勤操習

各勇專技拳技兼技均須時常操習懶惰者責罰

習敵時錯聽金鼓喇叭號礮之屬及槍礮走火或開放失節刀鎗格殺不畱神與刀鎗忘記打空石槍礮忘記上空子均分別責罰

重軍器

軍器須留神照管刀劍鎗鈹時常磨礪槍礮時常泡洗火
器子藥響器旂幟帳棚等項時常檢看修整儻有損壞遺
失除賠償外責究不貸

慎戰鬪

凡打仗副哨長在後督礮有先退者立斬之不甚奮勇者
刺破號衣爲記

聞喇叭吹天鵝聲不大呼殺賊聞鑼不止者均行嚴究
槍礮不能及賊而先放者嚴辦 刀鎗不緊護槍礮者斬
失一營官斬四哨長失一哨長斬護勇及八什長失一

什長斬二伍長失一伍長斬伍內之散勇 如有別故及情可原者另議

因別營不救而失營官者并斬應救不救之營官因各哨不救而失哨長者并斬應救不救之哨長各什長伍長及散勇照此類推

割取首級報功者不錄

有故殺良民者斬首梟示

戒貪財

未收隊取賊財物者嚴究因而誤大事者斬

全勝收隊後營官命收賊物必槩歸公局分別賞功不準

私匿絲毫如違嚴究除追贓外處罰充賞

有故認民物爲賊物妄取者斬

各長有有意嚼吞本哨本隊口糧犒賞卹養等項至銀一兩者斬一兩以下責革

戒恃勝

打勝仗後尤宜加意隄防如或鬆勁重責不貸

恃勝者敗古今一轍打勝仗後切勿稍懷驕心如有以得勝二字傲人者削功不錄

練法五

練目之法

目貴明而活操習時就如賊在眼前我這一下殺他某處定要殺中他某處如又見得他從某處來殺我我怎麼格他就怎麼殺他這雙眼上顧下顧左顧右顧總要常跟著鋒尖有一點凝斫就不中用了凡洗面時掙開眼睛用手捧水澆之又平時用指頭當作刀尖看對眼亂射或將一箇指頭指著上眼邊眼卽隨之上顧指頭向下眼卽隨之下顧左右亦然習之既久則自然活潑而不閉又有常望日光之法可以增長眼力且須常認的本營旂幟號衣本隊人相貌庶臨敵時不怕怎麼變化也一點不得認錯

練耳之法

耳貴聰聽好話不聽壞話聽軍令不聽謠言所謂聰也又操習時用心聽金鼓號礮之屬一絲毫也不錯亂於哨長什長及本隊人講話作聲聽得極熟雖咳嗽一聲也曉得是某人庶臨礮不亂夜間尤宜

練口之法

口貴緘默營中最宜肅靜無論不當作聲的決不可作聲卽要說的亦不可高聲恐亂聽聞也若聽令練礮時雖咳嗽亦宜忍住聞喇叭天鵝聲大呼殺賊喇叭歇卽須閉口不得任我亂聲古者軍士常用銜枚之法正此意也

練手之法

手貴勁而活平時習武藝的軍器較臨敵時略重且常習
刀石之類則力自長而於習時運得極靈隨來隨應卽格
卽殺一下有無數妙用一下有無窮變化手法迺爲絕高

練足之法

足貴捷而穩沙袋繫足行路睡臥均不許一刻解開其始
每足上止袋六兩過五日加二兩又五日加二兩加至一
斤行走跳動如常則臨敵解開自極輕快又腳所站處要
如釘鐵柱一般但用功不在腳板而在腳指腳跟腳腕運
勁極熟雖踏數腳指踏數分腳跟亦可站穩矣

練身之法

身貴硬健而輕活腰要紮得極緊頭項肩膊兩膀均要極緊而又極活無一處不用功精極方好平日身上要放些物件臨敵解開則身更輕快無比

練心之法

爾等既來當勇此心就該時時想著打仗之事諸般練法皆有歇時祇是練心全無歇時第一要練得此心極穩極靜無絲毫忙亂躁暴方爲有用而練之之法要刻刻作極忙亂極易躁暴時想我總要穩定總是靜以待之練到純熟時雖入百萬賊中此心也有把握而且練膽練耳目手足之類皆要時刻用心想想方得進功練心願不重哉

練膽之法

膽貴壯其練之也以心爲主此心見得理明則氣自雄膽自壯試思我以堂堂大兵誅勦無賴逆賊正順之勢旣明忠義之氣自足以吞之况我迺訓練有方同心一氣賊迺迫脅烏合之眾雖號數萬其實能打仗者那有多人有此兩層賊自該十分怕我我祇要見透此理固不待戰而已操必勝之權視數萬賊如草芥耳今人多說賊膽大不怕究竟那有此事不過因我兵勇不明此理怕賊到十二分而賊反少怕得一兩分以致兵勇多有死於賊者迺偏不怪自己膽小轉說賊子膽實大豈不可笑豈不可憾不知

臨敵之際勝敗定於片刻祇要穩住片刻不怕便足以寒賊之膽而壯我之氣故賊雖眾必敗我雖少必勝使不能穩住則我先自喪其氣賊之膽又安得而不大哉此理之甚明者也明夫怕則敗不怕則勝之理自能常存一不怕之心以取勝矣况乎怕者怕死而已誠使怕死則可以不死亦無怪其怕耳不知怕則我之氣愈弱賊之氣愈強欲求不死而不得縱或不死賊手亦必死於軍法其死更爲不值是怕死則必死不怕死則不惟不死并可以立奇功此又理之甚明者也明乎怕死必死不怕死便不死之理必能常存一不怕死之心以立功矣迺世有一種人於平

常預備時覺得不怕及至倉猝交兵而張皇失措者又有
一種人始能不怕奮然殺去稍有失利遂至神魂俱喪身
墮如泥者這兩種人皆因不不怕的道理未見得十分透徹
故膽亦未壯到十分今欲練膽須於平時常作一倉猝賊
來時想當如何廝殺而不怕常作一打敗仗想當何以抵
禦而不怕必要想出一箇不怕之理出來庶幾心有主而
不亂就如打敗仗時我以數十人被千萬賊圍住自不能
不怕矣然試思我之數十人聚作一團彼以千萬賊圍我
多層其圍近一層數十賊能與我戰外其餘皆屬空多之
眾是我之視千萬賊如數十賊我之敵千萬賊實止敵數

十賊自可從一面衝突而出常想得此理透則數十人敵
千萬賊不怕矣卽如倉猝時我以隻身而遇彼萬眾尤不
能不怕矣然試思此時既迫於勢不怕也是死怕也是死
或不怕而放膽與鬪猶可殺彼數人縱死猶有生氣怕而
死亦徒死耳何如不怕而死之爲好漢乎常想得此理透
雖隻身遇千萬賊不怕矣又況古之勇將有單刀匹馬橫
行萬眾之中者有選敢死士百人黑夜入賊壘殺賊無算
而自己全無損傷者有獨自禦敵跌倒在地能仰身殺賊
奮躍而起持刀追數千人敗走者雖曰神勇過人豈真技
力足以勝之實其氣雄膽壯足以勝之膽壯則心無萬眾

目無萬眾而賊自望風披靡故也又况死生自有命在命該死雖善逃生路斷不能延過一時半刻命不該死雖當萬無生理之時偏救出命來了我嘗說父母生我之日便是可死之日特稍長知事便要曉得尋一條好死路大丈夫得戰死沙場名傳萬古血食千秋較之抱妻擁子之癡漢大數到來死得寂寂無聞者其相去奚啻天淵也我今說此數層誠以兵家最要在膽爾等能於操習之時如此想行走時如此想飲食睡臥時亦如此想則膽必壯氣必雄可操勝算於萬全矣

練謀之法

職有尊卑則謀有大小如營官謀一營之事哨長謀一哨之事什長謀一隊之事散勇謀一己之事固是安分之道然營中升降無定人生之前程難料異日之封侯拜相提兵調將者安知不出於行伍中乎故爾等看得自己重則時時想著禦賊之法誘賊之法防賊之法攻賊之法日想日巧日練日精雖見當散勇也練出一副名將本領且我與各營官常常虛心博採爾等有好計策斷不可隱瞞我斷不孤負爾勉之勉之

練識之法

識貴闊大貴深遠人曉得一層我曉得幾層人止見得近

處小處我見得遠處大處是謂有識蓋有識自然有膽人所見爲可怕之事我偏有道理處置人所見爲難能之事我自有力量的擔當不是妄自誇大迺我實見得天下未有認真辦事而事不成者也有識自然有遠慮人所見爲可喜之事我或反以爲可憂人所見爲不必隄防之處我或反惟恐壞事不是故多疑懼迺我實見得天下禍患常伏於隱微失意每生於得意也而且有識自然有量人所難受的我偏受得人所難忍的我偏忍得甯可我讓人不要人讓我甯可我喫人虧不要人喫我虧不是強爲擺脫迺我實見得小小開氣真有不屑爭者也況天下苦我折磨

我的事皆所以成就我乎且識得人之死生係乎天命則
臨敵時自然舉止從容隨機應變以殺賊爲快識得親上
死長之義平日無念不以忠貞自矢則臨敵時自然志吞
逆賊奮不顧身而勇往向前識益長則氣益充氣益充則
戰益勇可知聖人我戰則克端不外識之一字

練氣之法

氣必能養而後能用尤必能善養而後發之不可遏兵家
言靜如山立動如河決又曰靜如處女動如脫兔所謂靜
者卽養之之時所謂動者卽用之之時所謂靜如山立處
女者卽善養之謂所謂動如河決如脫兔者卽發不可遏

之謂然吾未見有不能靜而能動者卽未有靜不如山立如處女而能動如河決如脫兔者則養之功誠不可不急講矣然氣有大養小養之分小養者何如平日無事時常納氣歸於丹田從容呼吸習技習走時雖極用力極快走不强閉其氣亦不使之亂喘習到熟時雖操一二刻方歇跑一二里方住亦與未操未跑者一般大養者何凡平日處事待人及當狡敵挑戰儘憑他怎麼難受我總要忍得他如韓信受辱胯下張良進履橋邊及司馬懿受巾幗婦人服等事忍氣卽所以養氣如凡禁諠譁寡言笑皆養氣也養氣有素無論平日起居視聽言動并無絲毫躁暴卽

奮威衝殺之時如波濤洶涌龍虎跳躍而其中自有一種
深固不搖之氣存焉岳武穆常以數百人破強敵數十萬
眾而敵人爲之語曰撼山易撼岳家軍難蓋如此也噫人
能神明於練氣之法則思過半矣

練精神之法

神足而後氣盛精足而後力強其練之也必有道矣蓋人
之精神有限妄用則必涸彼嫖蕩酗酒吸食洋煙諸惡事
耗散之大有軍法在者無論已卽如多喫水煙旱煙多說
無益言語亦足以耗散精神然精神雖不可耗散而亦不
可怠弛古人云君子莊敬日強安肆日偷故又必時常提

撕振奮勤習武藝謹守營規時時鼓舞以打仗爲事不可
久坐不可貪睡令其疲痿誠以精神愈用愈出不妄用固
是練常用之亦是練也況使當用處不用則必有不當用
處而用者古人云勞則善心生逸則惡心生若在營不以
武藝營規爲事則必多喫水煙旱煙多說閒話空語卽嫖
蕩諸惡事亦且爲之以耗其精神惟於法網後悔將無及
矣可不戒哉可不戒哉

17514 17514

17514

練勇芻言自序

兵凶器也戰危事也隸伍籍者不習戰握戎符者不知兵
一旦有事驅荷鋤秉耒之民用之交鋒對壘此孔子所謂
以不教民戰是謂棄之孟子所謂不教而用謂之殃民者
也然則用之可不練練之可無術乎咸豐三年冬龔奉大
府檄練勇長沙諸友請集平日所以教者爲書俾營官以
下皆有所從迺得營制職司號令賞罰練法五篇刻諸木
尙有技擊敵法述古三篇甫脫橐籥有甲寅春開之役始
以孤軍逐強寇勢如破竹而卒敗於羊樓隄於岳陽隱痛
至今終其身莫能自解於戲知之非艱行之維艱矧茲渺

識敢更誤人遂深自匿焉邇來率師江西力行團練而有
心者固以前書請爰授行篋五卷僅存邇於控德中麤加
訂正授之後三篇橐則徧覓不獲矣擬更作練技練敵二
篇附練法末友人見之歎曰是書出子將擇人授之乎伊
古以來兵家箸述多矣何無如是書之詳明者五卷吾猶
憂其多矧迺益之邪遂止然此特戰事之末耳推其極則
固易所謂知進退存亡而不失其正者果能由麤以求其
精庶與生道殺人之旨不悖矣乎咸豐七年丁巳六月旣
望湘鄉王鑫識於江西廣昌之頭陂行營

王壯武公遺集卷二十四目錄

稌箸

與心牧季弟論文書

四願居士小引

答或問

書塾學約

洙津區鄉約

團練說

代邑侯救荒示諭

約本邑同志擊賊榜文

興甯勸辦團練示

郴州勸辦團練堵剿示

勸辦江永團練諭帖

勸辦崇蒲各屬團練示

崇陽設局辦團諭札

江西勸辦團練示

祭殉難羊樓司岳州城諸公文

王壯武公遺集卷二十四

雜著

與心牧季弟論文書

道光庚戌

心牧季弟昨閱諸作氣象發皇議論亦有可觀蓋明師良友益人之深與吾弟之能實受其益已足見其一端矣先生更改極爲精密當熟玩之一字一句不可略過鄙意所欲易者未知當否弟須質諸先生與友兄輩以衷於一是前在學舍與苔洲諸兄聽弟讀文率急促無餘韻知尙未細心體認予生平最拙者莫如讀文而邇來頗曉讀文之法大要不外先靜其心心靜則能入理心入理則聲氣自

不覺其和且緩而文之開合捻縱抑揚頓挫無一不隨音響節奏之高下長短載以俱出久之自然有得第當不河漢予言也蓋古人之爲文其蓄之也有素其出之也有本或如日月之經天或如河嶽之緯地其浩瀚如長江千里曲折奔赴沛然而不可遏其雄峻如奇峰萬仞插空壁立屹然而不可撓其義蘊無窮如泰山之雲觸石而起層見疊出不自知其何因其變化不測如海中之市詭奇萬端倏忽隱見而莫名其所自其發見之輝煌也如咸陽赤壁之火光燄萬丈照耀長空令觀者明目張膽曉然於大道之常昭其響籟之超妙也如洞庭鈞天之奏聲徹九霄縹

緲無際令聞者動魄驚心恍然於太音之未墜不規規於
語言文字之間而自無一不造其極嗚呼此何故也哉亦
曰浩氣之流行而已是氣也本諸生初與理俱賦非後起
與外至之物也然不能不資於養焉孟子曰我善養吾浩
然之氣言養氣者自此始而其緒餘見之文後之人讀其
書猶得想見其爲人唐之韓宋之蘇深得其旨故穎濱曰
文者氣之所形文不可以學而能氣可以養而致退之曰
氣水也言浮物也水大而物之浮者大小畢浮氣之與言
猶是也氣盛則言之短長與聲之高下皆宜東坡爲文公
作廟碑推本於養氣之學斯能實道其所得力者矣宋末

文文山以剛大不磨之氣全古今不易之節因時感事直抒所見千載下反覆其詞猶懍懍有生氣是知先生之身雖死而先生之氣固長存也然其所以養之者致不同矣文山之養氣見於行事垂之史冊昭然可考孟子當異端紛起之日辭而闢之使天下萬世如瞽者之有相夜行者之持燭而不迷於所往明仁義之說闡性善之旨嚴王霸之分詳義利之辨其有功於堯舜禹湯文武周公孔子者甚鉅要其論氣則曰集義所生論養之之功則曰勿正勿怠勿助長至哉言乎後世之言養氣者亦可知所從事矣退之所處與孟子略同當其時佛老之害甚於楊墨上下

蠱惑靡然從風譬如舟行大江之中狂飈大作波濤拍天
觀者望洋興嘆袖手其旁以爲莫可挽退之獨奮然自任
力救於其閒上不見信於君下不見諒於友邪佞之徒因
而媒孽其短竄逐貶斥不能自免庸夫俗子相與目笑存
之卽稍有知者亦且悲其志而憫其窮而退之乘其浩然
者以行之百折而不同不論成敗不計禍福推其心雖置
之湯火鼎鑊弗顧也嗚呼此其氣之剛大爲何如哉若退
之者真可謂聖人之徒矣今觀原道進學解答李翊書等
篇猶可知其得勿之所自惟其尙論古人與所以亟亟於
行道者揆諸孟子知言之學不敢枉尺直尋之心似有未

合蓋亦所養之猶有未純耳眉山父子以文章顯至今傳
誦弗衰而其所奉爲圭臬者不外孟子養氣之道故其爲
文也隱隱裕裕如發春雷震驚天地浩浩蕩蕩如乘長風
縱橫巨浪才力馳騁則鬚髯駿馬之下坡議論沸騰則渾
似羣鴻之戲海任意所適不拘常格信有行乎其所不得
不行止乎其所不得不止之妙然其評人論事多有未安
文雖超拔而不必求愜乎至當蓋第爲行文而養氣而不
能如孟子之善養也使誠能如孟子之善養則其文必能
如孟子之文有勃然莫遏之機卽有確然不易之理矣龔
何敢好爲議論評騭古人誠以吾儒爲學居心欲其虛立

志欲其大心不虛則無以容天下之善而量有所窮志不
大則無以超乎萬物之表而其量有所囿孟子曰人皆可
以爲堯舜子思子曰其次致曲曲能有誠誠則形形則著
著則明明則動動則變變則化程子曰士希賢賢希聖聖
希天躬行且然况區區之文章乎哉蓋第以所至而論孟
子固復乎莫尙矣卽自唐迄宋以至於今無論能如文公
者絕少卽追蹤蘇氏者亦未易屈指况金以下愚之資萬
萬不如前人而敢輕視之乎然以言乎其極則孟子雖賢
亦堯舜之徒未必遂爲堯舜也求至於化未必遂能化也
與聖相近去天則尙遠也而况於韓乎而况於蘇乎而又

安敢自畫以小其志乎夫人之居心也未至乎其域而自謂已至者狂妄無知之徒無足數矣即已至乎其域而遂自詡爲已至者君子早料其終於是而并不克終於是何也量有所限盈則傾滿則覆也惟立志則不然視天下無不可爲之事古今無不可幾及之人庸夫俗子所驚爲神奇幾於不敢仰視者慨然以身任之而未嘗少有退避卻顧之情夫志氣之帥也立志不堅而氣遂頹然其中阻惟奮其志而不使之衰斯可以養其氣而不致於餒磅礴積閱其中者肆其外有發於不自禁者矣而欲得所養則必如孟子之以集義爲事夫義不可遽集而亦不能遽集

也有所以集之者則亦曰窮理以擴其識而已理不明則
識不充識不充則義無自而集義不集而欲其氣之浩然
也不亦難哉夫天之生人賦之氣以成形卽賦之理以宰
氣是理也非吾心所獨具也萬事萬物日投於吾前莫不
各有至理存乎其內吾卽隨事隨物而精察之使無一毫
之不盡則吾之心貫通於萬事萬物之理卽以萬事萬物
之理畢具於吾心之理物既格者知自至又何患識之不
充乎識旣充則措之於事悉協乎當然之則義日益集斯
氣日益生雖不欲以文自見而當其出之於口筆之於書
至理之發見而不容掩者莫不有此浩然之氣流行於其

閒斯真可謂天下之至文矣後之人得其緒餘亦足以名一家而况知其大本之所在者乎且吾人讀書稽古摠不能無所決擇尤貴乎博覽兼收不容漫有所棄置也三代以下少全人亦少全書其純粹以精者固宜好之深而信之篤矣外此惟淫邪之書不得一接於目凡子集雜說有關於綱常名教世道人心者雖未盡切中情理不得以小疵掩其大醇卽其間有一節一義足以啟其性靈而長其識見者亦必廣爲虛受以備采擇務在以我用書而不爲書用諸子百家紛然竝陳一秉吾心之確然有主者論世知人而不少淆其鑑將見理無不明而精義可以入神養

氣之學日深雖舉而措之天下無難矣於行文乎何有兄
管窺蠡測走筆直書難免偏執違理之病弟代爲乞正於
先生毋使大畔於道誠爲萬幸弟邇來不特文章有進卽
氣質亦漸有和雅之致因自念三年前負吾弟光陰良非
淺鮮使弟早得從事先生與諸友兄交遊所造豈止此乎
但已去者悔莫可挽未來者期望愈殷竊觀弟所作躬自
厚題文有天地完人父母肖子二語願常置諸心胸於發
憤自勵之下存戰兢恐懼之心慎無若爾兄之自暴自棄
虛擲光陰大負父兄師友之教也歲月催人年未可恃尙
其勉旃無忽昨初十日著人往朱鐵橋兄家弔問且致書

稍達鄙意蒙賜復書諄諄以躡等躁進爲戒深申予之病
根與斗山兄去歲所賜書論予惡惡太甚之弊同一深切
著明可銘座右但予邇來之大得罪於名教者尤在於見
善不遷知過不改且求爲躡等躁進而不可得矣良心偶
見惶悚無地昨寄信霞仙先生約其下省同居冀得親言
論丰采以消鄙吝使還言已作書邀郭筠仙太史會於省
城屬以稟知先生縣試時雲山竹筠二兄及石泉鎮堃楊
哲卿介軒叔均約與予兄弟同寓予昨付信約斗山但鄙
意尤欲與苔洲諸兄合隊且畱一榻以待先生弟須以此
意達諸友兄妹倩易臨莊昨相見藹然有儒者之度談論

竟夕談次忽長嘆曰予乃天地閒一罪人也予驚問之答曰人生天地閒必有所以不媿其爲人者今予年已及冠自問一無所得質旣愚魯又無賢師友以爲陶成吾常與友人張君論及每自懼遂終於淪沒也予曰吾人特患志之不立耳亦何爲而弗成乎且吾輩讀古人之書聖賢皆吾師也其次亦吾益友也誦其言而行其行豈宜讓昔人以專美况當今之世其可爲吾輩師友者正復不少惟懼在己之向善有未誠耳伊亟叩其人予徐舉先生及諸友輩以答之伊詳核其實予約舉梗槩與其所以致力者語之而被愈怦怦然卽欲藉予爲階主求見先生伊以母憂

不能應試子勉以讀書窮理約俟秋後同來欲以觀其志之堅否也予因詰所稱張君者曰此予同學友字心松素曠達舌鋒甚銳交不擇人近日痛自懲創恂謹謙退惟與周蔚窗鄒文軒及予三人友善餘皆屏絕嘗以未見君子爲恨亦可語斯道者也夫士習之不端至今日極矣以博奔酒食相徵逐以鄙俗戲謔爲契合見有一二端方之士避之如蛇蠍疾之如仇敵羣相詆毀而排擠之偶有朋輩聚首時取時藝試帖相與講習者已足爲一鄉之善士一國之善士矣渺不知倫常綱紀爲何物仁義忠信爲何事沈迷不返莫知所底嗟乎古之時幸有讀書人以維持世

教者大可恃也今之時不幸而有讀書人以爲敗壞風俗者此其尤也興言及此可勝浩歎然而困極斯亨剝極必復當此頽靡日甚之時而猶有能自樹立不苟隨流俗者出於其閒當亦天心有悔禍之機不忍斯人之終淪於禽獸也又豈非先生與諸友兄之所樂聞者乎楊哲卿尙未來館中想因家事羈絆無由展脫故耳此友亦殊可憫也已余旬日恐未能親候先生福安付來請安書煩弟上呈并致意蒼洲諸兄也

四願居士小引

昔者趙季仁謂生平有三願一願識盡世閒好人二願讀

盡世閒好書三願看盡世閒好山水夫趙公之志可謂奢矣而余更有奢於趙公者特所願祇貪多而不務盡因竊取其意而增易之曰一願多讀世閒正書而不讓古人專美二願多師世閒善士而不以今人自域三願多成世閒美舉而不遽期其效不自矜其功四願多看世閒好山水而不徒爲耳目之娛藉滌心胃之陋遂自號四願居士然而使余之得遂其願與否則有非盡余之所能自主者余其抱此願靜以俟諸莫之爲莫之致也夫

答或問

或有問於余曰子之四願旣得而聞之矣抑亦有所不願

者乎曰聖門言志但各陳所願未聞有問其所不願者也無已則亦有四焉不願虛邀名譽增吾心之疚不願專擅權柄速天下之謗不願安逸美食致生驕惰自畫遠大之期不願積財聚粟多營田宅以益子孫之怠此皆人之所願而余之所甚不願者也問者唯唯而退因援筆以記之

書塾學約

一爲學須端根本聖賢著書立說不外人情物理持身處世之道今學作文亦惟於曩哲立言之旨教人之意反之於身發揮盡致乃爲可傳可久宜古宜今之文不然縱文高金陳位至卿相而本根不植空言何補在家則抵觸尊

長敗壞倫常在國則誤及蒼生穢傳青史覺詩書反爲誤
人之具適足以玷祖辱宗而已何如却老愚夫日不識丁
反得無損其天真乎在初學最宜慎之

一爲學須求放心齋中或有人客來往爾等祇用心專業
非我呼喚不可離位又或我有時不在齋中亦居其位各
專其學或同堂有不用心者當正顏戒之或外人有來相
擾者宜正色拒之聖賢教人誠意必戒其自欺夫欺曰自
欺可知欺之一念伏於至隱至微非當躬時時省察而痛
改之將終其身無進境矣誠能自勵則放心已收妄念盡
捐而學問之道可以得益聖賢之域亦可漸幾始雖扞格

而難入終必畛域之胥泯夫當其爲非非不以爲快意也
事後思之終覺其難以對人而媿彌深矣當其爲善初亦
以爲不便也平心問之終覺其可以自慰而樂無窮矣古
人所謂求慊者此之謂也小子其慎之懍之

一爲學須知畏懼每日非功課畢不得偷閑有事必稟過
方可動身若擅自行出無論在外嬉遊固必重責卽爲正
事而出亦屬自無師長責究難逃且或在齋中或在外閒
散有爲非者則分首從及其偶失故犯情由以定刑罰之
輕重至於彼自爲非而誣他人及明知此事不可爲而教
人爲之者此等欺詐情弊更屬可惡尤必重加責懲有能

見同人爲非而禁止之者最爲可喜必加重獎且宜虛心聽教實受其益切勿口是心非爾其勉之

一爲學須戒輕率讀文當審此題之名目或爲單句或爲半面或爲截上截下之類又須審此題之語氣或係戒勉或係稱述或係詰問正答或係形容諷刺題旨在何處題神在何處來脈如何去路如何重在某字再思此題當如何命意如何布局如何層次如何措詞或用反筆或用陪襯或用推勘以及題之高低前後各樣層次如我自作此文一般然後誦之至讀文則或急或緩或高聲朗誦或密咏微吟須於文之起處收處承接處轉折處頓挫處無不

分明如意背誦亦然日晚誦詩亦須玩其起結若何層次
若何押韻若何或有感慨或有寄託卽詩文改本亦須細
心體認方有進境若於誦文信口讀過看改本全不經心
重責難免

一爲學須求進益作文之道清順爲先次求工穩如或反
正不明轉接不清顯背題旨責必不免且一次宜有一次
之進境若積弊不除足見讀文時看改本時未曾經心下
筆時未曾用心又不可久延時刻寫字必凝神靜氣紙不
可斜放筆不可偏拈將前日所改之字置於前審其筆畫
之宜長宜短宜輕宜重宜緊宜鬆自觀其弊在何處細閱

所改於起筆轉筆落筆尤宜畱心若潦草塞責前弊不除
立即重責

一爲學須勤辨難於聽講時解文時當細心體認靜聽切
記有未喻者一而再再而三必了然無疑而後已卽溫書
時亦宜求解我決不以煩瑣而生厭心若抱疾息醫不知
而不問未曉而不細問重責難免

一爲學須化氣質吾儒持身接物要有氣節萬不可脂韋
隨俗以圖悅庸夫俗子之耳目蓋氣象貫雍容舉止尙端
詳吐屬宜風雅言不輕言言必於理行不妄行行必於道
令人望而知爲醇儒方爲可敬可畏之子但此亦非徒恃

勉強爲也有德然後潤身則平日誠意之功宜密也腹有詩書氣自華則平日積學之功宜深也爾等其留意焉

一爲學須慎交遊每日功課既畢及平時在外閒散務必循規蹈矩是勿履不可行之地身勿親不可敬之人耳勿聽不可法之言方是讀書人氣象若與遊蕩輕薄之徒逐隊行走交頭耳語我若聞知立即重責決不寬縱蓋人之一生作聖作狂在幼時已立其基而觀人於幼時者亦觀其所好之爲善爲惡而已其人而喜近老成喜聽法言者卽爲聖賢路上人矣其人而喜近惡少喜聽妄談者卽爲比匪路上人矣善惡之判祇在幾微切切言之須切切聽

之勿徒謂教者之立法太嚴而出言過贅也

涿津區鄉約

聖諭十六條盡善盡美普天之下共懷然於大哉王言矣
約正之設徧及山陬海澨誠欲其代宣 聖化變澆風爲
純俗凡我同里之人共相振作恪守 國憲每逢月旦擇
里中老成端士登壇行禮畢卽虔誦而講明之眾人齊集
壇下拱立靜聽務期共相遵守慎勿視若弁髦庶幾君爲
堯舜之君我輩共爲堯舜之民豈不麻哉至所擬鄉約十
節於左非敢創爲論說亦以勸同里諸君子恪遵 聖
諭之意也

一務正業士農工商各有常職能專業以致其精觀摩以善其事則身家可休而放肆邪侈之心無自而生若四業不居游蕩無節固將流爲匪類大千國憲我同人嚴查稟究毋稍縱徇卽已有職事而或見異思遷或兼營竝鶩或從事於斯而將以愒忽或稱有所得而遽行浪費此等無恆之人壯則虛度歲月老將轉徙溝壑上無以承其宗祖下何以貽厥子孫不及早回頭後悔何及戒之勉之毋自貽誤

一勤稼穡士農工商皆務正業之人而獨申言農事者以其爲本務故也夫古者一夫受田百畝而孟子王制皆言

上農可食九人至下農則止食五人受田同而實則殊者
勤不勤之分也今猶古也何獨不然卽豆蔬雜種用功倍
者所獲自倍果能早作晚息家無閒人日無閒時牆下曠
土皆植桑麻郊外童山胥種竹木將倉箱有餘水旱有備
何憂不給諸公勉乎哉

一戒嬉遊人生斯世功由勤起損自怠生近有嬾惰之夫
或閒遊人家爾我長談或久坐市肆朝暮不分以酒肉相
徵逐輕耗錢財藉博奕爲生涯煽誘子弟不思天子公卿
各治迺事猶且日不遑食况吾儕小民正業偶荒飢寒立
至而敢自暇豫乎願諸君子共相勸戒焉

一尚節儉孔子言道國必曰節用吾人居家何獨不然大學傳曰生財有大道生之者眾食之者寡爲之者疾用之者舒則財恆足孟子曰食之以時用之以禮財不可勝用聖賢之言萬古不易也且古人量入爲出年豐不過用歲凶則殺禮耕三餘一耕九餘三蓋患貧於未貧之先則貧可免防飢於未飢之時則飢不至今人爭意氣愛體面直待垂死無救而後悔哀哉故人知節儉則家可保而省己惠人更足爲積德之資且節儉云者自家省約之謂非慳吝與過取之謂也世有因節儉之過遂流於刻薄錙銖必算饕餮無厭則其弊有甚於侈者矣尤願諸君戒之

一端大本何謂大本孝友是也

聖論十六條首舉孝

弟誠以父母生我之人兄弟同胞之親至性所將恩莫厚
 焉今人事父母或不如畜妻子待兄弟且視之若路人大
 本既喪百行莫贖雖醜然為人究與禽獸何異且孝之為
 道無盡果能竭誠盡敬以事親則夫勤儉成家作善事為
 正人凡可為父母光者無弗至矣孟子曰人人親其親長
 其長而天下平願與諸君子共勉之

此一段本當首列之而居第五條者以人
 苟不務正業勸稼穡戒嬉遊尚節儉則家業不能有成而
 孝養無資何以事我父母及於兄弟乎故置於此閱者諒
 之

一睦鄉里孟子曰鄉田同井出入相友守望相助疾病相

扶持藍田呂氏鄉約曰凡同約者德業相勸過失相規禮俗相交患難相卹凡我同里諸君子果能恪遵孟子呂氏之言而又早完國課以免追呼謹守王章以齊心志鑿井耕田優游於光天化日之下風俗純美比戶可封此卽太平之象也何樂如之

一敬長老孔子曰老者安之孟子曰老吾老以及人之老又曰頽白者不負戴於道路老者衣帛食肉凡我同人一遇老者須扶掖之提挈者或代勞或分任焉老而貧且獨者同里周之若遇高年略不爲禮甚或侮之則卽犯上作亂之所由閭里所不齒矣諒我同人必不忍出此也安用

多囑

一恤窮苦凡我同里有鰥寡孤獨廢疾之人則勸其族戚周恤之或其族戚不能我同人各量力周之若地方有欺孤凌寡恃強與眾以相侵暴者我同人反覆勸戒而不聽然後稟上究治庶幾一體同仁大道爲公之意云爾

一端蒙養人當少時性未堅定入善易從惡亦不難爲父兄者急宜於此時教以敬尊長識義理慎交遊謹言行稍長卽令從品學兼優之師授小學四書以培其基勿使怠惰輕肆習慣成性如讀書不成須早授以別業勿使遊蕩又古人三餘讀書最爲便益其法人人可行且鄉邨小兒

壞事尤在山歌急以白華常棣等詩及思親八反諸善歌
易之庶孝弟忠信禮義廉恥之事日澆灌於胷中則邪說
無自入矣古語云教子嬰兒教婦初來此萬古不磨之論
也迺世俗動曰此兒尙幼毋急教也嗚呼彼待其長而後
教將不可以教矣彼姑息者何執迷不悟也噫

一敦禮讓冠昏喪祭禮之大者今人往往以古禮爲迂闊
難行而棄之宜風俗之日偷也凡我同人共臻斯路庶幾
仁讓風行成爲美俗且儕輩相將貴有溫恭之度閨門宜
肅尤慎內外之防莫非禮之所在也孔子曰隆禮由禮謂
之有方之士不隆禮不由禮謂之無方之民敬讓之道也

行矣願與諸君子共從事於斯矣

團練說

我聞聽你永豐百姓都歡喜說來聽王大人講道理我就
先把這道理兩個字講和你聽道字就解作路字理字就
解作履字履就是行走的話頭要人人走得人人當走
的才叫做大路正路就如安分守己忠厚勤儉不犯國
法不害別人這條路是人人當走的并是人人走得若
不走這條大路正路反聽信長毛走往邪路上去奉天主
教爺兒都稱兄弟姪女都稱姊妹悖天理犯國法姦人
婦女勒人錢財燒人房屋擄人壯丁小孩便是走上死路

萬無好處萬無生理你們試想人有君臣父子兄弟夫婦朋友五倫是天制定的是大聖大賢講明的從古到今人缺不得的今長毛都稱兄弟是五倫丟去了四倫你看這是甚麼道理也不要說到他造反也不要說到他擄掠姦淫就是這一件事便是討死的門頭故喫天主教的定遭天誅你們也不待我細說祇要捫著自己的心頭想一想就曉得長毛講的不是道理我講的才真是道理道理兩字你們聽明白了再和你講團練團是團攏一氣你我相救生死相顧纔叫做團練是練器械練武藝練陣法究竟練膽更爲要緊而練膽先要練心膽有大有小心卻是

一個樣祇要你們心裏實明白了你定能殺賊賊定不能
害你的道理這個膽自然大了怎麼說你定能殺賊賊定
不能害你這道理我詳細說明你聽你們子子孫孫都不
要忘記了自古以來幾多造反的不久總要消滅皆因他
這般無賴小人罪惡貫盈天不容他又見平日在家聽信
邪教當賊當痞不忠不孝 國法也難收拾這些故使他
自尋死路造起反來又因人心不古富者不仁貧者無恥
奸巧詐僞奢華放蕩特借這班反賊的手以報復他兩下
湊成就有這一個大劫數故你們祇要打定一個主意作
好百姓甯死不肖從賊天就看顧你保護你他賊子就快

遭天誅了況且講到團練你們便先占了多少便宜賊子萬無生理我有飯喫賊儘餓肚我是坐家幾多方便賊是行客幾多爲難我團上人盡是同鄉共井天生的兄弟父子兵賊的人多是強擄湊數中間就有幾個老賊也是一人一條心我們生長這地方任甚麼路徑我熟習賊來生疏地方東撞西走進退盡是死路這樣比較起來何止賊子萬不及你團練就是官兵也沒有團練占得許多便宜不料你們百姓自己不想總說怕賊總說團練學不得官兵會打仗豈不可笑豈不可恨賊匪萬不能勝團練你們又明白了官軍不及團練怕你們總不相信其實我并不

欺哄你百姓你們且聽我說你們只因前此聽說我的勇會打仗昨初十二在此地兩仗又親見千多湘勇并不聞開放槍礮就打敗了幾萬賊子殺了他幾千人追了他幾十里我們并不傷一人祇說我湘勇是天上降下來的一班那曉得我在湘鄉當秀才也祇曉讀書作文我湘勇在家當百姓也祇曉耕田種土不過因得祖宗以來受了大清國二百多年的大恩大德忽然聽得長毛造反又害百姓幾莖頭髮都豎起了幾個牙齒都齧碎了大家齊心議事舉出公正團總聽他號令湊了些小公費練出多少壯丁發個誓願總要殺盡長毛長毛就不敢到湘鄉

官府知道就招我們湘勇打湖南各縣各府的賊湖南的賊都打盡了就教打廣西廣東湖北江西的賊也不是爲名爲利不過是不服這口氣這口氣是天地閒正氣我們你們人人皆有不過你們的自己未發出來若照我們的發出來便是人人有萬夫不當之勇何止自係地方何愁不及我湘勇況且我們湘勇器械也止是這樣武藝也止是這樣陣法也止是這樣就是這個心膽也止是這樣不過站得腳住捨得命拌傷了一個那些人愈加著起勁來死了一個那些人愈加捨起死來故此常打勝仗這個事你們有甚麼難學止是官兵真有幾宗事學不得團練飯

食學不得團練方便探信學不得團練的確路徑學不得團練熟習出門半時難學不得團練在家千日好傷了的病了的調養也難替換也難學不得團練幾千幾萬人要攏來就攏來了要回去就回去了你們牢計你們細想看我說的話是欺哄你們的不

團練這樣可靠何故也有靠不住的據我仔細看來并不
是團練靠不住迺是不認真辦事有名無實的原故其實
皆由愛占小便宜以致喫了大虧如出銅錢一文難捨出
人力一工難拋自己說占了便宜那曉得一個占便宜個
個都想占便宜人心便不齊了團練便不成了應出的銅

錢不出到賊來勒貢勒贖鈔家貲焚房屋東搬西逃性命
難保而銀錢喫大虧了應出的人力不出到賊來婦女被
賊姦淫老羸被賊弔拷小兒被賊強擄甚或壯丁被賊煽
誘威逼當礮火受刀箭負賊惡名而死想作個清白的鬼
也不能得而人力喫大虧了你們試捫心想想值也不值
又有一班受賊愚哄有說不團練的就不受害有說借路
經過并不騷擾不知賊子怕硬不怕軟知威不知恩今日
不害你明日更害得你深這次不擾你下次更擾得你苦
不待我說你們見得多了又有一班原先也練團因辦得
不好敗了一陣就不再辦的有原先并未練團經賊數次

人財兩窮就說不能辦的不知前此喫虧以後便加勁辦好起來就是若道地方苦曉得賊子怕你團并不怕你苦辦了團纔辦團直苦到產盡人絕纔算況且辦團的苦你們怎麼不肯喫小虧反自討大虧了四五省地方也有先不曾辦團的也有住的自我過了身總總不怕賊了總總不是何道理不過是他們百姓肯聽我的認費不惜人力不信賊騙不怕喫苦大家拏就大家係了身家性命你們仔仔細細把

理想明白牢穩記著盡力做去你們的團練就永遠靠得住了不要大意不要大意

分付畢復呼各邨紳士近前告之曰爾紳士均係讀書人亦知讀書果何爲乎無非講明義理力體諸身而推以及人也伊尹耕有莘范文正公當秀才便以天下爲己任爾紳士獨不能以一邑一鄉爲己任耶數年以來寇盜橫行生靈塗炭卽爾紳士之身家亦岌岌不克保是直不能以一身一家爲己任矣豈不大可悲哉我在湘鄉辦團自成豐元年中秋後起至十月初而粗成其時賊在廣西相去一二千里承平既久民不知兵誰知團練二字爲何物我

所住地方民風醜而且懦不但無械鬪案卽爭訟之事亦
少有之忽聞此議莫不掩耳而走兩月之間竭誠開導旂
幟器械號衣一切辦齊武藝隊伍陣法一切教熟非有大
家貲也非有大勢力也祇恃此一點血誠不計成敗利鈍
不顧禍福死生任勞任怨以成此舉維時聰明智巧之士
誰不非而笑之到後來都許爲能公爾忘私國爾忘家予
謝之曰何敢當何敢當我固祇知愛我身及我父母兄弟
妻子也不過因賊匪鬧事我但靠我一身一家必不能保
我身家所以請諸君子大家齊心保著身家方纔保得我
的身家不但此也將來係湖南也是係我身家係別省也

是係我身家雖云爲公實善於爲私雖云爲國實善於爲家今我不敢當諸君子之稱許者誠以願私願家聖人不廢諸君子以我爲忘私忘家恐遂以爲必忘私而後可爲公必忘家而後可爲國是強人以所難能我祇求諸君子善爲私爲家耳他何計焉我祇求諸君子爲私爲家皆如我之善爲私爲家耳他何計焉同人聞之多爲感泣今爲爾紳士述之想必諒此苦心以爲實然也士爲四民之首爾紳士儼列措紳不僅團練當辦尤以挽回人心風俗爲急未有人心正風俗純而團練無實際者不然縱練得好看亦是虛文孟子曰人人親其親長其長而天下平果能

如此則
可使制
之堅甲
逆賊止
爲迂闊
而又每
其義憤
弟忠信
入此爲
鋒教世

贅言也

代邑侯救荒示諭

道光己酉五月十二日

爲開誠布公剴切示諭設法調劑以全民生事從來年歲
豐歉不常惟在善爲調攝先事豫備則歉者可以無憂湘
邑今歲去成熟之期尙遠而縣內遂爾乏食本縣已發賣
倉穀萬餘石然以一縣之民仰給於茲則雖將倉穀盡發
豈足活數十萬人之命所賴仁人義士胞與爲懷設法調
劑一秉公正之實意以行之夫十室之邑必有忠信凡爾
士民其實心爲國爲民者豈乏其人且殷實之家力有
可爲而坐視族黨鄉里之人雖困苦飢餓顛連萬狀不一

引手救之天良尙存於心安忍本縣守土蒞民救荒之政
敢不盡心竭力見飭城紳捐發粥飯爾各鄉人眾同爲太
平之民飲和食德亦當爲 國家盡力夫古之人躬耕隴
畝卽以天下爲己任况所經營區畫者迺吾父母之邦乎
爾等果能在一區則爲一區設法在一都則爲一都設法
以佐本縣之所不及豈僅爲一鄉之善士哉實 朝廷所
嘉賴也且近旬晴雨知時田禾暢茂園蔬豆麥之屬郁郁
正盛行將與爾士民共慶豐年也如有奸宄不法之徒乘
荒滋事許卽嚴拏究治富民見本縣如此勸諭自應踴躍
從事卽萬一有慳吝之家亦祇許公正紳耆稟明如有聚

眾勒買勒借藉報私仇尤當重行究辦不赦見今誤入迷途者果能急自回頭亦槩行省宥與以自新縣中林總莫非吾之赤子枷杖鞭扑之下傷爾等之身體髮膚如傷本縣之身體髮膚也本縣亦何忍而爲此無如稂莠不除嘉禾不植爾等蔑法而我復棄法是良民無以自存也言及此本縣自思德化之不逮致令爾等受苦悔已莫追今因公務甚繁不得親自循行勸諭特選請公正之士代達本縣之意所有救荒條目開列於後爾士民宜各靜聽焉

一自古救荒良策盡善盡美者莫如以工代賑歷查湘鄉數被大水小河多被高山土石填塞河日高而田日下自

後偶逢水至遂不能容故田畝荒廢者不少今將田改爲
河河易爲田貧者因公以營食富者散財以集事救一時
之荒卽以除百世之患亦何憚而不爲此其或有渠可開
修橋道鑿池塘等工望亟亟施行

一有無相通鄰友之義近因狡黠之徒慣行賺騙故富民
多不借貸自後有欲興工糶給而無本資者須請的保向
富民用二分息借貸書約曰某年月日某人憑某借到某
人銀錢穀米若干以爲救荒費限某時完如過時不完本
縣代爲追比如差役從中需索合勺分釐定行革責

一每區須設一二廠或三四廠凡鄉邨有穀者自行節省

計所餘盡入公局過官斛每石一千六百文本區有餘則分潤鄰區鄰都不許阻禁若或不敷須趕緊於各處糴買按次貧戶口造冊量減發糴惟有一種奸人糴賤糴貴希圖漁利定行重究有極貧者亦造明戶口冊隨便按日給之外來流民能設法安集賑恤更爲可嘉是所望於仁人君子但久飢之人腸胃乾細不可食飯卽粥亦不可多食餓久驟飽有立死者恐活命適以傷生故更諄諄致囑焉一減糴及賑濟費資一區雖小每日所需不下數千須按畝派費田一畝助錢五十文有田在此區而田東不在此區者則向田東派取或佃與地方暫行代出亦可於定額

外有好善樂捐者或數百文數千文不等須公同刊石垂名不朽多至二三千以上者爲義士百千以上者爲尙義士二百千以上者爲一等尙義士四百千以上者爲上等尙義士六百千以上者爲上上等尙義士本縣暫行親送匾額決不食言又如米商能於各處販運發糶除本息外不營分毫之利糶穀百石者卽如捐錢十千者論功又富民貸錢百千不取息者不拘日月遠近總與捐錢十千者論功餘凡上下於此及行善不拘成格者可類推矣公費有餘則擇公正謹愨而有恆產者掌之以待用可也如有託名辦公而實藉以肥私者一經拏訪定行重究

約本邑同志擊賊榜文

鑫不敏謬以忠鯁微質爲友朋所期許去秋粵匪竄擾省垣邑侯朱籌辦防堵鑫隨諸君子後帶勇守卡數月深藉羣力我縣安堵如故冬十二月張撫憲札募壯勇防堵省垣邑侯復欲鑫偕諸君子帥之以行師友輩亦強相促鑫以老親在堂不敢遠離且年少識淺難任大事固辭不獲以臘月二十八日帶勇下省正月下旬因衡山土匪滋事鑫奉各大憲札委偕楚勇前往剿辦幸賴眾士奮勇遂能屢有斬獲嗣五月初又奉札來郴州剿辦江廣土匪一戰於江西再戰於興甯始以數百之眾當十倍之賊繼以甚

憲之卒敵極強之匪幸各友朋智勇兼優諸士卒忠義奮發均剋日蕩平大獲全勝斯時鑫已屢上書各大憲乞歸故里稍遂讀書之願未蒙俯允詎料昨二十日忽得前月二十四慘報云我勇往援江西者是日與粵匪戰城下已獲大勝殺斃長髮賊二百餘名因窮追失算致縣中謝君春池易君臨莊羅君介山羅君曉山陣亡各勇殉者復七十餘人鑫比聞此言不禁肝裂髮指屢及於庭劍及門外而諸友亦皆腸斷淚乾恨不得立嚼此輩之肉迺即日招魂痛哭祭奠亡友亡勇與各勇共誓議倡復仇之舉而興問罪之師適桂東孫闖青邑宰曾捐貲養二千精勇見在

廣西慨然許奎撥來相助剋期可到留省湘勇見尙有千餘人奎已稟懇各大憲準奎率以同往并懇準添募想必鑒此愚忱允如所請而我營中各勇亦咸願歸家邀集同志誓將粵匪掃除不留餘孽上雪 國家之恥下成死者之志卽以樹萬世不朽之勳昨接 欽憲來函云日內

我湘義士至省求往江西殺賊者已數十人均給路費陸續令往皆稱必報此仇誓不與賊俱生因深嘆我湘忠義男子之多竊思縣內志士仁人得聞者固多而未得聞者諒尙不少故先著人回湘徧榜通衢凡我同邑之人有願出而殺賊立功者望趕緊在家精操武藝精製器械俟奎

近日回湘飛信傳集按名發給口糧如有不需工食仗義從戎及謝易羅三家與各匹勇之親屬友朋有思復仇之士擬標爲義勇別設一營均須預揀技擊約齊各伴侶以待更有家乏人力願捐貲助饗以成義舉者金亦必分別詳請議敘如稍相負天實鑒之又前革勇回縣與地痞等橫造謠言以致各勇家中萬分憂懼晝夜焦盼深堪痛恨嗣後遇有此等惡徒逞口舌以恐嚇眾志阻撓義舉者望我同志之人密爲緝拏或送縣尊嚴行究辦或送做營以軍法治罪金自當重酬決不食言都人士必多諒我苦衷嘉我微志不惜一臂之助也臨書情切不勝懸望懇禱之

至

興甯勸辦團練示

爲剴惻曉諭事照得廣匪
多遭慘害而興甯爲尤甚
莫不髮指細詢其故及匪
勇已徹四鄉士民又未能
長驅入境蹂躪城鄉如匪
眾橫行直入毫無阻滯至
將該匪蕩平掃清境內空
難測廣匪痛經懲創縱人

起本委員奉各大憲檄勦辦郴桂土匪不能常駐一隅但
既目擊此等情形日夜思維十分焦灼不能不爲爾士民
籌百年永安之計熟思從古以官衛民不若使民自衛尤
爲結實可靠前明王文成公平宸逆之亂舉行團練保甲
而南贛於是帖然近如朱石翹明府宰我湘鄉因粵匪竄
擾省城日以保甲團練爲急務而該匪不敢入境其法至
美其效至速良不誣也興甯地當江廣之衝人煙稠密五
方雜處外賊從而煽惑良民勾引匪黨固所時有則欲求
可以保民之道斷非練團練族不可練團練族之行在附
郭以保城爲主在四境以守卡爲要互相稽察互相救應

根莠鋤之良善翼之斯內匪無自作外寇不能入法之善莫過於此除一面會同在城文武各官急傳四鄉紳民人等趕緊來城商議按剿土匪及辦係甲團練章程并勸捐外合函出示仰紳民人等作速奉行富者出資貧者出力各首士皆秉公持正造福一鄉不得稍挾私意爾鄉民亦當仗義急公同心協力不得少生阻隔本委員擬暫留五六日俟此處稍有頭緒復轉桂東辦理團練餘匪事務回省日再來此地查察如果辦理得力定當分別稟請優獎儻仍疲玩不遵或奉行故事則不但爾等自貽伊戚無所底止本委員亦當從重究辦決不寬宥爾紳民縱不爲

國家出力起見獨不爲身家性命起見乎其各竭力舉行其圖成效庶前害已除後患不至復萌於以仰答各大憲諄諄愛民之至意本委員實深有厚望焉懍之慎之切切此諭

郴州勸辦團練堵剿示

爲剴切曉諭團練認真堵剿事照得逆匪孤踞一城米鹽鴉煙久經斷絕困獸思逞理有固然當此大兵兜圍殲滅定在指顧四境團練較賊十倍之多如果志切同仇有進無退豈不一勞永逸其係身家查各團殺賊者固不少民心不齊一者亦或有之推原其故皆因紳耆議論多而成

功少致使蚩蚩之氓偷一旦之苟安忘全家之巨禍殊不知攻剿喫緊之際能抔力一舉即可永享昇平各安生業其計不出此者豈因在上之人未嘗實力倡率歟茲本道同戚州尊兼採鄉評擇本境公正紳耆專辦局務俾事權歸於劃一不得互有嫌隙貽誤大事特編練鄉兵之法數則刪卻繁文均切目前實濟刊發頒示爲此札諭各紳耆等無事則申明紀律練習膽技有事則預選精銳鼓勵衝鋒進則賞功退則正法務使萬人一心和衷其濟或有敗匪鋌而走險蹂躪鄉邨各隘尤宜隄防晝夜輪番發探一聞有警則各鄉呼吸響應一面飛報大營前後夾擊庶不

致地方重遭慘害此賴董事紳耆實力實心不辭勞不避
怨血性任事方能盡善盡美至連日以來各團戰功本道
已會同咸州尊核明將尤爲出力者具稟撫憲如有現在
殺賊次數最多者該紳耆等會同秉公查明姓名具報本
道按其勞績賞給品級頂戴先頒賜撫憲執照如始終奮
勇再加優係該紳民旣救目前之慘禍又見轉瞬之顯榮
利害旣已昭然應如何奮興鼓舞無負本道保衛桑梓一
片苦心甚勿視爲具文自貽後患而干憲典懔之慎之軍
法不可玩也特諭

勸辦江永團練諭帖

爲諭知事照得富川股匪雖經本道勦敗逃竄見在盤踞其逆蹤竄向尙未可知我楚駐防之官軍雖屬可恃究形單薄清萑苻而衛桑梓非團練不爲功况當此邊防喫緊之時萬不可稍爲鬆勁但團練之行必須富者出財貧者出力方可竝行不悖查爾各團糧戶尙屬不少務卽踴躍捐輸源源接濟俾各丁壯等同心協力眾志成城庶上可以報國下可以保身奈何慳吝之人資寇盜偏齎極艱之糧而衛地方反吝應出之費此等喪心病狂之人殊堪痛恨儻有仍蹈前轍本道一經查出卽治以通匪之罪該紳等其慎公辦理協同黃備蕭弁嚴爲防堵毋稍疎虞竝

確探情形飛速稟報慎勿視爲具文自貽後患而負本道
一片苦心也切切此諭

勸辦崇蒲各屬團練示

爲嚴切曉諭認真團練事照得本道連年出師粵境肅清
楚邊屢以千餘之兵立破數萬之寇原萑苻之初起黨羽
無多因團練之不堅脅從日眾本道親茲情狀揆厥由來
實係地方紳民徇私辦事畏蕙偷安不肯同力同心甘受
其害直似自屠自戮夫復何尤見在已鑒前車爭圖後效
畜三年之艾眾志成城聯千里之團羣兇破膽報國恩
而蒙上賞係家室已獲明徵此利害之判然不待賢哲而

始知也迺者本道統領大軍進剿崇通蒲咸興大各邑與
下游孫分府大兵夾擊刻下上游官兵已分抵平江巴陵
臨湘各隘下游官兵已分抵興國咸甯蒲圻各隘剋期並
進力埽賊氛嚴勵三軍秋毫無犯誓必擒渠擣窟斬草除
根永靖地方重甦民命惟該處紳民人等若能未雨而綢
繆練團以自衛何至任賊姦淫擄掠塗炭鄉閭驅民轉徙
流離飢寒道路與其同歸於盡何如計議從長本道鑒粵
疆之情形度此方之事勢莫如重整團練方係百姓安居
雖辦團之勞貧富皆苦較遭賊之慘天壤相形愚民難與
始謀本道何忍不教合行先爲剴切曉諭爲此合仰各屬

紳民人等知悉速卽血誠共矢敵愾同仇編查境內居民
趕造清冊擇立局中首事商定章程因時因地制宜本道
不須條約與官與民一氣董事更要和衷派費惟均赤貧
者不計揭單曉示侵蝕者必懲不有私心之疑亦無解體
之慮尤在資財節省器械精工擘劃周詳辦事結實清鄉
族以除內匪設偵探以緝外奸無事則挑選壯丁訓練得
法有警則合力堵剿退縮必誅更宜唇齒互援無分畛域
呼吸相應共衛身家至於戰守機宜還望隨時應變或層
層設卡以守隘或步步爲營以進攻如有勞績著彰自當
優獎破格欲賴經猷永久尤須功罪分明儻有陽奉陰違

阻圍通賊損人利己假公濟私或邪說獨倡致壞大局或
慳吝便己不顧遠圖若此行爲殊堪痛恨一經本道察覺
定以軍法示懲決不姑息養奸貽百姓無窮之害庶幾合
力弭患建一勞永逸之功速宜仰體本道念切民瘼推誠
布公之至意實所厚望焉懍之慎之毋違特示

崇陽設局辦圍諭札

爲札委事照得崇陽地方屢定屢亂倏匪倏良其罪不在
編氓而在紳士如果前此局中董事紳耆公忠各奮其矢
血誠無黨無偏捍衛桑梓何至使鄰境凶頑遂其覬覦鄉
關父老無可保全所謂眾志成城巖疆足恃者皆自棄之

誠堪痛也本道連年用兵每見自保之區與自敗之地實由人心之公私有以致之百不爽一茲訪聞崇通當時局紳襄理公務多有挾私舞弊徒事虛文致使人心不一自罹敗機卽如歛費一事括數萬脂膏以資練團究徒有團練之名而無其實際偶聞風鶴之警卽思苟全之計或棄其田宅以遠逃或傾其財貨而媚賊甚至衣冠之族詩禮之家亦往往如是舉平日之所以責人而恥爲者一旦身蹈不惜毋怪乎民心渙散之速也茲經本道戡定之初自應與之更始力整團練以固人心慎擇賢良以司局務合行札委爲此札仰該紳等卽設立總局妥爲籌商重整團

規和衷共濟立條約則期於可久可遠以便易於施行派
捐費則祇取上戶中戶而毋近於逼勒費用宜節私利宜
除編民甲以禦外侮清鄉族以除內奸舉有廉恥者以充
保長擇有勇技者以練團丁有事擇隘嚴防保其巖阻無
事務農敦本供厥錢糧清議宜存是非無混其石屋洪橋
雷駱等堡首先倡議與賊爲仇者可謂見義忘生實堪振
頑起懦所有死事之家宜時存問陣亡之勇宜祀昭忠著
清叛產建立忠祠庶幾重節義以挽頹風慰忠魂而彰順
逆至若移風易俗於人心思治之時尤事半而功倍諸如
此類皆刻不可緩之要務也亟宜次第舉行以定民志本

道以生民休戚爲念不敢告勞自今伊始該紳等當如何
仰體此意方不負平生讀書如有成效自應擇尤破格優
保以鼓將來儻查有畏蕙徇私以及剛愎柔奸用事蹈從
前故轍者法所必誅各宜自愛加勉毋孤本道委任之至
意切切此札

江西勸辦團練示

咸豐七年六月

爲痛切曉諭事照得粵匪竄擾以來我父老子弟困苦極
矣劫殺擄掠覓生無由拷勒姦淫求死不得轉溝壑者尙
爲令終散四方者猶幸苟活回憶二百年以來飲和食德
於光天化日之中其苦樂爲何如也本道連年用兵兩粵

兩湖轉戰數千里奉 國威靈所向無前巨股以次削平
而去歲兩奉 諭旨飭援江右時以鄂境尙待肅清不
獲早來致吾民久困水火心竊痛焉邇來率師抵江會合
吉臨瑞潯官軍密圍各郡孤城檻獸釜魚固不容一名漏
網以害吾民而五旬九大捷殺賊數萬解散脅從亦數萬
吉安甯都所屬地方已一律肅清見在次第埽蕩撫建二
郡誓必盡殄羣凶始行凱撤旋楚惟思以民衛民終不如
使民自衛故欲爲民籌久安之策斷非團練不爲功本道
每至一處必以此爲至急之務至要之圖最初於本籍湘
鄉行之而效矣繼於桂東行之而效矣嗣是以後行諸永

郡行諸郴桂二郡以及廣西之恭城富川等處廣東之連
州東陂觀等處近更行諸湖北通城崇陽蒲圻通山等處
而皆效矣其始民畏賊而賊益逞毒其後民殺賊而賊且
化爲良得失利害不較自明性命身家非此莫係矧江西
從古以來其推聲明文物之邦忠孝節義之藪何至今日
任賊橫行荼毒凌辱一至於此本道每念及之輒裂眦碎
齒恨不一霎時食盡逆賊之肉以洒大恥而雪公憤想我
父老子弟應有同情也爲此諭仰紳民人等速卽激發天
良血誠共矢集團練勇因地制宜爾等不可稍存意見本
道亦勿預定章程荷戈殺賊者始爲丈夫拔其尤而厚其

賞造謠惑眾者卽是真匪戮其身而籍其家雷厲風行力
振頑懦之習忠肝義膽斬盡觀望之心共鑒前車勉圖後
效本道重念生民素嚴軍令勺水而外不取於民一文不
清亦梟厥首凡我士庶想其見聞而又思本道以東西南
北之人不能不爲吾民謀久遠自強之計此其苦衷尤堪
其白爾紳民尙其敬聽余言而速行之切切此諭

祭殉難羊樓司岳州城諸公文

維咸豐六年秋九月辛未王鑫率勇至岳越三日甲戌謹
具酒殺招前年殉難羊樓司岳州城諸友及勇夫隨營人
等之魂而哭之曰嗚呼荅州諸兄殉難不已兩載有餘耶

而銜猶覩然人世也覩然人世而未能爲 國家驅除大
難覩然人世而未能爲斯民奠安厥居覩然人世而徒東
奔西馳并所以慰忠魂而彰盛節者尙遲遲其有待嗚呼
銜之生不如兄等之死銜之生而負疚不如兄等之死而
無媿矣悲哉嗚呼天不欲遽平大亂故以蒼洲兄之誠篤
正大爲吾黨冠而死楚池恪臣之沈靜忠實而死德卿碧
笙青軒敦元諸君之強毅有爲而死卽如各勇之中或奮
不顧身危不忘主而多相從以死兄等死而弟之勢孤兄
等死而弟之責愈重禍亂日熾民生日蹙忠魂待慰盛德
待揚惟恃此區區之血誠以求遂此萬不獲已之苦心而

未知天竟何如命竟何如也嗚呼痛哉方今粵西羣盜如
毛粵東邊患不靖東而接壤江右在在須防西而毗連黔
境紛紛多故鑫以北路防剿喫緊率勇來此睹岳城而血
淚迸流望羊樓而悲腸寸斷爰具酒殺藉展哀悃伏冀矜
其情而鑒納之且率义勇匹夫及隨營人等共享之嗚呼
輾轉之愚忱罄竹莫訴忠義之靈爽與天長存當共作伍
胥化潮之氣行睢陽擊賊之心佑我士卒殄茲醜類庶鑫
之苦心可白而兄等之靈亦可稍慰矣嗚呼哀哉尙饗

王壯武公遺集卷二十四終

湘潭朱士宜校勘